



Theodore
Besterman

249

THE UNIVERSITY OF CHICAGO
LIBRARY
1215 EAST 58TH STREET
CHICAGO, ILL. 60637
TEL. 733-4131
1968


NOT A MEMBER OF THE
LIBRARY OF THE UNIVERSITY OF CHICAGO
1968

CAROLI SIGONII
FASTI CONSVLARES,
ac triumphī acti

A ROMVLO REGE VSQVE AD
T I. C A E S A R E M.

EIVSDEM IN FASTOS, ET TRIVMPHOS,
IDEST IN VNIVERSAM ROMANAM
HISTORIAM COMMENTARIVS.

Eiusdem de Nominibus Romanorum liber.



VENETIIS, M. D. LVI.
Apud Paulum Manutium, Aldi F.

Cum priuilegio Illustriss. Senatus Veneti,
in annos X X.

CAROLIS GONIIFAS

THE HISTORY OF

THE HISTORY OF

THE HISTORY OF

THE HISTORY OF

THE HISTORY OF

THE HISTORY OF

THE HISTORY OF

THE HISTORY OF

Digitized by the Internet Archive
in 2011, with funding from

Research Library, The Getty Research Institute



THE HISTORY OF

THE HISTORY OF

THE HISTORY OF

THE HISTORY OF

ILLVSTRISS. ET POTENTISS.

FERRARIENSIVM DVCI

HERCVLI II.

CAROLVS SIGONIVS. S.



OMANI Populi res, domi forisue gestas, HERCVLES DVX POTENTISSIME, qui hoc tempore scribere, aut aliquo pacto literis illustrare aggrediuntur, ij mihi demum videntur in has potissimum duas posse hominum reprehensiones incurrere. nam & ab ijs, qui eas satis habere splendoris ex antiquorum monumentis putant, impudentiæ; et ab ijs, qui amissa earum ornamenta nulla restituere ratione posse censent, imprudentiæ ne accusentur, eis ualde pertimescendum est. Impudentis enim iudicabunt esse, ea, quæ T. Liuius, ac Dionysius Alicarnassensis, ceterique Romanarum antiquitatum scriptores grauissime, ornatissimeq; tractarunt, uelle attingere; imprudentis uero, quæ tenebris uetustatis oppressa prorsus obsoleuerunt, ea sine antiquorum monumentorum ope aggredi renouare. Me uero tantum abest, ut harum huiusmodi reprehensionum suspicio ullo unquam tempore perturbarit, ut nullum grauius, aut maius studium esse duxerim, in quo ipse uel uberiore aliorum cum utilitate, uel nonnulla mea etiam cum laude, siqua modo mea potest esse laus, elaborarem. presertim uero, si aut alia ratione ijsdem de rebus scriberem, ac prisca illi fecerunt; aut quæ, ueteribus eorum monumentis uel deletis, uel deprauatis, obscurissima his temporibus facta sunt, quantum per ea, quæ supersunt, illorum fragmenta licet, illuminarem. neque enim ignorare te arbitror. DVX MAXIME, fato nescio quo populi R. misero contigisse, ut quo quisque de rebus eius gestis accuratissime, atque elegantissime scripserat, illius maxime libros hoc tempore, aut omnino desideremus, aut magna ex parte mutilatos, et corruptos habeamus. Hac igitur ratione adductus, cum totam magistratuum Romanorum descriptionem annuam labantem, & inconstantem, eandemque multis partibus imperfectam apud omnes rerum Ro. scriptores esse intelligerem, cumque summam in annis ab Vrbe condita numerandis eorum dissensionem, & errorem esse animaduertirem; suscepi laborem hoc tempore omnibus, ut putauit, futurum utilissimum; ut de Romanis magistratibus pro annorum ratione descriptis, deq; illorum triumphis breuiter ea traderem, quæ mihi diutius, ac diligentius inquirenti ea, quæ relicta sunt, antiquitatis monumenta suppeditarent. Hoc enim si fecissem, speraui me totam populi R. historiam, quam plerique superioribus temporibus carptim tractarant, breuiter uno quasi corpore posse completis; cuius cognitio cum per se iucundissima, tum uero etiam ad Latincrum scripta illustranda, quod fieri maxime cupiebam, quam accomodatissima esset futura. Hoc igitur dicere non dubitabo, me ut ad hunc laborem accederem, primum communi utilitate adductum fuisse; deinde uero, cum iam re essem ipsam aggessus, Dei quodammodo ipsius uoluntate commotum, in eam acrius in dies incubuisse. Nam cum in hac scriptione ueterum & historiarum, & lapidum amissa monumenta desiderarem: tum diuino credo esse consilio factum, primum, ut Dionysius, ac Dio, quorum Græca exemplaria iam pridem incredibili legendi cupiditate flagrabam, aut certe illorum particula Græcis literis exarata ex Gallijs in Italiam afferretur; deinde uero, ut eodem propè etiam tempore, Romæ in fero ipso Romano, uetustissimorum marmorum fragmenta quædam effoderentur, atque in Capitolio exponerentur, in quibus hæc ferè magistratuum ratio, quæ ipse animo designaueram, iamq; inchoaueram, erat incisa. quorum fragmentorum exemplum satis accurate, quantum ego intelligere poteram, à Bartholemæo Marliano descriptum cum legissem; ac quanta inde percipi utilitas posset, animaduertissem; incredibile est, quam ualde ad eam, quam inchoaueram, descriptionem perficiendam fuerim inflammatus. neque uero tantummodo ad id, quod institueram, absoluendum sum inflammatus, sed ad mutandum etiam, quod initio ceperam, consilium ea sum lectione impulsus. Nam cum prætores, tribunos pl. ædiles curules, aliosq; eiusmodi magistratus annuos à principio colligere instituissem; omnes tamen his notatis Capitolinorum marmorum inscriptionibus mihi omittendos esse decreui: partim, quod auctorum eorum, quos habemus, incuria me reperire omnes posse diffidebam; partim, quod in his ite Capitolinis tabulis eos esse prætermisos intelligebam. abunde autem satisfactum iri huic parti putauit, si re

gum, consulum, & dictatorum fastos una cum eorum triumphis ex annorum ordine distinctos notasse. quum potissimum rationem illi mihi uidebantur, qui his olim incidendis marmoribus præfuerant, studiosissime conseruasse. quorum cum ego diligentiam, & in illis describendis magistratibus incredibilem quendam historię Romanę scientiam admirarer; feci illud, ut non solum eorum lapidum testimonia ad hos, quos institueram, fastos conscribendos adhiberem, sed eodem etiam tempore illa, quę fracta, & plurimis in locis exesa erant effossa, quoad possem, restituerem. Itaque hoc facto, quod omnibus meus labor illustrior esset, atque eodem etiam tempore, & utilitatis aliorum, & meę diligentię rationem haberem, marmorum uerba maioribus, mea uero, ut minoribus literis distinguerebantur, curauim. in eo tantum ab illorum ratione recessi, quod triumphos, quos illi separatim inciderant, ipse sub annuis magistratibus subieci; nimirum eo consilio, ut qui hæc nostra legissent, uno aspectu omnia unius anni maxime memorabilia populi R. facta cognoscerent. Cum autem hanc totam descriptionem à Romulo rege usque ad T. Cæsarem per octingentos ferme annos perduxissem, atque in ea consicienda uarijs annalium, lapidum, & minorum ueterum testimonijs usus essem; tum uisum est, quo omnibus magis ea, quę scripseram, probarem, librum ad iungere; in quo cum rationem singulatim earum rerum omnium redderem, quę à me in magistratibus, & triumphis digerendis essent scriptę; tum etiam, quę in fragmentis horum Capitolinorum, ut dixi, marmorum essent incisa partim explicarem, partim etiam uetustorum monumentorum, quot quot habemus, sententia confirmarem. Itaque liber ille cōtinere omnem propè Romanę rationem historię uidetur. etenim in eo non solum hæc omnia, quę in Fastis, & Triumphis descripta sunt, ueterum testimonio comprobamus, sed si quando illi parum nobis diligentes in historię expositione uideantur fuisse, notamus; si qua inter eos de re, aut de annis controuersia sit, non omitimus; de nominum Romanorum causis, usque latissime disputamus; clarissimam, atque antiquissimam quancunque familiam ferè à stirpe describimus, quique in ea clari uiri fuerint, & magistratus ceperint, subteximus; ex qua descriptione facile illustrium uiro- rum, eorumque præsertim, quos tantopere admirari solemus, certissimę propagines cognoscentur. Atque ex his quidem rebus omnibus, quantum nos prodesse uoluerimus alijs, apparebit. neque enim omnino quā- tum cupiebamus, consequi propter manca ipsa, ut dixi, Romanarum rerum monumenta potuimus. quod si nobis ita suppeditauerit, atque Deus ipse nostris coëptis aspirauerit, non uereor, ne hæc ipsa, quę nunc etiam multis partibus imperfecta eduntur, longe omnium perfectissima aliquando ad posteros eodem operā me nauante perueniant. cui quidem rei polliceor me, quoad potero, nullo inquam tempore defuturū. Hoc autem, quod nunc editur, **DVX POTENTISSIME**, ego in tuo potissimum clarissimo nomine diuulgari, atque apparere non solum uolui, sed id etiam facere me debere existimaui. neque enim uideo, cui potius ocij mei fructus dedicem, quā tibi, cuius præsertim singulari prudentia, & mihi, & ceteris, qui in isto tuo beato degunt imperio, pacate, quieteq; in hoc eiusmodi literarum curriculo licet uersari. atque etiam sic intelligo, ut omnem superiorem literarum calamitatem in eos iure, qui tum terris imperabant, esse translata, quorum incuria omnium bonarum artium studia labefactata obsoleuerunt, ita omnem earum restitutionem, quę his temporibus facta est, in hos merito, qui nunc terras regunt, esse conferendam; quorum singulari in gubernandis regionibus sapientia hæc ipsa studia non solum reparata, sed multo etiam nitidiora facta esse, quam ante fuerant, uidentur. ex quorum tu numero omnium hominum iudicio uisus es haud extremum locum semper obtinuisse.

ut ut tamen res est, me certe, cum iam pridem & me ipsum, mea que omnia tibi, in cuius imperio & natus, & educatus sum, consecrauerim, hos etiam paruulos ingenij, atque industrię meę quasi foetus quosdam dedicasse, atque auctoritatis tuę grauisimo numine fultos in uulgus edidisse, nunquam poenitebit.

Vale. Mutinæ.

Id. Mart.

M. D. L.

FASTI CONSVLARES

ac Triumphi acti,

A ROMVLO REGE VSQVE

AD TI. CAESAREM.

R E G E S.

Romulus Rex Regnavit.

Romulus Rex De Caeninensibus. Et Antemnatis Primus Triumphavit.

Idemque Spolia Opima Rettulit

Caeninensium

Romulus Rex. II. De Camerineis.

Romulus Rex. III. De Fidenatibus. Et Veientibus.

Interreges

Numa Pompilius Pomponis F. Rex.

Tullus Hostilius Hosti. F. Hosti. N. Rex.

Tullus Hostilius Hosti. F. Hosti. N. Rex. De Albanis.

Tullus Hostilius Hosti. F. Hosti. N. Rex. I. De Fidenatibus.

Tullus Hostilius Hosti. F. Hosti. N. Rex. III. De Sabineis.

Ancus Marcius Numæ F. M. N. Rex

Ancus Marcius Numæ F. M. N. Rex. De Veientibus.

Ancus Marcius Numæ F. M. N. Rex. II. De Sabineis

L. Tarquinius Damarati F. Priscus. Rex.

L. Tarquinius Damarati. F. Priscus. Rex. De Latineis

L. Tarquinius Damarati. F. Priscus. Rex. II. De Etruscis

L. Tarquinius Damarati. F. Priscus. Rex. III. De Sabineis.

Ser. Tullius. Rex.

Ser. Tullius. Rex. De Etruscis.

Ser. Tullius. Rex. II. De Etruscis.

Ser. Tullius. Rex. III. De Etruscis.

Ser. Tullius. Rex

L. Tarquinius. L. F. Damarati. N. Superbus. Rex.

L. Tarquinius. L. F. Damarati. N. Superbus. Rex. De Volscis.

L. Tarquinius. L. F. Damarati. N. Superbus. Rex. De Sabineis.

Annos. XXXVII.

Anno. V. C. IIII. //

Rege Acron Interfecto.

Anno. XVI. K. Sextilib.

An. / / / Idib. Octob.

Annun. I.

Annos. XLIII.

Annos. XXXII.

Ann. / / / / / L L

Ann. / / / / / L L

Ann. / / / / / L L

Annos. XXIV.

Ann. / / / / / L L

Ann. / / / / / L L

Ann. XXXVII.

Ann. / / / / / L L

Ann. / / / / / L L

Ann. CXX // Idib. Sext.

Annos. XLV.

VI. K. Dec. A. CXXCII.

VIII. K. Iun. A. CXXCVI.

Ann. CXXC // IIII. Non. //

Lustrum Fecit. I. II. III. IIII.

Annos. XXV.

Ann. / / / /

Ann. / / / /

C O N S V L E S.

L. Iunius. M. F.

Brutus. In Mag. Posteaquam Sibi

Conleg. Subrog. Occis. Est. In Eius Loc. Fact. Est.

Sp. Lucretius.

Tricipitinus.

In Mag. Mortuus Est. In Eius Loc. Fact. Est.

M. Horatius.

Pulvillus.

P. Valerius. Volusi. F. Poplicola. Cos. Primus De

L. Tarquinius. = = Aruntis. N.

Collatinus.

Coactus Abdicavit. In Eius Loc. Fact. Est.

P. Valerius Volusi. F.

Qui In Hoc Honore

Poplicola

Appellatus

Est.

Ann. CCXLIV. K. Mart.

P. Valerius. Volusi. F.

Poplicola. II.

T. Lucretius. T. F.

Tricipitinus. Lustr. F. V.

P. Valerius. Volusi. F.

Poplicola. III.

M. Horatius

Pulvillus. II.

Sp. Lartius.

Flavius.

T. Herminius.

Aquilinus.

M. Valerius. Volusi. F.

P. Postumius. Q. F.

Tubertus.

M. Valerius. Volusi. F.

Cos. De Sabineis.

Ann. CCXLVIII. = = =

P. Postumius. Q. F.

Tubertus.

Cos. De Sabineis.

Ann. CCXLVIII. = = =

P. Valerius. Volusi. F.

Poplicola. IIII.

T. Lucretius. T. F.

Tricipitinus. II.

P. Valerius. Volusi. F. Poplicola. II. Cos. IIII. De Sabineis. Et Veientibus. An. CCXLIX. = = Nonas Mai.

P. Postumius. Q. F.

Tubertus. II.

Agrippa Menenius. C. F.

Lanatus.

P. Postumius. Q. F.

Tubertus.

Cos. II. Ovens Primus De Sabineis. Ann. CCL III. Non. Apr.

Agrippa Menenius. C. F. Lanatus

Cos. De Sabineis.

Ann. CCL.

Præie Non. Apr.

Opiter Virginius

Tricostus.

Sp. Cassius

Vigellinus.

Sp. Cassius

Vigellinus.

Cos.

De Sabineis

Ann. CCLI. = = =

Postumius Cominius.

Auruncus.

T. Lartius

Flavius.

Ser.

FASTI CONSULARES.

Ser. Sulpicius. P. F.	Camerinus.	M. Tullius.	Longus. In Mag. M. E.
P. Veturius	Geminus.	T. Aebutius. T. F.	Elua.
T. Lartius	Flauus. II.	Q. Cloelius	Siculus.
T. Lartius	Flauus. Dictator	Primus.	Sedit. Sedandae. Et Rei Gerundae Caussa.
Sp. Cassius	Viscellinus.	Magister Eq. Primus.	
A. Sempronius	Atratinus.	M. Minucius	Augurinus.
A. Postumius. P. F.	Albus. Regillensis.	T. Virginius	Tricoftus.
A. Postumius. P. F.	Albus. Regillensis.	Dictat.	Rei Gerund. Caussa.
T. Aebutius. T. F.	Elua.	Mag. Eq.	
A. Postumius. P. F.	Albus. Regillensis.	Dict. Primus.	De Latinels. An. CCLVII. = = =
M. Claudius	Regillensis Sabinus.	P. Seruilius. P. F.	Priscus.
A. Virginius. A. F.	Tricoft. Coelimonatanus.	T. Veturius	Geminus.
M. Valerius Volusi. F.	Qui	Dict.	
In Hoc Honore	Maximus. Appell. Est.		Sedit. Sedandae. Et Rei Ger. Caussa.
Q. Seruilius. P. F.	Priscus	Mag. eq.	
M. Valerius Volusi. F.	Dict.	De	Ann. CCLIX. / / /
CCLX. Sp. Cassius	Viscellinus. II.	Sabinels.	Auruncus. II. L. F. VII.
T. Geganus	Macerinus.	Postunus Cominius.	Augurinus.
A. Sempronius	Atratinus. II.	M. Minucius	Augurinus. II.
Q. Sulpicius	Camerin. Cornutus.	Sp. Lartius	Flauus. II.
C. Iulius. L. F.	Iulus.	P. Pinarius	Mamercinus.
Sp. Nautius.	Rutilus.	Sex. Furius	Fusus.
C. Aquillius.	Tuscius.	T. Sicinius.	Sabinus.
T. Sicinius	Sabinus.	Cos.	De Volsceis.
C. Aquillius	Tuscius.	Cos.	De Herniceis.
Sp. Cassius	Viscellinus. III.	Procule Virginius	Ann. CCLXVI. / / / /
Sp. Cassius Viscellinus. II.	Cos. III.	De Volsceis. Et Herniceis.	Ann. CCLXVII. / / / / Iun.
Q. Fabius. K. F.	Vibulanus.	Ser. Cornelius. L. F.	Maluginensis.
L. Aimilius. Mam. F.	Mamercus.	K. Fabius. K. F.	Vibulanus.
CCLXX. M. Fabius. K. F.	Vibulanus.	L. Valerius Volusi. F.	Potitus Volusius.
C. Iulius. C. F. L. N.	Iulus.	Q. Fabius. K. F.	Vibulanus. II.
K. Fabius. K. F.	Vibulanus. II.	Sp. Furius. / / / . N.	Fusus.
Cn. Manlius. P. F.	Cincinnatus. In Mag.	Occis. Est.	Vibulanus. II.
K. Fabius. K. F.	Vibulanus. III.	T. Virginius. / / . T. N.	Tricoft. Rutil.
L. Aimilius. Mam. F.	Mamercus. II.	C. Seruilius	Structus. Ahala.
		In Mag. Mort. Est.	In Eius Loc. F. E.
		C. Cornelius.	Lentulus. Aquilinus.
C. Horatius. M. F.	Pulvillus.	T. Menenius Agrippae. F. C. N.	Lanatus.
A. Virginius	Tricoftus. Rutilus.	Sp. Seruilius.	Structus.
P. Valerius. P. F. Volusi. N.	Poplicola.	C. Nautius. Sp. F. Sp. N.	Rutilus.
P. Valerius. P. F. Volusi. N.	Poplicola. Cos. De Veientib.	Sabin eisque.	Ann. CCLXXIIX. K. MAI.
L. Furius	Medullinus.	A. Manlius	Vulso. Lustrum. F. VII.
A. Manlius	Vulso. Cos. Ouans	De Veientibus.	Ann. CCLXXIX. Idibus Mart.
CCXXC. L. Aimilius Mam. F.	Mamercus. III.	Vopiscus Iulius	Iulus.
P. Furius	Fusus.	L. Pinarius	Mamercinus.
T. Quinctius	Capitolinus.	Ap. Claudius. M. F.	Sabinus.
L. Valerius. Volusi. F.	Potitus. II.	Ti. Aimilius. L. F. Mam. N.	Mamercin.
A. Virginius. A. F. A. N.	Coelimonatanus.	T. Numicius	Priscus.
T. Quinctius	Capitolin. II.	Q. Seruilius. Q. F. P. N.	Priscus.
T. Quinctius	Capitolinus. Cos. II.	De Antiatibus.	A. CCXXCV. / / / /
Ti. Aimilius. L. F. Mam. N.	Mamercin. II.	Q. Fabius. M. F. K. N.	Vibulanus.
Sp. Postumius. A. F. P. N.	Albus Regillensis.	Q. Seruilius. Q. F. P. N.	Priscus. II.
Q. Fabius. M. F. K. N.	Vibulanus. II.	T. Quinctius	Capitolinus. III. L. F. IX.
A. Postumius. A. F. P. N.	Albus Regillensis.	Sp. Furius	Medullinus. Fusus.
P. Seruilius. Sp. F. P. N.	Priscus.	L. Aebutius	Elua. In Mag. M. E.
CCXC. L. Lucretius. T. F. T. N.	Tricipitinus.	T. Veturius. T. F. P. N.	Geminus. Cicurin.
L. Lucretius. T. F. T. N.	Tricipitinus. Cos.	De Aequis.	An. CCXCI. / / / /
			T. Veturius.

T. Veturius. T. F. P. N.	Geminus. Cicurinus. Cos. Quans De Volsceis.	Ann. CCXCI. IIII.
P. Volumnius. M. F. M. N.	Amintin. Gallus. Ser. Sulpicius. Ser. F. P. N.	Camerinus.
P. Valerius. P. F. Volufi. N.	Poplicola. II.	C. Claudius. M. F.
In Mag. mortuus est. In Eius. L. F. E.		Regillens. Sabinus.
L. Quinctius. L. F. L. N.	Cincinnatus.	
Q. Fabius. M. F. K. N.	Vibulanus. III.	L. Cornelius. Ser. F. L. N. Maluginensis. Cossus. L. F. X.
Q. Fabius. M. F. K. N.	Vibulanus. Cos. III. De Aqueis.	An. CCXCIII. Nonis Mai.
L. Cornelius. Ser. F. L. N. Maluginensis. Cossus. Cos. De Volsceis	Antiatib. IV. Id. Mai. An. CCXCIV.	
C. Nautius. Sp. F. Sp. N.	Rutilus. II.	L. Minucius.
		Coactus
		abdicavit.
L. Quinctius. L. F. L. N.	Cincinnatus. Dict.	
L. Tarquitiu. L. F.	Flaccus. Mag. Eq.	Rei Ger. Caussa.
L. Quinctius. L. F. L. N.	Cincinnatus. Dict. De Aqueis. Idibus. Septembr.	An. CCXCV.
C. Horatius. M. F. M. N.	Puluillus. Q. Minucius.	Augurinus.
M. Valerius. M. F. Volufi. N.	Maximus. Sp. Verginius.	Coelimon. Tricoftus.
T. Romilius. T. F. T. N.	Rocus Vaticanus. C. Veturius.	Cicurinus.
Sp. Tarpeius. M. F. M. N.	Montana / I	A. Aterius.
CC Sex. Quinctilius. Sex. F. P. N.	In M. M. E.	P. Horatius.
P. Sextius. Q. F. Vibi. N.	Capitolinus. T. Menenius. T. F. Agripp. N.	Tergeminus.
Ap. Claudius. Ap. F. M. N.	Crafsinus. T. Genucius. L. F. L. N.	Lanatus.
	Abdicarunt. Vt Designarentur Legum frendarum caussa	Augurinus.
	Decemuiri Consulare s. Qui per II. Annos. Reip. Praefuerunt.	
Ap. Claudius. Ap. F. M. N.	Crafsinus. Sp. Postumius. A. F. P. N.	Albus. Regillens.
T. Genucius. L. F. L. N.	Augurinus. Ser. Sulpicius. Ser. F. P. N.	Camerinus.
Sp. Veturius. Sp. F. P. N.	Crafsinus. P. Sextius. Q. F. Vibi. N.	Capitolinus.
C. Iulius. C. F. L. N.	Iulus. T. Romilius. T. F. T. N.	Rocus Vaticanus.
A. Manlius. Cn. F. P. N.	Vulfo. P. Horatius.	Tergeminus.
Ap. Claudius. Ap. F. M. N.	Crafsinus. II.	Q. Fabius. M. F. K. N.
M. Cornelius. Ser. F. L. N.	Maluginensis. M. Rabuleius.	Vibulanus.
L. Minucius.	Augurinus. Q. Poetelius.	
T. Antonius.	Merenda. K. Duilius.	
M. Sergius.	Sp. Oppius.	Cornicen.
Ap. Claudius. Ap. F. M. N.	Crafsinus. III.	Q. Fabius. M. F. K. N.
M. Cornelius. Ser. F. L. N.	Maluginensis. II.	M. Rabuleius.
L. Minucius.	Augurinus. II.	Q. Poetelius.
T. Antonius.	Merenda. II.	K. Duilius.
M. Sergius.	II.	Sp. Oppius.
	Abdicarunt Ob Libidinem Ap. Claudij. In Eorum Locum Facti Sunt Cos.	Cornicen. II.
L. Valerius. P. F. P. N.	Poplicola. Potitus. M. Horatius. M. F. M. N.	Barbatus.
M. Horatius. M. F. M. N. Barbatus. Cos. De Sabinis.	Ann. CCCIV. VII. K. Septembr.	
L. Valerius. P. F. P. N. Poplicola. Potit. Cos. De Aqueis.	Idibus Sextil. Ann. CCCIV.	
Lar Herminius.	T. Verginius.	Coelimon. Tricoftus.
M. Geganius. M. F.	Macerinus. C. Iulius	Iulus.
T. Quinctius.	Capitolin. IIII.	Agrippa Furius.
M. Genucius. L. F. L. N.	Augurinus. C. Curtius.	Fufus.
A. Sempronius. A. F.	Atratinus.	
T. Cloelius.	Siculus.	TRIBVNI MILIT. CONS. POTES.
L. Atilius.	Longus.	
	Vitio Facti Abdicarunt. In Eorum Loc. Facti Sunt Cos.	
L. Papirius.	Mugillanus. L. Sempronius. A. F.	Atratinus.
CCX. M. Geganius. M. F.	Macerinus. II.	T. Quinctius.
M. Geganius. M. F. Macerinus. Cos. De Volsceis.	Ann. CCCX. Nonis Septemb.	Capitolin. v.
Censores Primi. L. Papirius.	Mugillanus. L. Sempronius. A. F.	Atratin. L. F. XI.
M. Fabius. Q. F. M. N.	Vibulanus. Postumus Aebutius.	Elua Cornicen.
G. Furius.	Fufus. Pacilus. M. Papirius.	Crafsus.
		Proculus

FASTI CONSVLARES.

Proculus Geganius.	Macerinus.	L. Menenius. T. F. Agripp. N.	Lanatus.
T. Quinctius.	Capitolinus. VI.	Agrippa Menenius. T. F. Agripp. N.	Lanatus.
L. Quinctius. L. F. L. N.	Cincinnatus. II.	Dict.	
C. Servilius. Q. F. C. N.	Axilla.	Mag. Eq. Seditionis Sedandae causa.	
Mam. Aemilius. M. F.	Mamercinus.		
L. Quinctius. L. F. L. N.	Cincinnatus.	TRIB. MIL.	
L. Iulius Vopisci. F.	Iulus.		
M. Geganius. M. F.	Manercinus. III.	L. Sergius. C. F. C. N.	Qui In Hoc
		Honore Fidenas	Appellatus Est.
Mam. Aemilius. M. F.	Mamercinus.	Dict.	
L. Quinctius. L. F. L. N.	Cincinnatus.	Mag. Eq.	Rei Ger. Causa.
Mam. Aemilius. M. F. Mamercinus.	Dict. De Faliscis. Veientib. Et Fidenatib. An. CCCXVI. Idib. Sept.		
M. Cornelius. M. F. Scr. N.	Maluginensis.	L. Papirius.	Crassus.
C. Iulius.	Iulus. II.	L. Virginus.	Tricoctus.
Q. Servilius. P. F. Sp. N.	Priscus. Qui	Dict.	
In Hoc Honore Fidenas	Appell. Est.		Rei Ger. Causa.
Postumus Acbutius	Elua. Cornicen.	Mag. eq.	
Censor. C. Furius.	Fusus. Pacilus.	M. Geganius. M. F.	Macerinus. L. F. XII.
C. Iulius.	Iulus. III.	L. Virginus.	Tricoctus. II.
Mam. Aemilius. M. F.	Mamercinus. I.	Dict.	
A. Postumius.	Tubertus.	Mag. eq.	Rei Gerund. Causa.
M. Fabius. Q. F. M. N.	Vibulanus.		
CCCXX. M. Foslius.	Flaccinator.	TRIB. MIL.	
L. Sergius. C. F. C. N.	Fidenas.		
L. Pinarius.	Mamercus.		
L. Furius.	Medullinus.	TRIB. MIL.	
Sp. Postumius	Albus Regillens.		
T. Quinctius. L. F. L. N.	Pennus. Cincinnat.	C. Iulius.	Mento.
A. Postumius.	Tubertus.	Dict.	
L. Iulius Vopisci. F.	Iulus.	Mag. eq.	Rei Gerundae Causa.
A. Postumius.	Tubertus. Dict. De Aequis. Et Volscis.		Ann. CCCXXII. / /
L. Papirius.	Crassus. II.	L. Iulius Vopisci. F.	Iulus.
L. Sergius. C. F. C. N.	Fidenas. II.	Hostus Lucretius.	Tricipitinus.
T. Quinctius. L. F. L. N.	Cincinnat. Pennus. II.	A. Cornelius.	Cossus.
A. Cornelius.	Cossus. De	Veientibus.	Isque Spolia Opima
Rettulit Ducē	Hostium Larte.	Tolumnio Interfecto.	Ann. CCCXXV. = = =
C. Servilius. Q. F. C. N.	Axilla.	L. Papirius	Mugillanus. II.
T. Quinctius. L. F. L. N.	Pennus. Cincinnat.	C. Furius.	Pacilus. TR II
M. Postumius	Albus Regillens.	A. Cornelius.	Cossus.
Mam. Aemilius. M. F.	Mamercinus. III.	Dict.	
A. Cornelius. M. F. L. N.	Cossus.	Mag. eq.	Rei Gerund. Causa.
Mam. Aemilius. M. F.	Mamercinus. I.	Dict. III.	De Veientibus
Et Fidenatibus		An. CCCXXVII. = = =	
A. Sempronius. L. F. A. N.	Atratinus.	L. Furius.	Medullinus. II. TR II
L. Quinctius. L. F. L. N.	Cincinnatus. II.	L. Horatius.	Barbatus.
Ap. Claudius. Ap. F. Ap. N.	Crassus.	Sp. Nautius. Sp. F.	Rutilus.
L. Sergius. C. F. C. N.	Fidenas. II.	Sex. Iulius.	Iulus. TR II
Cens.			L. F. XIII.
CCCXXX. C. Sempronius. A. F. A. N.	Atratinus.	Q. Fabius. Q. F. M. N.	Vibulanus.
L. Manlius.	Capitolinus.	Q. Antonius.	Merenda. TR II
L. Papirius.	Mugillan.	L. Servilius.	Structus.
T. Quinctius. T. F.	Capitolin. Barbat.	N. Fabius. Q. F. M. N.	Vibulanus.
N. Fabius. Q. F. M. N.	Vibulanus. Cos.	Ouans. De Aequis.	An. CCCXXXII. = = =
			T. Quinctius.

T. Quinctius. L. F. L. N.	Penn. Cincinnatus. II.	M. Manlius.	Capitolinus. TR. MIL.
L. Furius.	Medullinus. III.	A. Sempromius. L. F. A. N.	Atratin. II.
Agrippa Menenius. T. F.	Agripp. N. Lanatus.	Sp. Nautius. Sp. F. Sp. N.	Rudus. TR. MIL.
P. Lucretius. Hosti. F.	Tricipitinus.	C. Seruilius. Q. F. C. N.	Axilla.
M. Papirius.	Mugillanus.		
C. Seruilius. Q. F. C. N.	Axilla. II.	TR. MIL.	
L. Sergius. C. F. C. N.	Fidenas. III.		
Q. Seruilius. P. F. Sp. N. Priscus	Fidenas. II.	Dict.	
C. Q. F. C. N.	Axilla. II.	Mag. eq.	Rei. Ger. Caussa.
Cens. L. Papirius.	Mugillanus.		L. F. XIV.
P. Lucretius Hosti. F.	Tricipit. II.	Sp. Veturius.	Crassus. TR. MIL.
Agrippa Menenius. T. F. Agripp. N.	Lanat. II.	L. Seruilius.	Structus. II.
A. Sempromius. L. F. A. N.	Atratinus. III.	M. Papirius	Mugillanus. II. TR. MIL.
Q. Fabius. Q. F. M. N.	Vibulanus.	Sp. Nautius. Sp. F. Sp. N.	Rutilus. II.
P. Cornelius. = = = N.	Coffus.	Quinctius.	Cincinnatus. TR. MIL.
C. Valerius. L. F. Volufi. N.	Potitus Volufus.	N. Fabius. Q. F. M. N.	Vibulanus.
Q. Fabius. Q. F. M. N.	Vibulanus. II.	Cn. Cornelius.	Coffus. TR. MIL.
P. Postumius. A. F. A. N.	Albinus Regillensis.	L. Valerius. L. F. P. N.	Potitus.
M. Cornelius.	Coffus.	L. Furius. L. F. Sp. N.	Medullinus.
Cens. = = =			L. F. XV.
Q. Fabius. M. F. Q. N.	Ambustus.	C. Furius. C. F.	Pacilus.
M. Papirius.	Mugillanus.	C. Nautius.	Rutilus.
M'. Aimilius. Mam. F. M. N.	Mamercinus.	C. Valerius. L. F. Volufi. N.	Potitus. Volufus.
C. Valerius. L. F. Volufi. N.	Potitus Volufus Cos.	Ouan= De Aequis.	Ann. CCCXLI. = = =
Cn. Cornelius.	Coffus	L. Furius. L. F. Sp. N.	Medullin. II.
C. Iulius. L. F. Vopifci. N.	Iulus.		
P. Cornelius. A. F. M. N.	Coffus.	TR. MIL.	
C. Seruilius. P. F. Q. N.	Ahala.		
P. Cornelius. M. F. L. N.	Rutilus Coffus.	Dict.	
C. Seruilius. P. F. Q. N.	Ahala.	Mag. eq.	Rei Gerundae. Caussa.
C. Valerius. L. F. Volufi. N.	Potit. Volufus. II.	C. Seruilius. P. F. Q. N.	Ahala. II.
L. Furius. L. F. Sp. N.	Medullinus.	N. Fabius. Q. F. M. N.	Vibulanus. II. TR. MIL.
P. Cornelius. M. F. L. N.	Rutilus Coffus.	L. Valerius. L. F. P. N.	Potitus. II.
Cn. Cornelius.	Coffus.	N. Fabius. M. F. Q. N.	Ambustus. TR. MIL.
C. Iulius. L. F. Vopifci. N.	Iulus. II.	M'. Aimilius Mam. F. M. N.	Mamercinus.
T. Quinctius.	Capitolin. Barb.	L. Furius. L. F. Sp. N.	Medullinus. II. TR. MIL.
Q. Quinctius.	Cincinnati.	A. Manlius. A. F. Cn. N.	Vulfo Capitolin.
P. Cornelius.	Maluginensis.	Sp. Nautius. Sp. F. Sp. N.	Rutilus. III.
Cn. Cornelius.	Coffus. II.	C. Valerius. L. F. Vol. N.	Potit. Voluf. III. TR. MIL.
K. Fabius. M. F. Q. N.	Ambustus.	M'. Sergius. L. F. L. N.	Fidenas.
M'. Aimilius. Mam. F. M. N.	Mamercin. II.	M. Furius.	Fufus.
Ap. Claudius. Ap. F. Ap. N.	Crassus.	L. Iulius.	Iulus. TR. MIL.
M. Quinctilius.	Varus.	L. Valerius. L. F. P. N.	Potitus. III.
Cens. M. Furius.	Camillus. M. P. Postumius.	A. F. A. N.	Albinus Regillens. L. F. XVI.
C. Seruilius. P. F. Q. N.	Ahala. III.	Q. Sulpicius. Ser. F. Ser. N.	Camerin. Cornut.
Q. Seruilius. Q. F. P. N.	Priscus Fidenas.	A. Manlius. A. F. Cn. N.	Vulfo Capitol. II. TR. MIL.
L. Virginius.	Tricostus.	M'. Sergius. L. F. L. N.	Fidenas. II.
L. Valerius. L. F. P. N.	Potitus. III.	L. Iulius. L. F. Vopifci. N.	Iulus.
M. Furius.	Camillus.	M'. Aimilius Mam. F. M. N.	Mamercin. III. TR. MIL.
Cn. Cornelius.	Coffus. II.	K. Fabius. M. F. Q. N.	Ambustus. II.
P. Licinius.	Caluus. Primus E Plebe.	P. Maelius. Sp. F. C. N.	Capitolinus.
P. Maenius.		L. Furius. L. F. Sp. N.	Medullinus. TR. MIL.
L. Titinius.		L. Publius. L. F. Voler. N.	Philo Vulscus.
M. Pomponius.		L. Atilius. K. F. K. N.	Longus.
			L. Valerius.

F A S T I C O N S V L A R E S .

C. Duilius.		M. Veturius. Ti. F. Sp. N.	Crass. Cicurin. TR.
Cn. Genucius.	Augurinus.	Voler. Publ. lius. P. F. Voler. N.	Philo.
L. Valerius. L. F. P. N.	Potitus. V.	L. Furius. L. F. Sp. N.	Medullin. 3. III.
M. Valerius.	Maximus.	M. Furius.	Camillus. II. TR.
Q. Servilius. Q. F. P. N.	Priscus Fidenas. II.	Q. Sulpicius. Ser. F. Ser. N.	Camerin. Cornut. II.
L. Iulius. L. F. Vopisci. N.	Iulus. II.	L. Furius. L. F. Sp. N.	Medullinus. III.
L. Sergius.	Fidenas.	A. Postumius.	Albinus Regillensis. TR.
P. Cornelius.	Maluginensis. II.	A. Manlius. A. F. Cn. N. Vulso.	Capitolin. III.
	Vitio Facti	Abdicarunt.	
Cens.			L. F. X V I I .
P. Licinius. P. F.	Calvus.	L. Titinius.	II.
Cn. Genucius.	Augurinus. II. In Mag. Occis. E.	P. Maenius.	II. TR.
L. Atilius. K. F. K. N.	Longus. II.	P. Maclius. Sp. F. C. N.	Capitolinus. II.
M. Furius.	Camillus.	Dict.	Rei Ger. Caussa.
P. Cornelius.	Scipio.	Mag. Eq.	
M. Furius.	Camillus. Dict.	De Veientibus.	Ann. CCCLVII. = = =
P. Cornelius.	Cossus.	P. Cornelius.	Scipio.
M. Valerius.	Maximus. II.	K. Fabius. M. F. Q. N.	Ambustus. III. TR.
L. Furius. L. F. Sp. N.	Medullinus. V.	Q. Servilius. Q. F. P. N.	Priscus Fidenas. III.
M. Furius.	Camillus. III.	L. Furius. L. F. Sp. N.	Medullinus. VI.
C. Aemilius.	Mamercinus.	L. Valerius.	Poplicola. TR.
Sp. Postumius.	Albinus Regillensis.	P. Cornelius.	Scipio. II.
CCCLX. L. Lucretius.	Flavius.	Ser. Sulpicius.	Camerinus.
L. Valerius. L. F. L. N.	Potitus.	M. Manlius.	Capitolinus.
Censor. C. Iulius.	Iulus.	L. Papirius.	Cursor. L. F. X V I I I .
In Mag. Mort. Est.	In. E. L. F. E.		
M. Cornelius.	Maluginensis.		
L. Valerius. L. F. L. N.	Potitus Cos.	De Aequis.	An. CCCLXI.
M. Manlius.	Capitolin. Cos.	De Aequis.	An. CCCLXI.
L. Lucretius.	Flavius.	Ser. Sulpicius.	Camerinus.
M. Aemilius.	Mamercinus.	L. Furius. L. F. Sp. N.	Medullinus. VII. TR.
Agrippa Furius.	Fusus.	C. Aemilius.	Mamercinus. II.
Q. Fabius. M. F. M. N.	Ambustus.	Q. Sulpicius.	Longus.
K. Fabius. M. F. M. N.	Ambustus.	Q. Servilius. Q. F. P. N.	Priscus Fidenas. III. TR.
C. Fabius. M. F. M. N.	Ambustus.	Ser. Cornelius. M. F.	Maluginensis.
M. Furius.	Camillus. II.	Dict.	Rei Ger. Caussa.
L. Valerius. L. F. L. N.	Potitus.	Mag. eq.	
M. Furius.	Camillus. II. Dict. II.	De Galleis.	An. CCCLXIII. Idibus Febr.
M. Furius.	Camillus. II.	Dict.	Mag. Sine Cos. Hoc Anno Continuar.
L. Valerius.	Potitus.	Mag. eq.	
L. Valerius.	Poplicola. II.	L. Virginius.	Tricoftus.
P. Cornelius.		A. Manlius. A. F. A. N.	Capitolinus. TR.
L. Aemilius. L. F.	Mamercinus.	L. Postumius.	Regillensis. Albinus.
M. Furius.	Camillus. III.	Dict.	
C. Servilius.	Abala.	Mag. eq.	Rei Ger. Caussa.
M. Furius.	Camillus.	III.	De Volscis.
Aequis.	Etrusceis.	An.	CCCLXIII.
T. Quinctius.	Cincinnatus.	Q. Servilius. Q. F. P. N.	Priscus Fidenas. V.
L. Iulius.	Iulus.	L. Aquilius.	Corvus. TR.
L. Lucretius.	Tricipitinus.	Ser. Sulpicius.	Rufus.
L. Papirius.	Cursor.	C. Sergius.	Fidenas.
L. Aemilius.	Mamercin. II.	L. Menenius.	Lanatus. TR.
L. Valerius.	Poplicola. III.	C. Cornelius.	
M. Furius.	Camillus. III.	Ser. Cornelius. M. F.	Maluginensis. II.
Q. Servilius. Q. F. P. N.	Priscus Fidenas. V.	L. Quinctius.	Cincinnatus. TR.
			L. Horatius.

L. Horatius.	Pulvillus.	P. Valerius. L. F. L. N.	Poplicola Potitus.
A. Manlius. A. F. A. N.	Capitolinus. II.	T. Quinctius.	Capitolinus.
P. Cornelius.		L. Quinctius.	Capitolinus. TR. MIL.
L. Papirius.	Cursor. II.	C. Sergius.	Fidenas. II.
A. Cornelius. A. F. M. N.	Cossus.	Dict.	
T. Quinctius.	Capitolinus.	Mag. eq.	Seditionis Sedandae. Et R. G. C.
A. Cornelius.	Cossus.	Dict.	De
Ser. Cornelius. M. F.	Maluginensis. III.	P. Valerius. L. F. L. N.	Potitus Poplicola. II.
LXX. M. Furius.	Camillus. V.	Ser. Sulpicius.	Rufus. II. TR. MIL.
C. Papirius.	Crassus.	T. Quinctius	Cincinnatus. II.
L. Valerius.	Poplicola. III.	L. Lucretius.	Tricipitinus. II.
A. Manlius. A. F. A. N.	Capitolinus. III.	L. Aimilius.	Mamercinus. III. TR. MIL.
Ser. Sulpicius.	Rufus. III.	M. Trebonius.	Flauus.
Sp. Papirius.	Crassus.	Q. Servilius. Q. F. Q. N.	Priscus Fidenas.
L. Papirius.	Crassus.	Ser. Sulpicius. M. F.	Praetextatus. TR. MIL.
Ser. Cornelius. M. F.	Maluginensis. III.	L. Aimilius.	Mamercinus. III.
M. Furius.	Camillus. VI.	L. Furius. Sp. F. L. N.	Medullinus.
A. Postumius	Regillensis.	L. Postumius.	Albinus Regillensis. TR. MIL.
L. Lucretius.	Tricipitinus. III.	M. Fabius. K. F. M. N.	Ambustus.
L. Valerius.	Poplicola. V.	L. Menenius.	Lanatus. II.
P. Valerius.	Potitus Poplicola. III.	Sp. Papirius. L. F.	Cursor. TR. MIL.
C. Sergius.	Fidenas. III.	Ser. Cornelius. M. F.	Maluginensis. V.
Cens. C. Sulpicius.	Camerinus.	Sp. Postumius.	Regillensis.
Abdicavit.		In Mag.	Mortuus
	In Eorum Locum Facti Sunt.		Est.
			Vitio Facti Abdicarunt.
T. Quinctius.	Cincinnatus.	Dict.	
A. Sempronius.	Atratinus.	Mag. eq.	Rei. Ger. Causa.
T. Quinctius.	Cincinnatus.	Dict.	De Praenestinis.
P. Manlius. A. F. A. N.	Capitolinus.	C. Sextilius.	An. CCCLXXIIII. =
C. Manlius.	Capitolinus.	M. Albinus.	TR. MIL.
L. Iulius.	Iulus.	L. Antistius.	
Sp. Furius. Sp. F. L. N.	Medullinus.	P. Cloelius.	Siculus.
Q. Servilius. Q. F. Q. N.	Priscus Fidenas. II.	M. Horatius.	Pulvillus. TR. MIL.
C. Licinius.	Calvus.	L. Geganius.	Macerinus.
Cens. Sp. Servilius.	Priscus.	Q. Cloelius	Siculus. L. F. X I X.
L. Aimilius. L. F.	Mamercinus. V.	Ser. Sulpicius. M. F.	Praetext. II.
P. Valerius. L. F. L. N.	Potitus Poplicola. III.	L. Quinctius.	Cincinnatus. II. TR. MIL.
C. Veturius.	Crassus. Cicurinus.	C. Quinctius.	Cincinnatus.
C. Licinius. C. F. P. N.	Calvus.		
L. Sextius. Sex. F. N. N.	Sextin. Lateran.	Trib. Pl. Sine Curul. Mag.	
C. Licinius. C. F. P. N.	Calvus. II.		
L. Sextius. Sex. F. N. N.	Sextin. Lateran. II.	Trib. Pl. Sine Curul. Mag.	
C. Licinius. C. F. P. N.	Calvus. III.		
L. Sextius. Sex. F. N. N.	Sextin. Lateran. III.	Trib. Pl. Sine Curul. Mag.	
E. Licinius. C. F. P. N.	Calvus. III.		
L. Sextius. Sex. F. N. N.	Sextin. Lateran. III.	Trib. Pl. Sine Curul. Mag.	
C. Licinius. C. F. P. N.	Calvus. V.		
L. Sextius. Sex. F. N. N.	Sextin. Lateran. V.	Trib. Pl. Sine Curul. Mag.	
			actus est.
			t. dedicavit.
L. Furius. Sp. F. L. N.	Medullinus. II.	P. Valerius. L. F. L. N.	Potitus Poplicola. V.
A. Manlius. A. F. A. N.	Capitolinus.	Ser. Sulpicius. M. F.	Praetext. III. TR. MIL.
C. Valerius.	Potitus.	Ser. Cornelius. M. F.	Maluginensis. VI.
			Q. Servilius.

F A S T I C O N S V L A R E S .

Q. Servilius. Q. F. Q. N.	[Prisc. Fidenas. III.	M. Cornelius.	Maluginensis.
C. Veturius.	Crassus. Cicurinus. II.	Q. Quinctius.	Cincinnatus. TR
A. Cornelius	Cossus.	M. Fabius. K. F. M. N.	Ambustus. II.
L. Quinctius.	Capitolin.	Sp. Servilius. C. F. C. N.	Structus.
Ser. Cornelius. M. F.	Maluginensis. VII.	L. Papirius. Sp. F. C. N.	Crassus. TI
Ser. Sulpicius. M. F.	Praetextat. III.	L. Veturius. L. F. Sp. N.	Crassus Cicurinus.
M. Furius.	Camillus. III.	Di.	
L. Aemilius. L. F.	Mamercinus.	Mag. eq.	Rei Gerundae Causa.
Ob. Edictum In Milites Ex S. C. Abdicarunt. In Eorum Locum Facti Sunt.			
P. Manlius. A. F. A. N.	Capitolinus.	Di.	
C. Licinius.	Calvus. Prius. E Plebe.	Mag. Eq.	Seditionis Sedandae. Et. R. G. C.
A. Cornelius.	Cossus. II.	L. Veturius. L. F. Sp. N. Crassus. Cicurinus. II.	
M. Cornelius.	Maluginensis. II.	P. Valerius. L. F. L. N.	Potitus Poplicola. VI. TR
M. Geganius.	Macerinus.	P. Manlius. A. F. A. N.	Capitolinus. II.
M. Furius.	Camillus. V.	Di.	
T. Quinctius.	Pennus. Cincinnatus.	Mag. eq.	Rei Gerundae Causa.
M. Furius.	Camillus. IIII. Di. V.	De Galleis.	An. CCCXXCVI. = = =

C O N S V L E S E P L E B E P R I M V M C R E A R I C O E P T I .

L. Aemilius.	Mamercinus.	L. Sextius. Sex. F. N. N. Sextin. Lateran.	Primus e plebe.
Cens. = Postumius.	Regillensis Albinus.	C. Sulpicius. M. F. Q. N.	Peticus.
L. Genucius. M. F. Cn. N.	Auentinensis.	Q. Servilius. Q. F. Q. N.	Ahala.
C. Sulpicius. M. F. Q. N.	Peticus.	C. Licinius. C. F. P. N.	Calvus.
CCCXC. L. Aemilius. L. F.	Mamercinus. II.	Cn. Genucius. M. F. M. N.	Auentinensis.
L. Manlius. A. F. A. N. Capitolinus.	Imperioffus.	Di.	
L. Pinarius.	Natta.	Mag. eq.	Clau. Fig. Causa.
Cens. M. Fabius. K. F. M. N.	Ambustus.	L. Furius. Sp. F. L. Nepos Medullinus. L. F. XX.	
Q. Servilius. Q. F. Q. N.	Ahala. II.	L. Genucius. M. F. Cn. N.	Auentinensis. II.
Ap. Claudius. P. F. Ap. N.	Crassus Sabina.	Regillensis.	Di.
= Servilius.	Priscus.	Mag. eq.	Rei Gerundae Causa.
C. Licinius. C. F. P. N.	Calvus. II.	C. Sulpicius. M. F. Q. N.	Peticus. II.
T. Quinctius.	Barbatus. Capitolinus	Crispinus. Di.	
Ser. Cornelius. = M. N.	Maluginensis.	Mag. eq.	Rei Gerund. Causa.
C. Sulpicius. M. F. Q. N.	Peticus. Cos. II.	De Herniceis.	An. CCCXCII. = = =
M. Fabius. N. F. M. N.	Ambustus.	C. Poetelius. C. F. Q. N.	Libo Vifolus.
Q. Servilius. Q. F. Q. N.	Ahala.	Di.	
T. Quinctius.	Capitolin. Crispinus.	Mag. Eq.	Rei Gerund. Causa.
C. Poetelius. C. F. Q. N. Libo. Vifolus.	Cos. De Galleis. Et Tiburtibus.	An. CCCXCIII. = = Mart.	
M. Fabius. N. F. M. N. Ambustus.	Cos. Ouans. De Herniceis.	An. CCCXCIII. Non. Sept.	
M. Popillius. M. F. C. N.	Laenas.	Cn. Manlius. L. F. A. N.	Capitolin. Imperioff.
C. Fabius.	Ambustus.	C. Plautius. P. F. P. N.	Proculus.
C. Sulpicius. M. F. Q. N.	Peticus.	Di.	
M. Valerius.	Poplicola.	Mag. eq.	Rei Gerund. Causa.
C. Sulpicius. M. F. Q. N. Peticus. II.	Di.	De Galleis.	Ann. CCCXCV. Nonis. Mai.
C. Plautius. P. F. P. N. Proculus.	Cos. De Herniceis.	Ann. CCCXCV. Idibus. Mai.	
C. Marcius. L. F. C. N.	Rutilus.	Cn. Manlius. L. F. A. N.	Capitolinus Imperioff. II.
C. Marcius. L. F. C. N. Rutilus.	Cos. De Priuernatibus.	Ann. CCCXCVI. K. Iun.	
M. Fabius. N. F. M. N.	Ambustus. II.	M. Popillius. M. F. C. N.	Laenas. II.
C. Marcius. L. F. C. N. Rutilus.	Primus E Plebe.	Di.	
C. Plautius. P. F. P. N.	Proculus.	Mag. eq.	Rei Gerund. Causa.
C. Marcius. L. F. C. N. Rutilus.	Di.	Tusceis.	Ann. CCCXCVII. Pridie Non. Mai.
C. Sulpicius. M. F. Q. N.	Peticus. III.	M. Valerius.	Poplicola.
M. Fabius. N. F. M. N.	Ambustus. III.	T. Quinctius.	Barbatus Capitolin. Crispinus.
M. Fabius. N. F. M. N. Ambustus. II.	De Tiburtibus.	Ann. CCCXCIX. III. Non. Iun.	
C D. C. Sulpicius. M. F. Q. N.	Peticus. IIII.	M. Valerius.	Poplicola. II.
T. Manlius. L. F. A. N.	Imperioff. Torquat.	Di.	
A. Cornelius. P. F. A. N.	Cossus Aruina.	Mag. eq.	Rei Gerund. Causa.
P. Valerius.	Poplicola.	C. Marcius. L. F. C. N.	Rutilus. II.
			C. Iulius.

B E L L V M S A M N I T I C V M.

D. X.	M. Valerius. M. F. M. N.	Coruus. III.	A. Cornelius. P. F. A. N.	Cossus Aruina.
	M. Valerius. M. F. M. N. Coruus. II. Cos. III.	De Samnitibus.	Ann. CDX. X. K. O&.	
	A. Cornelius. P. F. A. N. Cossus Aruina. Cos.	De Samnitibus.	Ann. CDX. VIII. K. O&.	
	Q. Scruilius. Q. F. Q. N.	Abala.	C. Marcius. L. F. C. N.	Rutilus. III.
	M. Valerius. M. F. M. N.	Coruus.	Dict.	
	L. Aimilius. L. F. L. N. Mamercinus Priuernas. II.	Mag. eq.	Rei Ger. Caussa.	
	L. Aimilius. L. F. L. N.	Maniercinus Priuernas.	C. Plautius. C. F. C. N.	Hypsæus. II.
	T. Manlius. L. F. A. N.	Imperioß. Torquat. III.	P. Decius. Q. F.	Mus. Qui se deuouit.
	T. Manlius. L. F. A. N. Imperioßus Torquat. Cos. III.	De Latineis.	Campaneis. A. C. D. XIII.	
	Sidicineis	Aurunceis.	X V. K. Iunias.	
	L. Papirius. L. F. M. N.	Craßus.	Qui Idem Praetor Erat. Dict.	
	L. Papirius. Sp. F. L. N.	Curfor.	Mag. eq.	Rei. Ger. Caussa.
	Ti. Aimilius.	Manericius.	Q. Pubilius. Q. F. Q. N.	Philo.
	Q. Pubilius. Q. F. Q. N.	Philo Cos.	De Latineis.	Ann. CDXIV. Idib. Ianuar.
	Q. Pubilius. Q. F. Q. N.	Philo.	Dict.	
	D. Iunius.	Brutus. Scaena.	Mag. eq.	Rei Ger. Caussa.
	L. Furius. Sp. F. M. N.	Camillus.	C. Maenius. P. F. P. N.	
	L. Furius. Sp. F. M. N. Camillus. Cos.	De Pedaneis. Et Tiburtibus.	An. CDXV. III. K. O&.	
	C. Maenius. P. F. P. N. Cos.	De Antiatibus. Lauinieis. Veliterneis.	An. CDXV. Pridie. K. O&.	
	C. Sulpicius. Ser. F. Q. N.	Longus.	P. Ailius.	Pactus.
	C. Claudius. Ap. F. Ap. N.	Craßus. Sabinius.	Regillens. Dict.	
	C. Claudius.	Hortator.	Mag. eq.	Rei. Ger. Caussa.
		Vitio Facti	Abdicarunt.	
	L. Papirius. L. F. M. N.	Craßus.	K. Duilius.	
	M. Valerius. M. F. M. N.	Coruus. III.	M. Ailius. M. F.	Regulus.
	M. Valerius. M. F. M. N. Coruus. III. Cos.	I V.	De Caleneis.	

F A S T I C O N S V L A R E S .

An.	C	D	X	I	X																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																																														
-----	---	---	---	---	---	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--

Cens.					
L. Plautius. L. F. L. N.	Venno.	M. Foslius. C. F. M. N.	Flaccina <i>for.</i>		
Cens. L. Papirius. L. F. M. N.	Crassus.	C. Mainius. P. F. P. N.	Lustrum Fecer. XXV.		
Q. Aemilius. Q. F. L. N.	Barbula.	C. Iunius. C. F. C. N.	Bubulcus Brutus.		
Sp. Nautius. Sp. F. Sp. N.	Rutilus.	M. Popillius. M. F. M. N.	Laenas.		
L. Aemilius. L. F. L. N. Mamerc.	Priuernas.	II. Dict.			
L. Fulvius. L. F. L. N.	Curvius.	Mag. eq.	Rei Gerund. C.		
L. Papirius. Sp. F. L. N.	Curfor. IV.	Q. Poblilius. Q. F. Q. N.	Philo. III.		
Q. Fabius. M. F. N. N. Maximus Rullianus.			Dict. R. G. C.		
Q. Aulus. Q. F. Q. N. Cerretan. In Proelio		Occisus est. In Eius. L. F. Est. Mag. eq.			
C. Fabius. M. F. N. N.	Ambustus.	Mag. eq.			
M. Poetelius. M. F. M. N.	Libo.	C. Sulpicius. Ser. F. Q. N.	Longus. III.		
C. Mainius. P. F. P. N.	II.	Dict.			
M. Foslius. C. F. M. N.	Flaccinator.	Mag. eq.	Rei. Gerund. Caussa.		
C. Sulpicius. Ser. F. Q. N. Longus.	Cos. III.	De Samnitibus. Anno. CDXXXIX. K. Quint.			
L. Papirius. Sp. F. L. N.	Curfor. V.	C. Iunius. C. F. C. N.	Bubulcus Brutus. II.		
C. Poetelius. C. F. C. N.	Libo Vifolus.	Dict.			
M.	M. F. M. N.	Libo.	Mag. eq.	Rei Gerund. Caussa.	
M. Valerius. M. F. M. N.	Maximus.	P. Decius. P. F. Q. N.	Mus.		
C. Sulpicius. Ser. F. Q. N.	Longus.	Dict.			
C. Iunius. C. F. C. N.	Bubulcus Brutus.	Mag. Eq.	Rei Gerund. Caussa.		
Cens. Ap. Claudius. C. F. Ap. N.	Caecus.	C. Plautius. C. F. C. N. Qui In Hoc. L. F. XXVI.			
		Honore Venox Appellatus Est.			
M. Valerius. M. F. M. N. Maximus Cos. De Samnitibus. Soraneisq. Ann. CDXXXI. Idib. Sext.					
C. Iunius. C. F. C. N.	Bubulcus Brutus. III.	Q. Aemilius. Q. F. L. N.	Barbula. II.		
C. Iunius. C. F. C. N. Bubulcus Brutus. Cos. III. De Samnitibus.	An. CDXLII. Nonis Sext.				
Q. Aemilius. Q. F. L. N.	Barbula Cos. II. De Etrusceis.	An. CDXLII. Idib. Sext.			
Q. Fabius. M. F. N. N.	Maxim. Rullian. II.	C. Marcius. C. F. L. N. Rutilus. Qui Postea.			
		Cenforinus Appellatus Est.			
L. Papirius. Sp. F. L. N.	Curfor. II.	Dict.			
C. Iunius. C. F. C. N.	Bubulcus Brutus. II.	Mag. eq.	Rei. Gerund. Caussa.		
Hoc Anno Dictator. Et Magister Eq. Sine Cos. Fuerunt.					
L. Papirius. Sp. F. L. N.	Curfor III. Dict. II. De Samnitibus	An. CDXLIV. Idibus Oct.			
Q. Fabius. M. F. N. N.	Maximus Rullian. II. Pro Cos. De Etrusceis. An. CDXLIV. Idib. Nou.				
P. Decius. P. F. Q. N.	Mus. II.	Q. Fabius. M. F. N. N. Maxim. Rullian. III.			
Ap. Claudius. C. F. Ap. N.	Caecus.	L. Volumnius. C. F. C. N. Flamma Violens.			
Cens. M. Valerius. M. F. M. N. Maximus. C. Iunius. C. F. C. N. Bubulc. Brutus. L. F. XXVII.					
Q. Marcius. Q. F. Q. N.	Tremulus.	P. Corn. elius. A. F. P. N.	Aruina.		
Q. Marcius. Q. F. Q. N. Tremulus Cos. De Anagnineis. Herniceisq. An. CDXLVII. Prid. K. Quint.					
P. Cornelius. = = = N.	Scipio Barbatus.	Dict.			
P. Decius. P. F. Q. N.	Mus.	Mag. eq.	Comit. Habend. Caussa.		
L. Postumius. L. F. Sp. N.	Megellus.	Ti. Minucius Augurinus. In Proel. Occh. E. In. E. L. F. E.			
		M. Fulvius. L. F. L. N.	Curvius Paetinus.		
M. Fulvius. L. F. L. N. Curvius Paetinus. Cos. De Samnitibus.	Ann. CDXLIIX. III. Non. Oct.				
P. Sempronius. P. F. C. N.	Sophus.	P. Sulpicius Ser. F. P. N.	Sauerrio.		
Cens. Q. Fabius. M. F. N. N. Maxim. Rullianus.	P. Decius. P. F. Q. N.	Mus. L. F. XXXVIII.			
P. Sempronius. P. F. C. N.	Sophus Cos. De Aequieis.	Ann. CDXLIX. VII. K. Oct.			
P. Sulpicius Ser. F. P. N.	Sauerrio. Cos. De Samnitibus.	An. CDXLIX. III. K. Nou.			
DL Ser. Cornelius. C. n. F. C. n. N.	Lentulus.	L. Genucius.	Auentinensis.		
M. Livius. = = C. N.	Den ter.	M. Aemilius. L. F. L. N.	Paulus.		
C. Iunius. C. F. C. N.	Bubulcus Brutus.	Dictat.			
M. Titinius. C. F. C. N.		Mag. eq.	Rei Gerund. Caussa.		
C. Iunius. C. F. C. N.	Bubulcus Brutus. II. Dict. De Aequieis.	An. CDLI. III. K. Sext.			
Q. Fabius. M. F. N. N.	Max. Rullian. III.	Dict.			
M. Aemilius. L. F. L. N.	Paulus.	Mag. eq.	Rei Gerund. Caussa.		
Hoc Anno Dictator. Et Magister Eq. Sine Cos. Fuerunt.					
M. Valerius. M. F. M. N.	Corvus. II.	Dict.			
P. Sempronius. P. F. C. N.	Sophus.	Mag. eq.	Rei Ger. Caussa.		
			M. Valerius.		

F A S T I C O N S V L A R E S .

M. Valerius. M. F. M. N. Coruus, IV. Dict. II. De Etrusceis.			An. CDLII. X = K. Dec		
Q. Appuleius. = F. C. N.	Paufa.	M. Valerius. M. F. M. N.	Coruus. V.		
M. Fuluius. Cn. F. Cn. N.	Paetinus.	T. Manlius. T. F. T. N.	Torquatus. In Mag.		
		Mort. Est.	In Eius Locum Fact. Est.		
		M. Valerius. M. F. M. N.	Coruus. VI.		
Cens. P. Sempronius. P. F. C. N.	Sophus.	P. Sulpicius. Ser. F. P. N.	Sauerrio. L. F. XXIX.		
M. Fuluius. Cn. F. Cn. N. Paetinus. Cos. De Samnitibus. Nequinatibusque.	An. CDLIV. VII. K. Oct.				
L. Cornelius. Cn. F.	Scipio.	Cn. Fuluius. Cn. F. Cn. N.	Max. Centumalus.		
Cn. Fuluius. Cn. F. Cn. N. Max. Centumalus. Cos. De Samnitibus. Etrusceisque.	An. CDLV. Idibus. N.				
Q. Fabius. M. F. N. N.	Maxim. Rullian. III.	P. Decius. P. F. Q. N.	Mus. III.		
Ap. Claudius. C. F. Ap. N.	Caecus. II.	L. Volunnius. C. F. C. N.	Flamma Violens. II.		
Q. Fabius. M. F. N. N.	M. Rullianus. V.	P. Decius. P. F. Q. N.	Mus. III. Qui Se deuouit.		
Q. Fabius. M. F. N. N.	Maximus.	Rullianus III.	Cos. V. De		
Samnitibus. Et Etrusceis. Galleis.		An. CDLIX.	Prid. Non. Sept.		
L. Postumius. L. F. Sp. N.	Megellus. II.	M. Atilius. M. F. M. N.	Regulus.		
Cens. P. Cornelius. A. F. P. N.	Aruina.	C. Marcius. C. F. L. N.	Rutilus. L. F. XXX.		
		Qui Postea Censorinus.	Apell. Est.		
L. Postumius. L. F. Sp. N. Megell. Cos. II. De Samnitib. Et Etrusceis.	VI. K. Apr. CDLIX				
M. Atilius. M. F. M. N. Regulus Cos. De Volsionibus. Et Samnitib.	A. CDLIX. V. K. Apr.				
CDLX. L. Papirius. L. F. Sp. N.	Curfor.	Sp. Caruilius. C. F. C. N.	Maximus.		
Sp. Caruilius. C. F. C. N.	Maximus Cos.	De Samnitibus.	An. CDLX. Idibus Ian.		
L. Papirius. L. F. Sp. N.	Curfor Cos.	De Samnitibus.	An. CDLX. Idibus Febr.		
Q. Fabius. Q. F. M. N.	Maxim. Gurges.	D. Iunius. D. F.	Brutus Scaeva.		
L. Postumius. L. F. Sp. N.	Megellus. III.	C. Iunius. C. F. C. N.	Brutus Bubulcus.		
Q. Fabius. Q. F. M. N. Maximus Gurges Pro. Cos. De Samnitibus.	An. CDLXII. = = = K. Sext.				
P. Cornelius. P. F.	Rufinus.	M'. Curius. M'. F. M. N.	Dentatus.		
M'. Curius. M'. F. M. N.	Dentatus Cos. De Samnitibus.	An. CDLXIII. = = =			
M'. Curius. M'. F. M. N.	Dentatus. I I. Cos. De Sabineis.	An. CDLXIII. = = =			
M'. Curius. M'. F. M. N.	Dentatus. III. Cos. Ouans. De Lucaneis.	An. CDLXIII. = = =			
M. Valerius. M. F. M. N.	Coruinus.	Q. Caidicius. Q. F.	Noctua.		
Cens.			L. F. XXXI.		
Q. Marcius. Q. F. Q. N.	Tremulus. II.	P. Cornelius. A. F. P. N.	Aruina. II.		
M. Claudius. M. F.	Marcellus.	S. Nautius. Sp. F. Sp. N.	Rutilus.		
M. Valerius.	Maximus.	C. Ailius.	Paetus.		
Q. Hortensius.	In Mag. Mort. E.	Dict.	Seditionis Sedandae caussa.		
		Mag. Eq.			
C. Claudius.	Canina.	M. Aimilius. Q. F. Q. N.	Barbula.		
C. Seruilius.		L. Caecilius. C. F.	Metellus.		
CDLXX. P. Cornelius.	Dolabella.	Cn. Domitius. Cn. F.	Caluinus.		
P. Cornelius.	Dolabella Cos. De	Galleis. Et Etrusceis.	A. CDLXX. = = =		
C. Fabricius. C. F. C. N.	Luscinus.	Q. Aimilius. Cn. F.	Papus.		
C. Fabricius. C. F. C. N. Luscinus. Cos. De Etrusceis. Gall eisque.	An. CDLXXI. III. Non. Mart.				

B E L L V M T A R E N T I N V M .

L. <u>Aimilius</u> . Q. F. Q. N.	<u>Barbula</u> .	<u>Q. Marcius</u> . Q. F. Q. N.	' <u>Philippus</u> .		
<u>Q. Marcius</u> . Q. F. Q. N.	<u>Philippus</u> Cos. De Etrusceis,	An.	CDLXXII. K. Apr.		
P. <u>Valerius</u> ,	<u>Laeuinus</u> .	<u>Ti. Coruncanius</u> . Ti. F. Ti.	Nepos.		
<u>Ti. Coruncanius</u> . Ti. F. Ti. N. Cos. De Vulfiniensibus. Et Vulcientib.	An. CDLXXIII. K. Febr.				
L. <u>Aimilius</u> . Q. F. Q. N.	<u>Barbula</u> .	Pro. Cos.	De Tarentineis.	Samnitibus.	
Et Sallentineis.	An.	CDLXXIII.	VI.	Idus. Quint.	
P. <u>Sulpicius</u> . P. F. Ser. N.	<u>Sauerrio</u> .	P. <u>Decius</u> . P. F. P. N.	<u>Mus</u> . In Proel. Occis. Est.		
Cens.	"	"	Cn. <u>Domitius</u> . Cn. F. <u>Caluinus</u> .	<u>Qui</u> . L. F. XXXII.	
			Primus	E	Plebe Lustrum Fecit.
C. <u>Fabricius</u> . C. F. C. N.	<u>Luscinus</u> . II.	<u>Q. Aimilius</u> . Cn. F.	<u>Papus</u> . II.		
C. <u>Fabricius</u> . C. F. C. N. <u>Luscinus</u> . II. Cos. II. De Lucaneis. Bruttieis. Tarentin. Samnitibus.					
An.	CDLXXV.		Idibus.	Decembr.	
				P. <u>Cornelius</u> .	

P. Cornelius. P. F. Rufinus. II. C. Iunius. C. F. C. N. Brutus Bubulcus. II.
 C. Iunius. C. F. C. N. Brutus Bubulc. Cos. II. De Lucaneis. Et Bruttieis. An. CDLXXVI. Non. Ian.
 Q. Fabius. Q. F. M. N. Maxim. Gurges. II. C. Genucius. Clepsina.
 Q. Fabius. Q. F. M. N. Maximus Gurges. II. Cos. II. De Samnitibus. Lucaneis. Bruttieis.
 An. C D L X X V I I. Quirinalib.
 P. Cornelius. P. F. Rufinus. Dict. = = = Causa.
 = = = = = Mag. eq.
 M'. Curius. M'. F. M'. N. Dentatus. II. L. Cornelius. Ti. F. Ser. N. Lentulus.
 M'. Curius. M'. F. M'. N. Dentat. IV. Cos. II. De Samnitibus. Et Rege Pyrrho. A. CDLXXIX. = Fibr.
 L. Cornelius. Ti. F. Ser. N. Lentul. Cos. De Samnitibus. Et Lucaneis. An. CDLXXIX. K. Mart.
 Cens. C. Fabricius. C. F. C. N. Luscius. Q. Aemilius. Cn. F. Papus. L. F. XXXIII.
 Ser. Cornelius. Merenda. M'. Curius. M'. F. M'. N. Dentatus. III.
 C. C. Fabius. Dorfo. In. M. M. E. In. E. L. F. E. C. Claudius. =. F. C. N. Canina. II.
 C. Fabricius. C. F. C. N. Luscius.
 C. Claudius. = F. C. N. Canina. Cos. II. De Lucaneis. Samnitibus. Et Bruttieis. An. CDXXC. Quirinalibus.
 L. Papirius. L. F. Sp. N. Curfor. II. Sp. Carvilius. C. F. C. N. Maximus. II.
 Cens. M'. Curius. M'. F. M'. N. Dentatus. L. Papirius. Curfor. L. F. XXXIII.
 Sp. Carvilius. C. F. C. N. Maximus. II. Cos. II. De Samnitibus. Lucaneis. Et Bruttieis. An. CDXXCI. =.
 L. Papirius. L. F. Sp. N. Curfor. II. Cos. II. De Tarentineis. Samnitibus. Lucaneis. Et Bruttieis. An. CDXXCI. = = =
 C. Quinctius. Claudus. L. Genucius. Clepsina.
 C. Genucius. Clepsina. II. Cn. Cornelius. L. F. Cn. N. Blasio.
 Cn. Cornelius. L. F. Cn. N. Blasio Cos. De Salsinatibus. A. CDXXCIII. = = =
 C. Fabius. C. F. M. N. Pictor. L. Quinctius. Gulo.
 P. Sempronius. P. F. P. N. Sophus. Ap. Claudius. Ap. F. C. N. Crassus.
 P. Sempronius. P. F. P. N. Sophus Cos. De Peicentibus. An. CDXXCV. = = =
 Ap. Claudius. Ap. F. C. N. Crassus Cos. De Peicentibus. An. CDXXCV. = = =
 M. Atilius. M. F. L. N. Regulus. L. Iulius. L. F. L. N. Libo.
 M. Atilius. M. F. L. N. Regulus Cos. De Sallentineis. An. CDXXCV. VIII. = = =
 L. Iulius. L. F. L. N. Libo. Cos. De Sallentineis. Ann. CDXXCVI. VII. K. Febr.
 N. Fabius. C. F. M. N. Pictor. D. Iunius. D. F. D. N. Pera.
 D. Iunius. D. F. D. N. Pera. Cos. De Salsinatibus. An. CDXXCVII. V. K. Octobr.
 N. Fabius. C. F. M. N. Pictor. Cos. De Salsinatibus. An. CDXXCVII. III. Non. Oct.
 N. Fabius. C. F. M. N. Pictor. II. Cos. De Sallentineis. Messapieisque. An. CDXXCVII. K. Febr.
 D. Iunius. D. F. D. N. Pera. II. Cos. De Sallentineis. Messapieisque. An. CDXXCVII. Non. Febr.
 Q. Fabius. Q. F. M. N. Max. Gurges. III. P. Decius. P. F. P. N. Mus.
 Cens. Cn. Cornelius. L. F. Cn. N. Blasio. C. Marcius. C. F. L. N. Rutilus. II. Qui. L. F. XXXV.
 In Hoc Honore Cenforin. Appel. E.

BELLVM PVNICVM PRIMVM.

Ap. Claudius. C. F. Ap. N. Caudex. M. Fulvius. Q. F. M. N. Flaccus.
 M. Fulvius. Q. F. M. N. Flaccus. Cos. De Vulturnensibus. An. CDXXCIX. K. Nou.
 C. M'. Valerius. M. F. M. N. Maximus. M'. Otacilius. C. F. M'. N. Crassus.
 Qui In Hoc Honore Messal. Appel. E.
 Cn. Fulvius. Cn. F. Cn. N. Maxim. Centumalus. Dict. Clau. Fig. Causa.
 Q. Marcius. Q. F. Q. N. Philippus. Mag. eq.
 M'. Valerius. M. F. M. N. Maxim. Messalla. Cos. De Poeneis. Et Rege Siculor. Hierone.
 An. C D X C. X V I. K. April.
 L. Postumius. L. F. L. N. Megellus. Q. Mamilius. Q. F. M. N. Vitulus.
 L. Valerius. M. F. L. N. Flaccus. T. Otacilius. C. F. M'. N. Crassus.
 Cn. Cornelius. L. F. Cn. N. Scipio Asina. C. Duilius. M. F. M. N.
 C. Duilius. M. F. M. N. Cos. Primus Naualem De Sicul. Et Classe
 Poenica. Egit. An. CDXCIII. K. Interkalar.
 L. Cornelius. L. F. Cn. N. Scipio. C. Aquillius. M. F. C. N. Florus.
 L. Cornelius. L. F. Cn. N. Scipio Cos. De Poeneis. Et Sardin.
 Corsica. An. C D X C I V. V. Id. Mart.
 A. Atilius. A. F. C. N. Calatinus. C. Sulpicius. Q. F. Q. N. Paterculus.
 C. Aquillius. M. F. C. N. Florus Pro Cos. De Poeneis. An. CDXCV. III. Non. Oct.
 C. Sulpicius. Q. F. Q. N. Paterculus Cos. De Poeneis. Et Sardeis. An. CDXCV. III. Non. Oct.
 cc Cens.

	Cens. C. Duilius. M. F. M. N.		= = = = = *	L. F. XXXVI.
	C. Atilius. M. F. M. N.	Regulus.	Cn. Cornelius. L. F. Cn. N.	Blasio. II.
	Q. Ogulnius. L. F. A. N.	Gallus.	Dict.	
	M. Lactorius. M. F. M. N.	Plancianus.	Mag. Eq.	Latinar. Fer. Caussa.
	A. Atilius. A. F. C. N.	Calatinus Pr.	Ex Sicilia De Poenis.	An. CDXCVI. XIII. K. Febr.
	C. Atilius. M. F. M. N.	Regulus Cos.	De Poenis Naualem Egit.	VIII. == An. CDXCVI.
	L. Manlius. A. F. P. N.	Vulso Longus.	Q. Caedicius. Q. F. Q. N.	In Mag. Mort. E.
			In Eius Locum Factus Est.	
			M. Atilius. M. F. L. N.	Regulus. II.
	L. Manlius. A. F. P. N.	Vulso Long. Cos.	De Poenis Naualem Egit.	VII. == An. CDXCVII.
	Ser. Fuluius. M. F. M. N.	Paetinus. Nobilior.	M. Aimilius. M. F. L. N.	Paullus.
	Cn. Cornelius. L. F. Cn. N.	Scipio Afina. II.	A. Atilius. A. F. C. N.	Calatinus. II.
	Ser. Fuluius. M. F. M. N.	Paetinus Nobilior Pro. Cos.	De Cossurensibus. Et Poeneis.	
	Naualem Egit.	XIII. K.	Febr.	A. C D X C I X.
	M. Aimilius. M. F. L. N.	Paullus. Pro. Cos.	De Cossurensib. Et Poeneis Naualem.	
	Egit.	X I I. K.	Febr.	An. C D X C I X.
D.	Cn. Seruilius. Cn. F. Cn. N.	Caepio.	C. Sempronius. Ti. F. Ti. N.	Blaesus.
	Cens. D. Iunius. D. F. D. N.	Pera. Abd.	L. Postumius. L. F. L. N.	Megell. Idem Qui
			Pr. Erat. In Mag. M.	Est.
	Cn. Cornelius. L. F. Cn. N.	Scipio Afina. Pro. Cos.	De Poeneis. X. K. April.	An. D.
	C. Sempronius. Ti. F. Ti. N.	Blaesus. Cos. De Poeneis.	K. April.	An. D.
	C. Aurelius. L. F. C. N.	Cotta. P. Seruilius. Q. F. C. N.		Geminus.
	Cens. M. Valerius. M. F. M. N. Maxim. Messal. P. Sempronius. P. F. P. N.	Sophus. L. F. XXXVII.		
	C. Aurelius. L. F. C. N. Cotta. Cos.	De Poeneis Et Siculeis. Idibus April.	An. D. I.	
	L. Caecilius. L. F. C. N.	Metellus. C. Furius. C. F. C. N.		Pacilus.
	C. Atilius. M. F. M. N.	Regulus. II.	L. Manlius. A. F. P. N.	Vulso. II.
	L. Caecilius. L. F. C. N.	Metellus Pro Cos.	De Poenis. VII. Idus Septemb.	A. DIII.
	P. Claudius. Ap. F. C. N.	Pulcher. L. Iunius. C. F. L. N.		Pullus.
	M. Claudius. C. F.	Glicia. Qui Scriba Fuerat. Dictator Coact.	Abdic.	
	Sine. Mag. eq. In Eius Locum Factus Est.			
	A. Atilius. A. F. C. N.	Calatinus. Dict.		Rei Ger. Caussa.
	L. Caecilius. L. F. C. N.	Metellus. Mag. Eq.		
	C. Aurelius. L. F. C. N.	Cotta. II.	P. Seruilius. Q. F. Cn. N.	Geminus. II.
	L. Caecilius. L. F. C. N.	Metellus. II.	N. Fabius. M. F. M. N.	Buteo.
	Censores. A. Atilius. A. F. C. N. Calatinus. A. Manlius. T. F. T. N.	Torquat. Attic. L. F. XXXVIII.		
	M. Otacilius. C. F. M. N.	Crassus. II.	M. Fabius. C. F. M. N.	Licinus.
	Ti. Coruncanius. Ti. F. Ti.	Nepos. Dict.		
	M. Fuluius. Q. F. M. N.	Flaccus. Mag. Eq.		Comit. Hab. Caussa.
	M. Fabius. M. F. M. N.	Buteo. C. Atilius. A. F. A. N.		Bulbus.
	A. Manlius. T. F. T. N.	Torquat. Attic. C. Sempronius. Ti. F. Ti. N.		Blaesus. II.
DX.	C. Fundanius. C. F. Q. N.	Fundulus. C. Sulpicius. C. F. Ser. N.		Gallus.
	C. Lutatius. C. F. C. N.	Catulus. A. Postumius. A. F. L. N.		Albinus.
	A. Manlius. T. F. T. N.	Torquat. Attic. II. Q. Lutatius. C. F. C. N.		Cerco.
	Cens. C. Aurelius. L. F. C. N.	Cotta. N. Fabius. M. F. M. N.		Buteo. L. F. XXXIX.
	C. Lutatius. C. F. C. N. Catulus. Pro. Cos. De Poenis. Ex Sicilia Naualem Egit.	III. Non. Octob. An. DXII.		
	Q. Valerius. Q. F. P. N. Falto. Pro. Pr. Ex Sicilia Naualem Egit.	Prid. Non. Octob. An. DXII.		
	Q. Lutatius. C. F. C. N. Cerco. Cos. De Falisceis.	K. Mart. An. D X I I.		
	A. Manlius. T. F. T. N. Torquatus Atticus. Cos. II. De Falisceis.	IV. Non. Mart. Ann. DXII.		
	C. Claudius. Ap. F. C. N.	Centho. M. Sempronius. C. F. M. N.		Tuditanus.
	C. Mamilius. Q. F. Q. N.	Turrinus. Q. Valerius. Q. F. P. N.		Falto.
	Ti. Sempronius. Ti. F. C. N.	Gracch. P. Valerius. Q. F. P. N.		Falto.
	L. Cornelius. L. F. Ti. N.	Lentul. Caudin. Q. Fuluius. M. F. Q. N.		Flaccus.
	L. Cornelius. L. F. Ti. N. Lentulus. Caudinus. Cos. De Liguribus.	Idib. Inter. An. DXVII.		
	P. Cornelius. L. F. Ti. N.	Lentul. Caudin. C. Licinius. P. F. P. N.		Varus.
	Cens. L. Cornelius. L. F. Ti. N. Lent. Caudin. Q. Lutatius. C. F. C. N.	Cerco. In M. M. E.		
	T. Manlius. T. F. T. N.	Torquatus. C. Atilius. A. F. A. N.		Bulbus. II.
	T. Manlius. T. F. T. N.	Torquatus. Cos. De Sardeis. VI. Id. Mart.	An. DXVIII.	
				L. Postumius.

L. Postumius. A. F. A. N.	Albinus. Sp. Caruilius. Sp. F. C. N.	Maximus
Cens. C. Atilius. A. F. A. N.	Bulbus. A. Postumius. A. F. L. N.	Albinus. L. F. XL.
Sp. Caruilius. Sp. F. C. N.	Maximus. Cos. De Sardeis	K. April. An. DXIX.
XX. Q. Fabius. Q. F. Q. N.	Maxim. Verrucos. M. Pomponius. M'. F. M'. N.	Matho.
Q. Fabius. Q. F. Q. N.	Maximus Verrucosus. Cos. De Liguribus.	K. Febr. Anno. DXX
M'. Pomponius. M'. F. M'. N.	Matho. Cos. De Sardeis. Idibus. Mart. An. DXX.	
M. Aimilius. M. F. M. N.	Lepidus. M. Publicius. L. F. L. N.	Malleolus.
M. Pomponius. M'. F. M'. N.	Matho. C. Papirius. C. F. L. N.	Maso.
C. Duilius. M. F. M. N.	Dict.	
C. Aurelius. L. F. C. N.	Cotta. Mag. Eq.	Comit. Habend. Caussa.
Cens. T. Manlius. T. F. T. N.	Torquatus. Q. Fulvius. M. F. Q. N.	Flaccus. Vit. Facti Abd.
C. Papirius. C. F. L. N.	Maso. Cos. De Corseis Primus In Monte Albano. III. Nonas. Mart. An. DXXXII.	
M. Aimilius. L. F. Q. N.	Barbula. M. Iunius. D. F. D. N.	Pera.
Cens. Q. Fabius. Q. F. Q. N.	Maxim. Verrucos. M. Sempronius. C. F. M. N.	Tuditan. L. F. XLI.
L. Postumius. A. F. A. N.	Albinus. II. Cn. Fulvius. Cn. F. Cn. N.	Centumalus.
Sp. Caruilius. Sp. F. C. N.	Maximus. II. Q. Fabius. Q. F. Q. N.	Maxim. Verrucos. II.
Cn. Fulvius. Cn. F. Cn. N.	Centumalus. Pro. Cos. Ex Illuricis Nual. Egit. X. K. Quint. An. DXXXV.	
P. Valerius. L. F. M. N.	Flaccus. M. Atilius. M. F. M. N.	Regulus.
M. Valerius. M'. F. M. N.	Messalla. L. Apustius. L. F. C. N.	Fullo.

BELLVM GALLICVM CISALPINVM.

L. Aimilius. Q. F. Cn. N.	Papus. C. Atilius. M. F. M. N.	Regulus.
Cens. C. Claudius. Ap. F. C. N.	Centho. M. Iunius. D. F. D. N.	Pera. L. F. XXXXII.
L. Aimilius. Q. F. Cn. N.	Papus. Cos. De Galleis. III. Idus. Mart. An. DXXXIX.	
T. Manlius. T. F. T. N.	Torquatus. II. Q. Fulvius. M. F. Q. N.	Flaccus. II.
L. Caecilius. L. F. C. N.	Metellus. Dict.	
N. Fabius. M. F. M. N.	Buteo. Mag. eq.	Comit. Hab. Caussa.
XXX. C. Flaminius. C. F. L.	Nepos. P. Furius. Sp. F. M. N.	Philus.
C. Flaminius. C. F. L. N.	Cos. De Galleis. V I. Idus Mart. An. DXXX.	
P. Furius. Sp. F. M. N.	Philus. Cos. De Galleis. Et Liguribus. III. Idus Mart. Ann. DXXX.	
Cn. Cornelius. L. F. L. N.	Scipio Calu. M. Claudius. M. F. M. N.	Marcellus.
M. Claudius. M. F. M. N.	Marcellus. Cos. De Galleis Infubribus. Et German. Ifque Spolia Opima	
Rettulit Duce Hostium Viridumaro Ad Clastidium Interfecto.	An. DXXXI. K. Mart.	
P. Cornelius. Cn. F. L. N.	Scipio Asina. M. Minucius.	Rufus.
P. Cornelius	Scipio Asina. Cos. De Istreis.	An. DXXXI. ==
Q. Fabius. Q. F. Q. N.	Max. Verrucos. Dict.	
C. Flaminius. C. F. L.	Nepos. Mag. eq.	== Vit. Facti Abd.
L. Veturius. L. F.	Philo. C. Lutatius.	
== == ==	Abdicarunt.	In Eorum Locum Facti Sunt.
M. Aemilius. M. F. M. N.	Lepidus. II. M. Valerius	Lacinius.
Cens. L. Aimilius. Q. F. Cn. N.	Papus. C. Flaminius. C. F. L. N.	L. F. XLIII.
M. Linius. M. F. M. N.	Salinator. L. Annilius. M. F. M. N.	Paullus.
L. Aimilius. M. F. M. N.	Paullus. Cos. De Illuricis.	An. DXXXIIII. == ==
M. Linius. M. F. M. N.	Salinator. Cos. De Illuricis.	An. DXXXIIII. == ==

BELLVM PVNICVM SECVNDVM.

P. Cornelius. L. F. L. N.	Scipio. Ti. Sempronius. C. F.	Longus.
C. Flaminius. C. F. L. N.	III. In Proel. Cn. Scruilius.	Geminus.
Occis. Est. In Eius Loc. Fact. Est.		
M. Atilius. M. F. M. N.	Regulus. II.	
Q. Fabius. Q. F. Q. N.	Maxim. Verrucos. II. Dict.	
M. Minucius.	Rufus. Mag. eq.	Rei Gerund. Caussa.
Horum Deinde Aequatum Imperium Est.		
L. Veturius.	Philo. Dict.	
M'. Pomponius. M'. F. M'. N.	Matho. Mag. eq.	Comit. Hab. Caussa. Vit. Facti Abd.

F A S T I C O N S V L A R E S .

C. Terentius.			Varro.	L. Aemilius. M. F. M. N.	Paulus. I. F.
			In	Proelio	Occisus
	M. Iunius. D. F. D. N.	Pera.	Dict.		Est.
	Ti. Sempronius. Ti. F. Ti. N.	Gracchus. Qui		Rei. Ger. Caussa.	
	Idem Aedilis	Curulis	Erat.	Mag. Eq.	
	N. Fabius. M. F. M. N.	Buteo.	Dict.	Senatus	Leg. Caussa.
	Sine	Magistro	Equitum		
	L. Postumius. A. F. A. N.	Albius. III.	Ti. Sempronius. Ti. F. Ti. N.		Gracchus.
	Antequam Iuict.	Occis.	E	In E. L. F. E.	
	M. Claudius. M. F. M. N.	Marcellus. II.			
	Vitio Factus Abdicauit.	In. E. L. F. E.			
	Q. Fabius. Q. F. Q. N.	Max. Veruccossus. III.			
	Q. Fabius. Q. F. Q. N.	Maxim. Veruccossus. IIII.	M. Claudius. M. F. M. N.		Marcellus. III.
	Cens. M. Atilius. M. F. M. N.	Regnius.	P. Furius. Sp. F. M. N.		Philus.
	Abdicauit.		In	Mag.	Mortuus
	Q. Fabius. Q. F. Q. N.	Maximus.	Ti. Sempronius. Ti. F. Ti. N.		Gracchus. II.
	C. Claudius. Ap. F. C. N.	Centho.	Dict.		
	Q. Fulvius. M. F. Q. N.	Flaccus.	Mag. eq.	Comit. Hab.	Caussa.
	Ap. Claudius. P. F. Ap. N.	Pulcher.	Q. Fulvius. M. F. Q. N.		Flaccus. III.
	P. Sulpicius. Ser. F. P. N.	Galba. Maxim.	Cn. Fulvius. Cn. F. Cn. N.		Centumalus.
	M. Claudius. M. F. M. N.	Marcellus. Pro. Cos. II.	De Syracusanis. In Monte Albano.	An. DXLII. =	
	M. Claudius. M. F. M. N.	Marcellus. Pro. Cos. III.	Ouans. De Syracusanis.	An. DXLII. = =	
	M. Valerius.	Lacinius. II.	M. Claudius. M. F. M. N.		Marcellus. IIII.
	Q. Fulvius. M. F. Q. N.	Flaccus.	Dict.		
	P. Licinius. P. F. P. N.	Crassus Dives.	Mag. eq.	Comit. Hab.	Caussa.
	Cens. L. Veturius.	Philo.	P. Licinius. P. F. P. N.		Crassus Dives.
	In	Mag.	Mortuus	Est.	Abdicauit.
	Q. Fabius. Q. F. Q. N.	Max. Veruccossus. V.	Q. Fulvius. M. F. Q. N.		Flaccus. IIII.
	Cens. M. Cornelius. M. F. M. N.	Cethegus.	P. Sempronius. C. F. C. N. Tuditanus.	L. F. XLIII.	
		Neuter	Horum	Consularis	Erat.
	M. Claudius. M. F. M. M.	Marcellus. V.	T. Quinctius.		Crispinus.
	In.	Proel.	Occis.	Est.	In
	T. Manlius. T. F. T. N.	Torquatus.	Dict.		
	C. Seruilius. C. F. P.	Nepos. Qui	Mag. Eq.	Comit. Hab. Et Ludor. Facienda.	Caussa.
	Idem Aedilis	Curulis	Erat.		
	C. Claudius. Ti. F. Ti. N.	Nero.	M. Liuius. M. F. M. N.		Salinator.
	M. Liuius. M. F. M. N.	Salinator. Cos. De	Poenis. Et Asdrubale.	An. DXLVI. = = =	
	C. Claudius. Ti. F. Ti. N.	Nero. Cos. De	Poenis. Et Asdrubale.	An. DXLVI. = = =	
	M. Liuius. M. F. M. N.	Salinator.	Dict.		
	Q. Caecilius. L. F. L. N.	Metellus.	Mag. eq.	Comit. Hab.	Caussa.
	Q. Caecilius. L. F. L. N.	Metellus.	L. Veturius. L. F. L. N.		Philo
	P. Cornelius. P. F. L. N.	Scipio. Qui Postea.	P. Licinius. P. F. P. N.		Crass. Dives.
	African.	Appell.	Est.		
	Q. Caecilius. L. F. L. N.	Metellus.	Dict.		
	L. Veturius. L. F. L. N.	Philo.	Mag. Eq.	Comit. Habend.	Caussa.
	M. Cornelius. M. F. M. N.	Cethegus.	P. Sempronius. C. F. C. N.		Tuditanus.
	Cens. M. Liuius. M. F. M. N.	Salinator.	C. Claudius. Ti. F. Ti. N. Nero.	L. F. XXXV.	
	Cn. Seruilius. Cn. F. Cn. N.	Caepio.	C. Seruilius. C. F. P.		Nepos.
	P. Sulpicius. Ser. F. P. N.	Galba Maximus.	Dict.		
	M. Seruilius. C. F. P. N.	Pulex Geminus.	Mag. Eq.	Comit. Habend.	Caussa.
	Ti. Claudius. P. F. Ti. N.	Nero.	M. Seruilius. C. F. P. N.		Pulex Geminus.
	C. Seruilius. C. F. P.	Nepos.	Dict.		
	P. Atilius. Q. F. P. N.	Pactus.	Mag. Eq.	Comit. Habend.	Caussa.
	Cn. Cornelius. L. F. L. N.	Lentulus.	P. Atilius. Q. F. P. N.		Pactus.
	P. Cornelius. P. F. L. N.	Scipio African.	Pro. Cos. De	Poenis	Annibale.
	Et	Syphace	Rege	Ex	Africa
					Ann. D L I I. = = =
					BEL-

BELLVM PHILIPPICVM.

P. Sulpicius. Ser. F. P. N.	Galba. Maxim. T.	C. Aurelius. C. F. C. N.	Cotta.
L. Cornelius L. F. L. N.	Lentulus. Pro.	Cos. Ouans. Ex Hispania Citeriore.	A. DLIII. ==
L. Furius. Sp. F. Sp. N.	Purpureo.	Pr. De Galleis.	An. DLIII. ==
L. Cornelius. L. F. L. N.	Lentulus.	P. Villius. Ti. F. Ti. N.	Tappulus.
Cens. P. Cornelius. P. F. L. N.	Scipio African.	P. Ailius. Q. F. P. N. Paitus.	L. F. XXXXVI.
T. Quinctius. T. F. L. N.	Flamininus.	Sex. Ailius. Q. F. P. N.	Paitus Catus.
C. Cornelius. L. F. M. N.	Cethegus.	Q. Minucius. C. F. C. N.	Rufus.
C. Cornelius. L. F. M. N.	Cethegus Cos. De	Infubrib. Et Caenomanis.	An. DLVI. ==
Q. Minucius. C. F. C. N.	Rufus. Cos. De Ligurib.	Boeisque Galleis. In Monte Albano.	An. DLVI. ==
L. Furius. Sp. F. Sp. N.	Purpureo.	M. Claudius. M. F. M. N.	Marcellus.
Cn. Cornelius Lentulus.	Pro Cos. Ouans.	Ex Hispania. Citer.	An. DLVII. ==
M. Claudius. M. F. M. N.	Marcellus.	Cos. De Comensib. Et Infubribus.	A. DLVII. IV. Non. Mart.
M. Porcius. M. F.	Cato.	L. Valerius. P. F. L. N.	Flaccus.
M. Heluius.	Blasio. Pro Pr. Ouans	Ex Hispan. Citeriore.	An. DLVIII. ==
Q. Minucius. Q. F. L. N.	Thermus Pro Pr.	Ex Hispania Citeriore.	An. DLVIII. ==
P. Cornelius. P. F. L. N.	Scipio African. II.	Ti. Sempronius. Ti. F. C. N.	Longus.
Cens. Sex. Ailius. Q. F. P. N.	Paitus Catus. C. Cornelius. L. F. M. N.	Cethegus. L. F. XXXXVII.	
M. Porcius. M. F.	Cato. Pro. Cos. Ex Hispania Citeriore.	An. D L I X. ==	
T. Quinctius. T. F. L. N.	Flamininus.	Pro. Cos. Ex Macedonia.	
Et Rege Philippo	Per Triduum.	A. D L I X. ==	
L. Cornelius. L. F. =	Merula.	Q. Minucius. Q. F. L. N.	Thermus.
L. Quinctius. T. F. L. N.	Flaminin.	Cn. Domitius. L. F. L. N.	Ahenobarbus.

BELLVM ANTIOCHINVM.

M. Acilius. C. F. L. N.	Glabrio.	P. Cornelius. Cn. F. L. N.	Scipio Nasica.	
M. Fulvius. M. F. Ser. N. Nobilior.	Pr. Ouans. Ex Hispania Vltiore.	An. DLXII. ==		
P. Cornelius. Cn. F. L. N.	Scipio Nasica.	Cos. De Boeis.	An. DLXII. ==	
L. Cornelius. P. F. L. N.	Scipio. Qui Postea.	C. Laelius. C. F. C.	Nepos.	
Asiaticus	Appellatus	Est.		
M. Acilius. C. F. L. N.	Glabrio. Pro. Cos. De Actoleis.	Et Rege Antiocho.	An. DLXIII. ==	
Cn. Manlius. Cn. F. L. N.	Vulso.	M. Fulvius. M. F. Ser. N.	Nobilior.	
Cens. T. Quinctius. T. F. L. N.	Flaminin.	M. Claudius. M. F. M. N.	Marcellus. L. F. XXXXVIII.	
L. Aimilius. M. F. Regillus.	Pro Pr. De Rege Antiocho	Naualem Egit.	An. DLXIII. K. Febr.	
L. Cornelius. P. F. L. N.	Scipio Asiaticus	Pro. Cos. De Rege Antiocho Ex Asia.	An. DLXIII. Prid. K. Mart.	
Q. Fabius. Q. F. Q. N.	Labco. Pr. Naualem Egit.	Ex Creta Insula.	An. DLXIII. ==	
C. Liuius. M. F. M. N.	Salinator.	M. Valerius. M. F. M. N.	Messalla.	
M. Aimilius. M. F. M. N.	Lepidus.	C. Flaminius. C. F. C.	Nepos.	
M. Fulvius. M. F. Ser. N. Nobilior.	Pro. Cos. De Actoleis.	Et Cephallenia.	An. DLXVI. X. K. Ian.	
Cn. Manlius. Cn. F. L. N.	Vulso.	Pro. Cos. De Galleis Asiaticis.	An. DLXVI. III. Non. Mart.	
Sp. Postumius. L. F. A. N.	Albinus.	Q. Marcius. L. F. Q. N.	Philippus.	
Ap. Claudius. Ap. F. P. N.	Pulcher.	M. Sempronius. M. F. C. N.	Tuditanus.	
L. Manlius. L. F. L. N.	Acidius. Fulvian.	Pro. Pr. Ouans Ex Hispania Citeriore.	A. DLXVIII. ==	
P. Claudius. Ap. F. P. N.	Pulcher.	L. Porcius. L. F. M. N.	Licinus.	
Cens. L. Valerius. P. F. L. N.	Flaccus.	M. Porcius. M. F. Cato.	L. F. XXXXVIII.	
C. Calpurnius. C. F. Cn. N. Piso.	Pr. De Lusitanis.	Et Celtiberis.	An. D L X V I I I. ==	
L. Quinctius.	Crispinus.	Pr. De Lusitanis.	Et Celtiberis.	An. D L X V I I I. ==
Q. Fabius. Q. F. Q. N.	Labco.	M. Claudius. M. F. M. N.	Marcellus.	
L. Aimilius. L. F. M. N.	Paullus.	Cn. Baebius. Q. F. Cn. N.	Tamphilus.	
A. Terentius.	Varro Pro Pr. Ouans	Ex Hispania Citeriore.	An. D L X X. ==	
P. Cornelius. L. F. P. N.	Cethegus.	M. Baebius. Q. F. Cn. N.	Tamphilus.	
L. Aimilius. L. F. M. N.	Paullus. Pro. Cos. De Ligurib.	Ingaunis.	A. DLXXII. ==	
A. Postumius. A. F. A. N.	Albinus.	C. Calpurnius. C. F. Cn. N. Piso.	In M. M. E. In. E. L. F. E.	
		Q. Fulvius. Cn. F. M. N.	Flaccus.	
P. Cornelius. L. F. P. N.	Cethegus Pro. Cos. De Liguribus.	Ann. DLXXIII. ==	M. Baebius.	

FASTI CONSVLARES.

M. Baebius. Q. F. Cn. N.	Tamphilus Pro. Cos. De Liguribus.	Ann. D L X X I I I. = =
Q. Fulvius. Q. F. M. N.	Flaccus. Pro Pr. Ex Hispania Citeriore.	Ann. D L X X I I I. = =
L. Manlius. L. F. L. N.	Acidinus Fulvian. Q. Fulvius. Q. F. M. N.	Flaccus.
	Hei Fratres Germani Fuerunt.	
Cens. M. Aemilius. M. F. M. N.	Lepidus. M. Fulvius. M. F. Ser. N. Nobilior. Lustr. F. L.	
Q. Fulvius. Q. F. M. N.	Flaccus. II. Cos. De Liguribus.	Ann. D L X X I V. = =
M. Iunius. M. F. L. N.	Brutus. A. Manlius. Cn. F. L. N.	Vulso.
Ti. Sempronius. P. F. Ti. N.	Gracchus. Pro Pr. De Celtiberis.	Ann. D L X X V. = =
L. Postumius. A. F. A. N.	Albinus. Pro. Pr. De Vaccæis. Et Lusitanis.	Ann. D L X X V. = =
C. Claudius. Ap. F. P. N.	Pulcher. Ti. Sempronius. P. F. Ti. N.	Gracchus.
C. Claudius. Ap. F. P. N.	Pulcher Cos. De Isthmis. Et Liguribus.	An. DLXXXVI. = =
Cn. Cornelius. L. F. L. N.	Scipio Hispalus. Q. Petillius. C. F. Q. N.	Spurinus. In Mag.
In Mag. Mortuus Est.	In Eius. L. F. E. Postea quam Sibi Conleg. Subrog.	Occis. E.
C. Valerius. M. F. P. N.	Lacinius.	
P. Mucius. Q. F. P. N.	Scaeuula. M. Aemilius. M. F. M. N.	Lepidus. II.
Ti. Sempronius. P. F. Ti. N.	Gracchus Pro Cos. II. De Sardis.	An. DLXXXIX. = =
C. Valerius. M. F. P. N.	Lacinius Pro Cos. De Liguribus.	An. DLXXXVIII. = =
P. Mucius. Q. F. P. N.	Scaeuula Cos. De Liguribus.	An. DLXXXVIII. = =
Sp. Postumius. A. F. A. N.	Albin. Paullul. Q. Mucius. Q. F. P. N.	Scaeuula.
Cens. Q. Fulvius. Q. F. M. N.	Flaccus. A. Postumius. A. F. A. N. Albinus. Lustr. F. L.	
Ap. Claudius. Centho Pro. Pr. Quans.	Ex Cel tiberia.	An. DLXXXIX. = =
DXXC. L. Postumius. A. F. A. N.	Albinus. M. Popillius P. F. P. N.	Laenas.
C. Popillius. P. F. P. N.	Laenas. P. Ailius. P. F. P. N.	Ligus.
	Ambo Primi De Plebe.	
C. Cicereus	= = t. Pro. Pr. Ex Corsica In Monte Albano.	An. DXXCI. K. Octob.

BELVM PERSICVM.

P. Licinius. C. F. P. N.	Crassus. C. Cassius. C. F. C. N.	Longinus.
A. Hostilius. L. F. A. N.	Mancinus. A. Atilius. C. F. C. N.	Serranus.
Q. Marcius. L. F. Q. N.	Philippus. II. Cn. Seruilius. Cn. F. Cn. N.	Caepio.
Cens. C. Claudius. Ap. F. P. N.	Pulcher. Ti. Sempronius. P. F. Ti. N. Gracchus. L. F. LII.	
L. Aemilius. L. F. M. N.	Paullus. II. C. Licinius. C. F. P. N.	Crassus.
Q. Ailius. P. F. Q. N.	Paetus. M. Iunius. M. F. M. N.	Pennus.
L. Aemilius. L. F. M. N.	Paullus. II. Pro. Cos. Ex Macedon. Et Rege Perse.	
Per Triduum. IIII. III. Pridie K. Decem.	A. DXXCVI.	
Cn. Octavius. Cn. F. Cn. N. Pro. Pr. Ex Macedon. Et Rege Perse Nauat. Egit. An. DXXCVI. K. Dec.		
L. Anicius. L. F. M. N.	Gallus. Pro. Pr. De Rege Gentio. Et Illuricis. A. DXXCVI. Quirinalibus.	
C. Sulpicius. C. F. C. N.	Gallus. M. Claudius. M. F. M. N.	Marcellus.
M. Claudius. M. F. M. N.	Marcellus. Cos. De Galleis. Contrubeis. Et Liguribus	= = tibusque. An. D X X C V I I. = = Interk.
C. Sulpicius. C. F. C. N. Gallus. Cos. De Liguribus	Ta = rneis. An. DXXCVII. X. K. Mart.	
T. Manlius. A. F. T. N.	Torquatus. Cn. Octavius. Cn. F. Cn. N.	
A. Manlius. A. F. T. N.	Torquatus. Q. Cassius. L. F. Q. N. Longinus. In M. M. E.	
Cens. L. Aemilius. L. F. M. N.	Paullus. Q. Marcius. L. F. Q. N. Philippus. L. F. LIII.	
DXC. Ti. Sempronius. P. F. Ti. N.	Gracchus. II. M. Iuuentius. T. F. T. N.	Thalna.
P. Cornelius. P. F. Cn. N.	Scipio Nasica. C. Marcius. C. F. Q. N.	Figulus.
	Vitio Facti Abdicarunt. In Eorum Loc. Facti Sunt.	
P. Cornelius. L. F. L. N.	Lentulus. Cn. Domitius. Cn. F. L. N.	Ahenobarbus.
M. Valerius. M. F. M. N.	Messalla. C. Fannius. C. F. C. N.	Strabo.
L. Anicius. L. F. L. N.	Gallus. M. Cornelius. C. F. C. N.	Cethegus.
Cn. Cornelius. Cn. F. Cn. N.	Dolabell. M. Fulvius. M. F. M. N.	Nobilior.
Cens. P. Cornelius. P. F. Cn. N. Scipio Nasica.	M. Popillius. P. F. P. N.	Laenas. L. F. LIII.
M. Aemilius. M. F. M. N.	Lepidus. C. Popillius. P. F. P. N.	Laenas. II.
M. Fulvius. M. F. M. N.	Nobilior. Pro. Cos. De Liguribus V cleatibus. A. DXCV. XII. K. Sept.	
Sex. Iulius. Sex. F. L. N.	Caesar. L. Aurelius. L. F. L. N.	Orestes.
L. Cornelius. Cn. F. L. N.	Lentul. Lupus. C. Marcius. C. F. Q. N.	Figulus. II.
		P. Cornelius.

P. Cornelius. P. F. Cn. N. Scipio Nasica. II. M. Claudius. M. F. M. N. Marcell. II.
M. Claudius. M. F. M. N. Marcellus. II. Cos. II. De === us. Et === An. DXCVIII. ===
P. Cornelius. P. F. Cn. N. Scipio. Nasica Cos. De Dalmateis. An. DXCVIII. ===
Q. Opimius. Q. F. Q. Nepos. L. Postumius. Sp. F. L. N. Albin. In M. M. E. In E. L. F. E.
M'. Acilius. M'. F. C. N. Glabrio.
Cens. M. Valerius. M. F. M. N. Messalla. C. Cassius. C. F. C. N. Longinus. Lustr. F. LV.
Q. Opimius. Q. F. Q. N. Cos. De Liguribus. An. DXCI. X. ===
C. Q. Fulvius. M. F. M. N. Nobilior. T. Annius. T. F. Luscus.
L. Mummius. Pr. De Lusitanis. Ann. DC. ===
M. Claudius. M. F. M. N. Marcell. III. L. Valerius. L. F. P. N. Flaccus. In Mag. M. E.
L. Licinius. = = = N. Lucullus. A. Postumius. A. F. A. N. Albinus.
M. Claudius. M. F. M. N. Marcellus. III. Pro. Cos. De Celtibereis. An. DCII. = = =
T. Quinctius. T. F. T. N. Flaminin. M'. Acilius. L. F. Balbus.

BELLVM PVNICVM TERTIVM.

L. Marcius. C. F. =. N. Cenforinus. M'. Manilius. Piso Caesonin.
Sp. Postumius. Sp. F. A. N. Albinus. Magn. L. Calpurnius. Drusus.
P. Cornelius. P. F. P. N. Scipio African. Aimil. C. Liuius. M. F. Cenforin. L. F. LVI.
Cens. L. Cornelius. Cn. F. L. N. Lentulus Lupus. L. Marcius. C. F.
Cn. Cornelius. Cn. F. L. N. Lentulus. L. Mummius.
Q. Caecilius. Q. F. L. N. Metellus. Pro. Pr. Ex Macedonia. De Andrisco. An. DCVII. = = =
P. Cornelius. P. F. P. N. Scipio African. Aimil. Pro. Cos. De Poenis. Et
Asdrubale Ex Africa. An. DCVII. = = =
Q. Fabius. Q. F. Q. N. Maxim. Aimilian. L. Hostilius. Mancinus.
L. Mummius. II. Pro. Cos. De Achaeis. Et Corinthiis. An. DCVIII. = = =
Ser. Sulpicius. Ser. F. P. N. Galba. L. Aurelius. Cotta.
C. X. Ap. Claudius. Ap. F. Ap. N. Pulcher. Q. Caecilius. Q. F. Q. N. Metell. Macedon.
Ap. Claudius. Ap. F. Ap. N. Pulcher. Cos. De Salassis Ex Alpibus. Ann. DCX. = = =
L. Caecilius. Q. F. L. N. Metellus. Q. Fabius. Q. F. Q. N. Maxim. Se ruilian.
Cens. P. Cornelius. P. F. P. N. Scipio African. Aemilian. L. Mummius. Achaicus. L. F. LVII.
Cn. Scruilius. Cn. F. Cn. N. Caepio. Q. Pompeius. A. F.
C. Laelius. C. F. C. N. Sapiens. Q. Servilius. Cn. F. Cn. N. Caepio.
Cn. Calpurnius. Piso. M. Popillius. M. F. P. N. Laenas.
P. Cornelius. P. F. P. N. Scipio Nasica Serapio. D. Iunius. M. F. M. N. Brutus.
M. Aimilius. M. F. M. N. Lepidus Porcina. C. Hostilius. Mancinus.
P. Furius. = Philus. Sex. Atilius. Serranus.
Cens. Ap. Claudius. Ap. F. Ap. N. Pulcher. Q. Fulvius. M. F. M. N. Nobilior. L. F. LVIII.
Ser. Fulvius Flaccus. C. Calpurnius. Piso.
Ser. Fulvius Flaccus Cos. De Vardaeis. Ex Illurico. An. DCXVIII. = = =
P. Cornelius. P. F. P. N. Scipio African. Aimil. II. C. Fulvius. Q. F. Q. N. Flaccus.
CXX. P. Mu cius. P. F. Q. N. Scaevola. L. Calpurnius. Piso Frugi.
P. Popillius. C. F. P. N. Laenas. P. Rupilius. P. F. P. N.
D. Iunius. M. F. M. N. Brutus Pro. Cos. De Lusitanis. Et Galleceis. Ex
Hispania Vltiore. An. DCXVII. = = =
P. Cornelius. P. F. P. N. Scipio Afric. Aimilian. II. Pro. Cos. De Numantineis.
Ex Hispania Citeriore. An. DCXXI. = = =
P. Licinius. P. F. P. N. Crassus. L. Valerius. L. F. L. N. Flaccus. Flam. Mart.
Cens. Q. Caecilius. Q. F. L. N. Metellus Macedon. Q. Pompeius. A. F. L. F. LI. X.
Ambo Primi E Plebe.
P. Rupilius. P. F. P. N. Pro Cos. Ouans De Serueis Fugitiueis Ex Sicilia. An. DCXXII. = = =
M. Perperna. C. Claudius. C. F. Ap. N. Pulcher.
C. Sempronius. C. F. C. N. Tuditanus. M'. Aquilius. M'. F. M'. N.
C. Sempronius. C. F. C. N. Tuditan. Cos. De Iapudibus. An. DCXXIV. K. Oct.
Cn. Octavius. Cn. F. Cn. N. T. Annius. T. F. T. N. Luscus.
L. Cassius. Q. F. L. N. Longinus. L. Cornelius. L. F. Cinna.
M. Aimilius Lepidus. L. Aurelius. L. F. L. N. Orestes.
M'. Aquilius,

FASTI CONSVLARES.

M'. Aquilli us. M'. F. M'. N. Pro. Cos. Ex Asia. Ann. DCXXVII. III. Idus. Nouembr.
Cens. Q. Fabius. Q. F. Q. N. Max. Seruilian. L. Caecilius. Q. F. L. N. Metellus.

BELLVM ALLOBROGICVM.

M. Plautius. Hypsaeus. M. Fuluius. M. F. Q. N. Flaccus.
Cens. Cn. Seruilius. Cn. F. Cn. N. Caepio. L. Cassius. Q. F. L. N. Longinus. L. F. LX.
C. Cassius. C. F. C. N. Longinus. C. Sextius. Caluinus.
DCXXX. Q. Caecilius. Q. F. Q. N. Metell. Balear. T. Quinctius. T. F. T. N. Flaminius.
M. Fului us. M. F. Q. N. Flaccus Pro. Cos. De Liguribus Vocontieis. Et Saluicis. An. DCXXX. = = =
Cn. Domitius. Cn. F. Cn. N. Ahenobarbus. C. Fannius. C. F. C. Nepos.
C. Sextius Caluinus Pro. Cos. De Saluicis. An. DCXXXI. = = =
Q. Fabius. Q. F. Q. N. Maxim. Allobrog. L. Opinius.
Q. Caecilius. Q. F. Q. N. Metell. Balearicus. Pro. Cos. De Balearibus. A. DCXXXII. = = =
Cn. Domitius. Cn. F. L. N. Ahenobarbus. Pro. Cos. De Allobrogib. Et Aruerneis. An. DCXXXII. = = =
P. Manlius. C. Papirius. Carbo.
Q. Fabius. Q. F. Q. N. Maxim. Allobrog. Pro. Cos. De Allobrogibus. Ruteneis.
Aruerneis. Et Rege Bituito. An. DCXXXIII. = = =
Cens. L. Calpurnius. Piso Frugi. Q. Caecilius. Q. F. Q. N. Metell. Balearic.
L. Caecilius. L. F. Q. N. Metellus. L. Aurelius. Cotta.
M. Porcius. M. F. M. N. Cato. In M. M. Est. Q. Marcus. Rex.
L. Caecilius. Q. F. Q. N. Metell. Dalmatic. Q. Mucius. Q. F. Q. N. Scaeuula.
Q. Marcus Rex. Pro Cos. De Galleis. An. DCXXXVI. = = =
C. Licinius. Geta. Q. Fabius. Maximus.
L. Caecilius. Q. F. Q. N. Metell. Dalmatic. Cos. De Dalmateis. An. DCXXXVII. = = =
M. Aimilius. Scourus. M. Caecilius. Q. F. Q. N. Metellus.
Cens. L. Caecilius. L. F. Q. N. Metell. Cn. Domitius. Cn. F. Cn. N. Ahenobarb. L. F. LXII.
M. Aimilius Scourus. Cos. De Liguribus. A. DCXXXVIII. = = =
M'. Acilius. M'. F. L. N. Balbus. C. Porcius. M. F. M. N. Cato.

BELLVM CIMBRICVM.

DCXL. C. Caecilius. Q. F. Q. N. Metell. Caprarius. Cn. Papirius. C. F. Carbo.
M. Caecilius Q. F. Q. N. Metellus. Pro. Cos. De Sardeis. An. DCXL. = = =
T. Didius. T. F. Sex. N. Pro. Pr. Ex Thracia De Scordisceis. An. DCXL. = = =
C. Caecilius. Q. F. Q. N. Metellus Caprar. Cos. Ex Thracia. An. DCXL. = = =
M. Liuius. C. F. M. N. Drusus. L. Calpurnius. L. F. Piso Caesoninus.

BELLVM IVGVRTINVM.

F. Cornelius. P. F. P. N. Scipio Nasica. In M. M. E. L. Calpurnius. Bestia.
M. Liuius. C. F. M. N. Drusus. Pro. Cos. De Scordisceis Ex Macedonia Ann. DCXLII. = = =
M. Minucius. Q. F. Rufus. Sp. Postumius. Sp. F. Sp. N. Albinus.
Q. Caecilius. L. F. Q. N. Metellus. Qui M. Iunius. Silanus.
Postea Numidicus Appell. Est.
Cens. M. Aimilius Scourus. M. Liuius. C. F. M. N. Drusus. In Mag. M. E.
M. Minucius. Q. F. Rufus. Pro. Cos. De Scordisceis. Et Triballeis. An. DCXLIV. = = =
Ser. Sulpicius. Ser. F. Ser. N. Galba. = = = = = In M. M. Est. In E. L. F. E. Scourus.
Cens. Q. Fabius. Q. F. Q. N. Max. Allobrog. C. Licinius. Geta. L. F. LXIII.
Q. Seruilus. Q. F. Cn. N. Caepio. Pro Pr. De Lusitaneis Ex Hispania Vltiore. A. DCXLV. = = =
L. Cassius. L. F. Longinus. In M. Occis. Est. C. Marius. C. F.
Q. Caecilius. L. F. Q. N. Metellus. Numidic. Pro. Cos. De Numideis. Et
Rege Iugurtha Ann. DCXLVI. = = = = =
C. Atilius. Serranus. Q. Seruilus. Q. F. Cn. N. Caepio.
P. Rutilius. M. F. Rufus. C. Manilius.
C. Marius. C. F. II. C. Flavius. Fimbria.
C. Marius.

C. Marius. C. F. Cos. II. De Numidels. Et Rege Iugurtha. An. D C X L I X. K. Ian.
 C. Marius. C. F. III. L. Aurelius. L. F. L. N. Orestes. In M. M. E.
 C. Marius. C. F. III. Q. Lutatius. Q. F. Catulus.
 M. Antonius. Pro. Pr. De Piratels. Ex Cilicia. An. D C L I. = = =
 Cens. Q. Caecilius. L. F. Q. N. Metell. Numidic. C. Caecilius. Q. F. Q. N. Metellus Caprarius. L. F. L X I I I.
 C. Marius. C. F. V. M'. Aquillius. M'. F. M'. N.
 C. Marius. C. F. I I. Cos. V. De
 Ambronib. Teutonels. Et Cimbreis. Ann. D C L I I. = = =
 Q. Lutatius. Q. F. Catulus Pro. Cos. De Cinbreis. An. D C L I I. = = =
 C. Marius. C. F. VI. L. Valerius. Flaccus.
 Pro Cos. De Lusitanis Ex Vltiore, Hispania. An. D C L I I. = = =
 M. Antonius. A. Postumius. A. F. A. N. Albinus.
 M'. Aquillius. M'. F. M'. N. Pro. Cos. Ouans De Seruis Ex Sicilia. A. D C L I I I. = = =
 Q. Caecilius. Q. F. Q. N. Metellus Nepos. T. Didius. T. F. Sex. N.
 L. Cornelius. L. F. L. N. Dolabell. Pro. Cos. Ex Hispania Vltior. De Lusitan. D C L V. V. K. Feb.
 Cn. Cornelius. = = = N. Lentulus. P. Licinius. M. F. P. N. Crassus.
 Cens. L. Valerius. = = = N. Flaccus. M. Antonius. L. F. L X V.
 Cn. Domitius. Cn. F. Cn. N. Ahenobarb. C. Cassius. L. F. Longinus.
 L. Licinius. Crassus. Q. Mucius. P. F. P. N. Scaeuola.
 C. Coelius. Calvus. L. Domitius. Cn. F. Cn. N. Ahenobarbus.
 L. C. Valerius. = = = N. Flaccus. M. Herennius.
 T. Didius. T. F. Sex. N. I I. Pro. Cos. Ex Hispania De Celtibereis. An. D C L X. I I I. Id. Iun.
 P. Licinius. M. F. P. N. Crassus. Pro. Cos. De Lusitanis. An. D C L X. Pridic. Idus. Iun.
 C. Claudius. C. F. C. N. Pulcher. M. Perperna. M. F.
 Cens. Cn. Domitius. Cn. F. Cn. N. Ahenobarb. L. Licinius. Crassus. Abdicarunt.
 L. Marcius. Q. F. Q. N. Philippus. Sex. Iulius. C. F. Sex. N. Caesar.

BELLVM MARSICVM.

L. Iulius. L. F. Sex. N. Caesar. P. Rutilius. L. F. L. N. Lupus. In Proel. Occis. E.
 Cn. Pompeius. Sex. F. Cn. N. Strabo. L. Porcius. M. F. M. N. Cato. In Pr. Occis. E.
 Cn. Pompeius. Sex. F. Cn. N. Strabo. Cos. De Asculaneis. Picentibus. An. D C L X I V. V I. K. Ian.
 Cens. P. Licinius. M. F. P. N. Crassus. L. Iulius. L. F. Sex. N. Caesar.
 L. Cornelius. L. F. P. N. Sulla. Qui Postea. Q. Pompeius. Q. F. Rufus.
 Felix Appellatus Est. In Mag. Occisus. Est.
 Seruilius. C. F. M. N. Vatia. Pro. Pr. De = = = = An. D C L X V. X I I. K. Nouem.
 Cn. Octavius. Cn. F. Cn. N. In Mag. Occis. E. L. Cornelius. L. F. L. N. Cinna.
 Abdic. In Eius Locum Fact. Est.
 L. Cornelius. Merula. Flam. Dial.
 In Mag. Occisus. Est.
 L. Cornelius. L. F. L. N. Cinna. II. C. Marius. C. F. C. N. VII. In. M. M. E. In E. L. F. E.
 L. Valerius. Flaccus. II.
 Cens. L. Marcius. Q. F. Q. N. Philippus. M. Perperna. M. F. L. F. L X V I.
 L. Cornelius. L. F. L. N. Cinna. III. Cn. Papirius. Cn. F. Cn. N. Carbo.
 Cn. Papirius. Cn. F. C. N. Carbo. II. Solus. L. Cornelius. L. F. L. N. Cinna. IIII.
 Consulatum. Gessit. In Mag. Occisus. Est.
 L. Cornelius. L. F. L. N. Scipio Asiaticus. C. Norbanus.
 C. Marius. C. F. C. N. In Mag. Occis. Est. Cn. Papirius. Cn. F. Cn. N. Carbo. III. In M. Occis. E.
 L. Cornelius. L. F. P. N. Sulla Felix. Dict. Recip. Constituendae Causa.
 L. Valerius. L. F. L. N. Flaccus. Mag. eq. Cn. Cornelius. Dolabella.
 M. Tullius. M. F. A. N. Decula. De Rege Mithridate Ex Graecia Et
 L. Cornelius. L. F. L. N. Sulla Felix. Dict. De Rege Mithridate Ex Graecia Et
 Asia Per Biduum. A. D C L X X I I. = = K. Febr.
 Cn. Pompeius. Cn. F. Sex. N. Magnus. Pro Pr. Ex Africa. De Hiarba Rege Primus Eques Ro. An. D C L X X I I.
 L. Cornelius. L. F. P. N. Sulla Felix. II. Q. Caecilius. Q. F. L. N. Metellus Pius.
 L. Licinius Murena. Pro Pr. Ex Ponto De Mithridate Rege. An. D C L X I I I.
 P. Seruilius. C. F. M. N. Vatia. Qui Postea. Ap. Claudius. Ap. F. Ap. N. Pulcher.
 dd Isauricus.

FASTI CONSVLARES

	Isauricus	Appellatus	Est.						
	M. Aimilius. Q. F. M. N.		Lepidus.	Q. Lutatius. Q. F. Q. N.				Catulus.	
	D. Iunius. D. F. M. N.		Brutus.	M. Aimilius.				Mamerc. Lepid. Liuianus.	
	Cn. Cornelius		Dolabella	Pro. Cos. Ex Macedonia.			An.	DCLXXVI.==	
	Cn. Octavius. M. F. Cn. N.			C. Scribonius. C. F.				Curio.	
	L. Octavius. Cn. F. Cn. N.			C. Aurelius. M. F.				Cotta.	
	L. Licinius L. F. L. N.		Lucullus.	M. Aurelius. M. F.				Cotta.	
	P. Seruius. C. F. M. N.		Vatia Isauricus. Pro.	Cos. De Isaureis. Ex Cilicia. An.				DCLXXIX.==	
DCXXC.	M. Terentius. M. F.		Var r. Lucull.	C. Cassius.				Longinus.	
	L. Gellius. L. F.			Cn. Cornelius. Cn. F.				Lentulus. Clodianus.	
	G. Scribonius. C. F.		Curio. Pro. Cos. De Dardaneis Ex Macedonia.	An.				DCXXXCI.==	
	Cn. Aufidius.		Orestes.	P. Cornelius. == P. N.				Lentulus Sura.	
	M. Terentius. M. F.		Varro. Lucullus. Pro. Cos. De Bessis. Ex Macedonia	An.				DCXXXII.==	
	M. Licinius. P. F. M. N.		Crassus. Pro. Pr. Ouans De Fugitiuis. Et Spartaco.	A.				DCXXXIII.==	
	Q. Caecilius. Q. F. Q. N.		Metellus Pius. Pro. Cos. Ex Hispania.	An.				DCXXXII. III. K. Ian.	
	Cn. Pompeius. Cn. F. Sex. N.		Magnus. I I.	Pro. Cos. Ex Hispania				Adbuc	
	Eques Ro.		An.	DCXXXCI I.				Prid. K. Ian.	
	Cn. Pompeius. Cn. F. Sex. N.		Magnus.	M. Licinius. P. F. M. N.				Crassus.	
	Cens. Cn. Cornelius. Cn. F.		Lentulus. Clodianus.	L. Gellius. L. F.				L. F. LXVI.	
	Q. Hortensius. L. F.			Q. Caecilius. L. F. Q. N.				Metellus. Qui.	
				Postea	Creticus			Appell.	Est.
	M. Pupius. M. F.		Piso. Pro.	Cos. Ex Hispania.			An.	DCXXXIII.==	
	L. Caecilius. L. F. Q. N.		Metellus. In M. M. E.	Q. Marcius. Q. F.				Rex. Solus.	
	Antequam Mag. Iniret.		In E. L. F. E.	Consulatum				Gessit.	
	=====		In Mag. Mort. Est.						
	C. Calpurnius.		Piso.	M. Acilius. M. F.				Glabrio.	
	M. Aimilius.		Lepidus.	L. Volcatius.				Tullus.	
	P. Cornelius. Ser. F. P. N.		Sulla.	P. Autronius.				Paetus.	
	Posteaquam	Designati	Sunt.	Cum	Ambitus	Poenas	Dedissent.	Non	
	Inierunt.	In	Eorum	Locum	Facti		Sunt.		
	L. Aurelius. M. F.		Cotta.	L. Manlius. L. F.				Torquatus.	
	Cens. Q. Lutatius. Q. F. Q. N.		Catulus.	M. Licinius. P. F. M. N.				Crassus. Abdicarunt.	
	L. Iulius. L. F. L. N.		Caesar.	C. Marcius. C. F.				Figulus.	
	Cens. L. Aurelius. M. F.		Cotta.	P. Seruius. C. F. M. N.				Vatia Isauricus.	
DCXC.	M. Tullius. M. F. M. N.		Cicero.	C. Antonius. M. F.					
	L. Licinius. L. F. L. N.		Lucullus. Pro.	Cos. De Ponto.				Cappadocia.	
	Armenia. Et Regib.	Mithridate	Et	Tigrane.	An.			DCXC.==	
	D. Iunius. M. F.		Silanus.	L. Licinius. L. F.				Murena.	
	Q. Caecilius. L. F. Q. N.		Metellus Creticus.	Pro Cos. Ex Creta Insula.	A.			DCXCI. K. Iun.	
	M. Pupius. M. F.		Piso.	M. Valerius. M. F.				Messalla. Niger.	
	Cens.							L. F. LXVII.	
	Cn. Pompeius Cn. F. Sex. N.		Magnus. III.	Pro. Cos. Ex Asia. Ponto.				Paphlagonia.	
	Cappadocia. Cilicia. Syria.	Armenia. Pirateis.	Iberia. Creta. De Regib.	Mithridate. Et Tigrane.					
	Per Biduum.	III.	Prid.	K. Octo.	An.			DCXCII.	
	L. Afranius. A. F.			Q. Caecilius. Q. F. Q. N.				Metellus Celer.	
	C. Iulius. C. F. C. N.		Caesar.	M. Calpurnius.				Bibulus.	
	L. Calpurnius. L. F. L. N.		Piso Caesonin.	A. Gabinius. A. F.					
	P. Cornelius. P. F.		Lentulus Spinther.	Q. Caecilius. Q. F. Q. N.				Metellus Nepos.	
	Cn. Cornelius. P. F. = N.		Lentulus Marcellin.	L. Marcius. L. F. Q. N.				Philippus.	
	Cn. Pompeius. Cn. F. Sex. N.		Magnus. II.	M. Licinius. P. F. M. N.				Crassus. II.	
	Cens. M. Valerius. M. F.		Messalla.						
	L. Domitius. Cn. F. Cn. N.		Ahenobarbus.	Ap. Claudius. Ap. F. Ap. N.				Pulcher.	
	C. Fontinius.		Pro. Cos. De	Allobrogibus.			An.	DCXCIX.	
DC C.	Cn. Domitius. M. F. M. N.		Calvinus.	M. Valerius.				Messalla.	
	Cn. Pompeius. Cn. F. Sex. N.		Magnus. III.	Q. Caecilius. Q. F. Q. N.				Metellus Pius Scipio.	
	Sine Conlega.		Primus.	Quinque Mensibus				Extremis.	
	Ser. Sulpicius. Q. F.		Rufus.	M. Claudius. M. F. M. N.				Marcellus.	

P. Cornelius. P. F.	Lentulus Spinther. Pro. Cos. Ex Cilicia.	An. DCCII. = =
L. Aemilius. M. F.	Paullus. C. Claudius. C. F. M. N.	Marcellus.
Cens. Ap. Claudius. Ap. F. Ap. N.	Pulcher. L. Calpurnius. L. F. L. N.	Piso Caesonius. L. F. = =
C. Claudius. M. F. M. N.	Marcellus. L. Cornelius. P. F.	Lentulus. Crus.
Eodem Anno.		
C. Iulius. C. F. C. N.	Caesar. Dict. Sine Mag. eq. Comit. Hab. Caussa.	
C. Iulius. C. F. C. N.	Caesar. II. P. Seruilius. P. F. C. N.	Vatialisauricus.
C. Iulius. C. F. C. N.	Caesar. II. Dict. Imperandi Caussa.	
M. Antonius. M. F. M. N.	Mag. eq.	
Eodem Anno.		
Q. Fufius. Q. F. C. N.	Calenus. P. Vatinius. P. F.	
M. Aemilius. M. F. Q. N.	Lepidus. Pro. Pr. Ex Hispania.	An DCCVI. = = =
C. Iulius. C. F. C. N.	Caesar. III. M. Aemilius. M. F. Q. N.	Lepidus.
C. Iulius. C. F. C. N.	Caesar. Cos. III. De Galleis.	An. DCCVII. = = =
C. Iulius. C. F. C. N.	Caesar. II. Cos. III. Ex Ponto De Pharnace Rege.	An. DCCVII. = = =
C. Iulius. C. F. C. N.	Caesar. III. Cos. III. Ex Aegypto.	An. DCCVII. = = =
C. Iulius. C. F. C. N.	Caesar. III. Cos. III. Ex Africa De Iuba Rege.	An. DCCVII. = = =
C. Iulius. C. F. C. N.	Caesar. III. Dict.	
M. Aemilius. M. F. Q. N.	Lepidus. Mag. eq.	Imper. Caussa.
Eodem Anno.		
C. Iulius. C. F. C. N.	Caesar. III. Sine Conlega.	
Eodem Anno.		
Q. Fabius. Q. F. Q. N.	Maximus. In Mag.	C. Trebonius. C. F.
Mortuus Est.	In Eius Locum Fact. Est.	
C. Caninius. C. F. C. N.	Rebilus.	
C. Iulius. C. F. C. N.	Caesar. V. Cos. IIII. Ex Hispania.	An. DCCVIII. = Octob.
Q. Fabius. Q. F. Q. N.	Maximus. Cos. Ex Hispania.	An. DCCVIII. III. Idus. Oct.
Q. Pedius. M. F.	Pro. Cos. Ex Hispania.	An. DCCVIII. Idib. Dec.
C. Iulius. C. F. C. N.	Caesar. III. Dict.	
M. Aemilius. M. F. Q. N.	Lepidus. II. Mag. eq.	Imper. Caussa.
C. Octavius. C. F. C. N.	Mag. eq.	
Vt Qum. M. Aemilius Lepidus. Paludatus. Exisset. Iniret.		
Cn. Domitius. M. F. M. N.	Calvinus.	
In Insequentem Annum Designatus.		
Erat. Non. Iniit.		
C. Iulius. C. F. C. N.	Caesar. V. M. Antonius. M. F. M. N.	
P. Cornelius. P. F.	Dolabella.	
C. Iulius. C. F. C. N. Caesar. VI. Dict. IIII. Quans Ex Monte Albano.	An. DCCIX. VII. K. Febr.	
C. Vibius. C. F. C. N.	Pansa. A. Hirtius. A. F.	
In Mag. Occis. E. In E. Loc. Fact. Est.	In Mag. Occis. E. In E. Loc. Fact. Est.	
C. Iulius. C. F. C. N.	Caesar. Qui. Q. Pedius. M. F.	In Mag. Mort. Est.
Postea Imperator Caesar Augustus Appell.	In Eius Locum Factus Est.	
Est. Abd. In Eius Locum Fact. Est.		
C. Carrinas. C. F.	P. Ventidius. P. F.	Qui Idem Praetor Erat.
M. Aemilius. M. F. Q. N.	Lepidus.	
M. Antonius. M. F. M. N.	III. VIRI. R. P. C. Ex. A. D. V. K. Dec. AD PR. K. Ian. Sex.	
Imp. Caesar C. F. C. N.		
L. Munatius. L. F. L. N.	Plancus. Pro. Cos. Ex Gallia.	An. DCCX. III. K. Ian.
M. Aemilius. M. F. Q. N.	Lepidus. II. III. Vir. R. P. C. Pro. Cos. Ex Hispania.	Pridie. K. Ian.
M. Aemilius. M. F. Q. N.	Lepidus. II. L. Munatius. L. F. L. N.	Plancus.
P. Vatinius. P. F.	Pro. Cos. De Illurico.	Pridie. = = =
P. Seruilius. P. F. C. N.	Vatialisauricus. II. L. Antonius. M. F. M. N.	
L. Antonius. M. F. M. N.	Cos. Ex Alpius.	K. Ian.
Cn. Domitius. M. F. M. N.	Calvinus. II. C. Asinius. Cn. F.	Pollio.
	Ex = = Decemb. L. Cornelius. P. F.	Balbus.
	P. Canidius. P. F.	Crassus.
		dd 2 Imp.

F A S T I C O N S V L A R E S

Imp. Caesar. Diui F. C. N. III. Vir. R. P. C. Ouans Quod Pacem Cum M. Antonio Fecit.			
M. Antonius. M. F. M. N. III. Vir. R. P. C. Ouans Quod Pacem Cum Imp. Caesare Fecit.			
L. Marcius. L. F. C. N.	Censorinus.	C. Calpurnius. C. F.	Sabinus.
L. Marcius. L. F. C. N.	Censorinus. Cos.	Ex Macedonia	An. DCCXIII. K. Ian.
C. Afinius. Cn. F.	Pollio. Pro. Cos.	Ex Parthineis.	An. DCCXIV. VII. K. Nouem.
Ap. Claudius. C. F. Ap. N.	Pulcher.	C. Norbanus. C. F.	Flaccus.
P. Ventidius. P. F.	Pro. Cos. Ex Tauro Monte. Et Partheis.	An. DCCXV. V. K. Decem.	
M. Amilius. M. F. Q. N.	Lepidus.		
M. Antonius. M. F. M. N.	III. VIR. R. P. C. II. Ex K. Ian.	AD PR. K. Ian. Quint.	
Imp. Caesar Diui. F. C. N.			
M. Agrippa. L. F.	L. Caninius. L. F.	Gallus.	
	Ex = = = = T. Statilius. T. F.	Taurus.	
L. Gellius. L. F. L. N.	Poplicola.	M. Cocceius	Nerva.
= = = o. In. = =			
Cn. Domitius. M. F. M. N. Calpinus. Pro. Cos.	Ex Hispania.	An. DCCXVII. XVI. K. Sextil.	
Imp. Caesar Diui F. C. N. II. III. Vir. R. P. C. II. Ouans Ex Sicilia.	A. DCCXVII. Idib. Nouembr.		
L. Cornificius. L. F.	Sex. Pompeius. Sex. F.		
L. Scribonius. L. F.	Libo. M. Antonius. M. F. M. N.	II. K. Ian.	
	Abdic. In Eius Locum Fact. Est.		
	L. Sempronius. L. F. L. N.	Atratinus.	
	Ex K. Iul.	P. Aimilius.	
		C. Memmius.	
T. Statilius. T. F.	Taurus. Pro. Cos.	Ex Africa.	A. DCCXIX. Pridie. K. Iul.
C. Sosius. C. F. T. N.	Pro. Cos.	Ex Iudaea.	An. DCCXIX. III. Nonas Septembr.
C. Norbanus. C. F. Flaccus	Pro. Cos.	Ex Hispania.	An. DCCXIX. III. Id. Octob.
DCCXX. Imp. Caesar Diui F. C. N.	II. K. Ian.	L. Volcatius. L. F.	Tullus.
Abdic. In Eius Loc. Fact. Est.			
L. Autronius. L. F.	Pactus.		
	Ex K. Mai.	L. Flavius.	
	Ex K. Iul.	M. Atilius.	
		C. Fonteius.	
Cn. Domitius. Cn. F. Cn. N.	Abenobarbus.	C. Sosius. C. F. T.	Nepos.
	Ex K. Iul.	Paullus Aimilius.	Lepidus.
		L. Cornelius.	
Imp. Caesar. Diui. F. C. N.	III.	M. Valerius. M. F. M. N.	Messalla Coruin.
	Ex K. Mai.	M. Titius.	
	Ex K. Octob.	Cn. Pompeius.	
HOC ANNO EX A. D. III. NON. SEPT. QVO DIE M. ANTONIVS AD ACTIVM VICTVS EST. IMP. CAESARIS DIVI. F. C. N. IMPERIVM INCIPIT.			
Imp. Caesar. Diui. F. C. N.	III.	M. Licinius. M. F. M. N.	Craesus.
	Ex K. Iul.	C. Antistius.	
	Ex Idib. Sept.	M. Tullius. M. F. M. N.	Cicero.
Imp. Caesar. Diui. F. C. N.	V.	Sex. Appuleius. Sex. F. Sex. N.	
	Ex K. Iul.	Potitus Valerius.	Messalla.
Imp. Caesar Diui. F. C. N. III. Cos. V. De Dalmateis Iapigibus. Galleis.	An. DCCXXIV. = =		
C. Carrinas. C. F. Pro. Cos. De Galleis. Morineis. Et Suencis.	An. DCCXXIV. III. = = =		
Imp. Caesar. Diui. F. C. N. IIII. Cos. V. Ex Macedonia.	An. DCCXXIV. = = = =		
Imp. Caesar. Diui. F. C. N. V. Cos. V. Ex Aegypto.	An. DCCXXIV. = = = =		
L. Autronius. P. F. Paitus. Pro. Cos. Ex Africa.	An. DCCXXIII. XVII. K. Septembr.		
Imp. Caesar Diui. F. C. N.	VI.	M. Agrippa. L. F.	II.
M. Licinius. M. F. M. N. Craesus. Pro. Cos. Ex Traccia. Et Geteis.	An. DCCXXV. IV. Non. Iul.		
Imp. Caesar. Diui. F. C. N.	Qui. VII.	M. Agrippa. L. F.	II.
In Hoc Honore Augustus Appellatus Est.			
M. Valerius. M. F. M. N. Messalla Coruinus. Pro. Cos. Ex Gallia.	A. DCCXXVI. VII. K. Oct.		
Imp. Caesar Diui. F. C. N.	Augustus. VIII.	T. Statilius. T. F.	Taurus. II.
Sex. Appuleius. Sex. F. Sex. N. Pro. Cos. Ex Hispania.	A. DCCXXVII. VII. K. Febr.		
Imp. Caesar Diui. F. C. N.	Augustus. VIII.	M. Iunius.	Silanus.
			Imp.

Imp. Caesar Diui. F. C. N.	Augustus. X.	C. Norbanus. C. F. C. N.	Flaccus.
CCXXX. Imp. Caesar Diui. F. C. N.	Augustus. XI.	A. Terentius.	Var o. Murena.
Abd. In Eius Loc. Fact. Est.	In Mag. Mort. Est.	In E. L. F. E.	
L. Sestius. P. F.		Cn. Calpurnius. Cn. F. Cn. N.	Piso.
Imp. Caesar Diui. F.	Augustus. Postquam Dictator	Appellatus E. Abdicauit.	Tr. Potest.
M. Claudius. M. F. M. N.	Marcellus. Aferminus.	L. Arruntius. L. F. L. N.	
Imp. Caesar Diui. F. Augustus.	Tribunic. Potest.	II.	
M. Lollus. M. F.		Q. Ai milius. L. F. M. N.	Lepidus.
L. Sempronius. L. F. L. N.	Atratinus. Pro.	Cos. Ex Africa. A. DCCXXXII. III. Idus. Oct.	
Imp. Caesar Diui. F.	Augustus. Tribunic. Potest.	III.	
M. Appuleius. Sex. F. Sex. N.		P. Silius. P. F.	Nerua.
Imp. Caesar Diui. F.	Augustus. Tribun.	Pot. III.	
C. Sestius. C. F. C. N.	Saturninus.	Q. Lucretius. Q. F.	Vispillo.
	Ex K. Iul.	M. Vinucius. P. F.	
		M. Agrippa. L. F.	III.
L. Cornelius. P. F.	Balbus. Pro. Cos.	Ex Africa. An. DCCXXXIV. VI. K. April.	
Imp. Caesar Diui. F.	Augustus. Tribun. Pot.	V.	
P. Cornelius. P. F. P. N.	Lentul. Marcellin.	Cn. Cornelius. L. F.	Lentulus.
Imp. Caesar Diui. F.	August. Tribun. Pot.	VI.	
C. Furnius. C. F.		C. Iunius. C. F.	Silanus.
Imp. Caesar Diui. F.	Augustus. Tribunic. Pot.	VII.	
L. Domitius. Cn. F. Cn. N.	Ahenobarbus.	P. Cornelius. P. F. P. N.	Scipio.
	Ex = =	L. Tarius	Rufus.
Imp. Caesar Diui. F.	Augustus. Tribunic. Pot.	III.	
M. Lanius. L. F.	Drusus Libo.	L. Calpurnius. L. F. L. N.	Piso Caesoninus.
Imp. Caesar Diui. F.	August. Tribunic. Pot.	IX.	
M. Licinius. M. F.	Craffus.	Cn. Cornelius. Cn. F.	Lentulus.
Imp. Caesar Diui. F.	August. Pont. Maxim. Trib. Pot.	X.	
CCXL. Ti. Claudius. Ti. F.	Nero.	P. Quinctilius. Sex. F.	Varus.
Imp. Caesar Diui. F.	August. Pont. Max. Trib. Pot.	XI.	
M. Valerius. M. F.	Messalla Barbatius.	P. Sulpicius. P. F.	Quirinus.
	Ex K. Iul.	C. Valgius. C. F.	Saturninus.
		C. Caninius.	Rebilus.
Imp. Caesar Diui. F.	August. Pont. Max. Tr. Pot.	XII.	
Q. Ailius. Q. F.	Tubero.	Paulus Fabius. Q. F.	Maximus.
Imp. Caesar Diui. F.	August. Pont. Max. Trib. Pot.	XIII.	
Iulus Antonius. M. F. M. N.	Africanus.	Q. Fabius. Q. F.	Maximus.
Imp. Caesar Diui. F.	Augustus. Pont. Max. Trib. Pot.	XIV.	
Nero Claudius. Ti. F.	Drusus. In M. M. E. T.	Quinctius. T. F.	Crispinus.
Ti. Claudius. Ti. F.	Nero. Pro. Cos.	Ouans De Dalmateis. Et	
Pannoneis.	Ann.	DCCXLI. III. F. F. F.	
Imp. Caesar Diui. F.	Augustus. Pont. Max. Trib. Pot.	XV.	
C. Marcus. L. F. L. N.	Cenforinus.	C. Asinius. C. F.	Gallus.
Imp. Caesar Diui. F.	Augustus. Pont. Max. Trib. Potest.	XVI.	
Ti. Claudius. Ti. F.	Nero. II.	Cn. Calpurnius. Cn. F. Cn. N.	Piso. II.
Ti. Claudius. Ti. F.	Nero. II. Cos. II.	De Germaneis. An. DCCXLVI. K. Ianuar.	
Imp. Caesar Diui. F.	Augustus Pont. Max. Trib. Pot.	XVII.	
D. Laelius. D. F. D. N.	Balbus.	C. Antistius. C. F.	Vetus.
Imp. Caesar Diui. F.	August. Pont. Maxim. Trib. Pot.	XIX.	
Imp. Caesar Diui. F.	Augustus. XII.	L. Cornelius.	Sulla.
Abdic. In Eius Locum Factus Est.			
= * = * = * = *			
Imp. Caesar. Diui. F.	Augustus. Pont. Maxim. Trib. Pot.	XIX.	
C. Calpurnius. C. F.	Sabinus. II.	L. Papienus.	
Imp. Caesar Diui. F.	Augustus. Pont. Max. Tr. Potest.	XX.	

FASTI CONSVLARES

DCCL.	L. Cornelius. L. F.	Lentulus.	M. Valerius. M. F. M. N.	Messallinus.
	Imp. Caesar Diui. F.	Augustus. Pont. Max. Tribun. Pot. XXI.		
	Imp. Caesar Diui. F.	Augustus. XIII.	M. Plantius. M. F.	Silvanus.
	Abdic. In Eius Loc. Factus Est.			
		Ex K. Iul.	C. Caninius.	Gallus.
	Imp. Caesar Diui. F.	Augustus. Pont. Maxim. Tribun. Pot. XXII.		
	Ti. Claudius. Ti. F. Nero	Tribun. Potestatis.		
	Coffus Cornelius. Cn. F.	Lentulus.	L. Calpurnius. Cn. F.	Piso.
	Qui Postea Gaetulicus	Appellat. Est.		
	Imp. Caesar. Diui. F.	August. Pont. Max. Trib. Pot. XXIII.		
	Ti. Claudius. Ti. F.	Nero. Trib. Pot. II.		
	C. Caesar. Augusti. F.		L. Aimilius. L. F.	Paulus.
	Imp. Caesar Diui. F.	Augustus. Pont. Maxim. Tribun. Pot. XXIII.		
	Ti. Claudius. Ti. F.	Nero. Tribun. Pot. III.		
	P. Vinucius. M. F. P. N.		P. Alfinius. P. F.	Varus.
	Imp. Caesar Diui. F.	August. Pont. Max. Trib. Pot. XXV.		
	Ti. Claudius. Ti. F.	Nero. Tribun. Pot. III.		
	L. Ailius. L. F.	Lamia.	M. Servilius. M. F.	
	Imp. Caesar Diui. F.	August. Pont. Max. Trib. Pot. XXVI.		
	Ti. Caesar Augusti. F. Diui. N. Tribun. Pot. V.			
	Sex. Aelius. Q. F.	Catus.	C. Sentius. C. F.	Saturninus.
	Imp. Caesar Diui. F.	August. Pont. Max. Trib. Pot. XXVII.		
	Ti. Caesar Augusti. F. Diui. N. Tribun. Pot. VI.			
	Cn. Cornelius. L. F.	Cinna Magnus.	L. Valerius Potiti. F.	Messalla Volusius.
	Imp. Caesar Diui. F.	August. Pont. Max. Pot. Tr. XXVIII.		
	Ti. Caesar Augusti. F. Diui. N. Tribun. Pot. VII.			
	M. Aimilius. L. F.	Lepidus.	L. Arruntius. L. F.	
	Imp. Caesar Diui. F.	Augustus. Pont. Max. Tribunic. Potest. XXIX.		
	Ti. Caesar Augusti. F. Diui. N. Tr. Potest. VIII.			
	Q. Caecilius.	Metellus Creticus.	A. Licinius.	Nerva Silianus.
	Imp. Caesar Diui. F.	Augustus. Pont. Max. Tr. Pot. XXX.		
	T. Caesar Augusti. F. Diui. N. Tribun. Potest. IX.			
DCCLX.	M. Furius. P. F. P. N.	Camill.	Sex. Nonius. L. F. L. N.	Quinctilian.
		Ex K. Iul.	L. Apronius. C. F. C. N.	
			A. Vibius. C. F. C. N.	Habitus.
	Imp. Caesar Diui. F.	Augustus. Pont. Max. Tr. Pot. XXXI.		
	Ti. Caesar Augusti. F. Diui. N. Trib. Potest. X.			
	C. Poppaeus. Q. F. Q. N.	Sabinus.	Q. Suipicius. Q. F. Q. N.	Camerinus.
		Ex K. Iul.	M. Papius. M. F. N. N.	Mutilus.
			Q. Poppaeus. Q. F. Q. N.	Secund.
	Imp. Caesar Diui. F.	Augustus. Pont. Max. Tr. Pot. XXXII.		
	Ti. Caesar Augusti. F. Diui. N. Trib. Potest. XI.			
	P. Cornelius. P. F. P. N.	Dolabella.	C. Iunius. C. F. M. N.	Silanus. Flam. Mart.
		Ex K. Iul.	Ser. Cornelius. Cn. F.	
			Cn. N. Lentul. Malug. Flam. Dial.	
	Imp. Caesar. Diui. F.	Augustus. Pont. Max. Trib. Pot. XXXIII.		
	Ti. Caesar Augusti. F. Diui. N. Tribun. Potest. XII.			
	M. Aimilius. Q. F. M. N.	Lepidus.	T. Statilius. T. F. T. N.	Taurus.
		Ex K. Iul.	L. Cassius. L. F. N.	Longinus.
	Imp. Caesar Diui. F.	Augustus. Pont. Max. Trib. Pot. XXXIII.		
	Ti. Caesar Augusti. F. Diui. N. Tr. Pot. XIII.			
	Germanicus Caesar. Ti. F. Augusti. N.		C. Fonteius. C. F. C. N.	Capito.
		Ex K. Iulis.	C. Vifellius. C. F. C. N.	Varro
				Ti. Caesar

Ti. Caesar Augusti. F. Diui. N. III. Pro. Cos. De Illuricis. Ann. DCCLXIV. ~~CCC~~
 Imp. Caesar Diui F. Augustus Pont. Max. Tr. Pot. XXXV.
 Ti. Caesar Augusti. F. Diui. N. Tr. Pot. XIII.
 C. Silius. P. F. P. N. L. Munatius. L. F. L. N. Plancus.
 Imp. Caesar Diui. F. Augustus. Pont. Max. Tr. Potest. XXXVI.
 Ti. Caesar Augusti. F. Diui. N. Tr. Pot. XV.
 Sex. Pompeius. Sex. F. Sex. Appuleius. Sex. F.

HOC ANNO IMP. CAESARE DIVI. F. AVGVSTO MORTVO
 TI. CAESAR AVGVSTI. F. AVGVST. IMPERIVM EXCEPIT.

F I N I S.

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO


THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

CAROLI SIGONII
IN FASTOS CONSVLARES,
AC TRIVMPHOS ROMANOS
Commentarius.



Venetiis, apud Paulum Manutium,
Aldi F. M. D. LVI.

Cum priuilegio ad annos x.

CAROL SIGON
 IN EASTON CORSET LANE
 AS EXHIBITED BY
 COMMITTEE

THE UNIVERSITY OF CHICAGO
LIBRARY

2. *Conclusions*

SERENISS. AC ILLVSTRISS.

VENETIARVM PRINCIPI

LAVRENTIO PRIOLO

Carolus Sigonius S. D.



VM multis locis excellentem humani ingenij uim soleo mirari SERENISSIME PRINCEPS, tum maxime in eo, quòd cum lubrica, & præceps eius natura sponte ad uitium deferatur, unius tamen dignitatis, atque honestatis amore non solum à fraude, atque flagitio reuocetur, sed ad præclaras etiam, atque honestas res obeundas facile traducatur. cuius rei si caus-

sa subtilius inuestigetur, profecto nulla alia, nisi naturale quoddam, quo nostrum quisque trahitur, studium gloriæ inuenietur. quæ, cum in constanti, eaq; præclara aliorum de nostra uirtute opinione sit posita; incredibile est, quibus ipsa quasi facibus nostras mentes ad res etiam difficiles aggrediendas, & maxima adeunda pericula exigui sæpe fructus spe, uno duntaxat ardore famæ accendat. Est etiam altera nobis ingenerata cupiditas: ut, quam caduco ipso, & fragili corpore adipisci æternitatem non possumus; eam animo, atque egregijs animi, qui immortalis est, actionibus assequamur. æternitas autem nostrarum actionum honesta eorum hominum, qui futuri sunt, prædicatione, & memoria continetur. quæ quo puriori uirtutum è fonte ducentur, eò sine dubio ab ijs ad nos uberior gloria permanabit. præclara autem agendi ratio etsi latissime patere, atque in multas diffusa esse partes uidetur; illa tamen, nescio quo modo, omnium hominum iudicio, excellere, ac proxime ad deorum uim natura mortali accedere existimatur, quæ tota in iplis iuuandis hominibus est occupata. ut merito quondam etiam ij, qui tanta laude floruerint, pro dijs ab hominibus habiti, ac diuinis honoribus aucti, atque ornati sint. Quod si qui in hoc studio ulla aliquando cum laude uersati sunt, ij mihi fuisse potissimum uidentur, qui; uel ciuitates suas sancte administrarunt, uel alienis iura integre reddiderunt. quorum quo magis uirtus in hominum genere subleuando enituit, eò commendatior erit hominum memoriæ sempiternæ; nisi forte aut Aristidis, aut Themistoclis, aut Camilli, aut Catonis memoriam ulla aliquando sæcula obscurabunt; aut Curij, Fabricij, & Paulli gloriam aliqua inimicæ uetustatis procella labefactabit. Ego uero non tam horum hominum, qui suis olim in ciuitatibus regendis uirtute præstiterunt, quam

a 2 eorum,

eorum, qui admirabili postea sapientia hanc rempublicam ijs legibus, atque opibus munierunt, ut ab intestinis tuta seditionibus, firmissimum aliquando laborantis Italiae praesidium esset, famam futuram immortalem existimo. inter quos patere quaeso SERENISSIME PRINCEPS, ut te sine ulla assentionis suspitione potissimum referam. Etenim cum tu in hac republica summo genere natus, iisdem, atque maiores tui omni dignitate ornatissimi moderationis, atque innocentiae gradibus ad illud amplitudinis fastigium ascenderis, ad quam summam civilibus studiis uera peruenire uirtus potest; cum nobilissimas huius imperij urbes, atque provincias fidei, ac potestati tuae traditas sanctissime gubernaris; cum hanc demum rempublicam in omni senatorio munere acerrime semper defenderis; pro certo habere debes, te eiusmodi actiones tuas non ad praesentis solum, sed ad futuri quoque temporis perpetuam praedicationem suscepisse; easque non in diurna, uerum in sempiterna hominum memoria defixisse; neque alio plausu posteros memoriam nominis tui celebraturos, atque eorum, quorum ipse facta egregia imitatus es, à nobis nunc etiam post tot demum saecula celebratur. siquidem illud inter omnes constat: te cum naturae tuae habitu prope diuino, excellenti animo, atque uirtute praeditum esse, tum uero maxime bonarum artium, quibus semper studueris, cognitione, ac ueterum magnorum uirorum admiratione ad singularem hanc uirtutis laudem peruenisse. Quo etiam ego incensus sum uehementius, ut commentarium hunc, quem de rebus Romanis scripsi, ad te hoc tempore mitterem; non ut haec te, cui omnia notissima sunt, edocerem, sed ut tibi summis alijs, praesertim noui principatus occupationibus impedito exiguum earum rerum, quarum studio delectaris, memoriam renouarem, ac longioris lectionis laboris aliquid adimerem. est enim hic liber ita copiose scriptus, ut nihil octingentorum ferme annorum interuallo memorabile praetermissum sit; ita breuiter, ut in tanta tamen rerum, & bellorum multitudine non admodum diuturna lectione cupidum distingere lectorem possit; atque omnino ocioso homini non ingratus, occupato uero non inutilis fore uideatur. fuit etiam illa huius consilij mei non contemnenda causa, quod, cum ad haec te scriberem, me huic senatui, cuius tu princeps es, ocij huius honestissimi, quod ab illo consecutus sum, quodammodo rationem reddere mihi uidebar. cuius ocij praeter alios multos clarissimos huius reip. senatores auctorem habeo MATTHEVM DANDVLVM, uxoris tuae mulieris lectissimae fratrem, uirum omni uirtute, ac dignitate praeditum. cuius non tam doleo, quod magnitudinem summorum erga me meritorum nullo officij genere consequi, quam, quod ne eximiam quidem eius grauitatem, ac singularem sapientiam satis oratione complecti pro mea uel opum tenuitate, uel ingenij possum. sed ut aliquando possim, certe, dum uiuam, elaborabo. nunc redeo ad commentarium. Me autem

tem ut hunc librum scriberem , non rerum Romanarum , ut ceteros olim ,
maiestas , sed earum , quod neminem fortasse alium , difficultas adduxit ;
cum uiderem , quæ ueteres illi prope diuini homines nobis plenissime , at-
que pulcherrime scripta reliquissent , ea nos fere aut manca , ac plane de-
curtata , aut fœdata , & corrupta ita habere , ut uix intelligi possent . Quam-
obrem omnibus historiarum Romanarum in unum locum testimonijs col-
latis perpetuam earum seriem , quæ apud grauissimum quenque illarum
scriptorem hodie interrupta est , à primo urbis ortu usque ad Augusti in-
teritum , seruatis diligenter , notatisq; temporibus contexui , ac quid qua-
que de re , quæ habere quæstionem uideretur , ex Romanæ antiquitatis
obseruatione sentirem , uerbis plerunque eorum allatis exposui . Quo fa-
ctum est , ut nullus fere annus inciderit , quo breuiter non aut quid domi ,
forisve gestum sit , aut quid iniuria uetustatis interierit , indicauerim . nam
qua cura , ac diligentia , & cetera , & præcipue eximia singulorum impera-
torum facta , bellorúmque memorabilium causas , atque euentus , ijs preser-
tim temporibus , quibus Liuiana desideratur historia , collegerim , atque ape-
rui , uereor ne dicere aut ambitiosum , aut putidum forte uideatur .
Hac autem in re cum aliorum ueterum monumentorum subsidio usus
sum , tum maxime nobilium quorundam lapidum , quos paucis ante annis
è foro Romano , ubi diu in occulto latuerant , in Capitolium translatos ego
non solum sequutus , sed etiam diligenter interpretatus sum ; nummorúmque
etiam multorum , quorúm mihi antiquitatis omnis indagator diligentissimus ,
ANDREAS LAVREDANVS , affinis tuus , liberalissime copiam fecit . Om-
nino mea uoluntas fuit SERENISSIME PRINCEPS , ut hoc com-
mentario , ijsq; , quos de familijs , & prouincijs Romanorum institui , præ-
clara hæc Romanæ antiquitatis studia , si non iam pridem iacentia subleua-
rem , at certe , quoad possem , labentia sustinerem . Quod ipsum si hoc li-
bro , atque felicibus celsitudinis tuæ auspicijs aliqua ex parte consecutus
fuero , diuturni me laboris mei non minimum tulisse fructum existimabo .
Vale . Venetijs prid. non. Iulias . M D L V I .

CAROLI SIGONII

IN COMMENTARIUM

FASTORVM,

ac triumphorum Romanorum

P R A E F A T I O.



Vo adducti olim consilio veteres, eruditissimi homines, Capitolinas consulares, ac triumphales tabulas composuerint : quoniam, nisi quæ Romanæ reip. forma fuerit, ac quibus ipsa quasi gradibus ad summum imperii fastigium ascenderit, notum sit, ne intelligi quidem omnino videtur posse ; propterea nihil nos alienum ab instituto nostro facturos esse arbitrati sumus, si hæc ipsa hoc commentario, quem in eas tabulas scripsimus, primum paucis explicaremus, deinde vero singula, quæ in iis tabulis scripta sunt, grauissima, quoad possemus, veterum monumentorum auctoritate comprobaremus. Multiplex ergo omnis fere ratio reip. existimatur. etenim ciuitas ipsa, cuius descriptio, ac constitutio quædam esse resp. dicitur vel vnus, vel paucorum, vel multorum in imperio sit necesse est, qui si ita remp. gubernarint, ut omnia ad eorum, quibus præsent, commoda referant, nihilq; nisi ciuium, ac communis vtilitatis causa faciant, tria constituunt recta reip. genera ; sin contra suo commodo omnia metientes quæstui remp. habeant, deprauata item tria. Nam cum bene, ac iuste res geritur siue ab vno rege, siue à paucis optimatibus, siue ab vniuerso populo, resp. est, & quidem recta. at cum iniustus est rex, quem antiqui tyrannum, aut iniusti optimates, quorum consensum factionem vocarunt, aut iniustus populus, cui nomen vsitatum nullum reppererunt, nisi vt etiam ipsum tyrannum appellarent, non modo vitiosa, sed omnino nulla resp. existimanda est. Harum autem formarum quæ præcipue Romanæ reip. conueniat, difficillimum esse iudico non modo dictu, sed etiam intellectu. Neque enim aut Polybius, aut Cicero satis mihi speciem eius reip. videntur, aut mente comprehendisse, aut oratione expressisse, cum vno verbo eam optimam fuisse tradiderunt ; optimam autem, quæ ex tribus iustis, regia, optimatum, ac populi iuncta esset, intellexerunt, quod in ea consules regiam, senatores optimatum, plebs popularē auctoritatem, ac potestatem haberet. ille Græcus eam vnam remp. adumbravit, quam ipse vidit, & quæ cum P. Africano, cuius ipse æqualis, ac socius fuit, expirauit : hic noster eam remp. informauit ; quam idem Africanus, quem in suis libris loquentem fecit, administravit. quam quidem cum perfectam, quia æquisimis erat legibus temperata, tum sanctam, quia summus in ea paupertati, ac parsimoniæ honos habebatur, ij viri tractarūt, qui à Pyrrhi regis bello vsque ad tertium Punicum floruerunt. quo tempore nulla nobilium dissensio, nullus populi motus, summa honorum, ac rerum omnium inter eos communio fuit, nullum in priuata re cumulanda, atque augenda, omne omnium in amplificando, ac propagando imperio studium est collocatum. Nam reliqua tempora quo ab hac ætate magis, eo ab optimæ reip. specie longius abfuerunt. siquidem extremis temporibus partim regum, partim imperatorum, mediis autem modo optimatum, modo populi parum moderatum imperium ciuitas pertulit. Neque vero negare possum, quin reges aliquot iusti, publicæq; studiosi vtilitatis extiterint, quos iis legibus, ac institutis Romanam fundasse remp. video, vt ab iis primordiis ad certissimum exterarum omnium gentium, ac populorum bello, paceq; principatum eam peruenire non difficile fuerit, sed quod plerique eorum aut patricios, quorum ipsi è corpore erant, vehementius extulerunt, plebem depresso, aut quod regnum per vim partum imperiosius, quàm decebat, administrarunt ; ne iustum quidem omnino eorum fuisse dominatum existimo. Exactis autem propter immoderatam quandam eorum in ciues libidinem, atque audaciam regibus, ne tum quidem moderata videtur reip. forma instituta. Etenim quid tam non dicam iniustum, sed à temperata rep. alienum esse potuit, quàm vniuersam remp. paucorum patriciorum imperio committi, plebem omni prorsus reip. munere excludi ? patricios solos consulatum, idest regum imperium, sacra, comitia fere, atque omnem in plebem & vitæ, & necis potestatem habere, plebem ipsam non modo omnis expertem honoris optimatibus obedire, sed diremptis connubijs, vitæ etiam ipsius prope communione priuatam maxima cum indignitate seruire ? Ergo vt quæ tum nulla in rep. erat, moderatio inducere-

tur,

Commentarius in fastos

tur, atque ut tenuiores cum principibus æquarentur, & plebs pari cum patriciis in ciuitate iure uteretur, sacrosanctus ei fuit tribunatus à patribus concedendus, quo ipsa tanquam acerrimo quodam telo contra optimatum potentiam, atque libidinem se, libertatem, ac pudicitiam suam tueretur, atque defenderet. connubia communicanda fuerunt, ne pars ciuium tanquam contaminata, atque indigna à nobilibus contemni, ac nullo numero haberi videretur. patricij denique summi honores impertiendi, ne soli optimates in rep. dominarentur. Quam ob rem cum plebs consulatum, quæ firmissima semper prope arx potentiae patriciorum fuerat, præterea dictaturam, censuram, imperium, sacra, sacerdotia, quæ vnius ante nobilitatis fuerant, non sine magnis reip. motibus ipsa sibi vindicasset, iamq; nihil aliud ad ius totius reip. adæquandum, quàm vt plebiscita, quibus tum sola plebs tenebatur, omnes Quirites astringerent, quæreretur; tum denique hoc etiam, secessione in Ianiculum facta, lege Hortensia consequuta est. Ita æquissimis demum legibus temperata rep. atque plebe omnium rerum in societatem vocata, magna Italiæ parte deuicta, cum Tarentinis, & cum Pyrrho rege bellum susceptum est. ex quo tempore præclara, atque ad omnis posteritatis famam illustria abstinentiæ, modestiæ, iustitiæ, fortitudinis, ciuilibus denique concordiæ, vsque ad tertium Punicum bellum exempla edita sunt. tum enim Curij, tum Fabricij, tum Coruncanij viguerunt. tum Metelli, Fabij, Marcelli, Scipiones, Paulli, Lepidi floruerunt, quorum cum eximiam in bello animi magnitudinem, ac prudentiam, tum incredibilem in pace iustitiam, ac moderationem merito admirareris, & coleres. Post autem cum, vetere labente disciplina, totius ciuitatis mores inclinare, & ad leuitatem iam nimiam, atque ambitionem incumbere cœpissent, præsertim vero luxuria per Asiaticos iam triumphos in ciuitatem inuecta, atque exterarum gentium metu amoto, à quibus, Pyrrho rege pulso, Pœnis duobus asperissimis bellis deuictis, tertio etiam funditus deletis, Philippo, Perseo, Antiocho regibus potentissimis superatis, Sicilia, Sardinia, Hispania, Illyrico, Macedonia, Græcia prouinciis in ditionem populi R. redactis, iustam principatus orbis terrarum, atque imperij confessionem extorserant: qui vsque eò vere optimus reip. status ex Polybij, & Ciceronis sententia fuerat, is primum sensim, ac leuiter tentatus, deinde aperte, translata iam ad iniustum populi dominatum rep. funditus labefactus, atque euersus est. Hunc autem statum duo Gracchi, Saturninus, Drusus, tribuni plebis furiosi, atque amentes, partim agrariis, & iudicarijs legibus ferendis, quibus optimatum potentiam frangerent, plebis confirmarent; cum aut eorum agros plebi diuisissent, aut antiquam iudiciorum auctoritatem à senatoribus ad equites transtulissent, partim ciuitate socijs danda, vt suffragiorum plebeiorum multitudine facilius nobilitatis opes in comitiis comminuerent, partim frumento largiendo, quo ad omnia, quæ in rep. mouerentur, plebem eo deuinctam munere paratiorem haberent, intulerunt, ac præstantissimum illum optimæ consensum reip. perturbarunt. ab eo igitur tempore maiores in rep. plebis, quàm optimatum opes extitere; quippe quæ omnium iam honorum, quos soli ante patricij obtinuerant, participes facta, præterea tribunatum, ac tributa comitia, quibus omnino patriciis interdictum erat, adepti, ad hæc agris, iudiciis, frumento, sociorum suffragiis aucta, atque locupletata, vniuersam remp. vt in potestate haberet, sic ex libidine administraret. Hunc autem plebis dominatum L. Sulla dictator sustulit, qui imperio, quod à senatu acceperat, lege tribunicia à C. Mario spoliatus, extorta armis ex inimicorum manibus rep. tribunorum plebis potestate imminuta, plebe agris pulsa, ac trucidata, iudiciis senatui redditis, rursus optimatum remp. stabiliiuit, popularemq; conuellit. Verum ne hic quidem status diuturnus admodum fuit. Nam paucis post annis Cn. Pompeius in primo consulatu antiqua tribunis plebis potestate, ac dignitate restituta, plebe ad iudicia cum senatoribus, & equitibus lege Aurelia aduocata, vetus illud optimæ reip. quæsisse temperamentum videtur, quod mutatis, immo corruptis iam penitus totius ciuitatis moribus, atque auaritia iam, & ambitione latissime grassante, assequi nullo modo potuit. Ita perturbato sæpe reip. statu, crebro à paucis de vniuersa occupanda rep. cogitatum est. tum enim Piso, tum Catilina cum aliis eiusdem furoris socijs aduersus remp. conspirarunt. tum Cæsar, Crassus, & ipse mutata, credo, mente Pompeius inita societate extraordinarias opes, quæ liberæ ciuitati iure formidabiles essent, sibi quæsiuerunt. qua dirempta ciuilibus repente discordia, ac totius reip. perturbatio consecuta est; cum Cæsaris potentiam senatus, Pompeij (nam Crassus interierat) populus ferre non posset. Victo autem fatali prælio, Pompeio atque optimatum factione afflictæ, rursus ad iniustum vnius Cæsaris dominatum resp. recidit. quo ab iis, qui libertati studebant, interfecto, cum reuiuiscere prisca patrum grauitas, atque ad spem auctoritatis pristinæ quodammodo respirare videretur, haud ita multo post, in ipsomet recuperandæ reip. apparatu, à populo, cui Antonius, ac post etiam Octauius, qui Cæsaris partes ambo susceperant, seruierunt, sublata funditus, atque oppressa est; cum inauditum ante triumviratum in remp. intulissent, ac nefariam optimatum, atque inimicorum suorum proscriptionem, & cædem fecissent. Triumuiris autem duobus sublati, tertius Octauius tanquam

bellorum

DE ROMVLO REGE.

b

tifsimi

Commentarius in fastos

tiſſimi ſunt Dionyſius, & Plutarchus, qui tradunt, ita inter Romulum, & T. Tatium Sabinorum regem, quem Sabino bello Romulus in ciuitatis, & imperii ſocietatem accepit, conueniſſe, vt vrbs à Romulo Roma diceretur, populus à Curibus T. Tatij patria Quirites vocaretur. Eundem ſine vxore vitam traduxiſſe multi fuere, qui ſcriberent. Liuius autem Erſiliam Sabinam ſibi deſpondiſſe prodidit. quam non ſibi, ſed Hoſto Hoſtilio fortiſſimo virò deſpondiſſe ab aliis traditum eſt. Dionyſius Erſiliam matrem Romulo, filiam Hoſtilio nupſiſſe ait. Eadem ratione ne liberos quidem vllos ipſum reliquiſſe ſunt, qui putent, vt Plutarchus, & Dionyſius. cum tamen Zenodotus, teſte Plutarcho, filiam nomine Primam, & filium Aollium, poſt Abillium nominatum ipſum ſuſcepſiſſe tradiderit. Atque hæc quidem, quatenus ad magiſtratum tabulas pertinet, de Romulo hætenus.

*De triumpho inſtituto. III triumphis Romuli regis,
& ſpolijs opimis ab eo relatis.*

DE triumphis autem hæc habemus, quæ dicamus. Triumphum eximium honorem fuiſſe quendam, quem is, qui auſpicio ſuo hoſtes prælio deuiciſſet, in urbem cum incolumi exercitu rediens, ſenatus primum decreto, poſt etiam populi iuſſu conſequeretur, ſatis inter omnes auctores conſtat. Dictum autem eſſe triumphum Varro putat libro de lingua latina v, quòd cum imperatore milites redeunt ſclamitarent per urbem in Capitolium euntes, Io triumphæ. idq; à θριῶμῶ greco Liberi patris cognomine dictum exiſtimat. qui primus deuicta India huius honoris auctor fuiſſe traditur. Itaque Liuius lib. xlv, ait. Milites laureati triumphum nomine cient. Triumphorum vero duo genera fuerunt. unus maior, qui præcipue triumphus, alter minor, quæ ouatio nominata eſt. Ex his autem alij terreſtres, alij nauales, itemq; alij in urbe, alij in monte Albano acti ſunt. Horum autem quidque qui primi, & quo anno, & qua cauſa fecerint, & quid inter triumphum, & ouationem interſuerit, ſuo loco demonſtrabo. nunc tantum id, quod inſtat, agendum eſt. Quis igitur primus Romæ triumphum egerit, parum inter ſcriptores conuenit. Dionyſius, Plutarchus, & Meſſalla Romulum huius inſtituti auctorem nominant, ſed iidem tamen tradunt ab aliis quibuſdam L. Tarquinio Priſco regi hoc tribui. Quos Florus, & Eutropius ſequuti ſunt, & fortasſe etiam Liuius, qui nullius regii triumphi, niſi eius, quem L. Tarquinius Priſcus de Sabinis egit, meminit. Plutarchus autem Priſcum primum illum quidem fuiſſe putat, qui curulem in urbem triumphum inuexerit, ſed qui triumphandi morem inſtituerit, Romulum prodit. Itaque reprehendit etiam Dionyſium, qui Romulum curru urbem ingreſſum in triumpho ſcripſerit, ſcilicet quòd non Romulus, ſed aut Priſcus, aut certe (ut alij tradiderunt) P. Valerius Poplicola conſul primi curru urbem triumphi cauſa inuecti ſint. Hic honos omnium maximus ſtante rep. ſemper habitus eſt, euerſa autem rep. triumphalia ornamenta pro triumpho ab Auguſto primum decerni cæpta ſunt. Ceterum prima Romanis arma illata ſunt à Latinis finitimis, ſecunda ab Etruſcis. Latini ad bellum dolor acceptæ à Romulo rege iniuriæ accedit, quos benigne atque amice cum uxoribus ad ludos inuitatos raptis in urbe ex compoſito mulieribus grauifſima ille cõtumelia affecerat. Hi Cæninenſes, Cruſtomini, Antemnates, & Sabini fuerunt. Camerinos autem ex Latinis, ac Fidenates & Veientes ex Etruſcis ſpes prædæ ad Romanũ agrum populandum incitauit. Itaque omnibus ijs bello intra paucos dies deuictis, Romulus primum de Cæninenſibus, & Antemnatis, iterũ de Camerinis, tertium de Fidenatibus, & Veientibus triumphauit, ut ait Dionyſius lib. i i. Nam de Cruſtominiſ, quanquã prælio fractis, triumphus nullus actus eſt. et Sabini in ipſo ſummo prælii diſcrimine icto fœdere in partem etiam ciuitatis & reip. uocati ſunt. Solinus tamen cap. i i. Romulum primum de Cæninenſibus, iterum de Camerinis, tertium de Veientibus triumphasſe prodit. Nam Plutarchus de Cæninenſibus tantum, ac poſt de Veientibus, & Fidenatibus triumphatum, & quidem Veientium regem ipſum ſenem in triũpho ductum eſſe idib. Octob. prodit. Quoniam autem in Capitoliniſ triumphis dies, & annus ab urbe condita unicuique triumpho adſcriptus eſt, propterea conatus ſum, ut ne ab eorum ratione diſcederem, quoties quidem poſſem. Itaque anno ab urbe condita i i i de Cæninenſibus triumphatum eſſe ſcripſi, quòd Dionyſius eo anno mulieres raptas eſſe credat potius, quàm (ut multi ſcripſerunt) menſe quarto. Quod ſi quarto anno mulieres raptæ ſunt, eodemq; anno uicti ſunt Cæninenſes, qui mulierum cauſa bellum Romulo intulerant, proſecto eodem etiam anno triumphatum eſt. De Camerinis autem anno x v i. K. Sextil. triumphatum ſcripſi, quia Plutarchus ait uictos Camerinos à Romulo eo anno, eoq; die Romam eſſe tranſlatos. ex quo intelligi poteſt, aut eodem die, aut paulo ante triumphum actum. De Veientibus porro Idib. Octob. triumphatum idem ſcribit. annum eius triumphi certum conſequi coniectura non potui. Cum autem uaria ſint (ut dixi) genera triumphorũ, obſeruatum eſt nobis, eos, qui Capitoliniſ triumphos inciderunt, quoties curulem triũphum, eumq; terreſtrem

& in urbe actum significare uelint, hanc ferè scribendi formulam adhibere, quam nos adscripsimus. est enim præcisa oratio, cum uerbum, triumphauit, ubique desideretur. In reliquis autem quæ scribendi ratio seruata sit, suo loco demonstrabimus. Quæ porro de opimis spoliis scripti à Romulo interfecto Acrone Cæninensium rege relatis, ea scripta sunt apud Dionysium, Liuium, Plutarchum, Solinum, Valerium, de quibus nihil dixissem, nisi tertiorum spoliiorum, quæ M. Marcellus cos. an. DXXX rettulit, fieri mentionem in Capitolinis triumphis animaduertissem. De opimis autem spoliis hæc tradita sunt. Plutarchus in Romulo opima spolia non ab opibus (ut Varro censuit) sed ab opere rei gestæ, quæ ducibus hostium interfectis Romani duces tulerint, dicta putat. Varronem autem sequitur Festus. cuius uerba mendosissima à me ita quadam ex parte restituta sunt. Opima, magnifica, & ampla. unde spolia quoque, quæ dux populi R. duci hostium detraxit. quorum tanta raritas est, ut intra annos paulo minus DXXX tantum trina contigerint nobis Romani: una, quæ dux Romulus de Acrone, altera, quæ Cossus Cornelius de Tolumnio, tertia, quæ M. Marcellus de Viridumaro fixerunt. M. Varro ait opima spolia esse, etiam si manipularis miles detraxerit, dummodo duci hostium detraxerit. quod autem omnia solita non sint ad ædem Iouis Feretrii poni, testimonio esse libros pontificum, in quibus sit, pro primis spoliis boue, pro secundis sueouetaurilibus, pro tertiis agno publice fieri debere. Esse etiam Pompilii regis legem opimorum spoliiorum talem; cuius auspicio classe prociñcta opima spolia capiuntur, Ioui Feretrio dari oporteat. et bouem cædito, qui cepit æris CCC. secunda spolia in Martis aram, octoginta, sueouetaurilia utra uoluerit cædito. Tertia spolia Iano Quirino, agnum marem cædito, Cui ceperit ex ære dato. Hæc Festus. Seruius etiam exponens illum Virgilii uersum. Tertiaq; arma patri suspendet capta Quirino, prima Ioui, secunda Marti, tertia Quirino dicata fuisse ex lege Numæ Pompilii scribit. Idem tradit Plutarchus in Marcello, quo in loco uestigia extant emendandæ huius apud Festum scripturæ. sed de spoliis opimis hæcenus. nam alia multa, ubi de secundis spoliis agemus, afferemus.

DE INTERREGIBVS.

POST Romulum anno uno Interreges reip. præfuisse multis constat auctoribus. de quo anno ita Liuius. Mortuo Romulo rem inter se centum patres decem decuriis factis, singulisq; in singulas decurias creatis, qui summæ rerum præessent, consociant. decem imperitabant, unus cum insignibus imperii, & licitoribus erat. quinque dierum spatio finiebatur imperium, ac per omnes in orbem ibat, annumq; interuallum regni fuit. id ab re, quod nunc quoque tenet nomen, Interregnum appellatum. Eadem Dionysius, & Plutarchus in Numa.

DE NUMA POMPILIO REGE.

PATREM Numæ regis Plutarchus, & is qui de uiris illustribus scripsit uocant Pomponium, at Dionysius lib. I. itemq; Liuius lib. XL Pomponem. Hunc Numam, quod æquitate, & prudentia inter omnes excelleret, Curibus urbe Sabinorum post Interreges in regnum Romam uocatum esse Romana monumenta omnia loquuntur. Regnasse autem annos XLII omnes item conueniunt, præter Eutropium, qui XLI prodit. De uxoribus, & liberis eius magna quæstio est. alij uxorem eius unam tradunt Tatiam T. Tatij Sabini, qui cum Romulo regnauit, filiam; alij alteram adiungunt Lucretiam, quam post Tatiam mortem rex sibi desponderit. eadem ratione alij Pompiliam filiam ex Tatia, alij præter Pompiliam filios etiam quatuor ex Lucretia reliquisse tradiderunt Pomponem, Calpum, Pinum, & Mamercum. Hæc Plutarchus in Numa. Rex hic nulla belli laude insignis fuit. pacis autem, ac religionis studijs floruit. is enim sacra, & cæremonias, omnemq; deorum cultum docuit. idem pontifices, augures, flamines, falios, vestales, aliosque sacerdotes primus creauit.

DE TVL. HOSTILIO REGE,

III triumphis eius.

DE Tulli Hostilij genere hæc accepimus. Dionysius lib. I. Vir, inquit, nobilis, ac fortis Hostilius ex urbe Medullia Romam commigrans regnante Romulo Ersilia filiam sibi despondit. Bello Sabino cum cecidisset filium reliquit, ex quo Tullus Hostilius rex natus est. Liuius autem libro primo Tullum regem Hostilij illius nepotem uocat, cuius bello Sabino in infima arce clara pugna fuerat. quo de uiro Plinius lib. XV. ita. Romulus frondea coronauit Hostem Hosti-

Commentarius in fastos

lium, quòd Fidenas primus irrupisset. auus Tulli Hostilij regis hic fuit. Item Macrobius libro primo Saturnal. Vetustatis peritissimi referunt, in raptu Sabinarum, unam mulierum nomine Ersiliam, dum adhæreret filiae, simul raptam, quam cum Romulus Hosto cuidam ex agro Latino, qui in asylum eius confugerat, uirtute conspicuo uxorem dedisset, natum ex ea puerum, antequam ulla aliarum Sabinarum partum ederet, eumq; quòd primus esset in hostico procreatus Hostum Hostilium à matre uocitatum, & eundem à Romulo bulla aurea, ac prætexta insignibus decoratum. Ex his locis satis intelligi potest, & patrem, & auum regis huius prænomen Hosti tulisse. Hunc porro post Numã annos **xxxxi** regnasse constantissime omnes scriptores tradunt, regem non solum Numæ dissimilem, sed etiam Romulo feroциorem. Tria siquidem hic bella gessit, Albanum, Fidenas, ac Sabinum. Albanum, & Sabinum res utrinque raptæ, ac nequicquam repetitæ excitauerunt. Fidenas uero suspicio insidiarum, quas à Fidenatibus Romanis, atque Albanis paratas rex animaduertit. Albanos autem primum uirtute Horatiorum tergeminarum, quibus singularis pugna cum Curatiis Albanis mandata erat, in potestatem adduxit; deinde fraude, ac perfidia eorū Fidenati bello comperta, urbe eorum deleta, Romam omnes traduxit. Idem omnibus his bellis re bene gestata (ut ait Dionysius) triumphauit: primum de Albanis, iterum de Fidenatibus, quorum auxilio Veientes etiam uenerant, tertium de Sabinis. Itaque parum scite Macrobius qui libro primo, Tullum bis de Albanis triumphasse, scripsit, tertium de Sabinis. Horum triumphorum meminit sic in sexto Virgilius, = residesq; mouebit
Tullus in arma uiros, & iam desueta triumphis
Agmina. Hoc autem ait, quia Numa rex, nec triumphauerat, nec bellum gesserat.

DE ANCO MARCIO REGE, & II triumphis eius.

DE patre, & auo Ancii Marcii regis hæc scripta sunt apud Plutarchum in Numa. Marcius, inquit, Sabinus, cum Numam Pompilium ad regnum suscipiendum hortatus esset, cum eo Romam commigravit, & in senatum lectus est. post obitum autem Numæ in regni certamine à Tullo Hostilio superatus sibi mortem consciiuit. ex eo natus est Marcius, cui Pompilia Numæ regis filia collocata est, ex quibus genitus est Ancus Marcius rex quartus. quæ uero scribit Plutarchus eadē sunt apud Liuium, & Dionysium. pater autem regis huius Numæ prænominis usus est. Nam scribit Tacitus lib. v. Numam Marcium ab Tullo Hostilio rege urbi præfectum fuisse. nemo autem, regnante Tullo, nisi Ancii pater Romæ uixisse uidetur è gente Marcia, cui ille tantum muneris mandare potuerit. Aui Numæ Marcij meminit Liuius lib. i. quem à Numa Pompilio rege pontificem primum creatum esse tradit, ut in Scholijs Liuianis ostendimus. Reliquit hic rex filios duos, qui post, cum L. Tarquinium Priscum regem interfecissent, à Ser. Tullio rege in exilium acti sunt, auctoribus Liuius, Dionysius, & Plutarchus. Atque huic quidem etiam annos regni omnes ascribunt **xxxxi**. Huius porro regis insignis in re bellica uirtus fuit. Etenim septem bella gessit. primum cum Latinis, secundum cum Fidenatibus, tertium cum Sabinis, quartum & quintum cum Veientibus, sextum cum Volscis, septimum iterum cum Sabinis. Horum omnium bellorum communis una causa fuit, ut fines suos ab finitimorum incurfionibus, & latrocinis defenderet, ac prædas abactas, quas illi iure non reddebant, armis repeteret. Hostibus ubique pulsus, ac re ex sententia gesta, de Veientibus tamen priore bello uictis tantum triumphauit, ut Dionysius tradit. neque enim alius triūphi meminit. Vereor tamen ne aut de Latineis, aut de Sabineis præterea triūphauerit. Me enim mouet syllaba quædam **NEIS**, quæ est in tabulis triumphalibus Capitolinis proxime ante triumphos L. Tarquini Prisci, quæ sine dubio ad hunc regem pertinet, atque extrema syllaba est uocis uel **LATINEIS**, uel **SABINEIS**. Latineis, probarem magis, quia illud bellum est illustrius, at quia Sabinum Veienti posterius fuit, Sabineis, scripsi. alij iudicabunt. est autem intelligendum, ne omnes quidem, quot quot habemus Romanæ historiæ scriptores eorum, qui hæc marmora exararunt, quod infra etiam apertius ostendetur, fidem, ac diligentiam adæquare.

DE L. TARQUINIO PRISCO REGE, & III triumphis eius.

L. TARQUINIUS regis haud difficilis est generis explicatio, præsertim omnibus in eo tradendo consentientibus annalibus. Nam (ut Dionysius, Liuius, & Strabo scribunt.) Damaratus, cum Corintho patria per seditionem pulsus in Italiam commigrasset, Tarquiniis Etruriæ urbe omnium fortunarum suarum sedem collocauit, ibiq; filios procreauit Aruntem, & Lucumonem. Damarato autem,

autem, & Arunte mortuis Lucumo, neglectis Tarquinijis, cum magna clientum manu Romam ueniens, seque pro Lucumone Lucium, & Tarquinium à Tarquinijis, ubi educatus erat, appellans, ab Anco rege in ciuium, & in patriciorum ac senatorum numerum ascitus, post eo mortuo dignus, qui ei in regni administratione succederet, habitus est. Hic filias duas reliquit, quarum una Ser. Tullio regi nupsit, altera M. Iunio Bruti patri, itemq; filium, qui uiuente patre mortuus est, reliquit filijs duobus Arunte, & Lucio. Ex quibus Lucius post Superbi cognomine inuento Romæ regnauit. Atque hæc quidem Dionysius. nam ab eo dissentit Liuius, ut post dicemus. Regnasse hunc annos **xxxviii** Dionysius, & Liuius tradunt. Rufus, Messalla, Eutropius, & Solinus **xxxviii**. Quibus potissimum nos in his tabulis perficiendis ob eas causas, quas postea recitabimus, assentimur. **PRISCUS** hic cognomen inuenit, auctore Dionysio, quod natus maior, quam L. Tarquinius, qui Superbus dictus est, fuit. Idem pluribus præliis Latinos, Etruscos, ac Sabinos rebellantes, ac populationibus infestum Romanum agrum reddentes fregit, ac triumphos egit. Hunc enim primum Romæ triumphasse Messalla, Eutropius, & Florus scribunt. ut supra in Romulo diximus, ter autem triumphasse consentientibus Capitolinis tabulis auctor est Dionysius; primum de Latinis, iterum de Etruscis, tertium de Sabinis. quanquam qui librum de uiris illustribus scripsit, de Sabinis eum tantum, & priscis Latinis ait triumphasse. Macrobius autem, & Liuius triumphum solum; quem de Sabinis egit, meminerunt.

DE SER. TULLIO REGE, & III triumphis eius.

De genere Ser. Tullii regis non omnes scribunt uno modo. Tullius enim (inquit Dionysius) Corniculanus, uir nobilis, cum pro patria, quæ tum à Tarquinio rege oppugnabatur, dimicans cecidisset, Ocrisiam uxorem prægnantem reliquit, quam captiuam rex uxori Tanaquilæ donauit. Ea cum puerum peperisset, quem à patris nomine Tullium, à fortuna Seruium nominauit, libertati restituta est. Puer autem, ubi corroborata ætate fuit, generi regi ascitus est. post autem, socero ipso rege à filiis Anci occiso, hortatu focus regnum Romæ suscepit. Hæc Dionysius. Liuius patrem huius Ser. Tullium nominat; ita ut potius rex à patre Seruii prænomen sumpsisse uideatur, quam (ut ait Dionysius) à seruitute. quanquam (ut adiciit Liuius) fortuna matris, quod capta patria in hostium manus uenerat, ut serua natus uideretur, effecerit. Qui autem Capitulos triumphos inciderunt, patris prænomen retinuerunt, credo, quod eum spurium & incerto patre ortum opinarentur. quam opinionem multorum fuisse Plutarchus in libro de fortuna Romanorum ostendit. Quo in loco scribit alios putasse Ocrisiam domi Tarquinii ex quodam regis cliente, alios ex lare aliquo, alios ex Vulcano ipso deo Seruium procreasse. De Vulcano autem rumorem percrebuisse maxime tum, cum repentina flamma Seruii pueri caput flagrauit. Sed hæc, atque alia eiusmodi fabulis similia sunt. Hic filias duas reliquit, quarum altera Arunti, altera Lucio Tarquinijis collocata est, Liuius auctore, & Dionysio. quorum etiam testimonio apparet hunc annos regnasse **xl**. Idem cum Etruscis diuturnum bellum per annos **xx** gessit. Eius belli auctores Veientes, Cæretes, & Tarquinienfes fuerunt, qui, reliqua sollicitata Etruria, istæ pacis cum Prisco rege conditionibus stare noluerunt. Magna igitur & huius regis in hoc bello uirtus enituit. quippe qui hostes ita contuderit, ut etiam de iis ter triumpharit. Hoc enim cum apud Dionysium scriptum, tum in Capitulinis triumphalibus tabulis est incisum. Messalla eum etiam de Veientibus, & Etruscis nobilem uictoriam ait retulisse.

De Lustris instituto.

Qui Capitulas tabulas descripserunt, lustra omnia etiam antequam à censoribus conderentur, adscribunt, faciendum esse mihi putauit, ut initium lustrorum omnium notarem. Quod Ser. Tullio regi scriptorum omnium consensu defertur. Lustrum autem ratio hæc fuit, quantum ego ex Dionysio, & Liuius intelligere possum. Ciues omnes bona sua æstimare rex iussit, atque eorum æstimationem iureiurando obstrictos ad se deferre; præterea nomina, & ætatem uxorū, liberorum, libertorum, seruorumq; profiteri, quaque urbis in regione habitarent, indicare; qui secus fecisset, bona eius publicari, ipsum uerberatum uenire, & ciuitatem amittere uoluit. prout autem uariis erat cuiusque census, ita uarias etiam descripsit ciuium classes, ita ut in primam classē ditissimum, in sextam tenuissimum quēque conijceret. Ditissimos autem, quos militaribus muneribus, & bellicis sumptibus, eosdem domesticis etiam ornamentis, atque insignibus affecit. in suffragiis enim ferendis maximam prærogatiuam primæ classis esse, tum secundæ, tum tertiæ deinceps usque ad sextam uoluit. Cum autem ciues omnes in campo conuenire iussisset, atque ibi cen-

sum

Commentarius in fastos

sum egisset, ibi exercitum omnem sueouetaurilibus lustrauit. Censa sunt ciuium capita $lxxxm$. Id lustrum Romæ primum conditum est, cuius condendi munus, quemadmodum post à regibus, ad consules, à consulibus ad censores peruenerit, infra ostendam. Nunc quia lustrum à censoribus quinto quoque anno plerunque est conditum, hinc lustrum pro quinquenniali spatio sumptum esse, idque à luendo dictum scribit Varro lib. v. de lingua Latina, quòd quinto quoque anno uestigalia, & alia tributa per censores persoluerentur. Puto autem non unum tantum, sed quatuor lustra à Ser. Tullio interpositis temporibus esse condita. me vero, ut ita sentiam, cogunt rationes, quas infra in $viii$ lustro exponam.

DE L. TARQUINIO SUPERBO REGE, & ii triumphis eius.

L. TARQUINIUM Superbum filium L. Tarquinii Prisci regis tradit cū ceteris omnibus Liuius Dionysius firmissimis, certissimisque rationibus errorem illorum coarguit, idque haud fieri potuisse ex certa annorum ratione ostendit. nepotem autem Prisci fuisse. ex filio, qui Prisco ipso uiuente obiit, at uero adoptione filium probat. quæ res ceteris erroris causam tribuerit. Vtrocūque autem modo sentiamus, haud incommoda illa nostra descriptio est, cum eum L. F. Damarati N. esse scribimus, quæ est tabularum etiam Capitolinarum. Filios hic reliquit tres, Sextum, Aruntem, & Titum. Sextum natu maximum uocat Dionysius, at Liuius, & Ouidius in Fastis, minimum. Hic cum stuprum Lucretiæ intulisset, causam L. Bruto, & focijs eius præbuit, ut pater eius cum tota regia stirpe Roma exigeretur. quanquam Seruius Aruntem, non Sextum, qui Lucretiæ uim fecerit, nominat. Titus à patre ad oraculum comite L. Bruto dato missus, Aruns post ab ipso Bruto. in acie occisus est. reliquit & Tarquiniam filiam, quæ Octauo Mamilio Tusculano duci nupsit. Idem Superbus ex moribus nominatus. Regnauit annos xxv , ut Liuius, & Dionysio placet. qui uero Ser. Tullio annos $xxxiii$ assignant, iidem Superbo $xxxv$ ascribunt. Ne hic quidem rex expers gloriæ bellicæ fuit, quippe qui Sabinorum opes, qui parere recusabant, duobus bellis comminuerit, ac Volscos populantes primus bello aggressus, deuicerit. Quanquam autem nullos auctores habeo, qui triumphos ullos actos à Superbo rege scribant, tamen quoniam bis eum triumphasse ex Capitolinorum triumphorum fragmentis intelligebam, suspicatus sum triumphos duos accipiendos esse, unum, quem de Volscis, alterum, quem de Sabinis egerit. præsertim uero cum hos populos ab eo uictos Liuius, Dionysius, Messalla, isque qui scripsit de uiris illustribus constantissime tradant. neque enim nomina ipsorum populorum in fragmento Capitolino extant.

DE CONSULIBVS PRIMVM CREATIS, & quo urbis anno, ac quo die inierunt.

HÆC est secunda mutatio reipub. qua Superbo rege cum propter regis impotentiam, tum propter stuprum Lucretiæ à regis filio illatum exacto, & libertate recuperata, imperium duobus uiris annum mandatum est, qui, quòd consulerent reip. consules (ut in lib. de legibus ait Cicero) nominati sunt. Creati autem sunt à Sp. Lucretio Lucretiæ patre, uel urbis præfecto, uel inter rege comitijs centuriatis ex commentarijs Ser. Tullij regis. Omnia iura, omnia insignia regum primi consules habuere. id modo cautum est, ne si ambo fasces haberent, duplicatus terror videretur. Patricij autem ambo sunt creati. quod iccirco ascribo, ut progressus reip. cognoscatur, cum post etiam ex plebe sint creati cæpti. nam hoc tempore uniuersa in patriciorum potestate resp. fuit. Ceterum annum, quo primi consules inierunt non eodē modo numerari ab omnibus inuenio. Liuius enim, ac Dionysius post Romam conditam cxl appellant, alij uero, quorum opinionem nos sequuti sumus, $cxxiii$. Huius autem uarietatis causa est, quòd illi Prisco regi annos $xxxviii$ tribuerunt, hi $xxxvii$. nos autem ab ijs dissidere coacti sumus, ut summa annorum Capitolinorum conueniret. annus enim quo P. Valerius cos. de Veientibus triumphauit, in Capitolinis fragmentis $cclxxviii$ appellatur. is uero, quo Sp. Cassius de Sabinis, $ccli$. quo P. Postumius, Agrippa Menenius de Sabinis ccl . Quæ si uere scripta sunt, profecto, si regredientes usque ad annum, quo reges pulsi sunt, perueniemus, eum $cxxiii$, non $cxxviii$ esse reperiemus. Quod autem dico à Capitolinis scriptoribus obseruatum esse, idem aliorum etiam auctoritate comprobatur. Messalla enim anno ab urbe condita $cxxiii$ pulsus regibus sub consulibus annuo imperio iura Romana fuisse tradit. Orosius anno ipso $cxxiii$ Brutum consulem de filijs sumpsisse supplicium, Rufus, Eutropius, Iornandes, itemque Solinus, in emendatis præsertim libris, Romæ regnatum esse annos $cxxiii$ scribunt. Adde quòd cum Rufus dicat regnatum

gnatum esse annos **CCXLIII**, à Roma condita ad Hirtium, & Panfam consules annos numerat **DCCX**. ab expulsis regibus annos **CDLXVII**. qua summa nihil cum Capitolina esse potest congruentius. Est autem illud admonendum, magnam in annis ab urbe condita numerandis, ac digerendis inter antiquos scriptores dissensionem fuisse. Quod & Cicero tradit in Bruto, & nos ita esse ex uariarum supputationum obseruatione, ac comparatione deprehendimus. omnis autem huius controuersie causa inde oritur, quòd quos alij consules, & sine consulibus dictatores sæpe interferunt, eos omnino alij prætereunt. Quod & infra suo cuiusque in anno ostendam, & in supputatione etiam Liuiana alio loco demonstrauimus. Est autem varia, & inconstans annorum apud omnes ratio usque ad quingentesimum ferme annum ab urbe condita; ab eo uero hanc constantem inter eos esse controuersiam inuenio, quod alij alios uno, alij duobus, alij tribus, alij quatuor annis antecedunt, aut subsequuntur. exempli causa hoc modo.

Liuius.	Eutropius.	Dio. Valer. Velleius.	Capit. tabulæ. Rufus. Solin.	Cicero. Plin.
D.	DI.	DII.	DIII.	DIIII.
Anno. DI.	DII.	DIII.	DIIII.	DV.
DII.	DI II.	DI III.	DV.	DVI.

Vt autem de anno, sic de die, quo primi consules inierint incertum diuersi auctores faciunt. Plutarchus in Problematis primos cos. K. Ianuarij inisse scribit. Ouidius in Fastis duos dies festos Romæ regis fugij tradit, unum **VII K. Mart.** alterum **IX K. Iun.** Ego uero Plutarchum errare cum multis rationibus arbitror tum uero, quòd anno tantum sexcentesimo ab urbe condita, consules K. Ian. primū inire cœpisse inuenio. Neque uero Brutus cos. primū consulatū inire **VII K. Mart.** potuit. quippe qui auctore Plutarcho in Poplicola prid. K. Mart. obierit. quid est enim absurdius, quàm tantas res, quantas ille in consulatu gessit, ab eo quinque dierum spatio gestas dicere? neque etiam Brutum **VII K. Mart.** magistratum cepisse, cumque usque ad prid. K. Mart. sequentis anni, id est ad extremum anni diem obtinuisse dicere possumus. nam si ita res cecidisset, nullum in Bruti mortui locum subrogari opus fuisset, cum tamen duo sint ei deinceps suffecti, Sp. Lucretius, & M. Horatius. M. autem Horatius diu etiam ex rebus eius gestis in magistratu fuisse uideatur. Quod cum ita sit, sane efficitur, ut **IX K. Iun.** reges expulsi sint. siquidem scribit Macrobius libro primo Saturn. Nonnulli putauerunt Iunium mensem à Iunio Bruto, qui primus Romæ consul factus est, nominatum, quod hoc mense, id est K. Iuniis pulso Tarquinio sacrum Carnæ deæ in Cælio monte uoti reus fecerit. sic autem efficitur, ut Bruto post nouem menses in acie interfecto, in reliquum anni Sp. Lucretius, ac eo mortuo M. Horatius fuerint suffecti. Confirmant hanc opinionem ea, quæ de segete matura messi, & de Tiberi leni fluenti aqua, ut medijs caloribus solet, affert Liuius, cum de bonis regi reddendis paulo post regis expulsionem loquitur. Ex ijs enim Iunij potius, aut Quintilis, quàm Martij, aut Aprilis tempus describitur. Adde, quòd Dionysius ait primos consules inisse quatuor mensibus illi anno deficientibus. Quod ita ego interpretor. consueuisse eos tum à K. Octob. annum ordiri. cum autem primi cos. circa K. Iun. inierint, menses quatuor ante solennem exordiendi noui anni diem inisse. Fuisse autem uidetur annus ille libertatis primus non duodecim mensium, sed sexdecim, quòd primi consules Valerius, Horatiusq; quorum ille Tarquinio, hic Bruto iueundem annum suffectus est, de templo Capitolino dedicando inter se contenderunt, quod ab Horatio consule Idib. Septembris, id est extremo mense consulatus consecratum est, Plutarcho in Poplicola, & Liuiolib. **VII**. auctoribus. Quòd autem circa K. Octob. tum annum exorsi sint; apparet ex Dionysio, qui lib. **VII**. Sp. Cassium, & Postumum Cominium cos. anno **CDLX** consulatum inisse ait K. Septemb. citius, quàm alij ante consueuerunt. Nihil tamen ante **DCCC** sere ab urbe condita annum labantius, atque inconstantius fuit, quàm solennis consulatui ineundo dies. quod suo loco ostendam.

DE PRIMIS COS. ANNO CCXLIII.

Nemo est, qui dissentiat, quin L. Iunius Brutus, & L. Tarquinius Collatinus primi consules Romæ gesserint. Patrem Bruti M. Iunium uocat Dionysius, eumque progeniem unius eorum prodit, qui cum Aenea coloniam condiderunt. Is duobus ex Tarquinia Prisci regis filia susceptis filijs M. & L. Iunijs unā cum maiore filio Marco à Superbo rege occisus est. Lucius autem,

cum

Commentarius in fastos

cum regis insidias metueret, quo facilius, quæ animo agitabat, exequi posset, stultitiam simulauit, seq; Brutum, idest stultum dici non recusauit. Itaque cum Sex. Tarquinius Lucretiæ Collatini uxori uim intulisset, primus populum ad libertatem recuperandam incitauit, et primus expulsus rege consul factus est cum Collatino Lucretiæ uiro, de quo non idem tradit Liuius, & Dionysius ille enim hunc Egerij filium, Aruntis nepotem, Damarati pronepotem; hic uero Egerij nepotem Aruntis pronepotem, Damarati abnepotem uocat. Plutarchus in incerto est, utrum sequatur sententiam. Ego tamen sequutus sum Dionysium, qui in eiusmodi quæstione acutissime mihi uersari uidetur. Quia uero patris prænomen non traditur à Dionysio, interuallum inane relinquere sum coactus. quod multis aliis etiam in locis erit necessario faciendum. Porro autem Collatini cognomen inuenit primus Egerius, cum diu Collatiæ præfuisset. de quo in 11. Fastorum Ouid. Clarum cui dederat Collatia nomen. Quoniam autem credo in Capitolinis consulibus eos præponi qui priore mense fasces habuerint, prior autem ex his habuit Brutus, eum propterea Collatino præposui. De Bruti fascibus auctor est Liuius, & Valerius lib. v 11. Bruti, inquit, uasre telluri impressum osculum urbi libertatem, ipsi primum in fastis locum tribuit. et Virgilius.

Consulis imperium hic primus sœuasq; secures

Accipiet.

Quod autem, **COACTVS ABDICAVIT**, scripsi feci ex Capitolinarum tabularum præscripto. in quibus causæ omnes notari solent depositi magistratus. Huius autem abdicationis Collatini non eadem causa ab omnibus traditur. Liuius enim libro 11. Plutarchus in Poplicola L. Tarquinium consulem scribunt, ne nomen Tarquiniorum populo infensum in urbe esset, hortatu consulis Bruti deposito magistratu sponte urbe celsisse idem scribit L. Piso apud Gellium libro xv. L. Tarquinium collegam suum, quia Tarquinium nomen esset, metuere. eumque orat, uti sua uoluntate Roma contendat. Hanc autem opinionem Dionysius irridet, & refutat. ortam autem esse dissensionem inter Brutum, & Collatinum ait, cum Brutus supplicio de filiis, qui de recipiendis in urbem regibus consilia habuerant, sumpto, pariter in fororum Collatini filios coniurationis eius socios animaduerti uellet. Quos cum pro potestate, qua præditus erat, eximere poena Collatinus uellet, Brutum, misso in suffragia populo ei magistratum abrogasse. Pisonem sequitur Cicero 111 de officiis, & in Bruto. P. autem Valerium Collatino successum, qui Brutum ante in expellendo rege inuenerat, apud omnes inuenio. Pater huius in annalibus Volefus, in tabulis Capitolinis Volusus appellatur. **POPPLICOLA** autem in hoc magistratu uocatus est, quia leges tulit valde populares, ut de prouocatione à consulibus ad populum, & de imperio à populo accipiendo. ut Liuius, & Dionysius auctores sunt. Dicitur est autem Poplicola, auctore Dionysio, quasi *δημοκλῆς*, id est populum colens. Hanc autem rationem scribendi ex Capitolinis consulibus sumpsi, in quibus est alio loco ita. **QVI IN HOC HONORE MESSALL. APPELLAT. EST.** & **QVI IN HOC HONORE CENSORIN. APPELL. EST.** à qua formula ne punctum quidem mihi discedendum esse duxi. Porro autem L. Brutum cos. in magistratu ab Arunte Superbi regis filio (mouerat enim rex Romanis bellum) interfectum in prælio esse prid. K. Mart. Plutarchus, & alij tradunt. Quo mortuo P. Valerius Sp. Lucretium Tricipitinum Lucretiæ patrem sibi cooptauit, eiq; ut natu grandiori prius fasces dedit. Dionys. Liuius, Plutarch. Liuius præterea, ac Dionysius auctores sunt, Lucretium iam ætate confectum paucos intra dies mortuum esse, in eius autem locum M. Horatium Puluillum subrogatum. Addit Liuius in quibusdam annalibus Lucretium consulem prætermisum, & Bruto statim M. Horatium esse successum, forte, quia nulla res insignem fecerit consulatum, memoria excidisse.

De triumpho P. Valerij Poplicolæ cos.

de Etruscis.

Hoc anno L. Superbum regem, atque Etruscos à Superbo ipso concitatos bellum populo R. intulisse Veientes nempe, & Tarquinienfes, deq; ijs populis P. Valerium consulem re præclare gesta triumphasse auctores sunt Dionysius lib. v. Liuius lib. 11. Plutarchus in Poplicola, & is, qui scripsit de uiris illustribus. Addit Plutarchus primum hunc fuisse, qui quadrigis uectus triumphauerit. Huic ego, quod, **PRIMVS**, adscripserim, feci ex obseruatione Capitolinorum triumphorum. Nam qui in aliquo magistratu alicuius auctor est instituti, is sane hac ratione ibi describitur. ut infra. **Q. PVBILIVS PHILO PRIMVS PRO COS.** & **C. DVILIVS PRIEMVS NAUALEM EGIT.** P. autem Valerium primum fuisse, qui consul triumphauerit notat Dionysius, & Plutarchus. Triumphatum autem esse K. Mart. puto, quia Dionysius ait, post tridie, quàm pugnatum erat, triumphum esse actum. Pugnatum autem est Plutarcho auctore pridie K. Martias.

DE COS. AN. CCXLV.

CONSULES secundus post exactos reges annus habuit P. Valerium iterum, & T. Lucretium, auctore Liuius, & Dionysio. Iterum autem consul Valerius scribitur, ut idem esse, qui priore anno fuit intelligatur. notatur autem hoc modo, II. sic enim est in nummis antiquis, & lapidibus maxime Capitolinis. Qua de re scribit etiam Gellius lib. x. ubi numerum tertij consulatus Cn. Pompeij in theatro tribus tantum lineis III incisis significatum ait fuisse. Est autem hoc à nobis obseruatum, numeros quibus magistratus multiplicati notantur superimpositam habere lineam, hoc modo, II. III. IIII. in Capitolinis tabulis, triumphorū uero numeros nullam, sic II. III. IIII. Quod ipsum differentiae causa nobis diligentissime custodiendum esse putauimus. Porro autem T. Lucretium patrem esse reor T. Lucretij T. F. T. N. Tricipitini, qui cos. est anno urbis cccxi in Capitolinis tabulis. His consulibus L. Porfena rex Clusinus rogatu Tarquiniorum bellum populo R. intulit. nec quicquam profecit.

De Lustrō V.

CENSVM, cuius auctor Ser. Tullius rex fuerat, cum toto Superbi regno intermissus fuisset, hoc anno, & ab his consulibus actum, atque relatum esse, censaq; esse ciuium capita cxxx millia Dionysius scribit. Solet autem Dionysius census nomine etiam lustrum intelligere, ut in VIII lustrum dicam. quo loco, & hoc lustrum quintum esse, nec ullo modo prætermitti posse docebo.

DE COS. AN. CCXLVI.

CONSULES in hunc annum edit Liuius P. Lucretium, & P. Valerium Poplicolam. Dionysius P. Valerium Poplicolam tertium, M. Horatium iterum. Plutarchus P. Valerij tertium consulis tantummodo meminit. Nos Dionysium sequuti sumus. quem liber etiam antiquus, quem citat Cuspinianus, sequitur, in quo consules deinceps collocantur cognominibus eorum tantum allatis. hoc modo.

BRUTO, ET COLLATINO

PUBLICOLA II. ET TRICIPITINO

PUBLICOLA III, ET PVLVILLO.

Est autem Puluillus M. Horatij cognomen. Addit Dionysius hoc demum anno ædem Iouis Capitolini à M. Horatio consule dedicatam esse. quam Liuius ab eodem dedicatam tertio ante anno scripsit. Hoc anno Etrusco bello finis pace cum Porfena facta impositus est, Porfena ipso nomine Romanæ fortitudinis exemplis Horatij, Mucij, & Clæliæ virginis percusso.

DE COS. AN. CCXLVII.

POPPLICOLAE tertium consuli suggerit consules Dionysius Sp. Lartium, & T. Herminum. idem facit Cassiodorus, idem liber Cuspiniani. ita.

PUBLICOLA III. ET PVLVILLO.

RUFUS, ET AQUILINO.

VALERIO, ET TVBERTO.

Contra Liuius hos omittit, atque M. Valerium, & P. Postumium Tubertum subijcit, sed, (ut ostendi in scholijs Liuianis) uitio librariorum. Qui rationes, cur ita censeam, quæret, inde facile petere poterit. Hos autem consules à Capitolina supputatione nō respui satis constat. quod qui sequentes annorum numeros intuebitur facile intellexerit. Meminit Sp. Lartij sæpius Dionysius, sed sæpe cum menda. est autem σωρός ἀρχίος φλάυνος, in secundo huius consulatu legendum. quod Flauum cognomen huic sæpe attribuit Dionysius, id Rufum esse in libro Cuspiniani satis constat. Nam Aquilius Herminij collegæ cognomen est. Hic Sp. Lartius frater fuit T. Lartij dictatoris. Dionysius lib. v. Quietus à bello annus hic fuit.

DE COS. AN. CCXLVIII.

CONSULES subsequuti sunt M. Valerius, & P. Postumius, Liuius, & Dionysio testibus. M. Valerius Poplicolæ frater fuit. Dionysius, Liuius, Plutarchus. Postumius cognomine usus est

Commentarius in fastos

est **TUBERTO**. Plutarchus in Poplicola, Dionysius lib. v, & v i, & Cicero de legibus, cum ait. Tuberto virtutis causa tributum est, ut in urbe sepelliretur, quod eius posterum iure tenuerunt. de eodem Valer. lib. i i. cap. i i. Itaque in libro Cuspiniani hi consules ita scribuntur, **VALERIUS**, & **TUBERTVS**. Hunc Quinti filium vocat Dionysius, ubi de legatis consularibus agit ad plebem missis anno **cc l x**.

*De triumphis M. Valerij, & P. Postumij Tuberti
cos. de Sabinis.*

HOC anno Sabini contemptis Romanorum opibus Etrusco bello fractis bellum à latrocinij exorssu intulerunt, de quibus prælio victis M. Valerium, P. Postumium consules triumphasse, auctor est Dionysius lib. v, & Liuius lib. i i. Plutarchus autem in Poplicola M. Valerium Poplicolæ fratrem de Sabinis, quos bis prælio fuderat, triumphasse, Plin. lib. x x x v i, cap. x v fratrem Poplicolæ bis Sabinos in eodem magistratu uicisse aiunt. Hic est M. Valerius, cui quia sæpius uicerat, ædes in Palatio tributa sunt, & publico sumptu ædificata. cuius rei auctores sunt Dionysius lib. v, Pædianus in Pisonianam, Plutarchus in Poplicola, Plinius lib. x x x v i, cap. x v.

DE COS. AN. CCXLIX.

LIVIUS in hunc annum consules prodiit P. Valerium Poplicolam i i i i, & T. Lucretium i i. Idem scribit Dionysius, Plutarchus, & Cassiodorus. liber Cuspin. Publicolam i i i i. & Tricipitinum edit. De quatuor Poplicolæ consulatibus sic Valerius lib. i i i i. Valerius Poplicola consulatus initium cum Bruto auspiciatus est, idemque postea tres consulatus acceptissimos populo Romano gessit.

*De triumpho i i. P. Valerij Poplicolæ
cos. i i i i, de Sabinis.*

CONSULES hoc anno Sabinorum opibus prælio comminutis triumphasse Liuius tradit, & Dionysius. Plutarchus cum operam nauasse utrumque consulem Sabinorum in bello scribat, non tamen nisi Poplicolam triumphasse ait. Atque hic vnus etiam triumphus est in fragmentis Capitolinis. Quoniam autem ex iisdem fragmentis apparet non solum de Sabinis, sed etiam de Veientibus ab eo esse triumphatum, quod Liuius, & Dionysius omiserunt, non ignorandum est, id etiam recte uideri factum. Nam qui de uiris illustribus scripsit, P. Poplicolam ait primum de Veientibus, iterum de Sabinis, tertium de utrisque gentibus triumphasse. quanquam nos eum bis tantum triumphasse arbitramur. Quod ex fragmentis etiam Capitolinis intelligi potest.

DE COS. AN. CCL.

LIVIUS, & Cassiodorus consules suggerunt Agrippam Menenium, & P. Postumium. Dionysius Agrippam Menenium Lanatum, P. Postumium Tubertum iterum. liber Cuspin. Tubertum iterum, & Lanatum. Agrippam Menenium C. F. vocat Dionysius, ubi de legatis consularibus agit ad plebem missis anno **cc l x**. Valerius uitiose hunc lib. i i i i cap. i i i i M. Menenium Agrippam nominat. rectius qui de uiris illustribus scripsit, Menenium Agrippam cognomento Lanatum.

*De P. Postumio Tuberto cos. i i. ouante, Agripp. Menenij
Lanati cos. triumpho. de Sabinis.*

HOC anno colonias duas Latinas Pometiam, & Coram ad Auruncos defecisse, cum Auruncis initum bellum, de quo ijs acie victis consules triumphasse tradit Liuius. Dionysius autem Sabinos tertiam in agrum R. impressionem facientes à consulibus fusos, caesosque esse, atque de ijs Agrippam consulem triumphasse, Postumium primum ouantem urbem ingressum scribit. Quem, quia certiora affert, (ut solemus) sequuti sumus. De Agrippa enim idem scribit is, qui de uiris illustribus tradidit, & Dionysius iterum lib. v i extremo, ubi mortem eius exponit. quo in loco *ἐν τῇ πόλει* legendum est, non *ἐν τῇ πόλει*. De Postumio uero Plin. lib. x v. ita ait. Bellicis se quoque rebus myrtus inseruit, triumphansque de Sabinis Postumius Tubertus in consulu,

latu, (qui primus omnium ouans urbem ingressus est, quoniam rem leuiter sine cruore gesserat) myrto Veneris uictricis coronatus incessit, optabilemque arborem etiam hostibus fecit. Vtriusque etiam triumphi uestigia certissima in Capitolinis fragmentis extant.

De ouatione instituta.

Nunc vero, quia locus postulat, de ouatione quid inuenerimus exponamus. ouationem minoris esse triumphus genus Dionysius lib.v. Plutarchus in Marcello memoriae prodiderunt. Ouantes scribit Festus letantes esse ab eo clamore, quem mittunt redeuntibus à pugna uictores milites geminata litera O. quod idem placet etiam Dionysio. quasi uero Romani, inquit, Ὀύαντες græcorum uocem, quæ clamorem significat, ouationis nomine uoluerint interpretari. At Plutarchus hanc opinionem refellit, & ouationis nomen ab oue ductum putat. quam qui hoc genere triumphus ornabatur, sacrificabat, quemadmodum qui maiorem triumphum agebat, taurum in Capitolium ueniens immolabat. Differt autem ouatio à triumpho, ut ait Dionysius. quod qui ouans ingreditur, is nec curru uectus, nec trabeam, nec togam pictam indutus pedibus urbem exercitu præeunte iniret. Plutarchus autem eundem nec quadrigis inuectum, nec laurea coronatum, nec tubis concinentibus, sed pedibus, & calceis myrtea redimitum tibij modulantibus urbem inisse scribit. Myrtea autem eos potius esse ufos, quàm (ut ait Dionysius) laurea Plutarcho assentior, quod id etiam traditum sit à Plinio, Festo, & Gellio. Hoc autem triumphus genus hoc primum anno à senatu institutum esse ex Licinij annalibus docet Dionysius. Cur autem hoc factum sit, non eandem causam idem cum Plinio affert. hic enim quia Postumius leuiter, & sine cruore rem gesserat, ille ex prælio ante infelicissime facto, in quo plurimis ex suis amissis parum abfuit, quin ipse cum ceteris in fuga caperetur. De causis autem huius decernendi honoris ita scribit Gellius lib.v. Ouandi non triumphandi causa est, cum autem bella non rite indicta, neque cum iusto hoste gesta sunt, aut cum hostium nomen humile, & non idoneum est, ut feruorum, piratarumque, aut deditione repente facta, in puluere (ut dici solet) incruentaque uictoria obuenit. cui facilitati aptam esse Veneris frondem crediderunt, quod non Martius, sed quasi Venerius triumphus quidam foret. hanc myrteam coronam M. Crassus bello fugitiuorum confecto cum ouans rediret, insolenter aspernatus est. senatusque consultum faciendum per gratiam curauit, ut lauro, non myrto coronaretur. Adijcit Plutarchus, cum uerbis & comitate res cum hostibus transacta, & bene gesta esset, tum ut ouantes inirent fuisse permissum. His adde, cum aut in aliena prouincia, aut alienis auspicijs, aut cum sine magistratu res gesta esset. ut sigillatim suo loco exponetur. Pedibus autem, an equo uecti ouantes ingrederentur magna quaestio est. de qua sic etiam Gellius. Prætereundum non est, quod ad ouationem attinet, super quo dissentire ueteres auctores scio. partim enim scripserunt, qui ouaret introire solitum equo uehente. & Sabinus Massurius pedibus ingredi ouantes dicit, sequentibus eos non militibus, sed uniuerso senatu. Hæc Gellius. Itaque Dionysius pedibus ingressos, Dio equo uectos intelligit. Etenim ouantem ingredi, equo vehi Dio appellat. Nam de Tiberio ouante ait: τὰ ἐπὶ τῷ κέλῳτος ἐπὶ νῆκῃ αἰῶνι. & de Druso: τὸ ἐπὶ κέλῳτος ἐς τὸ αἰῶνι λαῶν. & de Augusto: τὸ ἐπὶ ἵπποις ἐξελάσθαι. & de Antonio: ἐπὶ ἵππων αὐτὸς ἐξαγαγόντες. & de Cæsare: ἵππων αὐτὸς ἐκ τοῦ ἀλβανῶν. Dionysius autem pedestrem triumphum ouationem vocat, dum de A. Manlio ouante an. cclxxix loquitur.

DE COS. AN. CCLI.

IN hunc annum consules comparantur à Liuio Opiter Virginius, & Sp. Cassius, à Dionysio vero, qui uerior est, Sp. Cassius Vscelinus, & Opiter Virginius Tricostrus. Liuium sequitur Cassiodorus. TRICOSTVM cognomen esse Virginiu fatis constat. Quem autem Dionysius οὐσκελῖνον, Cicero in Lælio Becillinum, liber Cuspiniani Viscellinum uocant. hunc ego sequutus sum.

*De triumpho Sp. Cassij Viscellini
cos. de Sabinis.*

LIUIVS hoc anno rem bene gestam in Auruncos scribit, deque ijs magis ob iras grauiter ultas, quàm ob magnitudinem perfecti belli consules triumphasse. Dionysius Sp. Cassium tantum de Sabinis triumphasse, & Sabinorum bellum, quod iam per annos quatuor gerebatur, confecisse

Commentarius in fastos

se ait. cui ego, & quia in hac colligenda historia diligentior est Liuius, & quia cum fragmentis Capitolinis consentit, assentior. quod etiam in prioribus proximis triumphis describendis feci.

DE COS. AN. CCLII.

Hic annus consules habuit Postumum Cominium, & T. Lartium. Liuius, Dionysius, Cassiodorus. Horum consulum cognomina fuerunt, libro Cuspiniani teste, Auruncus, & Rufus. Valerius lib. 1111, cap. 111. Postumi Cominij II consulis meminit, & Postumi Cominij Aurunci in epitoma. T. Lartius Flauus à Dionysio dicitur, frater Sp. Lartij de quo supra dictum est. His consulibus populi Latinorum in Ferentinum agrum auctore Mamilio Tarquinij regis genero conuenerunt, atque absentibus Romanis, quos ad concilium ex fœdere non aduocauerant, de bello aduersus eos suscipiendo egerunt. ut ait Dionysius. Liuius eius rei causa dictatorem primum creatum scribit, quem triennio post creatum Dionysius tradit.

DE COS. AN. CCLIII.

CONSULES suggerit in hunc annum Liuius Ser. Sulpicium, & M. Tullium. Dionysius Ser. Sulpicium Camerinum, & Manium Tullium Longum. M. Tullij cos. meminit Cicero in Bruto, cum ait. Ut si me à M. Tullio esse dicerem, qui patricius anno x post reges exactos cum Ser. Sulpicio cos. fuit. De Manio prænominem in Prænominibus dictum est. Ser. Sulpicium P. F. Camerinum uocat Dionysius, ubi de legatis consularibus agit. Idem Manium Tullium in magistratu mortuum esse scribit, neque in eius locum quenquam, quia prope in fine annus erat, subrogatum. hoc anno nihil dignum memoria actum. Liuius.

DE COS. AN. CCLIIII.

CONSULES edit in sequentem annum idem cum Cassiodoro T. Aebutium, & P. Vetustum. Dionysius P. Veturium, & P. Aebutium ἐλαχέαν, mendose, pro P. Veturium, & T. Aebutium ἔλααν. sic enim ubi de legatis consularibus agit, & in magisterio equitum Aebutij scriptum est. Idem T. Aebutium T. F. vocat. cuius cognomen Eluam esse Latini quoque scriptores asserunt. P. Veturium eundem esse puto cum eo, quem Poplicola primum consule primum quaestorem cum M. Minucio factum scribit Plutarchus, ubi eum ὀπίλιον οὐετοῦριον nominat. ut omnino Publij prænomen magis probem quàm Caij, quod in deprauatis est Liuij libris. Qui Vetustum scribunt antiquam consuetudinem imitantur, qua S pro R ponebatur, ut cum Fusios, Valesios, Papisios, Aufelios dicebant, qui Veturium, recentem usum. Hac de re Liuius in anno cxcxi. Veturij cognomen est ΓΕΜΙΝVS, ut alio loco apparebit. His consulibus Fidenæ obsessæ, Crustumeria capta, Prænestæ ab Latinis ad Romanos desciiuit. Liuius.

DE COS. AN. CCLV.

LIUIVS consules subiicit Q. Clælium cum T. Lartio. item Cassiodorus. Dionysius T. Lartium Flauum, Q. Clælium Siculum. in libro Cuspiniani huic anno hæc duo cognomina consulum respondent, Siculus, Rufus, quorum illud Clælij est, hoc Lartij. sic enim pro Flauo Rufum etiam supra attulit hic liber. T. Lartius est idem, qui ante consul, & dictator fuit. Dionysius. Hoc anno nihil actum exponit Liuius. cum tamen Fidenas à Lartio consule captas, & de Fidenatibus supplicium sumptum Dionysius scribat.

De dictatore, & magistro eq. primum creatis.

NVLIVM inuenio magistratum, de quo tam variæ sint veterum scriptorum, & tam discrepantes sententiæ, quàm de dictatore. Neque enim aut quo anno, aut qua causa, aut quis primus dictator factus sit, conuenit. Hanc autem annalium discordiam Liuius etiam mirans, quid de hac re constituat, ambigit. Dionysius asseuerantior est. Nos utriusque sententiam exponemus. Liuius igitur, etsi quod sequatur certum nihil habet, tamen triennio ante dictatoris primum creandi mentionem ortam esse censet. Dionysius eam in hunc annum reijcit, quo anno T. Lartius II, & Q. Clælius Siculus consulatum gesserunt. Liuium sequuntur Eusebius, & Eutropius. uterque enim eorum nono post reges exactos anno dictatorem creatum esse ait. Neque vero de causa etiam (ut dixi) conueniunt. Orofius enim Sabinorum bellum mouentium causa,

caussa, Liuius ad Sabinos Latini etiam belli metu accedente, cum triginta iam coniurasse populos concitante Octauo Mamilio satis constaret; Dionysius; cum plebs graui ære alieno demersa ad bellum Latinum nomina dare detrectaret, post longas consultationes nouum hunc magistratum, à quo nulla esset prouocatio, ad comprimendos sedandosque eius tumultus senatum creasse ait. Atque alij quidem (ut inquit Liuius, & Festus) M. Valerium M. F. Volusi N. qui nondum consul fuerat, creatum scribunt. alij uero, quos & Liuius, & Dionysius, sequuntur, T. Lartium consulem. senatusconsultum autem factum ait Dionysius, ut Lartius, & Clælius consules, ceterique magistratus abdicarent, unusque vir, quem senatus nominaret, populus sciscerret, haud amplius quam per sex mensium spatium sine prouocatione, & maiore, quam consules, potestate, imperaret. Itaque Clælio consuli negotium datum dictatoris dicendi. Clælium autem T. Lartium Flauum collegam suum dixisse. De iure autem dictatoris sic Festus lib. x i i i. Optima lege cum dicebatur in magistro populi faciendo, qui vulgo dictator appellatur, quam plenissimum posset ius esse significabatur. ut fuit M. Valerij M. F. Volusi nepotis, qui primus magister populi creatus est. postquam uero prouocatio ab eo magistratu ad populum data est, quæ antea non erat, desitum est dici, ut optima lege, utpote imminuto iure priorum magistratum. Hæc ille. Patricij autem primi dictatores creati sunt. neque enim nisi post centesimum & quinquagesimum fere annum hic magistratus plebi patuit. Ut autem è consularibus fierent, lege prouisum tradit Liuius. Dictatorem porro tradit Dionysius ab Albanis sumptum esse, qui post Numitoris, & Amulij mortem deficiente regia stirpe annuo magistratui regium imperium commédauerint. dictatoris autem uocem duplicem habere posse originem. Nam & quòd non à populo crearetur, sed ab uno diceretur, & quòd ipse edicendi summam potestatem haberet, uideri dictatorem uocatum. si quidem rerum iustarum, iniustarumque; iussa à Romanis edicta nominari. quæ autem à Dionysio scripta sunt, ea Varro de lingua latina confirmat, cum ait. Dictator, quòd à consule diceretur, cuius dicto omnes audientes essent, nominatus est. Vtrisque etiam causas exponit eleganter Plutarchus in Marcello. Magistrum autem equitum dictum esse à dictatore primo T. Lartio tradit Dionysius, atque inde eam semper in rep. consuetudinem usque ad suam ætatem mansisse, ut dictator sine magistro equitum magistratum non gereret. Quod tamen & bello Punico secundo, & postremo ab ipso etiam Cæsare neglectum esse comperio. Huius autem uocis ratio ea fuit, quam tradit Varro lib. quarto de lingua Latina, quòd summa potestas eius esset in equites, & accensos, perinde, atque summa est in populum dictatoris, à quo is quoque magister populi appellatus est. Magistrum autem equitum primum dictum fuisse Sp. Cassium, eum, qui ante consul fuerat, Dionysius, & Liuius produnt. Ac causæ quidem dictatoris à principio creandi illæ fuerunt, quas diximus, Rei gerendæ, & Seditionis sedandæ. verum progredientibus temporibus aliæ deinceps accessere, ut clauis figendi, ludorum faciendorum, feriarum Latinarum, comitiorum habendorum, senatus legendi, & reip. constituendæ, de quibus suo loco. Cum autem in dictaturis Capitolinis obseruatum sit, ut causa etiam dictatoris dicti extaret, propterea id ipsum nobis etiam studiosissime retinendum esse putauimus, ea custodita ratione scribendi, quam in tabulis Capitolinis usurpari animaduertimus. Hic dictator censu populi habito exercitum in Latinos eduxit, ac Latinorum urbibus per legatos ab armis deterritis, quosdam ex Mamiliano exercitu agrum Romanum populates partim cæcidit, partim cepit, ac dissolutis Latinorum copijs annuas urbibus inducias dedit. Dionysius.

De Lustris VI.

OMNINO Liuius, cum ad sua tempora properaret, exiliter, atque anguste res has à primis reip. temporibus videtur tractasse, & consulto negligens fuisse. neque enim cum aliarum multarum rerum meminit, quæ cognitu & utiles, & iucundæ essent, tum ne lustrorum quidem etiâ, & censuum, quæ res ad tradendum Romani imperij incrementum maxime pertineret. Itaque nisi eorum nobis uestigia certa Dionysius reliquisset, nullum omnino censum horum temporum haberemus. Scribit enim dictatorem Lartium ex instituto Ser. Tullij populum censuisse, eoque lustris centum quinquaginta millia, & septingenta capita esse censa. Eusebius item, qui triennio ante Lartium dictatorem prodit, eodem etiam anno factum esse censum ait. Dionysium autem census nomine lustrum etiam comprehendere, alio loco docui.

DE AN. CCLVI.

LIVIVS, & Cassiodorus consules in hunc annum edunt A. Sempronium, & M. Minucium. At Dionysius A. Sempronium Atratinum, & M. Minucium Augurinum. quanquam Augurini cognominis

Commentarius in fastos

cognominis non meminit nisi in secundo Minucij consulatu. Fuisse autem Atratinum Sempriorum, Augurinum Minuciorum cognomen satis infra apparebit. His consulibus ædes Saturno dedicata. Saturnalia dies festus institutus. Liuius, Dionysius,

DE COS. AN. CCLVII.

A. Postumium, T. Virginium cos. deinceps factos esse inuenio apud Liuium, & Cassiodorum, & Dionysium. Idem Dionysius ubi de legatis agit ad plebem misit, hunc uocat A. Postumium P. F. Album, & Plutarchus in Poplicola, Postumium Album. quanquam utrobique mendose est ἑλλάσσω, pro ὁ ἄλλωσσω. Albus enim & Albinus Postumiorum cognomina sunt. Itaque filius huius in Capitolinis consulibus dicitur P. Postumius A. F. P. N. Albus Regillensis. **TRI-COS TVS** est, ut ante dixi, Virginiae gentis cognomen.

De A. Postumio Albo dictatore, & triumpho eius de Latinis.

Hoc anno Latinis populis post annuas inducias, duce Mamilio Tusculano, quem Tarquinij excitauerant, mouentibus, in magna trepidatione ciuitatis opus dictatore fuit. Itaque ex consulibus alter A. Postumius, qui minor erat natus, à collega Virginio dictator dicitur. Postumius T. Aebutium Eluam magistrum equitum dixit. Ita Dionysius. Nam Liuius etsi uariantibus annalibus in utram partem inclinet in dubio est, tamen tertio ante anno P. Veturio, T. Aebutio consulibus dictatorem A. Postumium dictum tradit. Nos autem Dionysium sequimur, quia uero similis uidetur Postumium in consulatu, quam ante consulatum dictatorem esse ex lege dictum. Magistrum equitum bello Latino ad lacum Regillum fuisse Cossium scribit Florus. idem sentit is, qui de uiris illustribus tradidit, cum Cossi stratagema illud exponit, de quo Liuius in anno **CXXXVII**. in quo valde decipiuntur. Ceterum rem prospere gestam esse ad lacum Regillum à Postumio dictatore Latinis praelio victis, & triumphum nobilissimum actum esse scribit cum Liuius Dionysius. Eiusdem victoriae meminit etiam Florus, Valerius lib. **I**. & scriptor libri de uiris illustribus. Hanc pugnam pugnatam esse idibus Quintilibus Dionysius lib. **VII**: Plutarchus in Coriolano tradidere. triumphus autem uestigia sunt in Capitolinis triumphis. ex quibus apparet etiam hunc Regillensem esse dictum, credo quod bene ad lacum Regillum pugnauerit. Hoc bello foedus, & societas antiqua à Romanis, Latinis populis redita. Dionysius.

DE COS. AN. CCLVIII.

Ap. Claudium, P. Seruilius cos. produnt in hunc annum Liuius, & Cassiodorus. at Dionysius Ap. Claudium Sabinum, P. Seruilius Priscum. Ap. Claudij cum Seruilio consulis anno ab urbe condita **CCLIX**. meminit Plin. lib. **XXXV**, cap. **XXXI**. sequitur enim Liuiam hoc loco, & Dionysianam summam. Hic est princeps gentis Claudiae Actius Clausus primum, post Ap. Claudius appellatus, qui ex Sabinorum urbe Regillo (unde Sabinus Regillensis dictus) Romanam commigravit anno ab urbe condita **CCL**, atque in patricios adscriptus est. Liuius, Dionysius, Suetonius in Tiberio, auctores. Hic auus decemuius Ap. Claudij fuit, qui quia in Capitolinis tabulis Ap. F. M. N. scribitur, propterea hunc ego cogor uel inuitus Marcum Claudium nominare.

De triumpho P. Seruili Prisci cos. de Volscis.

VOLSCIS hoc anno bellum illatum, quod auxilia comparassent, quae superiore bello Latinis mitterent. P. autem Seruilius cos. re bene cum Volscis gesta cum triumphum à senatu, Claudio collega intercedente, non impetrasset, cum licitoribus coronatis coronatum, & triumphali ueste ornatum, urbem plebe, cui carissimus erat, prosequente inisset, atque in Capitolio vota persoluisse scribit Dionysius. Quem triumphum nec Liuius, nec Capitolina fragmenta habent, credo quia inuito senatu, à quo tum decernebantur triumphus, est actus. quanquam Liuius consulem cum maxima gloria sua uictorem exercitum reduxisse ait.

DE COS. AN. CCLIX.

CONSULES memorat in hunc annum Liuius, & Cassiodorus T. Vetusium, & A. Virginium. Dionysius A. Virginium Montanum, T. Veturium Geminum. liber Cuspiniani Montanum,

num, & Geminum. Qui autem Montanus, idem etiam Cœlimontanus fuit. itaque Dionysius ubi de legatis cōsularibus agit, de hoc inquit. *ἄλλος οὐ γένιος ἄλλον υἱὸς καὶ νομειταινός.* mendose pro *κοιλιμειταινός*. sic enim alio loco Liuius. Hos consules Pædianus in Cornelianam A. Virginium Tricostum, L. Veturium Cicurinum appellat. ex quo intelligi potest utrumque horum duo prænomen tulisse Tricostum Cœlimontanum, & Geminum Cicurinum. sic enim alio loco alij, ut apparebit. Hunc annum una cū Cicerone post reges exactos x v i esse Pædianus scribit.

De M. Valerio dictatore, & triumpho eius de Sabinis.

Cum Aequi, Volsci, & Sabini una omnes mouerent, ac plebs ad bellum nomina profiteri nollet, iamq; seditio anno priore nexorum causâ commota uehementius in dies glisceret, uisum est patribus ad dictatorem confugere, cuius metu plebs sine dubio quietura esset. Itaque Manius Valerius dictator dicitur. is Q. Seruilius sibi magistrum eq. cooptauit. Hæc Dionysius, ac fere etiam Liuius. Manium Valerium Volsci filium Liuius, Poplicolæ fratrem Dionysius tradunt. Eundem septuaginta amplius annos natum Dionysius, non consularē dictatorem factum Liuius auctores sunt. Q. etiam Seruilius P. Seruilius Q. F. Prisci priore anno consulis frater à Dionysio proditur. Seditionis autem sedandæ, & rei gerendæ causâ factum notauimus, quod apud Liuium Valerius ipse ita loquitur. Discordiæ intestinæ, bellum externum fecere, ut hoc magistratu egeret respub. Et uero triumphus etiam ab eo actus rem ab eo gestam esse ostendit. Idem Liuius libro v i i. clauis figendi causâ hunc dictum esse uidetur significare, cum ait in anno c d x x i i. Itaque memoria ex annalibus repetita in secessionibus quondam plebis clauum ab dictatore fixū, alienatasq; discordia mentes hominum eo piaculo cōpotes sui fecisse, dictatorem clauis figendi causâ creari placuit. Quod enim scribit Liuius in secessionibus quondam plebis clauum à dictatore fixum, id quando factum sit, nisi hoc anno, diuinare non possum. Cum igitur & plebs domi cōpescenda, & foris hostes repellendi essent, quarum rerum causâ dictator dictus fuerat, M. Valerius conuocata concione plebem gratissima oratione repressit, pollicitus ubi primum confecto bello domum redisset, sibi curæ fore, ut ad senatum de nexis referretur. Ea; de causâ Maximus nuncupatus est, ut ait Cicero in Bruto. quanquā Cicero hanc orationem ab eo habitam esse non in urbe ait, sed in castris in Sacro monte, in quem plebs secesserat. Quod idem etiam tradit Valerius lib. v i i, cap. i x. Verba Ciceronis sunt hæc. Videmus item paucis annis post reges exactos, cum plebs properipam Anienis ad tertium milliarium confedisset, eumq; montem, qui Sacer appellatus est, occupauisset, M. Valerium dictatorem dicendo sedauisse discordias, ei; ob eam rem amplissimos honores esse habitos, & eum primum ob eam ipsam causam Maximum esse appellatum. Eadem fere Valerius. Quod autem ab illis scribitur, ratione uacare uidetur. Etenim Dionysio, Liuiosq; testibus M. Valerius ante se dictatura abdicauit, quā plebs sacrū montem occuparet. Et quanquam ipse post ad eam in montem legatus uenit à senatu cum alijs nouem consularibus missus, & uerba de concordia fecit, tamen nec dictator tum erat, nec eius potissimum oratione plebs in urbem redisset, sed noto illo, ac peruulgato Agrippæ Menenij de ventre, & membris apologo traditur. Credo autem Ciceronem aut alios annales sequutum, aut lapsū esse. Plutarchus item in Pompeio Valerium à populo Maximum appellatum scribit, quia plebi senatum conciliauit. Quod autem ait Cicero Valerio Maximo honores habitos esse, intelligendum est, significari eos, quos Pædianus affert in Pisonianam, sic Valerio Maximo (ut Antias tradidit) inter alios honores, domus quoque publice ædificata est in Palatio, cuius exitus, quo magis insignis esset, in publicum versus declinaretur, hoc est extra priuatum aperiretur. Sedata autem plebis (ut diximus) seditione Valerius tres conscripsit exercitus, unum, quem T. Veturius consul in Aequos, alterum, quem A. Virginius collega eius in Volscos, tertium, quem ipse in Sabinos perduxit. Post autem uictoria ubique parta ipse solus de Sabinis, quos fuderat, fugaueratq; & castris exuerat, triumphauit. cuius triumphus approbantibus etiam Capitolinis fragmentis meminere Liuius, & Dionysius. Post triumphum cum ad senatum de nexis rettulisset, ut se facturum ante plebi pollicitus fuerat, ea; relatio à patribus reiecta esset, indignationis plenus dictatura abdicauit. Liuius, & Dionysius.

DE COS. AN. CCLX.

CONSULES prodit in hunc annum Liuius, & Dionysius Sp. Cassium, & Postumum Cominium. Eorundem meminit etiam Cicero pro Cornelio. Cuspiniani liber Viscellinum edit, & Auruncum. Postumi Cominij cos. meminit Valerius libro quarto, cap. tertio. & Plutarchus in

Commentarius in fastos

in Coriolano. Eosdem unà ante etiam consules fuisse, hoc uero anno K.Sept. citius quàm consuetudo erat, inisse, auctor est Dionysius. Hoc anno Corioli capti, unde C. Marcius Coriolani cognomen inuenit.

De Lustrò V II.

CENSVM ab his cos. actum, censa ciuium capita amplius ex millia esse tradit Dionysius. Hoc esse Lustrum V II in sequenti lustrò probabo. neque uero de hoc quicquam aliud còperi.

De prima secessione plebis, & tribunis plebis primum creatis.

QVONIAM tribuni plebis aliquando sine magistratibus curulibus ullis summæ rerum præfuerunt. propterea ortum eorum mihi hoc loco esse putauì ostendendum. Triennio ante Claudio, Seruiliòq; cos. seditio plebis ex nobilium fœneratorum impotentia, qui plebem ære alieno obstrictam in uinculis habebant, exarsit. sedata tamen est per Seruilium eos. cum edixisset, ne quis ciuem Romanum uinctum, aut clausum teneret, quominus eis nominis edendi apud consules, qui tum in Volscos bellum parabant, potestas fieret. Anno uero insequenti Veturio, Virginioq; cos. plebem iterum eadem de causâ militiam detrectantem M'. Valerius dictator promissis mitigauit, & in hostes eduxit, ac cum uictoria parta per senatum promissa præstare non posset, dictatura se abdicauit. post autem cum plebs per causam renouati ab Aequis belli ex urbe educta esset, auctore Sicinio quodam à consulibus discessit, & trans Anienem amnem collem quendam occupauit, qui Sacer est appellatus, neque eo anno reuocari in urbem potuit. Consules inde per secessionem plebis fiunt Sp. Cassius II, Postumus Cominius II. Tum legatis decem à senatu ad plebem de pace missis, unius Agrippæ Menenij oratione commota redijt, hac lege, ut magistratum & ipsa sibi è suo corpore contra patriciorum potentiam, ac uim creare posset. Ij tribuni plebis dicti sunt. Hæc Dionysius fere, atque etiam Liuius. à quibus in eo dissentit Cicero pro Cornelio, quòd anno x v i post reges exactos Veturio, Virginioq; cos. creatos eos scribit. Primum autem creati duo sunt, deinde tres adiecti, ut essent quinque. ut Pædianus in Cornelianam ex Ciceronis, Attici, Tuditani, Liuij sententia tradit. nam Dionysius, & Plutarchus quinque primum factos profitentur. Piso (ut ait Liuius) duos tantum in hunc annum, at uero in annum c c l x x x i i Claudio, Quinctioq; cos. tribus adiectis, quinque edit. Illud autem non ambigitur, quin anno c c x c v i Horatio, & Minucio cos. quinque additis decem effecti sint, qui numerus deinde in perpetuum stante rep. conseruatus est. Primos duos creatos Liuius C. Licinium, & L. Albinum vocat. Pædianus L. Sicinium L. F. Bellutum, L. Iunium C. F. Paterculum. Dionysius C. Sicinium Bellutum, L. Iunium Brutum, Plutarchus in Poplicola Iunium Brutum, Sicinium Bellutum, Suidas in uoce δῆμαρχοι Sicinium, & Brutum. ex tribus reliquis unum Sicinium nominat Liuius, de reliquis parum ait conuenire. Dionysius autem eos C. & P. Licinos, & C. Icilium Rugam uocat. Diem, quo primi tribuni inierunt, ante i i i idus Decembris nominat Dionysius, eumq; solennem fuisse usque ad sua tempora ineundo tribunatui tradit. Quapropter Liuius etiam lib. x x x i x Næuium tribunum pl. eo die inisse ait. Hac autem de tota re sic Cicero pro Cornelio perduellionis reo. Tanta igitur in illis uirtus fuit, ut anno x v i post reges exactos propter nimiam dominationem potentium leges sacratas ipsi sibi constituerent, duos tribunos crearent, montem illum trans Anienem, qui hodie mons Sacer nominatur, in quo armati confederant æternæ memoriæ causâ consecrarent. Hæc ille. Lex autem sacrata, cuius Cicero, Dionysius, & Liuius meminerunt, ea uidetur fuisse, quam in Sacro monte plebs tulit: ut liceret plebi magistratum ex suo corpore creare, qui plebem ab iniuria prohiberet, ut nemini patricio hunc magistratum capere liceret, ut hic magistratus sacrosanctus esset, idest ne quis tribunum plebis aut uerbo aut manu violaret, qui secus fecisset, ipsum impune posse occidi, ac sacrum esse uideri.

DE COS. AN. CCLXI.

LIVIUS cos. in hunc annum nominat T. Geganium, P. Minucium. Dionysius T. Geganium Macerinum, P. Minucium, liber Cuspiniani Macerinum, & Augurinum. Sunt autem hæc cognomina, illud Gëganiorum, hoc Minuciorum. quod infra apertius patebit. Hoc anno domi, & foris quieta omnia fuerunt. Liuius.

DE COS. AN. CCLXII.

CONSULES prodit hoc anno Liuius & Cassiodorus A. Sempronium, M. Minucium. Dionysius A. Sempronium Atratinum II, M. Minucium Augurinum II. liber Cuspin. Atratinum, & Augurinum. Hunc annum XIX nuncupat Dionysius, ex quo Poplicola cos. legem de pro-uocatione tulit. C. Marcius Coriolanus exilio à plebe multatur, quòd in summa annonæ caritate ne frumentum ex Sicilia aduectum plebi diuideretur, summa ope contenderat, damnatus absens in Volscos abiit. Liuius.

DE COS. AN. CCLXIII.

A. Sempronio, M. Minucio consulibus consules suggerit Dionysius Q. Sulpicium Camerinum, Sp. Lartium Flauum iterum. liber Cuspin. Cornutum, & Flauum. est autem Cornutus Sulpiciorum cognomen, vt alio loco ex Capitolinis tabulis intelligitur. hos autem consulto transcendit Liuius. Non esse autem omittendos ad Capitolinam rationem docet triumphus P. Valerij, qui in annum CCLXXIX non caderet, si hos consules subtraheremus. His consulibus ludi magni uotiuu uitio facti. Dionysius.

DE COS. AN. CCLXIII.

CONSULES suggerit Dionysius C. Iulium Iulum, P. Pinarium Rufum. liber Cuspiniani Iulum, & Mamercinum. esse autem Mamercum cognomen etiam Pinariorum alio loco apparet. Hos etiam, ut priores, omittit Liuius. de quo idem possumus dicere, quod ipse libro IX de Pisone ait sic. Hos consules Piso Q. Fabio, & P. Decio suggerit, biennio exempto, quo Claudium, Volumniumq; & Cornelium cum Marcio consules factos tradidimus. memoria ne fugerit in annalibus digerendis, an consulto binos consules factos ratus transcenderit, incertum est. His cos. cum ludi magni uotiuu ex somnio T. Latinij instauratitij fierent, Volsci astu Tulli Acij regis eorum à consulibus urbe Roma pulsi concitantur ad bellum, ac duce Coriolano in Romanos fines irrumpunt. Dionysius.

DE COS. AN. CCLXV.

CONSULEM Sp. Nautium cum Sex. Furio in hunc annum inuenio apud Liuium, & Dionysium, & Cassiodorum. in libro Cuspiniani est RVRELVS, quod est Nautij cognomen. in collega Rutili menda est. Medullinum uero, aut Fusum Furiorum cognomen fuisse, infra apparebit. His consulibus cum Coriolanus bellum patriæ exercitu Volscorum assumpto faceret, ab eius oppugnatione materna pietate deterritus est. Liuius, Dionysius.

DE COS. AN. CCLXVI.

CONSULES hoc anno fuerunt auctore Liuius T. Sicinius, C. Aquillius, quos Cassiodorus, & Dionysius T. Siccium, & C. Aquillium vocant. Cognomina horum ex libro Cuspiniani fuerunt Tuscus, & Sabinus.

De triumphis T. Sicinij, & C. Aquillij cos. de Volscis, & Hernicis.

SICINIO Volsci, Aquillio Hernici (nam ij quoque in armis erant) prouincia euenit. eo anno Hernici deuicti; cum Volscis æquo Marte discessum est. hæc Liuius. ex quibus intelligi potest, quam festinanter libertatis recuperatæ primordia ab eo tradita sint, cum ea prætereat, ex quibus vel maxima comparatur populo R. laus, & gloria, idest triumphos de subactis à se populis actos. Scribit enim Dionysius, re bene utrobique gesta, Sicinio, quia maiore periculo urbem liberauerat, ut laureatus triumpharet, Aquillio, quia leuius prælium fecerat, ut ouans urbem ingrederetur, esse decretum.

DE COS. AN. CCLXVII.

Cos. edit Liuius in hunc annum Sp. Cassium, & Proculum Virginium, Dionysius Sp. Cassium tertium, Proculum Virginium. est enim legendum apud eum *πρόκλος*, non *ωπλίος*
d ex

Commentarius in fastos

ex eodem met alio loco. Diodorus Siculus lib. x i (quod ego ex manuscriptis eius libris cognoui) Sp. Cassium, Proculum Virginium Tricoſtum. liber Cuspiniani Rutilum, & Viscellinum. Valerius etiam lib. v i, cap. i i i tres magnificos Sp. Cassij consulatus prodit.

De triumpho I I Sp. Cassij cos. III.

Hoc anno Aequi à Virginio cos. fusi, fugatiq; Volsci, & Hernici à Cassio qui contra eos exercitum duxerat, ad amicitiam traducti. Ea de causa Cassius gratia potius, quam iure triumphum impetrauit. Elatus autem tribus consulatibus, & duobus triumphis, quod nemini adhuc contigerat, regnum affectauit, & legem de agro Hernicorum Latinis, & ciuibus Ro. diuidendo ad conciliandam sibi plebem primus Romæ promulgauit. Hæc Dionysius, & Valerius lib. v i, cap. i i i. Liuius nullius rei nisi legis agrariæ ab eo primum promulgatæ meminuit, eumq; post damnatum, necatumq; ob affectati regni suspicionem scribit.

DE COS. AN. CCLXVIII.

Q. FABIVM inde, & Ser. Cornelium cos. profitentur Liuius, Cassiodorus, & Dionys. at Diodorus lib. x i Q. Fabium Vibulanum, Ser. Cornelium Cossium. Hunc Q. Fabium Cæsonis F. Vibulanum vocat etiam Dionysius in secundo consulatu huius. Id quod est etiam in Capitolini eius consulatus fragmentis. Ser. Cornelium patrem esse reor L. Cornelij Ser. F. L. N. Maluginensis Cossi consulis an. c c x c i i i i. Volsci, Aequiq; à Fabio cos. victi. Liuius.

DE COS. AN. CCLXIX.

SVBSEQVVTI sunt consules auctore Liuius, & Cassiodoro L. Aemilius, & Cæso Fabius. Dionysio, L. Aemilius Mamerci filius, Cæso Fabius Cæsonis filius. Diodoro, Cæso Fabius, L. Aemilius Mamercus. ex quo intelligo apud Dionysium esse per mendum in tertio huius consulatu L. Aemilius Marcus, pro Mamercus. Infra autem sæpius patebit Mamercinum Aemiliorum esse cognomen. Cæsonem Q. Fabij Vibulani, qui consulatu abiit fratrem prodit Dionysius. idem etiam hunc annum ab vrbe condita vocat c c l x x. Volsci, & Aequi rebellantes Aemilio duce superati. Liuius.

DE COS. AN. CCLXX.

M. FABIVM, L. Valerium cos. in hunc annum comparant Liuius, Cassiodorus, & Dionys. M. Fabium Vibulanum, L. Valerium Potitum Diodorus. liber Cuspiniani Potitum. Ex his M. Fabius frater est K. Fabij, qui consulatu abiit, trium fratrum minimus. Dionysius, Liuius. L. Valerium patrem esse arbitror C. Valerij L. F. Vol. N. Potiti Volusi III cōsulis an. c c c x l i x. Veiens bellum initum, & Volsci rebellauerunt. Liuius.

DE COS. AN. CCLXXI.

Q. FABIVM, C. Iulium consules subiicit cum Cassiodoro, Liuius. C. Iulium, & Q. Fabium K. F. II. Dionysius. Vibulanum II lapis Capitolinus. C. Iulius post in decemuiratu C. F. L. N. dicitur in tabulis Capitolinis. siquidem cum legatus ad plebem mittitur, consularis appellatur anno c c c i i i i. Liuius, & Pædianus in Cornelianam. I V L V M Iuliorum esse cognomen infra apparebit. Hoc anno ab Aequis arma sumpta, Veientes agrum Romanum populates inierunt. Liuius.

DE COS. AN. CCLXXII.

CONSVLES subsequuti sunt Cæso Fabius, & Sp. Furius, Liuius, Cassiodoro, Dionysio, & Diodoro testibus. Dionysius Fabium iterum, Diodorus Furium Medullinum edit. ex lapide Capitolino apparet Furio huic cognomen fuisse F V S V M. de quo alibi etiam dicemus. hoc anno in Veientibus, & Aequis à consulibus Fabio, & Furio res gesta est. Liuius.

DE COS. AN. CCLXXIII.

M. FABIVM, Cn. Manlium consules in hunc annum edunt Liuius, Diodorus, & Cassiodorus. M. Fabium II, C. Manlium Dionysius. Fabium II, & Cincinnatum liber Cuspinianus. Vibulanum

Vibulanum II lapis Capitolinus. Hunc patrem esse suspicor A. Manlij Cn. F. P. N. decemviri anno cccii.

De Cn. Manlio cos. occiso, & triumpho à M. Fabio cos. abiecto de Etruscis.

PUGNATVM esse hoc anno acerrime cū Veientibus, ad quos vndique ex Etruria auxilia conuenerant, atque in ea pugna cecidisse Q. Fabium fratrem consulis, & Cn. Manlium consulem, prætereaq; oblatum à senatu triumphum à M. Fabio consule ob funestam familiam abiectum esse Liuius, Dionysius, Orosius, Valerius auctores sunt. Addit Dionysius M. Fabium, quod collega mortuus esset, & ipse vulnere in prælio accepto vexaretur consulatu se duobus ante exitum anni mensibus abdicasse.

DE COS. AN. CCLXXIII.

CAESONEM Fabium memorant in hunc annum cum T. Virginio consulem Liuius, Cassiodorus, Diodorus, & Dionysius. Caesonem fratrem consulis abdicantis tertium hoc anno consulem factum notat Dionysius. T. Virginium Rutilum anno ccc in pestilentia mortuum Liuius. Hunc Tricostrum Rutilum cognomina tulisse indicat lapis Capitolinus. Hoc anno K. Fabius cos. cum gente Fabiorum Veiens bellum sibi depoposcit.

DE COS. AN. CCLXXV.

L. AEMILIUM, C. Seruilius cos. in hunc annum comparant Liuius, Cassiodorus, & Dionysius. quanquam apud Dionysium est mendose Sergius, pro Seruilio. Nam cognomina SERVICTVS AHALA, quæ sunt in Capitolino fragmento, Seruiliorum sunt, non Sergiorum. Diodorus L. Aemilius Mamercus cum C. Cornelio Lentulo edit. Fragmentum porro huius anni Capitolinum, quod ad C. Seruilius consulem attinet, ita interpretatus sum, ut C. Seruilius in magistratu mortuus, in eius vero locum susceptus esse alterum cognomine Aquilinus putarem. Quoniam autem L. Aemilio collegam addit Diodorus C. Cornelium Lentulum, suspicatus sum hunc eum esse, qui susceptus sit. Alij de tota re iudicabunt. Veiens bellum à familia Fabiorum hoc anno gestum.

DE COS. AN. CCLXXVI.

T. MENENIUM, C. Horatium cos. suggerit Liuius, Cassiodorus, Dionysius, Diodorus. hic Puiillum cognomen addit Horatio, Menenio Lanatum lapis Capitolinus. Horum consulum meminit Gellius lib. xvi, cap. xxi. sed non sine menda. C. Horatium M. Horatij, qui primo anno consul fuit, T. Menenium Agrippæ Menenij Lanati, qui ijs temporibus consul fuit, filios esse placet Liuius, & Dionysio. Fabij cccvi, qui biennio ante sibi cum Veientibus bellum depoposcerant, ad unum omnes ad Cremerum occisi. Liuius.

DE COS. AN. CCLXXVII.

A. VIRGINIUM, Sp. Seruilius subdit cos. Liuius, Cassiodorus, & Dionysius. A. Virginium Tricostrum, C. Seruilius Struatum Diodorus. in libro Cuspiniani est cognomen Rutilus, quod est Virginij, in Capitolino Struatus, quod est Seruiliij. Hos consules solstitio æstiuo fextili mense inisse notat Dionysius, Veientes à Seruilio occisione occisos. Liuius.

DE COS. AN. CCLXXVIII.

P. VALERIUM, C. Nautium cos. nuncupant in hunc annum Liuius, & Cassiodorus. P. Valerium Poplicolam, & C. Nautium Dionysius. P. Valerium Poplicolam, & C. Nautium Rufum Diodorus. Poplicolam, & Rufum liber Cuspinianus. pro Rufo Rutilum habent tabulæ Capitolinæ, ut Dionysius ante in Lartio pro Rufo Flauum. Hi ambo consules descripti sunt ex secundo ipsorum consulatu Capitolino. P. autem Valerius P. Poplicolæ filius fuit, auctore Dionysio in anno cccxi.

De triumpho P. Valerij Poplicolæ cos. de Veient. & Sabinis.

Hoc anno Veientibus Sabini arma coniunxerunt. Itaque Liuius Veientes, Sabinosq; duas potentissimas, & maxime finitimas gentes uictas esse à P. Valerio cos. scribit, de triumpho nihil ascribit. cuius tamen uestigia sunt in tabulis Capitolinis, mentio etiam apud Dionysium.

Commentarius in fastos

DE COS. AN. CCLXXIX.

LIVIVS, & Cassiodorus hoc anno consules nominant L. Furium, C. Manlium. Dionysius L. Furium, A. Manlium. Diodorus L. Furium Medullinum, M. Manlium Vulsonem. Cur ego A. Manlium ex sententia Dionysij scribam, causa extabit in decemviratu huius Manlij anno ccciii.

De Lustris VIII.

HIS consulibus censum actum, censa civium capita ciii millia, atque amplius prodit Dionysius. Eutropius etiam post K. Fabium, & T. Virginium cos. censum actum esse cum scribat, nullum alium significare, quam hunc videtur. Ut autem ex fragmentis Capitolinis apparet, hoc lustrum ab urbe condita viii fuit. Ex quo intelligi potest, si ter tantum ante hos consules à consulibus censum actum esse repperimus, eodem etiam tempore ab ijs lustrum conditum fuisse, & Ser. Tullium regem interea dum regnavit (regnavit autem annos xliii.) quater censum, & lustrum fecisse. Nam, ut ante diximus, omnis censuum ratio regnante Superbo penitus intermissa est, alioquin nisi quater à Seruio, ter à consulibus lustrum ante factum dicamus, ad hunc lustrorum numerum, qui est in Capitolino fragmento, pervenire non poterimus.

De A. Manlio cos. ouante de Veientibus.

A. MANLIUS cos. in Veientes profectus coegit eos sine pugna ad deditionem descendere. Ea de causa pedestris ei à senatu triumphus decretus est, cum maior ijs, qui praelio rem bene gerent decerneretur. Hæc Dionysius. Liuius autem Manlio Veientes obtigisse, nec bellatum esse, inducias in annos xl petentibus datas tradit. At in Capitolinis fragmentis priori triumpho Poplicolæ subijciuntur hæc verba: AN. CCLXXIX. IDIB. MART. quibus perspicue hic triumphus Manlianus significatur.

DE COS. AN. CCXXC.

DIONYSIVS in hunc annum consulem prodit L. Aemilium Mamercum cum Vopisco Iulio. Liuius L. Aemilium, & Opitrem Virginium, sed in quibusdam annalibus ait se inuenisse pro Virginio Vopiscum Iulium. Eos annales sequutus est Diodorus, & auctores consularium tabularum, quæ in Capitolio sunt, in quarum fragmentis huius anni est iulv. quod cognomen est Iuliorum. Cassiodorus Liuium sequutus est. Annus foris quietus, domi motum Cn. Genucius tribunus pl. lege agraria excitavit. Liuius.

DE COS. AN. CCXXCI.

DEINCEPS consules nominant Liuius, Dionysius, & Cassiodorus L. Pinarium, L. Furium. Diodorus L. Pinarium Mamercinum, P. Furium φίσωνα, mendose, ut puto. Horum consulum meminit Macrobius lib. primo Saturn. sic. Varro scripsit antiquissimam fuisse legem in columna ærea à L. Pinario, P. Furio cos. cui mentio interkalaris ascribitur. Fvsvm familiare hoc tempore Furiorum cognomen restitui P. Furio. Hoc anno lex à Volerone tribuno pl. promulgata est de plebeijs magistratibus comitijs tributis creandis. Liuius.

DE COS. AN. CCXXCII.

LIVIVS edit consules in hunc annum Ap. Claudium Ap. F. T. Quinctium, Dionysius Ap. Claudium Ap. F. Sabinum, T. Quinctium Capitolinum. Diodorus Ap. Claudium, T. Quinctium Capitolinum, itemq; Cassiodorus. Quem alij Ap. Claudium Ap. F. vocant, nos Ap. Claudium M. F. nominamus, ob eam causam, quam ante in consulatu patris diximus. Hoc anno lex Voleronis priore anno promulgata perlatæ est, non sine magnis reipublicæ motibus. Claudius in Volcos, Quinctius in Aequos rem gessit, qui inter seditionem Romanam vastauerant agros. Liuius.

DE COS. AN. CCXXCIII.

CONSVLES in hunc annum suggerunt Liuius & Cassiodorus T. Aemilium, L. Valerium. Diodorus L. Valerium Poplicolam, T. Aemilium Mamercum. Dionysius L. Valerium II. Ti. Aemilium.

Aemilium. Aemilium autem ait esse L. Aemilij ter consulis filium. Tiberius prænomen est familiare Aemilij. Itaque puto in hoc cos. per mendum legi Titum pro Tiberio. Valerius cum Volscis, Aemilius cum Sabinis rem gessit. hostijs secastris tenuit. Liuius.

DE COS. AN. CCXXCIIII.

A. VIRGINIVM, T. Numicium cos. repperio in hunc annū factos apud Liuium, & Cassiodorum, & Diodorum. Ijs addit cognomina Dionysius Montanum, & Priscum. Hunc filium A. Virginij consulis anno cclix esse suspicor. Consules Numicius Volscis, Virginius Aequis repressis, in Sabinos populantes exercitu ducto plus cladiū, quàm intulerant, acceperunt. Liuius.

DE COS. AN. CCXXCV.

T. QVINCTIVS, Q. Seruilius consules deinceps facti. Liuius. quos Dionys. vocat T. Quinctium Capitolinum II, Q. Seruilius Priscum. Diodorus T. Quinctium, Q. Seruilius Struatum. Cassiodorus T. Quinctium II. Q. Seruilius. quem Seruilius suspicor esse filium Q. Seruiliij Prisci magistri eq. anno cclix. Sabini populantes à Seruilio effuse vastati. Liuius.

De triumpho T. Quinctij Capitolini cos. de Antiatibus.

NOBILEM de Volscis, qui iam per triennium in armis erant, à T. Quinctio cos. hoc anno victoriam relata, præsertim Antio oppido capto, Liuius pariter, ac Dionysius tradiderunt. Ad dit Dionysius redeunti Quinctio senatum obuiam processisse, atque ultro triumphum obtulisse. Eiusdem triumphi notæ quædam uix apparent in fragmentis Capitolinis. cuius tamen ne uerbum quidem fecit Liuius. in fragmentis autem priori Manliano triumpho hæ notæ suggeruntur. A. cclxx--. quæ aperte ad hunc triumphum pertinent.

DE COS. AN. CCXXCVI.

CONSULES in hunc annum comparat Liuius, & Cassiodorus T. Aemilium II, Q. Fabium. Dionysius Ti. Aemilium II, Q. Fabium. Diodorus Ti. Aemilium Mamercum, Q. Fabium Vibulanum. Hic est autem Q. Fabius is, qui anno cclxxvi ex cccvi Fabijs ad Cremeram interfectis puer superfuit auctore Liuius, & Dionysio, M. Fabij uiri consularis filius. Mirari autem quis poterit, quemadmodum cum annos x ante auctore Liuius prope puer esset, hoc anno consulatum capere potuerit. Itaque assentior potius Dionysio, qui scribit hunc vnum ex Fabijs superfuisse ad res gerendas uirum idoneum, & manu promptum. Aequi à Q. Fabio (is enim eò cum exercitu venerat) pacem petiere, irritamq; eam ipsi subita incurfione in agrum Latinum fecere. Liuius.

DE COS. AN. CCXXCVII.

Hic annus consules habuit Q. Seruilius, Sp. Postumius, ut Liuius, & Cassiodorus tradunt. at, ut Dionysius, Sp. Postumius Albinus, Q. Seruilius Priscus II. ut Diodorus, Q. Seruilius, Sp. Postumius Albinus. In fragmento tamen Capitolino Sp. Postumius Albus Regillensis vocatur, non Albinus. Est autem filius A. Postumij dictatoris. Itaque Liuius filium dictatoris Postumij ædem Castoris, & Pollucis à patre votam bello Latino dedicasse duumui- rum ad id creatum tradit. Q. Seruilius in Aequos missus in Latino agro statua habuit. intra castra quies necessaria morbo implicitum exercitum tenuit. Liuius.

DE COS. AN. CCXXCVII.

CONSULES deinceps subiicit Liuius T. Quinctium, Q. Fabium. Cassiodorus T. Quinctium II, Q. Fabium II. Diodorus T. Quinctium Capitolinum, Q. Fabium. Dionysius T. Quinctium Capitolinum III. Q. Fabium Vibulanum II. In Capitolino etiam fragmento est Q. FABIVS VIBVLAN--. Aequi à Q. Fabio acie fusi fines Romanos cum inuasissent à T. Quinctio recepta præda cæsi sunt. Liuius.

De Lustris IX.

LVSTRVM his consulibus factum ita prodit Liuius. Censui actus, & conditum à Quinctio lustrum. censa ciuium capita cxxiiii millia dicuntur præter orbos, orbosq; Dionysius hoc prætermisit.

Commentarius in fastos

prætermisit. Nonum autem hoc esse lustrum hinc intelligi potest, quòd & proximum superius
viii in Capitolinis tabulis, & proximum insequens x esse à Liuiο notatur.

DE COS. AN. CCXXCIX.

A. POSTUMIUM Album, Sp. Furium Fusum cos. in hunc annum inuenio apud Liuium, Cassiodorum, & Dionysium. apud Diodorum uero A. Postumium Regillensem, Sp. Furium Medullinum. Recte autem, atque ad harum familiarum rationem apte vtrunque. In Capitolino enim fragmento est A. Postumius A. F. P. N. Albus Regillensis. Est autem hic A. Postumius A. Postumij dictatoris filius. Sp. autem Furius, ut puto, auus est L. Furij L. F. Sp. N. Medullini, trib. mil. an. cccxlviii. Hic consul in acie contra Aequos fratrem amisit P. Furium, cum, ut opinor, qui cos. fuit anno cclxxxi. Dionysius. apud quem est mendose σέροντος pro σπόγιος. Hoc primum anno T. Quinctius pro consule iussus est subsidio castris cum exercitu sociali mitti, Postumius consul Romæ manere ad conscribendos eos, qui arma ferre possent. Magnæ utrinque clades acceptæ. Liuius.

DE COS. AN. CCXC.

L. AEBUTIVM, P. Seruiliū cos. in hunc annum subsequētos scribit Liuius, & Cassiod. Dionysius L. Aebutium, P. Seruiliū Priscum. Diodorus L. Aebutium Eluam, P. Seruiliū Structum. P. Seruiliū Sp. F. P. N. Priscum Capitolinus lapis. Hunc annum uocat Orosius cclx mendose pro ccc. ex quo apparet supputationem Capitolinam ab eo hoc loco probari. Liuius K. Sextilibus, ut tum anni principium agebatur, consules ait inisse. Eodem anno fœdissima pestilentia ciuitatem Romanam uexatam, ambos consules Aebutium, Seruiliūq; mortuos Liuius, Dionysius, Orosius auctores sunt. ego uero Aebutij mortem tantum notauī, quia Seruiliij obitum Capitolini fragmenti interuallum non capiebat. Aequi, Volsci q; prædonum magis, quàm hostiū more fines Romanos nullo occurrente exercitu populati sunt. Liuius.

DE COS. AN. CCXCI.

L. LUCRETIVM Tricipitinum, T. Veturium, siue Vetustum Geminū edit consules in hunc annum Liuius, Cassiodorus, & Dionysius. at Diodorus L. Lucretium, T. Veturium Cicurinū. liber Cuspin. Geminum, & Tricipitinum; lapis Capit. L. Lucretium Tricipitinum. Hunc T. Veturium filium T. Veturij esse arbitror, qui cos. fuit anno cclix. Hi consules ante diem iiii Idus Sextilis inierunt. Lex Terentia de quinqueuiris imperio consulari scribendis promulgata ciuitatem turbauit. Liuius.

*De triumpho L. Lucretij cos. T. Veturio cos. ouante.
de Volscis, & Aequis.*

IAM valida ciuitate L. Lucretio Aequos, T. Veturio Volscos prouinciā euenisse Dionysius, & Liuius consentiunt illi quidem; sed in uictoria tamen utriusque describenda paulum discrepant. Liuius enim vtrunque eorum cum vtroque hoste congressum de Aequis, & Volscis meritum rettulisse honorem scribit, triumphum illum, hunc, ut ouans urbem iniret. Dionysius uero uictorias separat, atque Lucretio, quia cum Aequis acerrime pugnarat, maiorem triumphum, Veturio, quia Volscos sine pugna fugarat, minorem à senatu decretum ait. Nos Dionysium sequuti sumus.

DE COS. AN. CCXCII.

P. VOLUMNIUM, Ser. Sulpicium cos. in hunc annum proficitur Liuius, & Cassiod. P. Volumnium, Ser. Sulpicium Camerinum Dionysius. P. Volumnium Amintinum, Ser. Sulpicium Diodorus. P. Volumnium Amintinum Gallum lapis Capitolinus. Eorundem consulum meminit Valerius libro primo cap. vi. Ser. Sulpicium Ser. Sulpicij consulis an. ccliiii. filium esse opinor, patrem autem Q. Sulpicij Ser. F. Ser. N. Camerini Cornuti, tribuni militum anno cclli. Lex Terentia item agitata. Cæso Quinctius ferox iuuenis, quo duce pulsi sæpe foro tribuni, plebs fugata erat, damnatus in exilium abiit. Liuius.

DE COS. AN. CCXCIII.

P. VALERIUM Poplicolam, C. Claudium Sabinum cos. nominant in hunc annum Liuius, & Dionysius. P. Valerium Poplicolam, C. Claudium Regillanum Diodorus. P. Valerium P. F. Volusi N. Poplicolam lapis Capitolinus. P. Valerius Poplicolæ filius est, idem, qui ante etiam consul fuit. Quod ipsum si animaduertisset Liuius, haud ita hunc consulem loquentem secisset. Ausurum se in tribunis, quod princeps familiæ suæ ausus in regibus esset. Item. Memorem se maiorum suorum, memorem cognominis, quod populi colendi, velut hæreditaria cura sibi à maioribus tradita esset. Etenim eum de patre, vt de atauo loquentem inducit. C. Claudium Ap. F. patrum esse Ap. Claudij decemviri Liuius, & Dionysius auctores sunt. nos vero qua de causa & hunc M. F. appellemus, iam diximus. Ceterum P. Valerium cos. in pugna contra seruos, qui hoc anno duce Ap. Herdonio Sabino Capitolium occupant, cecidisse, inq; eius locum L. Quinctium Cincinnatum suffectum Liuius, Dionysius, Orosius, & ij, qui consules Capitolinos digesserunt, prodiderunt. Liuius itē mense Decembri suffectum, Dionysius ex agro quem colebat, ad consulatum à viatore uocatum, alij id ei post in dictatura obtigisse scripserūt, Eodem prælio Herdonius interfectus, Capitolium recuperatum est.

DE COS. AN. CCXCIII.

Q. FABIVM III, L. Corneliū Maluginensem cos. Liuius suggerit hoc anno, & Cæsiodorus. Dionysius Q. Fabium Vibulanum III, L. Corneliū. Diodorus Q. Fabium Vibulanum, L. Corneliū κορυπτιον, mendose, ut puto. Q. Fabium Vibulanum III lapis Capitolinus. est etiam in fragmento Cornelij consulis Capitolino syllaba vs, quæ ad cognomen eius pertinet, quam ego sum interpretatus c o s s v s. Quod fuit cognomen Corneliorum, ut etiam ante in Ser. Cornelio consule huius consulis, (utputo) patre apparuit ex Diodoro. Hunc eundem auum esse opinor P. Cornelij M. F. L. N. Cossi Rutili trib. mil. anno c c c x l v. Eorundem consulum meminit Dionysius in anno c c c x.

De Lustrō X.

CENSVS anno superiore actus est. lustrum propter Capitolium captum, consulem occisum condi religiosum fuit. perfectum est autem hoc anno. id lustrum ab origine urbis decimum conditum. Fuerunt censu ciuium capita c x x x i i millia c c c c i x. Hæc Liuius. Eutropius etiam hoc anno censum actum significat, cum post census mentionem L. Quinctium dictatorem dictum esse ait. Huius lustrī meminit Dionysius in anno c c c x explicando, conditumq; ab his consulibus scribit. Quæ cum ita sint, satis apparet ex Liuij etiam sententia nouem ante, quæ nos posuimus, lustra esse condita. quanquam eorum ipse non meminit.

De triumphis consulum Q. Fabij Vibulani III de Aequis.

L. Cornelij Maluginensis Cossi de Volscis.

Hoc anno Tusculum populo Ro. federatum improuiso ab Aequis captum, Antium Volscorum à Romanis defecisse, Aequos, Volscosq; coniunctis copijs fines Hernicorum, qui socij populi Ro. erant, inuasisse nuntiatum est. Itaque consulibus prouincias sortitis Fabio Aequi, Cornelio Volsci prouincia euenit. Fabius recuperato ab Aequis Tusculo eosdem illos una cum Volscis castra habentes ad Algidum fugat, & castris exiit. Cornelius ab altera parte Antium primum obsedit, post ui cepit. His de causis triumphus utrique decretus est. Ita Dionysius. Liuius autem Fabium Volscos ad Antium, de quo suspicio erat, ne deficeret, fudisse, & Tusculum ab Aequis captum recepisse ait. De Cornelio uero ita loquitur. Eodem anno defecisse Antiates apud plerosque auctores inuenio. L. Corneliū consulem bellum id gessisse, oppidumq; cepisse, certum affirmare, quia nulla apud ueteres scriptores eius rei mentio est, non ausim. Hæc illi. Ego vero Dionysium, quem hoc loco sequuti sunt etiam Capitolini triumphorum scriptores, sequutus sum. Liuius enim ad extremum etiam consules triumphantes cum uictore exercitu rediisse scribit.

DE COS. AN. CCXCV.

L. Minucium, C. Nautium suggerit cos. Liuius, & Cæsiodorus. L. Minucium, C. Nautium iterum Dionysius. L. Minucium κορυπτιον, C. Nautium Rutilum Diodorus. C. Nautium Rutilium

Commentarius in fastos

tilum TI lapis Capitolinus. L. Minucij cos. meminit etiam in Cincinnato is, qui scribit de viris illustrib. Apud Diodorum nescio quid cognominis sit *καρυντιανός*. ego Augurinum familiare Minucij cognomen attribui. puto enim esse uitiose apud Diodorū *καρυντιανός*, pro *ὁ ἀγορευτός*. Tradunt etiam Dionysius, & Liuius, L. Quinctium hoc anno dictatorem, cum L. Minucium consulem obsidionis periculo exemisset, eundem, ut se magistratu abdicaret, coegisse. quod idem Valerius lib. 11. cap. 11. scribit sic. Age quanto spiritu putamus vsum L. Quinctium Cincinnatum dictatorem eo tempore, quo deuictis Aequicolis, & sub iugum missis L. Minucium consulatum deponere coegit, quod castra eius hostes iidem obsederant &c. Hoc idem quia in Capitolinis consulibus notatum fuisse ex inani interuallo quodam suspicatus sum, ne mihi quidem omittendum duxi. Nautius consul cum Sabinis egregie ad Eretum pugnavit. Liuius.

De L. Quinctio Cincinnato dictatore, & triumpho eius de Aequis.

AEQVI hoc anno fracto foedere, quod priore anno cum populo Rom. icerant duce Clælio Graccho mouerunt. aduersus eos L. Minucius consul missus cum in Algido monte conclusus esset, intellectum est rem, & tempus dictatore egere. quare dictator à C. Nautio cos. dictus L. Quinctius Cincinnatus. is magistrum equitum sibi L. Tarquitium cooptauit. hæc Liuius, Dionysius, & lapis Capitolinus. Hoc anno ex agro extractum esse L. Quinctium ad dictaturam scribunt iidem, præterea Orosius, Eutropius, Valerius lib. 1111. cap. 1111. Plin. lib. xv 111. cap. 111. Cicero de sinib. 11. Is, qui scribit de viris illustrib. Hoc idem ei ante etiam in consulatu obtigisse notat Dionysius, præterea nemo. Cicero in Catone hoc quoque honore affectum in secunda dictatura significat, tum cum magister eq. eius Ahala Sp. Mælium interfecit. in quo, ut puto, memoriæ vitio labitur. Dictatorem autem L. Quinctium circumseptum in Algido monte L. Minucium consulem ab Aequis liberaffe, Clælium Gracchum ducem Aequorum in deditionem accepisse, Aequos ipsos subactos sub iugum misisse, deq; illis triumphasse. cumq; in menses sex dictaturam cepisset, post xv dies his rebus gestis dictatura abdicasse, Liuius, Dionysius, lapis Capitolinus, & is, qui de uiris illustribus scribit, sunt auctores.

DE COS. AN. CCXCVI.

CONSULES in hunc annum nominant Liuius, & Cassiodorus Q. Minucium, M. Horatium Puluillum. Diodorus L. Postumium, M. Horatium. Dionysius C. Horatium, Q. Minucium. lapides Capitolini C. Horatium Puluillum. collega eius intercudit. puto autem legendum apud Liuium, C. Horatium. nam anno ccc1 C. Horatium Puluillum augurem mortuum scribit. Tribuni pl. hoc anno primum x creati. Minucius in Sabinis non inuenit hostem. Horatius cum Aequis in Algido bene pugnavit. Liuius.

DE COS. AN. CCXCVII.

IN hunc annum consules inuenio M. Valerium cum Sp. Virginio apud Liuium, Cassiodorum, & Dionysium. at apud Diodorum lib. x11 M. Valerium Laetucam, Sp. Virginium Tricostum. apud librum Cuspinianum, Maximum, & Cælimontanum. Lapidem uero Capit. M. Valerium Maximum. Laetucinum cognomen esse Valeriorum docet Plinius. Horum etiam consulum meminit Censorinus de ludis secularibus. Idem M. Valerius biennio ante dicitur à Liuio M. F. Volusi N. quod etiam scriptum est in hoc Capitolino consulatu. His consulibus domis forisq; ocium fuit. Liuius.

DE COS. AN. CCXCVIII.

DEINCEPS consulatum ineunt C. Veturius, T. Romilius. Liuius, Cassiodorus, Dionysius. C. Veturium Cicurinum, T. Romilium Vaticanum edit Diodorus. Vaticanum cognomen item est in tabulis Capitol. eiusdem Romilij meminit etiam Plinius lib. v11. cap. xxv111. De Veturio dicam in decemuiratu eius anno ccc11. In Algido cum Aequis à consulibus prospere pugnatum est. Liuius.

DE COS. AN. CCXCIX.

CONSULEM in hunc annum nominant Sp. Tarpeium Liuius, Cassiodorus, Dionysius, Diodorus, Pædianus in Cornel. De collega eius non satis constat. Liuius eum vocat A. Aeternium,

nium, itemq; Plin. lib. v. cap. xxv. Dionysius ὠλοντεμένιον, Gellius lib. i. cap. x. A. Thermum, Diodorus ὠλον ἀέριον φοντίιον, Calsiodorus A. Aterium. Ego Calsiodorum sequeutus sum. est enim Ateria gens notior, quàm cætera, quas alij produnt. Ei cognomen alij Fontinalem adiiciunt. De Tarpeij cognomine nihil certi est. in Capitolino enim fragmento est Sp. Tarpeius M. F. M. N. ΜΟΝΤΑΝΓΑ --. Hoc anno abiecta lege Terentia, quæ per multos annos iactata erat legati tres in Græciam ad eorû leges cognoscendas missi. ab externis bellis quietus annus fuit. Liuius.

DE COS. AN. CCC.

LIVIVS, itemq; Calsiodorus consules memorant in hunc annum Sex. Quinctilium, & P. Curiatium, Dionysius Sex. Quinctilium, & P. Horatium, Diodorus Sex. Quinctilium Tergeminum. Sex. Quinctilium Sex. F. P. N. lapis Capitolinus. Est autem Tergeminus tam Horatiorum, quàm Curatiorum cognomen. Horatium tamen probavi magis. Hoc anno pestilentia laboratum est. inter ceteros mortuus est consul Sex. Quinctilius, &, qui in eius locum suffectus fuerat, Sp. Furius. Ita Dionysius. De morte Quinctilij meminit etiam Liuius. sed de Sp. Furio aut suffecto, aut mortuo, ne verbum quidem. Cuius annales sequutos esse eos opinor, qui Capitolinas tabulas exararunt. Ab hoste ocium fuit.

DE COS. AN. CCCI.

C. MENENIUM, P. Sestium cos. in hunc annum suggerunt Liuius, Calsiodorus, Dionysius. Diodorus T. Menenium, P. Sestium Capitolinum. Festus lib. x. P. Sestium Capitolinum, T. Menenium Lanatum. P. Sestium Q. F. Vibi N. Capitolinum lapis Capitolinus. Hunc T. Menenij filium esse reor consulis anno cclxxv, fratrem L. Menenij, qui consul erit anno cccxiii.

DE COS. ANN. CCCII.

abd. ut decemviri consulares fierent.

CONSULES in hunc annum designatos fuisse Ap. Claudium, & T. Genucium, uerum decemvirum creandorum causa abdicasse Liuius cum Dionysio & Capitolini scriptores, quantum ex tabularum fragmento intelligi potest, prodiderunt. Decemviratum autem in reip. intulit lex Terentia, quam C. Terentius Arsa tribunus pl. de quinqueviris creandis, qui leges consulari imperio scriberent, promulgavit. Querebatur enim plebs, nimium esse consulis imperium, idq; imminui, & moderatius fieri postulabat. Quæ lex cum sex annos à tribunis frustra iactata tandem pro concessa sibi duplicandorum tribunorum potestate penitus refixisset, tamen Romilio, Veturioq; consulibus in plebem militiam detrectantem impotentius se gerentibus acrius etiam, quàm ante relata est. Igitur incertis quid agerent patribus, placuit ea sententia, cuius princeps T. Romilius fuisse dicitur, ut legum latores crearentur, qui iura patribus, plebiq; scriberent, quæque ab ijs essent decreta, ea plebem, & patres tenerent. Plebe autem assentiente mittuntur legati tres in Græciam, qui Atheniensium, & aliarum Græciæ ciuitatum instituta, mores, & iura noscant, eaq; Romani deferant, Sp. Postumius Albus, A. Manlius, Ser. Sulpicius Camerinus. Missi autem Tarpeio, Aterioq; cos. tertio anno, quo Menenius, & Sestius consularum gerebant cum legibus reuertuntur. Cum autem instarent tribuni, ut tandem legum scribendarum initium fieret, iamq; in hunc annum designati consules essent Ap. Claudius, & T. Genucius, tum in Ap. Claudij sententiam senatus consultum factum est, ut reliquis abrogatis magistratibus decemviri crearentur cum imperio consulari, ac regio sine prouocatione, qui ex patrij moribus, & peregrinis legibus optimas seligentes, & reip. maxime utiles iura populi Rom. constituerent, quæque ij scripissent, si senatus, populusq; Ro. probasset, ea in perpetuum populum ipsum Romanum tenerent. Quo senatus consulto à plebe comprobato consules abdicarunt. in eorum locum decemviri consulares facti sunt. Quorum nomina hæc sunt. Ap. Claudius, T. Genucius, qui consulatu abierant, Sp. Postumius, Ser. Sulpicius, A. Manlius, qui consulares legati Athenas iuerant, T. Romilius, C. Iulius, P. Sestius, P. Horatius omnes consulares. præterea Sp. Veturius. Liuius, Dionysius, & Diodoro auctoribus. quanquam Dionysius Postumium Publium non Spurium, ut Liuius, & Diodorus, vocat. et Veturium Liuius Lucium, Dionysius Titum, Diodorus, & Capitolini lapides Spurium nominant. Qui si fuit consularis, certe collega T. Romilij fuit, quem omnes C. Veturium nominant, & Cicurino cognomine, non Craffo, ut est in fragmentis Capitolinis afficiunt. Pro Horatio Liuius Curatium, ut in con-

Commentarius in fastos

fulam quoque, edit. Ap. Claudium Suetonius in Tiberio, & Diodorus Regillanum appellant, Capitolinae tabulae Crassinum. Hos decemuiros anno ab urbe condita cccxi inisse scribit Linius, & cum sequuntur Calsiodorus. Capitolini auctores anno cccxi, & cum ijs etiam Solinus. Hi decimo die ius populo singuli reddebant. eo die penes praefectum iuris fascēs duodecim erant. collegis nouem singuli accenti apparebant. Linius.

DE DECEMVIRIS AN. CCCIII.

PROPOSITIS decem legum tabulis à decemuiris, uulgatur deinde rumor, duas deesse tabulas, quibus adiectis absolui posse uelut corpus omnis Ro. iuris. Ea expectatio, cum dies comitorum iustaret, desiderium decemuiros iterum creandi fecit. Plebs etiam, praeterquam quod consulum nomen hand secus, quam regum perosa erat, ne tribuniciū quidem auxilium, cedentibus inuicem appellatione decemuiris, quarebat. creati igitur in hunc annum magno patrum, plebisq; studio iterum decemuiro sunt. Ap. Claudius II, M. Cornelius Maluginensis, M. Sergius, L. Minucius, Q. Fabius Vibulanus, T. Antonius Merenda, M. Rabuleius, Q. Peetelius, K. Dnilius, Sp. Oppius Corniceu. Hi tres extremi è plebe, auctores Dionysius, Linius, Diodorus. M. Cornelium fratrem L. Cornelij Maluginensis consulis an. cccxi tradit Dionysius, & Linius. Q. Fabius is est, qui ter consul fuerat. Dionysius. Nomina horum aliquot apud Diodorum desiderantur. ac Sp. Veturius inter hos falso, ut puto, numeratur.

*De secunda secessione plebis, & decemuiris an. cccxi abdicatis,
& consulibus suffectis.*

Cum maior pars anni superioris processisset, & duabus tabulis ad decem adiectis, nihil superellet, si haec quoque tabulae centuriatis comitijs perlatæ essent, cur decemuiris reip. opus esset, expectaretq; populus quam mox consulibus creandis comitia indicerentur, tum decemuiros nulla comitorum mentione facta iuuenum cateruis stipatos superbius, atque impotentius se in vnum-que gessisse, & idibus Maijs aduenientibus, qui dies tum sollemnis inueniundo consulatui erat, nullis magistratibus subrogatis eosdem, qui priore anno fuerant, decemuiratum cum magna totius populi indignatione continuasse Linius, & Dionysius produnt. Abdicasse autem eosdem hand ita multo post hanc ob causam inuenio. Ap. Claudius cum alij collega in Aequos, alij in Sabinos exercitum duxissent, urbis praesidio relictus Virginiam plebeiam uirginem, quam amabat, pretio pellicere adortus, cum frustra se laborare animaduertisset, in seruitutem per clientem suum M. Claudium allere eam conatus, patrem eius eo compulit, ut ipsam filiam manu sua sibi potius occidendam putarit, quam Ap. Claudij libidini dederetur. Ea res, ut erat atrox, in utraque castra perlata seditionem maximam plebis excitauit. Quae relictis castris cum primum in Auentinum, post in montem Sacrum secessisset, paulo post placata se redituram esse professæ est, si tribuni plebis sibi restituerentur, & decemuiris abdicatis consularis potestas reuocaretur. Quibus conditionibus à senatu acceptis ipsa in urbem redijt. Tribuni pl. decem iterum creati, & decemuiro abdicati sunt. Eadem secessio à Varrone Crustumina dicitur, credo, quod plebs tum è castris secesserit, quæ inter Fidenas, Crustuminaq; loco edito communita erant. sexagesimo hoc post reges exactos anno factum esse testis est Cicero de finib. inquit. L. Virginius sexagesimo anno post libertatem receptam Virginiam filiam sua manu occidit potius, quam ea Ap. Claudij libidini, qui tum erat summo in imperio, dederetur. Conuenit autem Ciceroniana summa cum Capitolina. Comitij porro (ut ait Linius) consularibus habitis per interregem consules creantur L. Valerius Potitus, M. Horatius Barbatus, iidemq; magistratum statim ceperunt. Idem Linius decemuiros in tertium annum continuasse, post tertium annum consules inisse significat. Quod nos in his tabulis ne scriberemus, & aliorum, & maxime Capitolinorum scriptorum mouit auctoritas. Rufus enim tantum per biennium decemuiros reip. praefuisse. Tacitus decemuiralem potestatem non ultra biennium ualuisse tradit, cum autem in Capitolinis horum consulum triumphis numerus ascriptus sit anni ab urbe condita cccxi, satis patet tertium decemuirum annum cum hoc ipso, quo consules Valerius, & Horatius inierunt, coniungendum esse, ut sit quartus post Quindilium, & Horatium consules annus, qui ex Capitolinis tabulis in annum trecentesium inciderunt. Eorundem consulum meminit post abdicatos etiam decemuiros Calsiodorus. Quorum L. Valerius, P. Valerij filius est eius, qui eos. Ap. Herdonium interfecit, P. Valerij, qui reges eiecit, nepos. M. autem Horatius M. Horatij, qui cum Policola item consul fuit, nepos. De L. Valerio sic Cicero in Bruto. Ne L. Valerium quidem Potitum

titum arbitror non aliquid potuisse dicendo, qui post decemviralem invidiam plebem in patres incitatum legibus, & concionibus suis mitigauerit. Diodorus hos cos. nominat M. Horatium, L. Valerium *τοὺς ἑῶν*. mendose, ut puto, pro *ποτῖτον*. P. Valerium Poplicolam Potitum, M. Horatium Barbatum triumphus eorum Capitolinus.

De triumphis L. Valerij Potiti, M. Horatij Barbati eos. de Aequis, & Sabinis.

L. VALERIUS in Aequos, & Volscos, M. Horatius in Sabinos profecti optime rem gesserunt. Idemq; cum à senatu triumphum non impetrarent, ad populum conuersi primi iussu populi, inuito senatu triumpharunt. Liuius, Dionysius. Ex eorum etiam verbis apparet Valerium de Aequis, & Volscis triumphasse, cum in Capitolino tamen triumpho Aequorum tantum nomen incisum sit.

DE COS. AN. CCCV.

CONSULES suggerit Liuius Sp. Herminium, T. Virginium Cœlimontanum. L. Herminium, T. Virginium Cassiodorus. *Λέγον ἑρμίνιον, τῖτον οὐέργινιον* Dionysius. *λαρῖνον ἑρμίνιον, τῖτον οὐέργινιον σπουκτον* Diodorus. In scholijs Liuianis ostendi Iartem Herminium esse legendum. Vereor etiam ne *σπουκτος* apud Diodorum mendose sit, pro *τελευκτος*. Nam Struētus Scruiliorum est, non Virginiorum. Ocium domi, ac foris fuit.

DE COS. AN. CCCVI.

M. GEGANIUM Macerinum, C. Iulium cos. subijcit Liuius. M. Geganium, L. Iulium Diodorus. Dionysij multæ hic paginæ desiderantur. M. Geganius M. F. dicitur in secundo ipsius consulatu Capitolino. Hi consules plebem decreto ad bellum Volscorum, & Aequorum delectu sustinendo, rem ab seditionibus continuere. Liuius.

DE COS. AN. CCCVII.

T. QUINCTIUM Capitolinum IIII, Agrippam Furium consules in hunc annum comparant Liuius, & Dionysius. T. Quinctium, Agrippam Furium Diodorus, & Cassiodorus. Aequis, Volscisq; qui ad mœnia ipsa Romæ populabundi uenerant, suis consules triumphum nec postularunt, neque eis ab senatu delatus est. Ager Aricinorum, & Ardeatium controuersus testimonio P. Scaptij populo R. adiudicatus est. Liuius.

DE COS. AN. CCCVIII.

CONSULATVM deinde ceperunt M. Genucius, C. Curtius. auctor Liuius, & Dionysius. M. Genucium, Agrippam Curtium edit Diodorus. quanquam mendose est apud Dionysium Minucius pro Genucio, & apud Liuium Curiatius pro Curtio. Quod ex M. Varrone intelligi potest, qui de lingua latina ita ait. Cornelius, & Luceius scribunt locum palustrem, qui tum in foro fuit, antequam cloacæ sint factæ, esse fulguratum, & ex senatusconsulto septum esse. idq; factum esse à Curtio consule, cui M. Genucius fuit collega, atque inde Curtium lacum appellatum. His consulibus lex à Canuleio tribuno pl. de communicandis plebi patriciorum conuihijs, quæ decemviri ante diremerunt, lata est. Ardeates ob iniuriam agri abiudicati defecere, & Veientes extrema agri Romani populati sunt. Liuius.

De primis tribunis milit. cons. pot. An. CCCIX.

CVM C. Canuleius trib. pl. priore anno legem alteram promulgasset, ut consul alter ex plebe crearetur, in quo patriciorum dignitas minuebatur, patres veriti, ne se inuitis lex perferretur, in eam sententiam ierunt, cuius auctor fuisset C. Claudius dicitur, ut pro consulibus crearentur tres tribuni militum ex patricijs, totidemq; ex plebe, ijq; consulari potestate ornati remp. regerent. Eorum autem annuo finito imperio rursus senatus, & plebs consuleretur, consules ne, an tribunos mallent. Qui vero placuissent, fierent. His rebus decretis in magno plebciorum, & patriciorum petentium studio tres ex patricijs tantum creati sunt. plebs eo contenta fuit, quod sui ratio in comitijs habita fuisset. Hæc Liuius, & Dionysius. Adijcit Liuius fuisse, qui propter ad-

Commentarius in fastos

iunctum Aequorum, Volscorumq; bello, & Ardeatium defectioni Veiens bellum, quia consules obire tot simul bella nequirent, tribunos militum tres creatos dicerent sine mentione promulgatæ legis de consulibus ex plebe creandis, & imperio, & insignibus consularibus esse vsos. nomina tribunorum sunt hæc. A. Sempronius Atratinus, L. Atilius Longus, T. Clælius Sículus. ut ait Liuius, Dionysius, Diodorus, Longus certe Atiliorum cognomen fuit, ut alibi patet. A. Sempronius frater est L. Sempronij, qui consul suffectus est hoc anno. auctor Dionysius. Primos tribunos militum inisse anno ab urbe condita trecentesimo decimo scribit Liuius, at Suidas in voce χιλιάρχοι trecentesimo quinto, Capitolini lapides trecentesimo nono.

De tribunis militum abdicatis, & consulibus suffectis.

TRIBUNORVM militarium non pro firmato stetit ius, quia tertio mense, quàm inierunt, augurum decreto, perinde ac vitio creati, honore abiere, quòd C. Curtius, qui comitijs eorum præfuerat, parum recte tabernaculum cepisset. Interim patricij cum sine curuli magistratu resp. esset, coiere, & interregem creauere. Contentio consules ne, an tribuni militum crearentur in interregno rem dies complures tenuit. Interrex, ac senatus consulum comitia, tribuni plebis, & plebs tribunorum, ut haberentur, tendunt. vicere patres. T. Quinctius Barbatus interrex consules creat L. Papirium Mugillanum, L. Sempronium Atratinum. hæc Liuius & Dionysius. Addit præterea Liuius hos consules neque in annalibus priscis, neque in libris magistratuum inueniri. Licinium autem Macrum & in fœdere Ardeatino, & in libris linteis esse, scripsisse. Horum consulum meminit Cicero in epistola ad Papirium Pætum. Papirij, inquit, fuerunt patricij minorum gentium, quorum princeps L. Papirius Mugillanus, qui consul cum L. Sempronio Atratino fuit, cum antea censor cum eodem fuisset annis post Romam conditam cccxii. sed tum Papirij dicebantur. Quo in loco legendum puto. Qui censor cum L. Sempronio Atratino fuit, cum antea consul cum eodem fuisset. ex ipsa historia. L. Sempronium filium esse A. Sempronij L. F. A. N. Atratini consulis anno cccxxxvii puto. His consulibus fœdus cum Ardeatibus renouatum. Liuius.

DE COS. AN. CCCX.

CONSULES editi in hunc annum Cassiodorus T. Quinctium, M. Geganium. Diodorus T. Quinctium, M. Geganium Macerinum. Liuius & Dionysius M. Geganium Macerinum iterum, T. Quinctium Capitolinum quinctum. Eisdem mense Decembri inisse tradit Dionysius.

De censoribus primis, & Lustrò XI.

IDEM annus censuræ initium intulit. ortum autem eius rei initium est, quòd in populo per multos annos incenso neque differri census poterat, neque consulibus, cum tot populorum bella imminerent, operæ erat id negotium agere. Mentio illata ab senatu est, rem operosam, & minime consularem suo proprio magistratu egere, cui scribarum ministerium, custodiæq; & tabularum cura, cui arbitrium formulæ censendi subijceretur. Et patres quanquam rem paruam, tamen quo plures patricij magistratus in rep. essent, læti accepere, id quod euenit, futurum rati, ut mox ope eorum, qui præessent, ipsi honori ius maiestatemq; adijcerent. & tribuni, id quod tunc erat, magis necessariam, quàm speciosi ministerij procurationem intuentes haud sane terere. Hæc ad uerbum Liuius. Dionysius hac de re consules ait ad senatum rettulisse, censumque in urbe necessarium esse, præsertim in qua intra xvi annos post Q. Fabium, L. Cornelium cos. census nullus actus esset, docuisse. Reliqua uero, quæ hunc locum continebant temporum iniuria apud eum desiderantur, una cum reliquis pulcherrimæ, & certissimæ illius historiæ partibus, cuius præsidio memoria rerum Romanarum lapsa subleuari facile potuit. Censores porro à censu agendo dictos scribit Liuius. Varro de lingua Latina censorem ait dictum esse, ad cuius censionem, idest arbitrium populus censeretur. Festus censores nuncupatos scribit, quòd rem suam quisque tanti æstimare solitus esset, quantum illi censuissent. De censorum iure tradit Plutarchus in Catone maiore, Varro de lingua Latina. Cum autem, ut ait Liuius, à primoribus ciuitatis spreus honos esset, Papirium, Semproniumq; quorum de consulatu dubitabatur, ut eo magistratu parum solidum magistratum explerent, censui agendo populus præfecit. Cicero ad Pætum, L. Papirium Mugillanum scribit cum L. Sempronio Atratino censorem ante fuisse, quàm consul fuisset, in quo vitium est (ut dixi) librarij. Illud non præteribo, cum duo censores essent,

cos

eos inter se fortiri solitos fuisse, uter lustrum conderet, ut Varro, & sapissime alias Liuius notarunt. Qui autem lustrum fecit, is fere postponitur collegæ suo. Quod & ipse quoque sequutus Capitolinos auctores feci, quoad potui. Quanquam autem lustrum nulla mentio sit, factum tamen esse sequentia lustra indicabunt.

De triumpho M. Geganij Macerini cos. II.

VOLSCI Ardeam populo Ro. fœderatam duce Aequo Clælio cum obsidione premerent, à M. Geganio cos. circumuallati, atque in extremum periculum adducti in deditionem accipiuntur, & sub iugum missi cum singulis uestimentis ignominia, cladisq; pleni dimittuntur. Consul duce Clælio ante currum ducto in urbem triumphans redit. Hæc Liuius. Vestigia parua huius triumphphi extant etiam in Capitolinis triumphis, hæc.

M. GEGANIVS M. F. DE--- ANN. CCCX. NONIS SEPT.

DE COS. AN. CCCXI.

CONSULES nominat hoc anno Cassiodorus M. Fabium, Postumum Aebutium. Diodorus M. Fabium, Postumum Aebutium οὐλεων. Liuius M. Fabium Vibulanum, Postumum Aebutium Cornicinem. Valerius in Epitoma Postumi Aebutij Eluæ meminit. Liuius M. Aebutij Eluæ triumphuiri coloniam deducendam hoc anno mentionem facit. Quid sit cognomen οὐλεων, nisi οὐλεων legatur, incertum habeo. M. Fabius filius est Q. Fabij M. F. K. N. qui ter consul fuit, & cladi ad Cremeram superfuit. Ardea colonia præsidij causâ deducta. Liuius.

DE COS. AN. CCCXII.

IN hunc annum consules inuenio apud Liuium, & Cassiodorum C. Furium Pacilum, M. Papium Crassum. apud Diodorum Q. Furium Fusum, Manium Papium Crassum. Est autem Manius Papiorū prænomen. quod in aliis etiam celebratū est. Foris res quietæ fuerunt. Liuius,

DE COS. AN. CCCXIII.

PROCVLVM Geganium Macerinum, L. Menenium Lanatum cos. collegas produnt hoc anno Liuius, & Cassiodorus. T. Menenium, Proculum Geganium Macerinum Diodorus. L. Menenium fratrem esse arbitror Agrippæ Menenij tribuni mil. anno cccxxxvi. In summa annonæ caritate Sp. Mælius vir ex equestri ordine ingentes plebi frumenti largitiones fecit, Liuius.

DE COS. AN. CCCXIII.

HIC annus consules habuit T. Quinctium Capitolinum vi, Agrippam Menenium Lanatum Liuius, & Cassiodoro auctoribus. Diodoro autem T. Quinctium, T. Menenium. Agrippa descriptus est ex tribunatu militari Capitolino ann. cccxxxvi.

De L. Quinctio Cincinnato dictatore II. & Sp. Mælio interfecto.

SP. MÆLIUS ex equestri ordine in summa annonæ caritate cum frumentum ex Etruria priuata coemptum pecunia aduehendum curasset, atque largitionibus frumenti factis plebem delinisset, elatus supra modum hominis priuati de regno agitare, domiq; consilia habere anno priore cœpisse dicitur. Hoc autem anno cum tela in domum Sp. Mælii conferri quotidie ad senatum delatum esset à L. Minucio Augurino annonæ præfecto, eumq; domi de regno non dubia consilia habere; senatus tantæ rei nouitate commotus ex T. Quinctii consulis sententia dictatorem dici iussit. L. Quinctius Cincinnatus post octogesimum annum dictator à T. Quinctio cos. dictus C. Seruilius Ahalam magistrum equitum sibi cooptauit. Seruilius iussu dictatoris Mælium in ius vocatum, quia dicto non parabat, obtruncauit. Dictator iuste factum pronunciauit, etiam si regni crimine insons fuisset. Ita Liuius. Qui uero de viris illustribus scripsit ita. L. Cincinnatus uiginti annos postquam dictator fuerat iterum dictator cum magistro eq. Seruilio Ahala Sp. Mælium interfecit. & Cicero in Catone sic. L. Quinctio Cincinnato in agro aranti nunciatum est eum dictatorem esse factum. cuius dictatoris iussu magister eq. C. Seruilius Ahala Sp. Mælium

Commentarius in fastos

Mælium regnum affectantem, & occupantem interemit. Diximus autem eum non eodem tempore ex agro ad dictaturam vocatum esse, & Mælium interfici iussisse. neque enim eum post octogesium annum in agro fuisse colendi causa uerisimile uidetur. De Seruilio magistro eq. scribit Valerius hoc modo lib. v. Ahala cum magister equitum Sp. Mælium regnum affectantem occidisset, custoditæ libertatis ciuium exilio suo pœnas pependit. & Liuius anno c c c x v i ait rogationem latam esse à Sp. Mælio tribuno pl. de publicandis Seruiliij Ahalæ bonis ob necem ciuis indemnati, sed nihil egisse. Scribit tamen hac de re Cicero sic pro domo. Cæso ille Quinctius, & M. Furius Camillus, & C. Seruilius Ahala cum essent optime de rep. meriti, tamen populi inicitati uim, iracundiamq; subierunt. Hunc magistrum equitum ex anno urbis c c c x x v Capitolino descripti.

DE TR. MIL. AN. CCCXV.

TRIBUNI pl. peruicerunt, ut tribunorum militum potius, quàm consulum comitia haberentur, non dubij, quin sex lectis (tot enim iam creari licebat) ex plebeijs aliqui profitendo se fore Mælianæ cædis ultores, crearentur. plebs tamen nec plures, quàm tres tribunos consulari potestate creauit, & in ijs L. Quinctium Cincinnati filium. prælatus suffragijs Quinctio Mamerco Aemilius vir summæ dignitatis. L. Iulium tertium creant. Liuius. Tres tribunos militares in hunc annum edit etiam Diodorus Manium Aemilium Mamercum, C. Iulium, L. Quinctium. Mam. Aemilius (sic enim potius quàm M'. uoco) pater est M'. Aemilij Mam. F. M. N. Mamercini tribuni mil. ann. c c c x l v i i i. L. Iulius pater est L. Iulij L. F. Vopisei N. Iuli tribuni mil. anno c c c l i i. His consulibus Fidenates coloni ad Lartem Tolumnium Veientium regem, & Veientes defecere, & legatos Romanos causam noui consilij quærentes iussu regis interfecere. Liuius.

DE COS. AN. CCCXVI.

Ad curam summæ rerum quieta plebe, tribunisq; eius, nihil controuersæ fuit, quin consules crearentur M. Geganus Macerinus tertium, & L. Sergius. Hæc Liuius. Cassiodorus etiam, qui nisi nomina consulum apponit M. Geganum III, & L. Sergium cos. edit. Diodorus item M. Geganum, L. Sergium. Hunc Sergium Fidenatē à bello Fidenati gesto uocatum tradit Liuius. hic enim primus hoc anno cis Anienem cum rege Veientium secundo prælio conflictit, nec incruentam uictoriam rettulit. Idem ornatus est ex tertio tribunatu Capitolino an. c c c x x v.

De Mam. Aemilio Mamercino dictatore, & triumpho eius de Faliscis, Veientibus, & Fidenatibus.

Cum maior ex ciuibus bello Fidenati amissis L. Sergio consulē dolor, quàm lætitia fufis hostibus esset, senatus, ut in trepidis rebus, dictatorem dici Mamercum Aemilium iussit. is magistrum eq. ex collegio prioris anni, quo simul tribuni mil. consulari potestate fuerant, L. Quinctium Cincinnatum dignum parente iuuenem dixit. Ita Liuius. Vtriusque meminit etiam Orosius, & Eutropius. Qui autem scripsit de uiris illustrib. Quinctium Cincinnatum dictatorem, A. Cornelium Cossū mag. eq. prodit. Cossū autem hoc anno tribunum militum fuisse plerisque auctoribus placuisse tradit Liuius. Cum Veientibus porro, & Fidenatibus, & Faliscis, qui horum auxilio uenerant hoc anno acerrime à Mam. Aemilio dictatore pugnatum est. qui omnibus locis re bene gesta senatus consulto iussuq; populi triumphans in urbem redijt. Liuius. Plerique A. Cornelium Cossū tribunum militum in hoc bello Lartem Tolumnium Veientiū regem interemisse scripserunt, & secunda opima spolia Ioui Feretrio rettulisse. Nos hanc uictoriam in consulatum eius reieciimus, quem nono abhinc anno gesturus est. Id quo consilio fecerimus, eo loco latius exponemus. Eutropius Fidenas captas, & excisas scribit à Mam. Aemilio dictatore, & L. Quinctio Cincinnato magistro eq. Liuius autem Mam. Aemilio dictatore III, & A. Cornelio Cossō magistro eq. id factum ait. Huius triumphī notæ sunt in Capitolinorum triumphorum fragmentis hæc. - v s. -- AN. CCCXVI. IDIB. SEPT.

DE COS. AN. CCCXVII.

LIUIVS, & Cassiodorus consules in hunc annum memorant M. Cornelium Maluginensem, & L. Papirium Crassum. Diodorus L. Papirium, A. Cornelium Macerinum. vitiose sine

nedubio. M. Cornelium arbitror esse filium M. Cornelij ante decemviri consularis. Exercitus in agrum Veientem, & Faliscum ducti. hostis nusquam inuentus. Liuius.

DE COS. AN. CCCXVIII.

CONSULES in hunc annum inuenio apud Liuium, & Cassiodorum C. Iulium iterum, & L. Virginium. apud Diodorum C. Iulium, Proculum Virginium Tricostum. Iulius an CCCV consul fuit.

De Q. Seruilio Prisco dictatore.

CUM Fidenates Veientium exercitu accito Anienem transissent, atque haud procul porta Collina castra haberent, Iulius consul in aggere murisq; explicat copias. Virginius S. C. dictatorem dicit Q. Seruiliū, cui Prisco alij, alij Structo fuisse cognomen tradunt. is sibi magistrum eq. Postumum Aebutium Eluam cooptat. Hæc Liuius. Seruilius in secunda dictatura Capitolina scribitur Q. Seruilius P. F. Sp. N. Priscus Fidenas. Puto autem Fidenatem appellatū in hoc magistratu, quo Fidenas cepit, ut ait Liuius. Cuius tamen victoriæ triumphum miror à Liuiο esse præteritum, aut causam cur non eum egerit, esse neglectam.

De censoribus, & Lustrō XII.

HIS consulibus C. Furium Pacilum, & M. Geganium Macerinum censores uillam publicam in campo Martio probasse, ibiq; primum populi censum actum esse tradit Liuius. Eundem M. Geganium, & C. Furium violentos censores appellat in anno CCCXLIII. Lustrum ab his conditum probant sequentia lustra. neque enim eorum hoc præterito constaret numerus.

DE COS. AN. CCCXIX.

EODEM consules insequenti anno resectos Iulium tertium, Virginium iterum apud Marcrum Licinium inuenio. Valerius Antias, & Q. Tubero M. Manlium, & Q. Sulpicium consules in eum annum edunt. Ceterum in tam discrepanti editione & Tubero, & Macer libros linteos auctores profitentur. neuter tribunos militum eo anno fuisse traditum à superioribus antiquis dissimulat. Licinio libros haud dubie sequi linteos placet. & Tubero incertus ueri est. Sed inter cetera uetustate incomperta hoc quoque in incerto positum. Hæc Liuius. Diodorus tamen pro consulibus tres tribunos militares edit M. Manlium, Q. Sulpicium Prætextatum, Ser. Cornelium Cossū. Nos autem quia C. Iulium III, L. Virginium II consules etiam à Cassiodoro poniamaduertimus, propterea eos consules apposuiamus.

De Mam. Aemilio Mamercino dictatore II.

CUM Falisci, ac Veientes captis à Seruilio dictatore Fidenis exterriti legatis circa XXI populos missis impetrassent, ut ad Voltumnæ sanum indiceretur omni Etruriæ concilium, velut magno indetumultu imminente senatus Mam. Aemilium dictatorem iterum dici iussit. ab eo A. Postumius Tubertus magister eq. est dictus. Non mouentibus autem Etruscis, dictator ne nequicquam creatus esset, legem pertulit, quæ censuram, quæ quinquennialis ante erat, annuam, & semestrem fecit, ac se dictatura abdicauit. Censores ægre passi, Mamercum, quod magistratum populi Ro. imminuisset, tribu mouerunt, octuplicatoq; censu ærarium fecerunt. Ita Liuius. Idem A. Postumius Tubertus post dictator erit.

DE TR. MIL. AN. CCCXX.

TRIBUNI pl. assiduis concionibus prohibendo consularia comitia, cum res prope ad interregnum perducta esset, euicere tandem, ut tribuni mil. consulari potestate crearentur. Victoriæ præmium, quod petebatur, ut plebeius crearetur, nullum fuit. omnes patricij creati sunt, M. Fabius Vibulanus, M. Foslius, L. Sergius Fidenas. sic Liuius. Diodorus item edit M. Fabium, M. Φαλίσιον, L. Seruiliū. sed mendose. M. Fabius idem est, qui consul fuit an. CCCXI. L. Sergius, qui fuit an. CCCXI. Foslius Flaccinator alibi in Capit. lapidib. scribitur, non Foslius, ut in vulgatis Liuianis libris, quem mendose Φαλίσιον uocat Diodorus.

Commentarius in fastos

DE TR. MIL. AN. CCCXXI.

CONSULARIUM comitiorum nulla mentio habita est. Tribuni mil. consulari potestate omnes creati sunt, L. Pinarius Mamercus, L. Furius Medullinus, Sp. Postumius Albus. Ita Liuius. Diodorus nominat L. Furium, Sp. -----, --, Pinarium Mamercum. Tumultus ab Aequis, & Volscis nuntiatus.

DE COS. AN. CCCXXII.

S. C. factum est, ut comitia consularia haberentur. Tumultus causa fuit, quem ab Aequis & Volscis Hernici nuntiabant. T. Quinctius L. F. Cincinnatus (eidem & Penno cognomen additur) & C. Iulius Mento consules facti. sic Liuius. Eisdem consules ponit etiam Cassiodorus. T. autem Quinctius alter filius est Cincinnati senis, quos excepto Cæsone, quem populus ante damnauit, tres habuit, ut ait Liuius. Diodorus item cos. edit T. Quinctium, C. Iulium. Huius consulatus meminit etiam Liuius in anno cccxxx.

De A. Postumio Tuberto dictatore, & triumpho eius de Aequis, & Volscis.

SENATVM dictatorem dici placuit, quia populi sæpe uicti maiore, quam alias conatu rebelabant, & aliquantum Romæ iuuentutis morbo absumptum erat. Sunt qui male pugnatum ab his consulibus in Algido putent, camq; causam dictatoris creandi fuisse. Dictus est dictator A. Postumius Tubertus. is sibi magistrum eq. L. Iulium cooptauit. Ita Liuius. Diodorus etiam A. Postumij dictatoris, L. Iulij magistri eq. meminit. Hic est A. Postumius, qui paulo ante magister equitum fuit Mam. Aemilio dictatori. Quem dictatorem hoc anno sœuisse in filium, quod iniussu suo præsidio progressus hostes fuderat, plerique tradunt. ut Valerius libro 11, cap. 11. Diodorus lib. xii. Gellius libro xv, his verbis. Circa annum fere post Romam conditam cccxxiii. A. Postumius Torquatus dictator Romæ fuit, qui filium suum, quod contra suum dictum in hostem pugnauerat, securi necauit. hostes tum populi Ro. fuerant Fidenates. Hoc loco apud Gellium mendose est Torquatus pro Tuberto, aut certe deceptus est historiæ similitudine Gellius. siquidem T. Manlius Torquatus post idem etiam fecisse consul traditur. Hoc idem à multis proditum se probare negat Liuius, quod Imperia Manliana, non Postumiana dicta sint. Plutarchus huius dictatoris meminit etiam in Camillo. L. Iulius tribunus mil. fuit anno cccv. Gellius porrò cum Fidenatibus esse pugnatum ab A. Postumio dictatore ait, & labitur. Nam Fidenas ante captas alij à Mamercio dictatore, alij à Q. Seruilio tradiderunt. Liuius autem pugnatum esse scribit cum Aequis, & Volscis, itemq; Plutarchus in Camillo. Hostibus autem deditis dictator triumphans urbem inuectus, dictatura se, ut ait Liuius, abdicauit. Eiusdem triumpho meminit etiam Diodorus.

DE COS. AN. CCCXXIII.

AGITATVM in urbe ab tribunis pl. ut tribuni mil. consulari potestate crearentur, nec obteri potuit. consules fiunt L. Papirius Crassus, L. Iulius. sic Liuius, & Cassiodorus. at Diodorus C. Papirium, L. Iunium edit. mendose. L. Papirius Crassus consul fuit anno cccxvii, L. Iulius & tribunus militum, & magister equitum. Aequi inducias annorum octo impetrauerunt. ocium undique Romanis fuit. Liuius.

DE COS. AN. CCCXXIII.

CONSULES hoc anno apud Cassiodorum L. Sergius, Hostus Lucretius. apud Diodorum Opiter Lucretius, L. Sergius Fidenas. apud Liuium L. Sergius Fidenas II, Hostus Lucretius Tricipitinus. Horum meminit Valerius in epitoma sic. Hostum prænomen habuit Lucretius Tricipitinus collega L. Sergij. Nihil dignum memoria actum. Liuius.

DE COS. AN. CCCXXV.

IN hunc annum consules edit cum Liuius Cassiodorus A. Cornelium Cossus, T. Quinctium Pennum II, at Diodorus L. Quinctium, A. Sempronium. credo per mendum. Horum consul-

lum meminit etiam Liuius supra anno cccxvi. eosq; nono post anno ait factos. A. Cornelius tribunus mil. fuit Mamercino dictatori anno cccxvi. Pater (vt puto) fuit P. Cornelij A.F. M.N. Cossi tribuni mil. anno cccxlv. Idem Pont. Max. anno cccxxi. Liuius.

*De triumpho A. Cornelij Cossi consulis de Veientibus,
& spolijs opimis secundis.*

A. CORNELIVM Cossu opima secunda spolia Larte Tolumnio Veientium regē interfecit rettulisse tradunt vno consensu omnes. at vero quo in magistratu id fecerit, aliqua controuersia est. Plerique ipsum tribunum militum, alij consulem, quidam etiam magistrum equitum ea rettulisse scripserunt. Liuius omnes ante se auctores sequutus tribunum militum Mamercino dictatori iterum fuisse prodit. Valerius lib. 111. magistrum equitum. Magister autem equitum fuit Mamercino dictatori tertium anno ccccxvii. Verba eius sunt hæc. A Romulo proximus Cornelius Cossus eidem deo spolia consecrauit, cum magister equitum ducem Fidenatium in acie congressus interemisset. Idem est scriptum in libro de uiris illustribus. Fidenates, inquit ille, vt sine spe veniæ fortius dimicarent, legatos ad se missos interfecerunt. ad quos Quinctius Cincinnatus dictator missus magistrum equitum habuit Cornelium Cossu, qui Larrem Tolumnium ducem sua manu interfecit. De eo spolia opima secundus ab Romulo consecrauit. Hæc ille. Quam autem & in bello, & in magistratibus nominandis labatur, nemo est, qui non uideat. Qui vero ab eo consule relata esse spolia dicunt, his potissimum rationibus adducuntur. primum quod opima spolia ea rite habentur, quæ dux duci detraxerit, nec dux est, nisi cuius auspicio bellum geritur. Tribunus autem militum, & magister equitum alieno pugnant auspicio. Itaque quemadmodum nec Torquatus, nec Coruus, nec Aemilianus (vt ait Valerius de fortitudine) hostium ducibus interemptis, quia alienis auspicijs rem gesserant, tribuni militum cum essent, spolia Ioui Feretrio non posuerunt, sic ne Cossu quidem tribunum, aut magistrum equitum spolia consecrare potuisse. Dio etiam lib. 11. M. Crassum Bastarnarum regem Deldonem interfecisse ait, atque de eo spolia opima Ioui Feretrio fuisse relaturum, si ipse imperator dux fuisset. ἡ περὶ αὐτοκράτορος στρατηγὸς ἐγεγόνει. siquidem ea res Augusti auspicijs gerebatur, non Crassi. Accedit, quod Plutarchus in Romulo Cornelium Cossu ait quadrigis urbem inuectum spolia rettulisse. Quadrigis autem uehi, nisi triumphans, poterat, triumphare uero, nisi qui suo auspicio rem gesserat. vt est apud Valerium de iure triumphandi. Postremo scribit Liuius se audisse Augustum ingressum ædem Iouis Feretrij, quam vetustate dilapsam refecit, dicentem, se ipsum in thorace linteo scriptum legisse, Cossu ea spolia consulem dedicasse. His nos rationibus ducti triumphum A. Cornelij Cossi consulis cum relatis ab eo spolijs in hunc annum contulimus. Quanquam scribit Liuius, cum Veientes, & ex Fidenatium iuuentute quidam hoc anno in agrum Ro. excursiones fecissent, cognitionem eius rei L. Sergio, Q. Seruilio, & Mam. Aemilio esse permissam, nec bello rem esse transactam. Spolia autem secunda Marti, non Ioui esse dicata ex lege Numæ, ante in Romulo diximus.

DE COS. AN. CCCXXVI.

CONSULES hoc anno C. Seruilius Ahala, L. Papirius Mugillanus. ut aiunt Liuius, Castiodorus, & Diodorus. hic tamen pro cognomine Ahala Structum habet. Fieri enim potest, vt Structus Ahala dictus sit. ut in Capit. tabulis anno cclxxiiii. L. Papirius ante consul etiam fuit. C. Seruilius Q. F. C. N. Axilla scribitur in secundo suo Capitol. tribunatu, an. cccxxv.

DE TR. MIL. AN. CCCXXVII.

PLEBS tenuit, ne consules in hunc annum crearentur. Tribuni mil. consulari potestate quatuor creati sunt T. Quinctius Pennus ex consulatu, C. Furius, M. Postumius, A. Cornelius Cossus. sic Liuius. Diodorus autem C. Furium, T. Quinctium, M. Postumium, A. Cornelium nominat. Ego C. Furium Pacilum esse reor eum qui consul, & censor ante fuit. A. Cornelium Cossu, qui consul. Postumio cognomina addidi familiæ propria hoc tempore Album Regillensem. Veientibus rebellantibus bellum indictum. Liuius.

Commentarius in fastos

De Mam. Aemilio dictatore III. & triumpho eius
de Veientibus, & Fidenatibus.

A. CORNELIUS Cossus urbi præfuit. tres reliqui tribuni in Veios profecti plus ignominia, quam cladis acceperunt. mœsta ciuitas dictatorem poposcit. A. Cornelius dictatorem Mam. Aemilium dixit, & ipse ab eo magister equitum est dictus. Hæc Liuius. Diodorus item dictatorem dictum Manium Aemilium, A. Cornelium magistrum equitum scribit propter legatos à Fidenatibus interfectos. parum (vt ego opinor) prudenter. nam legatorum eadem Aemilius ultus est in prima dictatura, non in tertia. Liuius autem, atque Orosius aperte hanc Aemilio tertiam dictaturam delatam tradunt. De Fidenatibus autem ita Liuius. Vni Fidenatum populo rebellare placuit, & tanquam nisi ab scelere bellum ordiri nefas esset, sicut legatorum antea, ita tum nouorum colonorum eade imbutis armis Veientibus sese coniungunt. Cum ergo Fidenates iterum rebellarent, seq; Veientibus, qui in armis erant, coniungerent, Fidenis sedes belli capta est. In eos dictator exercitu adducto castra, urbemq; eorum cepit, atque diripuit. cumq; exercitum uictorem, opulentumq; præda triumphans Romam reduxisset, die sextodecimo se abdicauit.

DE TR. MIL. AN. CCCXXIIX.

Hic annus tribunos militares consulari potestate habuit L. Furium, L. Quinctium, A. Sempronium. vt ait Diodorus, at uero ut Liuius, A. Sempronium Atratinum, L. Quinctium Cincinnatum, L. Furium Medullinum, L. Horatium Barbatum. A. Sempronius L. F. A. N. Atratinus in tertio suo tribunatu Capitolino scribitur. L. Quinctius etiam ante tribunus mil. fuit anno CCCXV. L. Furius & ante semel, & post III erit anno CCCXXXIII in tabulis Capitolinis. Veientibus in XX, Aequis in III annos induciæ datæ. Liuius.

DE TR. MIL. AN. CCCXXIX.

TRIBUNI militum consulari potestate hoc anno Diodoro auctore quatuor T. Claudius, Sp. Nautius, L. Sergius, Sex. Iulius. Liuius autem Claudius Crassus, Sp. Nautius Rutilus, L. Sergius Fidenas, Sex. Iulius Iulus. Claudium Liuius paulo post uocat Appium decemuirum filium. Duos autem Sp. Nautios Rutilos tribunos per hæc tempora idem edit, vnum, qui nunc est primum, iterum uero anno CCCXXXVI. alterum, qui primum est anno CCCXXXIII. iterum anno CCCXLIX. Eosdem etiam tabulæ Capitolinæ habent, uerum unum semel, alterum ter tribunum fuisse tradunt, ut post apparebit, quem hunc esse reor. L. Sergius Fidenas tr. mil. fuit anno CCCX primum. tertium autem erit anno CCCXXXV in Capitolinis tabulis. Ergo nunc est iterum. Hic annus neque bello foris, neque domi seditione insignis fuit. Liuius.

De censoribus, & lustro XIII.

POST annum CCCXIX, quo censores fuisse diximus C. Furium Pacillum, & M. Geganium Macerinum, lustrumq; XII conditum esse notauimus, usque ad annum CCCXL, quo M. Camillum cum Postumio Albino censores fuisse, & lustrum XVI condidisse in Capitolinis tabulis scriptum est, nulli nominantur apud Liuium censores, & tamen aliquot fuisse necesse est, qui XIII, XIII, & XV lustrum condiderint. Quia uero anno CCCXXXV censor L. Papirius in fragmentis Capitolinis incisus est, à quo lustrum XIII conditum esse ex intervallo temporum suspicari possumus, propterea ante id tempus lustrum XIII collocauimus. cuius tamen vna cum censorum nominibus certum annum reperire nequiuimus.

DE COS. AN. CCCXXX.

CONSULES creati in hunc annum auctore Cassiodoro, & Liuius C. Sempronius Atratinus, Q. Fabius Vibulanus. C. Sempronium Atratinum consulem Valerius lib. III. cap. II. & lib. VI. cap. V. cum Volscis ad Verruginem temeritate sua male pugnasse scribit. Quod idem est etiam apud Liuium. Eundem C. Sempronium patruelem fratrem esse A. Sempronij L. F. A. N. Atratinum tribuni mil. III anno CCCXXXVI tradit Liuius. Itaque pater Caij Aulus fuit consul anno CCCIX, quem Lucij fratrem esse supra diximus: Q. Fabius Q. F. M. N. Vibulanus tr. mil.

mil. III anno cccxxxvii. Diodorus hos consules consulto præterit. Quos idibus Decembris inisse tradit Liuius.

DE TR. MIL. AN. CCCXXXI.

SENATVS, cum odio Sempronij consulare nomen offenderet, tribunos militares consulari potestate creari iussit. creati sunt L. Manlius Capitolinus, Q. Antonius Merenda, L. Papirius Mugillanus. Hæc Liuius. apud quem desideratur nomen quarti tribuni, L. Seruilij Structi, de quo in anno cccxxxvi dicam. Vt autem multa nomina tribunorum interciderint apud hunc auctorem, in scholijs Liuianis ostendi. Hos etiam transcendit Diodorus. in fragmento Capitolino extat cognomen MVGILLAN. quod est L. Papirij.

DE COS. AN. CCCXXXII.

Hic annus consules habuit N. Fabium Vibulanum, T. Quinctium Capitolinum, Liuius, & Cassiodoro auctoribus. Hic Fabius primus fuit, qui in gente Fabia hoc prænomine usus sit, filius Q. Fabij, qui sexcentis ad Cremeram interfectis superfuit. Itaque in secundo Capitolino tribunatu Q. F. M. N. Vibulanus nuncupatur. T. Quinctium Capitolini filium scribit Liuius, eius, qui sexies consul fuit, quem idem anno cccxxx exactæ iam ætatis fuisse ait. Et hos omittit Diodorus. In fragmento autem Capitolino est T. Quinctius CAPITOLIN. BARBAT. N. FABIVS.

De N. Fabio Vibulano ouante de Aequis.

CVM trepidam tantum aciem his consulibus Aequi ostendissent, turpi fuga funduntur, haud magno consulis Fabij, cui ea prouincia euenerat, decore. Itaque triumphus negatus. Ceterum ob Sempronianæ cædis leuatam ignominiam, vt oñs urbem iniret, concessum est. Liuius.

DE TR. MIL. AN. CCCXXXIII.

CVM maior pars anni per nouos tribunos pl. & aliquot interreges certaminibus extracta esset, modo prohibentibus tribunis patricios coire ad prouidendum interregem, modo interregem interpellantibus, ne S. C. de comitijs consularibus faceret: postremo L. Papirius Mugillanus interrex castigando nunc patres, nunc tribunos plebis, obtinuit, ut tribunicia comitia haberentur. Creati tribuni consulari potestate omnes patricij T. Quinctius Cincinnatus tertium, L. Furius Medullinus iterum, M. Manlius, A. Sempronius Atratinus. Liuius hæc. Cum autem in Capitolinis fragmentis sit Cincinnatus II. Medullinus III, contra atque apud Liuium, profecto intelligendum est, numeri notas apud Liuium esse præpostero ordine, non librariorum vitio, sed annalium varietate. In eodem fragmento est etiam M. Manlius, A. Sempronius. T. Quinctius ante tribunatum gessit anno cccxxxvii. Hos etiam præterit Diodorus. Hoc loco annum interregni Liuiani, quem summa annorum Capitolina non patitur, omisimus.

DE TR. MIL. AN. CCCXXXIII.

TRIBUNI mil. consulari potestate in hunc annum Agrippa Menenius Lanatus, P. Lucretius Tricipitinus, Sp. Nautius, auctore Liuius. Desideratur autem librariorum (vt puto) culpa quartus tribunus C. Seruilium Q. F. C. N. Axilla, qui anno insequenti in Capitolinis tribunis numeratur cum hac nota: II. & hoc anno ibi est c. SERVILIIVS quarti tribuni loco. P. Lucretius Hosti F. dicitur in secundo eius tribunatu Capitol. Agrippa Menenius idem est, qui consul fuit anno cccxiii. Et hi desiderantur apud Diodorum. In fragmento Capitolino ita est. AGRIPP. N. LANATVS. SP. NAVTIVS. = TRICIPITINVS. C. SERVILIIVS. Serui qui de urbis incendio coniurarant, supplicio affecti.

DE TR. MIL. AN. CCCXXXV.

Diodorus in hunc annum edit tribunos mil. consulari pot. L. Sergium, M. Seruilium, M. Papirium. Liuius L. Sergium Fidenatem, M. Papirium Mugillanum, C. Seruilium Prisci F. quo dictatore captæ Fidenæ fuerant. Quem C. Seruilium Axillam II nuncupari inuenio in Ca-

Commentarius in fastos

pit. tribunis. Quod etiam traditum non ignorat Liuius, cum ait, Q. Seruilius dictatorem magistrum eq. sibi cooptasse C. Seruilius filium alios tradidisse, alios, vero C. Seruilius Aham. in fragmento Capitolino ita est. **MUGILLANVS. C. SERVILIVS. Q. F. L. N. AXILL. LA. II. L. SERGIVS C. F. C. N. FIDENAS. III.**

De Q. Seruilio Prisco dictatore II.

LAVICANIS (Aequorum populi sunt) noua arma capientibus bellum indictum est. Re minus prospere à tribunis duobus gesta ex senatus consulto C. Seruilius, qui urbi præerat, Q. Seruilius, quo dictatore captæ Fidenæ fuerant, dictatorem dixit. pater mag. eq. filium sibi cooptauit. alij Aham Seruilius magistrum eq. hoc anno fuisse scribunt. Liuius. Eiusmodi vero annales sequuti sunt ij, qui Capitolinos triumphos concinnarunt, qui Q. Seruilius P. F. Sp. N. Priscus Fidenatem II, C. Seruilius Q. F. C. N. Axillam II edunt. Porro autem Lauicos dictatorem cepisse, & diripuisse, exercitumq; uictorem Romam reduxisse, dieq; octauo, quàm creatus erat, magistratu se abdicasse scribit Liuius. neque triumphus in tanto viro uerbum ullum facit, perinde atque ne in priore quidem eius dictatura.

De censoribus, & lustro XIII.

L. PAPIRIUM censorem in hunc annum produnt Capitolina fragmenta. Liuius mire negligens est, qui & huius, & aliorum multorum annorum censes præterijt de industria. Hunc ego L. Papirius Mugillanum esse ratus sum cum, qui tribunus mil. consulari pot. fuit anno **CCCXXXI**, L. Papirii Mugillani censoris filium. Collegam eius inuenire non potui. Lustrum autem ab his conditum esse **XXXXII** ratio temporum docet. ut in **XXI** lustro ostendam.

DE TR. MIL. AN. CCCXXXVI.

TRIBUNI militum consulari pot. hoc anno P. Lucretius, C. Seruilius, Agrippa Menenius, Sp. Veturius, Diodoro auctore. at Liuius edit Agrippam Menenium Lanatum, L. Seruilius Structum, P. Lucretium Tricipitinum, iterum omnes hos, Sp. Veturium Crassum. Ex his L. Seruilius Structus primum fuit anno **CCCXXXI** librariorum vitio præteritus, neque enim quo alio anno fuerit, apparet. in fragmento Capitolino est. **P. LVCRETIUS HOSTI F. AGRIPPA MENENIUS T. F. AGRIP. N.** Res externæ quietæ.

DE TR. MIL. AN. CCCXXXVII.

TRIBUNOS mil. consulari potestate habuit hic annus auctore Diodoro. A. Sempronius, M. Papirius, Q. Fabius, Sp. Nautius. Liuius, A. Sempronius Atratinus III, & duos II, M. Papirius Mugillanum, & Sp. Nautius Rutilum. Præteritum esse à libris Q. Fabius quartum huius anni tribunum Capitolinus hic tribunatus, Diodorus, & ipse met Liuius ostendit, qui Q. Fabius tribunum mil. II esse scribit anno **CCCXXXIX**. ut in scholijs Liuianis apertius ostendi. et etiam in fragmento Capitolino, **A. SEMPRONIUS L. F. A. N.** Foris ocium fuit.

DE TR. MIL. AN. CCCXXXVIII.

TRIBUNOS militum edit quatuor in hunc annum Diodorus P. Cornelius, C. ----- Fabius. Liuius P. Cornelius Cossus C. Valerius Potitus, Quintus Cincinnatus, N. Fabius Vibulanus. lapis Capitolinus P. Cornelius, C. Valerius L. F. Volusi N. Fabius in secundo suo tribunatu Capitolino scribitur N. Fabius Q. F. M. N. Vibulanus II. Aequi Lauicanis nouis colonis Romanis arma intulerunt.

DE TR. MIL. AN. CCCXXXIX.

TI. POSTUMIUS, C. Cornelius, C. Valerius, Cæso Fabius tribuni mil. à Diodoro produntur in hunc annum. at à Liuius Cn. Cornelius Cossus, L. Valerius Potitus, Q. Fabius Vibulanus II. P. Postumius Regillensis. Q. Fabius est is, qui biennio ante præteritus est à libris. P. Postumius aduersus Aequos profectus propter crudelitatem ab exercitu suo lapidibus obrutus

obrutum scribit Liuius. L. Valerius L. F. P. N. Potitus scribitur in secundo suo tribunatu Cap. in fragmento autem huius anni est, Q. Fabius Q. F. M. N. P. Postumius A. F. A. N.

DE COS. AN. CCCXL.

DEINDE patres vicere, ut consules crearentur. Q. Fabio Vibulano comitia habente consules creati sunt M. Cornelius Cossus, L. Furius Medullinus. Eosdem consules nominat Cassiodorus, & Diodorus, exemptis cognominibus. L. Furius Medullinus bis cos. erit, septies tribunus militum. In secundo autem tribunatu Capitolino L. F. Sp. N. scribitur. Furius cos. aduersus Volscos populantes Hernicorum fines missus, cum hostem ibi non inuenisset, Ferentinum, quo magna multitudo Volscorum se contulerat, cepit.

DE COS. AN. CCCXLI.

Q. FABIVS, C. Furius consules subsequuntur apud Cassiodorum, apud Liuium autem, & Cassiodorum Q. Fabius Ambustus, C. Furius Pacilus. Hunc C. Furium C. Furius F. esse reor, qui ante & censor, & tribunus mil. fuit. Præterquam ab morbo, annonaq; nihil hoc biennio intestini, externique incommodi fuit. Liuius.

DE COS. AN. CCCXLII.

M. PAPIRIVM, C. Nautium Rutilum edunt consules hoc anno Liuius, Cassiodorus, & exempto Rutili cognomine Diodorus. Mugillanum, & Rutilum liber Cuspinianus.

De censoribus, & Lustris XV.

LVSTRI XV sedes incerta est. & nomina censorum, qui id condiderint, adhuc nobis incomperta sunt. Id est Liuij negligentia tribuendum, à quo hæc, ut multa alia, consulto neglecta sunt.

DE COS. ANN. CCCXLIII.

M. AEMILIUM, C. Valerium consules in hunc annum produnt Liuius, & Cassiodorus. at Diodorus Manium Aemilium, C. Valerium. Hic Aemilius in primo, & tertio tribunatu Capitolino M. Aemilius Mam. F. M. N. Mamercinus scribitur, Valerius in primo, & tertio tribunatu Capitolino L. F. Volusi N. Potitus Volusus appellatur.

De C. Valerio ouante de Aequis.

CVM Aequi in Latinum, Hernicumque agrum transcendissent, atque arcem Caruentanam occupassent, C. Valerius consul motis castris eos deiecit præsidio, arcemq; recuperavit. Itaque dignus senatui uisus est, qui propterea ouans in urbem introiret, Liuius.

DE COS. ANN. CCCXLIII.

IN hunc annum creati consules teste Cassiodoro L. Furius, Cn. Cornelius. Diodoro L. Furius, Cn. Pompeius. Liuius Cn. Cornelius Cossus, L. Furius Medullinus iterum. Consules ambo profecti sint ad arcem Caruentanam, an alter ad comitia habenda substerit, incertum diuersi auctores faciunt. illa pro certo habenda, in quibus non dissentiant, ab arce Caruentana, (hanc Aequi iterum inuaserant) cum diu necquicquam oppugnata esset, recessum. Verruginem in Volscis eodem exercitu receptam. Eodem anno quæstores primum ex plebe creati. Liuius.

DE T. R. MIL. ANN. CCCXLV.

C. IVLIVS, P. Cornelius, C. Seruilius tribuni militum in hunc annum suggeruntur à Cassiodoro. iisdem addunt cognomina lapis Capitolinus, & Liuius Iulum, Cossus, Ahalam. C. Iulium fratrem esse reor L. Iulij L. F. Vopisci. N. Iuli tribuni mil. CCCXLII. C. Seruilius P. F. Q. N. Ahala in secundo tribunatu Capitolino scribitur.

Commentarius in fastos

De P. Cornelio Cossō dictatore, & re gesta cum Volscis.

CUM Vollscorum, Aequorumq; motus maiores etiam, quàm res erat, Romam nunciarentur, senatus extemplo, quod in rebus trepidis consilium erat, dictatorem dici iussit. C. Seruilius Ahala tribunus militum dictatorem P. Cornelium dixit. ipse ab eo magister equitum creatus est. Bellum haud memorabile fuit. uno, coq; facili praelio caeli ad Antium hostes. Dictator ita bello gesto, ut non defuisse fortunæ uideretur, felicitate, quàm gloria maiore in urbem redijt, seq; dictatura abdicauit. Liuius. Huius dictatoris, & magistri eq. notæ sunt etiam in Capitolino fragmento. = RUTILVS COSSVS DICT. REI GER. CAVSSA. = AHALA. MAG. EQ. ex quo quæ utriusque cognomina fuerint, apparet.

DE TR. MIL. AN. CCCXLVI.

TRIBUNI mil. consulari pot. hoc anno C. Furius, C. Seruilius, C. Valerius, N. Fabius apud Diodorum. at Liuius edit quatuor patricios omnes iam functos eo honore L. Furium Medullinum, C. Valerium Potitum, N. Fabium Vibulanum, C. Seruilium Ahalam. hunc autem relictum continuato honore tum ob alias uirtutes, tum ob recentem fauorem unica moderatione partum. In fragmento Capitolino est = Potitus Volusus II. = Medullinus. C. Seruilius Ahala II. N. Fabius Vibulanus II. In Volscis accepta clades amisso Verrugine praesidio. Liuius.

DE TR. MIL. ANN. CCCXLVII.

DIODORVS tribunos militum cos. pot. edit in hunc annum P. Cornelium, N. Fabium, L. Valerium, Terentium Maximum. Liuius P. & Cn. Cornelios Cossos, N. Fabium Ambustum, L. Valerium Potitum. P. Cornelius est is, qui fuit dictator. Cn. Cornelius alius est ab eo, qui tribunatum mil. gessit anno cccxxxix, & ab eo, qui gessit anno cccxlv. neque enim in fragmento Capitolino est multiplicati ullius honoris nota. ita enim habet.

= RUTILVS COSSVS. L. VALERIVS L. F. P. N. POTITVS II.

= -- COSSVS. N. FABIVS M. F. Q. N. AMBUSTVS.

Veientibus, cum induciarum tempus exisset, bellum indictum ob superbum responsum senatus, qui legatis repetentibus res; ni facerent properè urbe, finibusq; daturum, quod Lar. Tolumnus dedisset, responderi iussit. Stipendium de publico primum militibus datum. Hoc bellum decimo post anno captis Veijs à Camillo dictatore confectum est.

DE TR. MIL. AN. CCCXLVIII.

TRIBUNOS mil. sex in hunc annum creatos ait Diodorus T. Quinctium, C. Iulium, A. Manlium. reliquorum nomina reticet. Liuius omnes nominat, T. Quinctium Capitolinum, Q. Quinctium Cincinnatum, C. Iulium iterum, A. Manlium, L. Furium Medullinum tertium, M. Aemilium Mamercum. lapis Capitolinus edit. = Iulum II. M. Aemilium Mam. F. M. N. Mamercinum. = Capitolin. Barb. L. Furium L. F. Sp. N. Medullinum II. = Cincinnatū. A. Manlium A. F. Cn. N. Vulsonem Capitolinum. T. Quinctius Capitolinus Barbatus idem, qui consul fuit anno cccxxxix. De L. Furio dissentit (ut dixi) à Liuiana historia Capitolina. Hic annus primus sex tribunos mil. habuit, quod legē cautum fuerat, ut fieret iam tum cum primum de tribunis creandis latum fuerat. quo anno Veij primum circumfessi sunt.

DE TR. MIL. AN. CCCXLIX.

TRIBUNI mil. consulari pot. subsequuntur apud Diodorum P. Cornelius, K. Fabius, Sp. Nautius, C. Valerius, M. Sergius, καὶ δούνος λούκουλος mendose, apud Liuium C. Valerius Potitus III, M. Sergius Fidenas, P. Cornelius Maluginensis, Cn. Cornelius Cossus, K. Fabius Ambustus, Sp. Nautius Rutilus II. in lapide Capitol. = Maluginensis. Sp. Nautius Sp. F. Sp. N. Rutilus III. = Cossus II. C. Valerius L. F. Vol. N. Potit. Volus. III. = Ambustus. M. Sergius Fidenas. Ex his M. Sergius L. F. L. N. Fidenas scribitur in secundo Capitolino tribunatu. itemq; K. Fabius M. F. Q. N. Ambustus. præterea Cossus II. notatur. quis autem sit ex tribus Cnæis Cornelij Cossis, de quibus ante diximus, in obscuro est. Nautium Rutilum II. Liuius, Capitoli-

rolini scriptores III nominant. quod ere supra dictum est. Cum Volscis bene pugnatum, Ardena urbe eorum capta.

DE TR. MIL. AN. CCCL.

LIVIVS tribunorum militum numerum hoc anno à Romanis auctum, atque octo, quot nunquam antea, creatos scribit M'. Aemilium Mamercum II, L. Valerium Potitum III, Ap. Claudium Crassum, M. Quinctilium Varum, L. Iulium Iulum, M. Postumium, M. Furium Camillum, M. Postumium Albinum. Apud Diodorum autem hæc nomina sunt. Manius ----- . --. Claudius, M. Quinctilius, L. Iulius, M. Furius, L. Valerius. Quanquam autem defunt aliquot apud eum uoces, hunc tamen non octo tribunos edidisse puto, sed sex, quod ij fecerunt etiam, qui hunc annum Capitolinum concinnarunt ita. =. Mamercin. II. M. Furius Fufus. = Crassus. L. Iulius Iulus. = Varus. L. Valerius Potitus III. Qui iidem Albinum, & Camillum non tribunos hoc anno faciunt, sed censores. Vt autem hoc anno Camillum potius censorem esse opiner, quàm tribunum, me adducit Plutarchus, qui Camillum ante censorem creatum narrat, quàm tribunum. Inter sex autem tribunos M. Furius Fufus in Capitolino fragmento nominatur, qui à Liuius M. Postumius appellatur. Fufus autem antiquum est gentis Furiae cognomen. Ap. Claudius est filius Ap. Claudij tribuni mil. anno c c c x x i x, decemviri nepos. Liuius multis locis. Hunc autem M. Camillum ne eum quidem esse, qui Gallos urbe expulit, in scholiis Liuianis docui. Hoc anno ad Veios hybernacula primū obsidionis continuandæ caussa fieri cœpta.

De censoribus, & lustro XVI.

NI SI Capitolina fragmenta nobis annum horum censorum subindicassent, incerta ita esset huius x v i lustri sedes, ut aliorum superiorum. Postumium autem Albinum hoc anno lustrum x v i fecisse nemo est, qui non ex fragmento Capitolino intelligere possit. huic ego M. Furium Camillum collegam adiunxi, quia Valerius lib. i i cap. i i i Camilli, & Postumij censorum meminit, & eorum edicti, quos eos, qui cœlibes ad senectutem usque peruenissent, multa dignos esse uoluerunt. cuius etiam mentionem facit Plutarchus, dum de Camillo censore differit. Et quia idem Plutarchus Camillum censuram cepisse ante alios magistratus scribit, non dubitavi, quin certissimus hic esset eius honoris locus. M. Postumium etiam Liuius cum Camillo coniunxit hoc anno in tribunatu, censura præterita. Hunc autem M. Postumium fratrem esse P. Postumij tribuni mil. ann. c c c x x x i x, qui ab exercitu lapidatus fuit, ex Capitolina descriptione cognoscitur. vterque enim A. F. A. N. Albinus Regillensis uocatur.

DE TR. MIL. AN. CCCLI.

TRIBUNI militum consulari potestate hoc anno C. Seruilius, L. Virginius, Q. Sulpicius, A. Manlius Capitolinus, κλάδιος, μέγας ἄγκος, mendose apud Diodorū. at vero apud Liuium C. Seruilius Ahala III, Q. Seruilius, L. Virginius, Q. Sulpicius, A. Manlius II, M'. Sergius II. Q. Seruilius Fidenatem vocat Liuius in alijs sequentibus eius tribunatibus, quos sex geret. Hunc ego Q. Seruilij Prisci Fidenatis bis dictatoris filium esse reor. in fragmento Capitolino nominantur Q. Sulpicius Ser. F. Ser. N. Camerinus Cornut. A. Manlius A. F. Cn. N. Vulso Capitolin. II. M'. Sergius L. F. L. N. Fidenas. II. Castra, quibus Sergius trib. mil. ad Veios præerat à Capenati Falisco, & Veienti hoste expugnata.

DE TR. MIL. AN. CCCLII.

TRIBUNOS mil. consulari pot. edit in hunc annum Diodorus L. Iulium, M. Furium, Aemilium Mamercum, C. Cornelium, Cæsonem Fabium, πᾶσι λον σέστον, vitio. Liuius L. Valerium Potitum III, M. Furium Camillum, M'. Aemilium Mamercum III, Cn. Cornelium Cossium II, K. Fabium Ambustum, L. Iulium Iulum. Ex quibus Camillus nunquam antea fuit, si Capitolinos auctores sequimur. Cn. Cornelius Cossus is est, qui anno c c c x l v i i tribunus mil. primum fuit. K. Fabius ante etiam tribunatum gessit. Itaque in Capitolino fragmento est L. Iulius L. F. Vopisci N. Iulus. M'. Aemilius Mam. F. M. N. Mamercin. III. K. Fabius M. F. Q. N. Ambustus II. Hi K. Octobribus inire iussi, cum idus Decembris ante solennes essent, obcladem à M'. Sergio priore anno ad Veios acceptam. Camillus in Faliscos, Cornelius in Capenates,

Commentarius in fastos

penates, Valerius in Volscos ad Anxur recipiendum, Aemilius & Fabius ad Veios obsidendos profecti.

DE TR. MIL. AN. CCCLIII.

Diodorus de tribunis mil. huius anni ita. Tribunatum inierunt P. Mælius, Sp. Mænius, L. Furius, & alij tres. at Liuius, P. Licinius Caluus, P. Mælius, P. Titinius, P. Mænius, L. Furius Medullinus, L. Publilius Vulscus. sic enim legendum esse in scholijs Liuianis ostendimus. in lapide enim Capitolino est

P. MAELIVS SP. F. C. N. CAPITOLINVS.

L. FVRIVS L. F. SP. N. MEDVLLINVS.

L. PVBLILIVS L. F. VOLER. N. PHILO. VVLSCVS.

P. Licinium vnum ex plebe vsurpandi iuris causa factum, ceteros patricios fuisse, tradit Liuius. Plebeios tamen omnes hos esse præter Furium ex plebeijs eorum magistratibus obseruauit. Anxur in Volscis receptum.

DE TR. MIL. AN. CCCLIII.

TRIBUNI mil. consulari potestate in hunc annum subsequuti sunt teste Diodoro, Cn. Genucius, L. Atilius, M. Pomponius, C. Duilius, M. Veturius, Volero Publilius. auctore Liuius. M. Veturius unus patricius, reliqui plebeij, M. Pomponius, C. Duilius. Volero Publilius, Cn. Genucius, L. Atilius. sic enim ex veteribus libris emendauimus. Liber Cuspiniani, qui nisi duorum tribunorum cognomina quotannis profert, Augurinum edit, & Longum, alterum Genucij cognomen, alterum Atilij. M. Veturius Ti. F. uix intelligitur ex lapide Capitolino. Tiberium autem prænomen esse Veturiorum ex alijs hoc prænomine præditis Veturijs aperte cognoscitur. sic enim in eo est. L. Atilivs K. F. K. N. LONGVS. M. Veturius Ti. F. SP. N. CRAS. CICVRIN. Volero Publilius P. F. VOLER. N. PHILO. Cum Veientibus, Faliscis, & Capenatibus prospere dimicatum.

DE TR. MIL. ANN. CCCLV.

In hunc annum patricij omnes creati tribuni mil. consulari potestate Liuius auctore L. Valerius Potitus V, M. Valerius Maximus, M. Furius Camillus II, L. Furius Medullinus III, Q. Seruilius Fidenas II, Q. Sulpicius Camerinus II. Diodoro autem L. Valerius, M. Furius, Q. Seruilius, Q. Sulpicius, *καλῶδης ὄγων, μέγιστος ἄππιος*. mendose. Camilli II tribuni militum meminit etiam Plutarchus. Medullini III, lapis Capitolinus. Hoc anno lacus in Albano nemore ad altitudinem insolitam creuit. ea de re legati ad Delphicum oraculum missi sciscitatum, quidnam eo prodigio dii portenderent. Ex agro Veienti, Falisco, & Capenate prædæ tantum abactæ.

DE TR. MIL. AN. CCCLVI.

Livius in hunc annum profitetur tribunos mil. consulari potestate hos. L. Iulium Iulum, L. Furium Medullinum III, L. Sergium Fidenatem, A. Postumium Regillensem, P. Cornelium Maluginensem, A. Manlium. Diodorus L. Sergium, A. Postumium, P. Cornelium, *σέξτον κένσιον*, Q. Manlium, *ἀντίστον κάμχλον*. est autem in duobus menda grauissima. A. Manlius III scriptus est, quia bis ante fuit. P. Cornelius II. quia semel. Item L. Iulius. Legati, qui de Albana palude Delphos missi fuerant reuersi, monitos se à deo renunciarunt, ut aquam Albanam per agros riuis emitterent, & sacra patria, quorum omissa cura erat, instaurata facerent, atque ita victoriam de Veientibus breui sperarent. Cum autem inuentum esset, id nihil aliud esse, quàm magistratus uitio creatos Latinas, sacrumq; in Albano monte non rite concepisse. vnam expiationem eorum esse, ut tribuni militum se magistratu abdicarent, auspicia de integro repeterentur, & interregnum iniretur: ea ita facta sunt ex S. C. interreges tres deinceps fuere L. Valerius, Q. Seruilius Fidenas, M. Furius Camillus. Liuius auctor.

De censoribus, & lustro XVII.

QUINQVENNALE spatium, quod est inter priores, & proxime insequentes censores hoc anno censores fuisse probat, qui lustrum XVII fecerint. Quorū tamen neminē inuenio meminisse.

DE

Commentarius in fastos

dorus non meminit horum nisi post Romam captam. nam quinque annos, quos ante transcessisse diximus, interponit. Aequi à L. Lucretio consule acie victi.

DE COS. ANN. CCCLXI.

L. VALERIUM Potitum, M. Manlium, cui postea Capitolino cognomen fuit, consules edit in hunc annum Liuius. Dionysius horum etiam meminit libro primo, atque L. Valerium Potitum, T. Manlium Capitolinum vocat. Cassiodorus L. Valerium, M. Manlium. Diodorus L. Valerium, A. Manlium. Hunc Manlium à conseruato Capitolio Capitolinum appellatum scribit Liuius. nos autem quia Capitolini cognomen etiam ante hunc M. Manlium in gente Manlia repperimus, hunc auctorem huius appellationis nota scribendi formula non fecimus. Hunc annum Dionysius post reges exactos numerat **cx**. L. Valerium Potitum filium esse arbitror L. Valerij Potiti quinquies ante tribuni militum.

De censoribus, & lustro XVIII.

DE censoribus, & lustro ab ijs hoc anno condito hæc apud Liuium scripta sunt. C. Iulius censor decessit. in eius locum M. Cornelius suffectus. quæ res postea religioni fuit, quia eo lustro Roma est capta. nec deinde unquam in demortui locum censor sufficitur. at anno **ccccxlii** ita ait. Vrbs eo lustro capta est, quòd demortuo C. Iulio censore, L. Papirius cursor, ne abiret magistratu, M. Cornelium Maluginensem collegam subrogauit. Hæc confirmat etiam Dionysius, qui libro primo duobus annis ante quàm Roma caperetur, L. Valerio Potito, T. Manlio Capitolino consulibus lustrum conditum à censoribus scribit annis post reges exactos **cxix**. & Plutarchus, qui in Camillo censorem mense Iulio decessisse tradit.

De triumphis L. Valerij Potiti, M. Manlij Capitolini consulum de Aequis.

BELLUM hoc anno in Algido cum Aequis gestum haud memorabile est fufis hostibus prius pene, quàm manus conferent. Valerio, quòd perseuerantior cædendis in hostibus fuit, triumphus, Manlio, vt ouans ingrederetur urbem, decretum est. Liuius.

DE ANN. CCCLXII.

CONSULIBVS morbo implicitis placuit per interregnum renouari auspicia. Itaque cum ex senatus consulto consules magistratu se abdicassent, interrex creatur M. Furius Camillus, qui P. Cornelium Scipionem, is deinde L. Valerium Potitum prodidit. ab eo creati sex tribuni militum consulari potestate, ne si cui eorum incommoda ualetudo fuisset, copia magistratuum reip. esset. K. Quintilibus magistratum occepere L. Lucretius, Ser. Sulpicius, M. Aemilius, L. Furius Medullinus **vii**, Agrippa Furius, C. Aemilius **ii**. Hæc Liuius. At Diodorus quatuor edit L. Lucretium, Ser. Sulpicium, C. Aemilium, L. Furium. Ex his L. Lucretium, Ser. Sulpicium eosdem esse puto, qui paulo ante consulatum gesserunt. Reliquis sua cuique cognomina restituta sunt. M. Camillus die dicta ab L. Appuleio tribuno plebis ob prædam Veientanam inique diuisam in exilium abiit. absens quindecim millibus grauis æris damnatur. Clusini à Gallis obsessi opem Romanorum implorant.

DE T. R. MIL. ANN. CCCLXIII.

Q. FABIVS Ambustus, & fratres duo, Q. Sulpicius Longus, Q. Seruilius **iiii**, Ser. Cornelius Maluginensis tribuni militum consulari potestate in hunc annum eduntur à Liuiio. at à Diodoro Quintus, Cæso, Caius Fabij, Q. Sulpicius, Q. Seruilius, Ser. Cornelius Maluginensis. quanquam non sine librorum uulgatorum apud utrunque menda. Hos Fabios M. Ambusti F. vocat Liuius. Hi sunt, qui priore anno legati ad Gallos Clusium obsidentes de pace componenda missi cum in acie Clusina stetissent aduersus Gallos, bellum eorum in se conuerterunt. Q. Sulpicij trib. mil. meminit Plutarchus in Camillo, & Macrobius libro Saturnalium **i**.

De Roma à Gallis capta, & triumpho M. Camilli dictatoris ii.

EODEM anno Galli Romanis irati exercitum relicto Clusio Romam adduxerunt. Romano exercitu, qui eis occurrerat ad Aliam fuso, fugatoq; urbem ingressi testâ omnia disturbarunt, atque

atque incenderunt. Cum pars ciuitatis robustior Capitolinam arcem, in quam se extremis reip. temporibus receperat, teneret, septem menses à Gallis obfessa est. Interea lege curiata M. Camillus, qui Ardeæ exulabat, reuocatus, & absens dictator dictus est. is L. Valerium magistrum eq. sibi cooptauit. Liuius, Plutarchus, Diodorus latissime. breuius Eutropius, Orofius, alij. L. Valerium Poplicolam, an Potitum, (horum enim recens memoria est), intelligat, incompertum est. ego tamen Potitū significari puto, cuius recentior mentio est. Camillus igitur dictator absens dictus contracto exercitu ex Ardeatibus & ijs, qui ex prælio Aliensi fugerant, & qui Roma exierant Gallos inter perdendum aurum adortus Roma expulit, & ad octauum lapidem Gabina uia consequutus occidione occidit. deq; ijs triumphans in urbem redijt, Romulus à militibus, & parens patriæ, conditorq; alter urbis vocatus. Hæc iidem, præterea Polyænus lib. v. Florus, & qui de uiris illustribus scripsit. Gallos porrò Plutarchus à Camillo Roma pulsos scribit idibus Februarijs. ex quo intelligi potest aut eodem die, aut certe non ita multo post ab eo triumphatum esse. Idem inquit certum annum urbis captæ inuenire difficile esse, captam tamen esse post annos amplius c c c l x, quàm vrbs condita sit. Plinius lib. x x x i i i cap. primo anno c c c l x i i i. Liuius an. c c c l x v. Nos summam Capitolinam sequuti an. c c c l x i i i. Dionysius libro primo post reges exactos anno c x x expleto.

DE DICTATORE ANNI CCCLXIII.

IN hunc annum M. Furium Camillum dictaturam continuasse scribimus, primum, ut confectio annorum Capitolinorum, qui omisso hoc anno ad numerum sequentium tabularum non respondebant, deinde uerbis etiam auctorum commoti, qui sensisse idem uidentur. Age enim tribuni mil. Fabij, & collegæ K. Quinctilibus iniere. (ita enim tertio abhinc anno fieri institutum est.) paulo post idus Quinctiles Romani ad Aliam fugati sunt, ut ait Plutarchus, & Liuius, qui diem illum Aliensem ante diem x v K. Sext. vocat. septem deinde menses Galli Capitolium obsederunt. siquidem Plutarchus Gallos ait idibus Quinctilibus Romam ingressos idibus Februarijs expulsos esse. Eo tempore triumphauit Camillus. neque post triumphum dictatura abiit, senatu obsecrante, ne remp. in incerto statu relinqueret. Is interea sacra restituit, & urbem reparauit, & ne cupidus populus Veios transmigraret, effecit. neque uero eum abdicare dictatura passus sunt, nisi anno circumacto. Hæc Liuius. In eandem etiam sententiam loquitur Plutarchus. Si igitur Camillus circa idus Februarias Gallos eiecit, nec nisi anno circumacto abdicauit, profecto in hunc etiam annum dictaturam continuauit. Accedit, quod Liuius L. Genucio, Q. Seruilio cos. Camillum mortuum esse ait anno uigesimo quinto post Romam captam. qui numerus non constaret, nisi hunc dictaturæ eius annum interfereremus.

DE T R. M I L. A N. CCCLXV.

IN hunc annum tribuni militum creati apud Liuium L. Valerius Poplicola II, L. Virginius, P. Cornelius, A. Manlius, L. Aemilius, L. Postumius. apud Diodorum P. Cornelius, L. Virginius, ----- --. Valerius, A. Manlius, L. Postumius. Eorundem meminit Macrobius lib. primo Saturn. his uerbis. Anno ab vrbe condita c c c l x i i i à tribunis militum Virgino, Manlio, Cælio, Postumio, collegisq; eorum tractatum in senatu, quid esset, quod toties inter paucos annos male affecta esset resp. Suspicio autem ibi esse mendose, Cælium, pro Cornelio, ex Liuii, ac Diodoro.

De triumpho M. Camilli dictatoris III. de Volscis, Aequis, Etruscis.

C V M Volsci ueteres hostes ad extinguendum nomen Romanum arma sumpssissent, Etruriæ autem principes de bello coniurassent, & Latini, Herniciq; , qui post pugnam ad lacum Regillum factam per annos prope centum nunquam ambigua fide in amicitia populi Ro. fuerant, defecissent, placuit eiisdem auspicijs defendi remp. cuius recuperata esset, dictatoremq; dici M. Furium Camillum. is dictator C. Seruiliū Aham magistrum eq. dixit. Hæc Liuius. Plutarchus etiam Camillum dictatorem III creatum scribit ob Aequos, Volscos, & Latinos arma capientes, & Etruscos Sutrium urbem populo Ro. fœderatam obsidentes. Igitur Volsci fusi, cæsiq; , & castris exuti sunt. præda militi data. & septuagesimo demum anno subacti, & ad deditiōnem compulsi sunt à Camillo dictatore. Aequorum exercitu ad Bolas oppresso urbs etiam primo impetu capta est. Eodemq; die Sutrium captum, quod ab Etruscis fuerat occupatum. Camillus

Commentarius in fastos

millus in urbem triumphans redijt simul trium bellorum uictor. hæc Liuius, & fere etiam Plutarchus. Eutropius autem sic. Anno *ccclxv* post Romam captam dignitates mutatae sunt, & pro duobus consulibus facti tribuni militares consulari potestate. Hic iam cepit res Romana crescere. Nam Camillus dictator eo anno Volscorum ciuitatem, quæ per *lxx* annos bellum cum Romanis gesserat, vicit, & Aequorum urbem occupauit, Sutrinarum recuperauit deletis Etruscorum exercitibus, & tres simul triumphos egit. De eadem Camilli dictatura scriptum est etiam apud Orosium lib. *iiii*. Quod autem de dignitatibus mutatis scribit Eutropius, *ἀντιστοιχίαν* in eo suam incredibilem indicat. De hoc bello aliter etiam traditum scribit Plutarchus, & Macrobius lib. Saturnalium. verba Macrobij apponam. Post urbem captam, cum sedatus esset Gallicus motus, res uero publica esset ad tenue deducta, finitimi opportunitatem inuadendi Romani nominis aucupati præfecerunt sibi Postumum Liuium Fidenatium dictatorem. qui mandatis ad senatum missis postulauit, ut si uellent reliquias suæ ciuitatis manere, matres familiæ sibi, & uirgines dederentur. cumq; patres essent in ancipiti deliberatione suspensi, ancilla nomine Tutula, seu Philotis pollicita est, se cum ceteris ancillis sub nomine dominarum ad hostes ituram; habituq; matrum familiarum, & virginum sumpto hostibus cum prosequentium lacrymis ad fidem doloris ingestæ sunt. quæ cum à Liuiò in castris distributæ fuissent, uiros plurimò vino prouocauerunt, diem festum apud se esse simulant. quibus soporatis ex arbore caprifico, quæ castris erat proxima, signum Romanis dederunt, qui cum repentina incurfione superassent, memor beneficij senatus, omnes ancillas manu iussit emitti, dotemq; eis ex publico fecit, & ornatum, quo tunc erant usæ, gestare concessit, diemq; ipsum nonas Caprotinas nuncupauit ab illa caprifico, ex qua signum victoriæ ceperunt.

DE T R. M I L. ANN. CCCLXVII.

L. PAPIRIUS, Cn. Sergius, L. Aemilius *ii*, L. Menenius, L. Valerius Poplicola *iii* traduntur hoc anno tribuni mil. consulari potestate à Liuiò. à Diodoro uero L. Papirius, C. Cornelius, L. Menenius, C. Seruilius, A. Valerius, Q. Fabius. deest autem apud Liuium sexti tribuni nomen. hunc esse C. Cornelium puto, ut in scholijs Liuianis ostendi. Seruilius etiam Diodorus habet pro Sergio, & Aemilium pro Fabio. ueritas incomperita est. L. Papirium Cursorem esse arbitror, quem Liuius censorem hoc lustro fecit.

DE T R. M I L. ANN. CCCLXVIII.

RES ad Camillum tribunum mil. consulari potestate redijt. collegæ additi quinque Ser. Cornelius Maluginensis, Q. Seruilius Fidenas *vi*, L. Quinctius Cincinnatus, L. Horatius Puluilus, P. Valerius. Ita Liuius. at Diodorus quatuor creatos scribit, M. Cornelium, Q. Seruilius, M. Furium, L. Quinctium. Ser. Cornelium Maluginensem patrem esse opinor Ser. Cornelij --. M. N. Maluginensis magistri eq. anno *cēcxci*. P. Valerius hic à Liuiò in alijs magistratibus cognominibus afficitur Poplicolæ Potiti. De Q. Seruilio Fidenate *vi* tribuno sic est apud Liuium in oratione M. Camilli. Pro certo habeo te ita rem gesturum, ut patre, auo, teq; ipso, ac sex tribunatibus dignum est. Hoc anno M. Camillus oblata dictatura non esse opus dixit, & una cum collegis tribunis Volscos, Antiates, atque Etruscos rebellantes uicit. Liuius.

DE T R. M I L. ANN. CCCLXIX.

TRIBUNOS mil. in hunc annum tradit Liuius A. Manlium, P. Cornelium, T. & L. Quinctios Capitolinos, L. Papirium Cursorem *ii*. Diodorus autem quatuor edit, L. Papirium, Q. ----- T. & L. Quinctios. Ex quibus A. Manlius cum tribunus fuerit anno *ccclxv*, anno uero *ccclxxxiii*, profecto nunc est iterum. Hoc anno excidisse apud Liuium puto C. Seruilius, qui anno *ccclxviii* fuit primum, anno uero *ccclxxxiii* erit *iii*. quo autem anno *ii* fuerit non constat, nisi hoc anno intercidiſſe dicamus apud Liuium.

De A. Cornelio Cossò dictatore, & triumpho eius de Volscis.

BELLUM Volscum graue per se, oneratum Latinorum, & Hernicorum defectione in speciem causæ iactatum, ut maior potestas quæreretur. sed noua consilia Manlij magis compulere senatum ad dictatorem creandum. creatus A. Cornelius Cossus magistrum eq. dixit T. Quinctium

etium Capitolinum. Liuius. Significat autem seditionem, quam M. Manlius, qui Capitolium à Gallis defenderat, excitabat plebem ære alieno exoluendo, cum aperte regnum affectare constaret. Plutarchus in Camillo Quinctium Capitolinum non magistrum eq. fuisse, sed dictatorem scribit. Volschorum porro exercitum fugatum à dictatore, castraq; eorum capta, ac direpta, triumphum actum de Volsceis esse scribit Liuius. Eundem dictatorem in carcerem M. Manlium seditionis auctorem coniecisse, & Liuius, & Plutarchus auctor est. minante autem plebe se carcerem refracturam, Manlius S. C. è vinculis liberatus est.

DE TR. MIL. ANN. CCCLXX.

TRIBUNI mil. consulari pot. hoc anno teste Liuius sex. Ser. Cornelius Maluginensis III. P. Valerius Potitus II, M. Furius Camillus V, Ser. Sulpicius Rufus II, C. Papirius Crassus, T. Quinctius Cincinnatus II. Diodoro autem auctore quatuor, Ser. Sulpicius, L. Papirius, M. Cornelius, T. Quinctius. Hoc anno ob affectati regni crimen M. Manlius ad populum à tribunis pl. accusatus in luco Petelino comitijs centuriatis damnatus est, atque de saxo deiectus. sunt qui duumuiros, qui de perduellione inquirerent, creatos auctores sint. Liuius, Plutarchus in Camillo, Valerius, alij.

DE TR. MIL. ANN. CCCLXXI.

CREATI in hunc annum sex tribuni mil. consulari potestate, ut ait Liuius, L. Valerius III, A. Manlius III, Ser. Sulpicius III, L. Lucretius, L. Aemilius III, M. Trebonius. ut Diodorus, quatuor L. Valerius ----- Crispus, A. Manlius, Ser. Sulpicius. Ex his L. Lucretium eum esse, qui anno cccclxxvi tribunus militum fuit, puto. CRISPVS cognomen est forte Trebonij apud Diodorum, cuius nomen cum prænominis interdidit. Flauum alij vocant. Veliternis, & Lanuvinis deficientibus bellum indictum est. exercitus propter pestilentiam non eductus.

DE TR. MIL. ANN. CCCLXXII.

DEINCEPS subsequuti sunt tribuni mil. consulari potestate teste Liuius Sp. & L. Papirij, Ser. Cornelius Maluginensis III, Q. Seruilius, C. Sulpicius, L. Aemilius III. Diodorus quatuor edit. Q. Seruilius, Sp. Papirius, --- Cornelium, & βίον ἄλλον, mendose. Ex his Sp. Papirium patrem esse reor L. Papirij Sp. F. C. N. Craesi tribuni mil. anno cccclxxxv. Q. Seruilius Q. Seruiliij Fidenatis sexies ante tribuni filium esse opinor. hic enim paulo post erit II. C. Sulpicius mendose esse reor pro Ser. Sulpicio Prætextato, qui anno cccclxxxiii, & cccclxxxv, Capitolino fiet III, & IIII. quod constare non potest nisi nunc primum fieri dicamus. filium hunc esse M. Sulpicij Prætextati, de quo supra ex Diodoro diximus, arbitror. Ad Velitras, quibus Prænestini auxilio erant, pugnatum. ea de causa Prænestinis bellum indictum.

DE TR. MIL. ANN. CCCLXXIII.

PRAENESTINI Satricum coloniam populi Ro. adiunctis Volsceis vi expugnarunt. Eam rem ægre passi Romani M. Furium Camillum VI tribunum mil. creauere. additi collegæ A. & L. Postumij Regillenses, ac L. Furius cum L. Lucretio, & M. Fabio Ambusto. Liuius. Hos nominat Diodorus M. Furium, L. Furium, A. Postumium, L. Lucretium, M. Fabium, L. Postumium. Plutarchus sextum hoc anno tribunum mil. Camillum appellat, quo Prænestinos, & Volscos uicit, & Tusculanos quibus bellum indictum erat, quod in bello Prænestinorum affuissent, positis armis nihil hostile agentes, in fidem recepit. L. Lucretium esse arbitror, qui paulo ante bis tribunatum gessit. L. Furium puto alium esse ab eo, qui septies ante tribunus mil. fuit; eundem autem cum eo, qui L. Furius Sp. F. L. N. Medullinus in censura Capitolina anno cccxc dicitur. iuuenis certe hoc anno cum sene Camillo contendit, cum vterque pari cum imperio ad bellum profectus esset. auctor Liuius, & Plutarchus. M. Fabius ex secundo tribunatu Capitolino ornatus est. L. Postumium etiam ante anno cccclxxv tribunum fuisse puto.

DE TR. MIL. ANN. CCCLXXIIII.

LIVIVS sex tribunos militum prodit in hunc annum L. & P. Valerios, Lucium V, & Publium

Commentarius in fastos

blium $\overline{\text{III}}$, C. Sergium $\overline{\text{III}}$, L. Menenium $\overline{\text{II}}$, Sp. Papirium, Ser. Cornelium Maluginensem. At Diodorus octo L. Valerium, P. Valerium, C. Terentium, L. Menenium, C. Sulpicium, T. Papirium, L. Aemilium, M. Fabium. Ex his Sp. Papirium L. Papirij Sp. F. L. N. Cursoris patrem esse opinor, qui triumphauit anno C D X X I X . Ser. Cornelium $\overline{\text{V}}$ esse scribendum sextus, & septimus tribunatus eius ostendit.

De censoribus.

CENSORIBVS quoque eguit annus maxime propter incertam famam æris alieni. Creati censores C. Sulpicius Camerinus, Sp. Postumius Regillensis. cœptaq; iam res morte Postumij, quia collegam suffici censori religio erat, interpellata est. Igitur cum Sulpicius abdicasset se magistratu, censores alij vitio creati non gesserunt magistratum, tertios creare ueluti dijs non accipientibus in eum annum censuram religiosum fuit. Liuius. Sp. Postumium eum esse opinor, qui tribunus mil. fuit anno C C C L I X . Secundorum censorum nomina nec Liuius, nec quisquam alius memoriæ prodidit.

De T. Quinctio Cincinnato dictatore, & triumpho eius de Prænestinis.

HOC anno Prænestini ad portam Collinam signa intulere. Ingens in urbe trepidatio fuit. conclamatum ad arma, concursumq; in muros, atque portas est. tandemq; ab seditione ad bellum uersi dictatorem T. Quinctium Cincinnatum creauere. is magistrum eq. A. Sempronium Atratinum dixit. Atque fugatis ad Aliam Prænestinis, & Præneste ipso capto, triumphum de ijs nobilissimum egit. Idem scribit Eutropius his verbis: T. Quinctius Cincinnatus Prænestinos, qui vsque ad Romæ portas uenerunt, persecutus, ad Aliam uicit. & ei triumphus decretus est. Eusebius etiam anno quarto centesimæ olympiadis Prænestinos à Quinctio Cincinnato subactos notauit. Eiusdem uictoriæ meminit etiam Orosius.

DE TR. MIL. ANN. CCCLXXV.

COMITIA inde habita tribunorum militum consulari pot. quibus æquatus patriciorum, plebeiorumq; numerus. Ex patribus creati P. & C. Manlij cum L. Iulio. plebes C. Sextilium, M. Albinium, L. Antistium dedit. Liuius. At Diodorus octo prodit P. Manlium, C. Erenucium, C. Sextium, L. Iulium. --. Albinium, P. Trebonium, C. Manlium, L. Antistium. Ex his P. Manlius A. F. A. N. Capitolinus in secundo suo tribunatu Capitolino scribitur. In Volscis à Manlijs temere pugnatum. Prænestiui rebellarunt.

DE TR. MIL. ANN. CCCLXXVI.

TRIBVNOS mil. consulari pot. sex habuit hic annus Sp. Furium, Q. Seruilius $\overline{\text{II}}$, L. Menenium $\overline{\text{III}}$, P. Clælium, M. Horatium, L. Geganium. Hæc Liuius. Diodorus autem quatuor edit Q. Seruilius, L. Furium, C. Licinium, P. Clælium. Est autem legendum apud Liuium pro L. Menenio $\overline{\text{III}}$ C. Licinius. quod ostendi latius in scholijs Liuianis. Sp. Furium fratrem esse suspicor L. Furij tribuni mil. anno C C C L I I . Reliquos affeci familiaribus cognominibus. In Volscos Antium, & Ecetram profectum. neutra parte obuius hostis fuit.

De censoribus, & lustro XIX.

ÆRIS alieni noscendi gratia Sp. Seruilius Priscus, Q. Clælius Siculus censores facti, ne rem agerent, bello impediti sunt. Ita Liuius. qui etiam si lustrum non meminit, factum tamen puto, quia quando factum sit, non proditur, nisi hoc anno dicamus. mira enim in lustris explicandis eius negligentia iam satis probata est.

DE TR. MIL. ANN. CCCLXXVII.

TRIBVNOS militares patricos omnes plebs coacta principum opibus fecit L. Aemilium, P. Valerium $\overline{\text{III}}$, C. Veturium, Ser. Sulpicium, L. & C. Quinctios Cincinnatos. Liuius. Hos etiam edit Diodorus L. Aemilium, C. Veturium, Ser. Sulpicium, L. Quinctium, C. Cornelium, C. Valerium.

C. Valerium. Ex his L. Aemilium esse arbitror, qui ante quater tribunatum cepit. Ser. Sulpicium Prætextatum, qui semel. nam in Capitolinis tabulis anno *ccclxxxiii* est tertium. L. Quinctium Cincinnatum, qui ante semel. ut his ambobus nota duplicati honoris adiungenda esse videatur. Latini, & Volsci ad Satricum à P. Valerio, & L. Aemilio tribunis fusi, castra capta, direptaq; sunt. Antiates urbem, agrosq; Romanis dedunt. Qua re Latini commoti Satricum eorum urbem incenderunt, ac Tusculum occuparunt, quod à L. Quinctio, & Ser. Sulpicio tribunis recuperatum est. Liuius.

De tribunis plebis per annos $\overline{\text{v}}$ dominantibus.

Hoc anno quintum mutata est reip. Romanæ species. à tribunis enim militum consulari potestate ad tribunos plebis administratio reip. recidit. Huius mutationis auctores à Liuiio traditi sunt C. Licinius Stolo, & L. Sextius tribuni pl. qui cum anno priore leges tres aduersus patriciorum opes pro commodis plebis promulgassent, vnam de ære alieno, alteram de modo agrorum, tertiam, ne tribunorum militum comitia fierent, & consulum utique alter ex plebe crearetur, neque eas ferre per collegarum intercessionem, quos de industria patres comparauerant, potuissent, tum irati comitia præter ædiliū, tribunorumq; plebis nullos curules magistratus creari passi sunt. eaq; magistratuum solitudo, & plebe reficiente duos tribunos, & his comitia tribunorum militum tollentibus per quinquennium urbem tenuit. Hæc Liuius. Hanc autem magistratuum solitudinem Diodorus appellat *ἀνάγκη*, atque in priorem annum reijcit. quam non quinquennio, sed quadriennio occupasse rempub. alij tradunt. sic enim Eutropius. Dignitas tribunorum militum non diu perseverauit, nam post aliquantum nullos placuit fieri, & quadriennium ita in urbe fluxit, ut potestates ibi maiores non essent. Sex. autem Rufus ita. Quadraginta quinque annis Romæ consules defuerunt. sub decemviris duobus, sub tribunis militum, *xl*. sine magistratibus Roma fuit annis quatuor. Cassiodorus autem sic. Tribunis militum ob insolentiam remotis, per annos *iiii* potestas consulum, tribunorumq; cessauit. nos Liuium sequuti sumus, cuius annales sequuti Capitolini scriptores videntur. Plinius etiam lib. *xvi* cap. *xl* meminit anni *ccclxxix* ab urbe condita, qui fuit sine magistratibus, quo anno Romæ loton fuisse ait in Lucinæ area æde condita. Porro autem in fragmentis Capitolinis hæc uerba exesa sunt.

ACTVS EST.

DEDICAVIT.

Quæ quid valeant, adhuc colligere coniectura non potui. neque enim Liuius, aut quisquam alius lumen aliquod ostendunt, quod intuentes ad veritatis cognitionem peruenire possimus.

DE TR. MIL. ANN. CCCLXXXIII.

REMITTENTIBVS tribunis plebis C. Licinio, & L. Sextio comitia per interregem sunt habita. creatiq; tribuni militum L. Furius, A. Manlius, Ser. Sulpicius, Ser. Cornelius, P. & C. Valerij. Hos Liuius. Quos Diodorus vocat L. Papirium, L. Menenium, Ser. Cornelium, Ser. Sulpicium. Post hos iterum solitudinem magistratuum fuisse scribit, qua sublata creatos A. Manlium, L. Furium, Ser. Sulpicium, Ser. Cornelium. Est enim mira apud illum tum liberiorum, tum auctoris ipsius vitio annorum, & magistratuum perturbatio. L. Furium esse puto, qui anno *ccclxxxiii* tribunatum mil. gessit. A. Manlium fratrem P. Manlij, qui postea dictator fit, & tribunus *ii*. Ser. Sulpicium Prætextatum *iii*. Ser. Cornelium Maluginensem *vi*. P. Valerium Poplicolam *v* esse scribendum fragmenta huius anni Capitolina satis ostendunt. Veliter ni Tusculum obsidentes à mœnibus repulsi, Velitræ à Romanis obsideri cœptæ sunt.

DE TR. MIL. ANN. CCCLXXXIII.

TR. MIL. consulari potestate insequens annus habuit auctore Liuiio, Q. Seruiliū, C. Veturium *ii*, A. & M. Cornelios, Q. Quinctium, M. Fabium. Diodoro Q. Seruiliū, C. Veturium, A. Cornelium, M. Cornelium, M. Fabium, ----. Ex his Q. Seruilius bis ante tribunus mil. fuit. Q. Quinctium Cincinnatum potius, quàm Capitolinum uoco, quod alij etiam Cincinnati Quinti prænomen tulerint. Reliqua ex fragmentis Capitolinis fidem habent, in quibus est = Collus. = Maluginensis. = Cincinnatus. M. Fabius Ambustus *ii*. Est autem M. Fabius

Commentarius in fastos

bis Ambustus is, qui filias duas collocauerat unam C. Licinio Stoloni, alteram Ser. Sulpicio Prætextato, vt scribit Liuius. Velitræ item, ut priore anno, obsessæ.

DE T. R. MIL. ANN. CCCLXXXV.

TRIBUNOS militum consulari potestate inuenio in hunc annum apud Liuium L. Quintium, Ser. Cornelium, Ser. Sulpicium, Sp. Seruilius, L. Papirius, L. Veturius. Tres edit Diodorus T. Quintium, Ser. Cornelium, Ser. Sulpicium. Hi vero omnes quibus cognominibus, ac qua numerorum in multiplicatis honoribus nota signandi sint Capitolina fragmenta docent, in quibus est: = Capitolinus. = Maluginensis VII. = Prætextatus IIII. Sp. Seruilius Strutius, L. Papirius Crassus. L. Veturius Crassus Cicurinus.

De M. Furio Camillo dictatore IIII. & seditione de plebeio consule.

PRINCIPIO statim anni ad vltimam dimicationem de legibus à Licinio, & Sextio promulgatis uentum est, & cum tribus uocarentur, nec intercessio collegarum latoribus obstaret, trepidi patres ad duo vltima auxilia summum imperium, summumq; ciuem decurrunt. Dictatorem dici placet. dicitur M. Furius Camillus, qui magistrum eq. L. Aemilium cooptat. hæc Liuius. Eundem Camillum abdicasse dictatura scribit idem paulo post ita. Cum plebis duces acrius contra Camillum de legibus ferendis agerent, tum percitus ira Camillus lictores, qui de medio plebem amouerent, misit: & addidit minas, sacramento omnes adacturum, exercitumq; extemplo ex urbe educiturum. Re autem neutro inclinata se abdicauit. seu quia uirio creatus erat, vt tradidere quidam, seu quia tribuni pl. tulerunt ad plebem, idq; plebes sciuit, vt si M. Furius pro dictatore quid egisset, quingentum millium æris ei multa esset. Sed auspicijs magis, quàm noui exempli rogatione deterritum, vt potius credam, cum ipsius uiri facit ingenium, tum quod ei suffectus est extemplo P. Manlius dictator, quem quid creari attinebat ad id certamen, quo M. Furius uictus esset. & quod M. Furium dictatorem insequens annus habuit haud sine pudore certe fractum priore anno in se imperium repetiturum. simul quod eo tempore, quo promulgatum de eius multa traditur, aut & huic rogationi, qua se in ordinem cogi videbat, obfistere potuit, aut ne illas quidem, propter quas hæc lata erat, impedire, & quod vsque ad memoriam nostram, quoties tribunicijs, consularibusq; certatum viribus est, dictaturæ semper altius fastigium fuit. Hæc (vt dixi) Liuius. Plutarchus autem causam, quam Liuius infirmare conatur, asserit. quæ eadem causa fuisse uidetur incisa in Capitolinis tabulis, si modo earum fragmenta recte interpretati sumus. Verba Plutarchi sunt hæc. Cum Licinius Stolo tribunus pl. seditionem excitaret, lege promulgata, vt ex duobus consulibus alter ex plebe fieret, isq; vna cum collegis comitia consularia haberi prohiberet, resp. autem sine magistratibus esset, Camillus plebe inuita dictator quartum à senatu creatur. Qui cum diem persensisset, quo de lege agendum ad populum esset, delectum se habiturum esse professus, ex foro populum in campum euocauit, in eos se, qui dicto audientes non fuissent, animaduersurum minatus. Cum autem tribuni repugnarent, ac quinque eum argenti myriadibus multaturum esse iurarent, nisi edictum, & legem in plebem antiquaret, Camillus siue quod exilium, & damnationem secundam senex timeret, siue quod plebem superaturum se esse disideret, domum se contulit, ac simulata valetudine dictaturæ se abdicauit. Magister equitum L. Aemilius Mamercinus uocatur in fragmento dictaturæ huius Capitolinæ. puto autem eundem esse, atque eum, qui quinquies ante tribunatum militum gessit.

De P. Manlio Capitolino dictatore.

DICTATORI Camillo abdicato extemplo suffectum esse alterum dictatorem Liuius, & Plutarchus tradunt. Liuius P. Manlium nominat. Plutarchus nomen omittit. Magistrum autem equitum ab eo cooptatum fuisse C. Licinium uterque fatetur. quanquam non eundem uterque intelligit. Plutarchus enim eum esse ait, qui dux seditionis fuerat, & leges promulgarat. Liuius eum, qui tribunus mil. consulari potestate fuerat, & recte. nam qui seditionis caput fuerat, is hoc anno nonum tribunus pl. reffectus erat. neque uero eodem tempore & tribunus pl. & magister equitum erat. Itaque ut hos distingueret Liuius, sic locutus est. P. Manlius dictator rem in causam plebis inclinauit, C. Licinio, qui tribunus militum fuerat, magistro equitum de plebe dicto. Id ægre passos patres accipio, dictatorem propinqua cognatione Licinij se apud patres excusare solitum, simul negantem magistrum equitum maius, quàm tribuni consularis imperium esse.

esse. Hæc ubi dixit, tum deinceps de C. Licinio tribuno plebis addit: Licinius, Sextiusq; ita se gerere, ut negando iam sibi velle continuari honorem acerrime accenderent ad id, quod dissimulando petebant, plebem. Vterque autem Licinius ab alijs scriptoribus Stolo, à Capitolinis Caluus vocatur. Itaque Liuius in anno ccccliiii ait. C. Licinius Stolo primus magister equitum de plebe factus est. Dictatorem esse puto P. Manlium A. F. A. N. Capitolinum, tribunum mil. consularem anno sequenti in Capitolinis tabulis.

DE T. R. M. I. L. ANN. CCCLXXXVI.

CREATOS in hunc annum tribunos militum consulares hos tradit Liuius A. & M. Cornelios II, M. Geganium, P. Manlium, L. Veturium, P. Valerium VI. Quos præterit Diodorus. Horum cognomina, & multiplicatorum honorum notæ in fragmentis Capitolinis sunt. ita. * Cossus II. = Maluginensis II. = Macerinus. L. Veturius Crassus Cicurinus II. P. Valerius Potit. Poplicola VI. P. Manlius Capitolinus II.

De M. Furio Camillo dictatore V. & triumpho IIII eius de Gallis.

CUM præter Velitrarum obsidionem quietæ res Romanæ essent, fama repens Gallici belli allata perpulit ciuitatem, ut M. Furius dictator V diceretur. is T. Quinctium Pennum magistrum eq. dixit. sic Liuius. Plutarchus item metu Gallici belli Camillum iam propè octoginta annos natum dictatorem V ab omnibus uno ore creatum scribit. Magistrum equitum Cincinnati cognomine usum docet fragmentum Capitolinum. Itaque T. Quinctius Pennus Cincinnatus est scribendus, filius, vt arbitror, L. Quinctij, qui Cincinnati senis filius fuit. Porro autem bellatum hoc anno cum Gallis ad Anienem flumen, fuisse qui tradiderint, prodit Liuius, se autem in Albano agro rem gestam esse potius credere. Fugatos autem, cæsosq; amissis caltris Gallos dictatore Camillo, & victoriam ingentem esse relatam, eiq; senatus, & plebis consensu triumphum esse decretum idem scribit. Plutarchus pugnatum ad Anienem esse prospere ait, & præterea Velitras à Camillo esse captas. Polyænus item lib. v III. ad Anienem à Camillo V dictatore cum Gallis bene rem gestam scribit. Appianus autem in Celtica Gallos bis uictos à Camillo patre tradit, hoc autem tempore triumphasse eum, cum octogesimum annum ageret. Polybius demum lib. I. Camillum cum Gallis dimicasse ad Albam auctor est anno post Romam captam xxx, Polyænus, & Plutarchus xiii. cum tamen xxi annus hic sit, ex quo vrbs capta sit. Liuius pugnam ad Anienem cum Gallis in annum ccccliii reijcit T. Quinctio dict.

DE C. O. S. AN. CCCLXXXVII.

ex plebe primum creari cæptis.

CUM L. Sextius, C. Licinius tribuni pl. decimum resecti acrius de legibus ferendis pugnarent, dictatorem tandem, & senatum uicerunt, ac comitia consulum aduersa nobilitate, ut fierent, obtinuerunt, quibus L. Sextius de plebe primus consul factus est. cum autem patricij se auctores futuros negarent, ac prope ad secessionem plebis res spectaret, per dictatorem sedatæ discordiæ sunt. concessumq; ab nobilitate plebi de consule plebeio, à plebe nobilitati de prætore vno, qui ius in vrbe diceret ex patribus creando. Idem etiam ædiles curules duos, ex patribus ut fierent, contenderunt. Plebs consulatum L. Sextio, cuius lege partus erat, dedit, ei collega ex patribus datus L. Aemilius Mamercus. Hæc Liuius, & Plutarchus, qui cum Cæsiodoro consules edit L. Aemilium ex patricijs, L. Sextium ex plebe. Quos Diodorus uocat L. Aemilium Mamercum, L. Lateranum. Est autem Lateranus Sextij cognomen, ut est in tabula Capitolina. in qua Mamercinus, & L. Sextius Sextinus Lateranus consules eduntur. In lib. de uiris illustribus scriptum est non L. Sextium, sed C. Licinium Stolonem primum è plebe consulem factum. qua de re Fabius Pictor (vt scribit Gellius lib. v. cap. IIII) ita. Quapropter tum primum è plebe alter consul factus est, duo & uicesimo anno, postquam Romam Galli ceperunt. idest, ut interpretatur Gellius, duodeuicesimo. ego tamen malim xxi intelligi. L. Aemilium Mamercinum puto eundem esse, atque eum, qui magister eq. fuit.

De prætore primum creato.

DE prætore sic Liuius. Annus hic fuit insignis noui hominis consulatu, duobus magistrati-

h . bus

Commentarius in fastos

bus, prætura, & curuli ædilitate. Hos sibi patricij quæsiuere honores pro concessio plebi altero consulatu. Patres præturam Sp. Furio M. F. Camillo, ædilitatem Cn. Quinctio Capitolino, & P. Cornelio Scipioni suarum gentium uiris dederunt. Hæc ille. Suidas item Furium Camillum Camilli dictatoris filium primum prætorem tradit in uoce Πραιτωρ. Prætori iuris dicundi negotium datum est, & sex licitoribus ut uteretur permissum. vnde Polybius, ac Plutarchus præturam ἐξοπλέκων vocant ἀρχήν, idest sex securium magistratum. Deinde hic honos plebi etiam communicatus est anno ab vrbe condita ccccxvi. Q. Publilius Philo, teste Liuius, prætor primus è plebe factus est. at uero circa annum dxx prætor alter additus est. cumq; eorum alter inter ciues, ac peregrinos ius diceret, urbanus ille, hic peregrinus uocatus est. epitomarum lib. xix. Circa annum autem dxxix Sicilia, atque Sardinia in prouinciarum formam redactis, prætores duo additi sunt, qui in eas prouincias quotannis mitterentur. Epitom. libro xx. Solinus cap. xxi. Pomponius de origine iuris. Victis præterea duabus Hispanijs, prætores item duo creati sunt, qui in Hispanias mitterentur. Anno dlv Hispanias ulteriorem, & citeriorem terminatas primi prætores sortiti sunt M. Heluius, & C. Sempronius Tuditanus. auctor Liuius, & Pomponius. Postremo Sulla dictator latis nouis quæstionibus prætores duos adiecit, ut essent octo. (tot enim Ciceronis tempore erant, quod ex eius post reditum orationibus intelligitur.) Inde Cæsar duobus additis decem effecit, teste Dione, & Pomponio. Prætoris originem hoc loco mihi demonstrandam esse duxi, quoniam prætoribus sæpissime imperium datum; & triumphi decreti, nec solum prætoribus, sed etiam ijs, qui extra ordinem cum prætorio imperio essent, de quibus sæpe infra dicendum erit.

De censoribus.

CENSORES in hunc annum fuisse Regillensem Albinum, & C. Sulpicium Peticum ex Capitolinis fragmentis conijcio: quod non videtur à veritate alienum. Nam Liuius anno sequenti censorem ait pestilentia perijsse. Lustrum autem ab his conditum non est, fortasse propter censoris alterius mortem. Eius certe nulla nota est in Capitolina censura. Regillensis certe periit: nam C. Sulpicij post magna fit mentio. hic autem an Aulus, an Lucius Postumius Regillensis Albinus fuerit, qui ambo tribuni militum ante fuerunt, in incerto est.

DE COS. AN. CCCLXXXVIII.

LIVIVS, Cassiodorus, & Diodorus consules in hunc annum edunt L. Genucium, & Q. Seruilius. Eorundem consulum meminit Orosius, & Eutropius. Q. Seruilius Q. F. Q. N. Ahalascribitur in hoc consulatu Capitolino. L. Genucius M. F. Cn. N. Auentinentis in secundo. Hoc anno Camillus mortuus xxv. annis postquam urbem à Gallis liberauerat. Res à seditione, & à bello quietæ. Liuius.

DE COS. AN. CCCLXXXIX.

CONSULES in hunc annum creati apud Diodorum C. Sulpicius, C. Licinius. apud Liuium, & Cassiodorum C. Sulpicius Peticus, C. Licinius Stolo. Eorundem meminit Valerius lib. ii. cap. i. & Plutarchus in Problematis. Quem autem cæteri Stolonem, Capitolini scriptores, ut dixi, Caluum appellant. Est autem C. Sulpicius M. F. Q. N. Peticus in secundo consulatu Capitolino. ludi scenici primum instituti. nihil aliud dignum memoria actum.

DE COS. AN. CCCXC.

HIC annus consules habuit C. Genucium, L. Aemilium Mamercum II, Liuius, & Cassiodoro testibus. quos Diodorus uocat lib. xvi Cn. Genucium, L. Aemilium. in Capitolinis tabulis, Mamercinus II, Cn. Genucius M. F. M. N. Auentinentis.

De L. Manlio Capitolino Imperioisso dictatore.

CVM piaculorum magis conquisitio animos, quàm corpora morbi afficerent, repetitum ex seniorum memoria dicitur, pestilentiam quondam clauo ab dictatore fixo sedatam. Ea religione adductus senatus dictatorem clauo figendi causa dici iussit. Dictus L. Manlius Imperioissus L. Pinarium

L. Pinarium magistrum eq. dixit. Hæc Liuius. Eiusdem dictatoris meminit Cicero de off. L. Manlio, inquit, A.F. cum dictator fuisset, M. Pomponius diem dixit. Huius etiam dictaturæ ve stigia sunt in tabulis Capitolinis, ex quibus apparet, Manlium Imperiossi, Pinarium Nattæ, cognomen tulisse. Hunc autem L. Manlium Imperiossum primum appellatum ob seueritatem delectus in dictatura habiti, & quod filium rus à se relegasset, scribit Liuius. Idem etiam postea quasi sui oblitus T. Manlium huius filium, qui Torquatus dictus est, primum eiusmodi cognomen ait inuenisse ob supplicium de filio sumptum. Est autem intelligendum cognomen hoc cœpisse in patre, in filio confirmatum esse. Pinarios Nattæ cognomine vsos esse ostendit Cicero, qui inquit lib. 11 de diuinatione. Pinarij Nattæ nobiles. & Tacitus lib. 1111, qui Pinarij cuiusdam Nattæ meminit. De solenni clauis figendi latius scribit hoc loco Liuius.

De censoribus, & lustro XX.

CENSORES hoc anno fuisse Ambustum, & L. Furium Medullinum, eosq; lustrum xx condidisse, quarum rerum ne verbum quidem Liuius, Capitolina fragmenta declarant. Priorem autem censorem M. Fabium K.F. M.N. Ambustum esse duco, qui bis ante tribunus mil. fuit, perinde atque L. Furius Medullinus collega eius & ante in tribunatu, & nunc etiam in censura.

DE COS. AN. CCCXCI.

CONSVLES prodit in hunc annum Diodorus Q. Seruilius, & Q. Genucium. at Liuius, & Cassiodorus Q. Seruilius Aham, L. Genucium. Hi sunt, qui triennio etiam ante collegæ inter se comparati sunt. Itaque in Capitolina tabula nota numeri II. vtrique addita est.

De Ap. Claudio Crasso dictatore.

L. GENVCIVS cos. qui primus ex plebe bellum suis auspicijs gessit, in Hernicos profectus, ab ijsq; insidijs circumuentus occisus est. Ea de causa dictatorem consensu patriciorum Seruilius consul dixit Ap. Claudium. Hæc Liuius. Ex monumentis Capitolinis intelligi potest, Crassum Sabinum Regillensem dictaturam cepisse. Hunc autem Liuius Ap. Claudium uocat eum, qui anno cccxcv contra legem de plebeijs consulibus dixit, quem decemviri nepotem esse probauimus in tribunatu eius anno cccxl. Magistrum eq. nullum nominat Liuius. fuisse tamen aliquem fragmenta Capitolina declarant. in quibus est pro magistro eq. syllaba scvs. quæ est ultima cognominis PRISCVS, quod fuit Seruiliorum.

DE COS. AN. CCCXCII.

CONSVLES memorat in hunc annum Liuius C. Sulpicius, & C. Licinius Caluus. Cassiodorus C. Sulpicius II, & C. Licinius. Diodorus C. Sulpicius, C. Licinius. Nos eosdem esse putamus, qui triennio ante collegæ etiam fuerunt. Itaque Licinio etiam iterati honoris notam addendam esse. nam Sulpicio Petico Capitolini scriptores eam addiderunt.

De dictatore T. Quintio Capitolino, & Gallico bello.

DICTATOREM T. Quintium Pennum hoc anno fuisse satis constat. & magistrum eq. Ser. Cornelium Maluginentem. Macer Licinius comitiorum habendorum causa, & ab Licinio consule dictum scribit. Cum mentionem eius rei in vetustioribus annalibus nullam inueniam, magis vt belli Gallici causa dictatorem creatum arbitrer, inclinatur animus. Eo certe anno Galli ad tertium lapidem Salaria uia trans pontem Anienis castra habuere. Ita Liuius. Hoc anno item dictatorem fuisse fragmenta Capitolina demonstrant. cumq; non (ut scripsit Licinius) comitiorum habendorum causa, sed (vt Liuius) rei gerendæ causa. Appianus enim in Celtica Gallos tertium reuersos à Quintio uictos scribit. at T. Manlium Gallo, à quo singulari prælio prouocatus fuerat, occiso Torquati cognomen retulisse, Gallos proxima nocte in Tiburtem agrum, atque inde societate belli facta in Campaniam transisse Liuius, & Eutropius. Cognomina dictatoris in Capitolinis monumentis hæc uidentur = s. Capitolinus Crispinus. in quo à Liuiio dissentiunt. nam Liuius eum Pennum nominat. Pennus autem fuit Cincinnatorum cognomen, non Capitolinorum. Itaque literam s, quæ extrema est primi cognominis huius dictatoris, ultimam

Commentarius in fastos

literam esse puto huius cognominis Barbatius. quod Quinctiorum Capitolinorum fuit. Ceterum Ser. Cornelium Maluginensem magistrum eq. filium esse arbitror Ser. Cornelij Maluginensis, qui paucis ante annis septies tribunatum militum gessit.

De triumpho C. Sulpicij Petici cos. de Hernicis.

DE C. Sulpicij cos. triumpho nemo tradit. Quoniam autem qui Capitolinos triumphos digesserunt, eum anno cccxcv dictatorem triumphasse iterum scripserunt, nec quo potissimum anno primum triumphauerit, constat, ego suspicatus sum, id hoc anno factum. Nam de eius uictoria sic scribit Liuius. C. Sulpicius, & C. Licinius cos. in Hernicos exercitum duxerunt, neque inuentis in agro hostibus Ferentinum eorum urbem ui ceperunt. Priore certe consulatu hic triumphare non potuit, quod eo propter pestilentiam nihil memorabile gesserit.

DE COS. ANN. CCCXCIII.

C. POETELIVM Balbum, M. Fabium Ambustum consules in hunc annum tradit Liuius, & Cassiodorus. at Diodorus M. Fabium, & C. πόπλιον, mendose, pro ποιτέλιον. M. Fabius ex Capitolino triumpho eius descriptus est. Alia cognomina tradunt Capitolini scriptores C. Poetelij, quàm Liuius. illi enim Libonem Vifolum, hi Balbum.

De Q. Seruilio Ahala dictatore, & re cum Gallis gesta.

CVM aduersus Tiburtem hostem duce C. Poetelio consule contenta esset resp. Gallicus tumultus dictatorem creari coegit. creatus Q. Seruilius Ahala T. Quinctium magistrum eq. dixit. Pugnatum haud procul porta Collina totis uiribus urbis est. magnaq; vtrinque caede edita tandem auertitur acies Gallorum. Egregie tum ab dictatore tum ab consulibus re gesta dictator consulibus & apud populum, & apud senatum magnifice collaudatis, & suarum quoque rerum illis remisso honore dictatura se abdicauit. Hæc Liuius. Q. Seruilius Ahala is est, qui bis paulo ante consul fuit. T. Quinctius, qui dictaturam priore anno administrauit.

*De triumpho C. Poetelij cos. de Gallis, & Tiburtibus.
ouatione M. Fabij Ambusti cos. de Hernicis.*

C. POETELIVS cos. aduersus Tiburtes iussu populi exercitum ducere iussus est. ab eo Galli, qui ex pugna dictatoris aufugerant, palati procul Tibure excepti egressis ad open Gallis ferendam Tiburtibus, simul cum his intra portas compelluntur. Poetelius de Gallis, Tiburtibusq; geminum triumphum egit. M. etiam Fabius, cui Hernici prouincia euenerat, cum prælijs primum paruis, postremo una insigni pugna hostes totis adorti copijs essent, Hernicos deuincit. Ei satis visum, ut ouans urbem iniret. Hæc Liuius. quæ eadem sunt in tabulis triumphalibus Capit.

DE COS. ANN. CCCXCIII.

LIVIVS, Cassiodorus consules produnt in hunc annum M. Popillium Lænatem, & Cn. Manlium. Diodorus M. Popillium Lænatem, & Cn. Manlium Imperiossum. M. Popillius descriptus est ex tertio consulatu Capitolino. Primus è Popillijs hic fuit, qui Lænas dictus sit. cuius causam sic exponit in Bruto Cicero. M. Popillius cum consul esset, eodemq; tempore sacrificium publicum cum læna faceret, quod erat flamen Carmentalis, plebis contra patres concitatione, & seditione nunciata, ut erat læna amictus, ita uenit in concionem, seditionemq; tum auctoritate, tum oratione sedauit. Hæc ille. Liuius etiam hoc anno orientem seditionem inter patres, & plebem compressam ait, ut Tiburtes, qui ad mœnia Romæ venerant, repelleret. ex quo intelligere possumus hoc anno M. Popillium cum læna exisse in concionem. in lapide Capit. est, = Lænas. Cn. Manlius Capitolin. Imperioss.

DE COS. ANN. CCCXCV.

NOVI consules inierunt apud Liuium, & Cassiodorum C. Fabius, C. Plautius. apud Diodorum M. Fabius, C. Plotius. Liuius huius etiam C. Fabij meminit interregis an. cccxcviii, inter alios multos consulares. in Capitolino lapide est = Ambustus. C. Plautius Proculus. Hernici à Plautio deuicti. Fabius incaute cum Tarquinienfibus pugnavit.

De

De C. Sulpicio Peticō dictatore, & triumpho eius de Gallis.

CUM Gallos Præneste uenisse, atque inde circa Pedum confedisse auditum esset, dictatorem dici C. Sulpicium placuit. consul C. Plautius dixit. magister eq. dictatori additus M. Valerius. Liuius hæc. C. Sulpicius ex triumpho Capitolino descriptus est. M. Valerius in consulatu, quem tertio abhinc anno geret, Poplicola nominatur à Liuiō. Ceterum C. Sulpicium dictatorem rem bene gessisse cum Gallis, qui & à Pœtelio consule uicti fuerant, eosq; ita subegisse, ut non alius post M. Furium iustiores de Gallis triumphum egerit, scribit Liuius. Eiusdem victoriæ meminerunt Orosius, Eutropius, Polybius libro primo, Appianus in Celtica, Frontinus strategematum lib. 11. Hic autem triumphus in Capitolinis tabulis secundus Sulpicij scribitur. ex quo intelligi potest priorem à Liuiō (ut supra dixi) esse omissum. id autem mirabile non est. nam etiam hoc anno Plautianum triumphum omisit,

De triumpho C. Plautij Proculi consulis.

TRIUMPHASSE enim etiam C. Plautium Proculum consulem de Hernicis scriptum est in Capitolinis tabulis. cuius uictoriæ Liuius meminit, triumphum non meminit. Hernicos enim à C. Plautio uictos, subactosq; esse tantummodo ait,

DE COS. AN. CCCXCVI.

CONSULES hoc anno C. Marcius, Cn. Manlius. testis Liuius, Cassiodorus, Diodorus. Cn. Manlius biennio ante consul fuit. C. Marcius ex Capitolino triumpho descriptus est. Cn. Manlius aduersus rebellantes Faliscos nihil memorabile egit.

De triumpho C. Marcij Rutili cos.

C. MARCIUS cos. in agrum Priuernatem exercitum duxit, urbem eorum in deditiōem accepit. triumphauitq; de Priuernatibus. Liuius. Idem triumphus est in tabulis Capitolinis.

DE AN. CCCXCVII.

DIODORVS consules in hunc annum prodit M. Fabium, M. Popillium. Liuius, & Cassiodorus M. Fabium Ambustum II, & M. Popillium Lænatem II. Tiburtes à Lænate in urbem cōpulsī. Fabius à Faliscis, & Tarquinienſibus prima pugna fusus hostium castris post potitus est.

De C. Marcio Rutilo dictatore, & triumpho eius de Tuscis.

HOC anno concitatur omne nomen Etruscum, & Tarquinienſibus, Faliscisq; ducibus ad Salinas perueniunt. aduersus eum terrorem dictator C. Marcius Rutilus primus de plebe dictus magistrum eq. item de plebe C. Plautium dixit. Ita Liuius. Idem scribit in anno ccccliiii. C. Marcius idem est, qui priore anno consul fuit, C. Plautius, qui biennio ante. Hunc dictatorem scribit Liuius cum Tuscis congressum castris eorum, & viii millibus hostium captis, ceteris aut cæsis, aut agro Romano fugatis sine auctoritate patrum (plebei enim erat) populi iussu triumphasse. idem notat etiam in anno cclix. Eiusdem triumphum Orosius etiam, & Eutropius meminerunt. Quem in monumentis quoque Capitolinis incisum inuenimus.

DE COS. AN. CCCXCVIII.

QUADRINGENTESIMO anno, quàm vrbs condita erat, quinto tricesimo, quàm à Gallis recepta, ablato post xi annum à plebe consulatu patricij consules ambo ex interregno magistratum inierunt C. Sulpicius Peticus III, M. Valerius Poplicola. Liuius. Eadem nomina sunt etiam apud Cassiodorum, & Diodorum. Cur dissentiat Liuiana summa annorum à nostra, causa supra exposita est. latius etiam in chronologiæ Liuianæ scholijs. Empulium ex Tiburtibus captum.

DE

Commentarius in fastos

DE COS. ANN. CCCXCIX.

LIVIVS. Consules hoc anno fuerunt ambo patricij M. Fabius Ambustus $\overline{\text{III}}$, T. Quinctius. In quibusdam annalibus pro T. Quinctio M. Popillium consulem inuenio. Liuius assentitur Cassiodorus, & Diodorus, & Solinus. qui ait. Alexander (vt Nepos edidit) M. Fabio Ambusto, T. Quinctio Capitolino consulibus oritur, post Romam conditam anno cccxcv . T. Quinctius hic est, qui ante dictator, & magister equitum fuit.

De triumpho II M. Fabij Ambusti cos. de Tiburtibus.

Hoc anno cum Tiburtibus ad deditionem pugnatum, Saffulam ex his urbem captam, & gentem vniuersam positis armis in fidem consulis uenisse, deq; Tiburtibus triumphatum esse scribit Liuius. Hic autem consul fuit M. Fabius Ambustus, quod ex Capit. triumpho intelligitur.

DE COS. AN. CD.

CONSVLATVM utrunque apud patricos mansisse, consules creatos C. Sulpicium Peticum $\overline{\text{III}}$, M. Valerium Poplicolam $\overline{\text{II}}$ inuenio apud Liuium, & Cassiodorum. Diodorus item prioribus consulibus subijcit M. Valerium, C. Sulpicium.

De T. Manlio Torquato dictatore, & re gesta cum Cæritibus.

SENATVS in Etrusci belli curam intentus Valerium consulem Volsis oppositum, reuocatum inde dicere dictatorem iussit. T. Manlium, L. F. dixit. is sibi magistrum eq. A. Cornelium Cossium cooptauit. Hic Manlius anno cccxcxi , quod Gallum spolians, quo cum pugnat, ei torquem detraxit, & se induit, Torquatus est appellatus. Itaque in tertio Capitolino consularu scribitur L. Manlius L. F. A. N. Imperiosus Torquatus. Liuius, Gellius lib. ix . cap. xi . Cicero de off. lib. ii . A. Cornelius P. F. A. N. Cossus Aruina scribitur in triumpho Capitolino, quem gessit anno cdx . Hic cum Cæritibus rem gessit, quibus bellum indictum erat, quod Tarquinienfibus se adiunxerant. Cærites sine prælio in deditionem accepti in centum annos inducias impetrarunt.

DE COS. AN. CDI.

P. VALERIO Poplicolæ datus est à plebe collega C. Marcius Rutilus in hunc annum, ut ait Liuius. Hos uocat Cassiodorus P. Valerium, C. Marcium Rutilum $\overline{\text{II}}$. Diodorus M. Fabium, P. Valerium.

De C. Iulio dictatore.

TERROR uanus Etrusci belli, cum coniurasse xxi populos fama esset, dictatorem dici coegit. Dictus in castris (ed enim ad consules missum S. C. est.) C. Iulius, cui magister eq. adiectus L. Aemilius. Ceterum foris tranquilla omnia fuere. Liuius. Ego C. Iulio attribui familiare cognomen Iulum. L. Aemilium esse puto, qui in triumpho secundi consulatus Capitolino, quem egit anno cdlxxxiii , L. F. dicitur. quo anno Priernas est appellatus.

DE COS. ANN. CDII.

CREATI in hunc annum consules C. Sulpicius Peticus, T. Quinctius Pennus, quidam Cæsonem, alij Caium nomen Quinctio adiiciunt. sic Liuius. Cassiodorus, C. Sulpicium Peticum, T. Quinctium Pennum edit. Diodorus, C. Sulpicium, et C. Quinctium. Hunc T. Quinctium eum esse cenfeo, qui anno ccclxxxvi magister eq. fuit. et à Liuiio Pennus, à Capitolinis scriptoribus Cincinnatus vocatus est. C. Sulpicium $\overline{\text{v}}$ notaui, quia quater ante fuit.

De censoribus, & lustro XXI.

CVM censoribus creandis indicta comitia essent, professus se petere censuram C. Marcius Rutilus, qui primus dictator de plebe fuerat, concordiam ordinum turbauit. post autem non variatum

riatum comitijs est, quin, cum Manlio Cnæo censor Marcius crearetur. ita per eundem, qui ad dictaturam aperuit uiam, censuræ quoque in partem uocata plebs est. Liuius. Eutropius etiam exposiit triumpho, quem anno cccxcvii C. Marcius de Tuscis egit, Romæ censum actum scribit. ex quo hoc anno censum, lustrumq; factum esse colligere possumus. Alio etiam loco Liuius in anno ccccliiii C. Marcium Rutilum censorem primum de plebe factum scribit. Cn. Manlius Imperiosus bis ante consul fuit.

De M. Fabio Ambusto dictatore.

DICTATOREM quoque hic annus habuit M. Fabium nullo terrore belli, sed ne lex Licinia comitijs consularibus obseruaretur. Magister eq. dictatori additus Q. Seruilius. Hæc Liuius. Idem in anno cccxxviii. huius dictatoris meminit. eumq; ait ter consulem, & dictatorem fuisse. Idem scribit Valerius lib. ii, cap. ii. Q. Seruilius Ahala, siue ille sit, qui ante bis consul fuit, siue eius filius, quod magis probo, omnino Q. F. Q. N. est scribendus.

D E C O S. A N. CDIII.

M. POPILLIUM Lænatem à plebe consulem in hunc annum, à patribus L. Cornelium Scipionem datum scribit Liuius. Cassiodorus M. Popillium Lænatem **III**, L. Cornelium Scipionem edit. Diodorus C. Cornelium, M. Popillium.

De L. Furio Camillo dictatore.

M. POPILLIUS Lænas consul in Gallos profectus rem bene gessit. moram triumpho uolens attulit, eademq; causa dictatoris desiderium senatui fecit, ut esset, qui ægris consulibus comitia haberet. Dictator L. Furius Camillus dictus addito magistro equitum P. Cornelio Scipione. Hæc Liuius. Ceterum L. Furius Camillus filius fuit M. Camilli **v** dictatoris. auctores Liuius, & Appianus. Hoc anno dictatorem fuisse indicant uestigia Capitolina magistri equitum.

*De triumpho M. Popillij Lænatidis cos. **I**. de Gallis.*

FORTUNA illustriorem plebeium consulem fecit. Nam cum ingentem Gallorum exercitum in agro Latino castra posuisse nunciatum esset, Scipione graui morbo implicito, Gallicum bellum Popillio extra ordinem datum. Galli amissis castris fugati. Consul uulnere accepto tardius triumphauit. Sed tamen antequam inirent noui consules, triumphus ab eo actus est magno fauore plebis. Hæc Liuius. Huius Popillianæ de Gallis victoriæ meminit etiam Appianus in Celtica. Idem triumphus incisus est in tabulis Capitolinis.

D E C O S. A N N. CDIIII.

et re gesti à L. Furio cos. cum Gallis.

DICTATOR L. Furius Camillus reddidit patribus pristinam possessionem consulatus. ipse ob id meritum ingenti patrum studio creatus consul collegam P. Claudium Crassum dixit. Liuius. Idem consules produntur à Cassiodoro. Diodorus M. Aemilium, T. Quintium edit. horum consulum meminit Cicero in Catone, cum ait, Platonem Tarentum uenisse L. Camillo, ac P. Claudio cos. & Gellius lib. ix. cap. xi. cum ait, L. Furio, Ap. Claudio cos. anno urbis conditæ **cdv**. M. Valerius cum Gallo pugnavit, & Coruinus est appellatus. Hoc enim anno cum Galli ex Albanis montibus campos, & maritima loca popularentur, P. Claudius in ipso belli apparatu moritur. L. Furius Gallos in agro Pontino acie fufos in Apuliam compulit. M. Valerius tribunus mil. ex singulari pugna cum Gallo commissa Corui cognomen accepit. Liuius, & Eutropius. De obitu P. Claudij scriptum est etiam in fragmento huius anni Capitolino.

*De T. Manlio Torquato dictatore **II**.*

L. CAMILLVS iussus ab senatu bellum maritimum curare cum prætore iunxit castra. ibi quia res trahi segnitie Græcorum non committentium se in aciem uidebatur, Dictatorem comitiorum causa T. Manlium Torquatum ex senatus auctoritate consul Camillus dixit. dictator magistro

Commentarius in fastos

magistro eq. A. Cornelio Cossio dicto consularia comitia habuit. Liuius. Nos quia eosdem esse, qui anno *cd* collegæ in hoc eodem magistratu fuerunt, putamus, iterati honoris notam adiecimus. Dictatorem hoc anno comitiorum habendorum causa factum Capitolinum etiam fragmentum docet.

DE COS. AN. CDV.

DICTATOR absentem M. Valerium Coruum (id enim illi deinde cognominis fuit) summo favore populi tres & uiginti natus annos consulem renunciauit. collega Coruo de plebe M. Popillius Lænas *III* consul futurus datus est. Ita Liuius, & Cassiodorus. Diodorus triennio post M. Valerium, & M. Popillium edit. Huius consulatus Valeriani, ætatis, cognominis Valerius etiam, & Eutropius, & Gellius lib. *ix*. cap. *x* meminerunt. Se ex Poplicolarum familia, & à P. Valerio, qui reges eiecit hic Coruus ortum apud Liuium profitetur. in fragmento Capitolino est tantum M. Valerius M. F. M. N. Coruus consul. Domi, forisq; ocium.

De ----- dictatore.

DICTATOREM hoc anno cum magistro eq. comitiorum habendorum causa creatum ex fragmentis Capitolinis apparet. Qui uero fuerint, nec Liuius prodit, nec ex eo marmore Capitolini scriptores. Itaque inter cetera uetustate incomperta, hoc quoque in incerto sit.

DE COS. ANN. CDVI.

T. MANLIUM Torquatum, C. Plautium consules in hunc annum edunt Liuius, & Cassiodorus. Plautij cognomen esse Hypsæum puto. causam, cur ita putem, exponam in secundo huius consulatu, anno *cdxii*. in Capitolino fragmento extant cognomina Manlij, Imperiosus Torquatus. Domi, forisq; res quietæ.

DE COS. AN. CDVII.

M. VALERIUM Coruum *II* cum C. Pœtelio consulem profitetur in hunc annum Liuius, & Cassiodorus. Censorinus horum etiam consulum meminit, ubi agit de ludis sæcularibus, atque hunc annum *cdx* ab vrbe condita nominat. C. Pœtelius ex dictatura Capitolina anno *cdxl* gesta descriptus est. nam in fragmento huius consulatus extat tantum cognomen eius alterum, *VISOLVS*.

De censoribus, & lustro XXII.

CVM anno *cdii* lustrum *xxi* factum esse dixerimus, anno autè *cdxxi* lustrum *xxiii* conditum esse appareat, profecto inter hoc tempus fuerint necesse est, qui lustrum *xxii* fecerint. De quo cum nihil apud Liuium inuenirem, suspicatus sum ex quinquenniali spatio censes hoc anno id fecisse. sed fortasse uaticinamur. qui certiora habet, ea sequatur. nos ne coniecturas quidem nostras, in tanto interuallo temporum, historiæ R. subleuandæ causâ, omisimus.

De triumpho M. Valerij Corui cos. *II*. de Antiatibus, Satricanisq;.

VALERIUS consul Volscis bellum inferre iussus ad Satricum infesto exercitu pergit. quo cum Antiates, alijq; Volsci occurrissent, nulla mora dimicandi facta est. Volsci certamine uicti Satrici mœnia petunt. cumq; vrbs caperetur, ad quatuor millia præter multitudinem imbellem sese dedidere. oppidum dirutum, atq; incensum. Qui se dediderunt uinctos ante currum triumphans Valerius egit. Ita Liuius. eundem triumphasse de Antiatibus Volscis, Satricanisq; scriptum est in Capitolina tabula.

DE COS. ANN. CDVIII.

CREATI consules in hunc annum M. Fabius Dorso, Ser. Sulpicius Camerinus. auctor Liuius, & Cassiodorus. Diodorus etiam, quanquam non suo loco, M. Fabium, & Ser. Sulpicium consules prodit. Meminit etiam Liuius C. Fabij Dorsonis supra in anno *ccclxiii*. Hi consules ambo patricij fuerunt. quod omisit Liuius.

De L. Furio Camillo dictatore II, et re gesta cum Auruncis.

AURUNCVM bellum ab repentina populatione cœptum, dictatorem uelut aduersus armatum iam Latium L. Furium creatum magistrum eq. Cn. Manlium Capitolinum dixisse auctor est Liuius. Dictator legionibus in Auruncos ductis prima acie debellauit. ac victor Romam reuersus dictatura se abdicauit. Hic idem dictaturam ante gessit, Cn. Manlius & consulatum, & censuram.

DE COS. AN. CDIX.

CONSULES hoc anno C. Marcius Rutilus III, T. Manlius Torquatus II. Liuius, & Cassiodorus auctor. Diodorus item edit C. Marcium, T. Manlium Torquatum.

De P. Valerio Poplicola dictatore, & ferijs Latinis.

CVM lapidibus pluuiisset, & nox interdium uisa esset intendi, librisq; inspectis cum plena religione ciuitas esset, senatui placuit dictatorem feriarum constituendarum causa dici. Dictus P. Valerius Poplicola. magister eq. ei Q. Fabius Ambustus datus est. Liuius. Ferias autem intelligit, quæ Latinæ dicebantur, quod solenne etiam Latiar appellatum est. Earum feriarum Superbus rex auctor fuit. Locus erat in monte Albano, in quem populus R. & Latini fœderati (ij fuisse & populi traduntur) conueniebant, atque Ioui Latiali vno consensu omnes sacrificabant. cumq; eorum alij agnos, alij caseum, alij lac, alij alia domo secum ex instituto attulissent, tauro immolato suam quisque carnis partem accipiebant. Conceptiuas autem has fuisse ferias docet Macrobius, quod à magistratibus quotannis in certos, vel incertos dies conciperentur. His ferijs unus dies primum dicatus fuit à Superbo, exactis autem regibus biduum, post secessionem pl. in montem sacrum triduum, anno denique cccxcvi ab vrbe condita composita de plebeio consulatu seditione, quadriduum. auctor Liuius, Plutarchus in Camillo, & Dionysius. Sic anno cccxcvi Latinarum feriarum constituendarum dictator creatus est Q. Ogulnius Gallus. ut est in Capitolinis tabulis.

DE COS. AN. CDX.

CREATI consules in hunc annum M. Valerius Corvus III, A. Cornelius Cossus. Liuius auctor, & Cassiodorus. M. Valerium, & A. Cornelium edit Diodorus, & Cicero de diuinat. Valerium Maximum, & Cornelium Cossu is qui scripsit de viris illustr. Vterque patricius est.

De bello Samnitico, et triumphis consulum Corui, et Cossi.

ANIMADVERTI in tabulis consularibus Capitolinis maximum quodq; bellum notari, quale est hoc Samniticum. quod ab his cos. primum gestum esse scribit Liuius. Susceptum autem esse Campanorum causa, qui à Samnitibus oppressi, se, suaq; omnia senatui Romano per legatos dederunt, idem tradit. Florus per annos quinquaginta gestum scribit, ex eoq; triumphos vigintiquatuor esse actos. Liuius lib. xxxi in oratione legati Romani in concilio Aetolorum per annos lxx gestum ait. Anno cclxxxii bello huic finem esse impositum arbitror, quo anno L. Papirius de Samnitibus triumphauit. Ceterum M. Valerius consul in Campaniam aduersus Samnites missus cum exercitu, bis pugnauit. primum ad montem Gaurum, iterum ad Suessulam. utroque in loco uictoria parta est, suis hostibus, eorumq; castris captis, atque direptis. At vero A. Cornelius cos. in Samnium profectus ad Saticulam castra fecit. cum autem quendam in saltum caua ualle peruium, circaq; inessum ab hoste exercitum perduxisset, P. Decius tribunus mil. accepto, quod postulabat, præsidio in superiorem locum euasit, & hostes terruit. Ex eo comparata Cornelio uictoria est, caesis hostibus, castrisq; eorum direptis. Ambo de Samnitibus triumpharunt. Liuius. Et hi etiam triumphus in Capitolinis tabulis incisi sunt.

DE COS. AN. CDXI.

CONSULES in hunc annum produnt Liuius, & Cassiodorus C. Marcium, & Q. Seruiliu. Diodorus Q. Seruiliu, Marcium Rutilu. Hunc Marcium iam quartum consulem esse, & dictatorem,

Commentarius in fastos

ctatorem, ac censorem fuisse, auctor est Liuius. Q. Seruilius Aham puto esse eum, qui magister equitum fuit anno c d i i. Hoc anno lex lata, ne quis intra decem annos eundem magistratum caperet. auctor Liuius.

De M. Valerio Coruo dictatore.

C v m in castris C. Marcij consulis milites seditionem fecissent, quod eorum consilia, quæ de adimenda Campanis Capua inierant, consul infirmasset, atque T. Quinctio patricio uiro quamquam claudo imperatore appellato, cum arma inferre patriæ coegissent, dictator M. Valerius Coruus cum magistro eq. L. Aemilio Mamercus dictus est. qui ad eos cum exercitu profectus oratione, ne contra patriam irent, effecit. Ita militari defectione compressa Coruus Romam redijt. Hæc Liuius, & is, qui scripsit de uiris illustribus. In alijs annalibus Liuius se inuenisse ait non Valerium dictatorem dictum, sed per consulem rem omnem actam. atque non T. Quinctium, sed C. Manlium ducem sibi milites depoposcisse. L. Aemilius fuit etiam magister eq. anno c d i.

DE COS. AN. CDXII.

CONSULES subsequuti sunt C. Plautius II, et L. Aemilius Mamercus, teste Liuius, & Casiodoro. Diodoro autem L. Aemilius, C. Plotius. L. Aemilius in secunda dictatura Capitolina anno c d x x v i i L. F. L. N. Mamercin. Priuernas dicitur. De C. Plautio cos. sic Liuius. Priuernas, & Volscum bellum Plautio sorte euenit. Prius ad Priuernū profectus extemplo acie conflixit. haud magno certamine deuicti hostes. oppidum captum, redditumq; Priuernatibus. Cum igitur C. Plautium consulem Liuius scribat Priuernum cepisse, inueniam autem in numo argenteo perantiquo apud clarissimum uirum Andream Lauredanum, patricium Venetum, hæc uerba:

C. YPSAEVS COS.

& ab altera parte: P. YPSAEVS S. C.

PRIV. CEPIT.

non dubito, quin hic C. Plautius sit. Hypsæus enim cognomen Plautiorum fuit. De Plautio consule ad Priuernum meminit etiam Valerius lib. v i. cap. i i. L. Aemilius in Samnites profectus nullum hostem inuenit. Samnites pacem à senatu petentes impetrarunt.

DE COS. AN. CDXIII.

& deuotione P. Decij cos.

T. MANLIVS Torquatus III, P. Decius Mus hoc anno consulatum gesserunt auctore Liuius, & Casiodoro. Diodorus edit T. Manlium Torquatum, P. Decium. Eorundem consulum meminit Plin. lib. x x i i. cap. v. Valerius lib. i. cap. v. Florus de bello Latino, auctor libri de uiris illustribus in Decio, & Torquato. Plutarchus item in Parallelis ait in bello contra Samnites creatum consulem Manlium τὸν ἐπιτάκτην ἐπικληθέντα, i. Imperiosum appellatum, de filio, qui contra edictum suum pugnauerat, supplicium sumpsisse. in quo errat. Nam non cum Samnitibus hoc anno bellatum est, qui fœderati erant, sed cum Latinis. P. Decium Q. F. vocat Cicerone de diuinatione lib. i. Quod idem confirmant Capitolinæ tabulæ, in quibus filius huius P. F. Q. N. appellatur. Hunc primum in domum suam consulatum intulisse scribit eodem loco Cicero, & Valerius lib. v. cap. v i. Cum Latini, qui post pugnam ad lacum Regillum in fide Romanorum manserant, assumptis Campanis, ac Sidicinis bellum Samnitibus fœderatis populi R. facerent, ac Romam euocati arma ponere iuberentur, feroci responso, quo alterum consulem è Latio fieri petierunt, bellum Romanum in se conuerterunt. Castra autem aduersus eos Torquato, & Decio consulibus ad Capuam habentibus, in quiete utriusque audire uisum est, ex una acie imperatorem, ex altera exercitum dijs manibus, matriq; Terræ deberi. utriusque exercitus imperator legiones hostium, superq; eas se deuouisset, eius populi, partisq; uictoriam fore. cum autem nocturnos uisus contulissent, ita inter eos conuenit, ut cuius cornu in acie laboraret, dijs se manibus deuoueret. factum est, ut post inita ad Veferim cum hoste pugna inclinante Decij parte, is se, & hostes per M. Valerium pontificem dijs manibus deuouerit, & impetu in eos facto morte sua uictoriam suis pepererit. auctores Liuius, Valerius lib. v. cap. v i. Plin. lib. x x i i. cap. x x v. Orosius, Florus, Plutarchus in Parallelis, ubi hoc bellum Albanum uocat. Cicero autem de diuinatione lib. i. ita. At uero P. Decius ille Q. F. qui primus è Decijs consul fuit, cum esset tribunus militum M. Valerio, & A. Cornelio consulibus, à Samnitibusq; premeretur no-

ster exercitus incolumis exercitum oblidione liberauit. post triennium autem cum consul esset deuouit se, atque in aciem Latinorum irrupit armatus. De uouendi formula, & ritus, & uerba scripta sunt apud Liuium latius. Fugati ad Veferim Latini cum post exercitu reparato vni Torquato se obtulissent inter Synuessam, Minturnasq; deuicti sunt. Ita T. Manlius consul de Latinis, Campanis, Sidicinis, Auruncis, quos uirtute sua, collegæ Decij morte vicerat, triumphauit. ut ex Capitolinorum triumphorum fragmentis apparet. neque enim Liuius triumphum uerbum ullum facit. Verba eius sunt. Ita bello gesto T. Manlius Romam redijt, cui uenienti seniores tantum obuiam uenisse constat. Ea de re sic Valerius lib. 12. cap. 111. Manlio Torquato amplissimam, & gloriosissimam uictoriam in urbem referenti cum seniores omnes lætitia ouantes occurrerent, iuniorum nemo obuiam processit. cum tamen Orosius eum triumphasse tradat his uerbis. Manlius quamuis uictor occursum tamen nobilium iuuenum Romanorum triumphans parricida non meruit. & Diodorus, his. Romani cum Latinis, & Campanis congressi ad oppidum Sueffam uictores fuerunt, & uictis agri partem ademerunt. Manlius autem cos. cuius auspicio res bene gesta est, triumphauit. Hoc bello T. Manlius de filio, qui iniussu suo pugauerat, supplicium sumpsit.

De L. Papirio Crasso dictatore, & re gesta cum Antiatis.

ANTIATES in agrum Hostiensem, Ardeatem, Solonium incursiones fecerunt. Manlius consul, quia ipse per ualitudinem id bellum exequi nequiebat dictatorem L. Papirium Crassum, qui tum forte erat prætor, dixit. ab eo magister equitum L. Papirius Cursor dictus. Nihil memorabile aduersus Antiates ab dictatore gestum, cum aliquot menses statua in agro Antiati habuisset. Ita Liuius. Cicero autem ad Pætum sic. Post L. Papirium Mugillanum xiii fuerunt sella curuli ante L. Papirium Crassum; qui primus Papirius est uocari desitus. Is dictator cum L. Papirio Cursore magistro eq. factus est annis post Romam conditam ccccxv. Crassus ex Capitolina censura descriptus est, Cursor ex triumpho.

DE COS. AN. CDIV.

CREATI cos. in hunc annum Ti. Aemilius Mamercus, Publilius Philo teste Liuius. Cassiodoro uero Ti. Aemilius Mamercus, Q. Publilius Philo. at Diodoro Q. Publilius, Ti. Aemilius. si quid autem sit mendii in his scriptoribus, id in Liuianis scholijs quo modo tolleretur, ostendi. Tiberij prænomen quàm sit Aemilij familiare, supra etiam patuit. Publilius ex triumpho Capitolino ornatus est.

De triumpho Q. Publilij Philonis cos. de Latinis.

LATINI ob iram agri amissi rebellantes in campis Senectanis fusi, castrisq; exuti sunt. Publilio, cuius auspicio res gestæ erant, & qui in deditionem Latinos populos acceperat, quorum ibi iuuentus cæsa erat, triumphus decretus est. Sic Liuius. Idem etiam triumphus est in Capitulis deinceps post Manlianum triumphum incisus. Aemilius aduersus Pedanos missus.

De Q. Publilio Philone dictatore.

AEMILIUS consul bello Pedanorum infecto repente omisso, quia collegæ decretum triumphum audiuit, ipse quoque triumphum ante uictoriam flagitator Romam redijt. Quia cupiditate offensis patribus, negantibusq; nisi Pedito capto, aut dedito triumphum, hinc alienatus ab senatu seditiosis tribunatibus similem consulatum gessit. Itaque postquam tenatus finire imperium consulibus cupiens dictatorem aduersus rebellantes Latinos dici iussit, Aemilius, cuius tum fasces erant, collegam dictatorem dixit, ab eo magister eq. Iunius Brutus dictus. Hæc Liuius. Magister eq. est D. Iunius Brutus Scæua, is, qui post consul fuit anno ccccxvii. Plus hoc anno domi acceptum eladis ab consulibus, & dictatore, quàm ex uictoria eorum bellisq; rebus foris auctum imperium, legibus plebi secundissimis, aduersis nobilitati latis.

DE COS. AN. CDXV.

CONSULES in hunc annum prodiit Liuius, & Cassiodorus L. Furium Camillum, & C. Mæ
i 2 nium

Commentarius in fastos

nium. Diodorus L. Furium, & C. Μάλιον, mendoſe. L. Furium Camillum, C. Mænium triumphi Capitolini. C. Mænij conſulis anno c d x v i meminit Plinius lib. x x x i i i . cap. v. Hic L. Furius alius ab eo eſt, qui ante conſul, & dictator fuit. ille enim M. F. hic Sp. F. M. N. ſcribitur in Capitolino triumpho.

De triumphis L. Furij Camilli, et C. Mænij conſulum de Latinis.

ARICINOS, Lauinios, & Veliternos Antiatibus Volſcis ſe coniungentes ad Sturam flumen Mænius improviſo adortus fudit. Camillus ad Pedum cum Tiburtibus maxime valido exercitu maiore mole, quanquam æque proſpero euentu pugnavit. Præſidijs inde diſpoſitis per recepta oppida Romam ad deſtinatum omnium conſenſu triumphum deceſſere. Ita Liuius. Qui iſdem triumphis ſunt in Capitolinis tabulis. Liuius additum triumpho honorem ſcribit, ut ſtatuae conſulibus, raræ illa ætate res, in foro ponerentur. Qua de re ſic Eutropius. Latini ingenti pugna ſuperati ſunt, ac de his perdomitis triumphatum eſt. Statuae conſulibus ob meritum victoriæ in roſtris poſitæ. Plinius autem ſic lib. x x x i i i . cap. v. Antiquior columnarum celebratio eſt, ſicut C. Mænio, qui Latinos priſcos deuicerat. eodemq; in conſulatu in ſuggeſtu roſtra deuictis Antiatibus fixerat anno vrbis c c c c x v i . De quibus roſtris eadem ſcribit Liuius. Itaque Florus ita ait. Extant & parta de Antio ſpolia, quæ Mænius in ſuggeſtu fori capta hoſtium claſſe ſuffixit. ſi tamen illa claſſis. nam ſex fuere roſtratæ. vulgo autem legitur, Mænibus, pro Mænius. Ita bellum Latinum triennio conſectum.

DE COS. AN. CDXVI.

SECVVROS conſules eſſe C. Sulpicium Longum, P. Aelium Pætum ſcribit Liuius, & Caſſiodorus. C. Sulpicium, & L. Papirium Diodorus. C. Sulpicius ex tertio conſulatu Capitolino deſcriptus eſt, quem geret anno c d x x i x .

De C. Claudio Regillenſi dictatore.

CVM Sidicini Sueſſam Auruncam euertiſſent, ſenatus inſenſus conſulibus, quorum cunctatione Aurunci ſocij deleti eſſent, dictatorem dici iuſſit C. Claudium Regillenſem, qui magiſtrum eq. C. Clandium Hortatorem dixit. cum autem augures dictatorem uitio creatum uideri dixiſſent, dictator, magiſterq; eq. ſe abdicarunt. Liuius. C. Claudius hic Regillenſis fortaſſe pater fuit Ap. Claudij C. F. Ap. N. Cæci. ut eſt in Capitolinis tabulis.

DE COS. AN. CDXVII.

L. PAPIRIVS Craſſus, K. Duilius conſules in hunc annum auctores Liuius, Caſſiodorus, & exempto Craſſi cognomine Diodorus. His de conſulibus ſic Cicero ad Pætum. L. Papirius Craſſus quadriennio poſtquam dictator fuit, conſul factus eſt cum K. Duilio.

DE COS. AN. CDXVIII.

HOC anno Auſones, qui Cales urbem incolebant Sidicinis arma iunxerunt. Ea res fecit, vt M. Valerium Coruum maximum imperatorem conſulem quartum facerent. collega additus Coruo M. Atilius Regulus. Hæc Liuius. Eoſdem etiam conſules prodit Caſſiodorus. & exceptis cognominibus Diodorus. M. Atilium patrem eſſe reor M. Atilij M. F. M. N. Reguli, qui conſul triumphauit anno c d l i x , in Capitolinis tabulis.

De triumpho III M. Valerij Corui cos. IIII de Calenis.

M. VALERIVM conſulem cui ea prouincia extra ſortem data erat ad Cales, vnde bellum Auſonum ortum erat, proſectum, Calenos ipſos acie fudiſſe atque oppido capto, ex ſenatus conſulto triumphaſſe ſcribit Liuius. Idem etiam triumphus eſt in Capitolinis tabulis.

De L. Aemilio Mamercin. Priuernate dictatore.

NE M. Atilius expertus gloriæ eſſet, iuſſi ambo conſules aduerſus Sidicinos ducere exercitum, dictatorem

dictatorem ante ex senatus consulto consulum habendorum causa dixerunt L. Aemilium Mamercum. is magistrum sequitur Q. Publilium Philonem dixit. Liuius. L. Aemilius ante etiam consul fuit. itemq; Philo.

DE COS. AN. CDXIX.

DICTATORE comitia habente creati sunt consules T. Veturius, & Sp. Postumius. vt ait Liuius. Eosdem consules edit Cassiodorus, & Diodorus. Liuius in anno **CDXXXII** Veturius Caluinum, Postumium Plutarchus in Parallelis, vbi de clade Caudina scribit, Albinum appellat.

De P. Cornelio Rufino dictatore.

CVM Samnium fama esset conciri ad bellum, dictator ab consulibus ex auctoritate senatus dictus P. Cornelius Rufinus. magister eq. M. Antonius. Religio deinde incessit uitio creatos esse, magistratuq; se abdicauerunt. Liuius.

De anno CDXX sine consulibus.

HOC loco annum cogimur interponere sine consulibus, etiam si eius neque apud Liuium, neque apud quenquam alium ulla mentio fit. Hoc autem facimus, vt rationem habeamus summae annorum, quae in Capitolinis tabulis, quas sequimur, instituta est. Nam cum M. Valerium Coruum consulem **III** fuisse scriptum sit anno urbis conditae **CDXV**. L. autem Aemilium, & C. Plautium anno **CDXXII**: omnino, vt haec inter se consentiant, annum interficere debemus. quo praetermissio fiet, ut L. Aemilius consul in annum **CDXXIII** incidat, eaq; tota deinceps annorum summa, quae in Capitolinis tabulis est, labet. neque uero mirum hoc uolo cuiquam uideri, cum alio etiam loco idem necessario faciendum esse intellexerit. Quod autem annus hic interijciendus sit, vidit etiam ante me Gregorius Haloander, qui Chronologiam consulum scripsit. Ego vero puto hoc anno magistratum solitudinem, & sine consulibus rempub. fuisse pestilentiae causa. de qua Liuius scribit hoc modo. Dictator, & magister eq. magistratu se abdicauerunt. et quia pestilentia infecuta est, velut omnibus eo vitio contactis auspicijs res ad interregnum redijt.

DE COS. AN. CDXXI.

A. CORNELIUM II, Cn. Domitium consules suggerunt Liuius, & Cassiodorus. Diodorus autem A. Cornelium, C. Domitium. Ego tamen Cn. Domitium malim. vt sit pater C. Domitij Cn. F. Caluini aedilis curulis, cuius meminit Liuius in anno **CDLV**. & Plin. lib. **XXXIII**. cap. 1. cum ait. Cn. Flauium aedilem curulem factum cum Q. Anicio Prænestino praeteritis C. Poetelio, & C. Domitio, quorum patres consules fuerant.

De M. Papirio Crasso dictatore.

TRANQVILLIS rebus fama Gallici belli pro tumultu ualuit, vt dictatorem dici placeret. Dictus M. Papirius Crassus, & magister eq. P. Valerius Poplicola, à quibus cum delectus intentius, quam aduersus finitima bella haberetur, exploratores missi attulerunt, quieta omnia apud Gallos esse. Liuius M. Papirium Crassum fratrem esse reor L. Papirij Crassi dictatoris anno **CDXIII**. P. Valerium, qui dictator fuit anno **CDIX**.

De censoribus, & lustro XXIII.

CENSVM hoc anno à censoribus Publilio Philone, & Sp. Postumio actum scribit Liuius. Horum censorum meminit etiam Velleius libro primo, cum inquit Sp. Postumio, Philone Publilio Acerranis ciuitatem datam. Ea enim de re agit hoc etiam anno Liuius. Hi consules ante fuerunt. Lustrum si quis neget à censoribus his factum, itemq; ab alijs, eò quia Liuius lustrum uerbum nullum fecerit, nunquam ad lustrorum numerum Capitolinum perueniet, & eum, quem Liuius libro x extremo edidit.

Commentarius in fastos

DE COS. ANN. CDXXII.

CREATI inde cos. M. Claudius Marcellus, C. Valerius. auctor Liuius, & Cassiodorus. C. Valerius, M. Clodius sunt etiam apud Diodorum. Liuius se Flaccum, Potitumq; uarie in annalibus cognomen Valerij repperire ait. Orosius Claudium Marcellum, & Valerium Flaccum edit. Ego utrunque cognomen retinui, ut Potito antiquo Valeriae gentis cognomini, nouum Flacci cognomen adiunctum esse videatur. Hunc Marcellum auum esse suspicor M. Marcelli quinquies consulis, qui M. F. M. N. describitur, quem primum usum esse Marcelli cognomine falso scribit Plutarchus.

De Cn. Quinctilio dictatore.

HOC anno primum de ueneficijs Romae quaesitum est. Matronae ueneficia coquentes pestilentiam alebant. Ea res prodigij loco habita, captisq; magis mentibus, quam consccleratis similis uisa. Itaque memoria ex annalibus repetita, in secessionibus quondam plebis clauum à dictatore fixum, alienatasq; discordia mentes hominum eo piaculo sui compotes fecisse, dictatorem clauum figendi causa creari placuit. Creatus Cn. Quinctilius magistrum eq. L. Valerium dixit, qui clauo fixo magistratu se abdicauit. Liuius. de solenni autem figendi clauum scripsit libro VII copiosius. Varum cognomen Quinctiliorum Quinctilio, Potitum Valeriorum Valerio addidi.

DE COS. AN. CDXXIII.

L. PAPIRIUM Crassum II, L. Plautium Vennonem consules suggerit Liuius, & Cassiodorus. L. Plotium, L. Papirium Diodorus. L. Plautius pater est, ut putō, L. Plautij L. F. L. N. Vennonis consulis anno CDXXXV, in Capitolinis tabulis. Priuernas bellum hoc anno initum, quod M. Vitrubius Vaccus Fundanus commouerat. Priuernum duobus exercitibus consularibus obsessum. Liuius.

DE COS. AN. CDXXIIII.

CREATI deinceps consules L. Aemilius Mamercus, & C. Plautius, teste Liuius, & Cassiodoro. L. Plotius, & L. Papirius, Diodoro. Vterque horum quomodo describendus sit, triumphus eorum Capitolinus aperte docet. Hi consules K. Quinctilibus magistratum inierunt.

De triumphis L. Aemilij Mamercin: Priuernatis cos. IIII.

C. Plautij Deciani cos. III de Priuernatibus.

CUM Priuernatibus hoc anno prospere pugnatum esse, Priuernum captum, Vitrubiumq; eius belli auctorem in potestatem uenisse, eaq; de re Plautium consulem triumphasse tradit Liuius. Quod idem scriptum est etiam in Capitolinis tabulis. In ijs etiam incisus est triumphus L. Aemilij Mamercini Priuernatis consulis de Priuernatibus, cuius Liuius ne uerbum quidem facit. immo ei Gallicum bellum obtigisse ait. Verisimilem autem hunc triumphum reddit cognomen eius Priuernas, quo ipse primum usus est, & quod ait Liuius explorata eius temporis quiete omnem à Gallis Priuernum uim conuersam esse.

DE COS. AN. CDXXV.

CONSULES subiicit Liuius, & Cassiodorus P. Plautium Proculum, & P. Cornelium Scapulam. P. Cornelium, A. Postumium Diodorus. P. Plautium arbitror esse filium C. Plautij P. F. P. N. Proculi consulis anno CDXCV. Annus nulla re belli, domi uel insignis. Palæpolitani multa hostilia aduersus Romanos agrum Campanum, Falernumq; incolentes fecerunt. Liuius.

DE COS. AN. CDXXVI.

L. CORNELIUM Lentulum, Q. Publilium Philonem consules in hunc annum comparat Liuius, & Cassiodorus. L. Cornelium, & Q. Publilium Diodorus. Est autem nunc II consul Philo

Philo, Palæpolitani ferociter ad res repetitas respondentibus à Q. Publilio consule illatum est. Cornelius Samnitibus, si qua se mouerent, oppositus.

De M. Claudio Marcello dictatore.

CUM comitiorum instaret dies, & Publilium imminens Palæpolitani muris auocari à spe capiendæ vrbs haud è rep. esset, actum cum tribunis est, ad populum ferrent, ut cum Publilio Philo consulatu abisset, pro consule rem gereret, quoad debellatum cum Græcis esset. L. Cornelio, quia ne eum quidem in Samnium iam ingressum reuocari ab impetu belli placebat, literæ missæ, ut dictatorem comitiorum causa diceret. dixit M. Claudium Marcellum. ab eo magister eq. dictus Sp. Postumius. nec ab dictatore habita comitia sunt, quia uitio ne creatus esset, in disculsiōnem uenit. consulti augures vitiosum videri dictatorem pronunciauerunt. Res ad interregnum redijt. Liuius. Vterque horum ante consulatum gessit.

DE COS. AN. CDXXVII.

C. POETELIUM, L. Papirium cos. in hunc annum edit Liuius. C. Pœtelium III, L. Papirium Mugillanum Cassiodorus. Meminit horum etiam Solinus cap. xxxv, cum ait, L. Papirio Sp. F. C. Pœtelio C. F. Alexandria condita est. Papirium Liuius Mugillanum uocat ille quidem, sed in alijs tum annalibus Cursorem se inuenire ait. Itaque ego etiam hunc Cursorem appello, tum ut numerus consulatum sequentium, qui in tabulis Capitolinis sunt, constet, tum etiam quia Liuius anno CDXXXIII iterum consulem Cursorem vocat. cum tamen, quando primum fuerit, non appareat, nisi cum hoc anno fuisse statuas. C. Pœtelius II, non III scribendus est. non enim est idem, qui consul fuit anno CCCXCIII, sed eius filius. Cum Samnitibus, quibus ut apertis hostibus bellum indictum erat, res bene à consulibus gesta.

De triumpho Q. Publilij primi pro cos.

PUBLILIO decretum esse triumphum scribit Liuius de Palæpolitancis, quod satis credebatur obsidione domitos hostes in fidem uenisse. Addit etiam, duo hæc singularia ei viro contigisse, prorogationem imperij non ante in ullo factam, & acto honore triumphum. Siquidem (ut diximus) actum cum tribunis pl. erat, ad populum ferrent, ut cum Publilio consulatu abisset, pro consule rem gereret, quoad debellatum cum Græcis esset. Itaque uidemus etiam notatum in Capitolina tabula Publilium primum proconsule triumphasse. De proconsulari imperio diximus in scholijs Liuianis.

DE COS. ANN. CDXXVIII.

CONSULES suggerit Liuius, & Cassiodorus L. Furium Camillum II, Iunium Brutum Scæuam. Diodorus L. Furium, D. Iunium. Camillo Samnium, Bruto Vestini, qui se Samnitibus coniunxerant, prouincia euenit.

De L. Papirio Cursore dictatore, sine cos. an. CDXXIX.

et triumpho eius de Samnitibus.

L. FURIUM, cui Samnium prouincia euenerat, morbo implicitum fortuna bello subtrahit. iussusq; dictatorem dicere, rei gerendæ causa dixit L. Papirium Cursorem longe clarissimū bello ea tempestate, à quo Q. Fabius Maximus Rullianus magister eq. dictus est. Huic postea Cursor, quia iniussu suo, se Romam ad auspicia repetenda profecto, cum Samnitibus prospere pugnat, magisterium equitum abrogauit, & in eius locum L. Papirium Crassum sibi cooptauit. Hæc Liuius, Eutropius, Valerius lib. I. & is, qui scripsit de viris illustribus. L. Papirium Crassum esse opinor eum, cuius dictatoris ante hic Cursor magister eq. fuit. Q. Fabius ex sequentibus magistratibus Capitolinis descriptus est, M. Fabij Ambusti, qui ter consul, & dictator fuerat, filius Liuius, & Plinio lib. V. cap. xli. testibus. Ac Liuius quidem ita loquitur, ut eodem anno Papirium dictatorem fuisse intelligat, quo consules fuerunt Camillus, & Brutus. fuerunt autem anno ab vrbe condita CDXXXIX. Ego autem cum L. Papirium dictatorem de Samnitibus triumphasse anno CDXXXIX scriptum inueniam in tabulis Capitolinis, earum auctoritatem

Commentarius in fastos

toritatem sequutus L. Papirium dictatorem in hunc annum conieci. quod ei necessario faciendum est, qui Capitolinam annorum summam tueri uelit. Nam si Philo procos. triumphauit anno *CDXXXVI* de Palæopolitanis, L. autem Fuluius, & Q. Fabius consules anno *CDXXXI*, profecto L. Papirius dictaturam gessit non anno *CDXXXIX*, sed *CDXXXI*. idque (ut puto) sine consulibus. neque vero continuasse dictaturam eum dici potest, quia in triumpho dictator *II*. scriberetur. Hunc autem annum, quo L. Papirius dictator sine consulibus fuit, ne Glareanus quidem, & Haloander omiserunt. Dictatorem etiam L. Papirium Cursorem, fufis, fugatisq; Samnitibus triumphasse auctor est Liuius, & scriptor libri de uiris illustribus. Liuius tamen in priorem annum hunc triumphum coniecit.

DE COS. AN. CDXXX.

L. PAPIRIUS dictator priusquam dictatura se abdicaret consules creauit C. Sulpiciū Longum *II*, Q. Aemilium Cerretanum. Aulium quidam annales habent. Hæc Liuius. Q. Aulius Q. F. Q. N. Cerretanus est magister equitum anno *CDXXXVI* in tabulis Capitolinis. Cæsiodorus *αἰλιον* mendose pro *αὐλιον* edit. Sulpicio Samnites, Apulia, nouum bellum, Aulio cecinit. Nulla res memorabilis acta.

DE COS. AN. CDXXXI.

Q. FABIVM, L. Fuluium consules in hunc annum produnt Liuius, & Cæsiodorus. Quos Q. Fabium Maximum Rullianum, L. Fuluium Curuum nominant Capitolini triumphari.

*De A. Cornelio Cossio Aruina dictatore, & triumphis Q. Fabij,
& L. Fuluij cos. de Samnitibus.*

A. CORNELIVS Aruina dictator, & M. Fabius Ambustus magister eq. exercitum aduersus Samnites duxerunt, remq; bene gesserunt. dictator ex senatus consulto triumphauit. Hoc bellum à consulibus bellatum quidam auctores sunt, eosq; de Samnitibus triumphasse. nec discrepat, quin dictator eo anno A. Cornelius fuerit, id ambigitur, belli ne gerendi causa creatus sit, an ut esset, qui ludis Romanis, quia L. Plautius prætor graui morbo forte implicitus erat, signum mittendis quadrigis daret, sanctusq; eo haud sane memorandi imperij ministerio se dictatura abdicaret, nec facile est aut rem rei, aut auctorem auctori præferre. Hæc Liuius. Alios annales Capitolini scriptores sequuti sunt, quod ad consules, non ad dictatorem triumphos contulerunt. Quæ causa effecit, ut ipse hoc anno dictatorem ludorum Ro. causa creatum, non rei gerendæ scripserim. Summi magistratus munus fuisse signum dare mittendis quadrigis ostendit idem Liuius lib. *xlv*. cum ait. A. D. *X* K. Octob. ludorum Romanorum secundo die C. Licinio consuli ad quadrigas mittendas exscendenti tabellarius reddidisse laureatas literas dicitur. quadrigis missis consul currum conscendit. Ludi autem Romani primi Romæ instituti sunt L. Tarquinio Prisco regnante. ut Liuius lib. *i*. L. Tarquinius Priscus præda ex Latinis maiore, quam quanta belli fama fuerat, reuerta ludos opulentiùs instructusq; quam priores reges fecit. Tunc primum circo, qui nunc Maximus dicitur, designatus locus est. loca diuisa patribus equitibusq; ubi spectacula sibi quisque fecerunt. fori appellati. spectare furcis duodenos ab terra spectacula alta sustinentibus pedes. Ludicrum fuit equi, pugilesq; ex Etruria acciti. solennes deinde annui mansere ludi Romani, Magniq; varie appellati. Horum ludorum curam mandatam fuisse ædilibus curulibus, ut plebeiorum ludorum plebeijs ædilibus commissa fuerat, apparet ex Liuio lib. *vi* extremo, alijsq; plurimis ex locis. atq; etiam ex Cicerone in Verrem, qui ait. Nunc sum designatus ædilis, habeo rationem, quid à populo R. acceperim. mihi ludos sanctissimos maxima cum cæremonia Cereri, Liberæ, Liberoq; faciendos, mihi ludos antiquissimos, qui primi Romani sunt appellati maxima cum dignitate, ac religione Ioui, Iunoni, Mineræq; esse faciendos. Fuerunt & alij ludi Magni votiui, itemq; alij Megalenses appellati bello secundo Punico instituti. Ceterum hoc anno (ut dixi) alijs à dictatore, alijs à consulibus cum Samnitibus bellatum esse placuit; Qui Capitolinos autem triumphos descripserunt, ij triumphasse consules, non dictatorem uoluerunt. Quod à quibusdam traditum uidetur Liuius improbare.

DE COS. AN. CDXXXII.

Hoc anno T. Veturium Caluinum, Sp. Postumium consules reperio apud Liuium, & Cæsiodorum.

siodorum. Vtrunque *TI* consulem fuisse docet Cicero, qui tertio de off. scribit. At vero *T. Veturius*, & *Sp. Postumius* cum iterum consules essent, quia cum male pugnatum apud Caudium esset, legionibus nostris sub iugum missis pacem cum Samnitibus fecerunt, dediti sunt. Hoc idem scribit *Liuius*, *Entropius*, *Orosius*, auctor libri de viris illustribus. Id *C. Pontio* duce factum est.

De *Q. Fabio Ambusto*, *M. Aemilio Papo* dictatoribus.

CONSULES domum reuersi, postquam sub iugum à Samnitibus missi fuerunt, & fœdus turpe fecerunt, in priuato abditi nihil pro magistratu agere, nisi quòd expressum senatus consulto est, vt dictatorem dicerent comitiorum causa. *Q. Fabium Ambustum* dixerunt, is *P. Aemilium Patum* magistrum eq. dixit. *Q.* autem *Fabio*, & *P. Aelio* uitio creatis suffectus est *M. Aemilius Papus* dictator, *L. Valerius Flaccus* magister eq. nec per eos comitia habita. Et quia tædebat populum omnium magistratuum eius anni, res ad interregnum rediit. *Liuius*.

DE COS. AN. CDXXXIII.

Q. PUBLILIUS Philo, & *L. Papirius Cursor* *TI* consules fuerunt in hunc annum auctore *Liui*o, & *Cassiodoro*. *Philonem* nunc *III* consulem esse superiores consulatus ostendunt. Hoc anno *Postumius*, & *Veturius*, qui turpe fœdus ad Caudium spoponderunt, Samnitibus dediti, nec recepti. atque ita solutis religione Romanis, bellū rursus Samnitibus indictū. *Liuius*.

De dictatoribus tribus eiusdem anni.

Ex fragmentis Capitolinis apparet tres hoc anno dictatores cum tribus magistris equitum creatos. verum cur facti, aut suffecti sint, parum liquet. Non est autem dubium, quin primi sint *C. Mainius*, *M. Foslius*. quòd eos *TI*. fuisse in tabulis Capitolinis scriptum sit anno CDXXXIX. Qui etiam sequuntur eos, *L. Cornélium Lentulum*, & *L. Papirium Curforem* esse, perspicuum est. de quibus *Liuius* ait ambigi, an ipsi res ad Caudium, atque inde ad Luceriam gesserint, & de Samnitibus triumphauerint; an consulis *Papirij* præcipuum decus id fuerit. Postremos, *T. Manlium Torquatū*, qui iam bis dictator, & ter consul fuerat, & *L. ipsum Papirium Curforem* esse arbitratus sum, qui iam bis magister equitum fuerat. primos autem rei gerendæ causa creatos, quòd vitio facti essent, abdicasse: secundos rei gerendæ causa suffectos. id enim tradit *Liuius*: tertios, his abdicatis comitiorum causa factos existimo. in fragmento autem ita est.

C. MA=

M. FOS=

L. CORN=

L. PAPIRIV=

T. MANLI=

L. PAPIRIV=

DE COS. AN. CDXXXIII.

LIVIVS ambigi ait *Curforem Papirius* hoc anno cum *Q. Aemilio Cerretano* iterum ob rem bene gestam *Luceria* continuato magistratu consul tertium creatus sit, an *L. Papirius Mugillanus*, & in cognomine erratum sit. *Cassiodorus* *L. Papirium*, *Q. Aulium Cerretanum* edit. *Curforem* autem, non *Mugillanum*, probat *Capitolinus* eius triumphus. alios annales sequuti sunt *J*, qui librum quem citat *Cuspinianus* scripserunt, in quo est. *Mugillanus III*, & *Cerretanus*. quasi uero idem fuerit *Mugillanus* cum *Curfore*.

De triumpho *II L. Papirij Curforis* cos. *III*.

POSTQVAM Romanus exercitus à Samnitibus ad Caudium interclusus iub iugum missus est, populus Ro. deditis turpissimæ pacis auctoribus bellum renouauit, cumq; fortissime dinicasset Samnitibus superatis, atque sub iugum missis, ignominiam ante acceptam acerrime altus est. Itaque triumphatum de Samnitibus esse nemo dissentit: at uero quo duce, aut quo anno, non conuenit. *Liuius* alios fuisse, qui scripserint anno superiore à *L. Cornelio Lentulo* dictatore triumphatum, ait, alios, qui à *L. Papirio Curfore* *TI* consule, alios, qui à *L. Papirio*

Curfore

Commentarius in fastos

Curfore III consule, idest hoc anno . ita enim ait . Inde ad triumphum decessisse Romam Papirium Curforem scribunt, qui eo duce Luceriam receptam, Samnitesq; sub iugum missos auctores sunt. Hos autem auctores sequutus est Eutropius, & ij quoque, qui Capitolinos triumphos digesserunt, à quibus triumphus de Samnitibus à L. Papirio Curfore consule III actus in hunc annum est reiectus.

De censoribus.

CENSORES item hoc anno fuisse fragmenta Capitolina docent. at qui fuerint, ne coniectura quidem colligere possum. Lustrum autem ab his nullum esse factum puto. neque enim, si factum fuisset hoc anno, caussa fuisset, cur sequenti proximo iterum fieret. quod ex Capitolinis monumentis apparet. presertim vero cum inter duo lustra quatuor anni ferè soleant intercedere. credo autem censes, cum in hunc annum essent creati, aliqua tamen de caussa abdicasse, nec lustrum fecisse. (quod tamen si factum fuisset, ~~xxiiii~~ fuisset) atque ita sequenti anno creatos esse, qui ~~xxv~~ fecerint. quo autem anno ~~xxiiii~~ factum sit, parum mihi compertum est. sed tamen cum inter lustrum ~~xxiiii~~, & ~~xxv~~ amplius x anni intersint, profecto medio hoc intervallo, non extremo factum esse putauero. Lustra autem solennia per hæc tempora condita fuisse docet Liuius, qui in anni huius historia exponenda, cum de Alexandro Macedone loquitur, ait. Censebantur eius ætatis lustris ducena quinquagena millia ciuium.

DE COS. AN. CDXXXV.

NON erit, cur in his ~~xii~~ sequentibus annis expoliendis ualde elaboremus. presertim uero cum undique incorrupti, & integri fasti cum triumphis Capitolinis ad nos peruenerint. Ij uero, & Liuius, & Cassiodorus in hunc annum consules edunt M. Foslium Flaccinatorem, L. Plautium Vennonem. Diodorus L. Plotium, *μύχιον φούλβιον*. De Flaccinato fit mentio etiam in secundo eius magisterio eq. Capitolino. Hoc anno Samnitibus induciæ biennij petentibus data. Apuli Theanenses, & Canusini in deditionem uenerunt. Liuius.

De censoribus, & lustro XXV.

L. PAPIRIUM L. F. M. N. Crassum, C. Mainium P. F. P. N. censes hoc anno lustrum condidisse ~~xxv~~, scriptum est in Capitolinis tabulis. Eorum autem nec Liuius, nec alius ququam, quod compererim, meminit.

DE COS. AN. CDXXXVI.

CONSVLES suggerit Cassiodorus C. Iunium, Q. Aemilium. Liuius C. Iunium Bubulcum, Q. Aemilium Barbulam. Capitolinus lapis Q. Aemilium Barbulam, C. Iunium Bubulcum Brutum. Apulia perdomita in Lucanos perrectum. inde repentino aduentu Aemilij confusis Nerulum ui captum. Liuius.

DE COS. AN. CDXXXVII.

DEINCEPS Sp. Nautium, M. Popillium consules edunt Liuius, & Cassiodorus. Rutilus & Lænas eorum cognomina nobis à Capitolinis tabulis restituta sunt.

De L. Aemilio Mamercin. dictatore II.

LIVIUS dictatori L. Aemilio à consulibus legiones traditas scribit, eumq; cum L. Fulvio magistro eq. Saticulam oppugnare adortum rebellandi caussam Samnitibus dedisse. Hunc dictatorem in hunc annum coniiciunt etiam Capitolini scriptores. ex quorum tabulis apparet dictatoris cognomina esse, Mamercinum Priuernatem, magistri eq. Curuum. Fusi Samnites spe abiecta tuendæ Saticulæ Plistiam socios Romanorum circumsederunt. Liuius.

DE COS. AN. CDXXXVIII.

CONSVLVUM huius anni nomina exciderunt apud Liuium. ea uero sunt, L. Papirius III, Q. Publius

Q. Publilius Philo *iv.* ut apud Cassiodorum, & in tabulis Capitolinis, & in libro Cuspiniani scriptum est, ubi est Curfor, & Philo.

De Q. Fabio Maximo dictatore.

His cos. dictatorem Q. Fabium, magistrum eq. Q. Aemilium Cerretanum cum Samnitibus pugnasse auctor est Liuius. quanquam in alijs annalibus pro Aemilio Aulium se reperire ait. magistro autem eq. Aulio in prælio occiso C. Fabium esse suffectum. Quæ omnia summa diligentia notata sunt etiam in Capitolinis tabulis. Saticula Romani, Plistia Samnites potiuntur. Ad Soram, quæ ad Samnites defecerat, uis belli conuersa est. Liuius.

DE COS. ANN. CDXXXIX.

C. Sulpicius, M. Pœtelium consules memorat in hunc annum Liuius, & Cassiodorus, Diodorus autem C. Sulpicium, & *μακερον ποπλιον*, mendose, pro *ποιτέλιον*. Capitolini scriptores M. Pœtelium Libonem, C. Sulpicium Longum *iii.*

De C. Mainio dictatore ii.

Cum omnia infida Romanis essent, Capuæ quoque occultæ principum coniurationes patefactæ sunt. de quibus cum ad senatum relatum esset, quæstiones decretæ, dictatoremq; quæstionibus exercendis dici placuit. C. Mænius dictus. is M. Foslium magistrum eq. dixit. Hæc Liuius. à quo Capitolini auctores discrepant. non enim quæstionum exercendarum, sed rei gerendæ causâ creatum dictatorem C. Mænum scripserunt.

De triumpho C. Sulpicii cos. de Samnitibus.

C. Sulpicius consulem de Samnitibus triumphasse inuenio in Capitolinis triumphis. de quo triumpho ne verbum quidem Liuius. ait enim Soram, & Ausonam oppida, & Luce-riam, quæ defecerant, recepta, Samnites prælio uictos Beneuentum perfugisse, consules uictoria parta protinus inde ad Bouianum oppugnandum legiones duxisse, ibiq; hyberna egisse. Ex quibus uerbis intelligi potest, aut utrumque consulem triumphasse, aut neutrum.

DE COS. AN. CDXL.

L. Papirius quintum, C. Iunium cos. in hunc annum edit Diodorus. Liuius autem, & Cassiodorus L. Papirium Curforem *v.* C. Iunium Bubulcum *ii.* Horum etiam consulum meminit Festus lib. *xviii.* Triumuii, inquit, M. Valerius Coruinus, D. Iunius Scæua, P. Fuluius Longus ex senatus consulto idibus Ian. L. Papirio Curfore, C. Iunio cos. intelligit autem triumuiros, qui hoc anno missi sunt ad colonias deducendas Interamnam, & Cæsimum. Qua de re etiam Liuius.

De C. Pœtelio Libone dictatore.

C. Pœtelius dictator cum M. Foslio magistro eq. à consulibus exercitum accepit. Nola siue à Pœtelio dictatore, siue ab C. Iunio consule (nam utrumque traditur) capta est. Qui captæ decus Nola ad consulem trahunt, adijiciunt Atinam, & Calatiam ab eodem captas. Pœtelium autem pestilentia orta clauis figendi causâ dictatorem dictum. Ita Liuius. à quo Capitolinæ tabulæ in eo tantum dissentiant quod pro M. Foslio magistro eq. M. Pœtelium Libonem, neque clauis figendi, sed rei gerendæ causâ creatum dictatorem produnt.

DE COS. AN. CDXLI.

M. Valerius Maximum, P. Decium consules insequutos esse Liuius, M. Valerium, P. Decium Cassiodorus scribunt. Meminit etiam horum Frontinus de aquæductibus. Appia aqua (inquit) M. Valerio Maximo, P. Decio Mure consulibus inducta est annos triginta post initium belli Samnitici. P. Decium Murem post vocat Liuius.

Commentarius in fastos

De C. Sulpicio Longo dictatore.

ALTERO consule in Samnio reliquias belli persequente P. Decius qui grauer æger Romæ restiterat, auctore senatu ad belli Etrusci famam dictatorem C. Iunium Bubulcum dixit. Neutri tamen finibus egressi. Ita Liuius. at Capitolini dictatorem C. Sulpicium Longum, magistrum eq. C. Iunium Bubulcum edunt. ex quo intelligi potest mendum esse apud Liuium, & librarium præterito C. Sulpicio ad C. Iunium transcendisse. itaque apud Liuium legendum esse. P. Decius dictatorem C. Sulpicium, is magistrum eq. C. Iunium Bubulcum dixit.

De censoribus, & lustro XXVI.

CENSORES in eundem annum produnt Liuius Ap. Claudium Crassum, cui postea cognomen Cæcus fuit, & C. Plautium. Capitolini scriptores Ap. Claudium Cæcum, C. Plautium Venocem. Ap. Claudij censoris meminit etiam Eutropius, Cassiodorus, Frontinus, & Cicero in Catone. Ap. Claudius Cæcus, inquit, censor ante superiorem consulatum fuit. & Diodorus: Appius cum magistratu se abdicasset, & senatus inuidiam caueret, se cæcum esse simulauit, & domi mansit. De cæcitate autem eius sic Liuius. Quia Appio auctore gens Potitia, cuius ad aram maximam Herculis familiare sacerdotium fuerat, seruos publicos ministerij delegandi causa solennia eius sacri docuerat, memori deum ira post aliquot annos Appium tradunt luminibus captum. C. Plautium Venocem appellatum scribit Frontinus lib. 1. ob inquisitas aquæ venas. quæ aqua ab Ap. Claudio collega in urbem perducta Claudia nominata est. Eosdem censores lustrum **XXVI** fecisse scriptum est in tabulis Capitolinis. quod lustrum miror à Liuiio esse præteritum.

De triumpho M. Valerij Maximi cos. de Samnitibus.

EODEM anno M. Valerium consulem reliquias belli in Samnio persequutum esse, P. Decium ægrotasse prodit Liuius. sine ulla cuiusquam triumphus mentione. at uero in Capitolinis tabulis extat, M. Valerium de Samnitibus triumphasse. Itaque nescio, unde acceperit is, qui scripsit de uiris illustribus, P. Decium Decij F. primo consulatu de Samnitibus triumphasse, & spolia Cereri consecrasse. presertim uero cum Decium hoc anno ægrotasse Liuius scribat, nec inter Capitolinos Decianus ullus triumphus relatus sit.

DE COS. AN. CDXLII.

CONSULES reperio hoc anno apud Liuium, & Cassiodorum C. Iunium Bubulcum **III**, Q. Aemilium Barbulam **II**. apud Diodorum C. Iunium, Q. Aemilium. Eadem nomina sunt etiam in Capitolinis, quæ apud Liuium. Iunio Samnites, Amilio Etrusci obuenerunt.

*De triumphis C. Iunij Bubulci cos. **III**. de Samnitibus.
Q. Aemilij Barbule cos. **II**. de Etruscis.*

C. IUNIVM Bubulcum consulem de Samnitibus, Q. Aemilium de Etruscis triumphasse, quod extat in Capitolinis tabulis, mihi probatur, quanquam! conuiiente in tantæ rei mentione Liuius, quia Iunium in Samnitibus, Aemilium in Etruscis prospere rem gessisse, Cluuiam, & Bouianum in Samnio captum, Sutrium in Etruria oppugnatum scribit.

DE COS. ANN. CDXLIII.

C. MARCIUS Rutilus, Q. Fabius consules in hunc annum sunt apud Liuium. apud Cassiodorum C. Marcius Rutilus, Q. Fabius **II**. apud Diodorum C. Marcius, Q. Fabius iterum. in lapide Capitolino Q. Fabius Maxim. Rullian. **II**. C. Marcius Rutilus, qui postea Cenforinus in secunda censura anno **CDXCVIII** appellatus est. Filius autem fuit (ut ait Liuius in anno **CDLIX**) C. Marcij eius, qui dictator primus de plebe iniussu senatus triumphauit anno **CDXCVII**.

De L. Papirio Cursore dictatore $\overline{\text{II}}$. anno CDXLIII,
& triumpho eius de Samnitibus.

Hoc loco annum interponunt Capitolini scriptores, quo L. Papirius Cursor $\overline{\text{II}}$. dictator cum C. Iunio Bubulco $\overline{\text{II}}$ magistro equitum summæ rerum sine consulibus præfuerunt. quem annum transcendit Liuius. scribit enim L. Papirium Cursorem cum C. Iunio Bubulco magistro eq. Fabio, & Marcio consulibus dictum, quod res non satis prospere à C. Marcio consule in Samnitibus essent gestæ. Liuium sequitur & Diodorus, & Cassiodorus. nam superioribus consulibus Q. Fabium $\overline{\text{III}}$, P. Decium $\overline{\text{II}}$. consules suggerunt. L. Papirium autem Cursorem dictatorem de Samnitibus triumphasse tradit Liuius ille quidem, sed triumphum tamen eius in annum refert eum, quo Fabius, Marciusq; consules fuerunt. quem hoc anno actum esse pitolini scriptores memoriæ prodiderunt.

De triumpho Q. Fabij Maximi pro cos. de Etruscis.

LIUIVS item Fabium in consulatu de Etruscis triumphasse scribit. cum in Capitolinis tabulis cum hoc anno pro consule triumphasse traditum sit. scriptor etiam libri de viris illustribus Q. Fabium iterum de Samnitibus triumphasse testatur. Hoc anno Fabius trans Ciminiam syluam profectus ad Perusiam ita opes Etruscorum fregit, ut à Perusia, Crotona, & Arretio legati pacem petentes uenerint, atque inducias in triginta annos petierint, & impetrarint. Perusini induciarum fide rupta à Fabio uicti urbem dediderunt.

DE COS. AN. CDXLV.

FABIO continuatum consulatum ob egregiæ domitam Etruriam, eüdemq; Decio collegam datum prodit Liuius. Cassiodorus consules Q. Fabium $\overline{\text{III}}$, P. Decium $\overline{\text{II}}$ profitetur. Diodorus P. Decium, Q. Fabium. Capitolinæ tabulæ P. Decium Murem $\overline{\text{II}}$, Q. Fabium Maximum Rullianum $\overline{\text{III}}$. Decius in Etruscis rem gessit, Fabius è Samnio ad Umbros mouentes se contulit, eosq; ad deditionem compulit.

DE COS. AN. CDXLVI.

DEINCEPS sequutos consules Ap. Claudium, & L. Volumnium prodit Liuius, Cassiodorus, & Diodorus. Ap. Claudium Cæcum, L. Volumnium Flammam Violensem lapis Capitolinus. Ap. Claudium bis post censuram consulatum gessisse auctor est Cicero in Catone. Eundem etiam cenforem petijisse consulatum, comitiâq; eius ab L. Furio tribuno pl. interpellata, donec censura se abdicauit, se in quibusdam annalibus repperisse fatetur Liuius. Fabius proconsole cum Samitibus rem gerit, Volumnius consul cum nouis hostibus Sallentinis.

De censoribus, & lustro XXVII.

Hoc anno censores M. Valerium Maximum, & C. Iunium Bubulcum lustrum xxvii condidisse extat in fastis Capitolinis. Liuius scripsisse satis fuit, ædem Salutis à C. Iunio Bubulco cenfore locatam, quam consul bello Samnitium uouerat. ab eodem, collegaq; eius M. Valerio Maximo censoribus uias per agros publica impensa factas. quod etiam notauit Cassiodorus.

DE COS. AN. CDXLVII.

CONSULES in hunc annum edunt P. Cornelium Aruinam, Q. Marcium Tremulum Liuius, & Cassiodorus. Q. Marcium, P. Cornelium Diodorus. Q. Marcius ex triumpho huius anni Capitolino descriptus est. P. Cornelius ex censura Capitolina anni cdlix . Horum etiam consulum vestigia apparent in consulatu Capitolino. P. Cornelius in Samnitibus rem prospere gerit, Q. Marcius in Hernicis.

De P. Cornelio Scipione Barbato dictatore.

DICTATOREM idem annus habuit P. Cornelium Scipionem cum magistro eq. P. Decio Mure.

Commentarius in fastos

Mure. ab ijs propter quæ creati erant comitia consularia habita, quia neuter consulum potuerat bello abesse. Hæc Liuius. Scipio Barbatus Cornelij, Mus Decij cognomina extant etiam in fragmento Capitolinæ dictaturæ. Liuius quoque Cornelij Barbatum pont. Max. post meminit.

De triumpho Q. Marcij Tremuli cos. de Hernicis.

Q. MARCIUS, cui bellum Hernicorum Anagninorum decretum erat, Hernicos trinis castris intra paucos dies exiit, & gentem in deditionem accepit, ac de Hernicis triumphans in urbem redijt, statuaq; ei equestris in foro decreta est, quæ ante templum Castoris posita fuit. vt ait Liuius. quem triumphum etiam inter Capitolinos inuenimus. Itaque Plinius etiam lib. xxxiii sic scriptum reliquit. Ante ædem Castoris fuit Q. Marcij Tremuli statua equestris togata, qui Samnites bis deuicerat, captaq; Anagnia populum stipendio liberauerat. & Cicero Philipp. vi. In foro L. Antonij statuam uidemus, sicut illam Q. Tremuli, qui Hernicos deuicit, ante Castoris.

DE COS. AN. CDXLVIII.

L. POSTUMIUM, Ti. Minucium consules subijciunt Liuius, Cassiodorus, & Diodorus. Hos consules Piso Q. Fabio, & P. Decio suggerit biennio exempto, quo Claudium, Voluminiumq; & Corneliū cum Marcio consules factos esse tradidimus, memoria ne fugerit in annalibus digerendis, an consulto binos consules falsos ratus transcenderit, incertum est. Liuius. Addit idem: Minucium consulem in Samnites profectum cum vulnere relatum in castra mortuum quidam auctores sunt, & M. Fuluium consulem in eius locum suffectum. In hoc collegio Ti. Minucius Augurinus locum obtinet plebeij consulis. argumento est, quod in eius demortui locum Fuluius plebeius suffectus sit. Minucij enim Augurini, patricij cum essent, ad plebem se contulerunt. auctor fuit L. Minucius tribunus pl. undecimus anno cccxi. teste Liuius, & Plinio. L. Postumius descriptus est ex secundi consulatus triumpho anni cdlix. hoc etiam anno Megellum Postumij cognomen, & Tiberium Minucij, Marcum Fuluij prænomena edit fragmentum Capitolinum. Fuluij cognomina fuerunt Curuus Pætinus. vt scriptum est in triumpho eius.

De triumpho M. Fuluij cos. de Samnitibus.

CONSULES Minucius, & Postumius in Samnites profectos Bouiano capto magna gloria rerum gestarum triumphasse ait Liuius ille quidem, sed ab alijs tamen traditum addit, Minucium consulem cum vulnere in castra relatum mortuum, & M. Fuluium in eius locum suffectum Bouianum cepisse. quos auctores qui triumphos Capitolinos descripserunt, sequuti sunt, presertim cum duorum consulum triumphos reticuerint, tertium M. Fuluij Curui Pætini consulis de Samnitibus adscripserint.

DE COS. AN. CDXLIX.

CONSULES insequuti sunt P. Sulpicius Sauerrio, P. Sempronius Sophus. auctores Liuius, & Cassiodorus. apud Diodorum P. Sulpicius, P. Sempronius. Horum consulum meminit Plinius lib. xxxi. Annulos, inquit, quoque depositos à nobilitate in annales relatum est, non à senatu vniuerso. Hoc actū P. Sempronio Longo, P. Sulpicio cos. anno urbis conditæ cdlix. Hi consules ex triumphis eorum Capitolinis descripti sunt. in consulatu enim tantum extat cognomen Sempronij, Sophus, & prænomen Sulpicij, Publius.

De censoribus, & lustro XXVIII.

CENSORES in hunc annum una cum Capitolinis tabulis conijcit Liuius P. Decium & Q. Fabium. De Fabio autem ita tradit. Fabius simul concordiae causa, simul ne humillimorum in manu comitia essent, omnem forensē turbam excretam in quatuor tribus coniecit, urbanasq; eas appellauit. adeoq; eam rem acceptam gratis animis ferunt, ut Maximi cognomen, quod tot uictorijs non pepererat, hac ordinum temperatione pareret. Eandem causam tradit etiam Plutarchus in Pompeio, & Valerius lib. ii. cap. i. ubi horum censorum meminit. De censura, & cognomine Fabij idem est in lib. de uiris illustr. Cum autem Maximus in hoc honore dictus sit, mirum videtur, cur in prioribus magistratibus hoc cognomine à Liuius, & à Capitolinis scriptoribus affectus sit.

*De triumphis P. Sempronij Sophi cos. de Aequis.
P. Sulpicij Sauerionis cos. de Samnitibus.*

P. SEMPRONIUM consulem de Aequis, P. Sulpicium de Samnitibus triumphasse uideo scriptum esse in Capitolinis tabulis. Quæ res est mihi admirationi. Etenim Liuius hoc anno Samnitibus petentibus fœdus antiquum esse redditum tradit, ambos autem consules in Aequos profectos eorum nomen prope ad internecionem deleuisse, deq; ijs triumphatum esse. verba eius hæc sunt. Eo anno cum Samnium exercitus Romanus P. Sempronio consule benigne præbito comœatu peragrasset, fœdus antiquum Samnitibus petentibus redditum. Ad Aequos inde per multos annos sub specie infidæ pacis quietos uersa arma, quod Samnitibus auxilia miserant, & post etiam ad eos descuerant. consules ambo ad singulas urbes circumferendo bello xli oppida intra dies lx omnia oppugnando ceperunt, nomenq; Aequorum prope ad internecionem deletum. de Aequis triumphatum.

DE COS. AN. CDL.

L. GENUCIUM, Ser. Cornelium consules in hunc annum suggerunt Liuius, Cassiodorus, & Diodorus. Cornelio cognomen Lentulum adijciunt Capitolini scriptores. Genucio, Auentinensem ipse addidi, quod Genuciæ gentis plebeia cognomen esse comperi. Ne Romani prorsus imbellem gererent annum parua expeditio in Umbria facta est. quod nunciabatur ex spe lunca quadam excursionis armatorum in agros fieri. fumo, ac pauore ad duo millia armatorum ruentia nouissime in ipsas flammæ, dum euadere tendunt, absumpta.

DE COS. ANN. CDLI.

CONSULES hoc anno nominat Liuius M. Liuium, C. Aemilium. Cassiodorus M. Liuium, L. Aemilium. Diodorus M. Liuium, M. Aemilium. De prænomine Aemilij credo potius Diodoro, quàm ceteris. præsertim uero cum apud Liuium mentio sit anno sequenti M. Aemilij Pauli magistri eq. quem eundem cum hoc consule esse duxi. M. Liuius Denter scribitur in fastis Capitolinis. quod cognomen Liuijs adijcit etiam alio loco Liuius. Cuspiniani item liber Denter, & Paullum tanquam horum cognomina consulum edit.

De C. Iunio Bubulco dictatore, & triumpho eius de Aequis.

C. IUNIUM Bubulcum dictatorem cum magistro eq. M. Titinio rei gerendæ causa in hunc annum creatum prodit Liuius. Eius etiam dictatoris cognomina extant in Capitolinis tabulis, Bubulcus Brutus. Hac autem de re sic Liuius. Redintegratum Aequorum bellum tantum terrorem Romæ fecit, quia uix credibile erat tam affectis rebus solos per se Aequos ad bellum cohortos, ut tumultus eius causa dictator diceretur C. Iunius Bubulcus cum M. Titinio magistro equitum. profectus, primo congressu Aequos subegit, ac die octauo triumphans redijt, ædemq; Salutis, quam consul uouerat, censor locauerat, dictator dedicauit. Hic idem secundus Bruti triumphus etiam inter Capitolinos relatus est.

De dictatoribus duobus anno CDLII.

CUM fastos Capitolinos perficerem, in multos incidi locos obscuros, atque difficiles, sed nullus alius æque mihi difficilis, & obscurus uisus est, atque hic ipse, quem nunc tracto. In quo uideo Liuium à Capitolinis fragmentis dissentire. & quia manca admodum ea fragmenta sunt, quo modo, & qua de causa dissentiant, satis assequi coniectura non possum. Recitabo primum uerba Liuij, deinde quid ipse de ijs iudicem, indicabo. Multiplex, inquit, deinde exortus terror. Etruriam rebellare nunciabatur. Itaque propter eum tumultum dictus M. Valerius Maximus dictator, magistrum equitum sibi legit M. Aemilium Paullum. Id magis credo, quàm Q. Fabium Maximum ea ætate, atque eis honoribus Valerio subiectum. Ceterum ex Maximi communi cognomine ortum errorem haud abnuerim. & paulo infra. Prælio ab dictatore commisso fractæ iterum Etruscorum opes. dictator triumphans in urbem redijt. consul ex dictatura factus M. Valerius. Non petentem, atque adeo absentem etiam creatum credidere quidam. Et per

Commentarius in fastos

per interregem ea comitia facta. Id unum non ambigitur, consulatum cum Appuleio Pansa gef-
fisse. Hæc ille. In his uerbis primum addubito, an eodem anno M. Valerius hic dictator fuerit,
quo C. Iunius Bubulcus, an alio, atque alio. neque enim Liuius hæc aperte distinguit. Hos igitur,
etiam si contra alij sentiant omnes, dicimus non eodem anno fuisse, verum annum interij-
ciendum esse censemus, duabus de causis. primum ut constet ratio annorum, qui notati sunt in
fastis Capitolinis. Nam si C. Iunius Bubulcus dictator triumphauit anno *CDLI*, qui fieri po-
test, ut Cn. Fuluius Centumalus consul anno *CDLV* triumpharit, nisi annum hunc interfera-
mus? deinde quia fragmenta Capitolina ostendere videntur dictatorem hoc anno sine consuli-
bus fuisse. Postremo, ut constent verba Ciceronis in Catone, qui ait inter duos Ap. Cæci con-
sulatus decem annos interfuisse, qui tamen hoc exemplo nisi nouem esse reperiuntur. Hac expo-
sita quæstione sequitur altera, quæ me item maxime torquet: an vnus hoc anno, an duo dictato-
res fuerint. Ac sane, si Liuium attendamus, unum tantum dicemus fuisse, M. Valerium Maxi-
mum. sin autem Capitolinæ fragmenta, duos, Q. Fabium Maximum, & M. Valerium Coruum.
quod ita esse etiam probabimus. primum enim illæ literæ *M. F. N. N. M A X.* ad neminem alium
referri possunt, quàm ad Q. Fabium Maximum. quem *M. F. N. N.* Capitolini scriptores nun-
cupant. nam M. Valerium Maximum *M. F. M. N.* appellant. deinde vero obseruatio Capitoli-
næ scripturæ docet illam syllabam *M A X.* potius cognominis esse Q. Fabij, quàm M. Valerij.
Etenim in M. Valerio integræ scripta fuisset, cui nullum aliud cognomen addendum erat. At in
Fabio quia sequebatur etiam, *R V L L I A N V S*, compendiosa scriptura opus fuit. Accedit, quod
Liuius ait, annales aliquot pro M. Aemilio Q. Fabium Maximum magistrum eq. prodere, se au-
tem putare ex communi Maximi cognomine natum esse errorem. Quæ verba absurdam conti-
nebunt sententiam, si ea ita, ut scripta sunt, interpretabimur. quo enim modo commune Maxi-
mi cognomen fuerit in Aemilio Paulo, & Q. Fabio non video. Itaque disceptationem eam po-
tius fuisse arbitror, an M. Valerius Maximus, an Q. Fabius Maximus dictator fuerit, eamq; ut
ille ait ex communi Maximi cognomine esse ortam puto. Quapropter Q. Fabium Maximum po-
tius, quàm M. Valerium Maximum dictatorem fuisse credendum est. At vero quis alter fuerit di-
ctor in disquisitionem uenire merito potest. Ac certe æquum uideri plerisque posset, ut quo-
niam M. Valerium Maximum uel inuito fortasse Liuius ex priore dictatura deiecimus, ei saltem
alteram relinqueremus. Quod ne fieri quidem etiam posse ostendo. Primum autem, quod ad
illas literas attinet, quæ in Capitolino fragmento sunt. *M. F. M. N.* sciendum est illas referri
promiscue posse ad duos uirtute hoc maxime tempore florentes uiros, M. Valerium Maximum,
& M. Valerium Coruum. utrunque enim eorum *M. F. M. N.* Capitolinæ tabulæ nominant. at
vero fragmentum triumphii hoc anno acti omnino Valerium Maximum respuit, Valerium Co-
ruum patitur, & probat. in quo est ita. *= I V. D I C T. I I. D E. =* significat autem M. hunc
Valerium, cuius triumphus describebatur, quartum triumphasse, iterum dictatorem fuisse.
Quæ cum nullo modo transferri possint ad Maximum, Coruo quidem ita conueniunt, ut ne-
aptius quidem possint. Hic enim semel ante dictator fuit, ter triumphauit. Maximus autem num-
quam ante dictator, semel triumphauit. deinde cum Liuius addat M. Valerium ex dictatura con-
sulem factum cum Q. Appuleio, qui uero cum Q. Appuleio factus sit, is M. Valerius Coruus sit,
profecto qui dictator est, eum Coruum esse, non Maximum necesse est. Quod autem Coruus
cum Q. Appuleio consul fuerit, paulo post apertius ostendam. Ergo cum M. Valerius Coruus
dictator fuerit, magistrum autem equitum habuerit, nec is, qui fuerit, constet, ego coniectura
usus ex illis syllabis, quæ sunt in fragmento Capitolino, accepta. *O N I V S. P. Sempr O N I V M*
Sophum esse ratus sum. cuius nomen per hæc tempora fuit celeberrimum. Quæ autem de duo-
bus dictatoribus hoc anno, Coruo, & Fabio Maximo scripsi, ea confirmantur etiam auctorita-
te ueteris libri Cuspiniani. in quo est ita.

DENTRE, ET PAULO.

CORVO II. ET RULLIANO.

CORVO V. ET PANSA.

Nam Denter, & Paullus consules sunt, quibus subiecti sunt in annum vnum duo dictatores
Coruus II. & Rullianus. uel vnus dictator Coruus cum magistro eq. Rulliano. deinceps in
tertium annum sequuntur consules Coruus V, & Pansa. neque uero Coruus consul esse potest
cum Rulliano, quia nec id traditur: neque II, sed V esset scribendus. Ex his quæ dixi apparet
eos, qui fragmenta Capitolina ordinarunt, non recte hoc fragmentum disposuisse, cum superio-
ri fragmento anteposuerint.

De triumpho II M. Valerij Corui dict. II. de Etruscis.

Hoc anno prælio fractæ iterum Etruscorum opes. pax negata. induciæ biennij datæ. dictator M. Valerius Maximus triumphans in urbem redijt. habeo auctores, sine ullo memorabili prælio pacatam ab dictatore Etruriam esse. Liuius. Huius triumphi uestigia, quæ dixi, in Capitolinis tabulis extant. tribuitur autem (vt ostendi) M. Valerio Coruo dictatori, non Maximo.

DE COS. AN. CDLIII.

LIVIVS, & Cassiodorus M. Liuius, & M. Aemilio consulibus consules suggerunt M. Valerium, & Q. Appuleium Pansam. M. autem Valerium Maximum uidetur intelligere Liuius, quod eum ex dictatura consulem factum ait. Dictatorem autem M. Valerium Maximum aperte scribit. nos autem ut ante pro Maximo Coruum dictatorem scripsimus, sic hoc etiam loco Coruum consulem, non Maximum facimus. primum ut Corius nunc sit consul quintum apud Liuium, cum anno sequenti certum sit, eum VI esse. deinde quia liber Cuspiniani id etiam affirmat, in quo est, quod ad hunc annum pertinet. CORVO V, & PANS A. Valerius bellum haud memorabile aduersus rebellantes Aequos gessit. Appuleius in Vmbria Nequinum oppidum circumsedit.

DE COS. AN. CDLIIII.

IN hunc annum consules profitentur Liuius, Cassiodorus M. Fuluium Pætum, T. Manlium Torquatum. Liuius Q. Fabium consulatum sibi non petenti oblatum ait recusasse. T. Manlium Torquatum puto esse filium T. Manlij Torquati, quem pater T. Manlius, quod iniussu suo pugnauerat, interfecit. M. Fuluius Pætinus ex triumpho Capitolino descriptus est. Ceterum T. Manlio consuli Etruria, quæ aduersus inducias bellum parabat, euenit. is autem vix dum ingressus hostium fines cum exerceretur inter equites ab rapido cursu circumagendo equo effusus extemplo prope expirauit. tertius ab eo casu dies finis uitæ fuit. M. Valerium consulem omnes centuriæ dixere, quem senatus dictatorem iussurus erat. Hæc Liuius. M. autem Valerium Coruū intelligit. uideo enim scriptum esse apud Plutarchum in Mario, Valerio Coruo soli ad hanc diem sextum consulatum fuisse delatum. Cicero præterea in Catone, Plin. lib. VII, Valerius lib. VII auctores sunt, Valerium Coruum ad centesimum annum uitam perduxisse, atque inter primum, & sextum eius consulatum XLVI annos interfuisse. quanquam Plutarchus XLV scribit. Idem hoc anno aduersus Etruscos missus hostes elicere ad certamen non potuit.

De censoribus, & lustro XXIX.

DE censoribus, & lustro hoc anno condito sic Liuius. Et lustrum eo anno conditum à P. Sempronio Sopho, & P. Sulpicio Sauerione. tribusq; additæ duæ Anienis, & Terentina. Hoc lustrum XXX esse ex XXX, quod proxime sequitur, intelligi potest.

De triumpho M. Fuluij Pæti cos. de Nequinatibus.

M. FVLVIUM consulem de Samnitibus, Nequinatibusq; triumphasse cum incisum sit in Capitolinis tabulis, miror esse à Liuius prætermisum. Etenim eum Nequinum cepisse, & exercitum cum magna præda Romam deduxisse tantum ascribit. Samnites ille hoc etiam anno quiesuisse intelligit ex fœdere icto anno CDLIX.

DE COS. AN. CDLV.

DEINCEPS Cn. Fuluium, & L. Cornelium Scipionem consules prodit Cassiodorus, & Liuius. Cn. Fuluius ex triumpho Capitolino descriptus est. L. Cornelium Scipionem patrem esse arbitror L. Cornelij L. F. Cn. N. Scipionis consulis anno CDXCIII.

De triumpho Cn. Fuluij Centumali cos. de Samnitibus, & Etruscis.

CN. Fuluium Centumalum consulem de Samnitibus, & Etruscis triumphasse reperio scriptum

Commentarius in fastos

ptum in Capitolinis tabulis. Quod admirationem mouere potest, quia Liuius à Scipione consule rem in Etruscis gestam scribit, nulla triumphus eius facta mentione. Cn. autem Fuluium bene gesta de Samnitibus triumphasse, quibus bellum indictum erat, quod Lucanis socijs Ro. quos ad societatem armorum perlicere non possent, arma intulerant, ac fines eorum populi erant.

DE COS. AN. CDLVI.

Hic annus consules habuit Q. Fabium Maximum IIII. P. Decium Murem III. Porro autem Q. Fabium non petentem, ac recusantem consulem factum scribit Liuius. Eadem nomina sunt etiam apud Cassiodorum. Samnites cum Etruscis arma coniunxisse fama fuit. Etruscis autem quiescentibus cum Samnitibus ab utroque consule prospere pugnatum est.

DE COS. AN. CDLVII.

L. VOLUMNIVS de plebe, Ap. Claudius ex patribus consul in hunc annum factus. qui priore consulatu inter se item comparati fuerunt. Liuius, & Cassiodorus. Cicero etiam in Catone auctor est, inter duos Ap. Cæci consulatus annos decem interfuisse. Hoc anno Fabius, & Decius prorogato in sex menses imperio multa Samnitum oppida ceperunt. sunt tamen quidam qui nouorum consulum eam gloriam faciant, alij non amborum, sed alterius L. Volumnij, cui Samnium prouincia euenerat. is certe in Samnio, atque in Etruria, cum ad Claudium collegam se cum exercitu contulisset, prospere pugnauit.

DE COS. AN. CDLVIII.

DEINCEPS subsequutos consules esse Q. Fabium V, P. Decium IIII, qui iam duobus consulatibus, & censura collegæ fuerat auctor est Liuius, & Cassiodorus. Quorum consulum meminit etiam in an. DCCCIX Liuius, cum ait. Referebant senes sic Maximum Rullum cum P. Decio ad bellum Gallicum consules declaratos. Valerius lib. v. Fabium Rullianum V consulem memorat. Plutarchus hunc Q. Maximi cunctatoris *ποροπαπρον* uocat, & quinquies consulem fuisse, & triumphos clarissimos egisse. Liuius à M. Valerio, A. Cornelio cos. hunc esse annum XLVI ait. in quo à nostra supputatione discedit.

De deuotione P. Decij cos. IIII, & triumpho Q. Fabij Max.
de Samnitibus, Etruscis, & Gallis.

Hoc anno consules Q. Fabius, & P. Decius ad bellum profecti sunt, quod Samnites, Galli, Etrusci, & Umbri, collatis armis, grauissimum inferebant. cum autem audissent apud hostes Samnitibus, & Gallis delegatam pugnam, inter ipsum certamen Etruscos, Umbrosque castra Romana oppugnare iussos, Cn. Fuluius, ut ex Falisco, L. Postumio, ut ex Vaticano agro exercitum ad Clusium admovent, summaque ope fines hostium depopulentur, scribunt. Ita Etruscis ad suos fines tutandos reuocatis, Samnites, Gallosque in agro Sentinati iusto certamine prouocant. in quo cum equitatus Romanus à Gallis, quibus oppositus erat Decius, in fugam uerteretur, Decius exemplum patris sequutus, qui bello Latino ad Veserim se pro populo Rom. deuouerat, adhibito M. Luio pontifice, pariter se deuouit, & morte sua populo R. uictoriam tradidit. Fabius castris Samnitum captis, atque Egnatio hostium duce interfecto, Gallos à tergo circumuentos cecidit. Hæc Liuius, qui idem paulo post adijcit, ita. Magna eius diei, quo in Sentinati agro bellatum fama est etiam uero stanti. sed supericere quidam augendo fidem. qui in hostium exercitu peditum XL millia CCCXX, equitum sex millia, mille carpentorum scripsere fuisse, scilicet cum Umbris, Tuscisque, quos & ipsos pugnae affuisse. et ut Romanorum quoque augerent copias L. Volumnium pro consulem ducem consulibus, exercitumque eius legionibus consulum adijciunt. In pluribus annalibus duorum ea consulum propria uictoria est. Q. Fabius Deciano exercitu relicto in Etruria, suis legionibus deductis ad urbem, de Gallis, Etruscisque, & Samnitibus triumphauit, milites triumphantem sequuti sunt. De iisdem populis triumphatum esse scriptum est etiam in tabulis Capitolinis, quanquam in libro de uiris illustrib. proditum est, Q. Fabium tertio de Gallis, Umbris, Marfis, & Tuscis triumphasse nulla Samnitum facta mentione. deuotionem Decianam, & uictoriam Fabianam omnes historici, Orosius, Florus, Cicero in XI de finib. & in Catone, memoriæ mandarunt.

DE COS. AN. CDLIX.

IN SEQUENTI deinceps consules sunt L. Postumius Megellus, M. Atilius Regulus. auctor Liuius, & Cassiodorus. utrumque ex Capitolino ipso eorum triumpho descripsi. in consulatu enim tantum extant parua fragmenta cognominum Megelli, & Reguli.

De censoribus, & lustris XXX.

CENSORES hoc anno lustrum xxx condidisse scriptum est in tabulis Capitolinis. Liuius horum meminit in anno sequenti, ita. Lustrum conditum est eo anno à P. Cornelio Aruina, & C. Marcio Rutilo censoribus. Idem tamen, qui in insequentem annum lustrum reiecit, hoc anno de C. Marcio loquens patrem nominat eius, qui tunc censor erat. ex quo intelligi potest, censes hoc anno fuisse illos quidem, at postero lustrum fecisse. Idem Liuius hos censes uicesimos sextos à primis, & lustrum hoc undeuicesimum numerat. Ex quo perspicui licet, aliquot nos censes scriptoris eius incuria amisisse. Quod autem in Capitolinis tabulis hoc lustrum xxx sit, non xix, ut à Liuius scribitur, obscura causa est. Ego, nisi in numerorum notis xxi. & xix menda sit, lustra eum undecim præterire, alios sequutum annales, putauerim. Ceterum ut C. Marcius postea Censorinus appellatus sit, in secunda eius censura dicemus.

*De triumphis L. Postumij Megelli cos. de Samnitibus, & Etruscis.**M. Atilij Reguli cos. de Volsonibus, & Samnitibus.*

LIVIUS affert diuersas horum de consulum triumphis sententias. Eius à nobis uerbis expofitis, facile quid ipse, quid ceteri senserint, apparebit. Re ab ambobus consulibus in Samnitibus gesta, Atilius, inquit, comitorum causa Romam profectus est. Cui de triumpho agenti negatus honos, & ob amissa in Samnio septem millia militum & tercentos, & quod captiuos sine pactio- ne ad Luceriam in Apulia sub iugum misisset. Postumius re primum in Samnitibus, post in Etruscis bene gesta auxilio tribunorum pl. trium contra septem tribunorum intercessionem, & repugnantem senatum uix triumphauit. obstabat enim quod tardius ab urbe ualitudinis causa exisset, & quod iniussu senatus ex Samnio in Etruriam transisset. Huius tamen anni parum constans memoria est. Postumium auctor est Claudius in Samnio captis aliquot urbibus, in Apulia fufum, fugatumque saucium ipsum cum paucis Luceriam compulsum, ab Atilio in Etruria res gestas, eumque triumphasse. Fabius ambos consules in Samnio, & ad Luceriam res gessisse scribit, traditumque in Etruriam exercitum. sed ab utro consule non adiecit. & ad Luceriam utrinque multos occisos. Hæc Liuius. ex Capitolinis tabulis apparet L. Postumio de Samnitibus, & Etruscis, M. Atilio de Volsonibus, & Samnitibus triumphum esse decretum. ita ut ille & in Samnio, & in Etruria, hic & in Samnio, & in Apulia ad Luceriam (hos enim Volsones vocat) rem gesserit.

DE COS. AN. CDLX.

IN hunc annum consules fuerunt L. Papirius Cursor, & Sp. Caruilus, auctore Liuius, & Cassiodoro. lapis Capitolinus Papirij L. F. Sp. N. Cursoris meminit. quem Papirium Liuius L. Papirij Cursoris quinquies consulis filium tradit. de quibus sic Plinius lib. vi. Princeps Romanis solarium horologium statuit ante duodecim annos, quam cum Pyrrho bellatum est, ad ædem Quirini L. Papirius Cursor, cum eandem dedicaret à patre suo uotam, ut à Fabio Vestali proditur. Sp. Caruilij Q. F. Maximi meminit Liuius in anno cdlv, in quem annum eum ædilem curulem profectur. Ita etiam Capitolinæ tabulæ. Eundem scribit Velleius lib. i. equestri loco natum, & nouum hominem ad summos honores populi Ro. suffragijs peruenisse.

De triumphis L. Papirij Cursoris, et Sp. Caruilij Max. consulum de Samnitibus.

HOC anno L. Papirius cos. Samnitium exercitum, qui iureiurando obstrictus, quo maiore constantia uirtutis pugnaret, ad bellum uenerat, fudit, atque ingentem uictoriam peperit. Itaque de triumpho eius sic subiicit Liuius. Papirius consul de Samnio exercitum deduxit. uenienti Romam triumphus omnium consensu delatus est. triumphauit in magistratu insigni, ut illorum temporum erat, triumpho. Idem triumphus est etiam inter Capitolinos. De Caruiliiano autem

Commentarius in fastos

triumpho ita Liuius. Sp. Caruilius re primum in Samnitibus, post in Etruria bene gesta, Faliscis annuis inducijs datis ad triumphum decessit, ut minus clarum de Samnitibus, quàm collegæ triumphus fuerat, ita cumulo Etrusci belli æquatum. de eodem sic Plinius lib. xxxiii. Fecit & Sp. Caruilius Iouem, qui est in Capitolio uictis Samnitibus sacrata lege pugnantis. Eundem Sp. Caruilius de Samnitibus triumphasse incisum est in tabulis Capitolinis.

DE COS. AN. CDLXI.

INSEQUENS annus consules habuit teste Liuius, et Cassiodoro Q. Fabium Gurgitem, Iunium Brutum Scæuam. Q. Fabius Gurges Q. Maximi quinquies consulis filius est. auctor Liuius, Plinius lib. vii, Cap. tabula in secundo huius triumpho. Iunium Brutum Liuius, Cassiodorus Decimum Iunium Brutum nominant. filius, ut puto, fuit D. Bruti Scæuæ cos. ann. cdxix. Fabius consul male cum Samnitibus pugnavit. Bruti prouincia apud Liuium excidit.

DE COS. AN. CDLXII.

CUM ex hoc loco Liuij libri x interciderint, quem locupletissimum auctorem huius historię hucusque habuimus, iamq̃, maximis prope annalium præsidij destituti simus Dionysij, Diodori, & Liuij, nemo est, qui non intelligat, quantum nobis sit in posterum laborandum in his magistratuum, & triumphorum tabulis & confirmandis & perficiendis. Itaque ab hinc Cassiodoro in primis auctore utemur in annis per consules digerendis. neque vero interea, si quid ab alijs nobis adiumenti suppeditabitur, rejiciemus. in hunc igitur annum creatos consules esse L. Postumium, & C. Iunium scribit Cassiodorus. eiusq̃, meminit Liuius lib. xxvii. L. Postumius Megellus Interrex (inquit) ijs comitijs, quæ ipse habuit cum C. Bubulco creatus est. L. Postumius ex binis superioribus consulatibus descriptus est. C. Iunius filius est, ut puto, C. Iunij C. F. C. N. Bruti Bubulci consulis anno cdxl. Aesculapij signum ab Epidauro Romam his (ut opinor) consulibus translatum. de quo in epitoma xl, & apud Valerium de miraculis. Q. Fabio prorogatum in Samnites imperium. Consulibus quæ prouinciæ obuenerint, obscurum est. Postumius certe quietam sortitus esse uidetur prouinciam, quod milites in agris colendi causa habuerit. qua de re sequenti anno damnatus est. sic enim scriptum est in epitoma eadem. L. Postumius consularis, quoniam cum exercitui præfesset, opera militum in agro suo usus esset damnatus. et apud Suidam. Postumius duobus consulatibus, & generis splendore elatus, cum collegam plebeium esset nactus, in eum superbius se gessit, & milites in agro habuit. collegam autem, ut puto, plebeium intellexit Brutum.

De triumpho Q. Fabij Gurgitis pro cos. de Samnitibus.

Hoc anno, qui est annus ab urbe condita cdxii Maximum triumphasse fragmenta Capitolina indicant, is autem est Q. Fabius Maximus Gurges, qui priore anno consul cum fuerit, hoc anno pro cos. bello Samnitico præclare gesto triumphauit. De qua victoria omnes historici, sed maxime Orosius. Fabius Gurges consul inquit, male aduersus Samnites pugnavit. Namq̃, commisso prælio uictus in urbem refugit. Itaque cum senatus de immouendo eo deliberaret, pater Fabius Maximus ignominiam filij deprecatus legatum se filio iturum ultro obtulit. si illi depellendæ ignominia, & gerendi iterum belli facultas daretur. qua inpetrata, prælioq̃, conferto, cum subito pugnantem filium consulem insistente Pontio Samnitium duce, & infestis hostium telis conclusum uideret, in medium se agmen pius senex equo uectus intulit. quo facto permoti Romani tota ibi incubuere acie, donec ipsum ducem Pontium deleti hostili exercitu uictum oppressumq̃, ceperunt. cæsa sunt in eo prælio Samnitum xx millia, capta quatuor millia cum rege suo. tandemq̃, Samniticum bellum, quod per lxx annos multa Romanorum clade trahebatur, capti ducis destitutione finitum est. & in epitoma xl ita. Cum Fabius Gurges consul male aduersus Samnites pugnasset, & senatus de remouendo eo ab exercitu ageret, Fabius Maximus pater deprecatus hanc filij ignominiam eo maxime senatum mouit, quod iturum se filio legatum pollicitus est, idq̃, præstitit. atque eius consilij, & opera filius consul adiutus cæsis Samnitibus triumphauit. C. Pontium imperatorem Samnitium ductum in triumpho securi percussit. & Eutropius. Samnites reparato bello Q. Fabium Maximum vicerunt tribus millibus hominum occisis. postea cum pater ei Fabius Maximus legatus datus fuisset, & Samnites vicit, & plurimorum oppida cepit. Valerius lib. v. Fabius Rullianus quinq̃, consulatibus summa cum gloria peractis legatus

legatus ire Fabio Gurgiti filio ad bellum difficile, & periculosum conficiendum grauatus non est. Idem triumphantis currum equo insidens sequi, quem ipse paruulum triumphis suis gestauerat, in maxima uoluptate posuit. Quid quæ scripta sunt apud Suidam, Plutarchum in Parallelis, in Fabio proferam? de his etiam Fabijs & filio, & patre sic Valerius de institutis. Q. Fabius Maximus quinques consul uir iam pridem summæ auctoritatis & tunc vltimæ senectutis à filio consule inuitatus, ut inter se, & lictorem procederet, ne hostium Samnitium turba, ad quorum colloquium descendebant, elideretur, id facere noluit. Quod autem ille addit. Idem à senatu legatus missus ad filium consulem Sueffam; turpem eius *ἀντισημαίαν* ostendit, cum id Fabio Verucosso contigerit, non Gurgitis patri. auctores omnes. Hac uero victoria quanquam afflictæ admodum Samnitum opes sunt, non tamen confectum bellum, aut fœdus ijs hoc anno datum esse apparet ex Curiano triumpho. de quo mox dicendum est.

DE COS. AN. CDLXIII.

IN hunc annum consules edit Cassiodorus P. Cornelium Rufinū, M'. Curium Dentatū. Quorum meminit Plinius lib. v i i. cum inquit, P. Cornelius Rufus, qui cos. cum M. Curio fuit dormiens oculorum visum amisit. & Velleius primo, Sabinis, inquit, sine suffragio data ciuitas Curio, & Rufino consuiibus. Eutropius item M'. Curium Dentatum, & P. Cornelium Rufinum consules in Samnites profectos tradit. Rufini porrò consulis meminit Plutarchus in Sylla. Cicero in Catone M'. Curium consulatum quinquennio cepisse post Decij filij deuotionem scribit. P. Cornelius filius, ut puto, fuit P. Cornelij Rufini dictatoris anno c d x i x. Curium Dentatum appellatum tradit Plinius lib. v i i, quòd cum dentibus natus esset. Idem ex quarto Capitolino triumpho descriptus est.

De triumphis III M'. Curij cos. de Samnitibus, Sabinis, & Lucanis.

CONSULES ambos in Samnites profectos rem egregie gessisse scribit Eutropius, sic. Deinde P. Cornelius Rufinus, M'. Curius Dentatus consules ambo contra Samnites missi ingentibus prælijs eos confecere. tum bellum cum Samnitibus per annos x l i x gestum sustulerunt. Itaque triumphasse etiam de Samnitibus M'. Curium consulem inuenio. sic est enim in epitoma x i. Cum Samnitibus pacem petentibus fœdus quarto renouatum est. Curius Dentatus consul Samnitibus cæsis, & Sabinis, qui rebellauerunt uictis, & in deditionem acceptis bis in eodem magistratu triumphauit. Cicero etiam in Catone Curium de Samnitibus, Sabinis, & Pyrrho scribit triumphasse, sed de Pyrrho paulo post. Appuleius item apologia prima M'. Curium ter triumphum una porta egisse, de Samnitibus, de Sabinis, de Pyrrho. Plutarchus denique in Catone Curium ter triumphasse. Hoc est autem tempus, quo M'. Curius ad focum sedens aurum offerentibus Samnitibus aspernatus est, & malle se aurum habentibus imperare, quam aurum habere dixit. auctor Cicero in Catone, Plinius lib. x. cap. v. Plutarchus in Catone, & in Apophtegmatibus. quanquam Athenus aurum oblatum à Sabinis tradit lib. x. Eodem enim etiam anno res à M'. Curio consule gesta est in Sabinis. quo de bello sic Florus. Populus Ro. à Latinis aggressus est gentem Sabinorum, qui immemores facti sub T. Tatius affinitatis, quodam contagio belli se Latinis adiunxerant. sed Curio Dentato consule omnem eum tractum, qua Nar ambit, fontesq; Velini Adriatico tenuis mari igne, ferroq; uastauit. qua uictoria tantum hominum, tantum agrorum redactum in potestatem, ut in utro plus esset, ne ipse posset existimare, qui uicerat. & Orosius sic. Cum Sabinis Curio consule bellum gestum est. ubi quot millia hominum interfecta, quot capta sint, ipse consul ostendit, qui cum in senatu magnitudinem acquisiti agri Sabini, & multitudinem capti populi referre uellet, numerum explicare non potuit. De eodem Curio in Sabinis sic Front. lib. primo. M'. Curius aduersus Sabinos, qui ingenti exercitu conscripto, relictis finibus suis nostros occupauerant, occultis itineribus nianum misit, quæ desolatos agros eorum, uicosq; per diuersa incendit. Sabini ad arcendam domesticam uastitatem recesserunt. Curio contigit, & uacuos infestare hostium fines, & exercitum sine prælio auertere, sparsumq; cedere. Hac de causa Sabinis hoc anno ciuitatem datam sine suffragio scribit Velleius lib. i. Eundem Curium hoc anno cum Lucanis re bene gesta ouantem urbem inisse scriptum est in libro de uiris illustrib. sic. M'. Curius Dentatus primo de Samnitibus triumphauit, quos usque ad mare superi pacauit. regressus, in concione dixit, tantum agri cepi, ut solitudo futura fuerit, nisi tantum hominum cepissem, tantum porrò hominū cepi, ut fame perituri fuerint, nisi tantum agri cepissem. iterum de Sabinis triumphauit, tertio de Lucanis ouans introiuit urbem. Hunc autem auctorem sequutus ouationis

Commentarius in fastos

tionis etiam memini, ut cum de Pyrrho triumphauit, quartum triumphauerit, quemadmodum in Capit. eius triumpho incisum est. Hoc autem tempore bellum gestum esse cum Lucanis docet etiam epitoma *x i.* in qua sic est. Res aduersus Lucanos gestas continet, contra quos auxilium Tyrrenis ferre placuerat. significat autem Romanos Tyrrenorum causa bellum suscepisse contra Lucanos, ut ante Campanorum causa contra Samnites. Bellum autem Lucanum eodem anno quo & Tarentinum, & Samniticum, qui arma coniunxerant, est confectum.

DE COS. AN. CDLXIII.

M. VALERIUS, Q. Cædicius deinceps consulatum ineunt auctore Cassiodoro. in libro Cuspiniani peruetusto horum consulum cognomina produntur, CORVINVS, & NOCTVA. Est autem Coruius M. Valerij Corui, qui iam sexies consul fuit, sine dubio filius. Noctua, Cædicij cognomen. quem Cædicium patrem esse arbitror Q. Cædicij Q. F. Q. N. consulis anno *CDXCVI*. Hoc, ut opinor, anno triumphari capitales primum creati. de quibus scriptum est in epitoma *x i.* Per hos annos quiescentibus Samnitibus sæpius cum Vulfiniensibus, & Lucanis pugnatum, uerum quibus ducibus, aut quo euentu parum compertum est. Hoc autem indicant verba epitomæ *x i* hæc. Res contra Vulfinienses, & Lucanos gestas continet.

De censoribus, & lustro XXXI.

Hoc anno censores creatos existimauerit quispiam, vel propter spatium quinquennale, uel propter verba epitomæ *x i.* in qua post M. Curij triumphum est ita. Censui actus est. lustrum conditum. censa sunt ciuium capita *CCXIII* millia. Censores tamen qui fuerint, ne diuinare quidem licuit. lustrum (ut assolebat) sequenti, opinor, anno conditum est.

DE COS. AN. CDLXV.

CASSIODORVS consules subrogatos in hunc annum scribit, Q. Marcium, P. Cornelium, eos credo, qui anno *CDXLVI* collegæ fuerunt. quorum cognomina sunt Tremulus, & Aruina.

DE COS. AN. CDLXVI.

INSEQUENS annus consules habuit auctore Cassiodoro M. Marcellum, Sp. Nautium. Marcellum filium esse puto M. Claudij Marcelli consulis anno *CDXXI*. Sp. Nautium Sp. Nautij Sp. F. Sp. N. Rutili consulis anno *CDXXXVI*.

DE COS. AN. CDLXVII.

M. VALERIUM, C. Aelium cos. prodit in hunc annum Cassiodorus. Valerij cognomen in magna cognominum Valerianorum multitudine parum compertum. His consulibus alij Maximus, & Pætus cognomina adiiciunt, quod cur non probem nihil habeo.

De tertia secessione plebis, & Q. Hortensio dictatore.

Q. HORTENSIVM dictatorem per hos annos fuisse auctores multi sunt. quibus autem potissimum consulibus fuerit, nemo. ego autem diuinans cum in hunc annum conieci. Post lustrum enim de quo paulo ante diximus hæc verba subsequuntur in epitoma *x i.* Plebs propter æs alienum post graues, & longas seditiones ad ultimum secessit in Ianiculum, vnde à Q. Hortensio dictatore deducta est. isq; in ipso magistratu decessit. & Plinius lib. *xvi*. Q. Hortensius dictator, cū plebs secessisset in Ianiculum, legem in Esculeto tulit, ut quod ea iussisset, omnes Quirites teneret. & Augustinus lib. *iii* de ciuitate dei. Post graues, & longas Romanorum seditiones ad ultimum plebs in Ianiculum hostili diremptione secessit, cuius mali tam dira calamitas fuit, ut eius rei causa dictator creatus Hortensius sit, qui plebe reuocata in eodem magistratu expirauit, quod nulli dictatori ante contigerat. Hac de re etiam Gellius lib. *xv*. cap. *xxvi*. hæc autem lex lata ante fuerat à Q. Publilio dictatore anno *CDXIII*. sed forte non obseruata. Magistri equitum nomen, neque aliud quicquam de tanto plebis motu inuenire potui.

DE COS. AN. CDLXVIII.

CASSIODORVS consules suggerit C. Claudium, M. Aemilium. Claudij cognomen Caninam esse, Aemilij Barbulam, Caninam eundem esse, qui cos. iterum est anno CDLXXX, Barbulam fratrem L. Aemilij Q. F. Q. N. Barbulae consulis anno CDLXXII puto. cuius dictatoris fit mentio in basi statuae cuiusdam Romae in horto Cardinalis Caesi, sic. M. AEMILIUS Q. F. Q. N. BARBULA DICTATOR. fuisse autem cum etiam dictatorem per hos annos, quorum historiam amisimus, arbitror.

DE COS. ANN. CDLXIX.

C. SERVILIUM, L. Caesium cos. edit in hunc annum Cassiodorus. Caesium, puto esse mendose, pro Caecilio. Cicero enim novam gentem Caesium uocat, & paucis ante se annis consulatum adeptam pro Murena, cum ait. Quanquam ego putabam Iudices, multis uiris fortibus ignobilitas ne obijceretur, meo labore esse perfectum, qui non modo Curijs, Catonibus, Pompeijs, antiquis illis fortissimis uiris, nouis hominibus, sed his recentibus Marijs, Didijs, Caecijs commemorandis iacebant. Intelligit autem M. Curium Dentatum, M. Porcium Catonem, Q. Pompeium, C. Marium, T. Didium, C. Caesium Calpurnium, qui primi ex suis consulatum ceperunt. C. autem Caesius anno DCLIX consul factus est. L. Caecilius Metellum esse reor patrem L. Caecilij L. F. C. N. Metelli consulis anno DII. qui praetor postero anno à Gallis occisus est. Seruilius patricius est. nam cum plebeio comparatus est. ergo eius amissum est cognomen. Nam Seruilius aliquot plebeij cognomine caruerunt, patricij non item. quidam Tuccam cognomen adiiciunt.

De censoribus.

QUINQVENNIVM absolutum postulat, ut in hunc annum censores conferantur, de quibus tamen nihil acceptum est. Qui si fuerunt, lustrum certe non fecerunt. nam si fecissent, lustrum, quod est factum anno CDXCVII, esset XXXVI non XXXV in Capitolina tabula scribendum.

DE COS. AN. CDLXX.

P. CORNELIVM Dolabellam, Cn. Domitium consules suggerit Cassiodorus. Hic est Cn. Domitius Cn. F. Calpurnius, cuius aedilis curulis meminit Liuius in anno CDLV. De his consulibus latius dicetur in triumpho Dolabellae consulis.

De triumpho P. Cornelij Dolabellae cos. & bello Gallico.

BELLUM Gallicum hoc anno renouatum est. de quo, quia res est obscurior, quid reppererim, paucis exponam. Orosius. Dolabella, & Domitio consulibus Lucani, Bruttij, Samnites quoque cum Etruscis, & Senonibus Gallis facta societate cum rediuium contra Romanos bellum molirentur, Romani ad exorandos Gallos misere legatos, quos cum Galli interfecissent, Caecilius praetor ob ulciscendam legatorum necem, & comprimendum multorum hostium impetum cum exercitu missus ab Etruscis, Gallisque oppressus interijt. septem tribuni mil. caesi, multi nobiles trucidati. XIIII millia militum Romanorum ibi bello prostrata sunt. Epitoma XI. Cum legati Romanorum à Gallis Senonibus interfecti essent, bello ob id Gallis indicto L. Caecilius praetor cum legionibus ab ijs caesus est. Polybius lib. II. Post decimum annum quam cum Gallis ad Clusium pugnatum est (est autem pugnatum Q. Fabio V. consule) iidem comparato ingenti exercitu in Etruria Arretium obsident. Romani, cum Arretinis auxilio uenissent, non longe ab urbe acie conflixerunt. in qua pugna superati sunt Lucio praetore amisso. M. Curium in eius locum suffecere. Hic statim legatos in Galliam ad redimendos captiuos misit, quos uiolato iure gentium Galli interfecere. Itaque nouo delectu habito Romani in Galliam penerant. Quibus cum Senones Galli occurrerent, magno praelio uicti sunt. ijsque ex regione pulsus Romani Senam urbem eorum coloniam deducunt. Boij autem cum deletos Senonas intelligerent, & suis rebus timerent aduocatis Etruscis exercitum aduersus Romanos eduxerunt, atque ad lacum Vadimonis congressi plerisque Etruscis caesis ipsi uix euaferunt. Eutropius. Interiectis aliquot annis iterum se Gallorum copiae contra Romanos Tusci, Samnitibusque iunxerunt. sed cum Romam tenden-

ren-

Commentarius in fastos

rent à P. Cornelio Dolabella consule deletæ sunt. & Florus. Post aliquot annos omnes reliquias Gallorum in Etruria ad lacum Vadimonis Dolabella deleuit, ne quis extaret in ea gente, qui incensam à se Romam urbem gloriaretur. Eandem Gallorum cladem expresse Augustinus de ciuitate dei lib. III. cap. xv. L. Cæcilius prætor, ut puto, anno post consulatum fuit, ut Ap. Claudius anno CDLVIII, M. Atilius anno CDLX, L. Papius anno CDLXI. Triumphasse Dolabellam consulem nemo aperte tradit. quin autem tam gloriosa parta uictoria triumphauerit, ne dubitari quidem posse opinor.

DE COS. AN. CDLXXI.

C. FABRICIVM, Q. Aemilium consules subiicit Cassiodorus. Horum sic meminit Cicerone in Lælio. Videmus Papum Aemilium C. Luscinio familiarem fuisse, sic à patribus accepimus, bis una consules, & collegas in censura. C. Fabricij, & Q. Aemilij Papi meminit etiam Valerius capite de paupertate. Aemilium mendose Paulum uocat Plutarchus in Parallelis. pater est L. Aemilij Q. F. Cn. N. Papi consulis anno DXXV. C. Fabricius descriptus est ex secundo Capitolino consulatu.

De triumpho C. Fabricij Luscini cos. de Etruscis, & Gallis.

C. FABRICIVM priore hoc consulatu triumphasse ex Capitolinis fragmentis colligo, primum, quia eundem consulem iterum triumphasse iterum scriptum est; deinde quia uestigia extant etiam prioris triumphi. Nam syllabæ illæ E I S Q V E. quæ sunt proxime ante triumphum Q. Marcij consulis, sine dubio pertinent ad C. Fabricium, qui consul Q. Marcium consulem præcedit. Triumphasse autem Fabricium scripsi de Etruscis, Galleisq; quod Polybius anno, postquam ad lacum Vadimonem cum Etruscis Boij deleti fuerant, eosdem nouo delectu habito arma mouisse, atque uictos pacem petisse à Romanis tertio ante Pyrrhi in Italiam aduentum anno scribit. ut ex eo intelligi possit, ne Boios quidem, atque Etruscos clade priore perculos hoc anno ocium habuisse.

DE COS. AN. CDLXXII.

DE INCEPS sequuti sunt consules Q. Marcius cum L. Aemilio. auctor Cassiodorus. Horum alter Philippus, alter Barbula nominatus est. Quod ex eorum triumphis Capitolinis intelligi potest. ex quibus uterque descriptus est. Marcio Etrusci, Aemilio Tarentini cum Samnitibus euenerunt.

De triumpho Q. Marcij Philippi cos. de Etruscis.

Q. MARCIUM Philippum consulem de Etruscis triumphasse scriptum est in tabulis Capitolinis. cuius triumphi mentionem nemo facit. ad hunc tamen pertinent hæc uerba epitomæ XII. Aduersus Lucanos, Bruttios, & Etruscos res à compluribus ducibus bene gestæ. Adde quod Iornandes scribit, nondum Etrusco bello confecto cum Tarentinis bellari ceptum.

De bello Tarentino, et Regis Pyrrhi, et triumpho L. Aemilij Barbulae pro cos.

BELLUM autem Tarentinum inter Romana bella nobilissimum hoc anno initum est, cum esset excitatum Orofio auctore anno priore Fabricio, Aemilioq; consulibus, proxime post Dolabellam consulem, à quo Galli uicti sunt, ob causam, quæ post belli Gallici mentionem scripta est in epitoma XII. sic. Cum à Tarentinis classis Romana direpta esset, duumuiro, qui præerat classi occiso, legati ad eos à senatu, ut de iniurijs quererentur, missi pulsati sunt. Ob id bellum ijs indictum est. Samnites defecerunt. aduersus eos, & Lucanos, & Bruttios, & Etruscos aliquot prælijs à compluribus ducibus bene pugnatum est. Pyrrhus Epirotarum rex, ut auxilium ferret Tarentinis, in Italiam uenit. Eadem causa traditur à Floro. Valerius autem de institutis legatum Romanum non pulsatum, sed vrina respersum scribit. Insequenti autem hoc anno Barbula, & Philippo consulibus bellum Tarentinis indictum est. Philippo Etrusci, Barbula Tarentini provinciae obuenerunt, qui iidem Samnites, & Sallentinos in belli societatem attraxerant. Eorum uterque re prospere gesta triumphauit, Philippus quidem, ut dixi, in consulatu, Barbula uero de Tarentinis, & Samnitibus, & Sallentinis, quod extat in tabulis Capitolinis, pro consule anno sequenti. Quæ uictoria quanta fuerit, inde intelligi potest, quod Tarentini

tini suis uiribus diffidentes externi regis Pyrrhi opem implorare coacti fuerint. sic enim in Atticis scriptum est apud Pausaniam. Primum in Italiam rex Pyrrhus trans mare Ionium aduersus Romanos exercitum transportauit à Tarentinis accitus, qui priore anno suscepto cum Romanis bello suis se id sustinere uiribus posse diffidebant. cum maximum Tarentinorum erga Pyrrhum beneficium extaret, quòd eum Corcyrensiu bello implicatum classe adiuuerant. Venit ergo in Italiam Pyrrhus P. Læuino consule, quod etiam indicat Plinius lib. v 111, cum ait, anno urbis conditæ c d l x x i i Italiam primum elephantem uidisse Pyrrhi bello. & Polybius, cum inquit, Gallis pacem datam tertio ante Pyrrhi in Italiam aduentum anno. De Pyrrhi autem aduentu loquuntur omnes historię, Plutarchi, Iustini, Eutropij, alij. De rebus autem à Barbula geltis, aut de triumpho ab eo acto nihil aliud traditum est.

D E C O S. A N. C D L X X I I I.

P. VALERIUM cum Ti. Coruncanio consulem in insequentem annum prodit Cassiodorus. Valerio Læuinum cognomen addunt Florus, Orosius, Eutropius, epitomæ, scriptor libri de uiris illustrib. omnes, præter Plutarchum, qui αλβινον habet, pro λαετινον. Ti. Coruncanius ex triumpho Capitolino descriptus est. Valerio Tarentini, Coruncanio Etrusci, quæ duæ hoc tempore consulares prouinciæ erant, obtigerunt. Cum in præsidium Reginorū legio Campana cum præfecto D. Iubellio missa esset, occisis Reginis Rhegium occupauit. epitomæ.

De triumpho Ti. Coruncanij cos. de Vulsinienfibus.

T I. Coruncanium consulem de Vulsinienfibus, & Vulcentibus triumphasse nemo est, qui tradat præter Capitolinos scriptores. Rem quidem gestam hoc tempore cum Vulsinienfibus scriptum est in epitoma x i. sed id est ante Gallicum bellum. Ambo autem Etruriæ populi sunt, cum quibus iam per aliquot annos pugnabatur. Puto autem Coruncanium reliquias Etruscæ uictoriæ Vulcentibus, & Vulsinienfibus domitis confecisse. neque enim Etrusci belli ulla post per aliquot annos mentio fit. ad res autem ab his gestas pertinent uerba epitomæ x i i i. Res contra Etruscos prospere gestas continet.

De re gesta cum Pyrrho à P. Læuino cos.

P Y R R H I regis cum eximiam in hoc bello fortitudinem, tum incredibilem in re administranda prudentiam Pausanias admiratur. primum quòd magnum exercitum in Italiam aduersus Romanos cum trajiceret, eos tamen latuerit, deinde quòd non statim se pugna commiserit, uerum repente præter spem inter Romanorum, Tarentinorumq; prælium cum exercitu se ostendens Romanos ipsos uehementissime perterruerit, postremo, quòd cum se Romanis imparem esse nosset, elephantos, quos in hostes immitteret, compararit. Quibus ex rebus apparet Pyrrhum Romanos ipsos inscientes, atque ignaros ex improviso esse adortum. cum tamen P. Læuinum consulem aperte contra Pyrrhum à Romanis missum scribat Plutarchus. sic enim ait. Vbi uero Pyrrhus P. Læuinum consulem aduersus se exercitum educere, atque una Lucanorum agros vastare accepit, haud expectatis socijs castra in eum mouit, cum præconem præmisisset, qui Romanos moneret, si de controuersijs suis cum Italis disceptare iure, quàm armis mallent, se eos uti arbitro facile posse. Sed siue scientes, siue ignaros Romanos Pyrrhus inuaserit, illud certe constat, pugnatum esse ab ijs in Campania inter Pandosiam, & Heracleam urbes ad flumen Sirim. ibiq; uictis, ac pulsis Romanis maxime elephantorum inusitata tum apud eos pugna, Pyrrhi haud incruentam uictoriam fuisse. post autem cum Samnitum, Bruttiorum, Lucanorumq; sociorum copię accessissent, eum propius Romam populabundum castra admouisse, ac Prænestem usque uenisse. inde Romanis nouo delectu habito occurrentibus iterum in Campaniam se recepisse. Itaque sic scriptum est in epitoma x i i i. Valerius Læuinus consul parum prospere aduersus Pyrrhum pugnauit, elephantorum maxime inusitata facie territis militibus. post id prælium cum corpora Romanorum, qui in acie ceciderant, Pyrrhus inspiceret, omnia uersa in hostem inuenit, populabundusq; ad urbem Romam processit. & apud Frontinum lib. i i i, Valerius Læuinus, inquit, aduersus Pyrrhum occiso quodam gregali tenens gladium cruentum exercitui urrique persuasit Pyrrhum interemptum. quamobrem hostes destitutos se ducis morte credentes cõsternati à mendacio se pauidi in castra receperunt. et lib. i i i i. P. Valerio cos. senatus præcepit exercitū ad Sirim, uictū ducere Serinum, ibiq; castra munire, et hyemē sub tentorijs exigere.

Commentarius in fastos

Hoc est autem tempus illud, quo C. Fabricius legatus à senatu ad Pyrrhum de captiuis redimendis missus summo ab eo in honore habitus est, captiui sine pretio remissi sunt. Itaque in epitoma etiam sic scriptum est. C. Fabricius missus ad Pyrrhum à senatu, ut de redimendis captiuis ageret, frustra ut patriam defereret à rege tentatus est. Captiui sine pretio remissi sunt. Hæc Plutarchus, Orosius, Eutropius, Florus, Iustinus, Ennius apud Ciceronem lib. primo de officijs.

DE COS. AN. CDLXXIII.

DEINCEPS P. Sulpicium cum P. Decio consules suggerit Cassiodorus. P. Decium, P. Sulpicium consules aduersus Pyrrhum missos scribit Eutropius. P. Decium P. Decij, qui se Samnitico bello deuouit, filium in prælio contra Pyrrhum cecidisse, auctor est Cicero lib. 11 de finibus, & in Tusculanis quæstionibus. P. Sulpicium P. Sulpicij Sauerionis filium esse arbitror consulis anno CDLXIX.

De re gesta cum Pyrrho.

Hic est annus, quo de Pyrrhi pace actum est in senatu, tum cum Ap. Claudius Cæcus se deferri lectica in curiam iussit, atque eam oratione dissuasit. scribit enim Cicero in Catone, orationem eam Appium dixisse decem & septem post alterum consulatum annos. Qua de re ita in epitoma xiii. Cineas legatus à Pyrrho ad senatum missus petijt, ut componendæ pacis causa rex in urbem reciperetur, de qua re cum ad frequentem senatum referri placuisset, Ap. Claudius, qui propter inualitudinem oculorum iam diu à consilijs publicis se abstinerat, uenit in curiam, & sententia sua tenuit, ut id Pyrrho negaretur. et apud Ciceronem Philipp. 1. De Pyrrhi pacē agebatur, cum Appius & cæcus & senex in senatum delatus est. et apud Plutarchum in Pyrrho, & Florum. De re autem his consulibus cum Pyrrho gesta nihil propè traditum est. Hoc enim tantum ait Eutropius, ubi de negata Pyrrho regi pace differuit. Missi sunt contra Pyrrhum duces P. Sulpicius, & P. Decius Mus consules. certamine commisso Pyrrhus vulneratus est. elephantum interfecti. xx millia cæsa hostium. at ex Romanis tantum quinque millia. Pyrrhus Tarentum fugatus. Hoc in prælio, ut dixi, P. Decium consulem cecidisse auctor est Cicero. Quæ cum ita sint, profecto uerba hæc epitomæ xiii ad hunc annum pertinent. Iterum aduersus Pyrrhum dubio euentu pugnatum est. Dubio enim euentu ait, quod rex ab una parte uulneratus, consul ab altera interfectus sit, plures tamen inde, quàm hinc ceciderint. Vulneratum tamen Pyrrhum Fabricio etiam consule duce alij, ut post dicam, scriptum reliquerunt.

De censoribus, & lustro XXXII.

QUINQVENNALE spatium in hunc annum edi censores poscit. de quibus sic est scriptum in epitoma xii, post pacis, quam cum Pyrrho Ap. Claudius dissuasit, mentionem. Cn. Domitius censor primus è plebe lustrum condidit. censa sunt ciuium capita cclxxviii millia cxxxii. Ego uero Cn. Domitium Caluinum esse arbitror, qui consul fuit anno CDLXX. consularem enim quærimus, qui censor factus sit. Ut autem C. Marcius primus è plebe censor fuit, sic hic primus è plebe censor lustrum condidit. Domitij collega qui fuerit, obscurum est.

DE COS. AN. CDLXXV.

DEINCEPS C. Fabricius, Q. Aemilius consulatum inierunt, ut ait Cassiodorus. Hi sunt, qui etiam una ante collegæ fuerunt anno CDLXXI. Hos enim bis una consules fuisse scribit in Lælio Cicero. Eorundem meminit Plutarchus in Pyrrho, Gellius lib. 111, & Cicero pro Cornelio, Cum Heraclea, inquit, fœdus iustum C. Fabricio consule Pyrrhi temporibus. Ambo consules Tarentinum, & Pyrrhi bellum obtinuerunt.

De triumpho II C. Fabricij cos. II. & re cum Tarentinis, & Pyrrho gesta.

Hoc anno cum Tarentinis, & socijs eorum acrius, quam ante dimicatum est. Etenim Eutropius, qui priore anno Pyrrhum vulneratum magna clade accepta Tarentum se recepisse scribit, quod ad huius anni historiam attinet, sic subdit. Interiecto anno contra Pyrrhum Fabricius missus est, qui prius inter legatos sollicitari non potuerat. tunc cum uicina castra ipse, & rex haberent,

rent, medicus Pyrrhi ad eum nocte uenit, promittens veneno Pyrrhum occisurum, si sibi aliquid polliceretur. quem Fabricius uinctum reduci iussit ad dominum, Pyrrhoq; dici, quæ contra caput eius medicus spondidisset. tunc rex in Siciliam profectus est. Fabricius victis Samnitibus, & Lucanis triumphauit. Idem in epitoma x i i i est sic. Cum C. Fabricio consuli is, qui ad eum à Pyrrho transfugerat, polliceretur se regi uenenum daturum, cum indicio ad regem remissus est. res præterea contra Lucanos, Bruttios, & Samnites prospere gestas continet. Pyrrhus in Siciliam traiecit. C. etiam Fabricium Luscium consulem scribit Valerius de miraculis prospere cum Brutijs, & Lucanis auxilio Martis dimicasse. Itaque in tabula Capitolina est, vnum C. Fabricium i i. consulem ii. non de Pyrrho, sed de Lucanis, Brutijs, Tarentinis, & Samnitibus triumphasse. Hæc ita apud hos. Habeo etiam auctores, qui monitum à consulibus his Pyrrhum de insidijs primum dicant, atque captiuos à Pyrrho iccirco remissos; deinde bis apud Asculum pugnatum esse, primo die nocte prælium esse direptum, postero Pyrrhum vulnere accepto ex prælio excessisse. hoc Plutarchus in Pyrrho, & Florus, & scriptor libri de uiris illustrib. quamquam apud hos postremos Curius, Fabriciusq; non Aemilius, & Fabricius consules mendose nominantur. Frontinus porro lib. secundo docet Pyrrhum pro Tarentinis apud Asculum dextro cornu Samnitas, Epirotasq; sinistro Bruttios, atque Lucanos cum Sallentinis, in media acie Tarentinos collocasse, equitatum, & elephantos in subsidijs esse iussisse; contra consules aptissime diuisis in cornua equitibus legiones in prima acie, et in subsidijs collocasse, his immiscuisse auxilia, utrinq; xl millia fuisse. Pyrrhi dimidiam partem exercitus amissam, apud Romanos quinque millia desiderata. Miror autem Critolaum (ut est in Parallelis Plutarchi) scripsisse Aemilium Papum consulem uictoria ex Pyrrho parua elephantos Romam misisse centum sexaginta. Nam hoc ne Plutarchus quidẽ tradit in Pyrrho, & Plinius auctor est Romam primum elephantos uidisse in Curijs triumpho de Pyrrho. De insidijs Pyrrho ab Aemilio, & Fabricio consulibus demonstratis, quæque ea de re inter auctores dissensio sit, latius Gellius lib. i i i, Plutarchus in Pyrrho, & in apophtegmatibus, Cicero lib. primo de officijs, Valerius lib. v i. Florus temere à Curio medicum ad Pyrrhum remissum ait, pro Fabricio. Plutarchus, & Pausanias à Syracusanis, qui à Pœnis obfidebantur, Pyrrhum accersitum eo se contulisse relicta Italia scribunt.

DE COS. ANN. CDLXXXVI.

IN SEQUEBENS annus auctore Cassiodoro consules habuit P. Cornelium, C. Iunium. P. Cornelium Rufinum bis consulem proficitur Gellius lib. i i i i. & xv i i. De hoc etiam consulatu idem loquitur lib. i i i i. cum ait. C. Fabricius Luscium P. Cornelium Rufinum manu quidem strenuum, & bellatorem bonum, sed furacem hominem, & auaritia acri odio habebat. sed cum reip. difficillimis temporibus creandi consules forent, & Rufinus peteret consulatum, competitorsq; eius essent imbelles, summa ope adnixus est Fabricius, uti Rufino consulatus deferretur. eam rem plerisque admirantibus, Fabricius inquit, nihil est, quod miremini, si malui compilari, quam venire. Idem Cicero lib. i i de oratore. C. Iunius ex triumpho Capitolino descriptus est. Horum vterque consul iterum Tarentinum bellum sortitus est.

De triumpho C. Iunij Bubulci cos. ii. de Lucanis, & Brutijs.

PYRRHO ex Italia profecto ne quieuisse quidem bellum, immo ambobus consulibus commissum uidetur. quanquam quid ab his gestum sit, parum compertum est, in tabulis enim tantum Capitolinis scriptum est, C. Iunium Bubulcum cos. ii. de Lucanis, & Brutijs triumphasse. De re à Cornelio Rufino gesta sic Frontinus lib. i i i. Cornelius Rufinus consul cum aliquanto tempore Crotonem oppidum frustra obsedisset, quod inexpugnabile faciebat assumpta in præsidia Lucanorum manus, simulauit se cepto desistere, captiuum deinde magno præmio sollicitatum misit Crotonem, qui, tanquam ex custodia effugisset, persuasit discessisse Romanos. Id uerum Crotonienses arbitrati dimisere auxilia, destitutiq; propugnatoribus inopinati, & inualidi capti sunt. Est etiam in x i i i i epitoma, quod ad hanc rem attinet, ita. Res contra Lucanos, Samnites, & Bruttios prospere gestas continet. ex quo intelligi posse uidetur, Cornelio Tarentinos, Iunio alios populos euenisse.

DE COS. ANN. CDLXXXVII.

Q. FABIVM, C. Genucium consules suggerit Cassiodorus. Horum consulum sic meminit Orolius. Fabio Gurgite ii, C. Genucio Clepsina consulibus pestilentia grauis urbem, & fines eius inuasit. Fabius bellum cum Samnitibus sortitus est.

Commentarius in fastos

De P. Cornelio Rufino dictatore.

DE dictatura P. Cornelij Rufini hæc habeo, quæ dicam. Gellius lib. 1111, & xv11 ita scriptum reliquit. P. Cornelius Rufinus bis consul, & dictatura functus notatus est à Fabricio censore. & Valerius lib. 11. Cornelius Rufinus duobus consulatibus, & dictatura speciosissima functus à Lusino censore est notatus. Hæc verba me adduxerunt, ut ante censuram Fabricij dictaturam P. Cornelij collocarem. quanquam quo potissimum anno, aut qua de causa dictus ille fuisset, parum certum haberem. Quoniam autem hoc anno grauis pestilentia urbem inuasit, uidendum putavi, ne clauis figendi causa, ut alij ante alias, dictus esset. Nam Augustinus lib. 111 de ciuitate dei, hanc pestilentiam summa vi in homines, pecudesq; sæuisse scribit. si quis tamen certiora attulerit, & ipse ea sequar. meam coniecturam in re non omnino contemnenda ne obscuram quidem esse cuiquam volui.

De triumpho 11 Q. Fabij Gurgitis cos. 11. de Samnitibus, Lucanis, et Brutiis.

ET hoc quidem etiam anno cum socijs Tarentinorum, & Pyrrhi pugnatum esse, indicat Capitolinus Q. Fabij consulis triumphus, quem ab eo actum esse de Samnitibus, Lucanis, & Brutijs scriptum est. De quo nihil aliud accepimus, nisi quod in epitoma x111 hæc uerba sunt. Res contra Lucanos, Samnites, & Bruttios prospere gestas continet. Victoriæ autem ingentem fuisse, inde intelligi potest, quod Tarentini, ac Samnites rebus suis diffisi Pyrrhum ex Sicilia reuocauerint.

DE COS. AN. CDLXXVIII.

DEINCEPS M'. Curium, L. Lentulum subiicit consules Cassiodorus, & Eutropius. Hic est M'. Curij quartus consulatus, qui una cum Lentuli triumpho ex Capitolino huius anni triumpho descriptus est. Curio cum Pyrrho Samnites, Lentulo Samnites prouincia obuenerunt.

De triumpho 1111 M'. Curii cos. 1111. de Samnitibus, et Pyrrho.
L. Lentuli cos. de Samnitibus, et Lucanis.

HOC anno reuerso in Italiam ex Sicilia Pyrrho bellum cum eo renouatum, cum Tarentinis Samnitibus, et socijs eorum continuatum est. quod ipsum ita esse expositis annalium verbis facile quiuis intelliget. Scribit Iustinus lib. xx11 ita. Interiecto tempore legati ab Italicis socijs uenere (Tarentinos, & Samnites eos uocat Plutarchus) nunciantes Romanis resisti non posse, deditio nemq; futuram, nisi subueniat. Pyrrhus anxius tam ambiguo periculo, incertusq; quid ageret, uel quibus primum subueniret, in utrumq; pronus consultabat. quippe instantibus hinc Carthaginensibus, inde Romanis, periculosum uidebatur exercitum in Italiam non trajicere, periculosius à Sicilia deducere, ne aut ille non lata ope, aut hi deserti amitterentur. Itaque conferto prælio cum superior fuisset, quoniam tamen à Sicilia abiret, pro uicto fugere uisus est, ac propterea socij ab eo defecerunt, & imperium Siciliae tam cito amisit, quam facile quæsiuerat. sed nec in Italia meliore fortuna usus in Epirum regreditur. Eutropius autem hoc modo. Curius Dentatus, & Cornelius Lentulus aduersus Pyrrhum, qui ex Sicilia in Italiam reuerterat, missi sunt. Curius contra eum pugnavit, exercitum eius cæcidit, ipsum Tarento fugauit, castra cepit. ea die cæsa sunt hostium xx111 millia. Curius in consulatu triumphauit. primus Romam elephantos quatuor duxit. Pyrrhus etiam à Tarento mox recessit. in epitoma autem x111 ita. Curius Dentatus cum delectum haberet, eius qui citatus non responderat, bona primus uendidit. is iterum Pyrrhum ex Sicilia in Italiam reuersum uicit, & Italia expulit. Hoc item anno tertium cum Pyrrho pugnatum, idq; in Lucania in Aurusinis campis auctor est Orosius, & Florus, ad Beneuentum autem Plutarchus. idem Florus Pyrrhum bis castris exutum, bis saucium ex Italia uictum excessisse adscribit. De acie Pyrrhi instructa sic Frontinus lib. 1111. Pyrrhus rex primus totum exercitum sub eodem uallo continere instituit. Romani deinde uicto eo in campis Aurusinis ad Beneuentum castris eius potiti, & ordinatione notata paulatim ad hanc usque metationem, quæ nunc effecta est, peruenerunt. Triumphasse porro M'. Curium de Pyrrho rege tradit Cicero in Catone, & in oratione pro Murena, Eutropius, & Florus. cuius hæc uerba sunt. Nec ullus pulchrior in urbem aut speciosior triumphus intrauit, cum ante hunc diem nihil nisi pecora Volscorum, greges Sabinorum, carpenta Gallorum, fracta Samnitium arma uidisset. Tum si captiuos aspice-

res,

res, Molossi, Thessali, Macedones, Bruttii, Apulus, atque Lucanus. si pompas, aurum, purpura, signa, tabulae, Tarentinaeque deliciae. sed nihil libentius populus R. aspexit, quam illas, quas timuerat cum turribus suis belluas, quae non sine sensu captiuitatis summissis ceruicibus, uictores equos sequebantur. Plutarchus item M. Curium Pyrrhum regem uicisse, ac Samnitium opes fregisse scribit. Itaque in tabulis Capitolinis cum de Samnitibus & Pyrrho rege quartum triumphasse scriptum est. De L. autem Cornelij Lentuli cos. triumpho, quem de Samnitibus actum in Capitolinae tabulae fragmento incisum est, haec accepimus. Pyrrhum scribit Plutarchus partem copiarum in Lucaniam misisse, ut alterum consulem morarentur, ipsum Curio ad Beneuentum occurrisse. Plinius etiam lib. xxxiii, L. Lentulus consul, inquit, Ser. Cornelio Merendae Samnitium oppido capto coronam auream ex praeda dedit. Quibus ex uerbis intelligi potest Lentulum item de Samnitibus, & (quoniam fragmentum Capitolinum habet *SAMNITIBVS, ET*) Lucanis etiam fortasse triumphasse.

De censoribus, & lustro XXXIII.

Hoc anno lustrum à censoribus conditum docere videntur uerba, quae sunt in epitoma xiiii proxime post uictoriam M. Curij. Fabricius censor P. Cornelium Rufinum consularem senatu mouit, quod decem argenti pondo facti haberet. Lustro à censoribus condito censa sunt ciuium capita cclxxx millia cxxiiii. Collegam Fabricij Q. Aemilium Papum nominat Cicero in Laelio, & Gellius lib. xv. De Rufino à Fabricio censore notato item Gellius, & Plutarchus in Sylla, Florus de bello Tarentino, Valerius de censoria nota.

DE COS. AN. CDLXXIX.

SER. Cornelium, M. Curium consules tradit in hunc annum Cassiodorus. Ego Ser. Cornelium Merendam esse opinor eum, quem scribit Plinius ab L. Lentulo consule anno priore capto Samnitium oppido coronam ex auro accepisse. M. Curius iam III consul est. Quid domi, forisue hoc anno cum Samnitibus; atque alijs populis gestum sit, incognitum est. Tarentini enim bello fracti profecto Pyrrho per triennium quieuerunt.

DE COS. AN. CDLXXX.

CASSIODORVS suggerit consules C. Fabium, C. Claudium. Quos Velleius lib. primo Fabium Dorsonem, & Claudium Caninam uocat. At Eutropius C. Fabricium Luscinum, C. Claudium Cinnam, liber Cuspiniani Luscinum, & Cinnam edit. puto autem C. Fabium in magistratu mortuum esse, in eius locum C. Fabricium esse factum. nam à Cassiodoro sere ordinarij tantum consules nominantur; ut anno cdxv de Q. Caecilio. C. Claudium Caninam, qui ante etiam consul fuit, esse existimo. is bellum cum Samnitibus sortitus est. His consulibus legatos Alexandrinos Romam uenisse à Ptolemaeo, & societatem cum Romanis iunxisse tradit Eutropius. Cossam, & Paestum colonias deductas Velleius. Cossa autem Vulciensium est, de quibus paulo ante triumphatum est, auctore Plinio. Quibus de rebus sic est scriptum in epitoma xiiii. Cum Ptolemaeo Aegypti rege societas iuncta est. Sextilia uirgo Vestalis damnata incesti uiua defossa est. Coloniae deductae sunt Posidonia, & Cossa.

De triumpho C. Claudij Caninae cos. II de Samnitibus, & Lucanis.

C. CLAVDIUM Caninam consulem triumphasse de Samnitibus, & Lucanis apparet in fragmentis triumphorum Capitolinis, cuius rei nemo meminit. Continetur autem hic etiam triumphus his uerbis epitomae xiiii. Res contra Lucanos, Samnites, & Bruttios gestas prospere continet.

DE COS. AN. CDLXXXI.

SP. Caruilium, L. Papirium Cursorem consules deinceps prodit Cassiodorus. Hi ambo iterum consules fuerunt, quod ex Capitolinis eorum triumphis constat. Meminit horum Frontinus de aquae ductibus lib. primo, & Liuius lib. xxi. In libro Cuspiniani est Curfor II, & Maximus. Ambobus consulibus Tarentini cum Samnitibus, & socijs euenerunt.

Commentarius in fastos

De triumpho II L. Papirii Cursoris cos. II. & Sp. Caruilij cos. II.
et re cum Tarentinis, et Samnitibus gesta.

Hoc anno bellum Samniticum, & Tarentinū confectū est. scribit enim Liuius lib. xxiiii, Papirium, & Caruiliū consules aduersus Samnites, Bruttiosq;, & Lucanum cum Tarentino populum declaratos esse. & Orosius. Tarentini Pyrrhi morte comperta noua arma sollicitant aduersus Romanos. Carthaginienſium auxilia poscunt per legatos, atque accipiunt. Conſerto praelio Romani uicere. in epitoma uero lib. xiiii. Carthaginienſium classis auxilio Tarentinis uenit. quo facto ab ijs fœdus violatum est. res præterea contra Lucanos, Samnites, & Bruttios prospere gestas, & Pyrrhi regis mortem continet. uictis Tarentinis pax, & libertas data est. Itaque merito Samnites in oratione ad Annibalem lib. xxiiii apud Liuium ita loquuntur. Per centum prope annos cum populo R. bellum gessimus, nullo externo adiuti nec duce, nec exercitu, nisi quod per biennium Pyrrhus nostro magis milite suas auxit uires, quam suis uiribus nos defendit. Item. Hostes populi R. fuimus primum per nos ipsi, quoad nostra arma, nostræ uires nos tutari poterant. posteaquam ijs parum fidebamus, Pyrrho regi nos adiunximus, à quo relictī pacem necessariam accepimus. Lib. autem xxxi propius ad ueritatem loquitur, cum ait, Samnites cum Romanis per annos lxx bellasse. Nam Florus per l annos Samnites domitos imprudenter scribit. ac nescio an imprudentius Appianus in præmio historiæ, qui lxxx prodit. cum ad nostram supputationem sint lxxi. si quidem inīitū bellum est anno cdx. finitum cdlxxx. De Tarento à Papirio Cursore capto sic scribit Frontinus lib. i. Papirius Cursor cos. apud Tarentum Miloni, qui cum præsidio Epirotarum urbem obtinebat, salutem ipsi, & popularibus, si per illum oppido potiretur, pollicitus est. Quibus præmijs ille corruptus persualit Tarentinis, ut se legatum ad consulem mitterent. à quo plena promissa ex pacto referens, in securitatem oppidanos resoluit. atque ita incustoditam urbem Cursori tradidit. Capitolina etiam fragmenta utrunque consulem de Tarentinis triumphasse significant, sed ita, ut de alijs etiam triumphatum ab ijs esse intelligi possit, ut de Lucanis, Samnitibus, & Brutijs. Florus uiginti quatuor triumphos de Samnitibus actos tradit, nos autem triginta collegimus. Hac uictoria magna pars Italiæ in potestatem redacta est, uictis præsertim Tarentinis, Samnitibus, Lucanis, & paulo ante quoque Etruscis.

De censoribus, & lustro XXXIII.

FRONTINO auctore censores in hunc annum edidimus M. Curium, & L. Papirium Cursorem. is enim libro primo de aquæductib. sic scribit. Vetus Anio post annos xl, quam Appia aqua perducta est, anno ab v. c. cccclxxxix. M. Curius Dentatus, qui censuram cum L. Papirio Cursore gessit, Anionis qui nunc dicitur Vetus, aquam perducendam in urbem ex manubijs de Pyrrho captis curauit Sp. Caruilio, L. Papirio cos. Scriptor autem lib. de uiris illustrib. sic. Curius aquam Anienem manubijs hostium in urbem induxit. Mouet autem me L. Papirius, quem eodem anno consulem, & censorem facit Frontinus. & quod spatij quinquennalis ratio hos censores in annum cdlxxxii potius rejicit. uidendum autem est, ne hic L. Papirius Sp. F. pater consulis fuerit, qui anno cdlxlii dictator II fuerat. Nam C. Marcius Rutilus, qui anno cdlxlii consulatum gessit, sequenti post hoc lustro censuram tamen secundam cepit.

DE COS. AN. CDLXXXII.

C. QVINCTIVM, L. Genucium consules prodit in hunc annum Cassiodorus. cognomina horum sunt in libro Cuspiniani, Claudus, & Clepsina. Liuius lib. vii T. Quinctij meminit altero pede claudi, à quo hoc forte cognomen tractum est.

De legione Campana à Genucio consule cæsa.

Hoc (ut ait Orosius) anno magnam uiscerum suorum partem seueritas Romana concidit. Nam octaua legio, quæ aduentante Pyrrho, diffidens Romanæ spei Rheginos omnes, quibus subsidio præerat, interfecerat, ac prædam sibi omnem, atque ipsum oppidum uindicauerat, L. Genucio consuli puniendæ data est. qui obsessæ Rheginorum urbe, captisq; omnibus, ipse quidem in reliquos perfugas, & latrones exercuit digna supplicia, Romanos uero milites integræ legionis Romam misit, qui populi iussu medio foro uirgis cæsi, securiq; percussi sunt. qua de re
in

in epitoma quoque x v post pacem Tarentinam ita est. Legio Campana, quæ Rhegium occupauerat, obsessâ, deditione facta, securi percussa est. Eandem rem Polybius libro primo tradit pluribus uerbis. & Valerius lib. 11, Populus R. inquit, milites, qui Rhegium iniusto bello occupauerant, mortuôq; duce D. Iubellio M. Cæsium scribam eius sua sponte imperatorem delegerant, carcere inclusit, ac M. Fulvio Flacco tribuno pl. denunciante, ne in ciues Ro. aduersus morem maiorum animaduerneret, nihilo minus propositum executus est. ceterum minore cum inuidia, ut id perageretur, quinquagenos per singulos dies uirgis cæsos securi percuti iussit, eorumq; nullum sepulturæ mandari, mortemq; lugeri uctuit.

DE COS. AN. CDLXXXIII.

C. GENUCIUM, Cn. Cornelium consules prodit deinceps Cassiodorus. Eorum cognomina sunt Clepsina, & Blasio, ut est in libro Cuspin. C. Genucius idem est, ut puto, qui ante consul fuit an. CDLXXVI. Cn. Cornelius ex censura Capitol. descriptus est, anni CDLXXXVII.

De triumpho Cn. Cornelij Blasionis cos. de Salsinatibus.

FRAGMENTA Capitolinorum triumphorum satis indicant Cn. Cornelium consulem de Salsinatibus triumphasse. Cuius uictoriæ auctor extat nemo. Salsina eadem, quæ Sarfina est, Umbriæ oppidum. quos Polybius lib. 11 vocat ὀμβροῦς, & σαρσινάτους. Umbros autem hoc tempore mouisse apparet ex x v epitoma, in qua est. Umbri uicti in deditionem accepti sunt. quamquam id factum est anno CDLXXXVII.

DE COS. AN. CDLXXXIII.

CASSIODORVS Cornelio, Genucio consulibus, P. Sempronium, Ap. Claudium consules suggerit, atque Quinctium Gulonem, Fabium Pictorem consulto transcendit. Quorum meminit Eutropius, cum ait. Quinctio Gulone, Fabio Pictore consulibus Picentes bellum commouere, & ab insequentibus consulibus P. Sempronio, Ap. Claudio uicti sunt. & Plinius libro xxxiii, Q. Fabio consule, inquit, argentum signatum est, annis quinque ante Punicum bellum. Hos etiam numerat Velleius, cum scribit lib. primo, Ap. Claudium, & P. Sempronium quinquennio post consulem C. Claudium Caninam consules fuisse. Ne hos quidem præterit liber Cuspiniani, in quo est. Gulo, & Pictor. In epitoma x v sunt etiam hæc uerba. Tunc primum populus R. argento uti cæpit. Sed hæc post Picentes uictos. i. post Ap. Claudium consulem. Eodem loco ante pacis Picentibus datæ mentionem sic scriptum est. Cum legatos Apolloniatium ad senatum missos quidam iuuenes pulsassent, dediti sunt Apolloniatis. Qua de re sic Valerius lib. v. Legatos ab urbe Apollonia Romam missos Q. Fabius, Cn. Apronius ædiles orta contentione pulsauerunt. quod ubi comperit senatus, continuo eos per fœdales dedit. quæstoremq; cū his Brundisium ire iussit, ne quam in itinere à cognatis deditorū iniuriâ acciperent.

DE COS. AN. CDLXXXV.

P. SEMPRONIUM, Ap. Claudium consules subijcit, ut dixi, Cassiodorus, & Eutropius. Quos Velleius libro primo Sempronium Sophum, Appium Cæci filium uocat. P. Sempronius ex censura Capitolina anni DI descriptus est. Ambobus consulibus Picentes euenerunt.

De triumphis P. Sempronij Sophi cos. Ap. Claudij Crassi cos. & bello Picenti.

Hoc anno Picentes triumpho à consulibus acti sunt. De quibus, quid inuenerim, exponam. Eutropius. Quinctio Gulone, C. Fabio Pictore consulibus Picentes bellum commouere, & ab insequentibus cos. P. Sempronio, Ap. Claudio uicti sunt, & de his triumphatū est. conditæ à Romanis ciuitates Ariminum in Gallia, & Beneuentū in Samnio. Florus. Domiti sunt post Tarentinos Picentes, & caput gentis Asculum, Sempronio duce, qui tremante inter prælium campo Tellurem deam promissa æde placauit. Orosius. Sempronius cos. aduersus Picentes duxit exercitum, & cum directe intra iactum teli utraque acies constitisset, repente ita cum horrendo fragore terra tremuit, ut stupore miraculi utrunque pauefactū agmen hebesceret. diu attoniti utrique populi hæsitauere. præiudicata incæpti conscientia tandem procursu concito iniere certa-

men

Commentarius in fastos

men. Romani, qui admodum pauci eo prælio remanserunt, uicerunt. Epitoma xv. Picentibus uictis pax data. coloniæ deductæ Ariminum in Piceno, Beneuentum in Samnio. Velleius lib. i. Ariminum, & Beneuentum coloni missi, & suffragij ferendi ius datum Sabinis Sempronio Sopho, & Appio Cæci filio cos. De Sempronio sic Frontinus lib. primo. Ti. Sempronius Gracchus cos. acie aduersus Picentes directæ, cum subito terræmotus utrasque partes confudisset, exhortatione confirmauit suos, & impulit, ut consternatum superstitione hostem inuaderent, adhortatusq; deuicit. In quo illud est mendose, quod Ti. Gracchum, pro P. Sopho edit. uterque enim ex gente Sempronia fuit. Horum triumphorum uestigia etiam impressa sunt in fragmentis triumphorum Capitolinis.

DE COS. AN. CDXXXCVI.

M. ATILIVM, L. Iulium Libonem consules suggerit Cassiodorus. M. Atilium Regulum, L. Iulium Libonem Eutropius. Vterque ex triumphis Capitolinis descriptus est.

De triumphis M. Atilij Reguli cos. L. Iulij Libonis cos. & bello Sallentino.

QVOD scriptum est in tabulis Capitolinis ambos consules hoc anno de Sallentinis triumphasse, idem auctoritate etiam ueterum annalium comprobatur. Scribit enim sic Eutropius. M. Atilio Regulo, L. Iulio Libone cos. Sallentinis bellum indictum. captiq; sunt cum ciuitate simul Brundusini, & de his triumphatum est. Florus autem sic. Sallentini Picentibus additi, caputq; regionis Brundisium inclyto portu M. Atilio duce, et in hoc certamine uictoriæ prætium templum sibi pastoria Pales ultro poposcit. Et in epitomâ. Sallentini in deditionem accepti sunt. M. etiam Atilium Regulum fuis Sallentinis triumphasse scriptum inuenio in libro de uiris illustribus. & Cicero de finibus lib. i. i. M. Atilium bis consulem fuisse, ac triumphasse scribit. Ab his tamen consulibus bellum confectum non esse indicant triumphis sequentium consulum.

DE COS. AN. CDXXXCVII.

D. IUNIUM, M. Fabium consules edit hoc anno Cassiodorus. D. Iunium Peram, N. Fabium Pictorem Capitolini triumphis. Fabium Gurgitem, & Numerium Fabium Pictorem eodem tempore uixisse innuit etiam Valerius lib. i. i. i. cap. i. i. i.

De triumphis duobus D. Iunij Peræ cos. N. Fabij Pictoris cos. de Sassinatibus, & Sallentinis.

HOS consules ambos bis in magistratu triumphasse scriptum est in tabulis Capitolinis, primum de Sassinatibus, deinde de Sallentinis, Messapijsq;. Quos triumphos probant uerba epitomæ xv, hæc. Umbri, & Sallentini uicti in deditionem accepti sunt. & quod Eutropius ait de Sallentinis triumphatum esse. Sunt autem Sassinates, ut dixi, Umbriæ populi. nec quicquam aliud de hoc bello accepimus.

DE COS. AN. CDXXXCVIII.

CASSIODORVS Iunio, & Fabio consulibus suggerit Ap. Claudium, M. Fuluium. atque sine dubio annum transcendit. nam si Iunius, Fabiusq; anno CDXXXCVII, M. autem Fuluius anno CDXXXCVIII triumpharunt, profecto interferendus est annus CDXXXCVIII. quo tamen anno cum qui consules fuissent, traderet nemo, ego ad coniecturam, annalium tamen auctoritate firmatam, confugi, atque Q. Fabium Gurgitem, P. Decium Murem reposui. Etenim Florus scribit Vulfinios hoc tempore à Fabio Gurgite esse uictos, auctor autem libri de uiris illustribus, à Decio Mure. Bellatum autem esse cum Vulfiniensibus hoc tempore probat triumphus, quem sequenti anno egit M. Fuluius consul. Fabium porro Gurgitem IIII consulem esse placet. Decium P. Dccij, qui in bello Pyrrhi cecidit filium. Est autem eorum alter patricius, alter plebeius, quales ferè etiam hoc tempore inter se comparabantur. alij etiam Q. Fabium Maximum, L. Mamilium Vitulum edunt. quorum factum, quod ad Vitulum attinet, coarguere non possum. cum qua adducti auctoritate id fecerint, nesciam.

De censoribus, & lustro XXXV.

CENSORES hoc anno Cn. Cornelium Blasionem, & C. Marcium Rutilum $\overline{\text{II}}$, qui in hoc magistratu Censorinus appellatus est, lustrum xxxv cōdidisse, scriptum est in tabula Capitolina. Qua de re sic Eutropius. Cum iam clarum urbis Romæ nomen esset, arma tamen extra Italiam mota non fuerant. ut igitur cognoscerentur, quæ copiæ Romanorum essent, census est habitus. tum inuenta sunt ciuium capita ccxciii millia ccxxiiii . & Orosius; Sæuiente per biennium pestilentia, inquit, census indictus est, qui non quantum hominum deperisset, sed quantum superfuisset, inquireret. Lustrum autem sequenti anno conditum puto, quia in epitoma lustrimentio fit post pacem Hieroni regi datam. ita. Lustrum à censoribus conditum. censa sunt ciuium capita ccxciii millia ccxxiiii . De Marcio autem censore $\overline{\text{II}}$, sic Valerius lib. iiii . cap. primo. Marcius Rutilus Censorinus iterum censor creatus ad concionem populum uocatū quam potuit grauißima oratione corripuit, quòd eam potestatem bis sibi detulisset. Plutarchus item in Coriolano ait, è Marciorum gente fuisse Censorinum, quem populus bis censorem creauit. Hic ergo ex censura bis nouo exemplo capta Censorinus appellatus est.

De bello Punico primo.

Hoc anno bellum Punicum primum excitatum est. susceptum autem anno sequenti Ap. Claudio, qui primus Pœnis bellum intulit, consule; anno (ut ait Solinus) cdxxcix . in quo cum Capitolinis tabulis consentit. Huius bellj hæc caussa traditur. Quo tempore Rhegium à legione Romana (ut ante diximus) D. Iubellio duce, qui urbis præsidio præerat in sinibus Italiæ occupatum est, eodem etiam Messana in Sicilia Campani, qui sub Agathocle meruerant, intra mœnia recepti, uiolata fide, ciuibz partim interfectis, partim expulsis potiti sunt. supplicio de legione Romana à Romanis sumpto, anno, ut scripsi, cdlxxxi , qui Messanam tenebant cum metu perterriti, tum prælio aduerso aduersus Hieronem, quo ille victor rex Syracusanorum appellatus fuerat, fracti, alij Carthaginensium, alij Romanorum præsidium implorarunt. Romani ueriti, ne Carthaginenses hac occasione tota Sicilia potirentur, cum illi cetera omnia præter Messanam, & Syracusas tenerent, Mamertinis aduocantibus opem ferendam esse decreuerunt. Ap. Cladius consul primus cum exercitu in Siciliam missus est. Hæc multis uerbis Polybius lib. ii , & Florus. Hoc loco magna uetustati habenda gratia est, quæ cum omnia prope historiarum huius temporis monumenta consumpserit, integras nobis consulares, triumphalesq; tabulas usque ad secundum bellum Punicum reliquerit. quas, quibus poterimus antiquorum annalium monumentis confirmabimus.

DE COS. AN. CDXXCIX.

IN hunc annum cos. edunt Ap. Claudium, Q. Fuluium Cassiodorus, Eutropius, Orosius, & Florus. **CAVDICEM**, & **FLACCVM** liber Cusp. Hi à Gellio lib. xvii . cap. xxi nominantur Ap. Claudius Caudex Cæci frater, & M. Fuluius Flaccus. ut etiam in Capitolinis tabulis, quas per multos abhinc annos integras ex omni parte nacti sumus.

De re ab Ap. Claudio Caudice cum Pœnis gesta.

AP. Claudium consulem cui Sicilia obtigerat, Mamertini ad se uocarunt, præfecto quodam Pœnorum ex arce pulso. Pœni ea re perciti Messanam obsident, sociumq; obsessionis Hieronem Syracusanorum regem sibi adiungunt. Ap. Claudius traiecit in Siciliam, ac primum de pacis conditionibus cum utrisq; egit, quibus reiectis, Hieronem prælio ita fregit, ut ipse relicta Messana se Syracusas receperit, quas etiam Appius obsedit. Hæc Polybius. Liuius etiam lib. xxxi Ap. Claudium primum bellum Carthaginensibus intulisse scribit. Eutropius Ap. Claudium de Afris, & Hierone Pœnorum rege triumphasse ait, quem tamen triumphum Capitolini reprobarunt auctores.

De triumpho M. Fuluij Flacci cos. & re gesta cum Vulfiniensibus.

BELLVM Vulfiniensibus à prioribus consulibus illatum, à Flacco confectum esse existimo. De eo sic Florus. Postremi Italicorum in fide mansere Vulfinij opulentissimi Etruscorum im-

n plorantes

Commentarius in fastos

plorantes opem aduersus seruos quondam suos, qui libertatem à dominis datam in ipsos erexerant, translataq; in se rep. dominabantur. sed hi quoque duce Fabio Gurgite pœnas dederunt. & apud auctorem lib. de uiris illustrib. Vulfinij Etruriæ nobile oppidum luxuria penè perierunt. Nam dum temere seruos manumitterent, dum in curiam legerent, consensu seruorum oppressi cum multa indigna paterentur, clam Roma auxilium petierunt. Missusq; Decius Mus mox libertinos omnes aut in carcere necauit, aut dominis in seruitutem restituit. Metrodorus, auctore Plinio lib. xxxiii. cap. vii, Vulfinios expugnatos esse propter duo millia statuarum Romanis obiecit. Priorem causam tradit etiam Eutropius. In Capitolinis autem tabulis inuenio M. Fuluium Flaccum consulem hoc anno de Vulfiniensibus triumphasse, quod nemo alius tradit.

DE COS. AN. CDXC.

M'. VALERIUM, M'. Otacilium consules suggerunt Polybius, Cassiodorus, atque Eutropius. Cognomina horum sunt Maximus Messalla, & Crassus. ut est in Capitolina tabula. Ut autem Valerius Messalla dictus sit, mox dicam.

De Cn. Fulvio Centumalo dictat.

DICTATOREM hoc anno Cn. Fuluium Centumalum cum magistro eq. Q. Marcio Philippo clauis figendi causa dictum nemo prodit, nisi qui tabulas Capitolinas scripsit. Id autem mihi probatur, propter pestilentiae uim, quæ acrius ciuitatem per hos annos auctore Orosio uexauit. Clauo enim figendo pestilentiam remitti persuasum erat Romanis, ut ante diximus.

De triumpho M'. Valerij Maximi Messallæ cos. et re cum Pœnis gesta.

Huius anni res cum Pœnis gestæ non eodem modo traduntur ab omnibus. Nam Polybius sic scribit. Consules inde M'. Valerius, & M'. Otacilius in Siciliam traieciunt. quorum aduentu non solum pleraq; Carthaginiensium urbes ad Romanos defecerunt, sed ipse etiam rex Hiero rebus suis dissidens pacem petijt, atque impetrauit his conditionibus, ut captiuos Romanorum sine pretio dimitteret, argenti talenta centum penderet, socius populi R. esset. His rebus auditis Carthaginienses in Siciliam supplementum miserunt, Agrigentum tanquam artem aduersus Romanos tenuerunt. Consules fœdere cum Hierone iuncto ex Sicilia recesserunt. Ita si Polybium sequamur res hoc anno ab his consulibus sine prælio bene gesta est. Qui autem triumphum Messallæ Capitolinum de Pœnis, & Hierone rege, & Valerium in hoc magistratu Messallam appellatum scripserunt alios annales sequuti videntur, eosdem propè, quos etiam Plinius, qui lib. xxxv scribit: M'. Valerius Maximus Messalla princeps tabulam picturæ prælij, quo Carthaginienses, & Hieronem in Sicilia deuicerat, proposuit in latere curiæ Hostiliæ anno ab v. c. cdx. & lib. vii. cap. lx: M'. Valerium Messallam bello Punico primo consulem Catina in Sicilia capta primum horologium in publico statuisse secundum rostra in Columna M. Varro tradit. & Eutropius, qui ait. M'. Valerio, & Otacilio cos. in Sicilia à Romanis res magnæ gestæ sunt. Taurominitani, Catanenses, & præterea quinquaginta ciuitates in fidem acceptæ sunt. Idem etiam Eutropius in eo dissensit, quod pacem Hieroni regi datam non primo belli anno scribit, ut est in libro de uiris illustribus, & apud Florum, & Orosium, nec secundo, ut apud Polybium, sed tertio insequenti. cum Capitolinis autem scriptoribus stat etiam Macrobius, qui lib. primo Saturnalium scribit: Valerius Maximus postquam Messanam urbem Sicilia nobilissimam cepit, Messalla cognominatus est. Credo etiam Liuium hos annales sequutum esse. sic enim est in epitoma xvi. Origo Carthaginiensium, & primordia urbis eorum referuntur, contra quos, & Hieronem regem Syracusanorum auxilium Mamertinis ferendum censuit senatus. cum de ea re inter suadentes, ut id fieret, dissuadentesq; contentio fuisset, transgressis tum primum mare equitibus R. aduersus Hieronem sæpius bene pugnatum. petenti pax data est. res præterea contra Pœnos, & Vulfinios prospere gestas continet.

DE COS. AN. CDXCI.

CONSULES suggerunt Cassiodorus, & Polybius L. Postumium, Q. Mamilium. quanquā apud Polybium est uitiōse αμίλιος, pro μαμίλιος. Eorum cognomina sunt in tabulis Capitolinis. Megellus, & Vitulus.

De re gesta cum Pœnis.

CONSULES in Siciliam profecti Agrigentum, quod à Pœnorum duce Annibale tenebatur, obsident; Erbesus, quod erat horreum populi R. ab Annone receptum. Pœni nihilominus fame oppressi ad summam dimicationem cum uenissent uicti sunt. Agrigentum clam præsidio Pœnorum egresso in potestatem Romanorum uenit. Hæc Polybius. at Eutropius ita. Afri tertio anno belli Punici primi in Sicilia uicti sunt. & de his iterum Romæ triumphatum est. Hunc tamen triumphum Capitolini scriptores non probant. De Agrigento obsesso à Romanis, & capto latius etiam Orosius.

DE COS. AN. CDXCII.

L. VALERIUM, T. Otacilium consules comparant inter se in hunc annum Polybius, & Cassiodorus. Valerij cognomen est Flaccus, Otacilij Crassus, ut est in Capitolinis tabulis.

De re gesta cum Pœnis.

UT Valerius, & Otacilius consules nouo delectu habito in Siciliam missi pleraq; mediterraneas ciuitates se destrium copiarum Romanarum metu, ita Pœni maritimæ classis terrore ad se traierunt. Id cum Romani animaduertissent, quinqueremes centum, triremes uiginti exædificandas curant, quibus partim Italiæ oram tuerentur, partim Africam ipsam uexarent. Polybius. Atque hoc primum tempore Romani classem belli gerendi causa habuerunt.

DE COS. AN. CDXCIII.

CONSULES suggerit Cassiodorus Cn. Cornelium, C. Duilium. item etiam Polybius, præterquâ quod *Alsius* habet pro *δύλιος*. Cn. Cornelius Asina nominatur à Capitolinis scriptoribus, Orosio, Eutropio, & Valerio lib. v. cap. x. de quo cognomine sic Macrobius lib. i. Saturn. Asinæ cognomentum Cornelij datum est, quoniam princeps Cornelij gentis empto fundo, seu filia data marito, cum sponsores ab eo solenniter poscerentur, asinam cum pecuniæ onere protulit in forum, quasi pro sponsores præfens pignus. De C. Duilio mox dicam.

De nauali triumpho C. Duilij cos. de Pœnis.

CN. Cornelius cos. classi præfectus omnibus nauibus, ubi perfectæ essent, ad fretum uenire iussis, ipse cum decem & septem Messanæ contendit. inde cum paratis necessarijs rebus, quad. m. oblata spe, aliquanto celerius, quam necesse erat, Liparas cum xvi nauibus concessisset, ibi ab Annibale Pœnorum duce conclusus, & captus est. Annibal cum ad classem Romanorum speculandum iret, atque improviso in eam instructam incidisset, magna suarum nauium parte amissa, ipse uix uiuus effugit. his rebus auditis C. Duilius pedestribus, quibus præerat, copijs tribunis militum traditis, ad classem se contulit, ac Pœnos, nauali prælio congressus, deuicit. Annibal uix Carthaginem incolumis redijt. Romani Aegestam obsidione exemerunt, ac Macellam oppidum in Sicilia uiceperunt. Hæc Polybius. quæ eadem sunt in epitoma xvi, ita. Cn. Cornelius cos. à classe Punica circumuentus, & per fraudem veluti in colloquium euocatus, captus est. C. Duilius cos. aduersus classem Pœnorum prospere pugnavit, primusq; omnium Romanorum dum naualis uictoriæ duxit triumphum. ob quam causam ei perpetuus quoque honos habitus est, ut reuertenti à cæna tibicine canente funale præferretur. Itaque apud Ciceronem Cato merito ita loquitur. C. Duilium M. F. qui Pœnos primus classe deuicerat, redeuntem à cæna senem sæpe uidi puer. delectabatur crebro funali, & tibicine, quæ sibi nullo exemplo priuatus sumpserat. tantam licentiam dabat gloria. & Florus. Duilius uictor ad Liparas missus, & fugata hostium classe primum illum maritimum egit triumphum. cuius quod gaudium fuit? cum Duilius imperator non contentus unius diei triumpho per uitam omnem, ubi à cæna rediret, præluce funalia, & præcinere sibi tibias iussit, quasi quotidie triumpharet. Eadem Eutropius, & Orosius, & Plinius lib. xxxiii, Columna posita C. Duilio cos. qui primus naualem triumphum egit de Pœnis, quæ est etiam nunc in foro. & Tacitus lib. i. Iano templum apud forum olitorium C. Duilius struxit, qui primus rem R. prospere mari gessit, triumphumq; naualem de Pœnis me-

Commentarius in fastos

ruit. Idem est etiam apud scriptorem libri de viris illust. De manibus ferreis, quas excogitauit in prælio Duilius, & coruos nominauit scribit Polybius, Frontinus lib. 11. cap. 111.

DE COS. AN. CDXCIIII.

C. AQUILLIVM, L. Cornelium consules Cassiodorus; C. Aquillium Florum, L. Cornelium Scipionem Eutropius, & Orosius suggerunt. Hos prætermittit Polybius.

De triumpho L. Cornelij Scipionis cos. de Pœnis, & Sardinia, et Corsica.

L. CORNELIVM Scipionem consulem de Pœnis, Sardis, & Corsis triumphasse scriptum est in tabulis Capitolinis. De quo triumpho sic Eutropius. C. Aquillio Floro, L. Cornelio Scipione cos. Scipio Corsicam, & Sardiniam uastauit, multa millia inde captiuorum abduxit, triumphum egit. In epitoma xvii. L. Cornelius in Sardinia contra Sardos, & Corsos, & Annonem Pœnorum ducem feliciter pugnavit. et Florus. L. Scipio cos. serpente latius bello in Sardiniam, annexamq; ei Corsicam transit. ubi & Caracalæ urbis excidio incolas terruit, & omnes Pœnos ita terra, mariq; expugnauit, ut iam victoriæ nihil nisi Africa ipsa restaret. Item Orosius. item Valerius libro quinto, L. Cornelius cos. primo Punico bello cum Olbiam oppidum cepisset, pro quo fortissime pugnans Anno dux Carthaginienſium occiderat, corpus eius è tabernaculo suo amplo funere extulit. et Frontinus libro 111, L. Scipio in Sardinia cuiusdam ciuitatis per tumultum relicta oppugnatione, quam instruxerat, speciem fugientis præstitit, insecutisq; temere oppidanis, per eos, quos in proximo occultauerat, oppidum inuasit. Hoc anno nihil memorabile gestum in Sicilia scribit Polybius. Quamquam utrunque consulem de Pœnis triumphasse scriptum est in Capitolinis tabulis.

DE COS. AN. CDXCV.

A. ATILIVM, C. Sulpicium consules edit in hunc annum Polybius. A. Atilium Calatinum, C. Sulpicium Cassiodorus. CALATINVM, & PATERCVLVVM liber Cuspinianus. A. Atilium Calatinum, C. Sulpicium Paterculum lapis Capitolinus.

De triumpho C. Aquillij Flori pro cos. de Pœnis.

C. AQUILLIVM Florum pro consule de Pœnis hoc anno triumphasse scriptum inuenio in tabulis Capitolinis. Ex quo intelligi potest rem priore anno ab ambobus cos. & in Sicilia, & in Sardinia gestam. quamuis Polybius nihil gestum memoria dignum tradiderit.

De triumpho C. Sulpicij Paterculi cos. de Pœnis, & Sardis.

CONSULES in Siciliam profecti Panormum, ubi Pœnorum tum copiarum hiemabant, totum belli impetum conuertunt. eo uero oppido relicto Hippanam, & Mytistratum capiunt, Camarinam, quæ à se defecerat, recipiunt, Ennam, & alia Pœnorum oppida occupant, Liparas obsident. Ita Polybius. Qui uero scripsit de viris illustribus, hoc modo. Atilius Calatinus Enna, Drepano, Lilybæo hostilia præsidia deiecit, Panormum cepit, totamq; Siciliam peruagatus paucis nauibus magnam hostium classem duce Amilcare superauit. cum ad Camarinam ab hostibus obsessam properaret, à Pœnis in angustiis clausus est. ubi tribunus militum Calpurnius Flamma acceptis trecentis in superiorem locum euasit, consulem liberauit. ipse cum trecentis pugnans cecidit, & postea ab Atilio semianimis inuentus, & sanatus est. Florus autem sic. Calatino dictatore omnia fere præsidia Pœnorum Agrigento, Drepano, Panormo, Eryce, Lilybæo detracta. trepidatum semel circa Camarinensium saltum. sed eximia virtute Calpurnij Flammarum tribuni militum euaserunt. In epitoma autem xvii ita. Atilius Calatinus consul, cum in loco iniquum à Pœnis circumfessum temere duxisset exercitum, M. Calpurnij tribuni militum virtute, & opera euasit. qui cum trecentis militibus eruptione facta hostes in se conuertit. De eodem Calpurnio Orosius, Gellius lib. 111. cap. vii, Plinius lib. xxii. cap. vi, Frontinus de stratagem. Valerius. Agrigentum non recte Florus hoc anno captum scribit, cum biennio ante per obsidionem in potestatem Romanorum uenerit. Præterea uero illud etiam apud scriptorem libri de uiris illustribus est imprudenter scriptum, quod A. Atilio prælium nauale tribuit

tribuit, quod C. Atilio sequenti anno consuli tribuendum est, ut post dicam. apud Florum iterum, quòd res has à Calatino dictatore gestas prodit, cum in consulatu gestæ sint. Porro autem C. Sulpicius in Sardinia rem gessisse, ut A. Atilium in Sicilia apparet inde, quòd Sulpicius de Pœnis, & Sardis consul triumphauit. Atilius sequenti anno pr. de Pœnis ex Sicilia, auctoribus Capitolinis tabulis.

De censoribus, & lustra XXXVI.

IN tabulis Capitolinis hoc anno censor est C. Duilius. collega eius intercidit, neque annuum ope ulla reperiri adhuc potuit. Iustrum factum esse xxxvi probat sequens lustrum xxxvii.

DE COS. AN. CDXCVI.

CN. Cornelium, C. Atilium Serranum consules prodit Cassiodorus. C. Atilium Polybius, C. Atilium Regulum Capitolinæ tabulæ. REGVLVM, & BLASIONEM iterum liber Cusp. Hic Atilius primus fuisse uidetur, qui Serrani cognomen tulerit. de quo Cicero pro Roscio. Næ tu Erucii accusator ridiculus esses, si illis temporibus natus esses, cum ab aratro accersebantur, qui consules fierent. etenim qui præesse agro colendo flagitium putes, profecto illum Atilium, quem sua manu spargentem semen qui missi erant, conuenerunt, hominem turpissimum iudicares. et Valerius lib. iiii. Atilium, qui ad eum accersendum à senatu missi erant ad imperium populi R. suscipiendum semen aspergentem uiderunt. sed illæ rustico opere attritæ manus salutem publicam stabilierant, ingentes hostium copias pessunderunt, quæq; modo arantium bouum iugum rexerant, triumphalis currus habenas retinuerunt. & Appuleius in apologia. Romanorum etiam maioribus Quintijs, & Serranis non modo vxores, verum etiam consulatus & dictaturæ in agris offerebantur. Plin. lib. xviii. Ipsorum tunc manibus imperatorum colebantur agri (ut fas est credere) gaudente terra uomere laureato, & triumphali aratore. ferentem inuenerunt, dati honores, Serranum unde cognomen. Ex his enim intelligitur, Atilium eum, qui Serranus dictus est, & consulatum gessisse, & triumphum egisse. quæ duo huic contigerunt.

De Q. Ogulnio dictatore.

Q. OGVLNIUM Gallum dictatorem cum M. Lætorio Planciano magistro equitum dictatorem hoc anno creatum feriarum Latinarum causa, nisi scriptum esset in Capitolinis tabulis, id ut multa alia, uetustas obruisset.

De triumpho A. Atilij Calatini pr. ex Sicilia de Pœnis.

IN tabulis Capitolinis est, A. Atilium Calatinum pr. ex Sicilia de Pœnis triumphasse. de quo triumpho scribit etiam auctor libri de uiris illustribus. De rebus autem ab eo gestis diximus in anno priore. Illud admonendum hoc loco uidetur, prætorem pro pro consule poni in tabulis Capitolinis. hoc enim significant, Atilium prorogato ultra consulatum imperio, non in magistratu triumphasse. nisi in alio eum post consulatum absentem prætorem creatum in prætura triumphum egisse.

De triumpho nauali C. Atilij Reguli cos. de Pœnis.

C. ATILIUM Regulum consulem de Pœnis naualem egisse inuenio scriptum in tabulis Capitolinis. qui triumphus probatur etiam auctoritate Orosij, qui sic ait. Annibal senior à Carthaginiensibus iterum classi præpositus infelicitè cum Romanis nauali prælio congressus, & uictus, ab exercitu suo seditione orta lapidibus obrutus est. Atilius consul Liparam, Melitamq; insulas Siciliæ nobiles peruagatus euertit. Itè in epitoma xviii. Annibal dux Pœnorum uicta classe, cui præfuerat, à militibus suis in crucem sublatu est. Huc etiam referuntur quæ de A. Atilio Calatino sunt in libro de uiris illustribus. Totam Siciliam peruagatus paucis nauibus magnam hostium classem duce Amilcare superauit. Hos annales sequuti sunt ij, qui triumphum huius naualem Capitolinum scripserunt. nam Polybius bis mari pugnatum esse ab C. Atilio, & Pœnis ait; ita, ut ambo sibi uictoriæ gloriam uindicarent. ceterum terra nihil memorabile gestum esse. Hinc factum est, ut Plinius hunc triumphalem aratorem appellauerit, & Valerius triumphalis currus habenas eum tractasse tradiderit, ut ante exposui.

Commentarius in fastos

DE COS. AN. CDXCVI.

Q. CAEDICIUM, **L. Manlium** consules edit deinceps **Cassiodorus**; **M. Atilium Regulum**, **L. Manlium Vulsonem Eutropius**; **M. Atilium**, **L. Manlium Polybius**. **Liuius** etiam libro trigessimono, post **M. Atilium Regulum**, inquit, & **L. Manlium** consules Africa nullas copias Romanas vidit, nisi post annos fere quinquaginta, cum **P. Scipio** traiecit. Eorundem meminit etiam **Iustinus** lib. **XL I**. Est autem intelligendum **Q. Caedicium** in magistratu mortuum, **M. Atilium** in eius locum subrogatum, atque iterum factum esse. quod ex **Capitolinis** tabulis patet, in quibus est **L. Manlius Vulso Longus**, & in locum **Q. Caedicij M. Atilij Regulus II**. & ex libro **Cuspiniani**, apud quem est **LONGVS**, & **REGVLVS**.

*De triumpho nauali L. Manlij Vulsonis cos. de Pœnis. & rebus
à M. Atilio Regulo cos. cum Pœnis gestis,*

Hoc anno **Romani** pararunt omnia, ut in **Africam** traicerent. **Pœni** id pro uiribus impedire conati prælium nauale commiserunt. duces hinc erant consules **M. Atilius**, **L. Manlius**, inde **Anno**, & **Amilcar**. uictoria penes **Romanos** fuit. iidem reparatis, quas ceperant, nauibus ad **Mercurij** promontorium, quod est in **Africa**, inde **Aspidem** urbem à litore primam ueniunt, eaque in deditionem accepta in agrum **Carthaginiensem** impetum faciunt. **L. Manlius** **Romam** cum parte classis reuocatus est. **M. Atilius** in **Africa** cum **XL** nauibus, et **xv** millib. peditum, & equitibus mansit. **Carthaginienses** tribus ducibus **Asdrubali**, **Bostari**, & **Amilcari** regionis præsidium tradunt. **Atilius** **Adi** oppido, obfesso, **Tunete** expugnato, cum successorem timeret, facere fœdus cum **Carthaginiensibus** uoluit. quod ab ijs propter acerbiores conditiones repudiatum est. **Hoc Polybius**. **Eutropius** paulo secus de eadem re ita. **L. Manlio Vulso**, **M. Atilio Regulo** cos. bellum in **Africam** translatum est. contra **Amilcarem** **Carthaginiensem** ducem in mari pugnatum, uictusq; est. nam amissis **LXIII** nauibus regressus est. **Romani** **XII** amiserunt. cum in **Africam** transissent, primam **Clypeam** **Africae** ciuitatem in deditionem acceperunt. consules usque ad **Carthaginem** processerunt, multisq; uastatis oppidis **Manlius** uictor **Romam** redijt, & **XXVII** millia captiuorum cum ingentibus spolijs reduxit. **Atilius** in **Africa** remansit, contra res **Carthaginiensium** duces aciem instruxit **Asdrubales** duos, & **Amilcarem**, ac dimicans uictor fuit. **XVII** millia hostium cecidit, **v** millia cum **XVI** elephantis cepit. serpentem miræ magnitudinis, qui milites multos, qui ad flumen **Bagradam** aquatum descenderant, deuorauerat, occidit. cuius corium **xxx** pedes longum fuit, **Romam** delatum aliquandiu cunctis miraculo fuit. tum uicti **Carthaginienses** pacem à **Romanis** petierunt. In epitoma autem **XVI** sic est. **Atilius Regulus** cos. uictis nauali prælio **Pœnis** in **Africam** traiecit. item, in **Africa** serpentem portentosæ magnitudinis cum maxima militum clade occidit. Eadem sunt apud **Orosium**, & **Florū**. De serpente, & corio eius **Gellius** lib. **VI**. cap. **III**. **Valerius** de miraculis. Hæc & naualem triumphum **L. Manlij**, de quo est in **Capitolinis** tabulis, & nobile uictoriâ **M. Atilij** confirmare possunt.

DE COS. AN. CDXCVIII.

SER. Fuluium, **M. Aemilium** consules in hunc annum prodit **Polybius**. **NOBILIOREM**, & **PAVLLVM** liber **Cuspin.** **Ser. Fuluium Nobiliorem**, **M. Aemilium Paullum** **Cassiodorus**, & cū tabulis **Capitolinis** **Eutropius**. **Ser. Fuluij** consulis bello **Punico** meminit etiâ **Liuius** lib. **XLII**.

*De M. Atilio Regulo à Pœnis capto. & triumphis Ser. Fuluij Nobilioris pro cos.
& M. Aemilij Paulli pro cos. de Cossurentibus, & Pœnis.*

Hoc anno captum **M. Atilium** puto, non priore. **Hoc** probant **Liuij** uerba, quæ sunt lib. **XXIII**. **M. Atilius** primo accessu ad **Africam** non offendit. eiq; portus **Africae** patuerunt, & res egregias primo anno gessit, & quantum ad **Carthaginienses** duces inuictus ad ultimum permansit. Item **Valerij** hæc capite de paupertate. **M. Atilius**, cum prorogatum sibi ob res bene gestas imperium in proximum annum cognouisset, consulibus scripsit uillicum in agello mortuum esse, occasionemq; nactum mercenarium amoto inde rustico instrumento discessisse, ideoq; successorem petere, ne deserto agro non esset unde uxor, & liberi alerentur. **Eutropius** autem captum eum sic scribit. Cum **Regulus** pacem, nisi duris conditionibus, daret, **Pœni** auxilium a **Lacedæmonijs**

monijs petierunt, & dux eis missus Xantippus eius belli uictor fuit. Regulus uictus est ultima pernicie. 11 millia tantum ex Romanis effugerunt, xv millia cum Regulo capta, xxx millia cæsa. Xantippus ilico in Græciam nauigauit. Regulus in catenas coniectus. Polybius elephantorum maxime caussa cladem acceptam scribit. Igitur Aemilius Paullus, & Fuluius Nobilior consules audita captiuitate Reguli (inquit Orosius) & clade exercitus Romani transire in Africam cum classe c c nauium iussi Clupeam perunt. Eò & Carthaginienses cum pari classe confestim uenerunt. nec differri potuit nauale certamen. c c c c naues Carthaginiensium demersæ. xxx cum pugnatoribus captæ. præterea xxxv millia militum cæsa sunt. Romanorum autem nouem nauibus deprehensis mille centum periere milites. consules Clupea caltra posuerunt. cum duo Annones eò cum magno exercitu conuenissent, prælio commisso 1x millia militum perdiderunt. post autem cum Romana classis ad Italiam prædis onusta remearet infando naufragio euerfa est. nam ex c c c nauibus c c xx perierunt, lxxx uix abiectis oneribus liberatæ sunt. Amilcar cum exercitu in Numidiam, Mauritaniamq; missus postquã hostiliter in uniuersos egit, quòd Regulũ libenter suscepisse diceretur, mille argenti talentis, & xx millibus boum reliquos condemnauit. Eadem sunt apud Polybium fere, & Eutropium. & de capto Regulo, & naufragijs Romanis in epitoma xv l l l. Itaque in Capitolinis tabulis scriptum est utrunq; consulem de Cossurentibus, & Pænis pro consule sequenti anno triumphasse. ut omnino naufragia consulibus, quo minus uictoriæ honorem meritum adepti sint, impedimento fuisse non uideantur. Cossura autem insula fuit in mari Africo.

DE COS. AN. CDXCIX.

Cn. Cornelium, A. Atilium consules memorat in hunc annum Cassiodorus, & Polybius. A. Atilium Calatinum II, Cn. Cornelium Scipionem Asinam II scribunt Capitolini auctores. De Cn. Cornelio Asina cos. II sic Valerius lib. v l. Cn. Cornelius Scipio Asina, qui consul à Pænis apud Liparas captus fuit, cum belli iure omnia perdidisset, cuncta recuperauit consul iterum creatus. ita ex consule captiuus, ex captiuo iterum consul factus.

De re gestis à consulibus cum Pænis, & triumpho Cn. Cornelij Asinæ pro cos. de Pænis.

ROMANI ducentarum, & uiginti nauium classe refecta, consules Cn. Cornelium, A. Atilium in Siciliam miserunt, qui acceptis ijs, quæ ex naufragio supersuerunt, & classe trecentarum nauium facta, Panormum Pænorum urbem obsidione ceperunt. Ita Polybius. Eutropius item classem ducentarum nauium statim à Romanis reparatam scribit. Hac de caussa factum est, ut Cn. Cornelius de Pænis, sed pro consule, atque insequenti anno triumphauerit. eius enim triumphus in Capitolinis tabulis scriptus est, præterea nusquam.

DE COS. AN. D.

CONSULES suggerit Cassiodorus, & Polybius Cn. Seruilius, C. Sempronius. Cn. Seruilius Cæpionem, C. Sempronium Blæsum Eutropius & Orosius. Eorundem meminit etiam Solinus capite xxx, & lapis Capitolinus.

De censoribus abdicatis.

CENSORES in hunc annum conijciunt Capitolini scriptores D. Iunium Peram, L. Postumium Megellum, qui idem prætor erat. Ceterum abdicatos eos morte Postumij intelligendum est. Nam nec lustrum adscriptum est, & postero anno alteri censores creati sunt. Horum autem meminit, quod legerim, nemo.

De triumpho C. Sempronij Blæsi cos. de Pænis.

CONSULES clx nauibus in Siciliam, inde in Africam transgressi uniuersam oram maritimam, quæ circa Syrtes est, depopulati sunt. ignari autem locorum cum in Syrtes impulissent, onera abijcere omnia, ut naues subleuarent, coacti, cum retro in Siciliam, atque ex Sicilia in Italiam irent, coorta tempestate, cl naues onerarias, & prædam amiserunt. Itaque S. C. factum, ne amplius, quam lx nauium classis ad subsidium Italiæ haberetur. Hæc Polybius, Eutropius, & Orosius.

Commentarius in fastos

Orosius. Itaque Solinus cap. xxx. Cn. Seruilio. C. Sempronio cos. inquit, inter Syrtis clas-
sis Romana impulit. Adijcit etiam Polybius à consulibus his nihil memorabile gestum, ut non
eosdem omnes sequuti annales uideantur, siquidem rem præclare gestam esse indicant ij, qui Ca-
pitolinum triumphum C. Sempronij Blæsi consulis de Pœnis descripserunt. sorte autem, quia ma-
ritimam oram late populatus erat, Sempronius triumphum impetravit.

DE COS. AN. DI.

CONSULES subiicit Cassiodorus C. Aurelium Cottam, & P. Geminum. C. Aurelium
Cottam, P. Seruiliū Geminum lapis Capitolinus. Cicero in Lucullo C. Cottam cum P. Ser-
uilio Geminio bis consulem fuisse scribit. C. Cottæ consulis in Sicilia meminit etiam Frontinus
lib. iiii de stratagematis, & Orosius.

De censoribus, & lustro XXXVII.

M. VALERIUM Maximum, P. Sempronium Sophum censores edunt in eundem annum
Capitolinæ tabulæ, ab ijsque lustrum xxxvii conditum profitentur. De quibus hæc tan-
tum Valerius capite de censoria nota. P. Sempronius Sophus, M. Valerius censores quadringen-
tos iuuenes equites, quia in Sicilia ad munitionum opus ire iussi, facere id neglexerant, equis pu-
blicis spoliatos in numerum ærariorum retulerunt. & in epitoma xviii. P. Sempronius So-
phus, M. Valerius Maximus censores cum senatum legerent, xiii senatu mouerunt, lustrum
condiderunt, quo censa sunt ciuium capita cxcviii millia dcccviii.

De triumpho C. Aurelij Cottæ cos. de Pœnis, & Siculis.

C. AURELIUM Cottam consulem de Pœnis, & Siculis triumphasse nemo prodit, nisi is,
qui Capitolinos triumphos digessit. Probant autem hunc triumphum uerba Orosii ita scriben-
tis. Patres decreto rupto Cottam consulem in Siciliam miserunt. qui plurimis prælijs aduersus
Pœnos, & Siculos terra, mariq; pugnavit, & per totam Siciliam partim hostium, partim etiam so-
ciorum inhumanas strages reliquit. & Frontinus lib. iiii. sic. Aurelius Cotta consul cum ad
opus equites necessitate cogente iussisset accedere, eorumq; pars detrectasset imperium, questus
apud censores, effecit, ut notarentur. à patribus deinde obtinuit, ne eis præterita æra procederent.
Tribuni quoque plebis de eadem re ad populum pertulerunt, omniumq; consensu stabilita disci-
plina est. Item. Cotta consul in Sicilia in Valerium nobilem tribunum militum virgis animad-
uertit. Idem P. Valerium Pecuniolam sanguine sibi iunctum, quem obsidioni Liparitanae ad au-
spicia repetenda Messanam transiturus, præfecerat, uirgis cæsum militiæ munere inter pedites
fungi coegit, quod eius culpa ager incensus, & pene castra erant capta. Polybius Cottæ nomen
omisit, uictoriam autem his (ut puto) uerbis expressit. Romani accepta ab elephantis in Africa
clade adeo perculsi erant, ut per biennium partim in agro Africo, partim in Selinuntio, cum pro-
pe hostes quinque aut sex stadia castra fecissent, nec pugnam inire, nec æquis se campis committe-
re ausi sint, quod elephantorum incursionem pertimescerent. Thermam autem, ac Liparas inte-
rea obsederunt. Cum hæc ratio facit, ut Orosio non assentiar, qui Cottam mari pugnasse tradi-
dit, tum uero quod nec Cottæ triumphus naualis fuisse traditur, & Romani nisi biennio post, de-
cretum de classe restituenda fecerunt.

DE COS. AN. DII.

L. CAECILIUM, Cn. Furium consules Polybius suggerit. L. Cæciliū Metellum, C. Fu-
rium Cassiodorus. L. Cæciliū Metellum, C. Furium Pacilum Eutropius, Orosius, & lapis
Capitolinus. Hic est L. Metellus bis consul, & Pont. Max. de quo Plinius lib. vii. cap. xlii.

De re gesta cum Pœnis à L. Metello cos.

L. CAECILIUM Metellum consulem rem cum Pœnis in Sicilia bene gessisse nemo negat.
pro consule, etiam gessisse indicat triumphus eius, quem proconsule egit vii idus Septemb. Hoc
enim tempore consules inijsse arbitror aut Maio, aut Iunio mense. quod priore anno C. Cottam ex-
tremo, ut par est, consulatu de Pœnis, & Siculis idib. Aprilis triumphauerit. De rebus autem à
Metello

Metello gestis sic Polybius. L. Metellus, C. Furius in Siciliam cum pedestribus copijs missi. ijs naues tantum xx comportandi fruementi causa datae, quod Romani saeuissimis naufragijs confilati mari sibi abstinendum esse decreuissent. Asdrubal autem Romanorum metu cognito, cum altero consule cum parte copiarum Romam reuerso, solum Metellum Panormi se continere audiret, ex Lilybaeo in Panormitanum agrum irrupit, ut, si posset, Metellum ad praelium prouocaret. cum Metellus traicientem flumen adortus, maxime elephantorum, quos in Romanos ille impulerat, in suos fuga summo praelio superauit. quo factum est, ut vrbe egressus castra & ipse sub dio habuerit. Ita Polybius. Orosius autem hoc modo. Asdrubal nouus Pœnorum dux cum elephantis $cxxxiii$, & equitum, peditumq; amplius xx millibus Lilybaeum uenit ex Africa, & cum Metello consule apud Panormum pugnavit. sed Metellus uim belluarum timens eas consilio uel fugauit, uel caecidit. & sic facile magnam uim hostium superauit. xx millia Carthaginensium caesa. elephantis xxv interfecti. $ciii$ capti, & per Italiam ducti maximum Italici spectaculum praebuere. Asdrubal cum paucis Lilybaeum profugit. & absens à Pœnis capite damnatus est. & Eutropius. Metellus consul in Sicilia Asdrubalem cum $cxxx$ elephantis, & magnis copijs vicit. apud Panormum xx millia hostium occidit. xxv elephantis cepit. reliquos errantes collegit. De eodem ita etiam in Parallelis Plutarchus. Pœnis, ac Siculis socia aduersus Romanos arma parantibus Metellus imp. omnibus dijs, praeterquam Vestae, sacrificium fecit. quae cum aduersus ventos immisisset, C. Iulius augur eos cessaturos dixit, si ante filiam immolasset. quod cum ille facturus esset, dea buculam supposuit. Hoc anno victos Pœnos Regulum captiuum Romam de pace, aut de captiuis commutandis misisse, utrunq; eum in senatu disuasisse scribit Eutropius, Orosius, Gell. lib. v cap. iii , Valerius lib. primo, cap. i , Cicero de off. de finibus, epitoma $xviii$, alij.

DE COS. AN. DIII.

C. ATILIUM, L. Manlium consules edit hoc anno Polybius. C. Atilium Regulum, L. Manlium Calsiodorus. C. Atilium Regulum, L. Manlium Vulsonem ambos iterum Orosius, & lapsi Capitolinus.

De triumpho L. Metelli pro cos. de Pœnis.

L. METELLUM pro consule triumphasse de Pœnis tradunt Capitolini scriptores. Qui triumphus omnium pene annalium uocibus celebratur. sic enim loquitur Plinius lib. $viii$: Roma plurimos elephantos anno quingentesimo secundo uidit victoria L. Metelli pont. in Sicilia de Pœnis captos. & lib. $viii$: L. Metellus pont. bis cos. dict. magister eq. primus elephantos primo Punico bello duxit in triumpho. & lib. $xviii$: M. Varro auctor est, cum L. Metellus in triumpho plurimos duxit elephantos, assibus singulis farris modios fuisse. Epitoma autem xix , ita. Caecilius Metellus rebus aduersus Pœnos prospere gestis speciosissimum egit triumphum $xiii$ ducibus hostium, & cxx elephantis in eo ductis. & Florus: Argumentum ingentis uictoriae Metelli centum circiter elephantorum captiuitas. Eutropius $cxxx$ elephantos in triumpho ductos scribit. Quo praeterea consilio elephantos traiecerit in Italiam Metellus, Frontinus docet libro primo cap. $viii$.

De re gesta à consulibus cum Pœnis.

Hoc anno Romani, inquit Polybius, Metelli uictoria elati noua aedificata classe, & uetere resecta, consules C. Atilium, & L. Manlium in Siciliam miserunt. hi acceptis pedestribus copijs ad Lilybaeum obsidendum pergunt. Imilco urbi praerat. cum obsidio differretur Annibal Amilcaris filius ex Africa cum classe missus, atque intra oppidum receptus Pœnorum animos confirmauit. multis Romanorum diuturna obsidione delectis Romani supplementum miserunt. Hae Polybius. Orosius autem sic. Remisso Regulo captiuo Carthaginem alter Atilius Regulus, & Manlius Vulso ambo ii consules cum classe c nauium, & $iiii$ legionibus Lilybaeum profecti sunt. quod oppidum obsidere Romani conati superueniente Annibale Amilcaris filio uicti maiore exercitus sui parte amissa ipsi aegre euaserunt.

DE COS. AN. DIIII.

CONSULES subiicit P. Claudium, L. Iunium Calsiodorus, & Polybius. Claudio Pulchrum
o Florus

Commentarius in fastos

Florus, & Suetonius in Tiberio; Iunio Pullum Cenforinus cognomina adijciunt. quæ eadem sunt etiam in Capitolinis tabulis. Hunc P. Claudium Cicero de diuinatione, & de natura deorum Ap. Cæci filium, Plinius lib. x v. nepotem uocant. cum Cicerone stant Capitolini scriptores. Eorundem consulum meminit Valerius lib. i. cap. i i i i.

De re gesta à consulibus cum Pœnis.

P. CLAVDIUS consul in Siciliam, ut exercitui præesset, missus cum Drepanum, ubi Adherbal erat, nauigaret, cum eodem occurrente congressus uix cum xxx nauibus incolumis euasit. xciii in manus hostium peruenere. propterea à Romanis postea iudicio condemnatus, quod eius temeritate cladem eam acceptam satis constabat. L. Iunius consul alter refecta classe à Romanis in Siciliam mittitur, ut ijs, qui Lilybæum obsiderent, adesset. classis Romana, quæ in portu Lilybætano erat, interea à Carthalone, & Imilcone præfectis partim incenditur, partim capitur. ad cuius rei nuncium, cum L. Iunius, qui Syraculis erat, properaret, orta sæua tempestate omni classe amissa sollicitus Lilybæum contendit. inde in Eryce monte, & oppido capto præsidij impositis Romam redijt. Hæc Polybius. De eadem autem re Orosius sic. Claudius consul cum classe cxx nauium ad Drepani portum contra hostem profectus, ibiq; mox exceptus classe Pœnorum superatus est. et ipse quidem cum xxx nauibus Lilybæum in castra confugit, reliquæ omnes aut captæ, aut demersæ fuerunt. v i i i millia militum cæsa, xx millia capta referuntur. L. Iunius collega Claudij uniuersam classem naufragio amisit. Eutropius autē ita. Claudius contra auspicia pugnavit, & à Carthaginienfibus uictus est. Iunius classem naufragio amisit. exercitum tamen saluum habuit, quia uicina litora erant. De neglectis ab utroque consule auspicijs Cicero de diuinatione, & de natura deorum, sic. P. Claudius Ap. Cæci filius primo Punico bello etiam per iocum deos irridens, cum cauea liberati pulli non pascerentur mergi eos in aquam iussit, ut biberent, quoniam esse nollent. qui risus multas ipsi lacrymas, magnam populo Ro. cladem attulit. itaque à populo condemnatus est. L. autem Iunius P. Claudij collega tempestate classem amisit, cum auspicijs non paruisset. itaque necem sibi ipse consciuit. Valerius tamen lib. v i i i Claudium damnatum non esse ostendit, cum ait. P. Claudius neglectis auspicijs amissa classe infesto populo obiectus cum effugere debitam pœnam nullo modo posse crederetur, subito coorti imbris beneficio à damnatione tutus fuit. discussa enim quæstione aliam uelut dijs interpellantibus de integro instaurari non placuit.

De M. Claudio Glicia dict. abd. A. Atilio Calatino dictatore suffecto.

Hoc anno M. Claudio dictatore creato, eoq; abdicato A. Atilium Calatinum subrogatum esse inuenio non solum in Capitolinis tabulis, sed etiam apud Suetonium in Tiberio, & in epitoma x i x. Suetonius quidem sic scribit. Claudius Pulcher apud Siciliam non pascentibus in auspiciando pullis, ac per contemptum religionis mari demersis, ut biberent, quando esse nollent, prælium nauale iniit, superatusq; cum dictatorem dicere à senatu iuberetur, velut iterum illudens crimini publico Gliciam uiatorem suum dixit. In epitoma autem scriptum est ita. Claudius Pulcher consul, qui contra auspicia profectus iussit immergi pullos, qui cibari nolebant, infeliciter aduersus Carthaginienfes classe pugnavit, & reuocatus à senatu, iussusq; dictatorem dicere, C. Glauciam dixit ultimæ fortis hominem. qui coactus abdicare se magistratu postea ludos prætextatus spectauit. Atilius Calatinus primus dictator exercitum extra Italiam duxit. Dio etiam lib. x x x v i, obseruatum esse diligenter ait, ne dictator extra Italiam imperium haberet. ac nemini unquam nisi uni in Siciliam id esse delatum. De L. Cæcilio Metello magistro equitum agit Plin. lib. v i i. cap. x l i i i. Quæ Calatinus dictator in Sicilia gesserit, ea ad nos non perueniunt.

DE COS. AN. DV.

P. SERVILIUM, C. Aurelium consules suggerit Cassiodorus. Hos bis consules fuisse scribit in Lucullo Cicero. Quod etiam ex Capitolinis tabulis intelligitur. in quibus cognomina horum sunt Geminus ii. & Cotta ii.

De re gesta cum Pœnis.

ROMANOS prioris anni naufragio afflictos per quinque annos mari abstinuisse scribit Polybius.

bis. sic enim potius legendum puto, quàm quindecim. Classẽ Punicam insequentibus post Claudium consulem annis Italiæ oram infestam reddidisse, eamq̃, longe, lateq̃; uastasse auctor est Eutropius, & Polybius. Multa interea per tres annos prælia ad Erycem commissa esse inter Romanos, & Pænos, cum summum, & imum montem Romani Amilcar Barca eorum imperator mediam urbem teneret; verum quibus Romanis ducibus, ac quid quoque anno sigillatim gestum sit, memoriæ proditum non esse, ait Polybius.

DE COS. AN. DVI.

L. CÆCILIVM, M. Fabium consules in hunc annum edit Cassiodorus. METELLVM II. et BUTEONEM II, liber Cuspinianus. L. Cæcilium Metellum II. N. Fabium Buteonem II, Capitolini scriptores. Metellum bis consulem fuisse tradit etiam lib. VI Plinius.

De censoribus, & lustro XXXVIII.

CENSORES A. Atilium Calatinum, A. Manlium Torquatum Atticum hoc anno lustrum fecisse XXXVIII inuenio in tabulis Capitolinis scriptum. De censorum nominibus nihil proditum ab alijs est. De lustro ita est in epitoma XIX. Lustrum à censoribus conditum est. censa sunt ciuium capita CCLII millia CCXXII.

DE COS. AN. DVII.

M. FABIVM, M. Otacilium consules suggerit Cassiodorus. Fabium Licinum, & Otacilium Crassum Gellius lib. X. cap. VI. M. Fabium Licinum, M. Otacilium Crassum Capitolini lapides. His consulibus, auctore Gellio, Claudia Cæci filia, P. Claudij soror à ludis diuertens cum turba premeretur, dixit, Utinam frater meus uiueret, iterumq̃; classem duceret. proptereaq̃; C. Fundanius, & Ti. Sempronius ædiles pl. multam dixerunt ei æris grauis XXV millia. Idem scriptum est apud Suetonium in Tiberio, & Valerium, & in epitoma XIX.

De Ti. Coruncanio dictatore.

TI. CORVNCANIUM dictatorem cum magistro eq. M. Fulvio Flacco comitiorum habendorum causa creatum nisi Capitolinæ tabulæ tradidissent, in huius profecto historiæ ignoratione, in tanto presertim annalium silentio, uersati essemus, nec clarissimum hunc summi uiri titulum cognouissemus. hic est enim Ti. Coruncanius, qui consul triumphauit, & primus de plebe pontifex maximus factus est.

DE COS. AN. DVIII.

M. FABIVM, C. Atilium consules in hunc annum memorat Cassiodorus. M. Fabium Buteonem, C. Atilium Bulbum Capitolinæ tabulæ. De re à M. Fabio consule gesta sic Florus. M. Fabio Buteone consule populus Romanus classem hostium in Africo mari apud Aegimurum in Italiam ultro nauigantem cæcidit. Quantus ò tum triumphus tempestate intercudit. classis autem intelligenda est, quam ad tutanda Italiæ litora Romani habuerunt. Eodem anno Fregenz colonia deducta. Velleius lib. primo, epitoma XIX.

DE COS. AN. DIX.

CASSIODORVS consules prodit A. Manlium, C. Sempronium. ATTICVM, et BLÆSUM liber Cuspinianus. A. Manlium Torquatum, C. Sempronium Blæsum II. Capitolini scriptores. Horum consulum sic meminit Velleius. Brundisium colonia deducta Sempronio, & Torquato cos. cuius rei mentio est etiam in epitoma XIX.

DE COS. AN. DX.

C. FUNDANIUM, C. Sulpicium consules subdit Cassiodorus. C. Fundanium Fundulum, C. Sulpicium Gallum Capitolini scriptores. Horum meminit præterea nemo.

Commentarius in fastos

DE COS. AN. DXI.

CONSULES in hunc annum prodit Cassiodorus C. Lutatium, A. Postumium C. Lutatium Catulum, A. Postumium Albinum Eutropius, & Capitolini auctores. Horum et alij meminerunt, ut mox dicemus. Cæcilius Metellus pont. max. A. Postumium consulem, quoniam & idem flamen Martialis erat, cum ille ad bellum gerendum proficisci uellet, in urbe tenuit, nec passus est à sacris recedere. epitoma xix. C. Lurario consuli Sicilia obuenit. Q. Valerius Falto prætor adiutor Lutatio datus. hoc anno primum prætores duos creatos opinor. (quod ex epitoma etiam ipsa cognosci potest.) unum, qui in urbe ius diceret, alterum, qui Lutatium consulem in bello iuaret.

De re gesta à C. Catulo consule cum Pœnis.

Hoc anno Romani reparata classe C. Lutatium consulem aduersus Pœnos miserunt. Huic, cum iam Drepani portum, ceterasque, quæ circa Lilybæum sunt, stationes in potestatem redegisset, Anno classis præfectus ad Amilcarem nauigans occurrit. summo commisso prælio res Romana superior fuit. naues Pœnorum submersæ l, capte lxx, reliquæ Hieronesium refugerunt. uiui capti amplius x millia hominum. Hæc Polybius. Orosius autem ita. Lutatius cum classe ccc nauium in Siciliam transuectus, dum apud Drepanum ciuitatem pugnam inter primores Siciliæ ciceret, transfixo femore, æger time, cum iam obrueretur, crectus est. porro autem Pœni cum ccc nauibus magnisque copijs ad Siciliam, duce Annone concurrunt. nec tamen Lutatius segnior. immo consilia Pœnorum mira celeritate præuenit. postquam proximè sibi utrorumque classes apud Aegates insulam per totam noctem intertextis propemodum anchoris confisterint, orta luce prior Lutatius signum bello dedit. erudescente pugna uictus Anno nauem auertit, & dux suæ primus fuit: aliquanta cum eo pars exercitus sui Africam petunt. alij Lilybæum confugere. lxxiii Punicæ naues capte sunt, cxxv demersæ, xxxiii millia hominum capta, cæsa xiiii millia. Romanorum autem xii naues demersæ sunt. Lutatius deinde ad Erycinam ciuitatem, quam Pœni tenebant, uenit. ibique duo millia Carthaginiensium conferta pugna interfecit. Idem scribit Eutropius. Idem est in epitoma xix his uerbis. Rebus aduersus Pœnos à pluribus ductibus prospere gestis summam uictoriæ C. Lutatius consul uicta ad Aegates insulam classe Pœnorum finem bello imposuit. Liuius lib. xxxi. Modo C. Lutatio quæ alia res, quam celeritas uictoriam dedit? quod postero die, quam hostem uidit, classem grauem comineatibus impeditam suæ & ipsam instrumento & apparatu oppressit?

DE COS. AN. DXII.

Q. LUTATIUM, A. Manlium consules in hunc annum edunt Cassiodorus, Eutropius, & Orosius. Q. Lutatium Cerconem, A. Manlium Torquatium Atticum II. Capitolini scriptores. C. Lutatius Cerco legatus etiam quidam lib. xlii nominatur à Liuiio. C. Lutatio, & Q. Valerio prorogatum imperium est. His cos. cum templum Vestæ arderet L. Merellus pont. max. sacra ex incendio rapuit. Orosius, Epitoma xix, Plinius lib. vii, Valerius lib. i, Plutarchus in Parallelis. Velina, & Quirina tribus adiecta. Epitoma xix. Spoletum colonia deducta, Floralia instituta. Velleius lib. primo, epitoma xix, & Plin. lib. xvii. cum ait. Floralia xiiii K. Maij ex libris Sibyllæ, ut omnia bene deflorescerent, instituta.

De pace Pœnis data, et triumphis naualibus C. Lutatij Catuli cos.

Q. Valerij Faltonis pro pr. de Pœnis.

Hoc anno petentibus Carthaginiensibus pax data est. Loquitur enim Anno sic apud Liuium lib. xxxi. Lutatio & Postumio consulibus uicti apud Aegates sumus; & lib. xxx Liuius ipse ita. Q. Lutatio, A. Manlio consulibus pax postremo cum Carthaginiensibus facta est. Probus Amilcarem, cum eum Eryce excedere relictis armis Catulus iuberet, se perituum potius respondisse tradit, quam ut arma contra hostes à patria data hostibus traderet. Itaque merito Liuius ita ait lib. xxxv. Fœdera Carthaginiensium cum Romanis Amilcaris scripta manu sunt. Amilcar iussus à consule præsidium ab Eryce deduxit, & graues leges impositas Carthaginiensibus mœrens accepit. & lib. xxxi. Pœni ab Eryce duodeuicenis denarijs æstimati emissi. Leges autem hæc læte sunt.

Pœni

Pœni Sicilia, & omnibus insulis quæ inter Italiam, & Africam sunt excedunt. duò millia & ducenta talenta in annos xx pendunt, in præsens mille. Captiuos Romanos sine pretio reddunt. Vtriusq; populi socij apud utrunq; populum tuti sunt. Alterius socios neuter in amicitiam recipit. Neuter in alieno imperio imperato, ne ue milites conducito. Polybius, Eutropius, alij. Itaque Liuius lib. xx i. ait. Pœni nauali ad Aegates clade accepta, Sicilia & Sardinia cessere, & se uectigales, ac stipendiarios fieri passi sunt. Hic autem annus est huius belli xxxiii. quem qui negligunt, bellum hoc per xxxiii annos duntaxat gestum tradunt. Ceterum C. Lutatium Catulum, qui Pœnos uicit, & bellum confect hoc anno pro consule de Pœnis naualem triumphum egisse, idemq; Q. Valerium Faltonem pro prætore fecisse scriptum est in Capitolinis tabulis. quos triumphos probant hæc uerba Valerij capite de institutis. C. Lutatius consul, & Q. Valerius prætor circa Siciliam insignem Pœnorum classem delebant. eo nomine Lutatio consuli triumphum decreuit senatus. cum sibi decerni etiam Valerius cuperet, negauit id oportere fieri Lutatius, ne in honore triumphi minor potestas minori æquaretur. Valerius sponcione Lutatium prouocauit. non se petiturum triumphum, nisi suo ductu Punica classis esset oppressa. Lutatius restipulatus est. iudex inter eos conuenit Atilius Calatinus. apud quem egit Valerius sic. consulem ea pugna claudum in lectica iacuisse. se omnibus imperatorijs partibus functum. Calatinus adhuc tacente Lutatio secundum eum ipsum litem dedit. quoniam auspicio consulis esset bellum gestum. Apparet tamen contra Calatini sententiam Valerium etiam triumphasse. Primus certe hic pro prætore triumphauit. Hoc bello Siciliam primam prouinciam populi Rom. factam regno Hieronis Syracusani excepto opinor. quod Cicero in Verrem Siciliam omnium exterarum nationum principem se ad amicitiam fidemq; populi Rom. applicuisse, primam omnium prouinciam appellatam esse prodit. Vniuersa autem Marcelli uictoria captis Syracusis in potestatem populi Rom. bello Punico ii uenit.

De triumphis A. Manlij Torquati cos. Q. Lutatij Cerconis cos. de Faliscis.

FALISCOS hoc anno mouisse tradit his uerbis Eutropius. Q. Lutatius, A. Manlius consules creati bellum Faliscis intulerunt, quod ambo consules intra sex dies, quam uenerant, transegerunt, quindecim millibus hostium caesis, ceteris pace concessa, dimidio tamen agro sublato. & epitoma xxx sic. Falisci cum rebellassent sexto die domiti in deditionem uenerunt. Itaque Valerius etiam lib. v r. in hunc modum loquitur. Faliscorum ciuitas aliquoties rebellando, semperq; aduersis confusa prælijs, tandem se Q. Lutatio consuli dedere coacta est. Plutarchus in Gracchis, Faliscis bellum motum ait, quia Genucius quidam tribunus pl. contumelia ab ijs affectus fuit. Orosius tamen hoc bellum bellatum esse Ti. Sempronio Graccho, P. Valerio Faltoni consulis scriptum reliquit. Me autem haud aliorum esse sententiam prænitet, præsertim uero cum consules ambos Manlium, Lutatiumq; de Faliscis triumphasse in Capitolinis tabulis scriptum inueniam.

De censoribus, & lustro XXXIX.

CENSORES hoc anno creatos ostendunt Capitolina tabula, censum actum Eusebius in temporibus. Censorem alterum C. Aurelium Cottam uirum consularem edunt Capitolini scriptores, alterum, (nomen enim eius exesum est) N. Fabium Buteonem esse arbitratus sum. scribit enim Liuius lib. xxxiii, dictatorem creatum esse anno dxxxvi N. Fabium Buteonem, qui censor fuisset, & ex ijs, qui uiuerent, censorijs uetustissimus esset. et certe nisi in hunc annum hunc conijcias, profecto quo alio anno fuerit, non inuenies. cum autem hoc tempore & N. & M. Fabij Buteones consulares essent, mihi probatum est magis N. Fabium, qui prior cepit consulatum, quam M. Fabium, censorem esse factum. nam apud Liuium M. Fabius dictator legitur, sed forte mendose. Nam Numerij prænominis nota in vulgatis libris omnino ignorata euanuerat. Lustrum factum esse xxxix apparet ex sequenti xl.

DE COS. AN. DXIII.

Hic annus consules habuit C. Claudium Centhonem, M. Sempronium Tuditanum Cassiodoro, & Capitolinis tabulis auctoribus. Quorum consulum sic meminit Cicero in Catone. Liuius poeta senex fabulam docuit Centhone, Tuditanoq; consulibus. & in Bruto. Liuius primus fabulam C. Clodio Cæci filio, & M. Tuditano consulibus docuit anno ipso ante quam natus est Ennius post Romam conditam anno quingentesimo quarto decimo. Idem scribit in Tusculana prima.

Commentarius in fastos

prima. et Gellius lib. xvi. M. Liuius poeta fabulas docere Romæ cepit consulibus Claudio Cæthone Ap. Cæci filio, & M. Sempronio Tuditano. C. Claudium Ap. F. Cæthonem interregem prodit anno dxxxvi. Liuius.

DE COS. AN. DXIII.

CONSULES deinceps sequuti sunt teste Cassiodoro C. Mamilius, Q. Valerius. C. Mamilius Turrinus, Q. Valerius Falto, Capitolinis tabulis. Horum sic meminit Gellius lib. xvi. Claudium & Tuditanum consules sequuntur Q. Valerius, & C. Mamilius, quibus natum esse Q. Ennium poetam M. Varro in primo de poetis scripsit. Liuius etiam lib. xxviii meminit prætoris Q. Mamilij Turrini anno dxlvi. His consulibus Valentia colonia deducta. auctor Velleius lib. primo.

DE COS. AN. DXV.

CONSULES in insequentem annum inuenio apud Cassiodorū Ti. Sempronium, & P. Cornelium. GRACCHVM, et FALTONEM in libro Cusp. Ti. Sempronium Gracchum, P. Valerium Faltonem apud scriptores Capitulos. Horum sic meminit Orosius. Ti. Sempronio Graccho, P. Valerio Faltone consulibus cum Faliscis bellauere Romani. eoq; prælio xv millia Faliscorum interfecta. potiores autem apud me auctores sunt, qui Faliscorum bellum triennio ante gestum scripserunt.

De motu Gallico, et triumpho P. Valerio cos. negato.

EODEM anno, inquit Orosius, Galli Cisalpini noui extitere hostes. aduersus quos uaria sorte bellatum est. nam primo conflictu Valerio consule 111 millia de Romanorum cecidere, secundo xiiii millia Gallorum cæsa, duo millia capta. sed ob priorem cladem triumphus consuli negatus est. Qua de re secus Polybius lib. 11. Galli, inquit, cum post priores clades annos xl v quie uissent, rursus arma mouent, transalpinis Gallis clam inconsulta plebe accitis. itaque cum transalpini ad Ariminum venissent, multitudo Boiorum harum rerum ignara repentino aduentu illorum perculsa, regibus suis Ate, & Galato, qui eos acciuerant, interfectis, acie cum transalpinis ipsis confligit. Romani autem motu Transalpinorum perterriti cum exercitum eduxissent, audita Gallorum inter se pugna, domum reuerterunt.

DE COS. AN. DXVI.

DEINCEPS L. Cornelium, Q. Fuluium consules profitetur Cassiodorus. L. Cornelium Lentulum, Q. Fuluium Flaccum Eutropius. Capitolini scriptores Lentulo Caudinum adiungunt. ita etiam in libro Cuspiniani CAUDINVS, et FLACCVS nominantur.

De bello Ligustino, et triumpho L. Lentuli cos.

HIS consulibus Liguribus primum arma illata sunt. Id docet aperte Eutropius, cum ita scribit: L. Cornelio Lentulo, Q. Fulvio Flacco cos. contra Ligures intra Italiam bellum gestum est. Bellum autem hoc latrocinia Ligurum excitarunt. sic enim loquitur Florus. Ligures imis Alpium iugis adhærentes inter Varum, & Macram flumen implicitos dumis syluestribus maior labor erat inuenire, quam uincere. tutum locis, & fuga, durum, atque uelox genus ex occasione latrocinia magis, quam bella faciebat. itaque cum diu multumq; eluderent, saltu, uijs, latebris Deceates, Oxybij, Euburiates, Ingauni; tandem Fuluius latebras eorum igni sepsit. significat autem uictoriam, quam Q. Fuluius Flaccus cos. retulit de Liguribus an. demum dclxxiiii. De hoc bello inito sic est scriptum in epitoma xx. Aduersus Ligures tunc primum exercitus promotus. & in Capitulinis tabulis est, L. Cornelius Lentulus consul de Liguribus triumphauit. Ligurum denique hoc anno interfecta xiiii millia, quinque millia capta, & de ijs triumphatum esse auctor est Eutropius.

DE COS. AN. DXVII.

CASSIODORVS consules subijcit C. Licinium, P. Cornelium. C. Licinium Varum, P. Cornelium

Cornelium Lentulum Caudinum Capitolini scriptores, & Censorinus. qui idem hunc annum ab v. c. numerat **DXVII**, Plinianam, & Ciceronianam sequutus summam, non Capitolinam. **CAVDINVM**, et **VARVM** liber, quem citat Cuspinianus.

De censoribus.

CENSORES hoc anno fuerunt L. Cornelius Lentulus, Q. Lutatius Cerco, qui quidem in magistratu mortuus est. Auctores duntaxat Capitolini scriptores, quibus quanta fides habenda sit, qui totum hunc commentarium leget, facile etiam me tacente intelliget. abdicasse eos, nec lustrum fecisse cum mors Lutatij, tum sequentium census ostendit.

DE COS. AN. DXVIII.

CONSVLES hic annus habuit auctore Cassiodoro T. Manlium Torquatum, C. Atilium. Eutropio uero, & Orosio, & Capitolinis tabulis T. Manlium Torquatum, C. Atilium Bulbum. Bulbo **II** adijciunt Capitolinæ. Plutarchus in Numa, atque in libro de fortuna Ro. C. Atilio, T. Manlio consulibus templum Iani pace toto imperio parta iterum clausum esse scribit. Idem tradit Liuius lib. primo, Eutropius, Orosius, & Velleius lib. **II**.

De triumpho T. Manlij Torquati cos. & bello Sardonum.

Hoc anno bellum cum Sardis initum. id quod notauit his uerbis Eutropius. L. Lentulo, Q. Fulvio cos. Carthaginienſes, inquit, bellum reparare tentabant, Sardinienſes, qui ex conditione pacis Romanis parere debebant, ad bellum impellentes. uenit tamen legatio Carthaginienſium Romam, & pacem impetrauit. T. Manlio Torquato, C. Atilio Bulbo cos. de Sardis triumphatum est. & pace omnibus locis facta Romani nullum bellum habuerunt. quod his post Romanam conditam semel tantum Numa Pompilio regnante contigerat. Itaque Orosius etiam ita scripsit. T. Manlio Torquato, C. Atilio Bulbo cos. Sardinia rebellauit, auctoribus Pœnis. mox subacta est. sed eis pacem supplicantibus tandem concessa est. & Velleius ita. Sardinia inter primum, & secundum bellum Punicum ductu T. Manlij consulis certum accepit imperium. & Liuius lib. **XXIII** sic. T. Manlius in consulatu subegit Sardos. & lib. **XXI**, Sardinia inter motum Africæ fraude Romanorum stipendio etiam superimposito intercepta. & epitoma **XX**, Sardi cū rebellassent subacti sunt. Qua de re Polybius etiam libro primo extremo. Hæc prima populi R. prouincia hoc tempore facta est. nam Sicilia non nisi Syracusis à Marcello captis in prouinciæ formam tota redacta est. auctor Velleius. T. Manlium Torquatum consulem de Sardis triumphasse scriptum est in Capitolinis triumphis.

DE COS. AN. DXIX.

CONSVLES nominat in hunc annum Cassiodorus L. Postumium, Sp. Caruilium. L. Postumium Albinum, Sp. Caruilium Maximum Capitolinæ tabulæ. Sp. Caruilium Maximum augurem mortuum tradit Liuius anno **DXLIII**. Caruilio Sardie uenerunt.

De censoribus, & lustro XL.

CENSORES C. Atilium Bulbum, A. Postumium Albinum lustrum hoc anno fecisse **XL**, nisi nos tabulæ Capitolinæ docuissent, in huius historiæ ignoratione uersaremur.

De triumpho Sp. Caruilij Maximi cos. de Sardis.

SARDI T. Manlio uicti hoc anno uidentur rebellasse, presertim uero cum hoc anno Sp. Caruilium Maximus consul de ijs triumphauerit, auctoribus Capitolinis tabulis. & hoc ipsum nisi earum testimonio cognitum esset, id vetustas, ut alia etiam multa, obliuione obruisset.

DE COS. AN. DXX.

Q. FABIVM, M'. Pomponium consules suggerit Cassiodorus, Q. Fabium Maximum Veruccosum,

Commentarius in fastos

ruccossum, M'. Pomponium Mathonem Capitolinæ tabulæ. Maximi cognomen Fabius ab auctore accepit, non ipse primus inuenit, contra quàm scribit Polybius lib. 111. Verrucossum à ueruca in labris dictus. Plutarchus auctor, & qui scripsit de uiris illustribus.

De triumpho Q. Fabij Max. cos. de Liguribus.

N E Ligures quidem victoria L. Lentuli quieuerunt. siquidem Q. Fabius consul hoc anno aduersus eos profectus, summo (ut ait Plutarchus) eos prælio superauit. qua clade accepta ad alpes recefferunt, ac finem populandi fecerunt. Notat idem Plutarchus Q. Fabium non solum in primo consulatu de Liguribus triumphasse, sed ex nulla ipsum unquam pugna, nisi ex ea, ex qua triumphauit, uictorem excessisse. Huc etiam pertinet, quod scriptum reliquit Cicero in lib. de natura deorum, Q. Maximum bello Ligustino templum Honoris dedicasse. Eundem consulem de Liguribus triumphasse Capitolini scriptores cum eo, qui de uiris illustribus tradidit, prodiderunt. Ligures à Q. Fabio domiti aliquot inde tempora in ocio fuerunt. post autem sæpius rebelantes inter secundum, & tertium Punicum bellum funditus deleti sunt.

De triumpho M'. Pomponij Mathonis cos. de Sardis.

S P. Caruilio consuli in Sardiniam successit M'. Pomponius Matho, qui & ipse bene rem cum Sardis uidetur gessisse, quia de Sardis, auctoribus Capitolinis tabulis, in consulatu triumphauit. neque enim huius triumphus apud quenquam alium mentio est. quod uniuersa hæc de subacta Sardinia historia penitus sit amissa. cum autem hic ultimus actus sit hoc tempore de Sardis triumphus, profecto Sardi ipsi à Pomponio consule pacati uidentur.

DE COS. AN. DXXI.

M. LEPIDVM, M. Poblicium consules in hunc annum suggerit Cassiodorus. M. Aemilium Lepidum, M. Poblicium Malleolum Capitolini scriptores.

DE COS. AN. DXXII.

INSEQUENS annus consules habuit C. Papirium, M. Pomponium auctore Cassiodoro, & Dionysio lib. 111. C. Papirium Masonem, M. Pomponium Mathonem, Capitolinis fastis. M. Pomponium Mathonem prætorem urb. nominat Liuius anno DXXXVII. C. Papirium C. F. Masonem Pont. C. Papirium L. F. Masonem decemuirum sacrorum mortuos scribit anno DXL. Cicero etiam ad Pætum numerans Papirios claros uiros; Inde, inquit, L. Maso ædificius, inde multi Masones, qui patricij minorum gentium fuerunt. Maso consul bellum Corsicum fortitus est. His consulibus Sp. Caruilius Ruga primus Romæ cum uxore diuortium fecit, quod sterilis esset, iurassetq; apud censores, uxorem se liberorum quærendorum causa habere. auctor Dionysius lib. 111. itaque Gellius lib. xv11, hos consules intelligens, id factum esse scribit anno urbis conditæ DXXI. nam lib. 1111 ex Ser. Sulpicij sententia hoc factum tradit M. Atilio, P. Valerio cos. anno v. c. DXXIII. qua in re omnino sequitur Liuianam supputationem.

De C. Duilio dictatore.

DICTATOREM hoc anno comitiorum habendorum causa creatum C. Duilium cum C. Aurelio Cotta magistro eq. reperio tantum in Capitolinis tabulis. ex quo intelligi potest ambos consules reip. causa abfuisse, nec eos à bello auocari è rep. uisum esse.

De censoribus abdicatis.

T. MANLIVS Torquatus, Q. Fuluius Flaccus in hunc annum creati censores uitio facti abdicarunt. auctores sunt Capitolini fasti. Quod confirmat etiam Liuius, qui lib. xxx11, & xxxv; T. Manlium bis consulem, & censores uocat. & lib. xxxv11, T. Manlium ex censorijs, qui uiuerent, uetustissimum. & libro uigesimo tertio, Fuluium Flaccum consulem, & censores fuisse tradit.

De triumpho C. Papirij Mafonis cos. de Corsis.

Hoc anno bellum cum Corsis gestum est. Indicant hoc uerba epitomæ xx: Sardi, & Corsi subacti sunt. & triumphus C. Papirij Mafonis consulis, quem de Corsis primus in monte Albano egit. cuius rei auctores sunt non solum Capitolinæ tabulæ, sed etiam Plinius, Valerius, & Festus. Plinius quidem lib. xv sic loquitur, L. Piso tradit Papirium, Mafonem, qui primus in monte Albano triumphauit de Corsis, myrto coronatum ludos Circenses spectare solitum. Valerius autem lib. i i i sic. Papirius Maso, cum bene gesta rep. triumphum à senatu non impetrasset, in Albano monte triumphandi & ipse initium fecit, & ceteris postea exemplum præbuit, proq; aurea corona, cum alicui spectaculo interesset, myrtea usus est. Festus uero ita. Papirius myrtea corona usus est, quòd Corsos in campis Myrteis superasset. Exemplum Papirij sequutus Marcellus uictis Syracusanis, & ipse postea in monte Albano triumphauit. qui mons non procul ab vrbe erat. Hæc duntaxat de bello Corsico ad nostram memoriam peruenerunt.

DE COS. AN. DXXIII.

M. AEMILIUM, M. Iunium consules suggerit Cassiodorus. M. Aemilium Barbulam, M. Iunium Peram Capitolini scriptores.

De censoribus, & lustro XLI.

CENSORES Q. Fabium Maximum Verrucossum, M. Sempronium Tuditanum hoc anno lustrum fecisse xli tradunt tantum Capitolinæ tabulæ. Q. Fabij Maximi censoris mentio est in quodam epigrammate, quod est in libro epigrammatum antiquæ urbis.

DE COS. AN. DXXIII.

L. POSTUMIUM, Cn. Fuluium consules subijcit Cassiodorus. L. Postumium Albinum, Cn. Fuluium Centumalum Eutropius, & Capitolinæ tabulæ. Quos Polybius mendose C. Fuluium, A. Postumium nominat. Ambobus bellum cum Illyrijs decretum est.

DE COS. AN. DXXV.

CASSIODORVS consules suggerit Q. Fabium Maximum II, & Sp. Caruilius. Adijciunt etiam iterati honoris notam Caruilio Maximo Capitolini scriptores. De his consulibus sic Cicero in Catone. Q. Fabius Maximus consul iterum Sp. Caruilio collega quiescente, quoad potuit, C. Flaminio tribuno pl. restitit agrum Picenum, Gallicumq; contra senatus auctoritatem diuidenti, augurq; cum esset, ausus est dicere, optimis auspicijs ea geri, quæ pro reip. salute gererentur; quæ contra remp. fierent, contra auspicia fieri. Idem Valerius capite de pietate erga parentes, & Cicero de inuentione lib. i i. Fuluius aduersus Illyrios imperium prorogatum.

De triumpho Cn. Fuluij Centumali pro cos. & bello Illyrico.

SUPERIORE anno primum cum Illyrijs bellum initum est. Huius belli hanc tradit causam Polybius lib. i i. Illyrij & antè sæpe, & maxime nuper cum Phœnicen Epiri urbem tenerent, mercatores Italicos nauigantes prædati erant. ea de re Romani C. & L. Coruncanios legatos ad Teutam Illyriorum reginam miserant. factum est autem, vt dum superbe reginæ agentis superbius multo legatus alter Romanus respondisset, iussu reginæ occisus sit. ea de re Romani comparata classe ad ulciscendam legati necem Fuluium, & Postumium consules miserunt. cum Fuluius Corcyram, quæ ab Illyrijs capta à Demetrio Phario tenebatur, uenisset, atque insulam in fidem cum Demetrio ipso recepisset, Postumius autem pedestres copias ad xx millia peditum, & duo millia equitum Brundisium perduxisset, ambo coniunctis copijs Apolloniam in potestatem redegerunt. quo metu perculsi Dyrrhachini, atque alij populi se Romanis tradiderunt. Teuta cum paucis Rhizonem confugit, Fuluius inde cum magna copiarum parte Romam reuerso Postumius Dyrrhachij statua fecit, secum omnes, qui se fidei Romanorum commiserant, habens. vere autem appetente Teuta legatos Romam de pace misit. quæ his conditionibus conue-

Commentarius in fastos

nit; ut Teuta quotannis tributum penderet, ac omni fere Illyrio excederet. neque ei extra Lissum nisi cum duobus ijsq; inermibus lembis nauigare liceret. Polybius ita. Itaque in epitoma xx sic est scriptum. Bellum Illyrijs propter vnum ex legatis, qui ad eos missi erant, occisum, indictum est. subactiq; in deditionem uenerunt. & apud Eutropium ita: L. Postumius Albinus, Cn. Fuluius Centumalus bellum contra Illyrios gesserunt, & multis ciuitatibus captis etiam reges in deditionem acceperunt. ac tum primum de Illyrijs triumphatum est. Item Orosius. Florus autem. Cn. Fuluius Centumalus duce late domitos Illyrios scribit. Itaque in Capitolinis etiam tabulis scriptum est Cn. Fuluium Centumalum hoc anno pro consule de Illyrijs triumphasse. Quo fit, ut malim Postumium in consulatu, quam Fuluium Romam reuocatum. Coruncanijs duobus legatis occisis à Teuta statuas populum posuisse auctor est Plinius lib. xxxiii. cap. v. Atque hac quidem de causa Romani primum in Illyricum arma transtulerunt. quo bello perfecto Achæos etiam, atque Aetolos, & Athenienses, atque Corinthios legatis missis de victoria, quæ uniuersæ Græciæ grata futura erat, certiores fecerunt. atque à Corinthijs in societatem etiam ludorum Isthmiorum uocati sunt. Polybius.

DE COS. AN. DXXVI.

P. VALERIUM, M. Atilium consules in hunc annum inuenio apud Cassiodorum. P. Valerium Flaccum, M. Atilium Regulum in tabulis Capitolinis. Eorum meminit Gellius lib. ii. cum ait. Sp. Caruilus Ruga diuortium cum vxore fecit anno urbis conditæ dxxxiii, M. Atilio, P. Valerio cos. iurare à censoribus coactus vxorem se liberorum causa habiturum. P. Valerius Flaccus is est, qui postea consularis legatus ad Annibalem mittitur cum Q. Bæbio Tamphilo. M. Atilius Regulus, qui postea consul iterum, & censor fuit, auctore Liiuo. Hoc anno prætores duos additos. opinor, ut essent quatuor. id enim factum esse inter Illyricum, & Gallicum bellum testis est epitoma xx. Factos autem, ut in Siciliam, Sardiniamq; nouas prouincias mitterentur, tradit Pomponius de origine iuris. Hos uero fuisse C. Flaminium, & M. Valerium ostendit Solinus capite de Sicilia, cum inquit. Sardinia, & Sicilia utraque insula in Romanam potestatem redacta iisdem temporibus prouincia facta est, cum eodem anno Sardiniam M. Valerius, alteram C. Flaminius prætores sortiti sunt. Sardiniae porrò, & Corsicæ administrationem iunctam, atque eidem prætori traditam fuisse, auctor est Rufus. Ex his autem prætoribus M. Valerius insequenti anno consulatum cepit, C. Flaminius quadriennio post.

DE COS. AN. DXXVII.

L. APVSTIUM, M. Valerium consules subdit Cassiodorus. L. Apustium Fullonem, M. Valerium Messallam Capitolinæ tabulæ. De Fullone Apustij cognomine, recte. L. enim Apustium Fullonem ædilem pl. quendam nominat etiam Liius anno dlii.

DE COS. AN. DXXVIII.

DEINCEPS sequuti sunt consules C. Atilius, L. Aemilius, auctore Cassiodoro, & Polybio. Quos C. Atilium Regulum, L. Aemilium Papum uocant Capitolini scriptores. Horum etiam consulum meminit Orosius, & Plinius lib. iii. cap. xx. ubi Paulus pro Papo mendose legitur. Regulo Sardinia, Papo Italia obuenerit.

De censoribus, & lustro XLII.

CREATOS in hunc annum censores C. Claudium Centhonem, M. Iunium Peram lustro xlii condidisse inuenio duntaxat scriptum in fastis Capitolinis. quibus quem auctorem meliorem, aut certiozem quærimus? Centho consul fuerat anno dxxii, Pera dxxix.

De bello Gallico Cisalpino, & triumpho L. Aemilij Papi cos. de Gallis.

EODEM anno bellum Gallicum Cisalpinum initum est. Hoc lex C. Flaminij tribuni pl. excitauit, quam ille uel octauo, ut ait Polybius, ante anno, M. Lepido consule, uel quinto, ut Cicero, Maximo ii consule de agro Piceno, & Gallico, unde pulsus Senones fuerant, uiritim diuidendo tulit. Nam cum reliqui Galli, ac maxime finitimi Boij Senonum casu perculsi rebus suis timent,

rent, inita cum Insubribus societate, Gallos eos, qui trans alpes ad Rhodanum accolunt, atque à mercede, qua ducti militant, Gessatæ dicuntur, aduocarunt. Itaque cum reges eorum Congolitanus, & Anercestus magnis inducti pecunijs cum ingentibus copijs alpes in Italiam traiecissent, ac se cum Boijs, & Insubribus coniunxissent (Veneti enim ac Cænomani à Romanis per legatos sollicitati quieuerunt,) peditum ad quinquaginta millia, equitum ad viginti adducentes, in Etruriam irruerunt, octauo, ut scribit Polybius, post agri Piceni diuisionem anno, L. Aemilio, C. Atilio eos. in quem etiam annum bellum Gallicum Cisalpinum à Capitolinis auctoribus est collatum. Romani autem Gallorum tumultu nunciato maximas, siquando unquam alias, copias compararunt. tota etiam tum Italia enixe pro imperio Ro. laborauit. summa peditum Romanorum, ac sociorum fuit supra quingenta millia, equitum supra sexaginta, auctore Polybio. Itaque Plinius lib. 111, L. Aemilio Paulo, C. Atilio Regulo consulibus, inquit, Italia nunciato Gallico tumultu sola sine externis vllis auxilijs, atque etiam tunc sine transpadanis equitum LXXX millia, peditum DCC millia armauit. Cænomanos autem transpadanos intelligit, qui ex Gallis soli pro Romanis contra Annibalem steterunt. Cum harum igitur copiarum parte L. Aemilius consul Ariminum, ut Gallorum transitum impediret, contendit, alteram prætor in Etruriam, quod C. Atilius consul alter iam in Sardiniam nauigarat, adduxit. iam Clusium Galli peruenerant, prætor ad Fæfulas collatis signis fugatus in collem editum se receperat. cuius cum obsidionem Galli pararent Aemilius consul Apennino superato improviso aduenit, is igitur Gallos cum præda abeuntes ab una parte, ab altera Atilius, iam ex Sardinia reuocatus, adorti ita pugnarunt, ut Gallorum XL millia cæciderint, X millia ceperint. Atilius in prælio, & rex Congolitanus occisus est, Anercestus semetipsum in fuga occidit. Aemilius uastato Boiorum agro Romam triumphas redijt, ac Capitolium armis, & torquibus Gallorum exornauit. Hæc Polybius. Hinc Eutropius scripsit: L. Aemilio consule ingentes Gallorum copiae alpes transierunt, sed pro Romanis tota Italia consensit. traditum est à Fabio historico, qui ei bello interfuit, DCC millia hominum parata ad id bellum fuisse. sed res per consules tum prospere gesta est. XL millia hostium interfecta sunt, & triumphus Aemilio decretus. & Florus. Galli Britomaro duce se non prius soluturos balthea, quam Capitolium ascendissent, iurauerunt. factum est. uictos enim Aemilius in Capitolio discinxit. & epitoma lib. XX. Galli transalpini, qui in Italiam irruerant, cæsi sunt. eo bello populus R. sociorum Latini nominis trecenta millia armatorum habuisse dicitur. Triumphus item L. Aemilij consulis de Gallis est in Capitolinis tabulis. quanquam mors Atilij collegæ notata non est.

DE COS. AN. DXXIX.

CONSULES insequens annus habuit T. Manlium, Q. Fuluium II. auctore Cassiodoro, & Polybio. T. Manlium Torquatū, Q. Fuluium Flaccum Orosio. Cuspinianæ tabulæ cum Capitolinis TORQUATVM II, et FLACCVM II horum consulum cognomina edunt. Ambobus consulibus Gallia prouincia decreta.

De re gesta cum Gallis.

NEXVE uero hoc etiam anno Romani quieuerunt. etenim ex re bene priore anno gesta in spem adducti Gallos Italia expellendi, Q. Fuluium, & T. Manlium consules in Galliam cum legionibus miserunt. Ii in prouinciam ingressi, Boiorum gente deuicta, cum ad reliquos Gallos bellum transferrent, imbrium, ac pestilentiae magnitudine deterriti sunt. quod scribit Polybius. quanquam Orosius aliquanto secus. Manlius Torquatus, inquit, & Fuluius Flaccus primi trans Padum legiones duxere Romanas. pugnatum est ibi cum Insubribus Gallis, quorum interfecta sunt XXXI millia, capta V millia. in epitoma etiam XX, exercitus Romanos tum primum trans Padum ductos, Gallos Insubres prælio fufos, scriptum est. Ex quo intelligi potest, hoc primum anno Gallos à Romanis bello lacefsitos fuisse.

De L. Metello dictatore.

IN hunc etiam annum L. Metellum dictatorem cum N. Fabio Buteone magistro equitum comitiorum habendorum causa creati produnt Capitolini fasti. credo quod consules à bello Gallico auocari non placebat. L. Metelli dictatoris meminit quoque Plinius lib. V11, & epigramma vetus, quod est in libro antiquæ urbis eiusmodi.

Commentarius in fastos

S. P. Q. R.

L. METEL. PONT. II. COS. DICT. MAG. EQ. XV VIR. AG. DAND. QVI PRIMVS ELEPHANTOS PRIMO PVNICO BELLO DVXIT IN TRIVMPHO, PRIMARIVS BELLATOR, OPTVMVS ORATOR, FORTISSIMVS IMP. AVSPICIO SVO MAXIMAS RES G. MAXIMO VSVS HONORE, SVMMA SAPIENTIA. MAX. SEN. PARTAM EX AEQVO PECVNIAM MAG. SING. L. RELIQVIT. CLARISSIMVS IN CIVITATE FVIT, TRIBVIT EI, VT QVOTIES IN SENATVM IRET, CVRRV VEBERETVR AD CVRIAM QVOD A CONDITO EVO NVLLI ALII CONTIGIT.

DE COS. AN. DXXX.

CASSIODORVS consules suggerit C. Flaminium, P. Furium, itemq; Polybius. Flaminium, & Furium Plutarchus in Marcello. C. Flaminium, & P. Furium Philum Capitolinae tabulae. De Flaminio sic Cicero in Lucullo: C. Flaminius aliquot annis ante secundum bellum Punicum tribunus pl. legem agrariam tulit, ac bis consul factus est. Ambobus Gallia prouincia decreta.

De triumphis C. Flaminij cos. de Gallis: P. Furij cos. de Gallis, et Liguribus.

Hoc anno consules C. Flaminius, & P. Furius item in Galliam legiones duxerunt. cumque repulsi ab Insubribus se in Cænomanorum sociorum fines recepissent, atque inde rursus se in Insubres intulissent, maxima tribunorum militum in instruenda acie prudentia egregiam uictoriam rettulerunt. auctor Polybius. Addit Plutarchus in Marcello ita: Cum Flaminius, ac Furius, inquit, aduersus Insubres castra haberent, fluuius, qui per Picenum agrum labitur, sanguine fluxisset uisus est: tres Lunas Arimini apparuisse nuntiatum est. cum augures consulti uitio creatos uideri consules respondissent, senatus eos subito ab exercitu literis reuocauit. eas acceptas Flaminius non prius aperuit, quam collatis signis barbaros fuderit. itaque redeunti ei, ac multa spolia referenti populus obuiam non processit, ac uix triumpho concessio cum collega consulatu abire coegit. Quod cum ita sit, ergo merito Orosius etiam sic scripsit. Flaminius consul contemptis auspicijs, quibus pugnare prohibebatur, aduersum Gallos conflixit, & uicit. in quo proelio octo millia Gallorum caesa, xvii millia capta sunt. & Liuius lib. xxxi ita. Non cum senatu modo, sed cum dijs immortalibus C. Flaminium bellum gerere. consulem ante inauspicato factum, reuocantibus ex ipsa acie dijs, atque hominibus non paruissse. Item. C. Flaminius memor certaminum cum patribus, quæ tribunus pl. & quæ postea consul prius de consulatu, qui abrogabatur, dein de triumpho habuerat, posteriorem consulatum Romæ inire noluit. & lib. xxxxi. M. Iunius dictator sex millia hominum Gallicis spolijs, quæ triumpho C. Flaminij translata erant, armauit. & Florus. De torquibus Gallorum Flaminius aureum trophæum Ioui erexit. Hæc satis probare mihi posse uidentur triumphum Capitolinum C. Flaminij cos. de Gallis. quem uero egit collega eius P. Furius de Gallis, & Liguribus nihil inuenio, quod confirmet, nisi quod scriptum est apud Polybium, rem bene ab utroque consule cum Gallis gestam. quanquam ille Ligurum non meminit, nisi forte *ἁντιλέγους* Ligurum populos intellexit, quos non longe à Massilia incolentes ad amicitiam Romanorum à consulibus tractos ille scriptum reliquit.

DE COS. AN. DXXXI.

DEINCEPS consules nominat Cassiodorus M. Claudium, Cn. Cornelium. Polybius M. Claudium, Cn. Cornelium. Eutropius M. Claudium Marcellum, Cn. Cornelium Scipionem. Capitolinae tabulae M. Claudium Marcellum, Cn. Cornelium Scipionem Caluum. Hic est Marcellus, qui post quinquies consul fuit. Scipio, qui postea in Hispania ab Asdrubale Pœno occisus est cum fratre P. Scipione. Ambobus decreta Gallia est. Eosdem consules primos inisse magistratum idibus Februarijs arbitror, qui dies deinde solennis ineundo consulatui mansit usque ad annum ab v. c. d. c. cuius rei rationem cum à me paulo ante Horatius Malegutius, Regiensis, iuuenis moribus, & literis ornatissimus, quæreret, hanc esse respondi. Video anno dxxxvi C. Flaminium II, & Cn. Seruilius consules auctore Liuii idibus Martijs inisse. anno autem dxxxvii M. Pomponium, quia de Sardis idibus Mart. consul triumphauit, necessario multo ante illum diem inisse. ex quo intelligo medijs inter Pomponium, & Flaminium consules annis initium ineundi idib. Mart. consulatus esse factum. Quod cum ita sit, cum prioris anni consulem C. Flaminium statim post triumphum (triumphauit autem, quod extat in Capitolinis tabulis, vi. id. Mart.) coactum magistratu abisse, ac statim per interregem Marcellum consulem factum magistratum

stratum ocepisse apud Plutarchum inueniam, non dubito affirmare, Marcellum primum cum collega Cornelio idib. Martijs inisse. sic anno ccc l i ab idibus Decembr. propter rem male ad Veios gestam ad K. Octobris abdicatis prioribus magistratibus, regressus factus est.

*De triumpho M. Marcelli cos. de Gallis Insubribus, & Germanis,
et spolijs opimis ab eo relatis.*

INSUBRES accisis opibus suis pacem petentes M. Claudius, Cn. Cornelius consules eductis repente aduersus eos copijs ad arma capienda inuitos compulerunt. consules Acerras Gallorum oppidum, Insubres Clastidium sociorum Romanorum obsidebant. Marcellus inde ab Acerris ad Clastidium liberandum cum equitatu profectus, cum in Gessatarum occurrentem exercitum incidisset, eum rege illorum Virдумaro interfecto fudit, fugauitq; cepit deinde etiam Acerras, cum ij, qui in præsidio erant, Mediolanum, quod Insubrium caput erat, confugissent. quos Cornelius insequutus, cum post recedentem eum aggressi essent, supremo prælio superauit, ac Mediolanum oppidum expugnauit. quo facto Insubres desperatis rebus suis se Romanis dediderunt. atque ita bellum confectum est. Hæc Polybius. Adijcit Plutarchus Marcellum in prælio uouisse Ioui Feretrio spolia regis Virдумari, atque ipsi soli triumphum esse decretum. Quam rem Eutropius his uerbis memoriæ mandauit. Marcellus cum parua manu equitum dimicauit, & regem Gallorum Virдумarum sua manu occidit. postea cum collega suo Cn. Cornelio ingentes Gallorum copias peremit, Mediolanum expugnauit, grandem prædam Romam pertulit, ac triumphans spolia Gallorum regis stipiti imposita humeris suis uexit. His de spolijs cum nuper sermo incidisset domi Andreæ Lauredani patricij Veneti, qua ille summa tum humanitate, tum antiquitatis Romanæ cognitione præditus est, nummos veteres argenteos aliquot pulcherrimos mihi ostendit, in quibus Marcellus ipse spolia Virдумari stipiti imposita templo inferens incusus esset. de quibus etiam sic loquitur Florus. Galli Virдумaro rege Romana arma Vulcano promiserunt. aliorum uota ceciderunt. occiso enim rege Marcellus tertia post Romulum patrem Feretrio Ioui arma suspendit. & epitoma xx. Insubres aliquot prælijs fusi in deditionem uenerunt. M. Claudius Marcellus consul occiso Insubrium Gallorum duce Virдумaro opima spolia rettulit. & Virgilius lib. v i.

Aspice ut insignis spolijs Marcellus opimis

Ingreditur, uictorq; viros super eminet omnes.

Hic rem Romanam magno turbante tumultu

Sistet eques, sternet Pœnos, Gallumq; rebellem.

Tertiaq; arma patri suspendet capta Quirino.

& Frontinus lib. i i i i: M. Marcellus cum in manus Gallorum imprudens incidisset, circumspectiendæ regionis, qua euaderet, caussa, equum in orbem flexit, deinde cum omnia esse infesta uidisset, precatus deos, in medios hostes irrupit. quibus inopinata audacia percussis ducem quoque eorum trucidauit. atque ubi spes salutis uix superfuerat, inde opima rettulit spolia. De ratione autem opimorum spoliolorum diximus ante satis in primis, & secundis spolijs à Romulo, & Cossio relatis. In tabulis Capitolinis etiam scriptum est M. Marcellum de Gallis Insubribus, & Germanis triumphasse, atque spolia opima rettulisse duce hostium Virдумaro ad Clastidium interfecto. quo in loco Germani uocantur, qui à Polybio Gessatæ, quorum rex fuit Virдумarus, non Insubrium, ut est in epitoma, quod etiam docet his uerbis Orosius. Claudius consul Gessatarum xxx millia deleuit. ubi etiam ipse Virдумarum regem in primam aciem progressus occidit. & inter multa Insubrium, quos ad deditionem coegit, oppida Mediolanum quoque cepit. Boios, ac Insubres à Romanis paulo ante aduentum Annibalis socijs Venetis, ac Cænomanis oppressos scribit etiam Strabo lib. v.

D. E. C. O. S. A. N. DXXXII.

CASSIODORVS in hunc annum prodit consules P. Cornelium, M. Minucium. Eutropius P. Cornelium, M. Minucium Rufum. P. Cornelium Scipionem Asinam esse opinor Cn. Cornelij Asinæ bis consulis filium, quod Liuius inter sententias de Capua à consularibus senatoribus anno dcl i i dictas sententiæ etiam P. Cornelij Asinæ meminit. Hoc loco & fastos, & triumphos Capitolinos una cum Liuianis annalibus desideramus, quibus plurimum splendoris huic prope deplorato triennio afferri potuit. Istri ambobus consulibus decreti.

De

Commentarius in fastos

De triumpho P. Scipionis Asinae cos. de Istris.

Hoc anno Istris primum arma mouisse constat. sic enim scribit Eutropius M. Minucio Rufo, P. Cornelio cos. Istris bellum illatum est, quia latrocinati naues Romanorum fucrunt, quæ frumentum exhibebant, perdomitiq; sunt omnes. & Orosius. Istri noui hostes excitati sunt, quos Cornelius, Minuciusq; consules multo quidem Romanorum sanguine, subegerunt. & epitoma xx. Istri subacti sunt, Liuius etiam libro xxxi, uictorias, & bella horum annorum commemorans, ait, Sardos, Corsos, Istris, atque Illyrios laceßisse magis, quam exercuisse Romana arma, cum Gallis tumultuatum magis, quam belligeratum. Hæc de re gesta. Triumphasse autem consules nemo auctor est. Ego tamen aut ambos, aut certe alterum P. Scipionem triumphasse existimo, ut de Sardis, Corsis, Illyrijs, Gallis his annis sæpius triumphatum est. presertim uero cum minime dubia hæc uictoria narretur, immo subacti, perdomitiq; Istri ab his consulibus tradantur. Quot autem, & quam magnos triumphos amiserimus, quorum nemo, præter Capitolinos scriptores, meminerit, facile qui hunc commentarium leget, intelliget. neque uero dubito, quin si lapis ille, qui Marcelli triumpho Capitolino annectebatur, haberetur, meam suspicionem facillime confirmaret. confirmat id certe, quod Liuius lib. xxxvi negat exemplum proditum esse, ut imperator, qui perduellibus deuictis, confecta prouincia exercitum reportasset, sine curru, & laurea priuatus, inhonoratusq; urbem iniret. sed quoniam fieri potest, ut consul alter tantum triumphum obtinuerit, quod etiam priore anno euenit, ut Claudius solus triumpharit, quamquam Cornelius egregiam operam Gallico bello nauarit, propterea triumphum de Istris soli Scipioni attribui, suspicatus Liuium, si M. Minucius triumphasset, triumphum eius postea non fuisse prætermisurum, tum cum de eo magistro eq. Q. Fabio dictatori æquato, atque eius inani ferocia dixit. sed hæc alij iudicarint.

De Q. Fabio Maximo dictatore.

Q. FABIVM Maximum dictatorem cum C. Flaminio magistro equitum creatum auctor est Valerius libro primo, cum ait. Occentus soricis auditus Fabio Maximo dictaturam, C. Flaminio magisterium equitum deponendi causam præbuit. eadem de re tradit Plutarchus in Marcello, verum dictatorem Minucium uocat, non Fabium. Ego uero de Fabio Valerio assentior, quod & in epigrammate antiquo, & apud Liuium bis eum dictatorem fuisse inuenio. Quibus autem consulibus fuerit, ex ijs, qui hoc triennio fuerè, parum liquet. Ego ubi rem in omnes partes diu multumq; uersaui, hoc potissimum anno Q. Fabium dictatorem comitiorum habendorum causa creatum coniectura ductus sum ad suspicandum, cum consules ambo bello Istrico implicati abessent, neque eos à bello auocari è rep. uideretur. Dictatore autem uitio creato comitia deinde per interregem, ut alias sæpe, esse habita.

DE COS. AN. DXXXIII.

L. VETVRIVM, C. Lutatium consules edit in hunc annum Cassiodorus. Hunc L. Veturium Philonem esse opinor post in censura mortuum apud Liuium, patrem L. Veturij L. F. L. N. Philonis consulis anno dxxlvii. C. Lutatio quidam Scauolæ cognomen adiiciunt. Id cum qua ducti ratione fecerint nesciam, neque affirmare, neque arguere ausim. Polybius ubi de triumphis coloniarum deducendæ captis agit lib. iii, hunc C. Lutatium consularem nominat. Vt autem hos consules abdicatos, & alios in eorum locum subrogatos opiner, facit Liuius, qui lib. xxxvi, M. Lepidum, & lib. xxxix, & xxx, M. Valerium Læuinum ambos bis consules fuisse auctor est. neque uero, quo anno primum, aut iterum fuerint, apparet. non enim usque ad annum dxxxii fuerunt, quod ex Capitolinis tabulis constat. neque sequenti anno suffecti sunt, quod Minucius, & Cornelius Istris subegisse tradantur. neque in Liuij, & Aemilij locum subrogari potuerunt, quod & ab ijs in consulatu Illyriorum fractæ opes esse dicantur. multo minus sequentibus annis, quod ij certissimos, ac minime dubios consules ex Liuianis annalibus habeant. ergo Veturio, & Lutatio non ita claris consulibus suffecti uidentur. Fit autem, ut Cassiodorus semper ordinarios consules nominet, suffectos prætereat. quod alio etiam loco docui. M. Aemilius Lepidus priorem consulatum gessit anno dxxi, M. Valerius Læuinus posteriorem anno dxxlii. ambo autem patricij fuerunt, ut etiam anno dlii Ti. Claudius Nero, & M. Seruilius Geminus. Horum incomperta prouincia est.

De censoribus, & lustro XLIII.

IN hunc porrò annum censores contuli tum propter quinquennalem lustrorum rationem, tum quia Cassiodorus, & Liuius id mihi subsignificare uisi sunt. fuerunt autem L. Aemilius Pappus, & C. Flaminius uiri consulares. eorum enim censorum meminit post sæpe Liuius, ab ijsq; lectum senatum tradit. in primis autem Paullo, & Varrone eos. senatum legendum fuisse inquit, quia per quinquennium multi & bello, & alijs casibus senatores perierant. tumq; post L. Aemilium, & C. Flaminium censores esse lectum. Cassiodorus etiam C. Lutatio, L. Verurio consulibus uiam Flaminiam, & circum Flaminium factum prodit. facta autem sunt à C. Flaminio censore. Itaque in epitoma xx hæc uerba sunt. Lustrum à censoribus conditum est. quo censa sunt ciuium capita cclxx millia cclxxi. libertini in quatuor tribus redacti, cum antea dispersi fuissent, Esquilinam, Palatinam, Suburranam, Collinam. C. Flaminius censor uiam Flaminiam munivit, & circum Flaminium extruxit. et Festus: Flaminius circus, & Flaminia uia dicta est à Flaminio consule, qui interfectus est ad lacum Trasimenum. Plinius quoque libro xxxv horum censorum meminit, cum ait. Legem Metellam de fullonibus dictam C. Flaminius, & L. Aemilius censores dedere ad populum ferendam. Lustrum autem, quod intelligi ex epitoma potest, postero anno conditum est.

DE COS. AN. DXXXIIII.

CONSULES inde sequuti sunt M. Liuius, L. Aemilius. auctor Cassiodorus. Horum consulum sic meminit Plinius libro xxxix. L. Aemilio, M. Liuius consulibus anno urbis conditæ dxxxv primus è medicis Romam uenit è Peloponneso Arcagathus Lysaniæ filius. M. Liuius ex censura, & consulatu secundo Capitolino M. F. M. N. Salinator uocatus est. L. Aemilius Paulus quia, auctore Plutarcho, pater fuit L. Aemilij L. F. L. N. Paulli, qui Persen debellauit, filius fuisse uidetur M. Aemilij M. F. L. N. Paulli consulis anno cdxclix. Eius meminit una cum collega postea Liuius, ita. L. Aemilius Paullus, qui cum M. Liuius consul fuit, & damnatione collegæ, & sua prope ambusus euaserat. Ambobus consulibus Illyrij euenerunt.

De triumphis L. Aemilij Paulli, & M. Liuij cos. de Illyrijs.

Hoc anno iterum cum Illyrijs rebellantibus dimicatum est. Huius belli causam attulit Demetrius Pharius rex Illyriorum beneficiorum populi R. oblitus. qui cum Romanos ante Gallorum, post Pœnorum mouentium metu perculosos animaduerneret, ac Macedonum maxime rege confideret, Illyrica oppida Romanis subiecta uastabat, finesq; fœdere constitutos transcendebat. aduersus hunc L. Aemilius consul missus. Demetrius consulis aduentu cognito Dimalum præsidio, & comæatu munit, ex reliquis Illyricis oppidis amicis Romanorum exactis, ac suis impositis cum sex millibus ueteranorum Pharum contendit. Aemilius Dimalo oppido intra vii dies expugnato, atque Illyrijs in fidem acceptis aduersus Pharum infestus pergit. eoq; oppido rege aufugiente capto, ac reliquis Illyrij ciuitatibus sibi adiunctis autumno ineunte Romam triumphans redijt. Hæc Polybius, qui idem huius uictoriæ gloriam unius L. Aemilij facit, ut etiam Iustinus lib. xxix. at uero si auctorem libri de uiris illustribus audiamus, M. Liuius Salinator cos. & ipse de Illyrijs triumphauit. bellum cum certe gessisse ostendit quoque Frontinus, cum ait lib. iiii: Salinator consularis damnatus est, quod prædā non æqualiter diuiserat militibus. et Liuius eundem ex consulatu priore populi iudicio damnatum scribit. Hoc bellum his uerbis expressum est in epitoma xx. Iterum Illyrij cum rebellassent domiti in deditionem uenerunt. Demetrius ad Philipppum Macedonum regem confugit, Pineus rex stipendium dare coactus est. Liuius lib. xxxi.

DE COS. AN. DXXXV.

& bello Punico II.

CONSULES subiicit Cassiodorus, & Polybius P. Cornelium, Ti. Sempronium. P. Cornelium Scipionem, Ti. Sempronium Longum Liuius, Eutropius, Probus, Orosius, Pædianus. P. Scipio pater fuit P. Scipionis Africani P. F. L. N. consulis anno dclix. Ti. Sempronius pater Ti. Sempronij Ti. F. C. N. Longi consulis eodem anno. auctor Liuius. His consulibus bellum Punicum secundum initum est. Hoc intulit Annibal Amilcaris filius eius, qui priore bello

Commentarius in fastos

bello imperator ad Aegates insulam uictus à C. Lutatius consule fuit. Hic cum iam inde ab ineunte pueritia Romano odio esset imbutus, ubi primum per ætatem potuit, animum ad renouandum bellum adiecit, extremum cum Asdrubale Pœnorum duce fœdus Romani iecerant, ne Pœni armati Iberum flumen in Hispania traicerent, neue Saguntinos populi R. socios uexarent. hoc ille fœdere uiolando satis magnam ad laceffendos Romanos causam se habiturum ratus est. itaque P. Cornelio, M. Minucio cos. imperator in demortui Asdrubalis locum in Hispania declaratus in Olcadum fines irrupit, atque Altheiam expugnauit. sequenti anno in Vaccæos ducens Helmandicam, & Arbocalam urbes cepit, Carpetanos ad deditionem adduxit. quo terrore finitimi Saguntini compulsi legatos, qui hæc senatui nunciarent Romam miserunt. bellum à Romanis Annibali, nisi Sagunto abstineret per legatos indictum. M. Liuius, & L. Aemilio cos. Annibal Saguntum oppugnauit, atque intra octo menses cepit. legati tum à Romanis Carthaginem missi, qui Annibalem rupti fœderis auctorem deposcerent, & nisi traderetur, bellum indicerent. indictum est. hoc autem anno Annibal traiecto Ibero Iltergetes, Bargusios, Ausetanos, & ceteros Hispaniæ populos usque ad Pirenæos montes subegit, ac per Galliam ad alpes uenit, & in Italiam transgressus P. Cornelium consulem, qui se ei ex alpihus descendenti opposuerat, ad Ticinum, Ti. Sempronium iam ex Sicilia re ex sententia gesta reuersum ad Trebiam acie fudit. Hæc Polybius, ac paulo secus etiam Liuius, & alij. Solinus anno urbis conditæ DCCCXV hoc bellum initum scribit. initum autem P. Cornelio, Ti. Sempronio cos. omnes consentiunt. quorum alteri Hispania, alteri Africa cum Sicilia obtigerat. Eodem anno Cn. Scipio consulis frater in Hispaniam pro consule missus, ut Asdrubalem Annibalis fratrem inde expelleret, cum Annone bene pugnauit. Boij sollicitatis Infubribus defecerunt, atque in triumuiros, qui Cremonam, & Placentiam colonias deduxerant, impetum fecerunt. Liuius, Polybius.

DE COS. AN. DCCCXVI.

CONSULES inde subsequuti Cn. Seruilius cum C. Flaminio. ut auctor est Polybius, Cassiodorus, & Liuius, qui duo Seruilio cognomen Geminum adiecerunt. C. Flaminius II consul eadem, qua ante, superbia usus magistratum idibus Mart. non Romæ, sed Arimini iniit. Idem neglectis auspicijs cum se Annibali, qui primo uere ex Gallia in Etruriam, Apennino superato, oculo etiam frigore amisso, transgressus erat, ad lacum Trasimenum obtulisset, collatis signis, exercitu amisso, occisus est. Paucis post diebus quatuor millia equitum cum C. Centenio pro prætore missa ad collegam à Seruilio cos. in Umbria, quò post cladem ad Trasimenum auditam auerterant iter, ab Annibale circumuenta sunt. Liuius, Polybius, Valerius libro primo, Plutarchus, in Fabio, Probus, alij.

De Q. Fabio Max. dictatore II.

Cum ad cladem ad Trasimenum acceptam Centenij clades accessisset, in magno terrore ciuitas ad dictatorem dicendum confugit. & quia consul aberat, à quo uno dici posse videbatur, nec per occupatam armis Punicis Italiam facile erat aut literas, aut nuntium mitti, nec dictatorem populus creare poterat, quod nunquam ante eam diem factum erat; pro dictatore populus creauit Q. Fabium Maximum, & mag. equitum M. Minucium Rufum, Igitur Q. Fabius Max. dictator II. procuratis prodigijs, ac ludis magnis uotis, delectu habito, ac Seruiliano exercitu accepto cum ad Annibalem hostem peruenisset, haud procul Arpis in Apulia castra fecit. cò enim iam Annibal ex Etruria per Umbriam & Picenum, Marsis inde, & Pelignis uastatis, concesserat. Ibi cum se castris tenens Fabius ab Annibale elici nulla ratione ad pugnam posset, à magistro equitum absidue tanquam segnis, ac timidus appellatus est. Annibal inde in Samnium mouit, atque aliquot oppidis captis, spe Capuæ recipiendæ oblata, cum se Casinum inde duci cuperet, Casilinum per errorem ductus castris ad Vulturum flumen positus agrum sociorum in conspectu Fabij, qui per iuga Mafici montis eum persequutus fuerat, exussit. quo in loco iterum magister equitum dictatoris cunctationem palam concionibus inuidiosis exagitauit. Inclusus inde ad Casilinum Annibal sarmentis ad cornua bouum alligatis ijsq; per noctem incensus, atque ex collibus castris Romanis imminentibus bobus ipsis immissis, dum nouo Romanos apparatu perturbauit, per Calliculæ iugum agmen traduxit, atque in Pelignos populabundus redijt, ex Pelignis inde retro Apuliâ repetens Gerunium peruenit. Dictator interea nec absistens, nec congregiendi castris in agro Larinate positus sacrorum causa Romam reuocatus est. Cù absente dictatore bene à magistro equitum cum Annibale dimicatum Romæ nunciatum esset, M. Metilij tribuni pl. concionibus

nibus populus incitatus, qui cunctationem Fabij infamem ad populum fecerat, rogationem eius de iure dictatoris & magistri equitum adæquando accepit. Dictator inde consule in C. Flamini locum M. Atilio Regulo suffecto in castra redijt. Minucius solito etiam ferocior exercitus parte à Fabio accepta cum Annibale signa contulit, cumq; iam Romana acies inclinaret, à Fabio cum exercitu suo accurrente seruatus, patrem eum appellauit, ac se imperio statim abdicauit. Fabius summis laudibus in cælum & in castris, & Romæ sublati. omnium prope annales Fabium dictatorem aduersus Annibalem rem gessisse tradunt. Cælius etiam cum primum à populo creatum dictatorem scribit. sed & Gellium, & ceteros fugit, vni consuli Cn. Seruilio, qui tunc procul in Gallia prouincia aberat, ius fuisse dicendi dictatoris, quam moram quia expectare territa iam clade ciuitas non poterat, eò decursum esse, vt à populo crearetur qui pro dictatore esset. res inde gestas, gloriamq; insignem ducis, & augendæ titulum imaginis posteris, ut dictator pro prodiktatore diceretur, facile obtinuisse. Hæc Liuius. Polybius tamen dictatorem eum creatum scribit. idemq; in epigrammate antiquæ vrbs libri scriptum est, hoc modo.

Q. FABIVS MAXIMVS DICTATOR BIS. COS. V. CENSOR. INTERREX II. AED. CVR. Q. II. TRIB. MILITVM. PONT. AVGV. PRIMO CONSVLATV LIGVRES SVBEGIT. EX HIS TRI-
VMPHAVIT. TERTIO, ET QVARTO ANNIBALEM CONPLVRIBVS VICTORIIS FEROCEN SVB
SEQVENDO COERCIVIT. DICTATOR MAGISTO EQVITVM MINVCIO, CVIVS POPVLVS IM-
PERIVM CVM DICTATORIS IMPERIO ADAEQVAVERAT, EXERCITV PROFLIGATO SVB-
VENIT, ET EO NOMINE AB EXERCITV MINVCIANO PATER APPELLATVS EST. CONSVL
QVINTVM TARENTVM CEPIT. TRIVMPHAVIT. DVX AETATIS SVÆ CAVTISSIMVS, ET
REI MILITARIS PERITISSIMVS HABITVS EST. PRINCEPS IN SENATV DVOBV LVSTRIS
FACTVS EST.

Eodem anno Cn. Scipio in Hispania minus terra cum hoste propter ingentem famam nouorum auxiliorum concurrere ausus, delecto milite in naues imposito xxxv nauium classe ire obuiam hosti pergit. ad ostium Iberi fluminis Punica classis stabat. cum auide utrinq; pugna commissa esset, meliore fortuna Romani pugnarunt. una enim leui pugna toto eius oræ mari potiti sunt. ex Balearibus insulis, & ex continenti Hispania populi amplius centum uiginti pacem petierunt. Interea P. Scipio prorogato post consulatum imperio ab senatu missus in prouinciam uenit. obfides Hipanorum, qui Sagunti custodiebantur, Aceducis artificio Romanis traditi sunt. Cn. Seruilius, & M. Atilius consules, cum exemplo Fabij in casum uniuersæ dimicationis, quam omnibus artibus petebat hostis, non uenirent, adeo inopia Annibalem presserunt, ut nisi tum fugæ speciem abeundo timuisset, Galliam repetiturus fuerit. Legati ad Philippum Macedonum regem missi ad deposcendum Demetrium Pharium, qui bello uictus ad eum fugisset. Liuius, Polybius.

De L. Veturio Philone dictatore.

EXTREMO anni à consulibus rescriptum est, sine detrimento reip. abscedi non posse ab hoste. itaque per interregem comitia habenda esse potius, quam consulum alter à bello auocaretur. patribus rectius uisum est dictatorem à consule dici comitiorum habendorum causa. dictus L. Veturius Philo M'. Pomponium magistrum equitum dixit. His uitio creatis, iussisq; die quarto decimo se magistratu abdicare ad interregnum res redijt. Liuius. L. Veturium esse reor, qui consul fuit anno DXXXIII, M'. Pomponium, qui anno DXX.

DE COS. AN. DXXXVII.

DEINCEPS consules suggerit Polybius L. Aemilium, C. Terentium. Plutarchus in Paullo Terentium Varronem, Aemilium Paullum. Liuius, Cassiodorus, alij C. Terentium Varronem, L. Aemilium Paullum. Varro non humili solum, sed fordido loco natus, pater lanus, ipse institor mercis. questura, & duabus ædilitatibus patricia, & plebeia, ac prætura perfunctus ad consulatum uenit. L. Paullus is est, qui ante cum M. Liuius consul fuit, auctore Liuius. Consules (ambobus cum Annibale bellum decretum erat) ut in castra uenerunt, castris bifariam factis, ut noua minora essent propius Annibali, in ueteribus maior pars, & omne robur uirium esset, M. Atilium ætatem excusantem Romam miserunt, Cn. Seruilius minoribus castris præfecerunt. Annibal cum haud ultra pati inopiam cibi, qua ualde laborabat, posset, aduentu consulum audito, ex Varronis temerario, ac præproprio ingenio in spem rei bene gerendæ erectus, locum insidijs quotidie quærere. quæ ubi non processerunt, mouere inde statuit in calidiora, atque eo maturiora melsibus Apuliæ loca. profectus est nocte. ea res nunciata Romanis, Varro, uel repugnan-

Commentarius in fastos

te Paulo Annibalem cum exercitu infecutus est. prope Cannas uicum castra posuerat Annibal à uersa à Vulturno uento, qui campis torridis siccitate nubes pulueris uehit. Consules sequuti Pœnum, ut ventum ad Cannas est, ubi in conspectu Pœnum habebant, bina castra communiunt, eodem ferme interuallo, quo ad Gerunium, sicut ante, copijs diuisis. Annibal spem nactus loci ad equestrem pugnam, qua parte inuictus erat, facturum copiam pugnandi consulibus, dirigit aciem, lacescitq; Numidarum procurfatione hostes, neque ad prælium, quia eo die imperium penes Paullum fuit, elicere potuit. Varro autem postero die, cui fors eius dici imperij erat, nihil consulto collega signum proposuit, instructisq; copijs flumen Ausidum transiit, sequente Paulo, quia magis non probare, quam non adiuuare consilium poterat. Acie utrinque instructa concursus est. Maxima, siquando unquam alias, à Romanis clades accepta est. L. Paullus consul cum Romanorum quadraginta millibus, senatoribus *lxxx*, consularibus, prætorijs, & ædilibijs multis occisi sunt. septem millia hominum in minora castra, decem in maiora, duo ferme in uicum ipsum Cannas, Varro cum quinquaginta equitibus Venusiam profugit. capta tria millia peditum, & equites trecenti dicuntur. Ex maioribus, & minoribus castris multi cum euassissent Canusium incolumes peruenerunt, reliqui post ab Annibale circumuenti in eius deditionem uenerunt. cum ab ijs, qui Canusii erant, imperium P. Scipioni tribuno mil. adolescenti mandatum esset, atque is à nobilibus adolescentibus propter desperationem consilium de relinquenda Italia iniri audisset, strictos super capita deliberantium ferro, iurauit se pro hoste habiturum eum, qui in uerba sua non iurasset, effecitq; ut omnes non relictum à se iri Italiam iureiurando astringerentur. Interea Venusiam etiam ad consulem ad quatuor millia peditum equitumq; qui sparsi fuga per agros fuerant, peruenerunt. Romæ ingens luctus fuit, sed tamen S. C. *xxx* diebus finitus. Liuius, Polybius, Florus, alij.

De M. Iunio Pera dictatore.

Cum ad Cannensem cladem nunciatum esset, regnum Hieronis in Sicilia classe punica nastari, dictator ex auctoritate patrum dictus M. Iunius, & Ti. Sempronius magister equitum delectu edicto iuniores ab annis *xvii*, & quosdam prætextatos scribunt. ad socios, Latinumq; nomen ad milites ex formula accipiendos mittunt, arma, tela alia parari iubent, & uetera hostium spolia detrahunt templis, porticibusq; octo millia seruitiorum empti publice armauerunt. Captiuis ab Annibale permissum, ut de se redimendis legatos Romam mitterent. quos redimi non placuit senatui. Cannensi clade defecerunt ad Pœnum hi populi, Attellani, Calatini, Hirpini, Apulorum pars, & Samnitum, Bruttij omnes, Lucani, Surrentini, & Græcorum omnis fere ora. Tarentini, Metapontini, Crotonienses, Locriq; et Cisalpini omnes Galli. Redeunti Romam Varroni gratiæ actæ, quòd de rep. non desperasset. Hæc Liuius. Hinc Valerius lib. *vii*: Cannensis clades adeo ciuitatem nostram contudit, ut opera M. Iunij dictatoris spolia hostium affixa templis, deorum numini consecrata instrumenta militiæ futura conuellerentur, & lib. *xii*: Dictaturam Varroni consuli post cladem Cannensem à senatu delatam, lib. autem *xiii*, ab eo non acceptam scribit. qua de re nihil Liuius. Hic est M. Iunius Pera, qui consul ante, & censor fuit, & Ti. Sempronius Gracchus, sequenti anno consul futurus, quem Liuius in ædilitate magistrum equitum factum tradit, filius (ut opinor) Ti. Sempronij Ti. F. C. N. Gracchi consulis anno *dxv*. Annibal inde ex Apulia in Samnium profectus Cossam in deditiōdem accepit. post Neapoli, ad quam oppugnandam duxerat, infecta re profectus, Capuam flectit iter, seditione intestina senatorum, plebisq; laborantem. Legatis à Campanis Virio auctore ad Annibalem missis, foedus cum eo initum, Annibal Capuæ receptus est. Dictator M. Iunius rebus diuinis rite perfectis præter duas urbanas legiones, & seruatorum delectum, dixit, qui capitalem fraudem ausi, quique pecuniæ iudicati in uinculis essent, qui eorum apud se milites fierent, eos se noxa, pecuniaq; exolui iussurum; & sex millia hominum armauit. atque cum *xxv* millibus armatorum vrbe proficiscitur. Annibal Capua recepta, cum iterum Neapolitanorum animos tentasset, in agrum Nolanum exercitum traducit. Nolani nuncios ad M. Marcellum, qui Canusii cum exercitu erat, mittunt. quanto in discrimine sit Nolana res, plebem nouarum rerum auidam ad defectionem spectare, ostendunt. sub aduentum Marcelli, qui eò propere accurrerat, Pœnus agro Nolano excessit, ac Neapolim, quò concefferat, non admissus petit Nuceriam, quam demum fame in deditiōnem recepit, eamq; incendit. inde Nola, quam Marcellus tenebat, castris motis, cum Marcello congressus tum primum à Romanis fugatus est. Itaque spe potiundæ Nola adempta Acerras contendit, easq; captas incendit, atque diripuit. Inde Casilinum oppugnatum ducit. ea oppugnatio cum diuturnior uideretur, castris communitis, ac præsidio modico imposito, ne omnia res uideretur, in hiberna Capuam

puam concessit. Ibi maiorem hyemis partem exercitum in tectis habuit. post autem mitesciente hieme ducto ex hibernis enervato Campana luxuria milite Casilinum redit, quod continuata obfidione ad extremum iam inopiæ uenerat, idq; postremo Graccho magistro equitum se, absente dictatore, in aciem non committente recepit. Liuius, Valerius, alij.

De N. Fabio Buteone dictatore.

Cum patres se, & solitudinem curiæ, paucitatemq; conuenientium ad publicum consilium respexissent, neque enim post L. Aemilium, C. Flaminium censores senatus lectus fuerat, cum tantum senatorum aduersæ pugnae, ad hoc sui quenq; casus per quinquennium absumpissent, ac ea de re relatū absente dictatore à prætore esset; dictatorem, qui censor ante fuisset, uetustissimusq; ex ijs, qui uiuerent, censorijs esset, creari placuit, qui senatum legeret. acciriq; C. Terentium consulem ad dictatorem dicendum iusserunt. Is N. Fabium Buteonem ex S. C. sine magistro equitum dictatorem in sex menses dixit. Is ubi cum licitoribus in rostra ascendit, neque duos dictatores tempore uno, quod nunquam antea factum esset, probare se dixit, neque dictatore se sine magistro equitum, nec censoriam uim permissam uni, & eidem iterum, nec dictatori nisi gerendæ rei causa creato in sex menses datum imperium. quæ immoderata fors, tempus, ac necessitas fecerint, ijs se modum impositurum. nam neque senatu quenquam moturum ex ijs, quos C. Flaminius, L. Aemilius censores in senatum legissent, transcribi tantum, recitariq; eos iussurum, & ita in demortui locum subleaturum, ut ordo ordini, non homo homini prælatus uideretur. eoque facto exemplo magistratu se abdicauit, & priuatus de rostris descendit. Dictator Iunius Romam reuocatus comitia creandis consulibus habuit. Consules designati Ti. Sempronius Gracchus, qui magister equitum erat, L. Postumius Albinus. qui antequam iniret, in Gallia insidijs ipse cum exercitu à Boijs deletus est. Eodem anno res bene à Scipionibus in Hispania gestæ. Asdrubal, ut in Italiam traiceret, ac se fratri Annibali coniungeret, ad Iberum descendit. cuius consilio à Romanis cognito ambo duces iunctis copijs obuiam ierunt, ac collatis cum eo signis bene pugnarunt, castra hostium ceperunt, atque diripuerunt. reliquæ Hispaniæ ciuitates Romanis iunctæ sunt. Asdrubali non modo in Italiam traducendi exercitus, sed ne in Hispania quidem tuto manendi spes relicta est. Liuius.

DE COS. AN. DXXXVIII.

CONSULES in hunc annum designatos prodit Liuius L. Postumium Albinum III, qui tum prouinciam Galliam obtinebat, & Ti. Sempronium Gracchum, qui magister equitum erat. Item liber Cuspinianus, in quo est, GRACCHVS & ALBINVS. Postumium autem antequam magistratum iniret in Gallia occisum tradit Liuius. Quod idem Polybius intelligit, cum prætorem à Gallis interfectum scribit. In eius mortui locum subrogatus est M. Marcellus, qui priore anno prætor ad Nolam rem bene gesserat. Ei uero ineunti consulatum cum tenuisset, uocati augures uitio creatum uideri pronunciarunt. uulgoq; patres ita ferebant, quod tum primum duo plebeij consules facti essent, id deis cordi non esse. In locum Marcelli, ubi is se abdicauit, suffectus Q. Fabius Maximus tertium. Liuius, & Plutarchus auctores. Hac de causa Cassiodorus, & Eutropius Ti. Sempronium, & Q. Fabium Maximum in hunc annum consules edunt. Quod autem inquit Liuius consules plebeios ambos fieri non licuisse, idem admonet etiam, ne patricios quidem ambos creari potuisse, ut anno DXLV, cum C. Neroni M. Læuinum, & Q. Fabium addere collegam cogitabant. primi autem consules ambo de plebe facti sunt anno DXXXI. Hoc anno Philippus rex Macedonum inclinato ad Pœnos animo legatos ad Annibalem de fœdere, & belli societate iungenda misit. qui à Romanis capti, atque, quia Romam se ire præse ferebant, dimissi, cū fœdus sanxissent, iterum in reditu capti, atque ex literis Annibalis, quas ad Philippum deferebant, inuentis re, & fraude patefacta Romam missi sunt, & in uincula conditi. Ti. Sempronius cōsul circa Litternum cū castra posuisset, quia ociosa statua erant, crebro decurrere milites coegit, ut tyrones (ea maxima pars uolunum erat) assuescerant signa sequi. castra inde Campana ad Hymas posita, ut in peruigilio neglecta, simul omnibus portis inuadit. alios stratos somno, alios perpetrato solenni sacro inermes redeuntes obruncat. ac Cumas se propere recipit, ab Annibale metuens, qui super Capuam ad Tifata habebat castra. Is fatigatus Campanorum precibus sequenti die cum omni apparatu oppugnandæ urbis Cumas tendit, ac populato agro Cumano milite passus ab urbe castra locat, atque urbe oppugnata, eaq; fortiter à Graccho defensa re infecta recedit. Alij legati à Philippo ad Annibalem missi prospere tulerunt, retuleruntq; mandata, sed prius se æstas circumegit, quam mouere quicquam rex posset. Fabius consul post prodigia Ro-

Commentarius in fastos

mae procurata cum collega circa Capuam rem gessit. aliquot oppida, quae ad Pœnos defecerant, ei cepit. Nolum, ne ad Pœnum deficeret, M. Marcellum in praesidium misit. qui crebris excursionibus agro Hirpino, & Samnitico vastatis, Annibalem coegit, ut Nolum duceret. Ibi Annibal Nolum oppugnaturus duobus praeliis pulsus, victus, ac fugatus à Marcello, ab Nola Apuliae hiberna petit, circaque Arpos confedit. Q. Fabius ut profectum in Apuliam Annibalem audiuit, Capuam propius mouit castra, agrumque Campanum ferro, ignique est depopulatus, donec coacti sunt Campani egredi portis, & castra ante urbem in aperto communire. Tum Taurea Campanus Asellum Romanum equestri praelio prouocauit. In Hispania Illiturgi, & Incibili oppida à Romanis obsidione Pœnorum liberata, utrobique optime pugnatum est. omnes prope populi Hispaniae ad Romanos defecerunt. In Sicilia mortuo Hierone Syracusanorum rege Hieronymus nepos eius foedus cum Annibale fecit, ac post à coniuratis interfectus est. Res Siculae ad Pœnos inclinatae. Liuius, Florus, Eutropius, alij.

DE COS. AN. DXXXIX.

IN hunc annum consules suggerunt M. Claudium Marcellum IIII, Q. Fabium Maximum IIII Liuius, Plutarchus, & Cassiodorus. Marcellus absens consul creatus, cum ad exercitum esset. praesenti Fabio, atque ipso comitia habente consulatus continuatus. cum M. Aemilius Regillus flamen Martialis, & T. Otacilius Crassus à prerogatiua iuniorum declarati ante fuissent, auctoritate Q. Maximi, in suffragium reuocata mutauit sententiam. Hoc anno Ti. Gracchus pro cos. ad Beneuentum cum Annone Pœnorum duce bene pugnavit, ac feruis uolonibus, quorum egregia opera usus erat, libertatem dedit. Marcellus consul cum Annibale ad Nolum, cuius spe potiunda uenerat, hoc etiam anno prospere decertauit. Annibal inde Tarentum ad certiores spes prodicionis profectus est. Casilinum, quod duum millium Campanorum, & septingentorum militum Annibalis praesidio tenebatur, à Q. Fabio consule, qui Marcellum collegam Nola acciuerat, oppugnatione receptum est. Marcellus inde Nolum redit. Fabius in Samnium ad populandos agros, recipiendasque armis, quae defecerant, urbes progressus Compulteriam, Telesiam, Cossam, aliaque oppida multa uicepit. Annibal in Tarentinum agrum profectus cum proditorum neminem inuenisset, uana promissa se temere secutum cernens Salapiam tendit, coque frumentum ex agris Metapontino, & Heracliensi comportat. Marcellus consul in Siciliam Hieronymi morte turbatam, & ad Pœnos inclinatam missus Syracusas à Romana amicitia alienatas oppugnauit, ne eas caperet, unius Archimedis industria prohibuit. M. Valerius Laeinus praetor cum Philippo rege Macedonum bellum mouit, precibus Apollonium motus, qui se bello à Philippo, quod à Romanis deficere nollent, tentatos, atque obfessos querebantur. Philippus neque terrestri, neque nauali certamine satis fore parem se fidens, subductis, aut incensis nauibus terra Macedoniam petijt. In Hispania Castulo urbs valida ad Romanos deficit. à Pœnis frustra Illiturgi obfessum est. ad Mundam, quo castra Punica mota fuerunt, egregie à Romanis pugnatum, Cn. Scipionis semur tragula confixum impedimento summæ uictoriae fuit. Eadem fortuna ad Auringen fuit. Saguntum à Romanis punico praesidio pulso receptum, ac restitutum est. Liuius.

De censoribus abdicatis.

EODEM anno M. Atilius Regulus, & P. Furius Philus censores creati L. Metilium principum eorum, qui post Cannensem pugnam Italiam deferendi consilium ceperant, qui tum forte quaestor erat, equo adempto tribu mouerunt, arariumque fecerunt. Liuius, & Valerius auctores. Addit Liuius, ne lustrum facerent, mortem prohibuisse P. Furij, M. Atilium magistratu se abdicasse. M. hic Atilius M. Atilij Reguli, qui à Pœnis primo Punico bello captus fuerat, filius fuit, v. ait Valerius lib. II, cap. IIII. Hunc in pugna Cannensi cecidisse tradit Polybius, sed falso, si Liuius credimus. Ambo consulares fuerunt.

DE COS. AN. DXL.

IN hunc annum creati consules ambo absentes Q. Fabius Maximus Verrucosus consulis F. & Ti. Sempronius Gracchus iterum. Liuius auctor, & Cassiodorus. Fabius priore anno praetor fuerat, Gracchus biennio ante consul. Prorogata imperia, prouinciæque M. Marcello Sicilia finibus eis, quibus regnum Hieronis fuisset, P. Lentulo pro praetori prouincia uetus. T. Otacilio classis, M. Valerio Graecia, Macedoniaque, Q. Mucio Sardinia. Bellum undecunque cum Annibale

bale consulibus mandatum. Sempronius in Lucanos, in Apuliam Fabius profectus est. Fabius pater filio in castra ad Sueffulam legatus cum uenisset, equo à filio descendere iussus est. Arpi oppidum, quod præsidio tenebatur Annibalis, à Fabio consule ui recepti. equites cxxi Campani nobiles in fidem à Cn. Fuluius, qui castra super Sueffulam habebat, accepti, in Hispania nihil memorabile gestum, nisi quòd Syphax rex Numidarum à Scipionibus ad amicitiam Romanorum traductus est. Romani mercenarium militem in castris habere Celtiberos coeperunt. Annibal in agro Tarentino æstatem consumpsit spe potiundæ per prodicionem Tarentinorum urbis. Sempronius consul multa prælia parua, haud ullum memoratu dignum fecit. Liuius, Appianus.

De C. Claudio Centhone dictatore.

COMITIORVM consularium iam appetebat tēpus. sed quia consules à bello intentos auocare non placebat, Ti. Sempronius consul comitiorum causa dictatorem dixit C. Claudium Centhonem. ab eo magister eq. dictus est Q. Fuluius Flaccus. Dictator primo comitali die creauit consules. Hæc Liuius. C. Claudius ex consulatu descriptus est, quem gefsit anno **DXIII**. Q. Fuluius ex consulatu, quem gefsit anno **DXVI**, & **DXIX**.

DE COS. AN. DXLI.

CONSULES à dictatore creati in hunc annum Q. Fuluius Flaccus **III**, qui tum erat magister equitum, & Ap. Claudius Pulcher, cui in prætura Sicilia pronincia fuerat, teste Liuius, Plutarcho in Fabio, Cassiodoro, & Festo libro **xvii**. Ap. Claudius filius est P. Claudij Pulchri consulis anno **DXII**. Hoc anno de publicanis, qui naufragia ementiti fuerant, supplicium sumptum. Annibal Tarentum præter arcem, in quam præsidium Romanorum fugerat, per Tarentinos iuuenes, qui se noctu uenatum ire simulauerant, cepit. ea tamen defectio vtrum priore anno, an hoc facta sit, in diuersum auctores trahunt, propioresq; ætate memoriæ rerum hoc anno tradunt factam. Ludi Apollinares uictoriæ causa ex Martij uatis carminibus, quibus Cannensis clades prædicta fuerat, instituti sunt, eorum curatio prætori urbano mandata est. Consules Annonem Pœnorum ducem prælio fuderunt, viceruntq; Beneuento ad oppugnandum Capuam ducunt, Beneuentum ex Lucanis Gracchum accersunt, qui antequam ueniret, hospitis Lucani fraude insidijs circumuentus à Magone Pœno interfectus est. Crispinus Badium Campanum hospitem suum, à quo prælio prouocatus fuerat, interfecit. Annibal cum castra ad Capuam mouisset, collatis cum consulibus signis prope æquo Marte pugnavit. Consules cum à Capua abiissent, item eò redierunt. M. Centenius Penula, qui centurio militauerat, cum petisset à senatu, ut sibi exercitus daretur, pollicitusq; esset, si hoc impetrasset, de Annibale uictoriam: octo milibus acceptis militum dux factus, confligit acie cum Annibale, & cum exercitu cæsus est. Dum Capua à consulibus summa ui obsideretur, Cn. Fuluius Flaccus Quinti frater prætor circa Herdoniam male aduersus Annibalem pugnavit, ac fugatus, & castris exutus est. Annibal inde Tarentum duxit spe potiundæ Tarentinæ arcis. Syracusæ in Sicilia à M. Marcello pro cos. in potestatem redactæ sunt tertio anno, quàm obsideri fuerant cœptæ. In Hispania cum Scipiones adhuc Asdrubalem, ne in Italiam tenderet, retinuissent, iam de finiendo bello agentes, à mercenarijs Celtiberis deserti, prope cum totis exercitibus cæsi sunt anno octauo, quàm in Hispaniam iuerant, Cn. Scipio post Publium fratrem die undetrigesimo. amissaq; Hispaniæ possessio fuisset, nisi L. Marcij equitis Ro. virtute, & industria contractis exercituum reliquijs eiusdem hortatubina castra hostium expugnata essent. ad triginta septem millia cæsa, ad mille octingentos triginta capti, præda ingens parta. Liuius, Appianus, Florus.

DE COS. AN. DXLII.

LITERIS acceptis inter se consules compararunt, ut Claudius comitia perficeret, Fuluius ad Capuam maneret. Consules Claudius creauit Cn. Fuluium Centumalum, & P. Sulpicium Ser. F. Galbam, qui nullum antea curulem magistratum gefisset. Hæc Liuius. Eosdem consules edit quoque Cassiodorus, Orosius, & Festus lib. **xvii**. Ser. Sulpicius Ser. F. P. N. Galba Maximus appellatur in secundo eius consulatu Capitolino. Cn. Fuluius filius fuit, ut opinor, Cn. Fuluij Cn. F. Cn. N. Centumali consulis anno **DXXIII**, prætor anno **DXI**. Q. Fuluius, Ap. Claudius prioris anni consulibus prorogatum imperium est, atque exercitus, quos habebant, decreti. adiectumq; ne à Capua, quam obsidebant, abscederent, priusquam oppugnassent. prorogatum

Commentarius in fastos

tum & M. Marcello, ut pro consule in Sicilia reliquias belli perficeret, eo exercitu, quem haberet. T. Otacilio, & M. Valerio Siciliae, Graeciaeque; ora cum legionibus, classibusque, quibus praeerant, decretae. Annibal à Tarento, cuius arcis potiunda spes erat, à Campanis ad Capuae obsidionem soluendam attractus, ubi se nec hostes elicere ad pugnam, nec per castra eorum percurrere ad Capuam posse sensit, caput ipsum belli Romam petendi consilium cepit. atque ad tertium ab urbe lapidem super Anienem castra posuit. ipse uero cum duobus millibus equitum, ut urbis situm exploraret, obequitauit, & cum per triduum exercitus utrinque in aciem descenderent, tempestas certamen diremit. nam cum in castra redissent, statim ferentia erat. Annibal deserta Capua in Lucanos, atque inde Rhegium contendit. Capua Romanis tradita est, cum principes Campani ueneno sibi ante mortem consciuissent. cum senatus Campanorum deligatus esset ad palos, ut securi feriretur, literas à senatu missas Q. Fuluius, quibus iubebatur parcere, antequam legeret, in sinu posuit, & lege agi iussit, & supplicium peregit. Capuam institutum ut quotannis praefectus mitteretur. Asdrubal in Hispania à Nerone in saltu conclusus, specie pacis componendae dum ducem Romanum detinet, è saltu exiit. P. Scipio P. Scipionis, qui interierat, filius annos **xxiiii** natus, professus se in Hispaniam imperium, quod reliqui omnes post duos occisos Scipiones recusabant, accepturum, eò extra ordinem pro consule missus est. ei M. Iunius Silanus praetor adiutor ad res gerendas datus est, qui Neroni successit. M. Laevinus cum Aetolis amicitiam, & societatem aduersus Philippum firmavit, & cum Attalo Asiae regem. Liuius.

De triumpho, & ouatione M. Marcelli pro cos. de Syracusanis.

EIVSDEM aetatis exitu M. Marcellus ex Sicilia prouincia cum ad urbem uenisset, de rebus ab se gestis in senatu sibi ad Bellonae dato differuit. questus leuiter non suam magis, quam militum uicem, quod prouincia confecta exercitum deportare non licuisset, postulauit, ut triumphandi urbem inire liceret, id non impetrauit. Cum multis uerbis actum esset, utrum minus conueniret, cuius nomine absentis ob res prospere ductu eius gestas supplicatio decreta foret, & diis immortalibus habitus honos, ei praesenti negare triumphum, an quem tradere exercitum successoribus iussissent, quod nisi manente in prouincia bello non decerneretur, eum quasi debellato triumphare, cum exercitus testis meriti, atque immeriti triumphum abesset, medium uisum, ut ouans urbem iniret. Tribuni pl. ex auctoritate senatus ad populum tulerunt, ut M. Marcello, quo die urbem ouans iniret, imperium esset. Pridie quam urbem iniret, in monte Albano triumphauit: inde ouans multam praese praedam in urbem intulit. Haec Liuius, & Plutarchus. Valerius capite de iure triumphandi, quod sine magistratu ad hoc bellum missus esset, Marcello negatum triumphum scribit. Itaque in libro de uiris illustribus haec uerba sunt: Marcellus Syracusas per tres annos expugnauit, & cum per calumniam triumphus ei à senatu negaretur, de sua sententia in Albano monte triumphauit. Fecit autem initium, ut dixi, in Albano triumphandi C. Papirius Maso consul anno **dxxi**. Plutarchus item Marcellum quinquies consulem notat fuisse, ter triumphasse. quod est, semel de Gallis, bis de Syracusanis. Hac uictoria Sicilia tota in potestatem populi R. uenit, atque prouincia facta est. Velleius.

DE COS. AN. DXLIII.

CVM praerogatiua iuniorum consules T. Manlium Torquatum, & T. Otacilium declarasset, Manlius ualitudinem oculorum excusauit, & bellum Punicum in Italia, & hostium ducem Annibalem esse cogitare eos iussit. Quo factum est, ut M. Marcellum fulgentem iam Sicilia domita, & M. Valerium Laevinum, qui egregie res aduersus Philippum terra, marique; gesserat absentes consules dicerent. auctoritatem praerogatiuae omnes centuriae sequuta sunt. Haec Liuius. Cassiodorus autem Marcellum **iii** consulem edit omisso consulatu, quem uitio creatus non gessit, qui unus est ex quinque, quos ipse gessisse fertur. Liuius lib. **xxx**, & **xxx** M. Valerium Laevinum bis fuisse consulem scribit. nos primū suspicati sumus fuisse anno **dxxxiii**, nunc iterum. idem anno **dxxxviii** praeturam gessit. Tributum à populo Ro. in Laeui consulis sententiam belli causa collatum. A M. Laeui consule in Sicilia Agrigento, & alijs oppidis occupatis, Poenis ex insula pulsus debellatum est. Itaque Cicero in Verrem trium Siculorum bellorum confectores nominans ait: Qui M. Laeui, aut P. Rupilio, aut M'. Aquillio praetoribus in eam prouinciam successerunt. nam feruilia duo bella, alterum à P. Rupilio, alterum à M'. Aquillio pro consulibus post sunt perfecta. P. Scipio in Hispania Carthagine Noua urbe opulentissima uno die expugnata rem bene gessit, (alii in insequentem annum eam expugnationem contulerunt.) uirginem captiuam

ptiuam ad se adductam ad parentes, & sponsum intactam remisit. Marcellus consul in Italia Salapiam per prodicionem recepit, aliâq; in Samnitibus oppida occupauit. Cn. Fuluius Centumalus pro consule in Apulia, cum castra ad Herdoneam haberet, spe eius oppidi recipiendi, quod post Cannensem cladem ab Romanis defecerat, cum exercitu ab Annibale cæsus est. castris, prædaq; uictor potitus. post autem cum eodem ad Numistronem Marcellus bene pugnauit. eundemq; noctu digressum insequutus, atque ad Venusiam adeptus tumultuosa magis prælia, quam magna, sed ferme omnia secunda fecit. Liuius, Plutarchus.

De Q. Fulvio Flacco dictatore.

BELLICI apparatus ad repetendam Siciliam, & inuadendam Italiam ex Africa nunciati mouere senatum, ut non expectanda comitia Valerio consuli censerent, sed dictatorem comitiorum habendorum causa dicendum. Illa disceptatio tenebat, quod consul in Sicilia se M. Valerium Messallam, qui tum classi præfesset, dictatorem dicturum esse aiebat. patres extra Romanum agrum (eum autem in Italia terminari) negabant dictatorem dici posse. M. Lucretius tribunus pl. cum de ea re consuleret, ita decreuit senatus, ut consul prius, quam ab urbe discederet, populum rogaret, quem dictatorem dici placeret, eumq;, quem populus iussisset, diceret dictatorem. si consul noluisset, prætor urbanus populum rogaret; si ne is quidem uellet, tum tribuni ad plebem ferrent. cum consul se populum rogaturum esse negasset, quod suæ potestatis esset, prætoremq; uetuisset rogare, tribuni pl. rogarunt, plebesq; sciuit, ut Q. Fuluius, qui tum ad Capuam erat, dictator diceretur. sed quo die id plebis concilium futurum erat, consul clam noctu in Siciliam abiit. destitutiq; patres literas ad M. Claudium mittendas censerunt, ut desertæ ab collega reip. subueniret, diceretq;, quem populus iussisset, dictatorem. Ita à M. Claudio consule Q. Fuluius Flaccus dictator dictus. & ex eodem plebiscito ab Q. Fulvio dictatore P. Licinius Crassus pont. max. magister equitum dictus. magistratibus in annum creatis Q. Fuluius dictatura abdicauit. Hæc ex Liuius, & Plutarcho in Marcello. P. Licinius ex consulatu Capitolino anni **DXLVIII** descriptus est. idem etiam cognomine Diuitis afficitur à Liuius in prætura anno sequenti. apud Plutarchum mendose est Q. Fabius dictator, pro Q. Fulvio.

De censoribus abdicatis.

CENSORES hic annus habuit L. Veturium Philonem, P. Licinium Crassum pont. maximum. Crassus nec consul, nec prætor ante fuerat, quam censor factus est. ex ædilitate gradum ad censuram fecit. Hi censores neq; senatum legerunt, neque quicquam reip. egerunt. mors diremit L. Veturij, & inde Licinius censura se abdicauit. Hæc Liuius. L. Veturium esse reor, qui consul fuit anno **DXXXIII**. neque enim ut rem nouam in Crasso notasset, censorem non consularem fuisse, si ne collega quidem eius consulatum cepisset.

DE COS. AN. DXLIII.

CONSULES in hunc annum creati Q. Fabius **V**, Q. Fuluius Flaccus **III** idem, qui dictator comitia habebat: Liuius auctore, & Calsiodoro. His consulibus Cicero contra Rullum Capuam receptam scribit, quod biennio ante factum prodidit Liuius. Marcellus ex hibernis profectus Annibali ad Canusium occurrit. Solicitabat ad defectionem Canusinos Pænus, cedentemq; inde eum assequutus bis cum eo congressus est. priore prælio Annibal superior fuit, Marcellus insequenti. Annibal in Bruttios abiit. Q. Fabius consul Tarentum per prodicionem arte Punica recepit. P. Scipio in Hispania ad Bætulam cum Asdrubale bene pugnauit. Inter alia captum puerum regalem nomine Malsiuam eximiæ formæ ad auunculum Massanisam cum donis remisit.

De censoribus, et lustro XLIII.

Hoc etiam anno M. Cornelius Cethegus, P. Sempronius Tuditanus censores creati, ambo qui nondum consules fuerant, senatum, & senatus principem Q. Fabium Maximum legerunt, quæque locanda erant, locarunt. ceterum anno sequenti lustrum condiderunt. censa sunt ciuium capita **CXXVII** millia **CVII**. Hæc Liuius. De his etiam sic Ennius in Bruto Ciceronis.

Additur orator Cornelius suauiloquenti.

Ore Cethegus Marcus Tuditano collega

Commentarius in fastos

Marci filius.

Vterque ex consulatu Capitolino, quem una gesserunt anno **D X L I X**, descriptus est.

DE COS. AN. DXLV.

V N D E C I M O anno Punici belli consulatum inierunt M. Marcellus **V** (ut numeretur consulatus, quem uitio creatus non gessit) & T. Quinctius Crispinus. Hæc Liuius. Plutarchus item Marcellum quintum, & Crispinum, Cassiodorus Marcellum **III**, præterito uitioso consulatu prodit. T. Quinctius priore anno prætor fuerat. Hoc anno item P. Scipioni, & M. Silano suæ Hispaniæ, suiq; exercitus in annum decreti. Scipio ex **L X X X** nauibus, quas aut secum ex Italia adductas, aut captas Carthagine habebat, quinquaginta in Sardiniam transmittere iussus, quia fama erat magnum naualem apparatus eo anno Carthagine esse, & e nauibus omnem Italiæ, Sici-liæ, Sardiniaq; oram impleturos. Ludi Apollinares, qui ante in annum uoueri soliti fuerant, in perpetuum in statum diem uoti sunt, factiq; ante diem **I I I** Nonas Quinctiles. isq; dies deinde solennis seruatus. Crispinus consul ex Bruttij, Marcellus Roma profectus in Apuliam inter Venusiam, Bantiamq; coniunxerunt copias. eodem & Annibal redijt auersus ab Locris. cum consules ingenio feroces pugnae, Annibal insidijs locum quererent, iidem speculandi causa cum paucis equitibus e castris egressi insidijs eius circumuenti sunt, ita ut Marcellus occisus sit, Quinctius faucibus suægerit. P. Sulpicius Galba pro cos. aduersus Philippum, & Achæos rem gerit. Liuius, Plutarchus in Marcello.

De T. Manlio Torquato dictatore.

E X I T V huius anni T. Quinctius consul, dictatore comitiorum, ludorumq; faciendorum causa dicto T. Manlio Torquato ex uulnere moritur. alij Tarenti, alij in Campania mortuum tradunt. Dictator Manlius magistrum equitum C. Seruilius, qui tum ædilis curulis erat, dixit. Senatus quo die primum est habitus, ludos magnos facere dictatorem iussit, quos M. Aemilius prætor urbis C. Flaminio, Cn. Seruilio consulibus fecerat, & in quinquennium uouerat. Tum dictator fecit, & in insequens lustrum uouit, & comitia consulibus creandis habuit. Hæc Liuius. De T. Manlio sæpius ante dictum est. C. Seruilius ex consulatu Capitolino anni **D L** descriptus est. Ludi uotiui erant, quos A. Postumius dictator bello Latino ad lacum Regillum primum uouerat, ut scribit Dionysius. De his ludis sic Liuius lib. **X X I** post cladem ad Trasimenum acceptam. Ludi magni Ioui uoti, si res populi R. ad quinquennium proximum salua fuisset.

DE COS. AN. DXLVI.

C V M circumspicerent patres, quos nam consules facerent, longe ante alios eminebat C. Claudius Nero. ei collega datus est M. Liuius, multis ante annis ex consulatu populi iudicio damnatus, ac octauo ferme anno post damnationem à M. Marcello & M. Læuino consulibus in urbem reductus. Nero prætor fuerat anno **D X L I**. Hæc ex Liuius. C. Claudium Neronem cum M. Liuius Salinator **II** consules habent item fasti Capitolini. Neroni aduersus Annibalem Bruttij, Lucani, Liuius aduersus Asdrubalem, quem Alpibus appropinquare fama erat, Gallia decreta.

De triumphis M. Liuij Salinatoris, & C. Claudij Neronis cos. de Pœnis.

A D R V B A L I Annibalis fratri, qui ex Hispania cum maximis copijs in Italiam irruerat, M. Liuius consul in Gallia erat oppositus, in Apulia uero Annibali C. Claudius. Asdrubalis literas, quibus se Annibali fratri in Umbria occursum esse scribebatur, cum Claudius interceptisset, non id tempus esse reip. ratus, quo consilij ordinarijs provinciæ suæ quisq; finibus per exercitus suos cum hoste destinato ab senatu bellum gereret, cum timeret, ne Asdrubal inuito collega ad Annibalem perueniret, atque cum eo castra coniungeret, id quod non sine summo totius imperij Ro. exitio futurum uidebatur, atque senatui ante consilium suum aperuisset, magnis itineribus sex dierum spatio longitudinem Italiæ emensus, & inscio Annibale, Asdrubaleq; castra Salinatoris ingressus, consilio, ac celeritate perfecit, ut Asdrubal cum ad pugnam discendisset, ipse cum toto exercitu ad Senam oppidum deleretur. atque ante ad statua sua ex Gallia in Apuliam rediret, quam cum discessisse Annibal sentiret. Quò ubi peruenit, caput Asdrubalis, quod seruatum cum cura attulerat, projici ante hostium stationes, captiuosq; Afros uinctos, ut erant, ostendi, duos etiam ex ijs solutos

solutos ire ad Annibalem, & expromere, quæ acta essent. iussit, quo dolore perculsus Annibal in extremum Italiæ angulum Bruttios recessit: Cum autem utriq; consuli à senatu ob rem bene gestam triumphus decretus esset, inter ipsos, ne, cum bellum communi animo gessissent, triumphum separarent, ita conuenit, ut quoniam & in prouincia M. Liuij gesta res esset, & eo die, quo pugnam foret, eius sorte auspiciu fuisset, & exercitus Liuianus deductus Romam uenisset, Neronis de prouincia deduci non potuisset, M. Liuium quadrigis urbem incuntem milites sequerentur, C. Claudius equo sine militibus inueheretur. Hæc Liuius, Frontinus, scriptor libri de uiris illustrib. Eosdem triumphos his etiam uerbis prodidit Valerius lib. 1111: C. Claudius Nero, qui Liuij Salinatoris in opprimendo Asdrubale particeps gloriæ fuerat, cum triumphantem equo sequi, quam triumpho, quem ei senatus æque decreuerat, uti maluit, quia res in prouincia Salinatoris gesta fuerat. sine curru ergo triumphauit. Hinc Liuius: Itaque iret alter consul sublimis curru multiugis, si uellet, equis. vnus equo per urbem uerum triumphum uchi, Neronisque, etiam si pedes incedat, uel parto eo bello, uel spreto triumpho, gloriam memorabilem fore. hi sermones spectantium Neronem usque in Capitolium profecuti sunt. Eodem anno in Hispania nouus imperator Anno in locum Asdrubalis cum nouo exercitu ex Africa transgressus, Magoniq; iunctus, cum in Celtiberia breui magnum numerum hominum armasset, Scipio aduersus eum M. Silanum misit. qui collatis signis Magonem fugauit, Annonemq; uiuum cepit. Scipio per Lucium fratrem Oringin opulentissimam urbem occupauit, ac dimissis in hiberna legionibus, ipse Tarraconem concessit. Eodem anno classis Romana M. Valerio Læuino pro consule ex Sicilia in Africam transmissa in Uticensi, Carthaginensiq; agro late populationes fecit. repetentibus Siciliam classis Punica occurrit. decemq;, & septem naues ex ijs captæ sunt, quatuor in alto merse. cetera fusa, ac fugata classis. terra, mariq; uictor Romanus fuit.

De M. Liuiio Salinatore dictatore.

Cum comitiarum tempus appeteret, & per dictatorem comitia haberi placuisset, C. Claudius consul M. Liuium collegam dictatorem dixit, Liuius Q. Cæcilium magistrum equitum. à M. Liuiio creati consules L. Veturius, Q. Cæcilius, is ipse, qui tum erat magister equitum. Hæc Liuius. Idem M. Liuius Salinator cum Q. Cæcilio Metello magistro equitum dictator comitiarum habendorum causa est in tabulis Capitolinis.

DE COS. AN. DXLVII.

L. Veturium Philonem, Q. Cæcilium Metellum consules suggerit in hunc annum Liuius, Cassiodorus cum Capitolinis fastis. Horum sic meminit Cicero in Bruto: Orator habitus est temporibus illis Q. Metellus is, qui bello Punico secundo cum L. Veturio Philone consul fuit. Philo prætor fuit anno DXLI, Metellus tantum ædilis plebis fuerat anno DXLI, ædilis curulis anno DXLV. Hoc anno Annibal nece fratris perculsus quieuit. neque à Romanis consuli libus lacepsitus est, quibus ambobus, ut cum eo bellum gererent, prouincia decreta fuerat. Liuius.

De triumpho Hispaniensi P. Scipioni negato.

Eodem anno P. Scipio Asdrubale, & Magone acie ad Bætulam urbem fugatis, atque inde ex tota Hispania pulsus, uindicatisq; armis Hispanijs in Africam profectus amicitiam cum Syphace Massylorū rege isto fœdere firmauit. post è graui morbo recreatus, seditionem, quæ in parte exercitus mortis suæ falsa fama commota erat, discussit, ac rebellantes Hispaniæ populos ad deditiōnem compulit. & fœdere cum Massanisa Massulorum rege, & Gaditanis factō, prouincia L. Lentulo, & L. Manlio Acidino tradita Romam reuersus est. ac senatu extra urbem dato in æde Bellonæ, de rebus, quas in Hispania gessisset, disseruit. Ob res gestas magis est tentata triumphi spes, quam petita pertinaciter, quia neminem ad eam diem triumphasse, qui sine magistratu res gessisset, constabat. senatu misso urbem est ingressus, argentiq; præ se in ærarium tulit quatuordecim millia pondo CCCXLI, & signati argenti magnum numerum. Liuius, Valerius de iure triumphandi, Marcellinus libro XXV. Hispaniam primam continentis prouinciā factā esse scribit Liuius lib. XXVI. factam autem uictoria Scipionis & Rufus, & alij prodiderunt. ego tamen non hoc anno, sed anno DLVI ordinatam existimo, tum cum prætores duo, qui in eam quotannis mitterentur, primum creati, atque ipsæ terminatæ Hispaniæ sunt, auctore Liuiō.

Commentarius in fastos

DE COS. AN. DXLVIII.

COMITIA creandis consulibus habuit L. Veturius Philo, centuriæq; omnes ingenti fauore P. Scipionem consulem dixerunt. collega additur ei P. Licinius Crassus pontifex maximus. Hæc Liuius. P. item Cornelium Scipionem, qui postea Africanus appellatus est cum P. Licinio Crasso Diuite consules tabulæ Capitolinæ edunt. De quibus item Cassiodorus, & Cicero sic in Bruto: Orator fuit P. Crassus, qui cum Africano consul fuit. ipsum Scipionem accepimus non infantem fuisse. P. Scipio anno **DXL** ædilis curulis fuit ante legitimam ætatem creatus, inde anno **DXLII** accepit extraordinarium in Hispaniam imperium, ex qua reuersus consulatum adeptus est. Crassus anno **DXLV** præturam gesserat. Scipioni consuli extra sortem Sicilia, & **xxx** rostratæ naues decretæ, permissumq; ut in Africam, si id è rep. esse censeret, traiceret. Crasso Brutij, & bellum cum Annibale. in Bruttij nihil ferme memorabile gestum est. Scipio in Sicilia quæ ad bellum essent necessaria comparauit. C. Lælius ex agro Hipponensi in Africa cum prædam abegisset, maximum Carthagine tumultum exciuit. Bellum, quod in Hispania Indibilis, & Mandonius excitauerant à L. Manlio, & L. Lentulo pro consulibus oppressum est. Indibilis in acie occisus est. Mandonius exposcentibus Romanis à suis deditus est. Magoni, qui in Galliam, & Liguriam iuerat, ex Africa & exercitus, & pecuniæ missæ, quibus auxilia conduceret. præceptumq; ut se Annibali iungeret. Scipio à Syracusis in Bruttios traiecit, & Locros urbem, quæ ad Pænos & ipsa sub defectionem Italiæ descuerat, pulso Punico præsidio, fugatoq; Annibale recepit. ac Q. Pleminio legato, præsidioq; quod arcem ceperat, ad tuendam urbem relicto, cum quibus uenerat copijs, Messanam traiecit. Pleminius cum in Locrenses impotenter se gereret, ab iisdem hostiliter laceratus est. quo dolore compulsus Pleminius multo crudelius adhuc Locrensiū principes tractauit. Carmine in libris Sibyllinis inuento, pelli Italia hostem alienigenam posse, si mater Idæa deportata Romam esset, legati qui eam deportarent in Phrygiam missi sunt. Hæc ex Liuiο, & Appiano, & alijs.

De Q. Cæcilio Metello dictatore.

EXITV anni Q. Cæcilius Metellus ab consule dictator comitiorum habendorum causa in Bruttij dictus magistrum equitum sibi cooptauit L. Veturium Philonem. auctor cum Capitolinis fastis Liuius. Vterque ex prioribus magistratibus notus est.

DE COS. AN. DXLIX.

P. SEMPRONIUM Tuditanum, M. Cornelium Cethegum consules in hunc annum produnt Liuius, Cassiodorus, & fasti Capitolini. Quorum sic meminit Cicero in Bruto: Atque hic Cethegus consul cum P. Tuditano fuit bello Punico **11**. & Cato apud eundem: Quadriennio post factus sum prætor, quem magistratum gessi Tuditano, & Cethego consulibus. & hi collegæ ante in censura fuerunt, cum neuter eorum esset consularis. Tuditanus item præturam gessit anno **DXL**, Cethegus anno **DXLII**. Cornelio Etruria, Sempronio Bruttij euenerunt. Scipioni in Sicilia in annum, Crasso in Bruttij, quoad consuli è rep. uideretur, prorogatum imperium est. De Hispaniæ imperio, quod in eam prouinciā duos pro consules mitti placeret, latum ad populum est. omnes tribus eisdem L. Cornelium Lentulum, & L. Manlium Acidinum pro consules, sicut priore anno tenuissent, obtinere eas prouincias iusserunt. Legatis Romanis mater Idæa tradita est per Attalum regem Asiæ, ac Romam deportata. lapis erat, quem matrem deum incolæ uocabant. excepit eam P. Scipio Nasica, uir optimus à senatu iudicatus, adolescens non dū quaestorius; quoniam ita responsum fuerat, ut numen id ab optimo uiro reciperetur, cōsecrareturq;. Ludi Megalenses ei deæ primum instituti sunt, ut fierent pridie idus Aprilis. Locrenses legatos Romam miserunt, qui de impotentia Q. Pleminij quererentur, quod pecuniam Proserpinæ abstulerat, & liberos eorum, ac coniuges ituprauerat. legati Locros missi, ut Scipionem, si ea, quæ Locrenses facta quererentur, iussu, aut uoluntate Scipionis facta comperissent, de prouincia decedere iuberent. si Scipio iam in Africam traiecisset, inde reducerent. Pleminius Romam translatus in carcerem conditus est. atque ante mortuus, quàm de eo iudicium perfici potuerit. cumq; falsus rumor de P. Scipione pro consule percrebuisset, tanquam luxuriaretur, ab iisdem legatis, qui, ut, an ea uera essent, explorarent, missi erant, purgatus infamia, senatus iussu in Africam traiecit. Syphax accepta in matrimonium Asdrubalis filia, amicitia, quam cum Scipione iunxerat, renunciauit.

renunciavit. Massanisa, ad Scipionem cum ducentis equitibus cum uenisset, Annonem Pœnorum ducem interclusum occidit. Scipio aduentu Asdrubalis, & Syphacis, qui propè cum centum milibus armatorum se obtulerant, ab obsidione Vticæ depulsus hiberna communiuit. P. Sempronius consul in agro Crotoniensis cum Annibale in ipso itinere tumultuario prælio confligit, Romani pulsi sunt. postero die cum iterum in aciem consul descendisset, Pœnos fudit, fugauitq; , ac supra quatuor millia armatorum cæcidit. Liuius, Appianus, alij.

De censoribus, & lustro XLV.

CENSORES interim Romæ M. Liuius, & C. Claudius senatum recitarunt. princeps iterum delectus Q. Fabius Maximus. notati septem, nemo tamen, qui sella curuli sedisset. Vectigal nouum ex salaria annona statuerunt. id vectigal commentum alterum ex censoribus satis credebant, populo iratum, quod iniquo iudicio quondam damnatus esset. & in pretio salis maxime oneratas tribus, quarum opera damnatus erat, credebant. inde Salinatori Liuiio inditum cognomen. Lustrum conditum ferius, quia per prouincias dimiserunt censes, ut ciuium Romanorum in exercitiis, quantus ubique esset, referretur numerus. censa cum ijs **CCXV** millia hominum. condidit lustrum C. Claudius Nero. Erant inter hos censes nobiles inimicitiae, ex quibus mira in ipsa censura contentio exarsit, ut censor alter alteri equum ademerit. Hæc Liuius, & Valerius lib. **III**, cap. **I**, & **IIII**. Eosdem censes lustrum quadragessimum quintum fecisse adijciunt Capitolini scriptores.

DE COS. AN. DL.

LIVIUS, & Cassiodorus una cum fastis Capitolinis consules suggerunt Cn. Seruiliū Cæpionem, C. Seruiliū. quorū Cæpio prætor fuerat anno **DXLVIII**, Seruilius anno **DXLVI**. Cæpioni Bruttij, & Annibal, Seruilio Etruria, ac Liguria euenit. P. Scipioni non temporis, sed rei gerendæ fine, donec debellatum in Africa foret, prorogatum imperium est. decretumq; , ut supplicatio fieret, quod is in Africam prouinciam traiecisset, ut ea res salutaris populo R. ipsiq; duci, atque exercitui esset. Hispaniæ ueteribus imperatoribus L. Manlio, & L. Lentulo decretæ. Scipio Syphacis regis castra incendit, eaq; una cum castris Asdrubalis una die deleuit. cæsa aut hausta flammis ad **XL** millia hominum sunt. capti supra **VI** millia. neque haud ita multo post in Magnis campis cum iisdem, qui exercitu reparato bellum redintegrabant, congressus eos fugauit, atque ciuitates circa omnes partim ui, partim metu subegit. quo terrore compulsi Carthaginenses legatos, qui Annibalem cum exercitu eius in Africam ex Italia ad patriæ defensionem reuocarent, miserunt. Lælius cum Massanisa in Numidiam cum exercitu profectus, cum acie cum Syphace rege congressus esset, eum in prælio uiuum cepit, atque paternum regnum Massanisæ recuperauit. Massanisa Sophonisbam uxorem Syphacis, filiam Asdrubalis captam statim adamauit, & nuptijs factis uxorem habuit. castigatusq; à Scipione uenenum ad eam misit. quo hausto illa decessit. Quibus cladibus perculsi Carthaginenses oratores ad pacem petendam mittunt **XXX** seniorum principes. pacis conditionibus à Scipione latis inducæ, dum ad senatū Romam legati mitterentur, factæ sunt. Mago in Gallia à P. Quintilio Varo prætore, & M. Cornelio pro consule acie superatus, ac uulneratus, dum reuocatus in Africam nauigaret, ex uulnere mortuus est. C. Seruilius cos. nulla re memorabili in Etruria, & Gallia gesta patrem C. Seruiliū post **XVI** annū ex seruitute recepit. Cn. Seruilius consul alter cum Annibale in agro Crotoniensis acie confligit. obscura eius pugna fama est. Annibal ex Italia mæstus, ac dolens in Africam legatorū iussu reuertit. Legati Carthaginenses pace infecta, ac propè sine responso dimissi, quod speculatores, non legati uenisse arguerentur. Polybius, Liuius, Appianus, Florus, alij.

De P. Sulpicio Galba dictatore.

CN. Seruilius consul haud dubius, quin pacatæ Italiæ penes se gloria esset, uelut pulsum ab se Annibalem persequens, in Siciliam, inde in Africam transiturus, traiecit. Quod ubi Romæ uulgatum est, primo censuerunt patres, ut prætor scriberet consuli, senatum æquum censere, in Italiā reuerti eum, deinde cum prætor spreturum eum literas suas diceret, dictator ad id ipsum creatus P. Sulpicius pro iure maioris imperij consulem in Italiam reuocauit. reliquum anni cum M. Seruilio magistro equitum circumeundis Italiæ urbibus, quæ bello abalienatæ fuerant, consumpsit. comitia eius anni utrum C. Seruilius habuerit, an quia eum res in Etruria tenuerint, quæstiones

Commentarius in fastos

ex S. C. de coniurationibus principum habentem, dictator ab eo dictus P. Sulpicius, incertum diuersi auctores faciunt. Ita Liuius. Cum ijs, qui comitiorum causa scripserunt, consentiunt Capitolini scriptores, qui P. Sulpicium Galbam Maximum cum M. Seruilio Pulice Geminio magistro equitum dictatorem comitiorum habendorum causa creatos. meminit quoq; Liuius lib. XLV M. Seruilij, qui consul, & magister equitum fuerat.

DE COS. AN. DLI.

M. SERVILIUM Geminum, Ti. Claudium Neronem consules in hunc annum producit Liuius, Calsiodorus, & fasti Capitolini, in quibus Seruilus Pulex Geminus nominatur. Nero praetor fuerat anno DCLIX, Geminus eodem anno aedilis curulis, post magister equitum, nunc consul. Est illud etiam in his notandum, ambos consules patricios esse, quod fieri non licuisse scribit supra in consulatu C. Neronis Liuius. Etenim Seruilij Gemini patricij erant item, ut Cæpiones. Quamobrem initio huius belli Cn. Seruilus Geminus cum C. Flamini plebeio consul comparatus est. Consules provinciam Africam (ita enim senatus decreuerat) in sortem coniecerunt. Ti. Claudio Africa euenit, ut quinquaginta nauium classem, omnes quinqueremes in Africam traiceret, pariq; imperio cum Scipione imperator esset. M. Seruilus Etruriam fortitus. In ea provincia & C. Seruilio prorogatum imperium. Annibal tentata per colloquium cum Scipione pace, nec impetrata, prælio extremo ab eo uictus est in Africa. post etiam Vermina Syphacis filius, qui auxilio Carthaginiensibus uenerat, superatus. Tum demum à Carthaginiensibus uere, qui pacem peterent, legati missi sunt. Scipio conditiones dixit, ac Romam eos ad senatum misit. Polybius, Liuius, Appianus.

De C. Seruilio dictatore.

M. SERVILIUS, ne comitiorum causa ad urbem reuocaretur, dictatore dicto C. Seruilio in provinciam est profectus. dictator magistrum equitum P. Aelium Patum dixit. Liuius. Eadem dictatura est in fastis Capitolinis.

DE COS. AN. DLII.

IN hunc annum creati consules Cn. Cornelius Lentulus, P. Aelius Pætus. auctor Liuius, Calsiodorus, & Plinius lib. XVIII, cap. XVIII. in fragmento Capitolino est LENTULVS & P. AELIVS. Hi ambo praetores fuerunt anno DL. Cn. Lentulus pater fuit, ut opinor, L. Cornelij Cn. F. L. N. Lentuli Lupi consulis anno DCCVII, P. Aelius ex Capitolina censura descriptus est anni DLIIII. Hunc annum uocat Liuius XL post Q. Lutatium, & A. Manlium consules. Cn. Lentulo clâssis, P. Aelio Italia obuenerat. Cum in senatum introducti Carthaginiensium legati pacem petissent, inclinatis omnibus ad pacem animis Cn. Lentulus consul senatusconsulto intercessit. Tū M. Acilius, & Q. Minucius tribuni pl. ad populum tulerunt, uellent, iuberent ne senatum decernere, ut cum Carthaginiensibus pax fieret, & quem eam pacem dare, quemq; ex Africa exercitum deportare iuberent. De pace, uti rogas, omnes tribus iusserunt, pacem dare P. Scipionem, eundem exercitum deportare. ex hac rogatione senatus decreuit, ut P. Scipio ex x legatorum sententia pacem cum populo Carthaginiensi, quibus legibus ei uideretur, faceret. Ita dimissi ab Roma Carthaginienses cum in Africam uenissent ad Scipionem, his conditionibus pacem fecerunt. Ut liberi suis legibus uiuerent, quas urbes, quosq; agros, quibusq; finibus ante bellum tenuissent, tenerent. perfugas, & fugitiuos, & captiuos omnes, & naues rostratas præter x triremes, traderent, elephantosq; quos haberent domitos, neque domarent alios. bellum neque in Africa, neque extra Africam iniussu populi R. gererent. Massanisæ res redderent, fœdusq; cum eo facerent. decem millia talentum argenti descripta pensionibus æquis in annos quinquaginta soluerent. obsides centum arbitrato Scipionis darent. Liuius, Appianus, alij.

De triumpho P. Cornelij Scipionis Africani de Pœnis, & Syphace rege.

SCIPIO concione aduocata Massanisam ad regnum paternum Cirta oppido, & ceteris urbibus, agrisq; quæ ex regno Syphacis in populi R. potestatem uenissent, adiectis donauit. legatos Carthaginiensium Romam proficisci, ut quæ ab se ex decem legatorum sententia acta essent, ea patrum auctoritate, populiq; iussu confirmarentur, iussit. pace terra, mariq; parta, exercitu in naues imposito,

posito, in Siciliam Lilybæum traiecit. inde magna parte militum in nauibus missa, ipse per lætam pace non minus, quam uictoria Italiam, effusis non urbibus modo ad habendos honores, sed agræ stium etiam turba obsidente uias Romam peruenit, clarissimoq; omnium triumpho urbem est inuectus. argenti tulit in ærarium pondo centum millia *xx i i i*. morte subtractus spectaculo magis hominum, quam triumphantis gloriæ Syphax est, Tibure haud ita multo ante mortuus, quod ab Alba traductus fuerat. Hunc regem in triumpho ductum Polybius auctor est. Africanum cognomen militaris prius fauor, an popularis aura celebrauerit, an sicuti Felicis Sullæ, Magniq; Põpeij patrum memoria cæptum ab assentatione familiari sit, parum compertum habeo. primus certe hic imperator nomine uictæ ab se gentis est nobilitatus. Liuius, Polybius, Appianus, Florus, Eutropius, alij. Liuius iterum lib. *xx x v i i i* P. Scipioni de Pœnis, & Annibale, ac Syphace rege triumphum decretum scribit.

De bello Philippico.

S E Q U I T U R deinceps bellum Philippicum, quod Macedonicum primum dictum est, gestum cum Philippo Macedonum rege. Ceterum cæptum bellum aduersus Philippum decem ferme ante annis, triennio prius depositum erat, cum Actoli & belli & pacis fuissent causæ. uacuos deinde pace Punica iam Romanos, & insensos Philippo cum ob infidam aduersus Actolos, aliosq; regionis eiusdem socios pacem, tum ob auxilia cum pecunia nuper in Africam missa Annibali, Pœnisq; preces Atheniensium, quos agro peruastrato in urbem compulerunt, excitauerunt ad renouandum bellum. P. Sulpicio Galba, C. Aurelio consulibus bellum initum est paucis post pacem Carthaginensibus datam mensibus. Ut ergo cum Pœnis pro Mamertinis socijs primum, deinde pro Saguntinis pugnatum est, sic cum Philippo pro Atheniensibus. contra Athenienses autem Philippum Acarnanes incitauerant, quorum iuuenes duo nõ initiati in sacrarium Cereris cum intrassent, Athenis fuerant interfecti, uel, si uerius dicendum est, quod Philippus bello Punico *i i* fœdere icto Annibalem contra Romanos iuuerat. Hæc ex Liuiο, & Floro, Hoc idem bellum hoc tempore susceptum indicant Capitolini fasti.

D E C O S. A N. D L I I I.

P. S U L P I C I U M Galbam, C. Aurelium Cottam consules suggerunt Liuius, & Cassiodorus. P. Sulpicius anno *d x l i i* primum consul fuit, C. Cotta biennio ante prætor. Iidem consules sunt in Capitolinis tabulis. Sulpicio Macedonia, Aurelio Italia prouincia obuenit. Sulpicius exercitu in Macedoniam ducto equestribus prælijs cum Philippo rege bene pugnavit.

*De L. Cornelio Lentulo pro cōs. ouante ex Hispania,
& triumpho L. Furij Purpureonis pr. de Gallis.*

L. C O R N E L I U S Lentulus anno *d x l v i i* pro consule Hispaniam citeriorem fertitus est. successit enim P. Scipioni. hoc autem anno ex Hispania redijt. qui cum in senatu res ab se per multos annos, fortiter, feliciterq; gestas exposuisset, postulassetq; ut triumphanti sibi urbem in uchi liceret, res triumpho dignas esse censebat senatus, sed exemplum à maioribus non accepisse, ut qui neque dictator, neque consul, neque prætor res gessisset, triumpharet. pro consule illum prouinciam Hispaniam, non consulem, aut prætorem obtinuisse. decurrebatur tamen eò, ut ouans urbem iniret. intercedente Ti. Sempronio Longo tribuno pl. qui nihilo magis id more maiorum, aut ullo exemplo futurum dicebat, postremo uictus consensu patrum tribunus cessit, & ex S. C. L. Lentulus ouans urbem est ingressus. Atque hic primus triumphus sine magistratu actus est. Liuius. Hic autem ex sequenti consulatu Capitolino descriptus est. Insuæbres autem Cænomaniq; & Boij excitis Sallyis, Iluatibusq; & ceteris Ligustinis populis Amilcare Pœno duce, qui in ijs locis de Asdrubalis exercitu substitera, Placentiam inuaserant, & direpra urbe, ac per iram magna ex parte incensa, uix duobus millibus hominum inter incendia, ruinasq; relictis, traiecto Pado ad Cremonam diripiendam pergūt. Id bellum L. Furio Purpureoni prætori decretum. Galli à prætore prælio uicti, ac cæsi sunt. Triumphauit de Gallis in magistratu L. Furius prætor, quanquam negantibus eum triumphum maioribus natu, & quod alieno exercitu Aurelij consulis rem gessisset, & quod prouinciam reliquisset auditate rapiendi per occasionem triumphi. auctor Liuius.

Commentarius in fastos

DE COS. AN. DLIIII.

Hic annus consules habuit L. Cornelium, P. Villium, auctore Cassiodoro. Liuius autem, & Capitolinis tabulis L. Cornelium Lentulum, P. Villium Tappulum. P. Villij consulis meminit etiam Plutarchus in Quinctio. hic prætor fuit anno DL, Lentulus pro cos. priore anno triumphauit. Villio Macedonia obtigit, Lentulo Italia. Pleriq; Græci, Latiniq; scriptores nihil memorabile à Villio actum in Macedonia tradunt. L. Manlius Acidinus ex Hispania decedens à M. Porcio Læca trib. pl. ne ouans urbem iniret, cum id ab senatu impetrasset, prohibitus, priuatus ingressus est. Cn. Bæbius Tamphilus prætor prope cum toto exercitu ab Insubribus Gallis est circumuentus. Liuius.

De censoribus, & lustro XLVI.

L. LENTVLVS consul comitia censoribus creandis habuit. multis claris uiris petentibus creati censores P. Cornelius Scipio Africanus, P. Aelius Pætus. Hæc Liuius. qui tamen lustri conditi non meminit, quod conditum ab his censoribus esse XLV docent Capitolinæ tabulæ. P. Scipionem Africanum censorem principem senatus ab his censoribus lectum tradit Liuius in censu ra sequenti.

DE COS. AN. DLV.

T. QVINCTIVM Flamininum, Sex. Aelium Pætum consules suggerunt Liuius, Cassiodorus, & Capitolinæ tabulæ, una cum Plutarcho in Quinctio. Turpiter erratum esse inuenio ab auctore libri de uiris illustribus, qui hunc Flamininum C. Flaminij, qui ad Trasimenum interfectus est, filium tradidit. cum tamen hic è gente Quinctia patricia fuerit, ille è Flaminia plebeia. Flamininus autem cognomen est Quinctiorum. Est etiam in hoc notandum, Flamininum annos nondum xxx natum à quæstura ad consulatum ascendisse, ut Sex. Aelius collega eius ab ædilitate. auctor Liuius, & Plutarchus. Hic est autem Sex. Aelius Pætus Catus iuris peritus, de quo Cicero, Egrege cordatus homo Catus Aelius Sextus, ex Ennio. Itaque in tabulis Capitulinis Pætus Catus uocatur. Aelio Italia, Quinctio Macedonia euenit. quorum ille memorabile nihil gessit, Quinctius aduersus Philippum in faucibus Epiri prospere pugnavit, fugatumq; coegit in regnum reuerti. ipse Thessaliam, quæ est uicina Macedonia socijs Aetolis, & Athamanibus uexauit. L. Quinctius consulis frater nauali prælio Attalo rege, & Rhodijs adiuuantibus Eubæam, & maritimam oram occupauit. Achæi in amicitiam accepti sunt. Coniuratio Setiæ seruorum facta de soluendis Carthaginienfibus obsidibus oppressa est. Liuius, Plutarchus in Quinctio.

DE COS. AN. DLVI.

Hoc anno C. Cornelius Cethegus, Q. Minucius fuerunt consules. auctor Liuius. Cassiodorus, Cap. tab. de quibus sic in Bruto Cicero: C. Cornelio, Q. Minucio consulibus ludis Iuuentatis, quos Salinator Senensi prælio uouerat, Liuius docuit fabulam. Minucius prætor fuit anno DLIII, Cethegus ædilis curulis anno DLV. Consulibus bellum cum Gallis Cisalpinis decretum, T. Quinctio prorogatum in Macedonia imperium, donec successor mitteretur. Hispaniæ terminatæ, atque in eas primum duo noui prætores, qui ad quatuor additi fuerant, missi: Sempronius Tuditanus in citeriorem, M. Heluius Blasio in ulteriorem. Nabis Lacedæmoniorum tyrannus Argos in potestatem redegit, cum eoq; amicitia iuncta est. T. Quinctius pro consule cum Philippo ad Cynoscephalas in Thessalia acie uicto debellauit. L. Quinctius frater eius Acarnanes, Leucade urbe, quæ caput est Acarnaniæ, expugnata in deditionem accepit. Attalus rex Thebis Pergamum æger aduectus moritur. Hispania ulterior, quam M. Heluius prætor obtinebat, rebellauit. Legati à rege Philippo uenerunt, qui quæcunq; senatus censuisset, id regem facturum esse dixerunt. decem legati more maiorum, quorum ex consilio T. Quinctius imperator leges pacis Philippo daret, decreti. Polybius, Liuius, Plutarchus, alij.

De triumphis C. Cornelij cos. de Gallis, Q. Minucij cos. de Liguribus.

GALLI Cisalpini defecerant à populo R. Itaque consulibus binæ legiones, ut bellum cum ijs gererent, decreta. Cornelius recta ad Insubres uia, qui tum in armis erant, Cænomanis assumptis, Minucius in læua Italiæ ad inferum mare flexit iter, Genuamq; exercitu abducto ab Liguri-

bus

bus orsus est bellum. Liguribus in deditionem acceptis in agrum Boiorum legiones duxit. Infubres, & Cænomani à Cornelio prælio superati sunt. Ei omnium consensu decretus triumphus. Q. Minucius tentata tantum relatione, cum aduersum omnem senatum uideret, in monte Albano se triumphaturum, & iure imperij consularis, & multorum clarorum uirorum exemplo dixit. C. Cornelius de Insubribus, Cænomanisq; in magistratu triumphauit. Q. Minucius consul de Liguribus, Boijsq; Gallis in monte Albano. Is triumphus loco, & fama rerum gestarum, & quòd sumptum non erogatum ex ærario omnes sciebant, inhonoratior fuit. Hæc Liuius.

DE COS. AN. DLVII.

Hic annus cōsules habuit L. Furium Purpureonem, M. Claudium Marcellum. Liuius, Cassiodorus, Capitolinæ tabulæ. L. Furius, prætor anno DLVII triumphauit, M. Claudius Marcelli quinquies consulis filius prætor fuit anno DLV. Consulibus ambobus Italia prouincia decreta. Quinctius Macedoniam cum eodem exercitu obtinere iussus. Pax Philippo ex æ legatorum sententia, Græciæ à Quinctio libertas data est. Sempronius Tuditanus pro cos. in citeriore Hispania uictus ex uulnere mortuus.

De ouatione Cn. Cornelij Lentuli pro cos. ex Hispania.

P. scipioni in Hispaniâ citeriorem successit, ut diximus, L. entulus L. Lentulo C. Cornelius Cethegus, Cethego anno DLVII C. Cornelius Lentulus. De quo Lentulo, quod ad triumphum suspicionem attinet, ita ait Liuius. Cn. Cornelius Lentulus, qui citeriorem Hispaniam obtinuerat cum ex S. C. ouans urbem esset ingressus, tulit præ se auri mille, & quingenta pondo. L. Stertinius ex ulteriore Hispania ne tentata quidem triumphi spe quinquaginta millia pondo auri in ærarium tulit. de quo loco quid sentirem, dixi in scholijs Liuianis.

De triumpho M. Marcelli cos. de Insubribus, & Comensibus.

M. MARCELLVS cos. cui Italia prouincia obuenerat, Pado confestim traiecto in agrum Comensem, ubi Infubres Comensibus ad arma excitis castra habebant, ducit, Gallos fundit, castra diripit, Comum oppidum capit, castella duodetriginta in deditionem recipit. Triumphauit in magistratu de Insubribus, Comensibusq; . Boiorum triumphum spem collegæ reliquit. Liuius. Huius etiam triumphum uestigia sunt in Capitolinis tabulis. in quibus est scriptum, triumphasse eum IV NON. M. .i. ut ego interpretor, Martias, extremo iam consulatu, quem idib. Mart. inierat.

DE COS. AN. DLVIII.

M. PORCIUM Catonem, L. Valerium Flaccum consules fuggerunt Liuius, Cassiodorus, Capitolinæ tabulæ, Plutarchus. Cato anno DLV, Flaccus anno DLIII præturam gesserat. Plutarchus M. Porcium M. F. Priscum ante dictum, post ab usu rerum Catonem nominatum scribit. Nouum hominem fuisse, & Cicero sæpe, & Plutarchus asserunt. Cicero in Verrem de eo sic loquitur: M. Cato se uirtute, non genere populo R. commendauit, & ipse sui generis initium, ac nominis ab se gigni, ac propagari uoluit. L. Valerius P. F. Flaccus dicitur etiam à Liuiο anno DLXIII, ubi de eo triumphuro ad coloniā deducendam agit. Cato Hispaniam, Valerius Italiam sortitus est. Annibal frustra in Africa bellum moliens, & ob hoc Romanis per epistolas aduersæ factionis principum delatus, propter metum Romanorum, qui legatos ad Carthaginiensium senatum de eo miserant, profugus ad Antiochum Syriæ regem se contulit bellum contra Romanos parantem. Lex Oppia quam C. Oppius tribunus pl. bello Punico de stringendis matronarum cultibus tulerat, cum maxima contentione abrogata est, dissuadente Catone. Idem Cato in Hispaniam profectus bello, quod ab Emporij orsus est, citeriorem Hispaniam pacauit. Valerius Flaccus consul alter in Gallia cum Boiorum exercitu propter Litanam syluam signis collatis secundo prælio conflixit. Cum senatus T. Quinctio permisisset, an bellum cum Nabide Lacedæmoniorum tyranno, qui Argos seruitute oppresserat suscipere vellet, Quinctius Græcorum, qui opem tulerunt, voluntate Nabidi arma intulit, atque Argis, qui in potestate eius erant, liberatis, pacem tyranno dedit. Polybius, Liuius, Plutarchus, Appianus.

Commentarius in fastos

De ouatione M. Heluij Blasionis prætor. & triumpho Q. Minucij
Therini pro prætor. ex Hispania.

ANNO DLVI prætores duo additi, vt essent sex, qui in Hispanias citeriorem & vltiorem quotannis mitterentur. Hispaniæ eodem anno terminatæ sunt. Missus est C. Sempronius Tuditanus in citeriorem, M. Heluius Blasio in ulteriorem. anno DLVII successit Tuditano Q. Minucius Thermus prætor. Heluio Q. Fabius Buteo. anno DLVIII, Thermo successit P. Manlius prætor adiutor consuli M. Catoni, qui & ipsæam prouinciã sortitus fuerat, datus, Buteoni Ap. Claudius Nero. Hoc autem anno Heluio decedenti ex Hispania ulteriore cum præsidio sex millium dato ab Ap. Claudio prætor Celtiberi agmine ingenti ad oppidum Illiturgi occurrerunt. uiginti millia armatorum fuisse Valerius scribit, duodecim millia ex ijs cæsa. oppidum Illiturgi receptum, & puberes omnes interfectos. inde ad castra Catonis Heluius peruenit, & quia tuta iam ab hostibus regio erat, præsidio in ulteriorem Hispaniam remisso Romam est profectus, & ob rem feliciter gestam ouans urbem ingressus est. Causa negati triumphi fuit, quod alieno auspicio, & in aliena prouincia pugnasset. Ceterum biennio post redierat, cum prouincia quoque successori Q. Minucio tradita, annum insequentem retentus ibi longo, & graui fuisset morbo. Itaque duobus modo mensibus ante Heluius ouans urbem est ingressus, quàm successor eius Q. Minucius triumpharet. Is autem ad Turbam oppidum cum Budare & Besafide imperatoribus Hispanis signis collatis prospere pugnat. duodecim millia hostium cæciderat. Budarem imperatorem cepit. Hæc Liuius. Mirum autem est, quod Q. Minucium successorrem M. Heluij nominet. cum Heluius ulteriorem, Minucius citeriorem Hispaniam sortitus sit. Blasionem cognomen esse Heluij cum fragmenta Capitolina huius triumphi indicant, tum etiam Dio, qui lib. XLVI Heluij cuiusdam Blasionis meminit.

DE COS. AN. DLIX.

P. CORNELIVM Scipionem Africanum II, Ti. Sempronium Longum cos. in hunc annum comparant Liuius, & Cassiodorus cum Capitolinis tabulis. Horum meminit etiam Cicero pro Cornelio perduellionis reo apud Pædianum his verbis: P. Africanus cum consul esset cum Ti. Longo passus est à populari confessu senatoria subsellia separari. quæ uerba sic interpretatur Pædianus: Hoc factum est secundo consulatu Scipionis post septimum annum, quàm Carthaginensibus bello secundo data pax est. & de aruspicum responsis: Ludis Megalensibus primum ante populi confessum senatui locum P. Africanus iterum consul ille maior dedit. & Valerius lib. IIII A condita urbe: vsque ad Africanum, & Ti. Longum consules promiscuus senatui, & populo spectandorum ludorum locus erat. item capite de institutis. Idem scribit etiam Liuius. Horum consulum patres primo anno secundi belli Punici consules fuisse idem tradit. Ti. Sempronius anno DLVII præturam gessit. Consulibus ambobus Gallia prouincia decreta. Sempronius uario euentu cum Boijs pugnauit. Scipio nulla re memorabili gesta Romam comitiorum causa redijt.

De censoribus, & lustrò XLVII.

IN hunc annum censores referunt Liuius, Pædianus in Cornelianam vna cum Capitolinis tabulis Sex. Aelium Pætum, C. Cornelium Cethegum. P. Scipio Africanus, quem priores censores principem senatus legerant, iterum lectus. lustrum sequenti anno condidit C. Cornelius. censa sunt ciuium capita cXLIII millia septingenta quatuor. Liuius. Hoc lustrum quadragessimum septimum nominant Capitolinæ tabulæ.

De triumpho M. Catonis cos. ex Hispania.

PRIORE anno cum tantum glisceret in Hispania bellum, ut iam consulari & duce, & exercitu opus esset, placuit patribus consules Hispaniam citeriorem sortiri. Cato sortitus est. Bello, quod ab Emporijs orsus est, totam citeriorem Hispaniam, quæ rebellauerat, pacauit. atque pro cos. hoc anno ex ea triumphauit. Hæc Liuius, Plutarchus, Appianus in Iberica, Frontinus, is qui de uiris illustribus scripsit, & Florus.

De triumpho T. Quintij Flaminii pro cos. de rege Philippo ex Macedonia.

T. QVINCTIVS Flamininus provinciam Macedoniam in consulatu fortitus, cum Philippo rege ad Cynoscephalas in Thessalia debellavit, filium eius Demetriū obsidem accepit, regi petenti pacem, Græciæ nec opinanti libertatem dedit. Idem bellum adversus Lacedæmonios, & tyrannum eorum Nabidem suscepit, ac liberatis Argis, qui sub ditione eius erant, pacem illis, qualem ipse voluit, dedit, filiumq; tyranni Armenem obsidem accepit. Pacis Philippo datæ hæ conditiones fuerunt; ut Macedonia regno contentus Græcia tota excederet, talenta mille penderet, naus nisi x haberet. Nabidi uicto Lacedæmon relicta. His de causis per triduum hoc anno pro consule triumphavit. ante curram obsides duo ducti regis, & tyranni filij. Livius, Plutarchus, Florus, Eutropius. ab eo Macedonicum bellum finitum esse omnes consentiunt.

DE COS. AN. DLX.

LIVIVS, Cassiodorus, & Capitolini auctores consules in hunc annum subrogatos scribunt **L. Cornelium Merulam**, & **Q. Minucium Thermum**. Merula prætor fuit anno DLV, Thermus anno DLVII. Cornelius consul Galliam, Minucius Ligures fortitus est. ille ad Mutinam cum Boijs, hic ad Pisas cum Liguribus pugnavit. Cornelio triumphum petenti se intercessuros esse tribuni pl. professi sunt. Livius.

DE COS. AN. DLXI.

L. QVINCTIVS Flamininus, **Cn. Domitius Ahenobarbus** hoc anno consules fuerunt. auctor Livius, Cassiodorus, Capitolinæ tabulæ. His comitijs **P. Scipio Nasica**, & **C. Lælius**, quos Africanus deducebat, repulsam tulerunt. **L. Quintius T. Quintij** frater germanus fuit, ut Livius, & Cicero & Plutarchus tradiderunt. Idem anno DLIII, Domitius anno DLIX præturam gessit. Vtrique consuli Italia decreta, Ligurum fines late peruastati à Quintio sunt. Boij, adversus quos Domitius ierat, quieverunt. Livius.

De bello Antiochino.

ANTIOCHVS Syriæ rex bellum Romanis intulit Quintio, & Domitio cos. regem movere partim Thoas Aetoliæ princeps, qui Aetolos populi R. socios haud satis dignis præmijs bello Macedonico confecto à Romanis affectos querebatur, partim Annibal Pœnus, qui in Africa uictus, profugus, & pacis impatiens hostem populo Ro. toto orbe quærebat. Intulit autem nimia opum suarum fiducia adductus, specie Lyfimachiae repetendæ, quam à maioribus suis in Thracia conditam Romani possidebant. statimq; Græciam, ac insulas eius occupavit. Hinc Cicero pro Pompeio Romanos cum Antiocho rege pro socijs dimicasse ait. Primus adversus Antiochum missus est **M. Acilius Glabrio** consul. Hoc bellum Antiochinum, Syriacum, & Asiaticam dictum est. Livius, Florus, Qui scripsit de uiris illustr. Capitolinæ tabulæ.

DE COS. AN. DLXII.

In hunc annum consules creati **P. Cornelius Scipio Nasica** **Cn. F. M. Acilius Glabrio**, auctore Livio, Cassiodoro, Capitolinis fastis, Plutarcho in Quintio, Appiano in Syriaca historia. Ceterum **P. Scipio** præturam gessit anno DLIX, idem, qui uir optimus à senatu iudicatus Idæam matrem bello Punico secundo in urbem uexit, filius **Cn. Scipionis Calui**, eius qui consul cum Marcello fuit, post autem in Hispania occisus est cum fratre **P. Scipione**, Africani patre. Quapropter Livius fratres patruelus hunc, & Africanum vocat. Manij Acilij Glabrionis consulis meminit Plutarchus in Quintio, in Catone, & in Sylla, item Appianus in Syriaca, Cicero in Catone, & Macrobius libro primo Saturnalium his verbis: Flavius primum interkalasse Manium consulem dicit ab urbe condita anno quingentesimo sexagesimo secundo inito mox bello Aetolico. Itaque cū Capitolina etiam summa consentit. hic prætor fuit anno DLVII. Acilio Græcia, Cornelio Italia obuenit. Bellum Antiocho regi, & Aetolis, ac qui sectam regis sequerentur ex S. C. & populi iussu illatum. Antiochus in Eubœa luxuria elanguit, hospitis sui Chalcidentis filiam uirginem duxit. Itaque cum aduentu Acilij consulis Thermopylas occupasset,

Commentarius in fastos

set, inde uirtute M. Catonis tribuni militum eiectus in Asiam refugit. Aetoli Heraclea ab Acilio capta fracti paccin petierunt. Liuius, Appianus.

*De ouatione M. Fuluij Nobilioris prætor. ex Hispania,
& triumpho P. Scipionis Nasicæ cos. de Boijs.*

M. FVLVIVS Nobilior prætor anno DLX Hispaniam ulteriorem sortitus est. ibi re bene gesta cum domum redisset, hoc anno urbem ouans ingressus est. Liuius. unde in libro de uiris illustribus legendum est: M. Fuluius Nobilior prætor Hispanos superauit. unde ouans urbem introijt. Hic ex consulatu eius Capitolino descriptus est. Eodem anno P. Cornelius consul, cui Gallia prouincia euenerat, Boios Gallos mouentes acie uicit, castris exiit, in deditionem accepit. Idem à senatu contra intercessionem P. Sempronij Blæsi tribuni pl. ut sibi triumphanti urbem ingredi liceret, impetrauit. auctor Liuius.

DE COS. AN. DLXIII.

L. CORNELIVM Scipionem, C. Lælium consules subijciunt in hunc annum Cassiodorus, Liuius, & Cap. tabulæ. Eisdem Gellius lib. xvj, cap. iiii, C. Lælium. C. F. L. Scipionem P. F. uocat. Lælio cognomen Africani adijcit solus Cassiodorus. prætor fuit anno DLV. L. Scipio frater est Africani, qui post ab Asia deuicta Asiaticus appellatus est. præturam gessit anno DLX. Lælio Italia, Scipioni Græcia decreta, si frater eius Africanus ei legatus iret.

De triumpho M. Acilij Glabronis cos. de Aetolis, & rege Antiocho.

SUB idem tempus duo fere cum triumphi spe prætores de prouincijs redierunt, Q. Minucius ex Ligurijs, M. Acilius ex Aetolia. auditis utriusq; rebus gestis Minucio negatus triumphus, Acilio magno consensu decretus. isq; triumphans de rege Antiocho, & Aetolis urbem ingressus est. Ita Liuius. Ceterum Aetoli cum ab amicitia populi R. defecissent, se Antiocho regi iunxerant. rex autem bello Græciæ illato complures urbes occupauerat. Itaque M. Acilius consul eum rege Philippo adiuuante apud Thermopylas uictum Græcia expulit, atque Aetolos deuicit. Horum autem alter est Q. Minucius Thermus, cui consuli anno DLX Ligures prouincia obuenit, alter M. Acilius Glabrio, qui consul anno priore bellum in Græcia cum Antiocho, & Aetolis gessit. quos Liuius prætores uocat pro proconsulibus.

DE COS. AN. DLXIIII.

CN. Manlius Vulso, M. Fuluius Nobilior in hunc annum cōsules nominantur à Liuiio, Cassiodoro, & Capitolinis tabulis. quorum Manlius prætor fuit anno DLV, Fuluius anno DLX. Aetolorum legati, cum de pace acturi in senatum uenissent, interrogati ab uno senatore permitterent ne arbitrium de se populo R. deinde ab altero habituri ne eosdem, quos populus Romanus, socios, & hostes essent, nihil ad ea respondentes egredi templo iussi sunt. conclamatū deinde prope ab uniuerso senatu est, totos adhuc Antiochi Aetolos esse, & ex unica ea spe pendere animos eorum. itaque bellum cum haud dubijs hostibus gerendum. Illa etiam res accendit, quod eo ipso tempore, quo pacem ab Romanis petebant, Dolopie, atque Athamaniæ bellum inferebant. Senatusconsultum in M. Acilij sententiam factum est, ut Aetoli eo die iuberentur proficisci ab urbe, & intra quintumdecimum diem Italia excedere. ita dimissi Aetoli. consules sortiri Aetoliam, & Asiam placuit. qui Asiam sortitus esset, exercitus ei, quem L. Scipio haberet, est decretus. alteri consuli exercitus, qui erat in Aetolia. isq; iussus non solum cum Aetolis bellum gerere, sed etiam in Cephalleniam insulam traicere. Aetolia M. Fuluius, Asia Cn. Fuluius sorte euenit. Fuluius Apolloniam exercitu traiecto Ambraciam Aetolorum urbem nobilissimam obsessam cepit, atque Ambracienfibus pacem petentibus dedit. Aetoli diu iactati, tandem ut ad conditiones pacis conuenirent, effecerunt. fuerunt autem hæ: Imperium maiestatemq; populi R. gens Aetolorum cōseruato sine dolo malo. ne quem exercitum, qui aduersus socios, amicosq; eorum ducetur, per fines suos transire sinito. neue ulla ope iunato. hostes eosdem habeto, quos populus Romanus, armaq; in eos ferto, bellumq; pariter gerito. obsides XL abitratu consulis Romani dato. Cephallenia extra pacis leges esto. De pecuniæ summa, quam penderent, pensionibusq; eius nihil ex eo, quod cum consule conuenerat, mutatum. Cn. Manlius consul alter cum Ephesum uenisset, bellum

lum Gallis Asiaticis, quòd eos Antiochum auxilijs iuuisse diceret, mouit. atque ad singula eorum oppida Attalo rege ducente, arma circumtulit. Fuluius interea in Cephalleniam transgressus omnes ciuitates in deditionem sine praelio ullo accepit. Samij soli obsidione in potestatem uenerunt. Idem, quia in exitu annus erat, comitiorum causa Romam regressus est. Hæc ex Liuiο. L. autem Cornelius Scipio, cum in consulatu Asiam, & bellum contra Antiochum regem obtinuisset, eò cum Africano fratre legato profectus, regem ipsum absente fratre, Eleæ ægrotante, Eumene Pergami rege adiuuante, cum arcus hostium pluuia hebetati essent, apud Sipylum montem ad Magnesium acie uicis, ac bellum confecit. Itaque de triumpho eius sic Liuius. L. Scipio ad urbem uenit, qui ne cognomine fratri cederet, Asiaticum se appellari uoluit, & in senatu, & in concione de rebus à se gestis disseruit. imperatori triumphus decretus est. triumphauit mense intercalario prid. K. Mart. anno fere, quàm consulatu abijt. Pacis Antiocho datæ hæc leges fuerunt; ut Europa abstineret, Asiaq; omni, quæ cis Taurum est, decederet. pro impensis in bellum factis xv millia talentorum Euboicorum daret. mille talentum per xxi annos penderet. Eumeni cccc talenta redderet. cum Asianis autem ita pactum; ut cis Taurum montem, quæ intra regni Antiochi fines fuissent, Eumeni attribuerentur, præter Lyciam, Cariamque usque ad Mæandrum amnem, ea Rhodiorum essent. cetera omnes ciuitates, quæ Attali stipendiariæ fuissent, eadem Eumeni uectigal penderent. quæ uectigales Antiochi fuissent, ex liberæ, atque immunes essent. Eumeni Phrygia utraque, & Mysia restituta. De eadem uictoria Appianus in Syria-ca, Florus, Eutropius, & scriptor libri de uiris illustribus. Q. autem Fabius Labeo prætor hoc anno classem sortitus, ne otiosam prouinciam habuisse uideri posset, optimum iudicauit in Cretam insulam trajcere. Cydoniatæ bellum aduersus Gortinios, & Gnosios gerebant. & captiuorum Romanorum, atque Italici generis magnus numerus in seruitute esse per totam insulam dicebatur. classe autem Epheso profectus, cum primum Cretæ litus attigit, nuncios circa ciuitates misit, ut armis abstinerent, captiuosq; reducerent. nihil magnopere ea Cretenses mouerunt. captiuos præter Gortynios nulli reddiderunt. Valerius Antias ad quatuor millia captiuorum, qui belli minas timuerunt, ex tota insula reddita scripsit, eamq; causam Fabio, cum rem nullam aliam gessisset, naualis triumphus impetrandi ab senatu fuisse. Hæc Liuius lib. xxxv i i extremo. at lib. xxxv i i i in oratione Cn. Manlij hæc uerba sunt: Vos tribunos plebei nuper uiros fortes, ac strenuos impediētes Q. Fabij Labeonis triumphum auctoritate uestra deteruistis. triumphauit, quem non bellum iniustum gessisse, sed hostem omnino non uidisse inimici iactabant. Hic idem Q. Fabius ex consulatu sequenti Capitolino descriptus est.

DE COS. AN. DLXV.

DEINCEPS consules insequuti M. Valerius Messalla, C. Liuius Salinator. auctor Liuius, Cassiodorus, Capitolinæ tabulæ. Messalla præturam gessit anno DLX, Salinator DLXII. C. Salinatorem Catonis æqualem uocat Cicero in Catone. Messallæ Ligures, Salinatori Gallia obtigit. nihil ab ijs memorabile gestum. Fuluius in Aetolia, Manlio in Asia prorogatum imperium est. Manlius fœdus cum Antiocho scripsit, cuius ante meminimus, atque per Macedoniam in Thessaliam exercitum traduxit. inde per Epirum Apolloniam cum peruenisset, nondum adeo hierno contempto mari, ut trajcere auderet, Apolloniæ hibernauit. Liuius.

DE COS. AN. DLXVI.

CONSULES inde M. Aemilius Lepidus, C. Flaminus. Testes sunt Liuius, Cassiodorus, Strabo lib. v, Capitolinæ tabulæ. Horum meminit Valerius lib. vi, cum ait: M. Aemilio Lepido, C. Flaminio consulib. L. Minucium, & L. Manlium Carthaginiensium legatis, quia manus his intulerant, per faciales dedendos curauerunt, idem scribit Liuius. Hic est M. Lepidus, qui bis consul, & censor, & sexies princeps senatus fuit, cuius meminit Cicero de prouincijs. prætor fuerat anno DLXII, Flaminus collega eius, anno DLX. Vtriq; Ligures prouincia decreti. Hoc anno P. Scipioni à Petillijs tribunis pl. de capta ab Antiocho rege ob pacem dandam pecunia dies dicta est. quo cum in Capitolium dijs gratulatum è rostris secessisset, concionem à tribunis pl. primum auertit, deinde die longiore producta in Liternum concessit, ne ad causam dicendam adesset. citatus absens morbum excusauit, ac rure mortuus est. tum rogatio lata de pecunia capta, ablata, coacta ab Antiocho rege, quæ in publicum relata non esset. eaque de re L. Scipio Publij frater postulatus damnatus est. Hæc Liuius, qui tamen de anno inter annales non conuenire ait. Consules quietam prouinciam nacti uias Aemiliam, & Flaminiam strauerunt. Liuius, Strabo.

Commentarius in fastos

De triumphis M. Fuluij Nobilioris pro cos. de Aetolis.

Cn. Manlij Vulsonis pro cos. de Gallis Asiaticis.

M. FVLVIVS Nobilior consul, qui aduersus Aetolos, ut dixi, missus, prælijs frequentibus uictos, & in Ambraciam oppidum coactos in deditionem accepit, ac serpente latius bello Cephaleniam etiam subegit, Romam hoc anno reuersus triumphum postulauit. atque eum contra M. Aburij tribuni pl. intercessionem impetrauit. Triumphauit pro cos. a. d. x. K. Ian. de Aetolis, & de Cephallenia Lepido, Flaminioque consulibus auctore Liuius, uel, (ut ait Eutropius) Albius, & Philippo. Eiusdem uictoriæ mentio fit apud eum, qui scripsit de uiris illustribus. De hoc consule sic Cicero in prima Tusculana: Cato obiecit ut probrum Marco Nobiliori, quod is in prouinciam poetas duxisset, duxerat autem consul ille in Aetoliam, ut scimus, Ennius: & Plinius lib. xxv: Zeuxis fecit figulina opera, quæ sola in Ambracia relicta sunt, cū inde Musas Fuluius Nobilior transferret. At uero Cn. Manlius Vulso consul ad ordinandam Scipionis Asiaticæ prouinciam, & fœdus cum Antiocho scribendum missus Pisidas, Gallogræcos, Tolistobogios, Tectosagas, & Trœcos, qui Brenno duce in Asiam transierant, cum soli citra Taurum mōtem non parerent, quod auxilia Antiocho regi præstitisse dicerentur, ut dixi, adortus, bello sine S. C. aut iussu populi suscepto, in potestatem adduxit. Itaque Romam reuersus, ac clade à Thracibus, per quos exercitum traduxerat, accepta, extremo hoc anno a. d. 111. Non. Mart. de Gallis, qui Asiam incolunt, triumphauit, contradicentibus x legatis, ex quorum consilio fœdus cū Antiocho scripserat, quod iniussu senatus bellum gessisset. Hæc Liuius, et Rufus. Florus aut ita: An fuisset cupidus triumphi Manlius, an Gallos Asiaticos inuisos simulauerit, dubium: certe negatus est uictori triumphus, quia causam belli non approbauit senatus. De triumpho eiusdem sic Plinius lib. xx111: Cn. Manlius Asia deuicta triumphum duxit anno DLV11. Hic idem Manlius luxuriam Asiaticam Romam in triumpho duxisse à Liuius, & Plinio traditur. Hoc bello leges quædam regulis Gallorum, quibus pacem cum Eumenē rege feruarent, dictæ. ijsq; ut agrorum fuorum finibus se continerent, denunciatum. Liuius.

DE COS. AN. DLXVII.

SP. Postumium Albinum, Q. Marcium Philippum consules inuenio in hunc annum apud Liuium, Cassiodorum, Eutropium, & tabulas Capitolas. Horum meminit Valerius lib. v1, cap. 111. & Plinius lib. xxx111, cap. x: Populus, inquit, Romanus stipem spargere cœpit Sp. Postumio, Q. Marcio cos. tanta abundantia pecuniæ erat, ut eam conferret L. Scipioni, ex qua is ludos fecit. Postumius anno DLX111 fuit prætor, Marcius anno DLXV. Consulibus amobus quæstio de clandestinis coniurationibus, quæ in sacris Bacchanalibus fiebant, decreta. deq; earum socijs supplicio sumpto in Ligures profecti sunt. Liuius.

DE COS. AN. DLXVIII.

Hic annus consules habuit Ap. Claudium Pulchrum, M. Sempronium Tuditanum. auctor Liuius, Cassiod. & tabulæ Capit. Tuditanus anno DLX111 præturam gessit, Pulcher anno DLXVI. Vterq; in Liguribus rem gessit.

De ouatione L. Manlij Acidini pro pr. ex Hispania citeriore.

L. MANLIUS Acidinus prætor anno DLXV Hispaniam citeriorem fortitus rem bene gessit. Hic hoc anno ex Hispania reuersus est. Cui postulanti ab senatu in æde Bellonæ triumphum, rerum gestarum magnitudo impetrabilem faciebat, exemplum obstabat, quod ita comparatum more maiorum erat, ne quis, qui exercitum non deportasset, triumpharet, nisi perdomitam, pacatamq; prouinciam tradidisset successori. Medius tamen honos Manlio habitus, ut ouans urbem iniret. Liuius. Hic ex sequenti consulatu Capitolino descriptus est.

DE COS. AN. DLXIX.

P. CLAVDIUS Pulcher, L. Porcius Licinus consules sequuti sunt in hunc annum. testes Liuius, Cassiodorus, Capitolinæ tabulæ. Pulcher prætor fuit anno DLXV, Licinus anno DLX. P. Claudius

P. Claudius Ap. Claudij consulis frater est auctore Liuiο, Consulibus Ligures, quia nusquam alibi bellum erat, decreti. Liuius.

De censoribus, & lustro XLIX.

M. Porcius Cato cum L. Valerio Flacco censor in hunc annum editur à Liuiο, Plutarcho, & Capitolinis tabulis. Horum meminit etiam Valerius lib. 11, cap. 1111. & lib. 1111, cap. v. & Cicero in Bruto, cum ait: Plautus P. Claudio, L. Porcio cos. uiginti annis post M. Cethegū, & P. Tuditanum consules mortuus est Catone censore, & in Catone: Scipio maior anno ante Catonem censorem mortuus est, cum nouem ante annis ipse consul Cato fuisset. Item: Cato censor L. Flaminium T. Flaminii fratrem 11 annis, postquam consul fuit, è senatu eiecit. Lustrum conditum quanquam non exprimit Liuius, factum tamen esse XLIX ex Capitolina censura intelligi potest. Princeps senatus lectus L. Valerius, qui censor erat, presertim mortuo Africano, qui tribus ante lustris lectus fuerat.

De triumphis C. Calpurnij Pisonis pr.
et L. Quinctij Crispini pr. ex duabus Hispanijs.

ANNO DLXVII C. Calpurnius Piso, & L. Quinctius Crispinus prætores Hispaniam sortiti sunt, ille ulteriorem; hic citeriorem. cum autem copias in Hispania iunxissent, bellum communi animo gesserunt, ac Lusitanos, Celtiberosq; subegerunt. Romam autem reuersi hoc anno prior Calpurnius, deinde Quinctius de Lusitanis, Celtiberisq; triumpharunt. auctor Liuius. Piso ex sequenti consulatu Capitolino descriptus est.

DE COS. AN. DLXX.

IN hunc annum creati consules M. Claudius Marcellus, Q. Fabius Labeo. ex Liuiο, Cassiodoro, lapidibus Capitol. Horum sic meminit Probus in Annibale: M. Claudio Marcello, Q. Fabio Labeone consulibus mortuū Annibalem scribit Atticus. Labeo prætor fuit anno DLXIII, Marcellus anno DLXV. Vterque Ligures sortitus est. Marcellus tamen in Galliam aduersus Gallos transalpinos, qui in Italiam transgressi oppidum in agro Aquileiensi ædificabant, Gallis ex prouincia exactis, Istrium bellum moliri cæpit, literis ad senatū missis, ut sibi liceret in Istriam legiones traducere. Id senatui placuit. In Liguribus nihil memorabile à Q. Fabio gestum. Marcellus ex Istria reuocatus exercitu dimisso Romam comitiorum causa redijt. Liuius.

DE COS. AN. DLXXI.

Cn. Bæbius Tamphilus, L. Aemilius Paullus in hunc annum creati consules fuerunt. auctor Liuius, Cassiodorus, & Capitolinæ tabulæ. L. Aemilius L. Aemilij, qui periijt ad Cannas est filius teste Plutarcho, & Velleio. Idem prætor fuit anno DLXII, Bæbius anno DLIII. Consulibus præter Ligures nulla prouincia, quæ decerneretur, erat. M. Marcello in Gallia prorogatum imperium, & Q. Fabio in Liguribus. Ligures sine prælio in deditionem accepti. Liuius.

De A. Terentio Varrone pro pr. ouante ex Hispania citeriore.

A. TERENTIUS Varro prætor anno DLXIX Hispaniam citeriorem sortitus in Sueletanis oppidum Corbionem uineis, & operibus expugnauit, posteriore anno prorogato imperio secunda prælia cum Celtiberis fecit, & oppida, quæ ibi communierant, aliquot expugnauit. hoc autem anno Romam reuersus urbem ouans inijt, auctore Liuiο.

DE COS. AN. DLXXII.

P. CORNELIUS Cethegus, M. Bæbius Tamphilus consules hoc anno subsequuntur apud Liuium, Cassiodorum, & tabulas Capitol. P. Cornelij, M. Bæbij consulum meminit Plutarchus in Numa. P. Cornelij, M. Bæbij Tamphili Valerius lib. 1, cap. 1. P. Cornelij Lentuli, M. Bæbij Tamphili lib. 11, cap. 1. Plinius autem lib. xiii, cap. xiii P. Cornelium L. F. Cethegum. M. Bæbium Q. F. Tamphilum uocat. M. Bæbius frater fuit Cn. Bæbij consulis, auctore

Commentarius in fastos

Atore Liuius. idem prætor anno DLXI, P. Cornelius anno DLXV. Iidem Ligures prouinciam sortiti sunt.

De triumpho L. Aemilij Paulli pro cos. de Liguribus.

CONSULIBVS ambobus anni prioris Ligures, quæ una tum consularis prouincia fuit, decreti fuerunt. Cn. autem Bæbio ad comitia Romam reuerso, L. Paullus prorogato in hunc annum imperio cum Liguribus Ingaunis prospere dimicauit, atque ex ijs triumphum egit. Hæc Liuius. Apud Frontinum etiam lib. 11 sic scriptum est: Aemilius Paullus uniuerfis Liguribus improuiso adortis castra eius, simulato timore militem continuit, deinde fatigato iam hoste à quatuor portis eruptione facta strauit, cepitq; Ligures. Plutarchus item uictos ab hoc consule Ligures prodit. In libro autem de uiris illustribus scriptum est, L. Paullum priore consulatu de Liguribus triumphasse. Velleius hunc & prætorem, & consulem triumphasse tradit. parum prudenter. neque enim ex Hispania, quam in prætura obtinuit, triumphauit. nisi mendose sit apud eum: Qui prætor & consul triumphauerat. pro, qui priore consulatu triumphauerat.

DE COS. AN. DLXXIII.

A. POSTVMIVM Albinum, C. Calpurnium Pisonem consules suggerunt in hunc annum Liuius, Cassiodorus, & Capitolinæ tabulæ. Piso prætor fuit anno DLXVII, Albinus anno DLXVIII. Consulibus ambobus prouinciam Ligures esse senatus iussit. Cum autem pestilentia tertium iam annum urbem Romanam, atque Italiam uastaret, Ti. Minucius prætor, atque haud ita multo post consul C. Calpurnius moritur. suspecta consulis erat mors maxime. necatus à Quarta Hostilia uxore dicebatur. ut quidem Q. Fuluius Flaccus in locum uictrici consulis est declaratus, aliquanto magis infamis mors Pisonis cæpit esse. Hic Flaccus prætor fuerat anno DLXVI. auctor Liuius, & Capitolinæ tabulæ.

De triumphis P. Cornelij Cethegi pro cos.

M. Bæbij Tamphili pro cos. de Liguribus.

Q. Fuluij Flacci pr. de Hispanis.

INTERIM P. Cornelius, & M. Bæbius, qui in consulatu nihil mem orabile gesserunt, in Apuanos Ligures exercitum induxerunt. Ligures, qui ante aduentum in prouinciam consulum non expectassent bellum, improuiso oppressi sunt. adduodecim millia hominum dederunt se. Eos consules consulto prius senatu ex montibus in agros campestres procul ab domo deduxerunt. cumq; veterem exercitum Romam reduxissent, ut triumpharent, impetrarunt. atque omnium primi nullo bello gesto triumpharunt. tantum hostes ducti ante currum. Liuius. Hunc Bæbium credo intelligi à Floro, cum inquit: Ligures Bæbius in plana deduxit. Q. autem Fuluius Flaccus prætor anno DLXXI Hispaniam citeriorem, in qua Celtiberi bellum renouabant, sortitus hoc anno Romam redijt cum magna fama rerum gestarum. qui cum extra urbem triumphandi causa esset, cõsul est creatus cum L. Manlio Acidino. & post paucos dies urbem triumphans ingressus est. Liuius. De eodem Orosius: Q. Fuluius Flaccus prætor in citeriore Hispania maximo prælio vigintiquatuor millia hominum sudit, quatuor millia cepit. Item Appianus in Iberica.

DE COS. AN. DLXXIII.

L. MANLIUM Acidinum, Q. Fuluium Flaccum consules edunt in hunc annum Liuius, Cassiodorus, tabulæ Capitolinæ. Acidini consulis meminit Cicero secundo de orat. cum ait: Maluginensem illum M. Scipionem aiunt cum ex centuria sua renunciaret Acidinum consulem, præcoq; dixisset, dic de L. Manlio. virum bonum, & ciuem egregium esse arbitror. Hos fratres germanos esse notatum est in tabulis Capitolinis. Qua de re sic Velleius lib. 11: Non minus clarum, & adhuc unicum Fuluij Flacci, eius, qui Capuam ceperat, filiorum, sed alterius in adoptionem dati in collegio consulum fuit. adoptiuus in Acidini Manlij familiam datus. Hæc ille. Hinc factum est, ut L. Manlius Acidinus Fuluianus ex adoptiuorum ratione in Capitolinis tabulis nominetur. Acidinus prætor fuit anno DLXV, Fuluius DLXXI. Consulibus prouincia eadem, quæ superioribus, decreta.

De censoribus, et lustro L.

COMITIIS censorijs creati M. Aemilius Lepidus pont. max. & M. Fulvius Nobilior, qui ex Aetolia triumphauerat, auctore Liuiο. Eorundem censorum meminit Valerius lib. 111, cap. 11. Cicero de prouincijs, Gellius libro x11, cap. v111, & Festus. Gellius tamen Fuluium Flaccum nominat, non Nobiliorem. Lustrum conditum esse ab his censoribus quinquagesimū tradunt Capitolini scriptores. excidit autem apud Liuium. at de eo ita scriptum est in epitoma libro x11: Lustrum à censoribus conditum. censa sunt ciuium capita cclxx111 millia, cclx1111. M. Lepidus censor princeps senatus lectus.

De triumpho II Q. Fuluij Flaccicos.

Q. FVLVIVS cos. profectus in Ligures per inuios montes, vallisque saltus cum exercitu transgressus signis collatis cum hoste pugnavit. neque tantum acie uicit, sed castra quoque eodem die cepit. tria millia ducenti hostium, omnisq; ea regio Ligurum in deditionem uenit. consul deditos in campestres agros deduxit, praesidiaq; montibus imposuit. ab altero consule L. Manlio nihil memoria dignum in Liguribus gestum. Q. Fulvius ex Liguribus triumphauit. quem triumphum magis gratiae, quam rerum gestarum magnitudini datum constabat. armorum hostilium magnam uim transfudit. nihil in eo triumpho magis insigne fuit, quam quod forte euenit, ut eodem die triumpharet, quo priore anno ex praetura triumphauerat. Liuius. Videndum an de hoc Fuluiο intelligat Florus, cum scribit: Tandem Fulvius latebras Ligurum ignibus sepsit, Baebius in plana deduxit.

DE COS. AN. DLXXV.

DEINCEPS M. Iunius Brutus, A. Manlius Vulso consules creati sunt, auctore Liuiο, Casiodoro, & Capitolinis tabulis. Brutus anno DLXXI praetor fuit, Vulso DLXXI. M. Iunio Ligures, A. Manlio Gallia obtigit. qui tamen sine S. C. bellum cum Istris parū prospere gessit.

*De triumphis Ti. Sempronij Gracchi pro pr.
L. Postumij Albini pro pr. ex Hispanijs.*

L. POSTVMIVS Albinus, Ti. Sempronius Gracchus praetores Hispanias anno DLXXIII obtinuerunt, ille ulteriorem, hic citeriorem. Rerum ab his gestarum mentio intercidit apud Liuium. De ijs autem in epitoma xLI est ita: Ti. Sempronius Gracchus pro cos. Celtiberos uictos in deditionem accepit, monumentumq; operum suorum Gracchurim oppidum in Hispania constituit. à Postumio Albino pro consule Vaccæi, ac Lusitani subacti sunt. uterque triumphauit. Rerum item in Celtiberia gestarum à Graccho, & triumphus eius meminit Appianus in Iberica, & Orosius. De quibus triumphis hæc Liuius: Triumphus deinde duo ex Hispania continui acti. prior Sempronius Gracchus de Celtiberis, socijsq; eorum, postero die L. Postumius de Lusitanis, alijsq; eiusdem regionis Hispanis triumphauit. Polybius, quod apud Strabonem extat, ccc Celtiberum oppida à Ti. Graccho deleta tradit. Ti. hic Sempronius pater duorum Gracchorum fuit, quem Plutarchus bis triumphasse scribit. Hi ambo ex sequenti consulatu Capitolino descripti sunt.

DE COS. AN. DLXXVI.

C. CLAVDIVM Pulchrum, Ti. Sempronium Gracchum consules suggerunt Liuius, Casiodorus, & tabulae Capitolinae. Gracchus praetor fuit anno DLXXIII, itemq; Pulcher Ti. Minucio mortuo successus. Sardinia propter belli magnitudinem consularis facta. Gracchus eam fortitur, Istriam Claudius. auctor Liuius.

De triumpho C. Claudij Pulchri cos. de Istris, & Liguribus.

Hoc anno prouinciæ, quæ in bello erant, Sardinia, atque Istria decretæ. Claudio Istria, Sempronio Sardinia obuenerit. Claudius Istris subactis ex S. C. in Ligures legiones duxit, atque duarum

Commentarius in fastos

rum gentium uno anno uictor, duabus, quod rarò alius, in consulatu pacatis prouincijs Romam reuertit. cui cum in senatu de rebus in Istria, Liguribusq; prospere gestis disseruisset, postulanti triumphus decretus est. triumphauit in magistratu de duabus simul gentibus. Victoriæ Istricæ meminit etiam Florus de bello Istrico.

DE COS. AN. DLXXVII.

CN. Cornelium Scipionem Hispalum, Q. Petillium Spurrinum consules inuenio in hunc annum apud Liuium, Cassiodorū, & tabulas Capitolinas. Scipio prætor fuit anno DLXXIII, Spurrinus DLXXII. Pisæ Cn. Cornelio, Ligures Petillio obuenerunt. Is autem cum ex monte Albano rediens concidisset, & parte membrorum captus ad aquas Cumanas profectus ingrauescente morbo Cumis decessisset, Q. Petillius consul collegam, qui extemplo magistratum occiperet, creauit C. Valerium Læuinum. Liuius. Itaque Obsequens etiam ita: Cornelius ex monte Albano rediens membris captus ad aquas Cumanas mortuus. C. Valerius pr. fuit anno DLXXV.

Porro autem iidem auctores sunt Q. etiam Petillium consulem cum Liguribus dimicantem in acie cecidisse. quod tradunt etiam Valerius lib. 1, cap. v. & lib. 11, cap. 11. Frontinus lib. 111, cap. 11. Item in Capitolinis tabulis.

DE COS. AN. DLXXVIII.

CONSULES suggerunt Orosius Lepidum, & Mucium; Cassiodorus, & Obsequens M. Lepidum, P. Mucium; Capitolinæ tabulæ P. Mucium Scæuulam, M. Aemilium Lepidum TI. consularia huius anni comitia apud Liuium interciderunt. meminit tamen P. Mucij consulis. quia alter est ex ijs fratribus, qui anno DLXXIII prætores ab eo fuisse traduntur Q. & P. Mucij Q. F. Scæuulæ. M. Aemilium Lepidum hunc bis consulem fuisse scribit etiam Cicero de prouincijs, & Valerius lib. v, cap. v.

De triumpho Ti. Sempronij Gracchi pro cos. de Sardis.

DE triumpho Ti. Sempronij Gracchi pro cos. quem de Sardis egit, sic Liuius: Ti. Sempronio Graccho consuli Sardinia obuenerit, isq; prospere rem gessit. exercitum in agrum Sardorum Iliensium duxit. Balarorum magna auxilia Iliensibus uenerant. cum utraq; gente signis collatis confligit. fusi, fugatique hostes, castrisq; exuti. xii millia armatorum cæsa. sequenti anno Ti. Sempronius in Sardinia multis secundis prælijs Sardos perdomuit. xv millia hostium sunt cæsa. omnes Sardorum populi, qui defecerant, in ditionem redacti. Pacata prouincia legati Romæ; qui ea nunciarent, missi, quique ab senatu peterent, ut Sempronio de prouincia decedenti exercitum secum deportare liceret. Senatus Ti. Sempronium proconsulem, exercitumq; eo anno in prouincia manere iussit. Hæc Liuius lib. xli. Ex quo intelligi potest tertio anno Gracchum Mucio, & Aemilio cos. triumphasse. qui triumphus apud Liuium cum tota fere huius anni historia amissus est. at anno sequenti tabulam in æde Matris Matutæ positam ait, in qua scriptum erat, Ti. Sempronium Gracchum subacta Sardinia iterum triumphasse. In libro etiam de uiris illustribus inuenio Gracchum consulem Hispaniam, altero consulatu Sardiniam subegisse, atque inde tantum captiuorum adduxisse, ut longa uenditione res in prouerbium uenerit, Sardi uenales. in quo eius scriptoris (ut sæpe alias) fœda rerum Romanarum inscitia coarguitur; cum Hispaniam Gracchus in prætura, Sardiniam in primo consulatu, & ut post dicam, in secundo obtinuerit. Plutarchus etiam hunc bis triumphasse scribit.

De triumpho C. Valerij Læuini pro cos. & P. Mucij Scæuulæ cos. de Liguribus.

C. AUTE M Valerius Læuinus consul iam diucupidus prouinciæ Ligures & ipse sortitus est, quibus bellum faciebat Q. Petillius collega eius. diuisis autem copijs cum ipsi bellum gerere communi animo in diuersas profecti regiones cœpissent, Petillius in acie occisus est. C. Valerius audita morte collegæ accurrisse creditur, atque rem præclare gessisse. Hæc quidem Liuius. quam quæ pars uictoriæ eius indicabat, magna historiæ iactura amissa desideratur. Puto autem ego eum rem bene gessisse, ac triumphasse. nam proxime ante triumphum P. Mucij cos. de Liguribus in Capitolinis tabulis est fragmentum alterius de Liguribus triumphi. qui nemini alij tribui potest, nisi C. Valerio, qui ante eum in Ligures pugnavit. P. etiam Mucium Scæuulam consulem

lem cum Liguribus prospere dimicasse apparet ex his Liuij uerbis: Inter Audenam amnem P. Mucius cum ijs, qui Lunam, Pisasq; depopulati erant, bellum gessit, omnibusq; in ditionem redactis arma ademit. ob eas res in Gallia, Liguribusq; gestas duorum consulum ductu, auspicioq; senatus in triduum supplicationes decreuit. Triumphasse eundem de Liguribus docent Capitolina fragmenta, in quibus ante ouationem Ap. Claudij, quæ sequitur, ita est: Q. F. P. N. de l i g u r i b u s. quibus notis P. Mucius Q. F. P. N. Scauula cos. significatur. sic enim in consulatu Capitolino deferibitur. Triumphus autem apud Liuium excidit. Alterum consulem Lepidum, qui in Gallia res gessisse uidetur, triumphum non impetrasse existimo.

DE COS. AN. DLXXIX.

CONSULES subiicit Cassiodorus Sp. Postumium, Q. Mucium. Capitolinæ tabulæ Sp. Postumium Albinum Paullulum, Q. Mucium Scauulam. PAVLLVM, et SCAEVOLAM liber Cuspinianus. Horum meminit Plinius lib. 11, cum ait. Trinos soles antiqui sæpius uidere, sicut Sp. Postumio, Q. Mucio cos. Comititia huius anni consularia apud Liuium exciderunt. Albinus prætor fuit anno DLXX, Scauula DLXXIII. Quæ consulibus prouinciæ decretæ sint, intercidit apud Liuium.

De censoribus, & lustris LI.

CENSORES in hunc annum edit Liuius una cum Capitolinis tabulis Q. Fuluium Flaccum, A. Postumium Albinum. Liuius item lib. XLV meminit A. Postumij Lusci censorij. de his censoribus multi scripsere. Velleius libro 1: Aspera censura Fuluij Flacci, & Postumij Albini fuit, quippe Fuluij censoris frater, & quidem consors Cn. Fuluius senatu motus est ab ijs censoribus. Idem tradit Liuius, Valerius lib. 11, cap. 11. Cicero in Verrem, Frontin. lib. 1111. De Fulvio etiam censore sic Lactantius lib. 11, & Liuius lib. XLIII: Censor Fuluius ex Iunonis Laciniae templo marmoreas tegulas cum abstulisset, quibus ædem Fortunæ equestris, quam Romæ fecerat, tegeret, & mente captus est, & amissis duobus filiis in Illyrico militatibus summo animi mœrore consumptus est. & Plinius lib. V111 amborum meminit, sic: Qua in re & illud annotare succurrit, unum omnino quinquennium fuisse, quo senator nullus moreretur, cum Flaccus, & Albinus censes lustrum condidere anno urbis quingentesimo septuagesimo nono. De lustris anno sequenti condito sic Liuius. Eo anno lustrum conditum. censes erant Q. Fuluius Flaccus A. Postumius Albinus. Postumius condidit. censa sunt ciuium R. capita CCLXX millia & XV. M. Aemilius Lepidus pont. max. princeps senatus lectus, is qui etiam priore lustris lectus fuerat. Hoc lustrum LI uocant Capitolini fasti.

De ouatione Ap. Claudij Centhonis pro pr. ex Celtiberia.

AP. Claudius Centho prætor, ut puto, anno DLXXV111 Hispaniam citeriorem sortitus est. Liuij enim historia illa desideratur. De rebus autem, & triumpho eius hæc apud eum scripta extant. Celtiberi in Hispania, qui bello domiti se Ti. Graccho dediderant, pacati manserant M. Titinio prætore prouinciam obtinente, rebellarant sub aduentum Ap. Claudij. Item: Exitu prope anni diem unum supplicatio fuit ob res prospere gestas in Hispania ductu, auspicioq; Ap. Claudij pro cos. Item: cum Ap. Claudius ex Hispania Romam redisset, decreuit senatus, ut ouans urbem iaret. Item: Comitij perfectis Ap. Claudius Centho ex Celtiberis ouans urbem inijt. Huius triumphus uestigia apparent etiam in fragmento quodam Capitolino. quæ qualia sint, ex triumphis ipsis intelligi potest.

DE COS. AN. DLXXX.

IN hunc annum creati consules L. Postumius Albinus, M. Popillius Lænas. auctor Liuius, Cassiodorus, tabulæ Capit. His cos. Floralia instituta esse docet Ouidius fastorum v. his uersib.

Annuimus uotis, consul cum consule ludos

Postumio Lænas persoluere mihi.

Postumius anno DLXXIII, Popillius DLXXV11 præturam gesserunt. Vterq; autem in consulatu Ligures sortitus est. Popillius Statellatibus deditis arma ademit, ipsos bonaq; eorum uendidit. Postumius ne prouinciam quidem suam uidit. Liuius.

Commentarius in fastos

DE COS. AN. DXXXI.

C. POPILLIVM Lænatem, **P. Aelium** Ligurem consules hic annus habuit **Liuius**, **Cassiodoro**, & **Capitolinis** tabulis testibus. Horum præturæ anno **DLXXV** apud **Liuium**, ut puto, desiderantur. Hucusq; plebeij consules in eundem annum nulli sunt comparati. hoc enim anno primum ex plebe ambo consules facti sunt, quemadmodum notatum est in **Capitolinis** tabulis. Itaque posthac patricij consules ambo nunquam erunt, plebeij ambo sæpe; plebeius, & patricius sapissime. Lex, qua iuebatur, uti liceret ambos cōsules plebeios creare, lata est auctore **Liuius**, anno **CDXI**. neque unquam nisi hoc primum anno seruata est. **Ligures** ambobus consulibus decreti.

De triumpho C. Cicereij pro pr.

C. CICEREIO prætori prioris anni ad ædem **Bellonæ** senatus datus est. Is expositis, quas in **Corfica** res gessisset, postulatōq; frustra triumpho, in monte **Albano**, quod iam in morem uenerat, ut sine publica auctoritate fieret, triumphauit. **Liuius**. Idem triumphus ouationi **Claudianæ** in tabulis **Capitolinis** subijcitur.

De bello Persico.

BELLVM, quod **Perfes** **Philippi** **Macedonis** filius cum **Romanis** gessit, iam mediatum, ac comparatum à patre accepit potius, quam ut ipse primus excitauerit. is enim ægre ferens se iussu **Romanorum** fœdus ac pacem habere, **Bastarnas** sedibus suis exciuerat, quorum auxilijs fretus in **Italiam** transfret, uerum antequam reni aggrediretur, morte oppressus est. **Perfes** regnum suscepit ex concubina natus, qui hæreditario quasi sibi à patre relicto aduersus **Romanos** bello, ingenti comparata per aliquot annos pecunia, ciuitates **Græciæ** **Populi R.** socias sollicitauit, **Abrupolim** regno expulit, **Artetarum** interfecit, auxilium **Byzantijs** aduersus fœdus tulit, **Dolopix** bellum fecit, **Thessaliam** & **Doridem** cum exercitu peruasit, legatos **Romanos** ad res repetendas, & renunciandam regi amicitiam missos inhumanus, cum eos triduo regni sui finibus excedere iussisset, tractauit. His de causis bellum ei à senatu, populoq; **Romano** indictum est, quod **Persicum**, ac secundum **Macedonicum** dictum est. quod aduersus fœdus cum **Philippo** patre ictum, & secum post mortem eius renouatum socijs **populi R.** arma intulisset, quodq; belli parandi aduersus **populum R.** consilia inisset, arma, milites, classem eius rei causa comparasset. **Liuius**, **Florus**, **Plutarchus**.

DE COS. AN. DXXXII.

CONSULES in hunc annum subsequuti **P. Licinius Crassus**, **C. Cassius Longinus**, ut est apud **Liuium**, **Cassiodorum**, **Orosium**, & in tabulis **Capitolinis**. Eorūdem meminit **Plinius** lib. VII cum ait: In annalibus inuenimus **P. Licinio Crasso**, **C. Cassio Longino** consulibus **Cassini** puerum factum ex uirgine sub parentibus. Quæ uerba **Plinij** transtulit **Gellius** in lib. IX, cap. XIII. Horum præturæ apud **Liuium** interciderunt anno **DLXXVII**, & **DLXXVIII**. **P. Licinius**, cui **Macedonia**, & bellum cum rege **Perse** euenerat, in **Macedoniam** cum traiecisset, equestri prælio à rege uictus est, ac petenti tamen pacem regi, nisi se senatus, & **populi R.** arbitrio permetteret, negauit. **Lucretius** prætor **Aliartum** ui, **Thebas** sine certamine in **Bœotia** recepit. Iterum **Licinius** cum **Perseo** congressus feliciore euentu equestri pugna conflixit. **C. Cassius** cui **Gallicia** obtigerat, nihil memorabile gessit, & cum per **Illyricum** in **Macedoniam** alienam prouinciam exercitum duxisset, à senatu reuocatus est. **Liuius**, & **Eutropius**.

DE COS. AN. DXXXIII.

CONSULES subijcit **Cassiodorus** **C. Hostilium Mancinum**, **C. Atilium**. **Capitolinæ** tabulæ **A. Hostilium Mancinum**, **A. Atilium Serranum**. Horum comitia consularia, & res gestæ exciderunt in **Liuianis** annalibus. **Mancinus** prætor fuit anno **DLXXXII**, **Serranus** **DLXXX**. **Hostilio** **Macedonia**, **Atilio** **Italia** obuenerit. **Hostilius** ut nullam rem bellicam memorabilem gessit, ita ad cunctam militarem disciplinam ab effusa licentia formauit militem, & socios cum fide coluit, & ab omni iniuriæ genere defendit, **Liuius**.

DE COS. AN. DXXCIII.

Q. MARCIUM Philippum iterum, Cn. Seruilium Cæpionem consules in hunc annum comparant Liuius, Cassiodorus, & tabulæ Capitolinæ. Cicero in Bruto: Q. Marcio, Cn. Seruilio consulibus obiit Ennius. & in Catone: Cæpione, & Philippo consulibus mortuus est Ennius. Cæpio prætor anno D L X X I X. Consulum Q. Seruilius Italiam, Q. Marcius Macedoniâ fortitus est. Marcius cum in Macedoniam per saltus inuios penetraffet, improuiso, ac inopinato aduentu suo ita regem perterrefecit, ut abiecto auro, ne in uictoris manus ueniret, fugam cepit. quo belli impetu Marcius complures urbes occupauit. Liuius.

De censoribus, & lustro LII.

C. CLAUDIUM Pulchrum, Ti. Sempronium Gracchum censores edunt in hunc annum Liuius, & Capitolinæ tabulæ. Valerius lib. V I, cap. V Ti. Gracchum, & C. Claudium censores scribit ob nimis seuerè gestam censuram maiorem partem ciuitatis exasperasse. Plinius item lib. XL V C. Claudij censorij meminit, Gracchi censoris Plutarchus. Cicero etiam libro primo de orat. Ti. Gracchus censor, inquit, libertinos in urbanas tribus transtulit. Hoc anno censum à censoribus tradit Liuius. lustrum mentio intercidit. de eo tamen sic est in epitoma: Lustrum conditum à censoribus. censa sunt ciuium capita C X I I millia D C C C V. M. Aemilius Lepidus princeps senatus ab tertijs iam censoribus lectus. Hoc lustrum L I I uocant Capitolini auctores. De his loquitur lib. V I de rep. Cicero, cum ait: Quod quidem eò fuit maius, quia cum in causa pari collegæ essent, non modo inuidia pari non erant, sed etiam Claudij inuidiam Gracchi caritas deprecabatur. Gellius lib. V I.

DE COS. AN. DXXCVI.

CONSULES subsequenti L. Aemilius Paullus iterum septimo decimo anno, postquam primum consul fuerat, C. Licinius Crassus. auctor Liuius, Cassiodorus, tabulæ Capitolinæ. De secundo consulatu L. Paulli Plutarchus, Velleius, Orosius, Eutropius, Florus, Iustinus libro XXX I I, Is, qui scripsit de uiris illustribus. Plutarchus adijcit Paullum L X annos natum consulem iterum esse factum. Eidem Macedonia, Crasso Italia euenit. Paullus cos. & Cn. Octavius prætor, cui clasis mandata erat, in Macedoniam profecti sunt. Perseus postquam intrasse saltum Romanos, & adesse discrimen ultimum belli animaduertit, Gentium Illyriorum regem ad belli societatem magnæ pactione pecuniæ per legatos attraxit. Gallorum, qui se mercede pro eo militaturos offerabant, opportuna auxilia auaritia dimisit. Gentium promissæ pecuniæ parte fraudatum à se alienauit. aduersus quem L. Anicius Gallus prætor à Romanis missus, ut Ap. Claudio circa Lyncidum succederet; Illyricum intra triginta dies subegit, ac Gentium ipsum regem cepit. Paullus I I I. Non. Sept. collatis apud Pidnam signis Perseum, X X millibus peditum occisis, equitatu cum ipso rege integro fugiente, uicit, castris exiit, atque Macedoniæ urbes in deditionem accepit. Rex ab amicis desertus postea apud templum Samothracum à Cn. Octauio clasis præfecto captus est. quarum tamen rerum apud Liuium debilitata ob uetustatem memoria est. C. Popillius legatus uirga Antiochum regem circumscripsit, ac subito responsum, quod differebat, dare coegit. Liuius.

DE COS. AN. DXXCVII.

IDEM consules subdit Q. Aelium, M. Iunium. Obsequens, & Cassiodorus Q. Aelium Pætum, M. Iunium Pennum. Cicero item in Bruto M. Iunij Penni, qui cum Q. Aelio consul fuit, meminit. Pennus prætor fuerat anno D L X X X I. alterius prætura apud Liuium desideratur. Iunio Pisæ obuenerunt, Aelio Gallia. Macedoniam, & Illyricum L. Paullus, & L. Anicius obtinere iussi, donec ex sententiâ X legatorum eas prouincias composuissent. Consules agrum Ligurum populati nullam rem memorabilem gesserunt. Rhodij legatis, cum ad purganda crimina, quod Perseus iuuissent, Romam uenissent, ita responsum est, ut nec hostes fierent; nec focij permanerent. L. Anicius Gabinio, & Licinio Illyrico præpositis, cum reliquo exercitu in Epirum profectus Phanotem, ac totam Molossidem recepit, inde regressus in Illyricum, ex legatorum quinque sententiâ liberos esse Illyrios iussit. Paullus dum Roma legati decem uenirent, totam

Commentarius in fastos

Græciam circumiuit. inde reuersus, ex eorum sententia & ipse Macedonas liberos esse, habentes urbes easdem, agrosq; , utentes legibus suis, annuos creantes magistratus, tributum dimidium eius, quod pendissent regibus pendere populo R. iussit, leges Macedoniae dedit cum tanta cura, ut non hostibus uictis, sed socijs benemeritis dare videretur. inde in Epirum cum traiecisset, oppidorum, quæ Perseum iuuerant, circa LXX muros diruit, prædam uendidit, atque de ea summa militi numerauit. Liuius, Plutarchus, Eutropius, alij.

De triumphis { L. Acmilij Paulli pro cos.
Cn. Octauij pro pr. de rege Perse ex Macedonia.
L. Anicij Galli pro pr. de Gentio rege ex Illyrio.

PAULLVS post paucos dies, quàm Epiri urbes diruerat, regia naue ingentis magnitudinis, quam XVI uersus remorum agebant, ornata Macedonicis spolijs, aduerso Tiberi ad urbem subuectus est. Paucos post dies Anicius, & Octauius classe sua aduecti. Tribus ijs omnibus decretus est ab senatu triumphus. mandatumq; Q. Cæsius prætori, cum tribunis pl. ex auctoritate patrum ageret, rogationem ad plebem ferrent, ut ijs, quo die triumphantes urbem inueherentur, imperium esset. Nec de Anicij, nec de Octauij triumpho dubitatum est. Ser. Sulpicius Galba, qui tribunus militum secundæ legionis in Macedonia fuerat, priuatim imperatori inimicus, exercitum, cui Paullus de præda parcius, quàm sperauerant ex tantis regijs opibus, dederat, incitauit, ut rogationem de triumpho eius non acciperet. cum autem nobilium uirorum, qui accurrerant, opera factum esset, ut tribus in suffragium reuocarentur, rogatio lata est. atque ita triumphauit. ductus est ante currum rex Perseus una cum Philippo, & Alexandro filijs. Triumphasse cum per triduum scribit Plutarchus. primo die signa, tabulasq; , secundæ arma, pecuniasq; , tertio captiuos, ipsumq; regem esse transfuectos. eiusdem triumphi meminit Orosius, Florus, & Velleius, qui bis millies centies HS in ærarium ab eo illatum prodit. summam omnis captiui auri, argentiq; translati HS millies ducenties fuisse Valerius Antias tradit, ut refert Liuius. Plutarchus tantam uim pecuniæ à Paulo illatam auctor est, ut ciues usque ad Hirtium, & Pansam consules tributum nulum contulerint. triumphasse autem IIII. IIII. prid. K. Decemb. scriptum est in Capitolino eius triumpho. Cn. Octauius K. Decembr. de rege Perseo naualem triumphum egit. is triumphus sine captiuis fuit, sine spolijs. patres censuerunt, ut Perseus rex cum Alexandro filio Albam in custodiam duceretur. Ita Liuius. Eiusdè triumphi meminit Velleius, & Plinius lib. XXXIII, ita: Inuenio à Cn. Octauio, qui de Perseo rege naualem triumphum egit, factam porticum duplicem, quæ Corinthia sit appellata à capitulis æreis columnarum. & Festus lib. XIIII: Octauia porticus duæ appellantur, quarum alteram theatro Marcelli propiorem Octauia soror Augusti fecit, alteram theatro Pompeij proximam Cn. Octauius Cn. F. qui fuit ædilis curulis, prætor, consul, Xuir sacris faciundis, triumphauitq; de rege Perse nauali triumpho. quam combustam reficiendam curauit Cæsar Augustus. Idem triumpus est in Capitolinis tabulis. L. autem Anicius, Quirinālibus triumphauit de rege Gentio, Illyrijsq; . ante currum ducti Gentius rex cum coniuge, & liberis, & Carauantius frater regis, & aliquot nobiles Illyrij. Latior hunc triumphum esse secutus miles, multisq; dux est carminibus celebratus. HS ducenties ex ea præda redactum esse auctor est Antias, præter aurum, argentumq; , quod in ærarium sit latum. quod quia unde redigi potuerit, non apparebat, auctorem pro re posui. rex Gentius cum liberis, & coniuge, & fratre Spoletium in custodiam ex S. C. ductus. ceteri captiui Romæ in carcerem coniecti. Hæc Liuius. at Velleius ita: Quo anno L. Paullus Persem in triumpho duxit, eodem Cn. Octauius prætor naualem egit, & Anicius de Gentio Illyriorum rege triumphauit. Eiusdem triumphi meminit Eutropius, & Florus, & Athenæus lib. XIIII, Plutarchus in Paullo, Appianus in Illyrica, & Capitolini auctores. Sex etiam Rufus Illyrios, qui auxilium Macedonibus tulerant, ex eadem occasione per L. Anicium prætorem uictos, & cum rege Gentio in deditionem acceptos; Iornandes eos in prouinciæ formam redactos scribit. Hos tres triumphos Paulli, Octauij, & Anicij hoc anno actos significauit Plinius lib. XVI, cum ait: Palma enata bis in Capitolio bello Persei uictoriam, triumphosq; portendit.

DE COS. AN. DXXXVII.

CONSULES in hunc annum prodit Liuius cum Capitolinis tabulis M. Claudium Marcellum, C. Sulpicium Gallum. Obsequens, & titulus Andriæ Terentianæ M. Marcellum, C. Sulpicium. Ambo prætores fuerunt anno DLXXXIII, auctore Liuius. Hic est Marcellus, qui postquam ter consul fuit, in mari periit, nepos M. Marcelli quinquies consulis, ut tradit Pædianus.

His

His consulibus Eumenes rex Romam uenit, qui quia Persico bello se medium egerat, ne aut hostis iudicatus uideretur, si exclusus esset, aut liberatus crimine, si admitteretur, in commune lex lata est, ne cui regi Romam uenire liceret. epitoma xlv i.

*De triumphis M. Claudij Marcelli cos.
C. Sulpicii Galli cos. de Gallis, et Liguribus.*

Ex hoc loco Liuiana historia tota desideratur. quam si haberemus facilius multo fastos, triumphosq; , qui sequuntur, digereremus. in magna autem annalium penuria dabimus operam, ne quid, quod opem ferre huic historiæ possit, prætermittamus. Satis autem constat ex fragmentis triumphalibus Capitolinis, ambos hos consules de Gallis, & Liguribus triumphasse. Videtur enim Claudius Galliam, Sulpicius Ligures prouinciam obtinuisse. Itaque in epitoma xlv i ita est: Claudius Marcellus cos. alpinos Gallos, C. Sulpicius Gallus Ligures subegit. & apud Obsequentem ita: Marcello, & Sulpicio cos. Galli, Ligures deleti. In fragmentis Capitolinis truncata quædam nomina populorum sunt & Gallorum, & Ligurum, quæ propter obscuritatem hucusq; non inueni: adeo ut merito Cicero in Bruto scribat: Plus attulit huic populo dignitatis, qui genuit in hac urbe dicendi copiam, quam illi, qui Ligurum castella expugnauerunt. Item: Malim L. Crassi unam pro M. Curio dictionem, quàm castellanos triumphos duos. Nos autem Ligustinos triumphos amplius quindecim numeramus.

DE COS. AN. DXXXVIII.

CONSULES subdit Cassiodorus, & Obsequens Cn. Octauium, & T. Manlium. Capitoline tabulæ Cn. Octauium, T. Manlium Torquatum. Eorundem consulum mentio est in titulo Hecyræ Terentianæ. T. Torquati, qui cum Cn. Octauio consul fuit meminit etiam Cicero de finibus primo. Cn. Octauij lib. primo de officijs. Cn. Octauio, inquit, qui primus ex illa familia cos. factus est; honori fuisse accepimus, quod præclaram ædificasset in Palatio, & plenam dignitatis domum, quæ cum uulgo uiseretur, suffragata domino nouo homini putabatur. & Philip. ix. Cn. Octauij clari, & magni uiri, qui primus in eam familiam, quæ postea uiris fortissimis floruit, attulit consulatum, statuam uidemus in rostris. Suetonius item in Augusto scribit, Octauios, qui à Cnæo orti sunt, summis honoribus functos esse. Octauius prætor fuit anno dlxxx i, Torquatus dlxxx i i. Liuius. His consulibus pestilentia, fameq; ita laboratum, ut ex Sibyllinis populus circa compita, facellæq; operaturus federit. auctor Obsequens.

DE COS. AN. DLXXXIX.

CASSIODORVS consules in hunc annum comparat A. Manlium, Q. Cassium. Capitoline tabulæ A. Manlium Torquatum, Q. Cassiū Longinum, qui in magistratu mortuus est. Hi collegæ in prætura fuerunt anno dlxxxvi, teste Liuius.

De censoribus, & lustris LIII.

CENSORES in eundem annum edunt Capitolini scriptores L. Aemilium Paullum, Q. Marciū Philippum, ab ijsq; lustrum l i i i conditum notant. de quo ita est in epitoma xlv i: Lustrum conditum à censoribus est. censa sunt ciuium capita c c x x v i i millia x x i i, princeps senatus lectus M. Aemilius Lepidus. Eorundem meminit Plutarchus in Paulo sic: L. Aemilius Paullus censor c c x x x v i i millia recensuit. in senatu M. Aemilius Lepidus prætulit, qui quater ante princeps fuerat. è senatu tres mouit, in recensendis equitibus Ro. ipse & collega eius Marcius Philippus modum seruauit. cum censuram magna ex parte gessisset, in morbum incidit. Plinius etiam lib. x x v i, L. Paulo, Q. Marcio censoribus primum in Italia carbunculum uenisse tradit. & lib. v i i: Paruerunt Messallæ horologio Romani annis undecentum, donec Q. Marcius Philippus, qui cum L. Paulo fuit censor, diligentius ordinatum iuxta posuit. idq; munus inter censoria opera gratisime est acceptum. at Messalla Catina capta anno c d x c suum deportauerat. & Censorinus: Horologium Valerij ex Sicilia aduectum, cum à climæ Siciliæ deferiptum ad horas Rômæ non conueniret, Q. Philippus censor aliud iuxta constituit. & Cicero pro domo: Q. Marcius censor signum Concordiæ fecerat, idq; in publico collocarat. Valerius etiam lib. v i i, L. Paullus, inquit, cum iam campū repulsis suis fatigasset, bis consul, & censor factus est.

Commentarius in fastos

DE COS. AN. DXC.

TI. SEMPRONIUM, M'. IUVENTIUM consules inuenio in hunc annum apud Cassiodorum . apud Obsequentem **TI. GRACCHUM, M'. IUVENTIUM** . in Capitolinis tabulis **TI. SEMPRONIUM GRACCHUM II, M'. IUVENTIUM THALNAM** . Plutarchus item patrem Gracchorum bis consulem scribit fuisse; Valerius autem **TI. GRACCHUM** patrem, quia in censura nihil insciente collega fecerat, à populo Romano iterum consulem esse factum . **M'. IUVENTIUM** in magistratu mortuum prodit idem Valerius his uerbis: **M'. IUVENTIUS THALNA** cos. collega **TI. GRACCHI** consulis, cum in Corsica, quam nuper subegerat, sacrificaret, receptis literis decretas ei à senatu supplicationes nuntiantibus, intento illas animo legens caligine orta ante foculum collapsus mortuus humi iacuit. & Plinius libro **V I I**: **M'. IUVENTIUS THALNA** consul, cum sacrificaret, mortuus . Hic prætor fuit anno **D L X X V I** . His autem consulibus decretas fuisse prouinciâs Iuuentio Corsicam, Sempronio Sardiniam apparet ex Valerij loco citato, & Cicerone ad **Q. FRATREM** . Habet, inquit, profecto quiddam Sardinia appositum ad recordationem præteritæ memoriæ . nam ut ille Gracchus augur, posteaquam in istam prouinciâ uenit, recordatus est, quid sibi in campo Martio accidisset, sic tu mihi uideris in Sardinia recogitasse . In epitoma etiam **X L V I** fit mentio rei aduersus Corfos per hæc tempora uario euentu gestæ . Vereor autem ne ante hunc consulem **M. CLAUDIUS** prætor in Corsica, male re gesta, turpi pace facta, consulem ad id bellum mittere senatum coegerit . cum certe ob infamem pacem Corfis à senatu deditum, nec acceptum Valerius lib. **V I**, & Marcellinus lib. **X V** scribit .

DE COS. AN. DXCI.

CASSIODORVS, & Obsequens consules suggerunt **P. SCIPIONEM NASICAM, C. MARCIUM** . quos Cicero de nat. deorum lib. **I** uocat **P. SCIPIONEM, C. FIGULUM, & VALERIUM** lib. **I** **SCIPIONEM NASICAM, C. FIGULUM** . Hinc Plutarchus in Marcello **SCIPIONEM NASICAM, & C. MARCIUM** consules à **TI. SEMPRONIO** declaratos scribit . Hos autem consules abdicasse scriptum est in Capitolinis tabulis, atque apud Ciceronem lib. **I I** de nat. his uerbis: Atqui & nostrorum augurum, & Etruscorum, & aruspicum disciplinam **P. SCIPIONE, C. FIGULO** cos. res ipsa probauit . quos cum **TI. GRACCHUS** consul iterum crearet, primus rogatorum ut eos rettulit, ibidem est repente mortuus . Gracchus cū comitia nihilominus peregisset, remq; illam in religionem populo uenisse sentiret, ad senatum rettulit . senatus quos ad soleret referendum censuit . aruspices iuncti ducti responderunt, non fuisse iustum comitiorū rogatorem . tum Gracchus incensus ira, ita ne uero? ego non iustus, qui & consul rogauī, & augur, & auspico? an uos Tusci, ac barbari auspicioꝝ populi **R.** ius tenetis, & interpretes esse comitiorum potestis? itaque tum illos exire iussit . post autem ex prouincia literas ad collegium misit, se cum legeret libros, recordatum esse uitio sibi tabernaculum captum fuisse in hortos Scipionis, quod cum pomærium postea intrasset senatus habendi causa, in redeundo cum idem pomærium transiret, auspicari esset oblitus . itaque uitio creatos esse consules . augures rein ad senatum . senatus ut abdicarent . consules abdicauerunt . Eadem scribit fere Valerius de cultu deorum . A **TI. GRACCHO**, inquit, ad collegium augurum literis ex prouincia missis, quibus significabat, se cum libros ad sacra populi pertinentes legeret, animaduertisse uitio tabernaculum captum comitijs consularibus, quæ ipse fecisset, eaq; re ab auguribus ad senatum delata, iussu eius **C. FIGULUS** è Gallia, **SCIPIO NASICA** è Corsica Romam redierunt, & se consulatu abdicauerunt . Idem Plutarchus in Marcello, & Cicero ad **Q. FRATREM** . Ex quibus uerbis intelligi potest consules **MARCIUM** Galliam, **SCIPIONEM** Corsicam, **SEMPRONIUM** pro cos. Sardiniam obtinuisse . **FIGULUS** prætor fuerat anno **D L X X I I I I** . Hic **SCIPIO** Corculum dictus . de quo sic Cicero in Bruto: **P. SCIPIONEM NASICAM**, qui est Corculum appellatus, qui bis consul, & censor fuit, habitum eloquentem aiunt, illius, qui sacra acceperit, filium . de eodem scriptum est in libro de uiris illustribus . His consulibus abdicatis successores esse **P. CORNELIUM LENTULUM, CN. DOMITIUM AHENOBARBUM** scriptum est in Capitolinis tabulis, præterea nusquam . **MARCIO, & SCIPIONE** cos. **CN. OCTAUIUS** legatus consularis **LAODICEÆ** occisus est, auctore Obsequente . De quo sic Cicero: **CN. OCTAUIUS**, cum esset missus à senatu ad animos regum perspiciendos, liberorumq; populorum, maximeq; ut nepotem Antiochi regis eius, qui cum maioribus nostris bellum gesserat, classes habere, elephantos alere prohiberet, **LAODICEÆ** in gymnasio à quodam **LEPTINE** est interfectus . Obsequens autem ita: **CN. OCTAUIUS** legatus in Syria per **LYSIAM** tutorem Antiochi pueri in gymnasio occisus . Appianus in Syriaca **CN. OCTAUIUM** legationis principem à **LEPTINE** occisum, à **LYSIA** sepultum tradit .

DE COS. AN. DXCII.

M. MESSALLAM, C. Fannium consules suggerit Cassiodorus. M. Valerium Messallam, C. Fannium Strabonem Capitolinæ tabulæ, & titulus Phormionis Terentiani. Horum consulum sic meminit Suetonius de claris rhetoribus, & Gellius lib. x v : C. Fannio Strabone, M. Valerio Messalla cos. M. Pomponius prætor senatum consuluit, quod uerba facta sunt de rhetoribus, & philosophis D. E. R. I. C. ut M. Pomponius prætor animaduerneret, curaretq; , ut si è rep. fideq; sua uideretur, uti Romæ ne essent. & Gellius libro 11 : C. Fannio, M. Valerio Messalla cos. S. C. factum, quo iubentur principes ciuitatis, qui ludis Megalensibus antiquo ritu mutitarent, idest mutua inter se conuiuia agitarent, iurare apud consules uerbis conceptis non amplius in singulas cœnas sumptus esse facturos, quàm centenos, uicenosq; æris præter olus, & far, & uinum. neque uino alienigena, sed patrio usuros neque argenti in conuiuio plus pondo, quàm libras centum illaturos. post hoc S. C. lex Fannia lata est, quæ ludis Ro. item ludis plebeijs, & Saturnalibus, & alijs quibusdam diebus in singulos dies centenos æris insumi concessit. decemq; alijs diebus in singulis mensibus tricenos, ceteris autem omnibus diebus denos. Eiusdem legis meminit Macrobius lib. 111, Athenæus lib. v1, Plinius lib. x, cap. x : C. Fannium consulem x1 annos fuisse notat ante tertium Punicum bellum. Per hos annos cum Liguribus, Coris, & Lusitanis uario euentu bellatum, scriptum est in epitoma xlv1; uerum quibus ducibus, parum constat.

DE COS. AN. DXCIII.

L. ANICIUM, M. Cornelium consules subijcit Cassiodorus, & titulus Adelphorum Terentianorum. Capitolinæ tabulæ cognomina ijs adijciunt Gallum, & Cethegum. Anicij consulis meminit Cicero in Bruto, Cethegi epitoma xlv1. Pontinæ paludes à Cornelio Cethego consule, cui ea provincia obuenerat, siccata, agerq; ex ijs factus. His consulibus L. Aemilium Paullum mortuum apparet ex titulo Adelphorum Terentij. de quo sic est in epitoma lib. xlv1 : L. Aemilius Paullus, qui Persen uicerat, mortuus, cuius tanta abstinentia fuit, ut cum ex Hispania, & Macedonia maximas opes rettulisset, uix ex auctione bonorum eius redactum sit, unde dos uxori eius redderetur.

DE COS. AN. DXCIIII.

IN SEQVENS annus consules habuit, teste Cassiodoro, Cn. Cornelium Dolabellam, M. Fuluium. Capitolinis tabulis, Cn. Cornelium Dolabellam, M. Fuluium Nobiliorem. item est in uita Terentij, quibus consulibus mortuum Terentium scriptum est. Lex de ambitu his consulibus, quantum ex epitoma xlv1 colligi potest, lata.

De censoribus, & lustro LIIII.

IN hunc annum censores produnt Capitolini auctores P. Scipionem Nasicam, M. Popillium Lænatem, ab ijsq; lustrum factum LIIII notant. De censoribus iisdem loquitur Plinius lib. xxxiiii : L. Piso, inquit, prodidit M. Aemilio, C. Popillio II cos. à censoribus P. Cornelio Scipione, M. Popillio statuas circa forum, eorum qui magistratum gesserunt sublata omnes, præter eas, quæ populi, aut senatus sententia statuta essent. item in libro de uiris illustribus. at lib. v11 : Scipio Nasica, inquit, collega Lænatidis censor proximo post L. Paullum, & Q. Philippum cēsores lustro primus aqua diuisit horas æque noctium, ac dierum, idq; horologium sub tecto dicauit anno ab vrbe condita dxcv. & Cenforinus : P. Cornelius Nasica censor ex aqua fecit horarium. & Gellius lib. 1111 : Cenfor P. Scipio Nasica, & M. Popillius cum equitum censum agerent, equum nimis strigosum, & male habitum, sed equitem eius uberrimum, & habitissimum uiderunt; & , cur, inquit, ita est, ut tu sis, quàm equus curator? quoniam, inquit, ego me curo, equum Staius feruus meus. Velleius autem Nasicam censorem porticus in Capitolio ait fecisse. Hæc de censoribus. de lustro autem sic est in epitoma xlv11 : Lustrum à censoribus conditum est. censa sunt ciuium capita cccxxviiii millia cccxiiii, et princeps senatus lectus Aemilius Lepidus. Lustrum ex auctoritate Plinij conditum sequenti anno.

Commentarius in fastos

DE COS. AN. DXCV.

DEINCEPS consules M. Aemilius, C. Popillius, vt ait Cassiodorus. M. Aemilium Lepidum, & C. Popillium Lænatem II edunt Capitolinæ tabulæ. Eorundem meminit Censorinus capite de distinctionibus ætatum. Roma condita, inquit, anno D V I I sæculum accipit his consulibus, qui proximi sunt consules M. Aemilius M. F. Lepidus. C. Popillius II. absens. quæ verba menda, vt puto, non carent.

De triumpho M. Fuluij Nobilioris pro cos. de Liguribus.

SULPICII Galli consulis triumpho subiicitur in Capitolinis fragmentis M. Fuluij Nobilioris pro cos. triumphus. Is autem priore anno consul cum fuerit, hoc profecto anno triumphauit, siquidem pro consule triumphauit. Quantum autem ex Capitolino huius triumphi fragmento intelligi potest, de Liguribus Veleatibus triumphus actus est. Plinius enim inter Ligustinos populos nominat Deceates, Oxybios, Veleates, aliosq; quos nos alio loco collegimus. cuius uictoriæ nulla alia, quod compererim, extat auctoritas.

DE COS. AN. DXCVI.

SEX. Iulium, L. Aurelium consules prodit deinceps Cassiodorus. his cognomina addunt Iulio Cæsarem, Aurelio Orestem Capitolinæ tabulæ. De his etiam loquitur Plinius, cum scribit lib. XXXIII: Auri in ærario populi Romani fuisse Sex. Iulio, L. Aurelio cos. septem annis ante bellum Punicum tertium pondus DCCXXXVI, argenti nonaginta duo millia, & extra numerum CCC & LXXV millia.

DE COS. AN. DXCVII.

L. LENTULUM, C. Marcium consules memorant in hunc annum Cassiodorus, & Obsequens. L. Cornelium Lentulum Lupum, C. Marcium Figulum II. Capitolinæ tabulæ. De his loquitur Cicero in Bruto, his verbis: Dicunt etiam L. Lentulum, qui cum C. Figulo cos. fuit, habitum eloquentem. De Figulo II consule sic Valerius cap. de ira: C. Figulus iuris ciuilis iudicio celeberrimus consulatus repulsæ dolore accensus, eò quidem magis, quòd illum bis patri suo datum meminerat, cum ad eum postero comitiorum die multi consulendi causa uenissent, omnes dimisit, præfatus, omnes consulere scitis, consulem facere nescitis.

De Dalmatis à C. Marcio cos. uictis.

Hoc anno C. Marcus consul Dalmatas uicit. sic enim scriptum est in epitoma XLVII: C. Marcus consul aduersum Dalmatas parum prospere primum, postea feliciter pugnavit. cum quibus bello conflegendi causa fuit, quòd Illyrios populi R. socios uastauerunt. Appianus item, Dalmatas, quòd Illyrios inuasissent populi Ro. socios, & eius legatos non accepissent, à Marcio Figulo consule bello petitis, scribit. cuius cum primum legiones fudissent, post ab eo usque ad Delminium urbem fugatos. quo expugnato finem bello esse impositum. Obsequens etiam his consulibus Dalmatas Scordis superatos esse notat. & Florus: Dalmatæ, inquit, plerunque sub syluis agunt, inde ad latrocinia promptissimi. Hos iam quidem Marcus incensa urbe Delminio quasi detruncauerat. Huic tamen negatum esse triumphum puto ob rem primo infeliciter gestam. neque enim fragmenta Capitolina hunc triumphum admittunt, cum Nobilioris triumpho Marcelli triumphus subiiciatur, non Figuli.

DE COS. AN. DXCVIII.

P. SCIPIONEM, M. Claudium consules subdit Cassiodorus. P. Cornelium Scipionem Nasicam II, M. Claudium Marcellum II. Capitolinæ tabulæ. De his sic in Lucullo Cicero: Legi apud Clitomachum, cum Carneades & Stoicus Diogenes ad senatum in Capitolio starent, A. Albinum, qui tum P. Scipione, & M. Marcello cos. prætor esset, iocantem dixisse Carneadi. ego tibi Carnade prætor esse non uideor, quia sapiens non sum, nec hæc urbs, nec in ea ciuitas.

Tum

tum ille; huic Stoico non uideris. Scipionem item hunc bis consulem fuisse Cicero in Bruto; Marcellum ter Pædianus, & Cicero sunt auctores.

De triumpho II M. Marcelli cos. II.

Ex fragmentis Capitolinis satis aperte intelligi potest M. Marcellum consulem II alterum etiam triumphum egisse. verum de quibus populis, gentibusve triumpharit, parum ex ijs, ceterisque Romanorum monumentis compertum est. nisi de Liguribus triumphasse cum dicas, quibus cum sequenti anno etiam Q. Opimius consul dimicauit. Extat enim extrema fere syllaba eius nominis, *V S.* & hæ voces: *MARCELLVS II. COS. II.*

De triumpho P. Scipionis Nasicæ cos. II, de Dalmatis.

V T Ligures Marcello, sic Dalmatæ Scipioni consuli obuenerunt. Vtrunque autem triumphasse Capitolina monumenta indicant. de Marcello quidem aperte, de Scipione uero obscurius. cum autem post Marcelli triumphum hæ literæ subsequantur = *V S. P. P. C =*, cæ mihi pertineat P. Scipionem consulem *P. F. Cn. N.* uisæ sunt. de quo sic scriptum est in epitoma *XLVI*: C. Marcius aduersus Dalmatas primum parum prospere, postea feliciter pugnavit. eandemq; gentem Cornelius Nasica consul domuit. & in libro de uiris illustribus: P. Scipio Nasica Corculum consul Delminium urbem Dalmatarum expugnauit. imperatoris nomen à militibus, à senatu triumphum oblatum recusauit. Miror autem, cur Appianus huius imperatoris non meminerit in Illyrica, aut Delminio expugnato bellum Dalmaticum à Figulo confectum scripserit. Frontinus certe eam uictoriâ Scipioni tribuit lib. *II*, cap. *V*; idq; consilium Scipioni in eius urbis expugnatione adscribit, quod Appianus Figulo, cum ait: P. Cornelius Scipio intellecta difficultate expugnandi Delminium, quia omnium concursu defendebatur, aggredi alia oppida cœpit.

DE COS. AN. DXCIX.

H I C annus consules habuit Q. Opimium, L. Postumium, auctore Cassiodoro, & Obsequente. Capitolinis autem tabulis, Q. Opimium L. Postumium Albinum. Q. Opimij cos. mentio fit à Cicerone in Bruto, & in epitoma *XLVI*. L. Postumium in magistratu mortuum, præterquam quod scriptum est in Capitolinis consulatibus, inuenio etiam scriptum apud Obsequentem his uerbis: Postumius consul in prouinciam proficiscens, cum immolaret, in plurimis uictimis caput in iocinore non inuenit, profectusq; post diem septimum æger Romam relatus expirauit. In eius locum suffectum esse M'. Acilium Glabrimonem docent Capitolini auctores, præterea nemo.

De censoribus, et lustro LV.

I N hunc annum censores produnt Capitolini scriptores M. Valerium Messallam, C. Cassiū Longinum, eosq; lustrum *LV* tradunt fecisse. De quibus censoribus ita Valerius capite de institutis: Theatra à Messalla, & Cassio censoribus excogitata sunt. & Augustinus de ciuitate Dei lib. *I*: Censores Messalla, & Cassius theatrum faciendum locauerant, in quo populus Ro. sedens spectaret ludos. & Orosius: Eodem tempore censores theatrum lapideum in urbe construere cœperunt. & epitoma *XLVI*: Cum locatum à censoribus theatrum extrueretur, P. Nasica auctore tanquam inutile, & nociturum publicis moribus, ex S. C. destructum est. populusq; aliquandiu stans ludos spectauit. Et Appianus lib. primo: Theatrum, quod L. Cassius cœperat, ac fere absoluerat, consul Scipio euertit. & Velleius lib. priore: Cassius censor, à Lupercali in Palatium uersus theatrum facere instituit, cui in moliendo eximia ciuitatis seueritas, & consul Scipio resistere. Miror autem cur consulem Scipionem appellent, cum non in consulatu, sed post consulatum annos quinq; restiterit, quemadmodum ex epitoma intelligi potest. Lustrum sequenti anno conditū esse intelligi potest ex epitoma *XLVI*. eo censa sunt ciuiū capita *CCXXXII* millia. M. Lepidus sextis censoribus princeps senatus lectus. Plinius lib. *XVI*: Tempestatibus prostrata eodem loco ficus enata est M. Messallæ, C. Cassij censorum lustro.

De triumpho Q. Opimij cos. de Liguribus.

Q. OPIMIUM consulem de Liguribus triumphasse suspicor ex his epitomæ *XLVI* uerbis:
u
Q. Opimius

Commentarius in fastos

Q. Opimius cos. transalpinos Ligures, qui Massyliensium oppida Antipolim, & Nicæam uastabant, subegit. Probatur autem mihi eum triumphasse, uel quia multi de Liguribus acti sunt triumpho, uel quia in epitomis hoc uerbum, Subigi, fere non nisi de ijs, qui triumpharint, usurpari obseruauimus, uel denique quia Ligures hac uictoria domiti in posterum uidentur quieuisse.

DE COS. AN. DC.

CONSULES subsequuti sunt **Q.** Fuluius, **T.** Anniius, auctore Cassiodoro. In fragmentis Capitolinis est, **NOBILIOR**, & **T. ANNIVS**. His de consulibus sic Cicero in Bruto: **Q.** Nobiliorem **M. F.** iam patrio instituto deditum studio literarum, qui etiam **Q.** Ennium, qui cum patre eius in Aetolia militauerat, ciuitate donauit, cum triumuir coloniam deduxisset. etiam **T.** Annium Lusum huius **Q.** Fuluii collegam non indifertum fuisse. Liuius etiam **T.** Annium Lusum legatum commemorat anno **DLXXXI**.

De bello Celtiberico.

CELTIBERI à **Ti.** Graccho prætore uicti anno **DLXXV**, in pace manserunt annos **XXV**. hoc autem tempore bellum renouarunt, cum Segida Areuaccum (ut ait Strabo) oppidum, muros urbis extruxisset, ac tributa pendere Romanis recusasset, contra quam legibus pacis à Graccho latis cautum fuisset. Itaque cum eadem causa ad bellum alios etiam populos accendisset, uisum est consulari duce, & exercitu rem gerendam esse. **Q.** Fuluius Nobilior consul missus bis parum feliciter pugnauit. auctor Appianus in Iberica. Hoc anno consules **K. Ian.** inire cœperunt, cum à **DLXXXI** ad hunc usque annum **Idib. Martij** inissent. hoc scriptum est apud Cassiodorum, ita: **Q.** Fuluius, **T.** Anniius consules primi **K. Ian.** propter subitum Celtiberiæ motum inierunt. & in epitoma **XLVII**: Consules anno quingentesimo nonagesimo **VII** ab urbe condita magistratum peractis comitijs, insequentisque anni consulibus creatis inire cœperunt. mutandi comitia causa fuit, quod Hispani rebellabant. Hic dies deinde solennis consulatui ineundo restitutus in perpetuum mansit. Hoc autem bellum per annos **XX** gestum Numantiæ excidio finitum esse tradit Strabo lib. **III**. Cuius belli duces consules omnes fuerunt: **Q.** Fuluius Nobilior, **M.** Marcellus **III**, **L.** Licinius Lucullus, & post aliquot annos **Q.** Metellus, **Q.** Pompeius, **M.** Popilius Lænas, **C.** Hostilius Mancinus, **M.** Aemilius Lepidus, **C.** Calpurnius Piso, **P.** Africanus Aemilianus **II**. de quo bello loquitur Cicero in primo lib. de officijs: Cum Celtiberis, inquit, bellum, ut cum inimicis gerebatur, uter esset, non uter imperaret.

De triumpho **L. Mummi** prætoris, & bello Lusitanico.

QVO anno Celtiberi subacti sunt à **Ti.** Graccho prætore, eodem etiam Lusitani uicti à **L.** Albino prætore. Neque uero post quieuisse Lusitani uidentur. siquidem in Epitoma **XLVI** scriptum est, cum Lusitanis uario euentu bellatum. & in **XLVII**, in Hispania à compluribus ducibus parum prospere dimicatum. & apud Obsequentem, **Q.** Opimio, **L.** Postumio cos. Romanos à Lusitanis grauiter per arma uexatos esse. Appianus etiam in Iberica Lusitanos, qui suis legibus uiuebant hoc tempore mouisse scribit, cumque Africano quodam duce socios populi Romani inuasissent, Manilium, & Calpurnium Pisonem Romanorum duces fuisse. Mummius præterea successorem re præclare gesta triumphasse; Mummius deinceps **M.** Acilium, Acilio Ser. Galbam successisse. Quæ cum ita sint, cum Ser. Galba (ut post ostendam) **L.** Lucullo consule prætor fuerit, profecto Acilius Marcello, Mummius Nobiliore, Piso Opimio, Manilius Nasica consulibus prætores cum Lusitanis bellum gesserunt. ut autem Celtibericum bellum Numantia auxit, sic Lusitanicum Viriathus, unde Viriathinum bellum post appellatum. quod bellum primum per prætores, post autem per consules administratum est. Prætores hi commemorantur.

M. Manilius, qui post cos. fuit anno **DCIII**.

L. Calpurnius Piso, qui post cos. fuit an. **DCV**.

L. Mummius, qui post cos. fuit an. **DCVII**.

M. Acilius Balbus, qui post cos. fuit an. **DCIII**.

Ser. Sulpicius Galba, qui post cos. fuit an. **DCIX**.

C. Vetilius.

C. Plautius.

Claudius Vnimanus.

C. Nigi-

C. Nigidius.

C. Lælius.

Consules deinde missi.

Q. Fabius Aemilianus.

▪ Quinctius prætor.

Q. Fabius Seruilianus

Q. Seruilius Cæpio, qui Viriatum interfecit.

L. Mummius meminit etiam Eutropius ita: L. Mummius in Hispania bene pugnavit. quem locum Pænius græcus Eutropii interpres uertens ait, πρὸς Λυσιτανούς .i. aduersus Lusitanos.

DE COS. AN. DCI.

Hic annus consules habuit M. Marcellum, L. Valerium Cassiodoro teste. M. Claudium Marcellum, L. Valerium Flaccum, Obsequente. Hic Marcellus ter, ut dixi, consul fuit. auctor Pædianus in or. pro Scauro, Cicero de diuin. & de fato. L. Valerium Flaccum in magistratu mortuum inuenio scriptum duntaxat in Capitolinis tabulis, in quibus Marcellus etiam III consul notatur. His cos. turbinis ui in campo columna ante ædem Iouis decussa cum signo aurato. cumq; aruspices respondissent, magistratum, & sacerdotum interitum fore, omnes magistratus se protinus abdicauerunt. Obsequens.

De re in Hispanijs gesta.

Hoc anno ulterior Hispania M'. Acilio prætori prouincia obtigit, citerior M. Marcello consuli. siquidem ille Mummius, hic Fuluius successisse ab Appiano traditur. Obsequens in Lusitania his consulibus uarie pugnatum scribit. recte: Appianus enim M'. Acilium rem aduersus Lusitanos bene gessisse ait, uerum, ubi in hyberna exercitum reduxerit, omnes rebellasse, ac Romanorum socios inuasisse. M. Claudius cos. ut prospere pugnauerit in Celtiberia, in triumpho eius exponam.

DE COS. AN. DCII.

L. LVCVLLVM, A. Postumium cos. subdit Cassiodorus. L. Licinium Lucullum, A. Postumium Albinum cum epitoma XLV III Orosius. Eorundem sic meminit in Bruto Cicero: A. Albinus, is qui græce scripsit historiam, qui consul cum L. Lucullo fuit, & literatus, & disertus fuit. & in Lucullo: A. Albinus, qui cum auo tuo Luculle consul fuit. Auum autem appellat L. Luculli eius, qui cum Mithridate bellum gessit. quod etiam tradit Plutarchus in Lucullo.

De re gesta in Celtiberia, & Lusitania. & triumpho III M. Claudij Marcelli cos. III.

M. CLAVDIVS Marcellus cos. auctore, ut dixi, Appiano bellum in Celtiberia post Q. Nobiliorem excepit. Eundem consulem in Hispania rem prospere gessisse auctor est Eutropius. omnes Celtiberiæ populos pacasse epitoma XLV III. tributum ex Celtiberia DC talentum exegisse, Cordubam oppidum condidisse Strabo lib. III. Appianus item multa oppida Celtiberum Marcellum in ditionem redegisse scribit. Nergobrigas pacem petentes ad senatum reiecisse, senatum Lucullum consulem in Hispaniam misisse. Marcellum circumfessa Numantia rem ante Luculli aduentum composuisse, atque huic bello finem fecisse. Quibus ex rebus intelligi potest Marcellum etiam in consulatu Luculli pro cos. rem gessisse. an uero triumphauerit, parum exploratum est. mihi quidem res triumpho dignas gessisse uidetur, cum bellum confecisset ante successoris aduentum tradatur. Derebus autem à L. Lucullo consule gestis sic scriptum inuenio in epitoma XLV III: L. Licinius Lucullus, A. Postumius Albinus consules, cum delectum seuerer agerent, nec quenquam gratia dimitterent, à tribunis pl. qui pro amicis suis uacationem impetrare non potuerunt, in carcerem coniecti sunt. Hispaniente bellum cum parum prospere aliquoties gestum ita confudisset ciuitatem Romanam, ut ne ij quidem inuenirentur, qui aut tributum exciperent, aut legati ire uellent, P. Cornelius Aemilianus processit, & excepturum se militiæ genus, quodcunque imperatum esset, professus est. quo exemplo ad militandi studium omnes incitauit. L. Lucullus consul, cum M. Claudius Marcellus, cui successerat, pacasse omnes Celtiberiæ populos uideretur, Vaccæos, Cantabros, & alias adhuc incognitas nationes subegit.

Commentarius in fastos

Ibi P. Scipio Aemilianus L. Paulli F. Africani nepos, sed adoptiuus prouocatore barbarum tribunus militum occidit, & in expugnatione Intercatiæ urbis maius etiam periculum adiit. nam murum primum omnium transcendit. Appianus item hoc primum anno milites sorte lectos scribit, P. Scipionem ultro se ad militare munus suscipiendum, quodcunque delatum esset, obtulisse; Lucullum Vaccæos sine S. C. insontes adortum Cauceam oppidum contra fidem datam expugnasse, Intercatiam in fidem recepiſſe, Pallantiæ obſidione dimiſſa in Turdetaniam hybernorum cauſſa ſe recepiſſe, ſine autem Vaccæorum bello impoſito Luſitanos, qui finitima loca populati erant, ad mille quingentos cæcidiffe; Luſitaniæ partem ipſum, alteram Galbam prætorẽ diripiſſe; eoſdem pacem petentes contra fidem interpoſitam, paucis, ex quibus Viriathus fuit, elapſis, interfectos; ipſum, quod ſine S. C. bellum Vaccæis intuliſſet, die dicta abſolutum.

De Scipione ad Intercatiam à barbaro prouocato ſcriptum eſt etiam apud Appianum, & eum qui de uiris illuſtribus tradidit. eundem à Lucullo in Numidiam ad elephantos à Maſſaniſa petendos miſſum tradit Appianus in Libyca.

Quo autem anno L. Lucullus conſul Vaccæis ſubactis Luſitaniæ partem uſtabat, eodem alteram partem, ut dixi, populatus eſt Ser. Sulpicius Galba prætor. ita ut ſcelus Luſitanorum contra fidem interfectorum ab alijs non Lucullo, ſed Galbæ tribuatur. ſic enim Suetonius in Galba: Familiam illuſtrauit Ser. Galba conſularis temporũ ſuorum eloquentiſſimus, quem tradunt Hiſpaniam ex prætura obtinentem xxx Luſitanorum milibus perfidia trucidatis Viriathini belli cauſſam extitiſſe. & Valerius cap. de perfidia: Ser. Galba trium Luſitaniæ ciuitatum conuocato populo, tanquam de commodis eius acturus, nouem milia, in quibus ſlos iuuentutis conſiſtebat, electa, & armis exuta partim trucidauit, partim uendit. itaque biennio poſt rogatio lata à L. Scribonio trib. pl. vt Luſitani, qui in fidem populi Ro. dediti à Ser. Galba in Gallia ueniſſent, in libertatem reſtituerentur. cui Galba ipſe reſpondit, ſe Luſitanos prope ſe caſtra habentes cæcidiffe, quod compertum haberet, equo, atque hominẽ ſuo ritu immolatis, per ſpeciem pacis adoriri ſuum exercitum in animo habuiſſe. Eundem Galbam ante fuſum à Luſitanis fuiſſe tradit Appianus, & Oroſius, ita: Ser. Galba prætor à Luſitanis magno prælio uictus eſt, uniuerſoq; exercitu amiſſo ipſe cum paucis uix elapſus effugit. & in epit. **XLVIIII**: Ser. Sulpicius Galba prætor male aduerſus Luſitanos pugnauit.

DE COS. AN. DCIII.

C O N S V L E S hic annus habuit L. Quinctium, M'. Acilium, auctore Caſſiodoro. quos Plinius lib. **VII**, cap. **xxxvi**, C. Quinctium, M'. Acilium uocat. Cicero libro **XIII** episto-larum ad Atticum Quinctium, & Manium, in Catone T. Flaminium, M'. Acilium, eoſq; undeigeſimo poſt Ennij mortem anno ait factos. Capitolina fragmenta = **FLAMINIVM. M'. ACILIVM BALBVM**. Hunc T. Quinctij Flaminini, qui Philippum deuicit, filium eſſe opinor. Victoria L. Luculli conſulis Celtiberi, ac Vaccæi, perfidia Ser. Galbæ prætoris Luſitani hoc anno, atque etiã ſequentibus quicuiſſe uidentur. quando autẽ rebellauerint, poſt indicabo.

DE COS. AN. DCIIII.

I N hunc annum conſules proſitetur Caſſiodorus L. Marcium, M'. Manilium, itemq; epitoma **XLIX**. Cenſorini etiam, & M'. Manilij Cicero in Lucullo meminit. Cenſorini, & Manilij lib. **XII** ad Atticum. M'. Manilij in ſexto de rep. Eoſdem nominat Appianus in Libyca L. Marcium Cenſorinum, M'. Manilium, itemq; Cenſorinus de die natali. in fragmentis demum Capitoliniſ eſt = **CENSORINVS. M'. MANILIVS**. Vtrique Africa prouincia decreta eſt. His cos. Pruſias rex Bithyniæ à Nicomede filio adiuuante Attalo rege Pergami occiſus eſt. Cum legatos ad pacem faciendam inter Nicomedem, & patrem Pruſiam Romani miſiſſent, & vnus ex ijs caput multis cicatricibus fartum haberet, alter pedibus æger eſſet, tertius ingenio ſocors haberetur, Cato dixit, eam legationẽ nec caput, nec pedes, nec cor habere. Appianus, Epitoma **L**.

De bello ſecundo Punico.

I S D E M conſulibus bellum tertium non ſolum Pœnis indi-ctum, ſed etiam initum eſt. quod poſt intra quadriennium Carthaginiſ ipſius eſt excidio terminatum. de quo bello indicẽdo ſepius ante etiam à Romanis agitatum fuerat. Nam cum Q. Fuluius, T. Annio, ut opinor, conſulibus legati Carthaginem ad diſceptandum de agro inter Maſſaniſam, & Carthaginienſes controuerſo miſſi, inter quos fuit etiam M. Cato, Carthagine uim ingentem naualis materiæ ſe deprehendiſſe renunciaſſent,

renunciassent, uniuersum senatum ualde commouerunt. Itaque sequenti, ut puto, anno Marcello, & Flacco consulibus, cum in finibus Carthaginiensium maximus Numidarum exercitus, Archobarzane duce Syphacis nepote, diceretur esse, M. Cato suavit, ut Carthaginiensibus, qui exercitum specie contra Massanisam regem, sed reuera contra Romanos accitum in finibus haberent, bellum indiceretur. contra dicente P. Cornelio Nasica eo, qui à senatu uir optimus iudicatus fuerat, placuit legatos mitti Carthaginem, qui specularentur, quid agerent, castigato senatu Carthaginiensium, quòd contra fœdus exercitum, & nauales materias haberent, pacem inter eos, & Massanisam facere uoluerunt, Massanisa agro, de quo lis erat, cedente. sed Gilgo Amilcaris filius, homo seditiosus, qui tunc in magistratu erat, cum senatus pariturum se iudicio legatorum dixisset, ita, bellum aduersus Romanos suadendo, concitauit, ut legatos, quo minus uiolarentur, fuga explicuerit. id nuntiantes infestum iam senatum Carthaginiensibus infestiores fecerunt. Lucullo autem, & Albino consulibus, Gulussa Massanisæ filius denunciauit Carthaginem delectus agi, classem comparari, & haud dubium bellum strui. cum Cato suaderet, ut ijs bellum indiceretur, Nasica dicente, nihil temere faciundum, placuit decem mitti legatos exploratū. Acilio autem, & Quintio consulibus, cum legati ex Africa cum Carthaginiensium oratoribus, & Gulussa rediissent, dicerentq; se & exercitum, & classem Carthaginem deprehendisse, perrogari sententias placuit. Catone, & alijs principibus senatus suadentibus, ut in Africam confestim transportaretur exercitus, quòd Nasica dicebat, non dum iustam sibi causam bellandi uideri, placuit, ut bello abstinerent, si Carthaginienses classem exulsissent, & exercitum dimisissent. si minus: proximi consules de bello Punico referrent. Quo factum est, ut Cato sic loquatur apud Ciceronem illo anno: Ego senatui quæ sunt gerenda præscribo, & quo modo Carthagini male iandiu cogitanti bellum inferatur, multo ante denuncio. Marcio autem, & Manilio consulibus inter Catonem, & Nasicam uarijs certatum est sententijs. Catone suadente bellum, & ut tolleretur Carthago, Nasica dissuadente, placuit tamen, & quòd contra fœdus naues haberent, & extra fines exercitū eduxissent, quodq; socio Massanisæ arma intulissent, & quòd filium eius Gulussam, qui cum legatis Romanis erat, in oppidum non recepissent, bellum ijs indici. Consulibus ambobus Africa prouincia decreta, & ut bellum cum Carthaginiensibus gererent, atque Carthaginem excinderent, quorum Manilius pedestribus copijs, Censorinus classi præfectus est. Prius quàm ullæ copiæ in naues imponerentur, Uticenses legati Romam uenerunt, se, suaq; omnia dedentes. ea legatio uelut maximum belli omen grata patribus, acerba Carthaginiensibus fuit. legati triginta Romam uenerunt, per quos Carthaginienses se dedebant. Catonis sententia peruenit, ut decreto perstaretur, & ut consules quàm primum proficiscerentur ad bellum: qui ubi in Africam traiecerunt, Carthaginiensibus euocatis primum arma tradere, classemq; comburere, mox eos iussa diligentissime facientes procul à mari passuum x millibus considere urbe relicta iubent. Iis imperatis, quippe quæ crudelissima essent, Carthaginienses incensi, cum omnino aut urbem defendere, aut una cum ea pugnando cadere statuissent, apparantur ad bellum. Itaque protinus & Asdrubalem toti bello, imperioq; præficiunt, & non ferrea solum, & ænea arma, sed etiam ea deficiente materia aurea, atque argentea faciunt. Cum ergo Carthaginiensium hoc loco res essent, magnaq; in ipsa urbe trepidatio uersaretur, tum consules urbem ipsam, quòd infirmis adhuc Pœnorum opibus ea se facilius potituros esse sperarent, omni conatu extemplo oppugnare aggressi sunt. uerum cum re sæpius tentata nihil adhuc efficere potuissent, tandem commodissimum rati futurum, si per quandam murorum partem, quæ paulo ante deiecta non dum probe fuerat restituta, inuaderent, ea omnino ex improviso irrumperere constituerant. at uero P. Scipio Aemilianus, qui tribunus militum M. Manilio ad quartam legionem uenerat, cum Pœnos cognito consulum consilio suos ita disposuisse audisset, ut alij armati Romanorum impetum sustinerent, alij inermes ligna, & lapides in eos ingredienti ex loco superiore conijcerent, maximum, quod Romanis militibus imminere periculum providebat, sibi esse propullandum censuit. Itaque cū cohortes suas in plures partes distribuisset, easq; non procul à muris ex interuallo constituisset, datis mandatis effecit, ut non eos solum, qui in urbem irrumperere, sed illos etiam, qui laceissentibus instare hostibus cuperent, à certamine cohiberent. in epitoma Liuiana scriptum inuenio, hanc consilij temeritatem non consulibus tribui, sed duobus tribunis, qui cum neglectos ab una parte muros cum cohortibus inuassent, & ab hostibus grauius cederentur, à Scipione esse potissimum conseruatos. ab eodemq; castellum Romanorum, quod nocte oppugnabatur, paucis equitibus adiuuantibus liberatum. Adhæc uero cum Censorini discessu, qui Romam comitiorum causa decesserat, maioribus animis Pœni sumptis summa uix ex urbe silentio noctis egressi castra Romanorum infesta redderent, Scipio è portis castrorum egressus ijs, quæ longius à prælio aberant, cum impetum in Carthaginienses fecisset, eos tum repentina eruptione adeo exterruit, ut extemplo castra Romanorum reliquerint, & intra mœnia se receperint.

Commentarius in fastos

perint. Paucis etiam post diebus cum Carthaginienses Romanorum nauium præsidium inuasissent, simulq; ciues in urbe ad arma conclamauissent, Scipio, Manilio se, quòd clamoris causam ignoraret, castris tenente, magno animo trepidantes cohortes suas educit, tum quosdam eum accensis præire facibus iubet, non ut per noctem acie dimicaret, sed ut illis tumultuosius omnia per uagantibus maioris speciem multitudinis offerret, atque terrorem hostibus incuteret. quo factò hostes perterriti statim nauium expugnatione omissa in urbem refugerunt. Interea Manilius castra contra Asdrubalem mouere cum statuisset (is tum ad Nephirim urbem cum exercitu erat) perægre id Scipio patiebatur. uidebat enim imperatori per angusta, ac difficilia quædam loca exercitum esse ducendum. cum autem promotis copijs ad ipsa Asdrubalis castra per tria fere stadia peruenissent, ac flumen quoddam traijciendum esset, de receptu suorum cogitans se anxio esse animo dixit, ea uero res sollicitum Scipionem habebat, quòd alio tempore, atque alio ordine in Asdrubalem mouendum fuisse censebat. tribunis autem reliquis repugnantibus, minimeq; uicino iam hosti cedendum arbitrantibus, ne, si pedem referrent, ab hostibus quasi metu fugientes à tergo inuaderentur; monuit consulem Scipio, ut se saltem ante fluuium ualli præsidio communiret, quo se, si forte pelleretur, recipere statim, ac sine periculo posset. quod consilium ita ab illis irrisum est, ut quidam etiam ex ijs gladium se abiecturum esse diceret, si Scipio, non Manilius imperaret. eorum ergo auctoritatem sequutus Manilius fluuium traijcere statuit. quo factò repente cum occurrente sibi Asdrubale ad manus uenit. Asdrubal autem, postquam uario utrinque prælio dimicatum est, suas in castra copias, ubi à Romanis legionibus nihil accipere detrimenti poterat, sibi reduendas, nullamq; Romanis copiam dandam esse pugnae putauit, ratus, id quod res monebat, Romanos inopia commeatus ex ijs locis mouere se coactos sibi in ipso flumine traijciendo occasionem ad eos adoriendos uel maximam duros. itaque obseruato diligenter eo tempore, quo ipsi pedem referentes in ipso tranando flumine impediti essent, atque ordines propter angustias uadum interrupissent, eductis copijs undiq; in eos incautos inuadit, eosdemq; secum dimicare uel iniquissimo loco compellit. Scipio autem cum rem Romanam summum in discrimen adductam uideret, haud sibi moram interponendam ad suos quoquo modo posset subleuandos ratus, satis ut in re trepida potuit, salutare consilium cepit. ad trecentos equites, quos secum habebat, alijs, quos maxime potuit, conuocatis, omnes in duas partes distribuit. mandauitq;, ut alij iacula, sagittasq; in hostes conijcerent, alij interim ijs, qui defessi iaculando essent, recentes, integriq; succederent. atque ita orbe quasi quodam mutua pugnantium commutatione prælio certaretur. ipse ad omnes partes adequitans omnem pugnam fortitudine, atque consilio sustinebat. cum iussa diligentissime, fortissimeq; ab omnibus fierent, grauiusq; premi iam Asdrubal uideretur, eos, qui flumē transibant, relinquere coactus, se totū in Scipionem conuertit. Ita illis fluminis commode traijciendi spatium datum est. Scipio post se fortissime ab Asdrubalis impetu liberauit. in ea pugna multi Romani desiderati sunt. inter quos tres potissimum tribuni ex ijs, quibus prælium maxime committi placuerat, ceciderunt. Interea Romanis, postquam in castra peruentum est, cohortes octo (alij alium numerum ediderunt) quæ se à flumine prælij eius initio in editum collem quendam subduxerant, ab Asdrubale obsideri, magnoq; in periculo positas esse renunciatum est. omnibus eo nuncio grauisime perturbatis, cū quidnam opus factò esset, consultaretur, ceteri quidem deferendos eos, nec paucorum conseruandorum gratia plurimos tantis periculis obijciendos censebant, at Scipio monens in suscipiendis rebus prudentia, in adeundis periculis animi magnitudine opus esse, se quidem nunquam passurum esse dixit, uiros sortes subsidij inopia in manus hostium peruenire, sed semetipsum ad eos eximendos obsidione, si posset, aduolaturum. quare paucis equitibus delectis, & commeatu paucorum dierum sumpto, pollicitus se aut uictorem in castra reuersurum, aut pugnando una cum ceteris periturum, ad hostes contendit. cum autem ad collem eum, in quo cohortes obsidebantur, peruenisset, cliui summa contento cursu superat, sic, ut tantummodo uallis inter se, & hostes intercederet. inde omnia contemplatus, in Pœnos, qui iam acius Romanos obsidione urgebant, diuersis è partibus impetum facit. Ii cum se repente undiq; circumuentos uiderent, fuga salutem petere contenderunt. eos fugientes Scipio suos longius persequi uetuit, & quòd se equitum numero inferiorem esse non ignorabat, & quòd satis sibi hoc esse putabat, suos se è maximis obsidionis periculis contra spem omnium facile eripuisse. Angebat interim ea cura plerosq;, quòd occisorum tribunorum corpora sine sepultura iacerent, eiusq; rei procuratio requiri à Scipione tacitis fere uocibus omnium uidebatur. id quod faciens Scipio, quendam dimitti ex captiuis Carthaginiensium iussit, eumq; ad Asdrubalem proficisci, præcipiens, ut uerbis ab eo suis sepulturam cadaueribus peteret. Asdrubal autem, siue quod hoc humanitatis esse censeret, siue quòd iam tum Scipionem metuens ei obsequi potissimum cuperet, corpora tribunorum ex annulis aureis, cum ceteri ferreo uterentur, scrutatus,

tus, diligentissime sepellienda curauit. His de causis Manilius, ac tribuni, & uniuersus denique exercitus, cum legati adessent ad res Africę inuifendas à senatu missi, ea de Scipionis fortitudine retulerunt, ut incredibile uideretur, uirtutem cuiusquam aut maioribus, aut grauioribus posse laudibus celebrari. quę eadem cum legatorum oratione Romę in senatu exponerentur, non illum ordinem solum magna spe, ac uoluptate complerunt, sed plebem etiam ei ita conciliarunt, ut is proximis comitijs consul à compluribus tribubus diceretur. Hęc ex Appiani Libyca historia, epitomis, Orosio, Eutropio, Strabone, alijs.

DE COS. AN. DCV.

DEINCEPS consules creati sunt Sp. Postumius, & L. Piso, Cassiodoro, & Obsequente auctoribus. In fragmentis Capitolinis est, *ALBINVS MAGNVS. L. CALPURNIVS CAESONINVS.* in libro Cuspiniani, *MAGNVS, & CAESONINVS.* sunt autem illa Postumij, hoc Calpurnij cognomina. Sp. Postumij filiū esse arbitror cōsulis an. *DLXXXIX*, quorum ille Paullulus, hic Magnus appellatus est. Hoc annō ex tribus legatis, qui ad Massanisam missi fuerant, M. Marcellus, qui ter consul, coorta tempestate fluctibus obrutus est. epitoma *L. Pædianus.*

De rebus in Africa gestis.

M'. MANILIO in Africam prorogatum in hunc annum imperium puto. L. certe Piso consul Africam obtinuit. Vtranque rem auctoritate ueterum annalium confirmabo. primum de Manilio sic est scriptum apud Valerium lib. v: Massanisa in lectulo cum iam ætate deficiente laberetur, M'. Manilium, qui pro consule Africam obtinebat, literis obsecrauit, ut ad se Scipionem Aemilianum sub eo tunc militantem mitteret, feliciorem mortem suam futuram ratus, si in complexu dextrę eius supremum spiritum, ac mandata posuisset, ut regnum filijs suis diuideret. In epitoma autem *XLIX* ita est: Massanisa Numidię rex decessit. inter tres filios eius P. Scipio, cum commune eis pater regnum reliquisset, & diuidere eos arbitro Scipione iussisset, administrationem regni diuisit. item: Phamea Imilconi præfecto equitum Carthaginiensium persuasit, ut cum equitatu suo ad Romanos transfiret. cum autem ædilitatem peteret, consul à populo dictus, quoniam per annos consulem fieri non licebat, legibus solutus, consul creatus est. M'. Manilius nonnullas urbes circumpositas Carthagini expugnauit. & apud Orosium: Scipio Massanisa mortuo inter filios eius regnum diuisit. eo Carthaginem reuerso Manilius Tezagam urbem expugnauit. *XLIX* millia Afrorum cæsa, sex millia capta sunt. Appianus: Manilius audiens Pisonem sibi successorem uenire, Scipionem cum Phamea Romam dimisit. Piso cum in Africam peruenisset, atque L. Mancinum classis præfectum secum haberet, neque Carthaginem, neque Asdrubalem adortus est. uerum cum ad singulas urbes arma circūtulisset, frustra consumpta estate Vticam in hiberna concessit. Pœni interea auxilijs undique accersitis animos ad bellum uehementius intenderunt, atque Andrisum, qui in Macedonia bellum aduersus populum Romanum gerebat, incitarunt.

De bello III Macedonico cum Andrisco.

CETERVM L. Lucullo A. Postumio, ut opinor, consulibus, Andrisco qui Philippi nomine sumpto se Persei regis Macedonia filium ingenti asseueratione mentiretur à Demetrio Syrię rege ob generis mendacium Romam missus, cum L. Marcio, M'. Manilio consulib. ab urbe Roma clam profugisset, multis ad falsam eius fabulam, uelut ad ueram coeuntibus, contracto exercitu, totam Macedoniam aut uoluntate incolentium, aut armis occupauit. Thessalia, cum et illam inuadere armis, atque occupare uellet, per Romanos legatos auxilijs Achæorum defensa est. Pseudophilippus in Macedonia M. Iuuentium prætorem cum exercitu cæcidit. Hęc ex epitomis. Itaque de eadem re sic scribit Eutropius: Interim in Macedonia quidam Pseudophilippus arma mouit, & Romanum prætorem Iuuentium contra se missum ad internecionem uicit. & Appianus in Libyca duces contra Persei filium in Macedoniam missos scribit Manilio, & Marcio consulibus. L. autem Calpurnio, & Sp. Postumio eum à Q. Metello prætore deletum notat Obsequens. id quod in epitoma *XLIX* his uerbis traditur: Pseudophilippus à Q. Cæcilio uictus, captusque est recepta Macedonia. & in libro de uiris illustribus ita: Q. Cæcilius Metellus prætor Andrisum, qui Pseudophilippus dictus est, uicit, unde Macedonicus dictus est. & apud Velleium lib. i: Q. Metellus prætor, cui ex uirtute Macedonici cognomen inditum, præclara uictoria Pseudophilippum

Commentarius in fastos

dophilippum; qui Macedoniam occupauerat, gentemq; superauit. & apud Eutropium: Post Iuentium Q. Metellus dux à Romanis contra Pseudophilippum missus est, & xxv millibus ex militibus eius occisis Macedoniam recepit, ipsum etiam Pseudophilippum in potestatem suam redegit. idem Florus. Hæc fere de tanto bello repperi. reliqua enim inimica uetustas obliuione, ut uideo, in perpetuum non dico obscurauit, sed penitus etiam obruit.

DE COS. AN. DCVI.

POPVLVS Romanus cum superiorum imperatorum ignauia bellum Punicum longius trahi, iamq; Pœnos ex aduersis eorū prælijs receptis animis se ad bellum acrius instruxisse animaduertet, omnem in unum Scipionem cogitationem suam conuerterat. Ita cum res reminisceretur eas, quas ille legatus in Hispania primum, deinde tribunus in Africa administrasset, easq; cum præsentibus aliorum rebus compararet, in spem maximam ueniebat, posse se bellum illud facile per Scipionem conficere. Quare cum Scipio nullum adhuc in urbe magistratum cepisset, ædilitatem autem curulem petiturus in campum descendisset, populus eum non ædilem, sed consulem creare uoluit. cui cum patres aduersarentur, legemq; proferentes eam, qua certi cuique ad singulos magistratus capiendos anni sunt constituti, longius eum à consulari abesse ætate ostenderent, tum populus rogare, instare, demum etiam clamare cœpit, & ex Romuli, & Tullij legibus penes se comitorum esse ius dicere, ita ut cui uellet, mandare, cui noller, abrogare magistratū suo iure. posset. quibus rationibus uictus senatus tribunis pl. permisit, ut rogationem ad populum ferrent, qua Scipioni petendi ante tempus consulatus potestas fieret. qua lata Scipio uniuersi populi consensu consul declaratus est. collega ei additus est C. Liuius Drusus. Hæc fere Appianus, Epitomæ, Velleius, Plutarchus, & Valerius lib. v. 111. Apud Cassiodorum etiam, & Obsequentem consules subsequuntur P. Africanus, & C. Liuius. in Capitolinis autem fragmentis

AFRICANVS AEMILIANVS. C. LIVIVS M. F. DRVSVS. Hic Scipio Pauli Aemilij filius fuit, adoptatus à P. Cornelio Scipione Africani filio, vnde ipse Africanus minor, & Aemilianus appellatus est. auctor Velleius, epitomæ, alij.

De re gestâ in Africa.

CONSULES inito magistratu cum de prouincijs rettulissent, Drusus Scipionem post se debere sortiri prouinciam contendebat; populus autem reclamans, & mandandarum etiam prouinciarum ius suum esse dicens, Scipioni Africam, ac totum bellum sine forte commisit. atque exercitum ei tantum, quantus ante superiores clades fuerat, habendi, itemq; à socijs, & à regibus, & à ciuitatibus, quot uellet, & quos ipse probaret, educendi facultatem dedit. Ille autem omnibus rebus ex sententia comparatis, quas ad bellum necessarias esse putauit, magna spe ciuium in Africam proficiscens Vticani primum aduehitur. Tum Piso educto iam ex hibernis exercitu Carthaginis partem eam, quæ continentem spectat, oppugnabat. Mancinus autem ex altera parte murorum partem alteram, quæ neglecta uidebatur, adortus, quod rupes asperæ, & inuiæ undique essent, scalis clam apposis, militibus egregie laborantibus urbem ingredi conabatur, iamque perterritos Pœnos insequens portam urbis intrauerat, cum imminente nocte, ad quam pugna perducta erat, rerum necessariorum inopiam, imminensq; periculum contemplatus nuncios statim ad principes Vticensium mittit, qui eos, quanto ipse in periculo sit, quantaq; commeatum penuria conflictetur, edoceant, eosq; è vestigio, ut sibi subsidio sint, rogent. Hæc Scipioni cum forte uespere Vticam accessisset, tertia fere vigilia nunciata sunt. quibus cognitis milites tuba confestim uocari, ab adolescentibus Vticensium, qui per ætatem poterant, commeatum ad naues comportari iubet. post captiuos quibusdam dimissis eos Carthaginensibus nuntiare iubet, mox affore Scipionem. inde equitibus alijs super alios missis, qui Pisonem ad opem Mancino ferendam excirent, atque militibus interea postrema uigilia in naues impositis Vtica soluit, ijs admonitis, ut cum hostibus appropinquassent, erecti super stramenta, in illos ora conuerterent. His rebus ita à Scipione pro tempore raptim instructis, Mancinus prima luce Carthaginensibus ex omni parte urgentibus quingentos, quos solos in armis habuit, duobus hostium millibus à fronte opposuit, iamq; uulnere accepto à muris pulsus profligari uidebatur, cum subito Scipionis naues armatorum manu refertæ, magnoq; cursu in Pœnos contententes in alto apparuere. quibus conspectis Carthaginenses, qui à captiuo Scipionem suis subsidio uenire didicerant, statim sublitere. Illis cedentibus Scipio Mancini milites iam periculo proximos suis nauibus excipit, & Mancinum ipsum Romam, (nam alter in eius locum classi præpositus fuerat) è vesti-

gio

gio mittit. ipse non procul Carthagine castra ponit. Interea Pœni ex muris per stadia quinque progressi uallum iaciunt, in eoque spatio Asdrubalem, & Bythiam collocant. quorum uni sex millia peditum aderant, alteri equites mille satis ad dimicandum, si ita res postulasset, instructi. Scipio autem, cum exercitum à Pisone acceptum luxui, auaritiæ, ac desidii deditum accepisset, ante eum sibi emendandum constituit, quàm cum hostibus ad pugnam aliqua ratione descenderet. post autem insidijs per noctem positis Megara, qui locus est urbis amplissimus, cumq; mœnibus ipsis urbis coniunctus, aggredi statuit. ita præmissis aliquot è suis, qui ab vna parte hostes imparatos inuaderent, ipse cum alijs ab altera cum securibus, scalis, ac uectibus ad duo millia passuum silentio magno procedit. cum perceptis à Pœnis insidijs uox è muris edita esset, hostes adesse monentis, tum Scipio in primis, ac cum eo sui omnes clamorem sustulerunt. qui autem à contraria parte constiterat, uehementius extulere uocē, ita ut Pœni tot hostibus undique ac tam repente circumsistentibus magnopere terrerentur. sed res tamen Scipioni, licet tentaret omnia diligentius, prout ipse statuerat, non processit. erat tum sorte priuati cuiusdam turris extra muros urbis deserta, cuius fastigium altitudinis prope mœnia ipsa urbis æquabat, à quibus non longe aberat. hanc cum adolescens quidam audacter ascendisset, accitis propere alijs, ab ea ad muros urbis hastis, asseribusq; traiectis pontem facere instituerunt, per quem cum ad mœnia, inde ad Megara peruenissent, statim refractis portis Scipionem cum quatuor hominum millibus receperūt. hac re cognita adeo ingens intus luctus Carthaginienses excepit, ut urbs ab hostibus capta eodem uestigio uideretur. itaque tumultu facto, clamoreq; edito omnes se repente contulerunt in arcem tam ij, qui in urbe erant, quàm ij qui foris in uallo confederant. Scipio autem cum Megarorum campum angustum, atque arboribus obsitum, ac rubis, & uepribus impeditum conspiciatur, ueritus, ne insequenti exercitui difficile iter esset, aut in aliquas insidias ipse incideret, quibus erat ille maxime locus idoneus, gradum sibi referendum esse constituit. postridie eius diei Asdrubal Megara capta indigne ferens captiuos omnes Romanorum in muris statuit eo maxime in loco, quo à suis facile uideri possent, eosq; ibi crudeliter per contumeliam Romanorum uarijs generibus tormentorum excruciatos interfecit. Dum hæc agebantur, Scipio ratus Carthaginem nisi obsidione expugnari posse, eam, quoad potuit, circumuallare instituit. primum autem successu uallo, quod hostes in arcem confugientes deferuerant, Isthmum omnem complectens à mari usque ad mare per iactum teli fossa muniuit. idq; opus per tria millia passuum perduxit, cum continenter foderet, atque pugnaret. ea fossa perfecta alteram è regione continentem uersus eduxit, hisq; duas alias similes à lateribus addidit, ita ut quadratum opus effingeretur. has autem postremas sudibus præacutis, stipitibusq; transuersis muniuit, reliquas, ex quibus in urbem despectus esset, uallo firmauit, ac per tria millia passuum muro sepsit, cuius altitudo pedes duodenos supergressa est, profunditas dimidio amplior fuit. in medio turrim excitauit, & super ipsam quadratū è ligno propugnaculum statuit, ex quo procul quæ fierent in urbe prospiceret. quibus comparatis Scipio intra spatium illud copias deduxit, ita, ut uno tempore & castrametaretur, & hostes obsidens re omni frumentaria intercluderet, quæ à terra deferretur. atque hinc malorū omnium fons in Carthaginienses manauit. nam cum maxima ex agris in urbem multitudo se coniecisset, neque com meatus quicquam aut terra propter munitiones, aut mari propter classem Romanorū, supportaretur, res eos frumentaria deficere cœpit. quanquam Bythias præfectus equitum nouam quandam rationem excogitauit importandi frumenti. nam cum iam pridem ad com meatum deferendum missus, nec clam accedere, nec Scipionis uallum ui superare posset, illum lembis paruis imponi iubebat, qui secundi uim venti expectantes haud ita multo post in portum ferebantur; cum Romanorum triremes propter scopulos, & fluctus inter se minime possent hære, aut lembos ob celeritatem eorum nimiam impedire. Sed hoc modicum erat, nec nisi magno spirante uento subuehi poterat. quantum autem quantum erat, id totum ab Asdrubale triginta millibus militum solis diuidebatur, quos sibi ex omnibus ipse delegerat. ex quo efficiebatur, ut reliqua ciuitas fame acius premeretur. Scipio autem, cum omnino ne minimum quidem importari uellet, portum ipsum Cothonis, atque omnem illam nauigationem, quæ ad occidentem spectat, obstruere commodissimum statuit esse. ita aggerem perlongum à mole, quæ lingua dicebatur, in pelagus educit, eumq; totum saxis ingentibus, & densis firmat, ne opus vndarum alluue solueretur. id autem opus primum Carthaginienses irridere, ac uocibus è muris increpitare cœperunt, quod ea machinatio compararetur, quæ nunquam habitura finem uideretur. ubi uero totum in eam rem incumbere exercitum, neque dies, aut noctes intermittere, seq; omnino mari interclusos, & prohibitos senserunt, suis maxime rebus diffidere incœperunt. haud tamen his casibus fracti animum abiecerunt, sed portum alterum ex contraria parte orientem uersus effodere statuerunt. ergo in urbe ita occulte, ut ne captiui quidem Romani Scipioni quicquam nunciare

Commentarius in fastos

possent, naues primum ex uetere materia refecerunt. Strabo duobus mensibus **cxx** constratas naues ab ijs esse constructas scribit, cum antiqua materia suppeteret, & fabrorum multitudo cōducta nunquam cessaret, deinde portū pelago in medio, qua nullam molem ob profunditatem, uimq; uentorum educi posse confidebant, suffoderunt, magno etiam mulierum, ac puerorū vna perpetuo laborantium studio. his rebus completis triremes, ac quinqueremes, myoparones, aliaq; complura nauigia paratissima, atque omni genere armorum instructissima ē portū profecta Romanis aduersa constitere. Romanos autem & os portus improviso patefactum, & longus nauium ordo celeriter ē portū erumpens adeo exterruit, vt si Carthaginienses eorum naues ē vestigio inuasissent, quæ nautis, atque remigibus uacue erant, eas nullo fere negotio superare potuerint. at Carthaginienses tantum, ut se ostentarent, classem mouere, inde se in portum subito recepere. post triduum deinde prælium maritimum committere parant. ad id Romani nullo interposito spatio sese omnibus rebus compositis instruunt. itaque signo dato haud ulla mora pugnandi facta est. magno clamore ab utraq; parte concursus est. eaq; pugna, cum remigū utrinque, ac gubernatorum, militumq; uirtus, atque audacia eniteret, est usque ad solis occasum magna contentione perducta; presertim uero cum illi omnino in eius diei casu summæ uictoriæ, hi summæ salutis euentum consistere intelligerent. in eo prælio Romani ab Afrorum lembis magnis detrimentis affecti sunt. qui summa leuitate præditi in maiores eorum, grauioresq; naues inuecti remis earum, ac gubernaculis amputatis, ex eorum conspectu se repente proripiebant. sole autem occidente Pœnis sese recipere uisum est, non quo prælio cederent, sed vt postridie alacrius ad dimicandum redirent. ea de causa Carthaginensium lembi regredientes, cum nauigandi se uelocitate impediētes, aditum portus interclusissent, à maioribus Romanorū nauibus occupati, cum progredi non possent, Aggerem petiere. is locus ante mœnia urbis fuit amplissimus. in quo pacatis rebus negotiatores onera sua exponere antea consueuerant. uerum imminente bello in angustiorem formā eo consilio redactus fuerat, ne hostes patenti in loco sub muris aliquando uersarentur. huc ergo ob portus inopiam delati conuerso impetu prælium instaurarunt, cum alij ab Aggere, alij ē nauibus, alij ē muro pugnarent. ac Carthaginensibus quidem consistentibus & leuis nauigatio, & facilis pugna Romanis erat. cum autem regrederentur, difficili grauiorum nauium suarum agitatione magna sepe incommoda à circūcurstantibus Pœnis accipiebant. quoad quinque Sidetum naues, quæ Scipionem eius adductæ amore sequebantur; commissa pugna cōmodiorem quandam euadendi rationem edocuerunt. illi enim longis funibus cum suas naues inter se constrictissint, magno tum in hostes impetu ferebantur. prælio uero cum misso, id pugnabant, ut firmissimis funibus in hostium puppes iniectis, eorum naues arctissime religarent, earumq; celeritatem hoc modo retardarent. quos deinde sequuti ceteri magno periculo euaserunt. eo prælio ad noctem, ut dixi, dirempto, Carthaginensium naues, quotquot incolumes fuere, urbem petierunt. Scipio postridie mane aggerem aggressus, cum infirmum admodum propugnaculum id esset, quod portis imminebat, arietibus, machinisq; admotis partem muri deturbauit. ea re compulsi Pœni, quanquam omnibus defessi malis rei etiam frumentariæ ad summam inopiam adducti erant, nocte ē muris ad ipsas munitiones Romanorum incendendas erumpunt. cum autem ad eas propius accedere nequirent, omni aditu terra, mariq; præsepto, nudi, facibus extinctis, ne conspecti præuenirentur, natantes exierunt, ad easq; delati ignem intulerunt. re à Romanis percepta fit prælium atrox, cum ab utraque parte multi, & uulnerarentur, & caderent. Pœnorum autem uirtus incredibilis, atque animi magnitudo excellentissima fuit, quorum cum in ora, pectoraq; aduersa gladij essent, telaq; inulta coniecta, non ante tamen pugnare destiterunt, quam aut opera succensa, aut pulsos loco Romanos conspexerunt. turbatis ex hoc tumultu rebus, cum trepidatio in castris Scipionis orta esset, qualis nunquam antea extitisset, ille equo accurrens, ac terrorem mortis illis iniiciens, qui terga dedissent, plurimos conseruauit. totam autem noctem Romani armati traduxerunt, hostium maxime desperatione permoti. Pœni incensis operibus Romanorum in urbem se recipiunt, postridie murum, qui labefactus erat, instaurant, turresq; super ipsum multas ædificant. Romani etiam alias machinas comparant, aggeremq; ualidissimum contra turres hostium extruunt. ex quo cum facēs in eas emittere instituisent, hostes loco depellunt, eosq; persequi fugientes incipiunt. uerum cum ingressum cruore, ac limo terra madefacta non sustineret, eos persequi desinunt. aggere Pœnorum potitus Scipio, eum fossa, & muro lapideo sepfit, in eoq; quatuor millia hominum statuit, qui hostium incursiones reprimerent; quorum multa cum ijs ē muris dimicantibus prælia exiterunt. atque hoc modo æstas ab utrisque traducta est. Hæc omnia ex Appiano. Eadem fere in epitoma **l i** sunt, his uerbis: Carthago in circuitu millia **xxi i i i** passuum patens magno labore obsessa, & per partes capta est, primum à Mancino legato, deinde à Scipione consule, cui extra sortē prouincia Africa data erat.

Carthaginenses

Carthaginiēses portu nouo, quia uetus à Scipione erat obstructus, facto, & contracta clam exigua classe, nauali prælio infelicitè pugnauerunt. & Florus: Mancino deinde consule terra, mariq; feruebat obsidio. ubi mendose est, consule, pro legato. Hunc eundem L. Hostilium Mancinum primum cū exercitu Carthaginem irrupisse scribit Plin. lib. *xxxv*, cap. *iiii*, & lib. *vi*, cap. *ix*.

De bello Achaico.

ISD^{EM} etiam, ut opinor, consulibus bellum in Achaia excitatum est. causa huius belli in epitoma *LI* traditur, quòd legati populi Romani ab Achæis pulsati sint. Corinthum missi erant, ut eas ciuitates, quæ sub ditione Philippi fuerant, ab Achaico concilio secernerent. qua de re plenius Iustinus scribit lib. *xxxiii*: Quærentibus, inquit, Romanis causas belli aduersus Achæos tunc solos ex vniuersa Græcia nimis potentes, tempestiue fortuna querelas Spartanorum obtulit, quorum agros Achæi propter mutuum odium populabantur. Spartanis à senatu responsum est, legatos se ad inspiciendas res sociorum, & ad iniuriam demendam in Græciam missuros. sed legatis occulta mandata data sunt, ut corpus Achæorum dissoluerent, singulasq; urbes proprii iuris facerent. igitur legati omnium ciuitatum principibus euocatis Corinthum decretum senatus recitant; quod consilij habeant, aperiunt; expedire omnibus dicunt, ut singulæ ciuitates leges suas, & sua iura habeant. quod ubi omnibus innotuit, uelut in furorem uersi, uniuersum peregrinum populum trucidant. legatos quoque ipsos Romanorum uiolassent, nisi audito tumultu trepidi fugissent. Florus Critolaum Achæorum ducem, dubium an manu, oratione certe legatos Romanos uiolasse ait. Itaque Cicero cum pro lege Manilia diceret, Corinthum euerfam dixit, quòd legati appellati fuerant superbius. Pausanias item in Achaicis hanc historiam latius narrat: missos esse in Achaia legatos, quorum unus erat Orestes, qui Achæorum, & Lacedæmoniorum bellum dirimerent; eosdem conuocatis populis sententiam senatus aperuisse, placere Spartam, ac Corinthum ab Achæorum concilio seiungi. tum Achæos in Lacedæmonios, & reliquos, qui tum Corinthi peregrinabantur, sine ullo legatorum Romanorum respectu inualisse, Lacedæmonios in carcerem condidisse, reliquos dimisisse. Critolaum ducem ab ijs lectum bellum contra Romanos suasse. Pytheam item, qui Thebis magistratum gerebat, Bæotos ad arma, quòd à Metello prætore Macedonia magna pecunia multati fuerant, concitasse. quibus rebus Romam nunciatis Romanos Achæis bellum indixisse. Hæc de causis belli. Hoc autem bellum primum commissum uidetur Q. Metello, qui prætor Macedoniam priore anno subegerat, deinde L. Mummius consuli. Res ab utroque imperatore gestas in sequentem annum contuli.

De censoribus, & lustro LVI.

Ex fragmētis Capitolinis satis intelligi potest, in hunc annum censores creatos L. Lentulum Lupum, L. Marcium Censorinum lustrum fecisse *lv*. Quibus de censoribus sic Valerius lib. *v*: L. Lentulus consularis lege Cæcilia repetundarum crimine oppressus censor cum L. Censorino creatus est. Fuit autem consul L. Lentulus anno *dxvii*, Censorinus anno *dciii*. Censæ esse ciuium Romanorum *cccxxxii* millia scribit Eusebius anno antequam Carthago euerfa sit. Hoc lustro P. Lentulum principem senatus lectum fuisse puto, eum, quem Cicero sæpissime memorat, presertim M. Lepido quadriennio ante mortuo, qui iam sexies lectus fuerat. hic autem Lentulus consul fuit anno *dxci*.

DE COS. AN. DCVII.

DEINCEPS sequuti sunt consules Cn. Cornelius, L. Mummius, teste Cassiodoro. Cn. Cornelius Lentulus, L. Mummius Orosio, Velleio, Censorino, Cicerone lib. *xiii* epistolarum ad Atticum. In fragmentis Capitolinis est *LENTVLVS. L. MVMMIVS*. Cn. Cornelium Lentulum Cnæi filium uoco eius, qui consul fuit anno *dlxii*. L. Mummius in hoc magistratu ex Achaica uictoria Achaici cognomen inuenit. Plutarchus in Mario, & Velleius auctores.

De rebus in Achaia gestis, et triumpho Q. Metelli pro pr. ex Macedonia.

BELLO Achæis indicto Q. Metellus, qui prætor Macedoniam pacauerat, prorogato in alterum annum imperio, in Achaia aduersus hostes cum exercitu descendisse uidetur. cuius de rebus gestis sic Orosius: Metellus prætor Achæos, Bæotosq; duobus prælijs, primo ad Thermopylas,

x 2 altero

Commentarius in fastos

altero in Phocæis deuicit . quorum priore occisa esse x x millia, posteriore v i i millia Claudius refert . Valerius Antias in Achaia pugnatum esse, x x millia Achæorum cum duce Diæo cecidisse ait . Polybius semel in Achaia pugnatum Critolao duce asserit, Diæum uero adducentem ex Arcadia milites ab eodem Metello oppressum . post extincta autem totius Achaïæ præsidia destitutarum urbium euerfionem Metello meditante cōsul Mummius repente cum paucis uenit in castra . ac dimisso statim Metello Corinthum sine mora expugnauit . Pausanias etiam eadem tradit, his fere uerbis : Q. Metellus, qui Pseudophilippum in Macedonia deuicerat, cum L. Mummius consulem ad bellum Achaicum cum exercitu mitti audisset, omni ope bellum, antequam ueniret, conficere conatus est . Itaque missis ad Achæos de conditionibus pacis legatis, ipse in Macedoniā exercitum per Thessaliam, & sinum Maliacum duxit . Critolaus pace spreta primum Heracleam obsidione cinxit, deinde ut Metellum Sperchium traiecisse exercitum accepit, Scarphiam Locorum confugit . quem cum toto exercitu non longe à Scarphia adorti Romani fuderunt, fugarūtq; . post autem Critolao interfecto Arcadas etiam retrocedentes ad Chæroneam cæciderunt . Hinc Metellus Thebas obsidere aggressus, quòd Thebani Achæis ad Heracleam obsidendam, ac prælio ad Scarphiam interfuerant, eas cum Pythea imperatore in potestatem redegit . Inde cum Megaras, ubi Achæorum exercitus cum duce Alcamene erat, duceret, atque omnes inde egressos Corinthū se contulisse audisset, recepta in fidem urbe ad Isthmum uenit, atque iterum de conditionibus pacis agere cœpit . Interea uero Mummius aduenit . qui remisso in Macedoniam Metello maximo exercitu, quem ex Italia, & Græcia comparauerat, cum Diæo Achæorum duce collatis signis Achæos in fugam coniecit . Diæus fugiens ueneno sibi mortem consciiuit . Mūmius parentibus portis ingressus Corinthum incendit . reliquorum mœnia, qui contra Romanos steterant, diruit, atque ijs arma, priusquam Roma legati x mitterentur, ademit . ex eorum sententia, ubi uenerunt, tributum Græciæ constitutum est, concilia sublata sunt . institutum autem, ut eò quotannis prætor mitteretur, qui non Græciæ, sed Achaïæ præfectus appellatur, quòd Græciam Romani per Achæos tum Græciæ principes subegerunt . Hoc etiam bello Epirotas cum Achiuis, & Thessalis, & Macedonibus in prouinciæ formam redactos prodit Iornandes, & Rufus . Eadem fere scripta sunt in epitoma l i i, ita : Cum Achæis, qui in auxilium Bœotos, & Chalcidenses habebant Q. Cæcilius Metellus ad Thermopylas bello confligit . quibus uictis dux eorum Critolaus ueneno sibi mortem cōsciuit . in cuius locum Diæus Achaici motus primus auctor ab Achæis dux creatus ad Isthmon à L. Mummio consule uictus est, qui omni Achaia in ditionē accepta, Corinthum ex S. C. diruit, quia ibi legati Romani uiolati erant . Thebæ quoque, & Chalcis, quæ auxilio fuerant, dirutæ . ipse Mummius se abstinentissimum uirum egit . & in libro de uiris illustribus : Q. Cæcilius Macedonicus Achæos bis prælio fudit, triumphandos Mūmio tradidit . Item : L. Mummius à deleta Achaia Achaicus dictus, aduersus Corinthios missus uictoriam alieno labore quæsitam interceptit . nam cum illos Metellus Macedonicus apud Heracleam fudisset, & duce Critolao priuasset, cum lictoribus, & paucis equitibus in castra Metelli properauit, Corinthios apud Leucopetram uicit duce Diæo . item Florus, item Velleius, qui Corinthum Lentulo, & Mummio cos. euerfam addijcit . Hæc de rebus à Metello, & Mummio in Achaia gestis accepimus . Metellus autem ubi prouinciā Macedoniam composuit (siquidem Macedoniam seruitute multatam, ac in prouinciæ formam redactam à Metello Iornandes, & Rufus auctores sunt) cum hoc anno Romanam uenisset, triumphum tantum de rebus à se in Macedonia gestis aut petijt, aut certe impetrauit . cuius triumphi hæc adhuc ueterum annalium testimonia extant . Valerius libro v i i : Q. Cæcilius Metellum de Pseudophilippo triumphantem uniuersus fenatus lætum, & alacrem in Capitolium prosequutus est . & Florus : Populus R. de Andrisco imaginario rege, & scenico, ut de uero triumphauit . Cicero etiam pro Murena triumphi Metelli meminit de Pseudophilippo . & in epitoma l i scriptum est : Q. Metellus de Andrisco triumphauit, Scipio de Carthagine, & Asdrubale . Appianus quoq; Scipionem de Carthagine triumphasse ait, tum cum de Macedonibus tertius triumphus actus est . Ergo si Scipio hoc anno triumphauit, ut mox probabimus, Metellus etiam triumphauerit necesse est . Florus belli ducem ab eo, ad quem confugerat, Thraciæ regulo in urbem uinctum reductum tradit .

De re gesta in Africa, & triumpho P. Scipionis Aemiliani de Pœnis .

IN E V N T E hyeme cum plurimos esse in Africa Scipio comperisset, qui Pœnos commeatu, ceterisq; rebus iuuarent, eos sibi de medio tollendos statuit . itaque ad eorum motus cōprimendos militibus in diuersas partes in hiberna dimissis, ipse in Diogenem, quem Asdrubali fauere audierat, Nephirim uersus per stagnum contendit, cumq; castra procul ab eo stadia duo fecisset, ijs
Gulussam

Gulussam præfecit, qui cum Diogene dimicaret. ipse interea modo Carthaginem, modo Nepherim petens totum bellum summa sapientia administrabat. duabus turribus ad Nepherim collapsis locum sibi insidijs datum esse Scipio arbitratus mille delectos equites in insidijs post Diogenem locat, tria millia à fronte constituit; quibus cum ipse quæ tures prociderant, ascendit, non multitudine stipatus, sed per partes agmen ducens, ne priores ui deiecti alijs subsequenteribus fugarentur. cum clamore, ac strepitu Romanorum omnia personarent, Afri ad pugnam concurrentibus, ij, qui à tergo dispositi erant, ut mandatum eis fuerat, uallum ne suspicante quidē quouam aggrediuntur. qua re Afri, qui intus erant, perculsi, cum multo plures hostes, quam quos conspiciantur, adesse putarent, iamq; Diogenis castra, quæ ipse cum leui præsidio reliquerat, in hostium potestatem uenisse non ignorarent, in fugam conijciuntur. ex altera parte Gulussa magna manu, & præterea elephantis instructus eos adortus cædem ingentem facit. eo prælio ad septuaginta millia hominum cum inutilibus cæsa dicuntur, decem millia capta, quatuor euaserunt. capta inde Nepheris est post duos, & uiginti dies, quàm obsideri à Scipione cœpta est, cum multa ibi incommoda hibernorum difficultate temporū pertulisset. qua uictoria cum complures præterea Libyæ urbes ad eum defecissent, ipse potissimum ad Carthaginem expugnandam accensus est. Interea uero cum Pœnorum opes in dies magis minuerentur, quòd neque ex Libya, quæ tota fere in Scipionis ditionē concesserat, neque mari, uel propter Romanorū præsidium, uel propter minus idoneum ad nauigandum anni tempus, commeatus quicquā subueheretur, Scipio in spem maximam Carthaginis potiūdæ adductus, portum ipsum Cothonis aggredi statuit. putabat enim eo propugnaculo superato, præsidioq; deiecto reliquas se urbis partes in suam potestatem esse nullo fermè negotio redacturum. id autem præsentis Asdrubal Cothonis partem nocte succendit, ratus ea parte se ex improviso in Scipionis exercitum inuasurum. atque eo quidem consilio ex urbe cum lectissima militum manu egressus prælium fortissime cum Scipione committit. Interim C. Lælius à tergo per ambitum Cothonis nauibus circumuectus ex altera parte lōge aliter, quàm Pœnus putauerat, magno clamore sublato, in eos impetum facit. Romanorum uim Pœni etiam primum pro uiribus propulsare conati, cum diuturnitate inediæ languescētes diu sustinere non possent, in omnes partes passim fugam capeffunt. eos fugientes insequutus Scipio partim cæcidit, partim cepit. pauci in urbem se conijcientes uix mortis periculum euitarunt. Scipio Cothonem ingressus, commeatum omnem, qui non procul aberat, intercepit. post hæc quòd & nox suberat, & ipse militibus ex superiore totius diei continenti labore fatigatis parum se proficere posse intelligebat, sub armis tota nocte quieuit. ubi illuxit, facta in muros urbis, qua parte ceciderant, impressione, urbem frustra renitentibus Pœnis ingreditur cum grauioris armaturæ militum quatuor millibus. Irruptione eius in urbem magna Carthaginensium pars in Byrsam arcem confugerat, & ex ea pugnabat. Igitur cum eam Scipio adoriri statueret, tria ad illam è foro patere itinera reperiebat, quæ frequentibus illustrium ciuium ædificijs undequaq; erant instructa. cum autem quantum subire periculum posset, si ea ingrederetur, animaduerneret, statim hoc ille consilij capit. prima ædificia sibi occurrentia deijcit, hinc ad proximas transgressus ædes lignis, asseribusq; uiarum interualla coniungit, ac per ea, tanquam per pontes, ingreditur, cum ijs interim acerrime dimicans, qui ex inferiore loco pugnabant. hinc omnia clamore, gemitu, ac lamentationibus complebantur, cum alij ferro interea caderentur, alij è tectis præcipites agerentur. neq; enim ignis ante in ædes iniectus est, quam Scipio ad Byrsam peruenit eorum caussa Romanorum, qui tecta subierant. ubi uero eò accessit, tum iussu eius tribus partibus illato incendio reliquus in urbem exercitus accersitus est. urbis autem interea deflagrantis cum per se satis miser, tum uero inferior, ac terribilior aspectus erat, quòd igne omnia peruagante ædes sæpe finitimæ incendium præuertentes sua sponte corruiebant, suaq; ruina ingentem fragorem edebant. cumq; ijs senes, pueri, mulieres, ceteraq; turba eorum, qui pauore se intra tecta coniecerant, aut semianimes, aut faucij, aut afflati incendio procumbebant. quin etiam fabri, ceteriq;, qui iussu Scipionis ad aperendum militibus iter immisi erant, rem multo etiam acerbiores efficiebant; cum interim fossas, reliquaq; depressa urbis loca mortuis, uiuentibusq; sine discrimine crudelitate summa repleant. atque hæc quidem sex dierum spatio gesta sunt. Scipio autem, ne milites aut labore diuturno defatigarentur, aut rerum terribilium aspectu animum aliqua ratione summitterent, munera partito exercitu permittit; cum ipse quotidie rebus omnibus uix aut cibum, aut quietem capiens interesset. postremo uero labore defessus excelsa quodam in loco confedit, ex quo omnia, quæ gesserat, facile circumspicere poterat. Interea qui in arce erant, urbis direptione ac deorum ira perculsi, cum se in extremum casum adductos, nullamq; spem salutis sibi reliquam esse uiderent, legatos ad Scipionem de deditioe miserunt. qui ad eum profecti uelamenta supplicum Aesculapij ritu, cuius è templo descenderant, porrigentes, seq; ad eius pedes abijcientes, fidem,

Commentarius in fastos

ac misericordiam eius implorare cœperunt, in primisq; eum orare, ut sibi uel iniquissima etiam conditione exire ex arce permetteret. Scipio autem precibus, atque habitu ipso supplicantium motus, omnibus præterquam fugitiuis, ac transfugis exeundi potestatem fecit. Ita patefactis Byssæ portis exemplo ex ea se hominum ad quinquaginta millia eiecerunt. primum agmen mulierû in primis miserabile fuit ad xx millia, alterum uirorû ad xxx millia, ut tradit Orosius. Transfugæ autem, qui ad nongentos fuerû, cum propter impositû arcis præsidium locum non esse eruptioni uiderent, se in Aesculapij templû cum Asdrubale, & uxore, & liberis eius contulerunt, atque ad pugnam ex eo loco se instruxerunt. Posthæc omnibus ad salutis desperationem adductis Asdrubal paulatim se suorum è concilio subducens, cum sibi saltem extremis urbis temporibus, quoad posset, consulendum putaret, supplex ad Scipionem è templo confugit. eum humaniter acceptum, atque ad pedes suos sedere iussu Scipio transfugis conspiciendum proposuit. transfugæ primum habuere silentium spectaculi nouitate perculsi, deinde hominis perfidiam uoce maxima criminantes desperatione acti in templum incendium intulerunt, ac sese in illud continuo coniecerunt. Asdrubalis etiam uxorem memoriæ proditum est, cum paulo ante integris rebus à marito, ut se ad uictorem transferret, impetrare non potuisset, hoc tempore se, quantum per ærumnas licuit, exornasse, liberisq; tribus paruis ante interfectis se cum ijs in ignem medium iniecisse. Asdrubalem autem paulo post sibi necem consciuisse à multis traditum est. urbem interea per decem, ac septem dies ipsos arsisse scribit Orosius. His rebus gestis Scipio nauem spolijs ornata Romam nunciatum uictoriam misit, itemq; in Siciliam alias, quæ Siculis significarent, ut iam tãdem quæcunq; sibi superioribus bellis Carthaginienses eripuissent, recuperatum uenirent. post hæc sacrificia, ludosq; fecit, ac fugitiuos omnes, quos capere potuit, bestijs dilaniandos obiecit. inde prædam omnem militibus præter aurum, argentumq;, & insignes statuas dispartiuit. Interim Romæ gaudium ingens ortum hac Scipionis uictoria cognita. supplicationes, sacrificia dijs immortalibus facta sunt. ludi, & certamina edita. Decem legati ex more in Africam missi, qui cum Scipione Africam prouinciam constituerent. his mandatum est, ut siquid superesset urbis, disturbarent, quæ ciuitates Pœnorum rebus studuissent, earum oppida diruerent, quæ pro Romanis stetissent, præmijs, agrisq; donarent. quibus rebus perfectis Scipio transportato Romam exercitu, cum de rebus à se gestis differuisset, permissu senatus de Carthagine, & Asdrubale triumphum egit, auro, statuis, omnibusq; monumentorum generibus ornatisimum. argenti quater millia quadringenta, & septuaginta millia pondo præ se eum tulisse scribit Plinius lib. xxxiii. Ita Carthagine, Africaq; in potestatem redacta Africani cognomen sibi, ut auus etiam eius fecerat, uindicauit. Triumphum autem hunc hoc anno actum significat Plinius lib. xxxv, cum scribit: L. Mancinum, quo tempore Scipio de Carthagine triumphauit, pictam Carthaginem, & prælia facta in foro proposuisse, eaq; comitate proximis comitijs consulem creatum esse. haud secus Macrobius in Somnium lib. ii, tradit Scipionem deleta Carthagine triumphasse anno ab urbe condita dcvi. eademq; ratione in epitoma & post L. Mummij consulis mentionem scriptum est, P. Scipionem de Carthagine, & Asdrubale triumphasse. Hac uictoria Africæ tributum impositû, & ut quotannis eo prætor mitteretur decretum tradit Appianus. Velleius etiam, & Strabo lib. ultimo Carthaginiensium regionem tum in prouinciæ formam redactam tradunt. Rufus deletam à Scipione Carthaginem prouinciam factam scribit. Itaque Salustius bello Iugurthino ait: Pleraq; ex Punicis oppida, & fines Carthaginiensium, quos nouissime habuerant, populus R. per magistratus administrabat. Hæc ex his, reliqua fere omnia ex Appiano, Orosio, Floro, Eutropio, epitomis, alijs.

De bello Viriathino.

ISDEM consulibus Viriathum in Lusitania mouisse tradit Orosius. quod idem ex epitoma **lii** colligitur, in qua triumpho P. Africani, & uictoriæ L. Mummij hæc uerba subiiciuntur: Viriathus primum in Hispania ex pastore uenator, & ex uenatore latro, mox iusti quoque exercitus dux factus uniuersam Lusitaniam occupauit, & Vetilium prætorem fuso eius exercitu cepit. post quem C. Plautius prætor nihilo secius rem gessit, tantumq; terrorem is hostis intulit, ut aduersus eum consulari opus esset & duce, & exercitu. Hoc idem in Appiani historia est, in qua ille bella Romanorum in Hispania gesta est diligentissime persecutus. Lusitani, inquit, qui è Galbæ, & Luculli manibus euaserant, cum haud ita multo post in unum coacti Turdetaniam incursarent, à M. Vetilio prætore, qui aduersus eos Roma profectus erat, amissis aliquot castello quodam pleriq; inclusi sunt. Eos & loci, & commeatus angustijs oppressos metus incesserat, ne iterum in manus Romanorum peruenirent. Itaque legatis ad prætorem missis agri partem, quam incolerent,

incolerent, petierant, ceteris in rebus affirmantes se Romanis dicto audientes futuros. resq; ipsa sine dubio conuenisset, nisi Viriathus, qui unus ex ijs erat, qui è Galbæ manibus effugerant, commemorata Romanorum perfidia ad bellum eos à pacis consilijs auocasset, professus, si ipsi se sequerentur, inde se incolumes educturos. Tum ille, cum orationi suæ omnes assensu, se & ducem, & imperatorem appellasset, ne fugam quidem sibi tutam arbitratus, milites dispersos abire iussit, admonitos quem in locum uellet conuenire; atque ita copias Romanorum, & loci iniquitatem sparso exercitu, deinde recollecto euasit. quæ res tantam ei apud barbaros auctoritatem peperit, ut ad eum undiq; copiarum conuenirent. Vetilius hostes palantes, ac tramitum peritos propere insequutus tantum abfuit, ut assequeretur, ut, dum incautius se in eos inferret, in insidias præcipitauerit. Etenim Viriathus cedere se Romanis equitibus simulans usq; ad locum uoraginosum, & præaltum eos perduxit. & cum ipse per solitos, ac notos sibi transitus euaderet, Romanos ignaros locorum, immersosq; limo, à tergo ijs, qui in insidijs erant, adoriētibus, cæcidit. quo in prælio Vetilius ipse captus occisus est. ex decem millibus uix sex millia Carpeffum oppidum peruenerunt. quos cum quæstor eius, ac quinque præterea millia, quæ Belli, Tithi; socij miserant, assumpsisset, cum Viriatho congredi ausus omnes amisit. Ea uictoria Viriathus elatus, cum se quæstor oppidi mœnibus teneret, Capetanorum agros opimos, ac fertiles prædatus est. C. autem Plautium Roma cum exercitu aduersus se missum simulata fuga, ac conuerso inde agmine insequentem cum magna eorum clade primum fudit, post autem traicecto Tago se in Aphrodisio monte castra habentem, quod priorem acceptam cladem meliore pugna emendare cuperet, assecutum collatis signis uictum, atque in oppidum compulsus, nunquam adducere potuit, ut in aciem descenderet. Quibus rebus Romæ nunciatis Q. Fabium Maximum Aemilianum Paulli filium in Hispaniam miserunt. Hæc Appianus. Orosius autem ita: Viriatho Iberum, & Tagum maxima, & diuersorum locorum flumina late transgredienti, & peruaganti C. Vetilius prætor occurrit. continuo cæso usque ad internecionem pene omni exercitu, suo uix ipse prætor cum paucis fuga lapsus euasit. deinde C. Plautium prætorem idem Viriathus prælijs multis fractum fugauit. post etiam Claudius Vnimanus cum magno apparatu belli contra Viriathum missus, quasi pro abolenda superiore macula turpiorem auxit infamiam. nam congressus cum Viriatho uniuersas, quas secum deduxerat, copias, maximasq; uires Romani exercitus amisit. Viriathus trabeas, fascēs, ceteraq; insignia Romana in montibus suis trophæa præfixit, eodem tempore c c c Lusitanicum mille Romanis in quodam saltu contraxere pugnam. in qua l x x Lusitanos, Romanos autem c c c x cecidisse Claudius refert. & cum uictores Lusitani sparsi, ac securi abirent, unus ex ijs longe à ceteris segregatus cum circumfusus equitibus pedes ipse deprehensus, unius eorum equo lancea perfosso ipsius equitis ad unum gladij ictum caput defecuisse, ita omnes metu perculit, ut prospectantibus cunctis ipse contemptus, atque ociosus abiret. & Florus: Viriathus non contentus suorum libertatem defendere per x i i i annos omnia citra, ultraq; Iberum, & Tagum igni, ferroq; populatus, castra etiam prætorum, & præsidium aggressus, cum Claudium Vnimanum pene ad internecionem exercitus cæcidisset, insignia trabeis, & fascibus nostris, quæ ceperat, in montibus suis trophæa fixisset, tandem eum Fabius Maximus consul oppresserat. In libro autem de uiris illustribus scriptum est, Claudium Vnimanum, deinde C. Nigidium à Viriatho esse oppressos. Quin etiam Cicero in Lælio, C. ipsum Lælium in prætura Fabio, & Hostilio consilibus egregie cum Viriatho ait pugnasse. Quæ si vere omnia scripta sunt, profecto apparet ante Lælium à quatuor prætoribus rem gestam esse, Vetilio, Plautio, Claudio, & Nigidio. quibus singulis si annos singulos tribuamus, relinquitur Viriathinum bellum non hoc anno, sed triennio ante initum. neque enim eodem anno omnes prætores pugnarunt, cum eorum quisque ad prioris cladem quasi corrigendam accurrerit.

DE COS. AN. DCVIII.

CONSULES deinceps edit Cassiodorus Q. Fabium Maximum cum L. Hostilio. Q. Maximum Scipionis fratrem, L. Mancinū Cicero in Lælio. AEMILIANVM, ET L. HOSTILIVM MANCINVM fragmenta Capitolina. Q. hic Fabius Paulli Aemilij filius fuit adoptatus à Q. Fabio Maximo Verrucosi filio. auctor Appianus in Hispaniensi. neque enim Plinium laudare possum, qui libro x x x i, cap. x i, fratrem Scipionis Q. Fabium Allobrogicum vocat, qui fuit huius Fabii filius. Vt L. Mancinus consulatum adeptus sit, supra exposui. Consuli Fabio Viriathus euenit.

Commentarius in fastos

De triumpho L. Mummi pro cos. de Achæis.

TRIUMPHASSE L. Mummius de Achæis uictis, ac domitis multos habeo auctores. eius enim triumphum meminit Cicero pro Murena, cum ait: Derideatur de rege Pyrrho triumphus M'. Curij, de Philippo T. Flaminij, de Aetolis M. Fuluij, de rege Perse L. Paulli, de Pseudophilippo Q. Metelli, de Corinthijs L. Mummi. Item Virgilius:

Ille triumphata Capitolia ad alta Corintho

Victor aget currum cæsis insignis Achæis.

& epitoma **L I I I**: L. Mummius de

Achæis triumphauit, signa ærea, marmoræq; & tabulas pictas in triumpho tulit. & Eutropius: Tres igitur Romæ simul celeberrimi triumphum fuerunt, Africani ex Africa, Metelli ex Macedonia, Mummi ex Corintho. Quoniam autem rei magnitudo non patitur Mummi eundem in consulatu hostes deuicisse, prouinciam ex decem legatorum sententia constituisse, exercitum deportasse, ac triumphasse, propterea eum hoc post consulatum anno triumphum egisse scripsi.

De re gesta cum Viriatho.

Hoc anno C. Lælius prætor cum Viriatho rem gessisse constat. id enim scribit non contemnendus Romanæ auctor historiæ Cicero libro **I I** de officijs. Viriathum, inquit, Lusitanum, cui exercitus nostri, imperatoresq; cesserunt, C. Lælius is, qui Sapiens vsurpatur, prætor fregit, & comminuit, ferocitatemq; eius ita repressit, ut facile bellum reliquis traderet. & in Bruto: C. Lælius in bellica laude egregium Viriathino bello scimus fuisse. & iterum in Lælio ipse Lælius ita loquitur: Q. Maximo fratre Scipionis, & L. Mancino cos. quam popularis lex de sacerdotijs C. Licinij Crassi uidebatur: atque id actum est prætor me, quinquennio ante, quàm cōsul sim factus. Eodem etiam anno Q. Fabium Aemilianum consulem, cuius meminit post Plautium prætor Appianus, uenisse in Hispaniam censeo. quem intellexit scriptor epitomæ **L I I**, cum dixit, opus fuisse consulari & duce, & exercitu. Hic exercitus ex tyronibus collectum in Hispaniam adduxit. at leuibus tantum prælijs priore anno hostem lacessiuit, summum pugnae discrimen, ante quàm milites exercuisset, detrectauit. atque ita summa prudentia æstatem exercendis militibus patris Paulli exemplo traduxit. Ita Appianus. ut uere scripserit Velleius uideatur, Fabium Aemilianum Paulli exemplo seueritate disciplinæ in Hispania floruisse.

DE COS. AN. DCIX.

CONSULES hic annus habuit Ser. Galbam, L. Aurelium, auctore Cassiodoro. quos Ser. Sulpicius Galbam, & L. Aurelium Cottam uocat Valerius lib. **VI**. **GALBAM**, & **L. VALERIUM COTTAM** fragmenta Capitolina. Hic est Sulpicius Galba, qui prætor auctore Suetonio Viriathinum ante bellum excitauit, orator uehemens, cuius sæpe meminit Cicero. L. autem Cotta ille est, quem postea ab Africano accusatum Q. Metellus Macedonicus defendit. Cicero in Bruto, pro Murena, in Verrem, Pædianus, alij: Ser. Sulpicio Galba, & L. Aurelio Cotta consulibus, inquit Frontinus, cum Appiæ aquæ, Anienisq; ductus uetustate quassati priuatorum etiam fraudibus interciperentur, datum est à senatu negotium M. Titio, qui tum prætor inter ciues, & peregrinos ius dicebat, eorum ductuum reficiendorum, & uindicandorum.

De re gesta cum Viriatho.

CONSULVM neuter hoc anno in Hispaniam missus est. hoc docet Valerius lib. **VI**, his uerbis: P. Scipio Aemilianus, cum Ser. Sulpicius Galba, L. Aurelius consules in senatu contenderent, uter aduersus Viriathum in Hispaniam mitteretur, ac magna inter patres conscriptos dissensio esset, omnibus, quoniam eius sententia inclinaretur, expectantibus, neutrum, inquit, mihi mitti placet. alter nihil habet, alteri nihil est satis. quo dicto, ut neuter in prouinciam mitteretur, obtinuit. Q. autem Fabius, quod apud Appianum extat, prorogato ultra consulatum imperio doctum exercitum ex hibernis eduxit, ac Viriathum ipse secundus fregit, duobusq; ei oppidis adeptis cum magna exercitus eius clade munitum quendam illum in locum persecutus Cordubam inde in hiberna recessit. Placet autem hoc loco, ut gratiam ineam ab ijs, qui Romanæ antiquitati student, testamentum cuiusdam militis apponere, in quo & belli Viriathini, atque horum consulum mentio fit. quod in agro Lusitano dicitur esse effossum.

EGO GALLVS PAVONIVS IOCVNDVS L. F. QVI BELLO CONT. VIRIATHVM OCCVB. IOCVNDVM ET PVUDENTEM FILIOS EX TEST. HERR. RELINQVO. ET BONQVVM IOCVNDI PATR. MEI ET EOR. QVAE MIHI ADQVISIVI. HAC TAMEN CONDITIONE VT AB VRBE ROMA HVC VENIANT, ET OSSA MEA INTRA QVINQVENNIVM EXPORTENT E LVSTANIA. ET VIA LATINA CONDANT SEPVLCHRO MARM. COND. MEA VOLVNTATE. SI SECVS FEC. NISI LEGITIMAE ORIVNTVR CAVSSAE, VELIM EA OMNIA, QVAE FILIIS RELINQVO, PRO TEMPLO DEI SILVANI REPARANDO, QVOD SVB VIMINALI IN VRBE MONTE EST, ADTRIBVI, MANESQVE MEI OPEM PONT. MAX. ET FLAMINVM DIAL. QVI IN CAPITOLIO SVNT, IMPORENT AD IMPIET. CONTRA FILIOS MEOS VLCISCENDAM. TENEANTVRQVE SACERDOTES DEI SILVANI ME IN VRBEM REFERRE ET SEPVLCHRO ME CONDERE. VOLO QVOQVE QVOTQVOT DOMI MEAE VERNAE SVNT LIBEROS A FRAETORE CVM MATRIBVS DIMITTI. SINGVL. QVE LIBRAM ARG. ET VESTEM DARI. ACTVM VI K. QVINTILES. = R. GALBA. L. AVRELIO COS.

DECVRR. TRASCVNDAHI HOC TESTAM. ORE EIVSDEM GALLI EMISSVM LAPIDE IVSSERE ADSCVLPI.

DE COS. AN. DCX.

AP. CLAVDIVM, Q. Metellum nominat in hunc annum consules Cassiodorus. Ap. Claudium, Q. Cæcilium Metellum Orosius. PVLCHRV, et Q. CAECILIVM MACEDONICVM fragmenta Capitolina. Eorundem consulum his uerbis meminit Frontinus: Eodem tempore decemviri, dum alijs ex causis libros Sibyllinos inspiciunt, inuenisse dicuntur, non esse aquâ Marciam, sed Anienem in Capitolium perducendam, deq; ea re in senatu à Lepido pro collegio uerba faciente actum Ap. Claudio, Q. Cæcilio cos. Q. porro Metellum non sine repulsa consulem factum indicat Valerius, cum ait lib. v i i: Q. Metellum pauci & mæsti consulatus repulsa afflictum domum reducerunt. & scriptor libri de uiris illustribus: Q. Metellus inuisus plebi ob nimiam seueritatem, & ideo tertio post duas repulsa consul ægre factus. Hic est, qui in prætura Macedonas, atque Achæos fregit, vnde Macedonicus dictus fuit, quem L. F. Q. N. esse docet Plinius lib. v i i. Claudio Gallia, Metello Hispania obtigit. His consulibus (vt opinor) P. Scipio Africanus à senatu legatus in Aegyptum, Syriam, Asiam, Græciamq; ad regum, ciuitatum, & gentium animos perspicandos cum L. Metello, & Sp. Mummius missus est. quam legationem ante censuram Panætio præceptore comite Africanum obiisse scribit Cicero in Lucullo, & libro de rep. v i. neque enim Valerium audiendum existimo, qui post duos triumphos hoc ei obtigisse tradidit libro i i i i. Cuius legationis, ut alios mittam, Plutarchus, Iustinus, Athenæus, & Strabo meminerunt.

De triumpho Ap. Claudij cos. de Salassis.

SALASSOS Gallos his consulibus mouisse satis constat. cur autem mouerint, parum comperta causa est. Illud tantum inuenio hoc anno scriptum apud Obsequentem; cum à Salassis illata clades esset Romanis, decemuiros pronunciaffe, se inuenisse in libris Sibyllinis, quoties bellum Gallis illaturi essent, sacrificari in eorum finibus oportere. Itaque eosdem etiam Salassos gentem alpinam ab Ap. Claudio consule domitos traditum est in epitoma l i i i. quam rem his uerbis prodidit Orosius: Ap. Claudius aduersus Salassos Gallos conuersus, & uictus decem millia peditum amisit. reparata pugna quinque millia hostium cecidit. triumphum propter damna superiora cū non impetrasset, infami impudentia, atque ambitione vsus priuatis sumptibus triumphauit. Recte. triumphanti enim pecunia ex ærario erogabatur, vt Liuius in triumpho Minuciano tradit. Hunc eundem Claudium intelligi à Valerio arbitror lib. v i, cum ait: Claudia virgo Vestalis, cum patrem suum triumphantem è curru uiolenta tribuni pl. manu detrahi animaduertisset, mira celeritate utrique se interponendo amplissimam potestatem inimicitijs accensam depulit. igitur alterum triumphum pater in Capitolium, alterum filia in ædem Vestæ duxit. & à Suetonio in Tiberio: Etiam virgo Vestalis Claudia fratrem iniussu populi triumphantē ascenso simul curru usque in Capitolium profecuta est, ne uetare, aut interdiceret fas cuiquam tribunorum esset. & à Cicerone in Cœliana: Non virgo illa Vestalis Claudia, quæ patrem complexa triumphantem ab inimico tribuno pl. de curru detrahi passa non est. & à Macrobio lib. i i i i: Ap. Claudius uir triumphalis usque ad senectutem salius fuit.

Commentarius in fastos

De re gesta cum Viriatho, et cum Celtiberis.

EODEM anno in Lusitania (quantum ex mendosa Appiani historia conijci in tanta rerum veritate potest.) Quinctio quodam prætore res cum Viriatho gesta est. Viriathus primum ab eo pulsus in Aphrodisium se recepit, deinde eruptione in Quinctium facta multis ex eius militibus occisis signa ei etiam aliquot ademit, eoq; intra vallum compulsus, ac præsidio Romanorum Utica depulso agros Bastetanorum effuse populatus est, Quinctio ipso metu, atque insecitia Cordubæ se stativis medio autumnus tenente. Idem Viriathus, cum priore anno à Q. Fabio uictus rebus suis diffidere cœpisset, bellum in Celtiberia, in qua post res à Lucullo gestas summum ocium fuerat, Areuaccibus, Tithis, ac Bellis ad arma sollicitatis, excitauit. Ea causa fecit, ut Celtiberia provincia Q. Metello consuli sit decreta. cuius res gesta apud Appianum interciderunt. illud tantum extat, Vaccæos summa celeritate ab eo subactos esse. scriptor etiam libri de uiris illustribus Arbachos ab eo consule domitos prodidit. Sed quoniam ille rem etiam pro consule gessit, quæ ab eo in Celtiberia gesta inuenerimus in insequentem annum reijcimus.

DE COS. AN. DCXI.

CONSULES Cassiodorus suggerit L. Metellum, Q. Maximum. Orosius L. Cæcilium Metellum, Q. Fabium Maximum Seruilianum. fragmenta item Capitolina **SERVIILIANVM.** Hic Seruilianus frater est germanus Q. Seruiliij Cæpionis biennio post consulis, auctore Appiano, adoptiuus Q. Fabij Aemiliani. ambo enim à Q. Fabio Maximo Verrucosi filio adoptati fuerunt, alter ex gente Aemilia, alter ex Seruilia. L. Metellus frater est Q. Metelli Macedonici, ut tradit Valerius de testibus. Fabio Viriathus cuenit.

De censoribus, & lustro LVII.

EODEM anno P. Africanus Aemilianus deiecto Ap. Claudio Pulchro competitore, censor cum L. Mummius Achaicus factus est. Insignis hæc maxime censura est, quippe Græcorum, Latinorumq; annalium monumentis plurimis ad posteritatis memoriam commendata. Scipionem tradit Gellius orationem pro rostris censores dixisse, qua populum hortatus est ad mores maiorum suorum imitandos. Eundem etiam multos ignominia notasse constat. nam iuueni cuidam equum, auctore Plutarcho, ademit, quia cum oppipare hilarem in modum epularetur eo tempore, quo Carthago oppugnabatur, libum urbis Carthaginis instar sodalibus diripiendum dedisset. cuius notæ causam cum quæreret adolescens, quia me (inquit Scipio) in expugnanda Carthagine anteuertisti. an hic autem Claudius Afellus fuerit, parum compertum habeo. Illud certe tradit Cicero lib. 11 de oratore: Claudio Afello equum à Scipione fuisse ademptum, eundemq; in ærarios à Scipione fuisse relatum, sed à L. Mummius statim ex ærarijs esse exemptum. Idem tribu alium mouit, qui cum esset patris Paulli in Macedonia centurio, in prælio non affuerat. cum autem ille se custodiæ causa in castris remansisse diceret, quæreretq; à Scipione, cur notaretur, quia non amo, inquit, nimium diligentes. Iam uero, cum in equitum censu recognoscendo C. Licinius Sacerdos citatus prodijisset, clara uoce, ita ut omnis concio audiret, dixit, se scire illum uerbis conceptis peierasse. itaque si quis contra dicere uellet, usurum esse eum testimonio suo. nemine contra dicente, tradidit equum, inquit, Sacerdos, ne ego in te uidear, accusatoris simul, ac testis, & censoris, ac iudicis partes egisse. Cum autem M. Fuluius censor pilas pontis ante in Tiberim locasset, Scipio, & Mummius censores ijs pilis fornices imponendos curarunt. Lustrum ab utro conditum sit incertum diuersi auctores faciunt. Valerius lib. 1111, à Scipione conditum significat, his uerbis: Africanus posterior, cum censor lustrum conderet, & in solito sacrificio scriba ex publicis tabulis solenni eius precationis carmine præiret, quo dii immortales, ut populi R. res meliores, amplioresq; facerent, rogabantur, satis, inquit, bonæ, ac magnæ sunt. itaque precor, ut eas perpetuo incolumes seruent. ac protinus in publicis tabulis in hunc modum emendari iussit. qua uotorum uerecundia deinceps censores in condendis lustris usi sunt. at Cicero à L. Mummius conditum notat his uerbis in secundo de oratore: Afello Africanus obijcien- ti lustrum illud infelix, noli, inquit, mirari. is enim, qui te ex ærarijs exemit, lustrum condidit, & taurum immolauit. Qua de re sic etiam Lucilius apud Gellium lib. 1111.

Scipiadae magno improbus obijciebat Afellus,
Lustrum illo cenfore malum, infelixq; fuisse.

Hoc

Hoc lustrum LVII à Múmio conditum, censa civiũ capita cccxxviii millia cccxlii, facile ex fragmento Capitolinæ huius censuræ, & epitoma LIIII cognosci potest. fuisse autem summam inter hos censores discordiam id esse potest argumento, & quod Scipio in dedicatione ædis Herculis cum epulum splendide, ac magnifice apparauisset, amicos inuitavit omnes præter Mummiũ, & quod Mummij segnitiam notans, pro rostris dixit, se ex maiestate reip. omnia fuisse gesturum, si Quirites sibi collegam uel dedissent, uel non dedissent. Hæc ex Plutarcho fere collecta sunt in Politicis, in apophtegmatibus, & in Paulo, Valerij lib. VI, & LIIII, Gellij lib. III, IV, V, & VII, Cicerone in Bruto, in II de oratore, & pro Cluentio. Gellius etiam lib. XVI omnes Africani honores paucis cõplexus est, ita: P. Scipio Paulli F. & bis consul fuit, & triumphauit, & censura functus est, & collega in censura L. Mummij fuit. qui tituli uetere etiam epigrammate, quod Romæ esse dicitur, continentur, ita:

P. CORNELIVS PAVLLI F. SCIPIO
AEMILIANVS COS. II. CENSOR
AVGV. TRIVMPHAVIT.

De re gesta cum Pseudoperse, Viriatho, et Celtiberis.

Hoc anno in Macedonia, quæ à Metello prætore ante pacata fuerat, nouum bellum coortum est, Pseudoperseo quodam, siue Pseudophilippo altero auctore. quo de bello sic scriptum inuenio apud Eutropium: Iterum in Macedonia Pseudoperseus, qui se Persei filium esse ferebat, collectis feruis rebellauit, & cum xvi millia armatorum haberet, à Trebellio quæstore superatus est. his diebus Androgynus Romæ uisus iussu aruspicum in mare mersus est. hæc ille. Androgynum autem his consulibus uisum tradit Obsequens. in epitoma etiam LIII sub Ap. Claudij consulis mentionem ita est: Alter Pseudophilippus in Macedonia à L. Trebellio quæstore cum exercitu cæsus est. Quam uictoriam nescio an quisquam aut plenius, aut elegantius literis mandare potuerit, quam M. Varro lib. II de re rustica prodidit, apud quem Cn. Trebellius Scrofa ita loquitur: Ignorare mihi uideris, cur appeller Scrofa. itaque ut etiam hi propter te sciant, cognosce meam gentem suillum cognomen non habere, nec me esse ab atauis eius cognominis ortum. auus meus primum appellatus est Scrofa, qui quæstor cum esset, Licinio Nerua prætore, in Macedonia provincia relictus, qui præfesset exercitui, dum prætor rediret, hostes arbitrati occasionem se habere uictoriæ, impressionem facere cœperunt in castra. auus cum hortaretur milites, ut caperent arma, ac exirent contra, dixit, celeriter se illos, ut scrofa porcos, disiecturum, idq; fecit. nam eo prælio hostes ita fudit, ac fugauit, ut eò Nerua prætor Imperator appellatus sit, & auus cognomé inuenerit, ut diceretur Scrofa. Hæc inueni hoc anno in Macedonia gesta. In Hispania autem Q. Fabius Seruilianus, quod apud Appianum extat, Fabij Aemiliani frater consul in locum Quintij aduersus Viriathum missus, cum iter Vticam intendisset, Viriathum in itinere, à quo prælio lacebatur, fortissime repulit. post elephantis decem à Micipsa rege Numidarum acceptis, ac castris loco idoneo communitis eundem sæpe fugauit, fugatumq; insecutus est, semel ab eo cum exercitu intra castra compulsus. Inde cum per Viriathum quiescere non posset, castris Vticæ uersus motis, cum eundem inopia commeatus adactum in Lusitaniam se per noctem referre comperisset, haud cunctandum ratus, quin eum persequeretur, uastatis amicorum illius agris, quanquã amissa in itinere præda à latronibus, in quos forte inciderat, crepta in Lusitaniam duxit, atque op pidis eius multis in potestatem adductis alijs pepercit, alia incendit, atque in hiberna, cum iam annus imperij eius alter appeteret, exercitum reduxit. Hæc Appianus. Itaque hæc (ut opinor) de causâ Obsequens his consulibus dubie cū Lusitanis dimicatum scribit. At uero Q. Metellus in Celtiberia prorogato in alterum annum imperio res maximas gessit, atque eorum populorum opes ualde attriuit. Id quod ex epitoma LIII colligi potest, in qua ita scriptum est: Q. Metellus pro cos. Celtiberos cæcidit, & apud Valerium capite de stratagematis: Q. Metellus cum proconsul bellum in Hispania aduersus Celtiberos gereret, urbemq; Trebiam caput eius gentis uiribus expugnare non posset, intra pectus suum multum ac diu consilij agitatæ uiam reperit, qua propositum ad exitum perduceret. itinera magno impetu ingrediebatur, deinde alias, atque alias regiones petebat. hos oblidebat montes, paulo post ad illos transgrediebatur, cum interim tam suis omnibus, quàm ipsis hostibus ignota erat causâ inopinatæ eius, ac subitæ fluctuationis. Interrogatus quoque à quodam amicissimo sibi, quid ita sparsum, & incertum militiæ genus sequeretur, absiste, inquit, istud quærere. nam si huius consilij mei interiorem tunicam consciam esse sensero, continuo eam cremari iubebo. quorsum igitur ea dissimulatio erupit? aut quem finem habuit? postquam uero, & exercitum suum ignorantia, & totam Celtiberiam errore implicauit,

Commentarius in fastos

cum aliò cursum direxisset, subito ad Trebiam reflexit, eamq; inopinatam, & attonitam oppressit. & de disciplina militari: Q. Metellus cum apud Trebiam res gereretur, collocatas à se in statione quinque cohortes, atque ex ea uiribus hostium depulsas, repetere eandem stationem è uestigio iussit, non quòd speraret ab ijs amissum locum recuperari posse, sed ut prateritæ culpam pugnæ insequentis certaminis manifesto periculo puniret. edixit etiam, ut siquis ex ijs fugiens castra petisset, pro hoste interficeretur, qua seueritate compressi milites, corporibus fatigatis, & animis desperatione uitæ implicatis loci tamen iniquitatem, multitudinemq; hostium superarunt. & Velleius: Metellus cum urbem Contrebiā in Hispania oppugnaret, pulsas præcipiti loco quinque cohortes legionarias eodem protinus subire iussit, facientibusq; omnibus in procinctu testamenta, uelut ad certam mortem eundum foret, non deterritis propolito perseuerantia ducis, quem moriturum miserat, militem uictorem recepit. Vnde etiam Florus: Contrebiā Metellus memorabili cum cepisset exemplo Versobrigis maiore gloria pepercit. Hoc idem scriptum est apud Frontinum, & in libro de uiris illustribus. Triumphasse tamen Metellum, quanquam tantis rebus gestis, negat Valerius capite de ira, cum scribit: Metellus, cum utranq; Hispaniam consul prius, deinde pro cos. pene iam subegisset, postquam cognouit Q. Pompeium consulem inimicum suum successorem sibi mitti, omnes, qui modo militiā uoluerant finire, dimisit, comiectus petentibus nec causis excusis, nec constituto tempore dedit, horrea custodibus remotis opportuna rapinæ præbuit, arcus, sagittasq; Cretensum frangi, atque in amnem abijci iussit, elephantis cibaria dari uetuit. quibus factis ut cupiditati suæ indulset, ita magnifice gestarum rerum gloriam corruptit, meritumq; honorem triumphi hostium, quam iræ fortior uictor amisit.

DE COS. AN. DCXII.

Cn. Cæpionem, Q. Pompeium deinceps consules profitetur Cassiodorus. eorumq; sic meminit Velleius lib. 11: Seu duæ, seu tres Pompeiorum familiæ fuerunt, primus è Pompeijs cum Cn. Seruilio consul fuit. itemq; Cicero lib. x 11. ad Atticum. Q. Pompeium humili atque obscuro loco natum testatur idem in Verrem, & in Bruto, cum ait: Q. Pompeius non contemptus orator, qui summos honores homo per se cognitus sine ulla commendatione maiorum adeptus est. & pro Murena: Nec mihi unquam minus in Q. Pompeio nouo homine, & fortissimo uiro uirtutis esse uisum est, quàm in homine nobilissimo M. Acmilio. eundem Valerius capite de testibus, Q. Pompeium Aufidium uocat, librariorum (ut opinor) uitio, pro, Auli filium. eademq; ratione Appianus in Hispaniensi κρίνον πομπιον αὔλον, pro, αὔλον υἱόν. Idem Pompeius Scipione familiariter utebatur. cumq; pollicitus ei esset, se pro C. Lælio, quem Scipio dilexit unice, tūq; consulatus candidatum deducebat, prensaturum, pro se prensauit. Plutarchus auctor in dictis. Cn. & Q. Seruilius Cæpiones fratres fuisse docet Cicero in Verrinis, & in Fonteiana, & Valerius capite de testibus. natos autem eos opinor ex Cn. Seruilio Cæpione consule an. DLXXXIII. His, ut opinor, consulibus cum Macedonum legati cōquestum uenissent de D. Iunio Silano prætor, quòd acceptis pecunijs prouinciam spoliaisset, & senatus de querelis eorum uellet cognoscere T. Manlius Torquatus, Silani pater petijt, impetrauitq;, ut sibi eiusmodi cognitio mandaretur, & domi causa cognita filium condemnauit, abdicauitq;, ac ne funeri quidem eius cum sumptu uitam finisset, interfuit, sedensq; domi potestatem consulentibus ex instituto fecit. epitoma 1111, Cicero de finibus, Valerius de seueritate parentum. Iisdem etiam consulibus in L. Tubulum quæsitum ostendit idem Cicero de finibus, cum scribit: L. Tubulus, cum prætor quæstionem inter ficarios exercuisset, ita aperte cepit pecunias ob rem iudicandam, ut anno proximo P. Scauola tribunus pl. ferret ad plebem, uellent ne de ea re quæri. quo plebiscito quæstio decreta à senatu est consuli Cn. Cæpioni.

De re gesta cum Viriatho, & cum Numantinis.

Et hoc anno Q. Fabium Seruilianum pro consule cum Viriatho rem gessisse reperio. sic enim pergit Appianus, quem unum in hoc bello digerendo (quantum ex mendosis eius libris intelligere potuimus) maxime sequuti sumus: Q. Fabius cum latronum principem quendam cepisset, ipsum dimisit, socijs eius manus præcidit. Viriathum insequutus oppido inclusum circumuallare cœpit. ex quo Viriathus eruptione facta exercitum Seruiliani fugauit, atque in locum asperum, ac præruptum, unde nulla exeundi facultas erat, compulit. neque idcirco secunda fortuna elatus, cum honestam sibi finiendi belli occasionem datam intelligeret, pacem his conditionibus petijt, ut ipse socius populi R. esset; quiq; sectam suam sequuti essent, quæ quisq; haberet, teneret,

teneret. quæ à populo confirmata est. Hinc etiam in epitoma L X I legimus ita: A' Q. Fabio Maximo pro consule pars maxima Lusitanæ expugnatis aliquot urbibus recepta est. Item: Q. Fabius pro consule rebus in Hispania prospere gestis labem imposuit pace cum Viriatho æquis conditionibus facta. Orosius autem res eius gestas his uerbis prodidit: Fabius consul contra Lusitanos, & Viriathum dimicās Bacciam oppidum, quod Viriathus obsidebat, depulsis hostibus liberauit, & in deditionem cum plurimis alijs castellis recepit. quingentis etiam principibus eorum, quos societate inuitatos deditionis iure susceperat, manus præcidit. Hinc factum est, ut Valerius de disciplina militari ita scripserit: Q. Fabius Maximus in Hispania omnium, qui ex præsidijs Romanis ad hostes transfugerant, captiq; erant, manus abscidit, ut trunca præ se brachia gestantes, metum defectionis reliquis inijcerent. & Frontinus lib. I I I I: Fabius Maximus transfugarum dextras præcidit. Atque hoc quidem modo cum Viriatho in Lusitania dimicatum est. In Celtiberia uero quanquam omnibus fere Celtiberis à Metello deletis acrius quàm unquam ante pugnari cæptum. Vni erant, quod est apud Appianum, Terrestini, ac Numantini, qui propè intacti arma retinebant. Cum his ergo bellum illud susceptum, quod postea Numantinum est appellatum. cuius belli causam sic expressit Florus. Numantini, inquit, Segidenfes socios, ac consanguineos suos manibus Romanorum elapsos exceperant. habita pro eis deprecatio nihil ualuit. cum se ab omni bellorum contagione remouerent, in legitimi fœderis pretium iussi arma deponere. hoc sic à barbaris acceptum, quasi manus abscinderentur. itaque statim Megara uiro fortissimo duce ad arma conuersi, Pompeium prælio aggressi, fœdus tamen maluerunt, cum debellare potuissent. Hoc tamen sequenti anno factum est. non enim nisi extrema hieme hoc anno Metellus Pompeio successori exercitum in Hispania tradidit, ut scribit Appianus.

DE COS. AN. DCXIII.

DEINCEPS consules factos inuenio Q. Cæpionem cum C. Lælio. auctor Cassiodorus, & Obsequens. His consulibus L. Crassum oratorem natum scribit Cicero in Bruto. Frontinus etiam de aquæductibus C. Lælio, Q. Seruilio cos. à L. Lentulo tractatum ait, ut pro aqua Marcia Anio in Capitolium deduceretur. C. Lælium non sine repulsa consulatum adeptum auctor est Cicero in Tusculanis, & Plutarchus de rep. Idem Lælius, (quod apud Ciceronem extat in Philippica X I. & apud Velleium lib. I I.) C. Lælio natus est, eo qui consulatum gessit an. D L X I I I. Sapientis cognomen tulit teste Cicerone lib. I I. de officijs, atque in Lælio, cuius rationem affert Plutarchus in Gracchis. De Q. Cæpione supra dictum est.

De re gesta cum Viriatho, & cum Numantinis.

PVONATVM est hoc anno in utraq; Hispania à Romanis, sed turpiter. Viriathus enim dolo, non armis sublatus est à Q. Cæpione consule, cui ea prouincia euenerat. Cum Numantinis pax à Q. Pompeio proconsule iniussu senatus, ac populi propter infirmitatem facta. Dicamus primum de Viriatho. Q. Cæpio cum ad exercitum uenisset, ocij impatiens, pacem à Seruiliano fratre factam assidue improbare, ea de re quotidie literas ad senatum mittere. senatus primum tacite Cæpioni quod è rep. fideq; sua duceret permittere, post eidem aperte, ut neglectis pacis conditionibus bellum susciperet, mandare. quo senatus consulto accepto Cæpio repente Viriathum adortus Arsam oppidum eius occupauit, ipsum cum magna, quacunq; iter faciebat, agrorum directione fugientem insequens, tandem in Carpetanium est adeptus. Cum autem ille inde simulata pugna repente se abstulisset, Cæpio assequendi spe abiecta Vectonum, & Gallæcorum fines populabundus inuit. Qua re animaduersa Viriathus legatos ad Cæpionem de pace misit. quos Cæpio pecunia corruptos, atque promissis ingentibus oneratos ad occidendum Viriathum impulit. quo haud ita multo post à proditoribus perfectò, exercitus etiam eius, qui duce Tantalò Saguntum profectus, atque inde repulsus Bætini traiecerat, in Cæpionis, qui à tergo instabat, potestatem peruenit, atque ab eo uenia impetrata, agros etiam fertiles, quos coleret, ne inopia coactus ad latrocinia uerteretur, obtinuit. Hæc Appianus. quid alij? Florus quidem ita: Viriathum Fabius Maximus consul opprèsserat, sed à successore Seruilio uiolata uictoria est. quippe qui conficiendæ rei cupidus fractum ducem, & extrema deditionis agitantem per fraudem, & insidias, & domesticos percussores aggressus hanc hosti gloriam dedit, ut uideretur aliter uinci non potuisse. Valerius uero sic: Viriathi cædes duplicem perfidiæ accusationem recepit, in amicis, quod eorum manibus interemptus est; in Q. Seruilio Cæpione consule, quod is sceleris huius auctor impunitate promissa fuit, uictoriamq; non meruit, sed emit. Itaque in epitoma etiam L I I I I sic scriptum

Commentarius in fastos

scriptum est: Viriathus à proditoribus consilio Seruilijs Cæpionis interemptus est. & in libro de uiris illustribus: Cæpio Viriathum cum aliter uincere non posset, duos satellites pecunia corrupit, qui eum humi depositum perimerent, quæ uictoria, quia emptæ erat, à senatu non probata. Hæc in ulteriore Hispania gesta, & hoc anno à Cæpione consule, & sequenti ab eodem proconsule arbitror. Viriathum tamen his consulibus uictum scribit Obsequens.

In citeriore uero Q. Pompeius consul, cum extrema hieme exercitum à Q. Metello accepisset, castra ad Numantiam posuerat. Tum Numantini, cum eum forte abesse castris animaduertissent, è colle subito degressi in equites Pompeianos impetum facere, Pompeius re nuntiata ad exercitum, reuersus hostibus acriter instare, illi leniter ad montes recedere, dum Romanos ad locum impeditum, quem constituerant, attraxerunt. Quamobrem cum ad Numantiam nihil se proficere Pompeius sentiret, Termantiam, cuius potiundæ spes certior affulserat, exercitum adduxit. ibi cum & sæpe male pugnasset, Malia oppido per prodicionem recepto, in Sedetaniam, quam latrocinij infestam esse cognouerat, castra mouit. post cum se ad Numantiam rettulisset, ne tum quidem, cum flumen aliò deriuare, ut hostes fame opprimeret, esset aggressus, rem ex sententia gessit. Tot igitur aduersis prælijs fractus, cum Roma & senatores aliquot qui consilio, & nouus exercitus, qui manu eum iuaret, accessissent, etiam per hiemem exercitum rei gerendæ, & cladium corrigendarum causa, si qua pugna daretur occasio, sub dio habebat. Postremo autem cum morbus, quem & aquæ, & aeris grauitas uulgauerat, grauissime totum exercitum affligeret, & milites aliquot ad ea paranda, quæ uictui sunt necessaria, egressi in insidias Numantinorum præcipitati omnes fere deleti essent, exercitum in hiberna re infecta reducere coactus est. Tum uero uel quòd successorem expectaret, uel quòd Romæ iudicium formidaret, clam de pacis cõditionibus cum Numantinis agere cœpit, quas ne illi quidem diuturno bello fessi sunt aspernati. Itaque legatis eorum, cum ad se de pace uenissent, palam pro dignitate imperij Romani respondit, pacem ijs nulla alia ratione, nisi si Romanorum se potestati permitterent, dare posse. clam uero certas, in quas conuenerant, pacis conditiones tulit. quibus acceptis, illi se statim Pompeij arbitrio in speciem dediderunt. Pompeius obsidibus, & transfugis, & x v auri talentis, hæc enim imperauerat, excitis successorem, dum accederet, expectauit. Hæc pluribus uerbis Appianus. In eandem sententiam loquitur etiam Orosius. Pompeius consul, inquit, fines Numantinorum ingressus accepta maxima clade discessit, non solum exercitu pene omni profligato, uerum etiam cum plurimis nobilium, qui eius militiæ aderant, interemptis. & in epitoma: Q. Pompeius consul in Hispania Termestinos subegit. cum eisdem, & Numantinis pacem ob infirmitatem fecit, & apud Eutropium: Q. Pompeius, qui Metello successit, à Numantinis uictus pacem ignobilem fecit.

DE COS. AN. DCXIII.

CASSIODORVS in hunc annum prodit consules Cn. Pisonem cum M. Popillio. M. POPILLIUM Capitolinum fragmentum. M. Popillium Lænatem Appianus, & epitoma. M. Popillium Lænatem, L. Calpurnium Valerius libro primo, cum, ait: C. Cornelius Hispalus prætor peregrinus M. Popillio Lænate, L. Calpurnio cos. edicto Chaldæos citra decimum diem abire ex urbe, atque Italia iussit.

De re gesta cum Numantinis.

VIRIATHO interfecto, atque ulteriore pacata Hispania, bellum tamen in Celtiberia non omnino sublatum erat. Etenim cum M. Popillius Lænas consul ad exercitum in Hispaniam contendisset, ut Q. Pompeio succederet, Pompeius omni iam belli metu uacuum, cum se indigne sine iussu senatus pacem cū Numantinis fecisse animaduertisset, negare se cum ijs pactum quicquam esse; illi testibus ijs, qui fœderi feriendo affuerant, confirmare. Popillius eos Romam ad senatū, ut cum Pompeio de fœdere disceptarent, reiecit. re in senatu agitata, placuit cum Numantinis bellum renouari. Interea uero Popillius Lusum, qui Numantinis finitimi sunt, fines ingressus, inde re infecta discessit. Hæc Appianus. Q. Cæpio hoc forte anno Viriathini belli reliquias persecutus prouinciam ordinauit. neque enim tot res ab eo in consulatu gestas esse uidetur uerisimile, præsertim uero cum ad exercitum consules, non nisi fero uenire possent.

DE COS. AN. DCXV.

P. SCIPIONEM, D. Brutum consules in hunc annum inuenio apud Cassiodorum. quorū,
ut

ut ex ijs quæ dicam, patebit, pleriq; rerum Romanarum scriptores meminerunt. sic enim scriptum est in epitoma: P. Cornelio Nasica, cui cognomen Serapionis fuit ab irridente C. Curatio tribuno pl. impositum, & D. Iunio Bruto cos. delectum habentibus in conspectu tyronum res saluberrimi exempli facta est. Nam C. Matienus accusatus est apud tribunos pl. quod exercitum in Hispania deseruisset, damnatusq; sub furca diu uirgis cæsus est, & festertio nummo uenijt. Tribuni pl. quia non impetrarent, ut sibi denos, quos uellent, milites eximere liceret, consules in carcerem duci iusserunt. Hinc Cicero etiam lib. 111 de legibus scripsit: D. Brutum, & P. Scipionem consules, quos, & quantos uiros, homo omnium infimus, & sordidissimus tribunus pl. C. Curatius in uincula coniecit, quod ante factum non erat. Valerius præterea capite de fiducia sui ita scriptum reliquit: C. Curatius tribunus pl. productos in concionem consules compellebat, ut de frumento emendo, atque ad id negotium explicandum mittendis legatis in curia referrent. cuius instituti minime utilis interpellandi gratia Nasica contrariam actionem ordiri cæpit. obstrepente deinde plebe, tacete, quæso Quirites, inquit. plus enim ego, quàm uos quid reip. expediat, intelligo. qua uoce audita omnes pleno uenerationis silentio maiorem auctoritatem eius, quàm suorum alimentorum respectum habuerunt. & Frontinus capite de disciplina: P. Cornelio Nasica, D. Iunio cos. qui exercitum deseruerant, damnati uirgis cæsi publice uenierunt. Hic Scipio P. Scipionis Nasicæ filius fuit eius, qui Corculum est appellatus, P. Scipionis eius, qui optimus uir à senatu iudicatus matrem Idæam excepit, nepos, P. Scipionis eius, qui Iugurthæ bellum intulit, pater, ut tradit Velleius, ante in ædilitate repulsam passus, post Ti. Gracchum occidit. unde miror Valerium in tantorum uirorum ignoratione uersatum esse, atque ita scripsisse capite de repullis: P. Scipio Nasica togatæ potentæ clarum lumen, is, qui consul Iugurthæ bellum indixit, qui matrem Idæam è Phrygijs sedibus ad nostras aras, focosq; migrantem sanctissimis manibus excepit, qui multas, & pestiferas seditiones auctoritatis sue robore oppressit, quo principe senatus aliquot annos gloriatus est, cum ædilitatem curulem adolescens peteret, manumq; cuiusdam rustico opere duratam more candidatorum tenacius apprehendisset, ioci gratia interrogauit eum, num manibus solitus esset ambulare. quod dictum à circumstantibus exceptum ad populum manauit, caussamq; repulsæ Scipioni attulit. Vnde Cicero pro Plancio: auus tuus P. Nasica tibi ædificiam prædicaret repulsam, quo ciue neminem ego statuo in hac rep. fortiozem. De eodem Plinius lib. 22: Florum honorem populus R. Scipioni tantum habuit. Serapio cognominabatur propter similitudinem suarij cuiusdam negociatoris. ob id erat in tribunatu plebei admodum gratus, dignusq; Africanorum familia. D. Brutum M. F. uocat Cicero in Bruto. Eundem Velleius A. Brutum appellat, non per mendum, sed uere. si quidem in numis ueteribus argenteis nobilissimi uiri Andræ Lauredani, sunt etiam aliquot, cum his literis. A. POSTUMIUS ALBINUS COS. BRUTI F. quo numo hunc significari putauit, ut hic D. Brutus ab A. Postumio Albino adoptatus modo D. Brutus, modo A. Postumius Albinus Brutus, ut in alijs factum ostendi in libro de nominibus Romanorum, appellaretur, Eidem Hispania ulterior obtigit. Scipionis incomperta prouincia est.

De re gesta cum Lusitanis, et Numantinis.

VIRIATHO interfecto ne diuturnum quidem in Lusitania ocium fuit. Nam cum multi Viriathum imitati latrocinijs Lusitaniam uexarent, placuit senatui eorum libidinem armis coercere. id bellum, atque ea prouincia D. Bruto consuli mandata est. Venisse autem cum hoc anno ad exercitum uerba hæc epitomæ LV indicant: Iunius Brutus consul in Hispania ijs, qui sub Viriatho militauerant, agros, & oppidū dedit, quod Valentia uocatum est. M. Popillius à Numantinis, cum quibus pacem factam senatus irritam censuerat, cum exercitu fusus, fugatusq; est. Popillium porro pro consule hoc anno parum secunda fortuna Numantiam obsedisse testatur Frontinus lib. 111 cum ait: Numantini obfessi ne pro uallo quidem instruxerunt aciem, adeoq; se continuerunt, ut Popillio Lænatæ fiducia fieret scalis oppidum aggrediendi. quo deinde suspicante infidias, quia ne tunc quidem obsistebatur, ac suos reuocante, eruptione facta auersos, & descendentes adorti sunt. Qua de re miror nihil esse in Appiani historia prodictum.

DE COS. AN. DCXVI.

CONSULES comparant in hunc annum Cassiodorus, & Obsequens M. Aemilium, C. Hostilium Mancinum. Orosius, & Appianus M. Aemilium Lepidum, & C. Hostilium Mancinum. Mancini consulis etiam in fragmentis Capitolinis uestigia extant. De Lepido sic loquitur Cice-

Commentarius in fastos

ro in Bruto: M. Lepidus, qui est Porcina dictus, iisdem temporibus ferè, quibus Galba, sed paulo minor natu, & summus orator est habitus, & scriptor sane bonus. Item: L. Calsij legi tabellarie M. Ancius Briso tribunus pl. diu restitit, M. Lepido consule adiuuante, eaq; res P. Africano uituperationi fuit, quòd eius auctoritate de sententia deductus Briso putabatur. Is, ut opinor, natus est è M. Lepido, principe senatus, consule anno **D L X X V I I I**. His consulibus M. Claudius prætor in naue fulmine conflagrauit. Obsequens.

De re gesta cum Numantinis, et Lusitanis.

C E T E R V M Popillio pro consuli C. Mancinus consul ad Numantiam successit. D. Bruto in Lusitania prorogatum imperium est. Dicamus autem primum de Mancino. Hostilius Mancinus consul, inquit Obsequens, in portu Herculis cum conscenderet nauem, uox improuiso audita: mane Mancine. cumq; egressus postea nauem Genuæ conscendisset, anguis in naui inuentus è manibus effugit, ipse consul deuictus. & Valerius lib. primo: Mancino consuli in Hispaniam ituro hæc prodigia acciderunt. cum Lauinij sacrificium facere uellet, pulli cauea emissi in proximam siluam fugerunt, summaq; diligentia quæsi reperiri nequiverunt. cumq; ab Herculis portu, quo pedibus peruenerat, nauem conscenderet, talis uox sine ullo auctore ad aures eius peruenit; Mancine mane. qua territus cum itinere conuerso Genuam petisset, & ibi scapham esset ingressus, anguis eximie magnitudinis uisus è conspectu abiit. ergo numerum prodigiorum numero calamitatum æquauit infelici pugna, turpi fœdere, deditioe funesta. Idem est in epitoma **L V**: C. Hostilio Mancino consule sacrificante pulli ex cauea auolauerunt. conscendenti deinde nauim, ut in Hispaniam proficisceretur, accidit audiri: mane Mancine. quæ auspicia tristitia fuisse euentu probatum est. uictus enim à Numantinis, & castris exutus, cum spes nulla seruandi exercitus esset, pacem cum eis fecit ignominiosam, quam ratam esse senatus uetuit. triginta milia Romanorum à Numantinorum millibus quatuor uicta erant. Idem Orosius. Appianus Mancinum rumore, qui, Cantabros, & Vaccæos Numantinorum auxilio uenisse, percrebuerat, perculsum exercitum, trepidum in castra, quæ quondam Fuluius Nobilior fecerat, reduxisse, atque ibi obsessum ad turpes pacis condiciones à Numantinis latas descendisse auctor est. qua re Romæ cognita ipsum à bello auocatum, collegam eius M. Lepidum ad exercitum esse missum. Hæc ad Numantiam. In Lusitania uero D. Brutus proconsule, si latrones Lusitanos palantes, atque disperfos per calles, tramitesq; insequi uellet, eos se adipisci posse diffusus, ad singula eorum oppida arma circumferre cœpit, quòd se facilius singulos ad suorum oppidorum defensionem attractos esse oppressurum speraret. Ita cum Duriam flumen transisset, atque populabundus ad Lethen peruenisset, primus Romanorum Lethen, deinde Bænim uictor traiecit. qui, ut ait Strabo, Bruti expeditionis terminus fuit. Hæc ex Appiano. Hinc etiam in epitoma **L V** ita scriptum inuenimus: D. Iunius Lusitaniæ urbium expugnationibus usque ad Oceanum perdomuit. & cum milites flumen Obluionem transire nollent, raptum signifero signum ipse transtulit, & sic, ut transgrederebantur, persuasit. & apud Strabonem lib. **I I I**: Brutus cognomine Callæus Morone urbe ad faciendas excursiones usus bellum gessit cum Lusitanis, eosq; deleuit. & apud Valerium lib. **V I**: Cum se D. Bruto tota pene Lusitania dedidisset, ac sola gentis huius urbs Cinania pertinaciter arma retineret, tentata redemptione propemodum uno ore legatis Bruti respondit, ferrum sibi à maioribus, quo urbem tuerentur, non aurum, quo libertatem ab imperatore auare emerent, relictum.

D E C O S. A N. DCXVII.

C O N S V L E S suggerit Calsiodorus P. Furium, Sex. Atilium Serranum. Cicero lib. **I I I** de officijs L. Furium, Sex. Atilium. Obsequens L. Furium, Atilium Serranum. De Furio Cicero sic in Bruto: L. Furius Pilus perbene loqui putabatur, literatiusq; quam ceteri. In fragmentis Capitolinis uestigium etiam apparet **S E R R A N I** consulis. Furio Hispania citerior obtigit. Bruto in ulteriore prorogatum imperium est.

De censoribus, et lustris L V I I I.

I N fragmentis Capitol. hæc literæ Serrano cos. suggeruntur. **OR. L. F. L V I I I**. quibus literis censores hoc anno lustrum secisse **L V I I I** significatur. Qui autem hi fuerint, incerta memoria est, quoniam autem non nisi ex consularibus ad censuræ honorem per hæc tempora efferebantur, suspicari

susplicari quis poterit, alterum ex his Q. Fuluium Nobiliorem fuisse, qui anno DC consulatum gessit. id enim extrema illa cognominis eius syllaba O R indicat. Hoc constituto, nunc quærendus est ei collega, & is quidem patricius. nam Fuluius è plebe fuit. ambo autem è plebe censores non dum creabantur. ego uero Ap. Claudium Pulchrum collegam Nobilioris scripsi; primum, quia censorius fuit, deinde, quia superiore lustro censuræ honore ab Africano deiectus est, tum, quia patricij locum tenet, postremo, quia nisi eum hoc anno censorem statuas, quo anno fuerit, non reperies. est enim mortuus, auctore Appiano lib. I ante C. Tuditanum consulem. Plutarchus in Gracchis hunc uocat uirum consularem, censorium, & principem senatus. de lustro ita in epitoma LV I post deditionem Mancini: Lustum à censoribus conditum est. censa sunt ciuium capita CCCXXIII millia.

De re gesta cum Lusitanis, & Numantinis.

IN hunc annum res contuli à Bruto pro consule cum Gallæcis gestas, quod in epitoma LV I ante earum mentio fiat, quam Lepidi pro consulis, quem hoc anno à Vaccæis uictum ex Obsequēte constat. Verba autem epitomæ sunt hæc: D. Brutus in ulteriore Hispania aduersus Gallæcos pugnavit. quam rem apertius Florus tradidit, his uerbis: D. Brutus aliquando latius Gallæcos, atque omnes Gallæciæ populos, formidatumq; militibus flumen Obluionis, peragratoq; uictor Oceani litore non prius signa conuertit, quàm cadentem in maria solem, obrutumq; aquis ignem non sine quodam sacrilegij metu, & horrore deprehendit. Itaque apud Orosium quoq; ita scriptum est: Brutus in interiore Hispania LX millia Gallæcorum, qui Lusitanis auxilio uenerant, aspero bello, & difficili quanuis incautos circumuenisset, oppressit. & apud Velleium: Ante tempus excisæ Numantiæ præclara in Hispania militia A. Bruti fuit, qui penetratis omnibus Hispaniæ gentibus ingenti ui hominum, urbiumq; potitus numero, aditis, quæ uix adita erant, Gallæci cognomen meruit. & apud Rufum: Hispanias per D. Brutum obtinuimus, & usque ad Gades ad Oceanum peruenimus. & apud Strabonem lib. IIII: Callæci ultimi sunt, montes incolentes, ac propterea, qui subigantur difficillimi, qui Bruto, qui Lusitanos debellauit, cognomen dederunt. Hæc de bello Lusitanico à Bruto hoc (ut opinor) anno confecto. qui tamen non nisi quadriennio post triumphauit, diu in ordinanda, credo, prouincia occupatus. In citeriorem autem prouinciam uenit L. Furius consul, ac soluendi fœderis causâ, iussu senatus Mancinum ad Numantinos uinctum perduxit. M. Lepidus pro consule male cum Vaccæis pugnavit. quæ ita esse, postquam eò Romanorum bellorum dignitas recidit, ut annalium uerbis hinc inde collectis illustranda, atque exponenda sint, uerbis ipsis annalium, quales quales habemus, ut solemus, allatis demonstrabimus. De prouincia Furij sic Valerius lib. IIII: P. Furius Philus consul Q. Metellum, & Q. Pompeium inimicos suos cupitam sibi profectionem in Hispaniam prouinciam, quam sortitus erat, identidem exprobrantes legatos secum illuc ire coegit. De Mancino ita Cicero libro IIII de officijs: C. Mancinus, qui ut Numantinis, quibus cum sine senatus auctoritate fœdus fecerat, dederetur, rogationem suasit eam, quam L. Furius, & Sex. Atilius ex S.C. ferebant. qua accepta est hostibus deditus. in epitoma LV I: Ad exoluendum Numantini fœderis religione populum, Mancinus, cum huius rei auctor fuisset, deditus Numantinis non est receptus. Appianus etiam Mancinum à Furio in Hispaniam ductum, ac nudum hostibus traditum, nec ab ijs receptum ait. de Lepido autem sic scriptum reliquit: Lepidus cum legatos Numantinos Romanam de fœdere cum Mancino icto profectos expectare graue duceret, ocij impatiens, ac gloriæ cupidus Vaccæis sine senatusconsulto bellum intulit, frumentum Numantinis eos suppeditasse criminatus. Itaq; à Pallantinis Vaccæorum populis, quos ope D. Bruti generi adortus erat, suffusus, fugatusq; domum reuocatus imperio abdicatus est. & Orosius ita: In citeriore Hispania M. Lepidus pro consule Vaccæos innoxios, & supplices inuito senatu pertinaciter expugnare tentauit. sed mox accepta clade grauissima improbe pertinaciæ pœnas luit. sex millia Romanorum cæsa. reliqui exuti castris, & armis amissis euaserunt. & in epitoma sic scriptum est: M. Lepidus pro consul aduersus Vaccæos rem gessit, clademq; similem Numantiniæ accepit.

DE COS. AN. DCXVIII.

DEinceps consules subiicit Calsiodorus, & Obsequens Ser. Fuluium, Q. Calpurnium. Orosius Ser. Fuluium Flaccum, Q. Calpurnium Pisonem. Fragmenta Capitolina PISONEM. Fuluij Flacci cos. mentio est in epitoma LV I, & apud Appianum in Illyrica, Calpurnij Pisonis in Hispaniensi. Suspectum autem habeo prænomen Pisonis, neque enim alias eiusmodi præno-

Commentarius in fastos

men legi Pisonum. uereorq; ne C. Calpurnius Piso sit appellandus. Fuluius Illyricum, Pisoni Hispania euenit.

De re gesta cum Numantinis, Illyrijs, & Scordiscis.

Hoc anno Romani, ut ait Appianus, deditione Mancini se scedere solutos esse rati, Calpurnium Pisonem consulem aduersus eos miserunt. qui cum Numantinorum, Pallantinorumque agros populabundus inisset, eosq; uastasset, reliquum imperij sui tempus in hibernis apud Carpetanos traduxit. Vnde Obsequens his etiam consulibus rem apud Numantiam male gestam, exercitum Romanum oppressum scripsit. Dum hæc autem in Hispania gerebantur, ne quietæ quidem in Illyrico, & in Macedonia res erant. Illyrij bello Persico à Romanis uicti ad hæc usque tempora pacati fuerant. quibus Vardæi, quod extat apud Appianum, Illyricum, quod erat sub Romanorum ditione, armis inuasisse dicuntur. aduersus quos cum legati ad eos missi nihil profecissent, profectus cum exercitu Fuluius Flaccus consul bellum una duntaxat excursionem cōfecit. Itaque in epitoma etiam L V I ita scriptum est: Fuluius Flaccus consul Vardæos in Illyrico subegit. De triumpho Fuluij nihil aperte traditum comperi, uerum ex obseruatione epitomarum, & uerbi Subigendi ui triumphasse Fuluium consulem puto. Eodem etiam tempore bellatum est in Macedonia, quam Thraces incursionibus, ac populationibus diuexabant. ex Thracibus autem maxime Scordisci. Hoc item ex eadem epitoma intelligi potest, in qua uictoriæ Fuluij Flacci cōsulis hæc uerba subiiciuntur: M. Cosconius prætor in Thracia cum Scordiscis prospere pugnavit. neque enim de eo quicquam aliud accepi. Hunc tamen prætorem triumphasse non puto. Hoc ita cecidisse, coniectura ducor ad suspicandum, quod Cicero in Pisonem Macedonicos horum annorum triumphos enumerans, T. Flaminium, L. Paullum, Q. Metellum, T. Didium nominet, non omisurus etiam M. Cosconium, qui inter Metellum, & Didium prætores, & ipse prætor in Macedonia rem gessit, si triumphasset, cum id maxime ad causam pertineret. Quemadmodum autem hoc bellum postea exarscrit, ita ut consulares exercitus, imperiumque desiderarit, post demonstrabimus.

De priore seruili bello Siculo.

ISDEM consulibus bellum in Sicilia à seruis commotum extat in Orosij commentarijs. cuius belli hæc à Floro causa proditur: Syrus quidā nomine Eunus fanatico furore simulato, dum Syriæ deæ cærimonias iactat, ad libertatem, & arma seruos, quasi numinum imperio concitauit. Id ut diuinitus fieri probaret, in ore abdita nuce, quam sulphure, & igne stipauerat, leuiter inspirans flammam inter uerba fundebat. hoc miraculo primo duo millia ex obujs, mox iure belli reſtractis ergastulis quadraginta amplius militum fecit exercitum, regijsq; decoratus insignibus castella, oppida, uicos miserabili direptione uastauit. capta etiam sunt caltra prætorum, Manilij, Lentuli, Pisonis, Hypsæi. Idem scriptum est etiam in epitoma L V I: Bellum in Sicilia ortum. eius initium fuit Eunus seruus natione Syrus, qui contracta agrestium seruorum manu, & solutis ergastulis iusti exercitus numerum impleuit. Cleo quoque alter seruus ad LXX millia seruorum contraxit, & copijs iunctis contra populum Romanum, exercitumq; eius bellum sæpe gesserunt. & apud Orosium: Ser. Fuluius Flacco, Q. Calpurnio Pifone consulibus bellum in Sicilia seruile ortum, quod adeo graue multitudine seruorum tunc ad arma instructorum, copiaq;, & magnitudine uirium fuit, ut non dicam prætores Romanos, quos penitus profligauit, sed consules quoque terruerit. nam LXX millia seruorum tunc in arma conspirantium fuisse referuntur, excepta urbe Messana, quæ seruos liberaliter habitos in pace continuit. Hæc ex annalibus. Mihi uero eorum uerba intentius intuenti ne hoc quidem anno initum bellum uidetur. si quidem uideo in epitoma scriptum; bellum seruile cum à prætoribus opprimi non potuisset, C. Fuluius consuli esse mandatum. Is autem sequenti anno consulatum gerit. ex quo fit, ut aut hoc anno à quatuor prætoribus res gesta in Sicilia sit, quod non est uerisimile, aut multo ante hunc annum prætores hoc bellum administrarint, & uicti perficere nequierint.

DE COS. AN. DCXIX.

INSEQUENS annus P. Africanum, C. Fuluium Flaccum consules habuit. auctor Cassiodorus, & Obsequens. C. Fuluij mentio est etiam in epitoma L V I. Africani TI consulis apud Appianum in Hispaniensi, Orosium, Florum, Valerium lib. V I I I, cum inquit, Aemilianum cum

cum quæstorij comitijs suffragator Q. Fabij Max. fratris filij in campum descendisset, populus consulem iterum reduxit. Quod autem Cicero in sexto de rep. scribat: Cum autem Carthaginem deleueris, triumphum egeris, censor fueris, & obieris legatus Aegyptum, Syriam, Asiam, Græciam, delegere iterum absens consul: non est quod id quisquam Valerij sententiæ repugnare arbitretur. Est enim absens accipiendus pro eo, qui non petendi causa in campum descendisset, & omnino qui non peteret. quomodo sæpe locutum esse Dionysium, & Liuium docui in scholijs Liuianis. nunquam autem petijisse Africanum ostendit Cicero in Lælio, cum ait: Qui consulatum petijt nunquam, factus est consul bis, primum ante tempus, iterum sibi suo tēpore, reip. pene serò. Est autem solutus lege, non ætatis, ut ait Appianus, (quod quisque intelliget, qui annos cum hoc tempore quinquaginta natum cognouerit. si quidem erat capiēdo consulatui legitimus annus x l i i i.) sed ea lege, quam Cato suaserat; Ne quis iterum cōsul fieret. quod in scholijs Liuianis demonstraui. Africano Hispania, Fuluius Sicilia euenit.

De re gesta cum Numantinis, & seruis in Sicilia.

F A C T V S ergo magna populi uoluntate, maiore reip. ab eo bene gerendæ spe Scipio consul, cum bellum Numantinum extra sortem, ut etiam antè Punicum gerere iussus esset, animum ad belli apparatus necessarijs applicauit. Igitur diffidens ueteri exercitui, à quo re sæpe male gesta esset, alias sibi copias scribendas, auxilia undique aduocanda, arma, tela, equos, & cetera instrumenta militiæ præparanda putat. in delectu autem habendo nullius ex ueteribus legionibus nomen accipit, quòd alio bello detinerentur, uerum nouos milites omnes conscribit. Cum autem Itali frequentes studio, atque amore Scipionis ad id bellum nomina darent: senatus ueritus, ne Italia proprio præsidio nudaretur, non solum id eos uetuit facere, sed ne pecunias quidē ex præparatis cum sumere passus est, uerum annuās pensiones, quarum nondum tempus uenerat, attribuit. quorum alterum Scipio, quod ad pecunias in bellum suppeditandas pertinebat, minime se indigne dixit ferre, quòd suas, & amicorum copias diceret ad id bellum gerendum satis multas futuras. de altero uero, quo milites Italiæ fortissimos secum ad bellum difficillimum uetabatur educere, senatum leuiter reprehendit. Nam si propter hostium fortitudinem Romani toties uicti essent, strenuis omnino sibi militibus opus esse, quoniam cum ijsdem hostibus dimicandum esset; sin autem propter suorum ignauiam minus bene sæpe pugnatum esset, uiris item se fortibus indigere, ne copijs ijsdem parem ipse calamitatem acciperet. Quare consensu senatus multos, qui se ultro militiæ offerebant, conscripsit, quos reges, ciuitatesq; miserunt. magnam præterea seruorum manum armauit, amicis quoque quingentis, quos secum educeret, ex omni nobilitate delectis. His autem, ac reliquis necessarijs rebus apparatus partem exercitus ad quatuor milia hominum fratri Fabio tradidit. ipse ante eum, quàm maximis itineribus potuit, cum reliquis copijs in Hispaniam ire contendit. Eò uero cum uenisset, non protinus in hostes se intulit, ut eos tanquam imparatos circumueniret; quòd exploratum haberet, nunquam id genus hominum adeo ocio, luxuriaq; diffuere, quin ipsa naturæ suæ ferocitate apparatus aliorum facile superaret, verum accepto à Pisone exercitu, cum eum ita inertem, imbellemq; factum intelligeret, ut nihil eiusmodi moribus strenue se gerere posse confideret; ita porrò libidini, & auaritiæ deditum, ut voluptati ille tantum, & quæstui, nihil gloriæ, & laudi studeret, ita denique seditionibus plenum, ut omnino sine ullo imperio habitus uideretur; propterea non ante sibi bellum attingendum esse arbitratus est, quàm præsentem intemperantiam ad pristinam maiorum cōtinentiam reuocasset, ac milites ipsos more maiorum laborare coegisset. Post autem cum militarem disciplinam restituisset, militesq; obediētes, ac laborum patientes reddidisset, incunte æstate motis castris Numantiam uersus contendit. Erat autem eius in hoc bello administrando consilium, ut nec nimis firma ad stationes loca deligeret; nec copias ullo modo diduceret; ne si quid à principio detrimenti cepisset, ab hostibus, à quibus adhuc irridebatur, omnino contemneretur, ac ne prælio quidem hostes ullo modo lacefferet, quòd genus belli, ac Numantinorum vires, quantæ essent, non ignotas haberet; uerum interea frumenta eorum incenderet, & agros ipsos perpetuis populationibus infestos faceret. Cum autem uastatis agris castra sibi propius urbem putaret esse admouenda, duo esse itinera, quibus eò perueniri posset, inueniebat: unum angustum, atque difficile, alterum, quanquam multo superiore longius, tamen & facilius, & expeditius. Multis autem suadentibus, ut breuiorem uiam iniret, ijs haud sibi esse parendum putauit. cuius rei consilium hac ratione explicabat, quòd timendum sibi esse diceret, ne si angustiore uia exercitum duceret, repentinam in se hostes eruptionem facerent iumentis, plaustris, & impedimentis reliquis implicatum, neque ea de causa satis uel ad pugnandum, uel ad pedem referendum paratum.

Commentarius in fastos

Quod si illi fecissent, se, nec si uicisset, magnum quæstum facturum, nec si uictus esset, nisi cladem incredibilem accepturum. duci autem prudenti in primis eius rei habendam rationem esse, ut nullo unquam tēpore, nisi aut monente occasione, aut necessitate urgente certaret. neque enim turpius quicquam in re militari posse contingere, quàm siquid imperator eiusmodi commisisset, ut sibi dicendum esset: non putaram. Hisq; rebus dictis simul tribunis imperat, ut longiore itinere agmen ducant, atque ita exercitum in fines Vaccæorum perducit. Ibi frumento, quantum plurimum potuit, coactō, omne præterquam quod sibi necessarium esse arbitrabatur, incendit. Cum autem in Vaccæis morans quosdam Pallantinorum equites sub Coplanij collibus in insidijs latentes animaduertisset in suos sæpe, quoties frumentatum exirent, impetum facere, Rutilium Rufum cum delecta equitum manu, qui eorum incursiones contineret, immittit. Is cum ad manus cum Pallantinis uenisset, illud fecit imprudentius, ut eos terga dantes usque ad collem insequeretur. quò postquam peruenit, patefactis insidijs, statim ille suis ne hostem insequi, aut adoriri contenderent, imperat, sed pilis tantum eum à se quoad possent, propulsarent. Scipio autem interea cum Rutilium longius, quàm mandatum ei fuerat, esse progressum uideret, quod euenerat, ne accideret, ueritus, eum cum reliquo exercitu sequi cœpit. cumq; ad locum uenisset, equitatum in duas partes distribuit, eumq; ab utraque parte signa inferre in hostes iubet, iactisq; iaculis gradum sensim, quoad se cum reliquis copijs coniungerent, referre, atque hac ratione equites incolumes in campum reduxit. Moturo interim ex Vaccæis castra Scipioni nunciatur flu-
men ad traijciendum difficile in medio situm esse, ad idq; hostium esse insidias collocatas. ea res fecit, ut priore itinere relicto longiorem alterā uiam, eamq; ab insidijs tutiorem ingressus sit. Ibi aquarum inopia multos effodere puteos est coactus, in quibus plerunque cum aqua amarior inueniretur, pars rumentorum siti confecta est, homines uix incolumes iter fecerunt. Inde traijciēs per fines Cauceorū, quibus superioribus annis Lucullus contra fœdera bellum intulerat, edixit, ut suam quisque domum ad negotia sua reuerteretur. post ad hiberna in fines Numantinorum progressus est. Eò tempore cum rex Numidarum Micipsa populo Ro. peditum atque equitum auxilia mitteret, Iugurtham Manastabilis fratris filium, eum quo cū postea populus R. bellauit, cum **xii** elephantis, ac sagittariis, & funditoribus multis misit. quem uirū & in amicis Scipio habuit, & ad res grauiissimas, periculosisimasq; sæpe adhibuit. Hæc Appianus, Orosius, epitoma **LVI** ab Africano consule hoc anno gesta in Hispania prodiderunt. In Sicilia vero C. Fuluius consul rem gessit, ut in epitoma **LVI**, & apud Orosium scriptum est. verum quo euentu parum cognitum est, quòd annalium veterum memoria interierit.

DE COS. AN. DCXX.

Hic annus consules habuit P. Mucium, L. Calpurnium, auctore Cassiodoro. Velleio autem P. Mucium Scæuulam, & L. Calpurnium. Horum sic meminit Pædianus in Verrinās: Scæuola iuris peritissimus cum L. Pisone consul fuit, quo anno Ti. Gracchus occisus est. P. Scæuola filius est P. Scæuolæ consulis anno **DLXXVII**. Cicero auctor in Bruto. frater P. Craſsi biennio post consulis, ut idem significat in Lucullo. In fragmentis Capitolinis est **L. CALPURNIVS PISO FRVG.** recte. scribit enim Cicero in Verrē, & pro Fonteio, primum hunc è Pisonibus esse **FRVG.** uocatum. Idem tribunus pl. legem tulit de répetundis Marcio, & Manilio consuli-
bus, & annales Romanos scripsit. Cicero in Bruto.

De seditione Ti. Gracchi tribuni pl.

His consulibus resp. Romana seditione à Ti. Graccho tribuno pl. excitata, uehementissime perturbata est, quòd ipsum aliorum, quæ plurima sequuta sunt, malorum initium fuisse existimatur. Res autem acta sic est. Ti. Sempronius Gracchus clarissima familia, atque optimis maiorum exemplis tribunus pl. ad popularem aucupandam auram legem tulit inuitis senatoribus, atque equitibus, ne quis ex agro publico plus quàm **duo** iugera possideret. cui cum M. Octavius collega causam diuersæ partis defendenti intercederet, in eum furorem exarsit, ut ei potestatem lege lata abrogaret, seq; & Caium fratrem, & Ap. Claudium socerum triumuiros ad diuidendum agrum crearet. promulgauit & alterā legem, qua si quis latius agrum patefaceret, ut ijdem triumui-
ri iudicarent, qua publicus ager, quā priuatus esset. deinde cum minus agri esset, quam quod di-
uidi posset sine offensa etiam plebis, quoniam eos in summam spem opum erexerat, legem se pro-
mulgaturum ostendit, ut ijs, qui Sempronia lege agrum accipere deberent, pecunia, quæ regis At-
tali fuisset, diuideretur. hæredem autem populum R. reliquerat Attalus rex Pergami, Eumenis
filius,

filius, paulo ante mortuus. Tot igitur indignitatibus commotus grauiter est senatus, ante omnes P. Mucius consul. qui cum in senatu in Gracchum perorasset, raptus ab eo ad populum, rursus in eum pro rostris concionatus est. Cum autem iterum tribunus pl. creari Gracchus uellet, quod cum summo reip. exitio futurum optimates arbitrabantur, auctore P. Cornelio Nasica in Capitolio ab optimatibus occisus est, ictus fragmentis subfelliorum, & inter alios, qui in eadem seditione occisi erant, insepultus est in flumen proiectus. hæc fere ex epitoma l v i i i. in libro autem de uiris illustribus in eandem sententiam ita scriptum est: Ti. Gracchus tribunus pl. legem tulit, ne quis plus D agri iugera haberet. Octauio collegæ intercedenti nouo exemplo magistratum abrogauit. deinde tulit, ut ea familia, quæ de Attali hæreditate erat, ageretur, & populo diuideretur. post cum prorogare sibi potestatem uellet, aduersis auspicijs in publicum processit, statimq; Capitolium petijt, manum ad caput referens, qua salutem suam populo commendabat. hoc nobilitas ita cepit, quasi diadema posceretur. segniterq; agente Mucio consule Scipio Nasica sequi se iussis, qui saluam reimp. uellent, Gracchum in Capitolium persequutus oppressit. cuius corpus Lucretij ædilis manu in Tiberim missum, unde ille Vispillo dictus. Eadem uberius Appianus, Plutarchus, & Velleius. Hinc Cicero de aruspiciũ respon. dixit: Ti. Graccho inuidia Numan-
tini fœderis, cui feriendo, quæstor C. Mancini consulis cum esset, interfuerat, & in eo fœdere improbando senatus feueritas dolori, & timori fuit. istaq; res illum à grauitate patrum desciscere coegit. & pro Sextio: Ti. Gracchus legem ferebat agrariam. grata res erat populo. nitebantur contra optimates, quòd ea discordiam excitari uidebant. & cum locupletes possessionibus diuturnis mouerentur, spoliari reimp. propugnatoribus arbitrabantur, & in Catilinam: Ti. Gracchus, quòd iterum tribunus pl. fieri uellet, occisus. & de legibus: Ti. Gracchum nihil aliud perculit, nisi quod potestatem intercedendi collegæ abrogauit. & pro domo: P. Scipionis factum statim P. Mucius consul, qui in gerenda rep. putabatur fuisse segnior, multis senatusconsultis non modo defendit, sed etiam ornauit. & pro Plancio: P. Mucius arma, quæ priuatus P. Scipio sum-
pserat, ea Ti. Graccho interempto iure optimo sumpta esse defendit.

De re gesta cum seruis in Sicilia, & Italia, & cum Numantinis in Hispania.

Hoc anno bellum in Sicilia L. Piso consul ita gessit, ut eius nirtutis populum Romanum haud pœnituerit, quemadmodum ueterum in commentarijs scriptum est, quorum uerba proferam, ut quid de eo nobis scriptum relictum sit, omnes intelligant. sic loquitur Orosius: Post Fuluium Piso consul in Sicilia Mamercium oppidum expugnauit, octo millia fugitiuorum interfecit, quos capere potuit patibulo affixit. & Valerius ita lib. i i: L. Calpurnius Piso in Sicilia bellum cum fugitiuis gessit, & acerrime in Titium equitum præfectum, qui fugitiuis arma tradiderat, animaduertit. Idem scribit Frontinus lib. i i i i, cap. i, ac Valerius lib. i i i i, hoc modo: Calpurnius Piso consul graui fugitiuorum bello à se liberata Sicilia, eos quorum præcipua opera usus fuerat, imperatorio nomine donis cum prosequeretur, inter eos filiũ suum aliquot locis præliatum fortissime titulo trium librarum aureæ coronæ decorauit. Atque hæc quidem minime dubiam uictoriam Pisonis ostendunt. at in epitoma l v i i i rem aduersus fugitiuos uario euentu gestam scriptum est, & apud Obsequentem, in Sicilia à fugitiuis Romanos exercitus esse necatos. Neque uero Sicilia solum hoc tẽpore seruili peste uexata est, sed etiam Italia, quod & apud Obsequentẽ, & apud Orosium extat. Orosius quidem post Gracchanam seditionem ita scribit: Orta in Sicilia belli seruilis contagio multas late infecit prouincias. Nam & Minturnis c c c c l serui in crucem acti, & Sinuessæ ad i i i i millia seruorum à Q. Metello, & Cn. Seruilio Cæpione oppressa sunt. & Obsequens: In Italia multa millia seruorum, quæ coniurauerant ægre comprehensa, & supplicio consumpta. Hæc autem dum in Sicilia, Italiaq; cũ seruis geruntur, P. Scipio in Hispania prorogato imperio debellauit, atque Numantiam ipsam eius belli caput excidit. significat hoc ipsum cum Obsequens, tum etiam Cicero in primo de officijs, cum scribit: Africanus in excidenda Numantia non plus reip. profuit, quam eodem tempore P. Nasica cum Ti. Gracchum interemit. Res autem ex sententia Appiani gesta sic est. Cum omne studium Scipio in populando agro, ubi hibernauerat, collocaret, accidit ut quodam die ad pagum nescio quem ualle, rupeq; altissima cinctum exercitus eius maximum in discrimen adduceretur. Etenim cum magna pars militum intra pagum populationibus esset intenta, equites autem pauci agros incurSIONIBUS prædarentur, ab insidijs hostium, qui non procul à pago in rupe confederant, circumuenti uix satis firmi ad se tutandum esse uidebantur, nisi propere Scipio accurrisset. qui cum ad signa extra pagum constitisset, suis repente per tubicinem euocatis, facta in hostes impressione, eos in fugam coniecit. neque tamen illos persecutus, se intra munitiones suas recepit paucis utrinq; oc-
cilis.

Commentarius in fastos

cifis . atque ita quidem Appianus . Orosius autem , cum partem æstatis , inquit , totamq; hiemem ne tentata quidem pugna Scipio transegisset , hoc eum demum profecisse , quòd ubi pugnandi copia facta est , Romani impetu Numantinorum oppressi cum terga uertissent , increpatione minisq; imperatoris erecti , conuersis signis hostem fugarunt . cuius etiam sententiam Fontinus comprobabat , qui Scipionem tradit , cum exercitum suum in fugam compulsum uideret , se palam eum pro hoste habiturum pronunciasse , qui in castra redisset . Eodem tempore Antiochus Syriæ rex cum ad Scipionem munera misisset amplissima , magnitudinem animi sui Scipio declarauit . qui , cum alij imperatores munera regum occultare soliti essent , ea ipse pro tribunali accepit , atque omnia quæstorem referre in tabulas publicas iussit , cum ex ijs se fortissimum quenq; uirum palam donaturum esse profiteretur . Posthæc bina ad Numantiam castra posuit . quorum unis ipsemet præfuit , alteris Q. Maximum fratrem præfecit . eo tempore accidit , ut à Numantinis sese ex urbe propripientibus sæpe pugna lacefferetur . at ille haud cum ijs esse pugnandum ratus , qui desperatione acti ad dimicandum descenderent , sui potestatem non faciebat . cumq; idcirco à nonnullis nimix quasi tarditatis argueretur , id potissimum respondebat , se à matre sua imperatorem genitum esse , non bellatorem . Ergo à prælio abhorrens animum ad hostes obsidione premendos , ac fame conficiendos intendit . ea causa fecit , ut literas per omnes prouincias , & socias ciuitates dimitteret , à quibus auxilia peteret . quæ cum ad diem conuenissent , urbem ipsam hoc modo circunuallare instituit . primum copias suas , atque auxilia ciuitatum in plures partes distribuit , simulq; ijs , ut totam undiq; urbem fossa , ualloq; cingerent , imperauit . Quod si ab erumpentibus hostibus opere forte prohiberentur , se interdiu purpureo uelo , noctu ignibus fieri certiore iussit . His uero perfectis alteram fossam post hanc ducere cœpit , & murum erigere , qui in altitudinem pedes decem , in latitudinẽ octo pateret , in eoq; turres iugeri inter se interuallo distantes excitare . cû autem stagnum quoddam cum mœnibus coniunctum muro sepire non posset , aggere valido circundedit . Hoc apparatu ita clausa omni ex parte à Scipione Numantia erat , ut nemo egredi , neque ingredi terra inuito illo posset . Verum cum flumen Durius urbem præterlaberetur , erat id quidem Numantinis commodissimum tum ad comineatus importandos , quos secundum nacti uentum paruis in urbem nauiculis inuehebant , tum ad homines emittendos , qui se undis obruentes , foras enatabant . Igitur eius fluminis usum cum eripere Numantinis Scipio statuisset , ubi illud propter eius altitudinem , latitudinem , rapiditatemq; iungi ponte non posse animaduertit , castellum in utraq; ripa constituit , ab ijsq; castellis proceras trabes firmissimis funibus utrinq; sustentatas in aquam demisit . trabes autem erant mucronibus ensium circumfixæ , quæ magno impetu in orbem ductæ prohibebant , ne quis nauigando , aut natando exire , aut ingredi posset . ex quo Numantini inopia rei frumentariæ simul , & consilij laborare cœperunt ; cû nec quicquam necessarium posset inuehi , nec quid foris ageretur , ulla ratione cognosci . Quod si qui forte aliquo modo frumentatum exissent , eos tamen Scipio interfici prohibebat , quòd diceret , hoc celerius eos absumpturos frumentum , quod haberent , quòd plures fuissent . His rebus ita constitutis super turres machinas ; ceteraq; ad iacienda tela tormenta collocauit , omnibusq; non cohortibus solum , sed etiam centurijs funditores , & sagittarios interiecit . pariq; ratione uiros in muris ex interuallo disposuit , qui omnium , quæcunq; gerentur , clamore edito , eoq; inde ab alijs deinceps excepto , & proximis tradito certiore se repente facerent . Iis uero , qui in turribus erant , edixit , ut si quid sciri opus esset , id signo dato denunciarent , quæ uero certius ab se cognosci oporteret , ea ut per nuncios indicaret . adhæc totum exercitum , qui ad sexaginta millia hominum continebat , quadripartito diuisit : quorum alios pro muris uoluit excubare , alios in usus necessarios , si quò forte contendendum esset , referuauit . uiginti porrò millia , quæ usu postulante pugnarent , totidemq; , quæ si quid ijs durius accidisset , subsidio essent , constituit . ijsq; locus erat suus cuiq; attributus , ex quo decedere cuiquam iniussu imperatoris permissum non erat . ex qua diligentia efficiebatur , ut quoties hostes impetum fecissent , tum omnes , qui ad id parati erant , ex qua parte signum datum fuisset , se proriperent . Numantini uero quoties muri custodias inuadebant (sæpe autem id faciebant) partim multitudine signorum , quæ ad ceteros excitandos è turribus edebantur , partim aspectu eorû , qui propere aduolabant , tum nunciorum huc , & illuc cursitantium copia , tum fortitudine eorû , qui uallum , murumq; acerrime defendebant , tum deniq; tubarum , quæ bellicum è turribus caneant , altissimo perterriti sono nihil proficiebant . Hac ergo ratione Scipio cum septos illos teneret , putabat haud diutius obsidionem esse passuros , presertim cum neque uirorum , neque armorum , neque cibariorum subsidij quicquam ijs posset ulla ex parte suppeditari . Cum autem illi ita iam fame affligerentur , ut diutius obsidionem sustinere non posse uiderentur , Rhetogenes . quidam extitit inter Numantinos longe & audacia & fortitudine princeps , qui periclitanti patriæ ultimis eius temporibus auxilium ferret . Is comitibus quinq; , quos in suam sententiam pertraxerat ,

rat ,

rat, totidemq; famulis, atque equis assumptis, noctis silentio spatium illud, quod inter urbem, & munitiones erat cum traiecisset, scalis secum allatis munitiones superat. Ibi custodes imparatos adortus, remissis famulis equos conscendit, ac protinus singulas Areuaccum urbes adit, simulq; eos docet, quanto res Numantinorum in periculo sint, uidendum eis diligentius esse, ne similis ad eos casus recideret. optimam autem ad id rationem futuram, si cognatæ ciuitati maxime necessario tempore subuenirent. Hæc oratio nullius populi animos permouit, nisi Lucensis. quæ ciuitas à Numantia quinq; millia passuum distat. cuius cum iuuentus omnis subsidio Numantinorum esset intenta, maiores natu ueriti, nequid prauis adolescentum consilijs detrimenti acciperent, confestim Scipionem certtorem faciunt. Ea de causa Scipio hora noctis octaua magna manu sine impedimentis accurrit, & ante lucem urbem exercitu circumfedit, simulq; petiit, ut iuuentutis principes in potestatem sibi dederentur. Ciuibus eos euasisse dicentibus, sese bello ciuitatenu persequitur esse demonstrat. qua de causa traditi sunt ei iuuenes ad quadringentos, quibus cum manus præcidisset, subito motis castris Numantiam se recepit. Vltimis temporibus Numantini, ubi diligentia Romanorum nihil his rebus profici posse intellexerunt, cum omnino non dum animo defecissent, sex legatos ad Scipionem de pacis conditionibus mittunt. Eorum princeps Auarus laudata Numantinorum animi magnitudine magnifice apud Scipionem locutus, Numantinos se dedere ei paratos dixit esse, si tolerabilia imperarentur; sin minus, omnino se in acie interfici malle, quàm non ueterem belli gloriam, libertatemq; quam à maioribus acceperant, retinere. Scipio cum ex captiuis, quo statu res in vrbe essent, comperisset, ueram sine ulla exceptione deditionem fieri uelle respondit, simul urbem eos, arma, & se, atque omnia sua fidei, & potestati suæ committere. Hæc cum legati populo Numantinorum exponerent, quanquam non aliud Scipionem daturum esse responsum suspicati antea fuerant, tamen ira incensi, libertatis amore, quia nunquam alias ante seruitutem seruissent, iamq; præsentis calamitate acerbius effecti, & de sua potestate deiecti essent, Auarum, ceterosq; legatos, tantorum malorum nuncios interficiunt, suspicati ne illi publica salute neglecta aliquid cum Scipione priuatim de incolumitate propria pepigissent. Postremo ad id inopiæ uentum est, ut omnibus generibus ciborum deficientibus, ac fructibus, iumentis, herbisq; omnibus consumptis lora, detractasq; scutis pelles, ubi seruida mollissent aqua, comesse inceperint. quibus confectis se ad morientium hominum cadauera transtulerunt. cum interim ægrotorum nullam rationem haberent, ac pro se quisque quod plus posset, imbecilliori uim facere conaretur. adhæc uero grauis etiam pestilentia inuaserat, quam diutina conclusio, & mutatio uictus, præterea teterrimus cadauerum odor tota passim iacentium urbe vulgauerat. Quibus illi fracti, ac superati malis consilium tandem se Scipioni dedendi ceperunt, seque horrido, & incompto capillo supplices ad eum contulerunt. Scipio postulatis eorum auditis iussit, ut eodem illo die arma certum quandam in locum omnia comportarent, ipsi postridie in alium omnes conuenirent. Numantini diem sibi ad id faciendum ut produceret, petierunt, quod adhuc in urbe non pauci essent, qui libertatis amore sibi mortem asferre uel ferro, uel fame cuperent. ex ijs autem ubi alij sese alio modo interemissent, reliqui tertio die, uti imperatum fuerat, in constitutum locum se contulerunt, deformes, truculento aspectu, atque multo sordidiore habitu, ita ut ea fortuna facile misericordiam commouere in animis etiam hostium possent. quorum Scipio cum paucos ad triumphum seposuisset, reliquos sub hasta uendidit, urbemq; ipsam funditus euertit. Hæc Appianus. Florus autem, atque Orosius Numantinos cum omnino erumpere in hostes, ac uiriliter occumbere statuissent, carne prius semicruda, & largiore potione sumpta se ingurgitasse scribunt, non uini, cuius is locus minime ferax est, sed succi tritici artificiose confecti, quam Celiæ incolæ uocant. Scipio uero, cum hostium consilium præsensisset, haud pugnandi copiam fecit. Id ægre primum Numantini tulerunt, quod sibi uel ad patriam defendendam, uel ad gloriosam mortem oppetendam intercludi aditum intelligerent. deinde uero cum omnino repentina eruptione prælio Romanos laceßere decreuissent, & siquid ipsi extremis temporibus proficere possent tentare, ex improviso in aciem descendentes Romanos inuadunt. Ibi magno spatio utrinq; dimicatum est. iterumq; Romani se pugnare cum Numantinis fugiendo sensissent, nisi duce Scipione pugnassent. Numantinorum tamen res deterior fuit, qui fortissimo quoque ex suis amisso prælio excesserunt, ita tamen, ut compositis ordinibus, nec ueluti fugientes se reciperent, nec oblata ad sepulturam cadauera suorum acciperent. Postremo omnia experti, quod res nulla processerat, decernunt ex oppido profugere, atque ex hostium manibus occulte, si possent, euadere. at eorum inceptum uxores nimio uirorum amore flagrantes ruptis cingulis equorum impediunt. Quare ultima desperatione ad moriendum impulsæ portas urbis clauserunt, ac se, duces, patriamq; ferro, ueneno, & subiecto undiq; igni perdidderunt. Frontinus Numantinos ait, ne se dederent, mori præclusis domorū suarum foribus maluisse.

Commentarius in fastos

luisse. Eodem tempore Theogenem quendam tradit Valerius uirum genere, pecunia, honoribusq; præstante uicum suum, qui erat in urbe pulcherrimus, incendisse nutrimentis ignis raptim ex omni parte contractis, protinusq; districtis gladijs duobus in medium constitutis binos uiros ea conditione inter se dimicare iussisse, ut qui uictus esset abscisis à capite ceruicibus in ardentia tecta conijceretur. qua ratione cum omnes prorsus eos neci tradidisset, tum demum etiam se ipsum in ignem medium iniecit. Scipio autem urbem ingressus nihil prædæ inuenit, quod aurum, argentum, arma, uestes, ceteraq; eiusmodi omnia igni absumpsa essent. ac ne unum quidem Numantinorum in uincula coniecit, quod omnes periissent. Ita de Numantia interitu fama duplex est: alij à Numantinis eam incensam scribunt, alij à Scipione deletam, idq; etiam sine auctoritate senatus, uel quod Scipio id è rep. esse censeret, uel quod natura crudelis in eos esset, quos ui caperet, uel certe, quod maximis urbium euerfionibus clarius se nomen suum esse redditurum putaret. Numantia deleta reliquam regionem in fidem accepit, ceteras, quæ descecerant Hispaniæ ciuitates, partim ui, partim deditioe in potestatem suam redegit, agros Numantinorum urbibus uicinis distribuit, labantes in fide confirmauit, reliquis tributa imposuit.

DE COS. AN. DCXXI.

IN hunc annum creati consules fuerunt auctore Cassiodoro P. Popillius, P. Rupilius. eorum meminit Cicero lib. xiii ad Att. C. Tuditanum, inquit, uideo in Libonis prætorem P. Popillio, P. Rupilio cos. & in Verrem: Ennam tenuerunt P. Popillio, P. Rupilio cos. serui fugitiui. In fragmentis etiam Capitolinis est P. POPILLIVS C. F. P. RUPILIVS P. F. P. N. Rupilius, & Popillium cos. nominat Velleius lib. ii: Rupilius, & Lænatem Cicero in Lælio. Eundemq; intelligit cum ait: Scipio Rupilius consulem fecit, Lælium non potuit. P. Rupilij mentio est etiam in epitoma lxx. C. Popillium C. Popillij filium esse arbitror consulis an. dxcv. His cos. S. C. factum in eos, qui Ti. Gracchum sequuti essent. quaestione habita multi damnati sunt. Plutarchus in Gracchis. id quod auctore maxime P. Popillio cos. factum est.

De triumphis D. Bruti, & P. Scipionis Africani ex Hispanijs.

RES à D. Bruto consule, & pro cos. prorsus in Lusitania, & Gallæcia, unde Callæcus postea appellatus est, per triennium gestas supra commemorauimus. Ob eas triumphum ei decretum esse nemo dubitat. eum enim Plutarchus in Gracchis de Lusitanis, Eutropius de Lusitanis, & Gallæcis triumphasse scribit. Quin etiam idem Eutropius indicat eundem hoc anno triumphasse, cum ita scribat: Attalus rex Asiæ heredem populum R. reliquit. mox etiam D. Brutus de Gallæcis, & Lusitanis triumphauit, & P. Scipio Africanus de Numantinis secundum triumphum egit. xiiii anno, postquam priorem de Africa egerat. Ergo in eundem annum reiecti duo nobilissimi triumphi sunt, alter ex ulteriore, alter ex citiore Hispania, in quibus prouincijs per multos iam annos bellum à Romanis sine effectu gerebatur. credo autem ferius Brutum triumphasse, quod ulterior Hispania nunquam ordinata prouincia sit, nisi excisa Numantia, ac missis in utraq; Hispanias x legatis. Appianus. P. etiam Scipionis præclaræ res ad Numantiam per biennium gestæ ante expositæ sunt. Triumphasse autem cum hoc anno docet aperte Cicero in Philippicis, ubi ait triumphatum ab eo esse anno ante Valerium, & Licinium consules. item Eutropius, Orosius, & epitoma lxx. apud quos est Scipionem posteriorem triumphum egisse xiiii anno, quam priorem de Carthagine egerat. In hoc triumpho xii millia pondo argenti translata auctor est Plinius lib. xxxiii, cap. xi. Appianus Numantini cognomen ex hac uictoria inuenisse Scipionem scribit.

De seruis in Sicilia debellatis, et ouatione P. Rupilij pro cos.

EODEM etiam anno ad bellum seruile in Siciliam profectus P. Rupilius consul seruos subegit, ac bello confecto prouinciam ordinauit. Id enim ex Romanorum monumentis elicitur, quorum verba, ut res apertius demonstretur, ac certius, subiungentur. sic Orosius: Pisoni cum Rupilius cos. successisset, Taurominium, & Ennam firmissima fugitiuorum refugia bello recepit, ubi amplius, quam xx millia seruorum trucidata referuntur. Valerius lib. ii: P. Rupilius cos. eo bello, quod in Sicilia cum fugitiuis gessit, Q. Fabium generum suum, quia negligentia Tauro minitanam arcem amiserat, prouincia iussit decedere. Cicero in Verrem: Ennam tenuerunt P. Popillio, P. Rupilio cos. serui fugitiui. at Valerius lib. ix: P. Rupilius cos. Ennam, quam prædones

dones tenuerunt, in potestatem populi R. redegit. in epitoma autem LIX: P. Rupilius cos. in Sicilia cum fugitiuis debellauit. & rursus Val. lib. VI: P. Rupilius in Sicilia operam publicanis dedit, & ultimam inopiam suam auctorato socijs officio sustentauit. ab hoc postmodum consule leges uniuersi Siculi acceperunt, acerbissimoq; prædonum, ac fugitiuorum bello liberati sunt. Prædianus quoque in IIII Verrinam: P. Rupilius quondam ex publicano factus consul, postea X legatorum sententia leges Siculis conscripsit. & Florus: Tandem P. Rupilio imperatore supplicium de seruis sumptum est hos enim uictos, & apud Ennam nouissime obsessos cum fame quasi pestilentia consumpsisset, reliquias latronum compedibus, catenis relegauit, crucibusq; puniuit. fuitq; de seruis ouatione contentus, ne dignitatem triumphi seruili inscriptione uiolaret. quanquam apud Florum est, non P. Rupilius, sed Perpenna, uitiose. neque enim Perpenna cum seruis, sed cum Aristonico debellauit, ut post dicemus. Ego tamen P. Rupilium non in consulatu triumphasse, sed pro cos. puto. si quidem scribit in Verrem Cicero, leges à P. Rupilio prætore Siculis esse conscriptas. prætorem autem, ut alias, pro consulem intelligit.

DE COS. AN. DCXXII.

CONSULES suggerit in hunc annum Cassiodorus P. Crassum, L. Valerium. Cicero Philippica XI L. Valerium Flaccum, P. Licinium Crassum. P. Licinij Crassi consulis meminerunt omnes, qui de bello Aristonici scripserunt. Hic P. Crassus Diues Scæuolæ frater dicitur à Cicerone in libris de oratore, & in Bruto, unde eum Mucianum uocat Velleius lib. II, ut adoptatū eum ex gente Mucia in Crassorum familiam notet. Idem ditissimus, nobilissimus, eloquentissimus, iurisperitissimus, pontifex maximus fuisse traditur à Gellio lib. I, cap. XII. L. Valerium, quem eundem flaminem Martialem fuisse scribit Cicero in Philippicis, L. Valerij filium esse reor consulis anno DCI. Hoc loco fragmenta duo Capitolina inter se diuulsa, nec suo loco ab ijs, qui ea in Capitolio digesserunt, posita, composui; ex quo hic, & insequens annus maxime illustratur. Eorum fragmentum unum est hoc.

ANCIE
SERRA
POR. L. P. LVIII:
PISO.
FLACCVS.

DCXX. P. MVR
P. POPIL
P. LICIN
CR
L. CALPURNIVS
P. RVFILIVS P. P. P. N.
VALER

alterum autem, quod non huic annexum, atque affictum est, uerum longo post interuallo post annum DCXXC collocatum, est hoc.

IVS C. P.
VS P. P. P. N.
CR
CAECIL

quod fragmentum ita cum parte superioris coniungendum est.

DCXX. P. MVRcius Scæuola. L. CALPURNIVS Piso FRVgi.
P. POPILLIVS C. P. Lænas. P. RVFILIVS P. P. P. N.
P. LICINIVS P. P. P. N. CRassus. L. VALERIVS Flaccus.
CENS. Q. CAECILIUS Metellus
M. Perpenna.

De censoribus, & lustro LIX.

EX fragmentis Capitolinis intelligitur his consulibus censorem Q. Cæciliū fuisse. is fuit Q. Cæcilius Metellus Macedonicus, cui collega additus Q. Pompeius. sic est enim in epitoma LIX: Q. Pompeius, & Q. Metellus tunc primum uterque ex plebe censores facti. Lustrum à censoribus est conditum. censa sunt capita, CCC LXVIII millia DCCC XXXIII, præter pueros, & uiduas. Q. Metellus censor censuit, ut omnes cogerentur ducere uxores liberorū procreandorum causa. extat oratio eius, quam Augustus Cæsar cum de maritandis ordinibus ageret, uelut in hæc tempora scriptam in senatu recitauit. C. Atinius Labeo tribunus pl. Q. Metellum censorem, à quo in senatu legendo præteritus erat, de saxo deijci iussit. quod ne fieret, ceteri tri-

Commentarius in fastos

buni pl. auxilio fuerunt. Hunc autem fuisse Q. Metellum Macedonicum docet Plinius lib. VII, cap. XLIIII. Q. Pompeij censoris meminit etiam Cicero in Bruto. Lustrum factum esse anno sequenti puto M. Perperna cos. eius certe mentio fit in epitoma post M. Perperna cos. mentionē.

De bello Aristonici Asiatico.

Hoc tempore nouum in Asia bellum coortum est, quæ ab Attalo Eumenis filio Pergami rege moriente populo Ro. relicta Mucio, & Calpurnio consulibus fuerat. Quo de bello sic Iustinus lib. XXXV: Aristonicus Eumenis filius non iusto matrimonio, sed ex pellice natus, post mortem Attali uelut paternum regnum inuasit Asiam. cum multa secunda prælia aduersus ciuitates, quæ metu Romanorum se tradere ei nolebant, fecisset, iustusq; rex iam uideretur, Asia Licinio Crasso consuli decernitur, qui intentior Attalicæ prædæ, quàm bello, cum extremo anni tempore inordinata acie prælium conseruisset, uictus pœnas inconsultæ auaritiæ sanguine dedit. Florus autem ita: Attalus rex Pergamenorum Eumenis filius regnum populo R. testamento reliquit. Aristonicus regij sanguinis ferox iuuenis urbes regibus parere consuetas partim facile sollicitat, paucas resistentes Mindon, Samon, Colophonem ui recepit. Crassi quoque prætoris cecidit exercitum, ipsum quoque cepit. sed ille memor & familiæ & Romani nominis custodem sui barbarum uirgula excæcat in exitium sui. quod uolebat, ita concidit. Crasso consuli affuisse Nicomedem Bithyniæ, Mithridatem Ponti, Ariarathen Cappadociæ, & Pylemenem Paphlagoniæ reges, Crassum ipsum interfectum, caput eius Aristonico oblatum, corpus Smyrnæ sepultum tradit Eutropius. In epitoma autem LX hoc pacto scriptum est: Aristonicus regis Eumenis filius Asiam occupauit, cum testamento Attali regis legata populo Ro. libera esse deberet. aduersus eum P. Licinius Crassus consul, cum idem pont. max. esset, quod nunquam antea factum erat, extra Italiam profectus prælio uictus, & interemptus est. & Strabo lib. XIIII: Aristonicus Attalo Philometore mortuo, cum de regno occupando, tanquam ex eius stirpe unus, cogitaret, nauali prælio ad Cumæam ab Ephesijs superatus, in mediterraneam regionem recedens uocatis ad libertatem seruis maximum exercitum comparauit, atque Thyatira primum, deinde Appolloniadem occupauit. cum autem ciuitates, atque Nicomedes Bithyniæ, & Ariarathes Cappadociæ reges exercitus summisissent, atque Romani legati quinque aduenissent, & cum maximis copiis P. Crassus consul; ipse Crassus ad Leucas, cum quidam eum adorirentur, prælio dimicauit. De eodem sic Cicero Philip. XI: Cum Aristonico bellum gerendum fuit L. Valerio: P. Licinio cos. rogatus populus, quem id bellum gerere placeret, Crassus consul pont. max. Flacco collegæ flammini Martiali multam dixit, si à sacris discessisset. sed ne tum quidem populus Ro. ad priuatum detulit bellum, sed consuli potius Crasso, quàm priuato Africano gerendum dedit. Hunc autem interfectum esse sequentibus cos. scribit Obsequens. recte. scribit enim etiam Velleius Crassum ex Asia decedentem pro consule interemptum. De eodem in Asia imperatore tradit Gellius lib. I, cap. XIIII. & Valerius lib. VII, cap. VI de nece eius, capite de fortitudine.

DE COS. AN. DCXXIII.

AP. Claudium, M. Perpernam cos. in hunc annum subdit Cassiodorus, & Obsequens. Ceterum hunc C. Claudium uocat Cicero lib. III de legib. cum ait: Crassi sapientissimi hominis sententiâ senatus secutus est, cum decreuisset C. Claudio consule de Carbonis seditione referente, eo inuito, qui cum populo ageret, seditionem non posse fieri. Hunc autem C. Claudium cum Cicerone uoco. siquidē idem pro Plancio scribit, Ap. Claudiū, qui cōsul fuit anno DCLXXIIII, repulsam in ædilitate passum C. Claudio patre uiuo. M. Perperna consulis meminerunt omnes, qui de Aristonici bello scripserunt. Hunc ante consulem, quàm ciuem fuisse tradit Valerius lib. XII, cap. V. His cos. cum Carbo tribunus pl. rogationem tulisset, ut eundem tribunum pl. quoties uellet, creari liceret, rogationem eius P. Africanus grauissima oratione dissuasit, in qua dixit, Ti. Gracchum iure cæsum uideri. Gracchus contra suasit rogationem, sed Scipio tenuit. epitoma LX. & Obsequens: M. Fuluij Flacci triumuii dissensione in legibus ferendis angues duo nigri in cella Mineræ allapsi ciuilem cædem portenderunt. Antiocho regi Syriæ ingenti exercitu dimicanti hirundines in tabernaculo nidum fecerunt, quo prodigio neglecto prælium commisit, & à Parthis occisus est. qua de re scriptum est etiam in epitoma, quam citauī.

De re gesta in Asia cum Aristonico.

M. PERPERNA consul successit Crasso in Asiam, atque Aristonico acie uicto, captoq; bellum confecit. ante tamen mortuus, quàm Romam rediret, triumphare non potuit. Vt autem tota res gesta sit, latius in sequentis anni historia explicanda demonstrabo.

DE COS. AN. DCXXIIII.

Hic annus consules habuit M'. Aquillium, C. Sempronium, auctore Cassiodoro. Orofio autem, C. Sempronium Tuditanum, M'. Aquillium. Horum meminit Cicero de natura deorũ: Sol geminatus est, inquit, Tuditano, & Aquillio cos. quo quidem anno P. Africanus sol alter extinctus est. & ad Q. Fratrem: Nquendiales feriæ fuerunt Aquillio, & Tuditano cos. paulo ante mortem Africani. Appianus lib. primo, Strabo lib. x i i i, alij, M'. Aquillij cos. meminerunt. Horum uterque ex triumphis eorũ Capitolinis descriptus est. His consulibus seditiones à triumphis Fuluius Flacco, C. Graccho, & C. Carbone agro diuidendo creatis excitatæ. quibus cum P. Scipio Africanus aduersaretur, fortisq; ac validus pridie domum se recepisset, mortuus in cubiculo inuentus est. suspecta fuit, tanquam venenum dedisset, Sempronia uxor, hinc maxime, quòd soror esset Gracchorum, cum quibus similtas Africano fuerat. de morte tamen eius nulla quæstio lata. Defuncto eo seditiones triumphales acius exarserunt. epitoma l i x. Appian. lib. i.

*De re cum Aristonico in Asia gesta, et bello confecto,
et triumpho M'. Aquillij pro cos.*

CRASSO, vt dixi, in Asiam Perperna consul, Perperna M'. Aquillius successit. Perpernam triũphasse indicare forte quibusdam uideatur Valerius, cum scribit ita capite de ijs, qui humili loco nati clari euaserunt: Non paruus consulatus rubor M. Perperna, ut pote qui consul ante, quàm ciuis. sed in bello gerendo utilior aliquanto reip. Varrone. regem enim Aristonicum cepit, Crassianæq; stragis punitor extitit. cum interim cuius uita triumphauit, mors Papia lege damnata est. at triumphasse eum negant alij omnes. siquidem M'. Aquillius successor eius triumphauit. Id autem ut ceciderit, æquum est collectis ueterum annalium uerbis intelligere. sic scribit Velleius: Asiam L. Scipio Africani frater eripuit Antiocho, sed beneficio senatus, populiq; R. mox ab Attalis possessam regibus M. Perperna capto Aristonico fecit tributariam. & alibi: Aristonicus uictus à M. Perperna, ductusq; in triumpho, sed à M'. Aquillio; capite pœnas dedit. Orofius autem: Perperna consul, qui Crasso successerat, audita morte Crassi, & clade exercitus Ro. raptim in Asiam peruolauit. Aristonicum recenti uictoria furem improviso bello adortus nudatum omnibus copijs in fugam uertit, cumq; Stratonice urbem, ad quam ille confugerat, obsidione cinxisset, trucidatum fame ad deditiõem coegit. Perperna cõs. correptus morbo apud Pergamũ obiit. Aristonicus uero ductus ad urbem Romam iussu senatus in carcere strangulatus est. Addit Eutropius: Triumphari de eo non potuit, quia Perperna apud Pergamum Romam rediens diem obiit. Iustinus autem: In Crassi locum missus Perperna consul prima congressione Aristonicum superatum in potestatem suam redegit, Attalicasq; gazas hereditarias populi R. nauibus impoſitas Romam deportauit. quod ægre ferens successor eius M'. Aquillius consul ad eripiendum Aristonicum Perpernae, perinde ueluti sui potius triumphum munus esse deberet, festinata uelocitate contendit. sed contentione consulum mors Perpernae diremit. Strabo etiam lib. x i i i: M. Perperna, inquit, capto Aristonico, & Romam misso bellum confecit. Aristonicus ipse in carcere mortuus est. Perperna morbo absumptus. postea M'. Aquillius consul cum decem legatis missus prouinciam composuit. Florus: Aristonicus à Perperna domitus, & captus, & per deditiõem in uinculis habitus. Aquillius Asiatici belli reliquias confecit mixtis ueneno fontibus ad deditiõem quarundam urbium. quæ res ut maturam, ita infamem fecit uictoriam. De eiusdem triumpho sic scriptum est in epistola Mithridatis apud Salustium: Romani simulato impio testamento filium Eumenis Aristonicum, quia patrium regnum petiuerat, hostium more per triumphum duxere. Triumphauit autem sero uel in prouincia constituenda occupatus, uel inimicorum, à quibus post etiam accusatus est, inuidia impeditus. siquidem in annum d c x v i i triumphus M'. Aquillij M'. F. M'. N. pro cos. ex Asia reijcitur ab ijs, qui Capitolinos triumphos conscripserunt. Eadem belli occasione etiam Lydiam sedem antiquam regnorum, Cariam, Hellespontũ, ac Phrygias ambas in potestatem populi R. deditiõne uenisse Rufus, & Iornandes produnt. Phry

Commentarius in fastos

giam uero ab Aquillio Mithridati regi Pontico pecunia accepta concessam, ipsum eo nomine Romæ postulatum, senatum Phrygiam liberam esse iussisse tradit Appianus lib. primo bellorum ciuiliū, & in Mithridatica. Iustinus adijcit libro xxxv i i Phrygiam Mithridati patri, Ariarathis Cappadociæ regis, qui in hoc bello ceciderat, filijs Lycaoniam, & Ciliciam datas.

De triumpho C. Sempronij Tuditani cos. de Iapudibus.

Hoc anno Illyrios mouisse, ac domitos esse indicat triumphus C. Tuditani cos. qua de re scriptum inuenio lib. primo apud Appianum: Cum Tuditanus consul ueretur, ne iudex constitueretur litis, quæ plebi cum patribus de agrorum diuisione erat, in Illyricum prouinciā profectus est. in Illyrica uero ita: Iapudes intra alpes incolentes Sempronius Tuditanus pugna superauit. in epitoma aut l i x: C. Sempronius cos. contra Iapudas primo male rem gessit; mox victoria cladem acceptam emendauit uirtute D. Iunij Bruti eius, qui Lusitaniam subegerat. Eundem intelligi à Plinio puto lib. i i i cum ait: Tuditanus, qui domuit Istros, in statua sibi inscripta, ab Aquileia ad Titium flumen stadia c c. Hunc demū consulem de Iapudibus triumphasse scriptum est etiam in tabulis Capitolinis.

DE COS. AN. DCXXXV.

DE INCEPS Cn. Octavius, T. Annii consules sequuti. auctor Cassiodorus, præter eum nemo. T. Annium T. F. eius, qui consul fuit anno dc, puto fuisse. Plutarchus etiam T. Annium quendam narrat cum Ti. Graccho in seditione contendisse. Cn. Octavius Cn. F. est eius, qui cos. fuit anno dclxxxviii.

DE COS. AN. DCXXXVI.

L. CASSIUM, L. Cinnam consules in hunc annum solus item edit Cassiodorus. Hic est L. Cassius Longinus, qui postea censor fuit anno dcxxxix, tribunus pl. fuerat Lepido, & Mancino cos. Cicero in Bruto, pro Roscio, pro Sextio. L. Cinnam L. Cornelij Cinnæ patrem esse arbitror eius, qui postea consul quater fuit.

DE COS. AN. DCXXXVII.

M. AEMILIUM, L. Aurelium consules in hunc annū memorat Cassiodorus, & Obsequens, M. Aemilius Lepidum, L. Aurelium Orestem Censorinus. M. Lepidum, L. Orestem Cicero in Bruto. L. Orestem filium esse puto L. Orestis consulis anno dxcvi.

De re in Sardinia ab Oreste cos. gesta.

L. AURELIO Oresti consuli Sardinia obtigit. C. Gracchus ei quæstor fuit per triennium, atque Orestem ipsum decedens Romam in prouincia reliquit. ut ait in Graccho Plutarchus. nam Gracchus ipse se tantum biennium ait fuisse in prouincia apud Gellium lib. xv, cap. x i i. sub eodem M. Aemilio Scaurus stipendia fecit, ut est scriptum in libro de uiris illustribus. Sardiniam autem hoc tempore mouisse, atque ab Oreste subactam esse scriptum est in epitoma l x. Qui si ex ea triumphauit (neque enim quicquam certum habeo) certe id post M. Fuluium fecit, qui de Liguribus post triennium triumphauit. Nam hic ultra triennium in prouincia fuit, & Capitolini triumphum eum ante M. Fuluium non triumphasse indicant.

De censoribus.

QUINQVENNIVM admonet, ut in hunc annum censores conijciamus, quos tamen aliqua de causa abdicasse arbitror, nec lustrum fecisse. siquidem postero anno alij censores fuisse commemorantur. Qui autem fuerint, parum liquet. Ego tamen Q. Fabium Seruilianum, & L. Cæcilium Metellum scripsi. & quod ex ijs, qui consulares essent uetustissimi essent, & quod in consulatu collegæ fuissent. De Q. Fabio censore sic Valerius capite de pudicitia: Q. Fabius Maximus Seruilianus honoribus, quos splendidissime gesserat, censuræ grauitate consumatis exegit pœnas à filio dubiæ castitatis. De L. Metello sic capite de testibus: Fratribus Metellis Quinto, &

& Lucio consularibus, & censorijs, altero etiam triumphali in Q. Pompeium A. F. repetundarum acerrime testimonium dicentibus non abrogata fides. Hic est L. Metellus Q. Metelli Macedonici frater. Quam tamen infirmæ sæpe in antiquitate concipienda coniecturæ sint, omnes facile intelligere possunt. qui in hac re firmiores habuerit, eas sequetur.

DE COS. AN. DCXXXVIII.

M. PLAUTIUM, M. Fulvium consules in hunc annum profitentur Cassiodorus, & Obsequens. M. Plautium Hypsæum, M. Fulvium Flacum Orosius, & Frontinus de aquæ ductibus. De quibus sic Valerius capite de superbia: M. Fulvius Flaccus consul M. Plautij Hypsæi collega, cum perniciosissimas reip. leges introduceret, de ciuitate danda, de prouocatione ad populum eorum, qui ciuitatem mutare uoluissent, ægre compulsus est, ut in curiam ueniret. deinde partim monenti, partim oranti senatui, ut incepto desisteret, responsum non dedit. Appianus lib. primo, M. Fulvium eos. tradit, primum Italos palam excitasse, ut ciuitatem peterent, cumq; in ea sententia persisteret, à senatu in expeditionem missum. His cos. locustarum ingenti agmine in Africa, quæ à uento in mare deiectæ, fluctibusq; eiectæ odore intolerabili Cyrenis mortifero uapore grauem pestilentiam pecori fecerant, hominum *decem* millia consumpta tabe proditum est. Obsequens, epitoma LX, & Orosius.

De censoribus, & lustro LX.

HIS consulibus censores fuisse L. Cassium Longinum, & Cn. Seruilium Cæpionem inuenio apud Frontinum his uerbis scriptum: Cn. Seruilius Cæpio, & L. Cassius Longinus, qui Raulilia appellatus est, censores anno ab urbe condita *decem* M. Plautio Hypsæo, M. Fulvio Flacco cos. aquam, quæ uocatur Tepula, ex agro Lucullano, quem quidam Tusculanum credunt, Romam, & in Capitolium adducendam curauerunt. eorum etiam ita meminit Velleius lib. 11: Persequamur notam seueritatem censorum Cassij Longini, Cæpionisq; qui Lepidum Aemilium augurem, quoddam sex millibus ædes conduxisset, adesse iusserunt. L. Cassij, & Cn. Seruiliij censorum meminit quoque Cicero in Verr. 111. Lustrum anno (ut puto) sequenti conditum est. censa sunt ciuium capita *decem* millia, *decem* ut scriptum est in epitoma LX. quod lustrum, si superiora spectabis, LX numerabis.

De coniuratione Fregellana à L. Opimio prætor. compressa.

EODEM anno ad Fregellas res gesta est à L. Opimio prætore. Id autem significat Obsequens, qui Fregellas, quæ aduersus Romanos coniurauerant, his cos. dirutas scribit. Coniurandi fortasse causam attulit M. Fulvius consul, qui Italicos populos primus in spem Romanæ ciuitatis, auctore Appiano, erexit. siquidem in Milonianam scribit Pædianus: L. Opimius in prætura Fregellas cepit, quo pacto uisus est ceteros quoque Latini nominis socios male animatos repressisse. Plutarchus C. Gracchum suspectum fuisse tradit, ne socios sollicitasset, & coniurationis Fregellanae socius fuisset. In libro de uiris illustribus scriptum est, eum Asculanæ, & Fregellanae defectionis inuidiam sustinuisse. In epitoma autem LX ita est: L. Opimius prætor Fregellanos, qui defecerant, in deditionem accepit. & apud Velleium: L. Opimius prætor Fregellas excidit. & apud Valerium de iure triumphandi: L. Opimius Fregellanis ad deditionem compulsis triumphandi potestatem à senatu non impetrauit, non inuidia patrum conscriptorum, sed summa diligentia obseruandi iuris, quo cautum erat, ut pro aucto imperio, non recuperatis, quæ P. R. fuissent, triumphus decerneretur. Pullus autem Numitor uidetur Opimio Fregellas prodidisse. etenim inquit Cicero lib. de finib. 5: Quis Pullum Numitorem Fregellanos proditorem, quam reip. nostræ profuit, non odit?

De bello Allobrogico.

HOC tempore primum cum Gallis transalpes dimicatum est. Salyes populi huius auctores belli fuerunt, cum Massiliensium fines sociorum populi Ro. inuasissent. Salybus accesserunt Aruerni, Ruteni, & Allobroges, quibus subactis bellum finitum est, quod ab ijs Allobrogicum appellatum est. Imperatores Romani gesserunt M. Fulvius Flaccus, C. Sextius Caluirus, Cn. Domitius Ahenobarbus, Q. Fabius Max. Aemiliani F. qui postea Allobrogicus dictus est. De hoc bello

Commentarius in fastos

bello ita Florus: Prima trans alpes arma nostra sensere Saluij, cum de incurfionibus eorum fidsima, atque amicissima ciuitas quereretur. Allobroges deinde, & Aruerni, cum aduersus eos similes Aeduorum querelæ opem, & auxilium nostrum flagitarent. & in epitoma LX: Fuluius Flaccus primus omnium transalpinos Ligures bello domuit, missus in auxilium Mafsiliensibus aduersus Saluios Gallos, qui populabantur fines Mafsiliensium. & Marcellinus lib. xv: Gallorum regiones præcipue, quæ Italicis confines primo tentatæ per Fuluium, quassatæ per Sextium, ad ultimum per Fabium Maximum domitæ. & Obsequens his cos. Ligures Salyas trucidatos scribit.

DE COS. AN. DCXXIX.

CONSULES subsequutos tradit Cassiodorus, & Obsequens C. Cassium Longinum, & C. Sextium. Velleius Cassio, & Caluino Fabrateriam coloniam deductam scribit. C. Sextij Caluini meminit his verbis in Bruto Cicero: Atque etiam ingenio, & sermone eleganti ualetudine incommoda C. Sextius Caluinus fuit. Eutropius consules edit C. Cassium Longinum, et Sex. Domitium Caluinum, ut puto, per mendum.

De re gesta cum Gallis.

M. FVLVIO consuli successit in Gallia C. Sextius consul, à quo Saluij funditus deleti sunt. quemadmodum Romanorum, qui extant, annales omnes loquuntur. sic enim scriptum est in epitoma LXI: C. Sextius pro cos. uicta Saluiorum gente coloniam aquas Sextias condidit ob aquarum copiam, & calidis & frigidis fontibus, atque à nomine suo ita appellatas. Velleius Sextium Caluinum Salyes apud aquas Sextias, quæ ab eo Sextiæ appellantur, deuicisse scribit. Strabo lib. IIII Sextium ait redactis in potestatem Salybus non longe à Mafsilia sui nominis ædificasse oppidum, suæq; appellationis aquas calidas dixisse. Marcellinus Gallos tentatos per Fuluium, per Sextium quassatos fuisse. Hunc eundem Sextium prorogato imperio sequenti anno rem gessisse arbitror; primum quòd pro cos. Saluios uicisse traditur, deinde quòd non nisi biennio post successor ei missus est Cn. Domitius Ahenobarbus consul.

DE COS. AN. DCXXX.

Q. CAECILIUM, T. Quinctium in hunc annum prodit consules Cassiodorus. Q. Cæcilius Metellum, T. Quinctium Flaminium Eutropius, & Orosius. T. Flaminium, Q. Metellum uocat Cicero pro domo. T. Flaminium T. Flaminii filium esse censeo, eius, qui consul fuit anno DCIII. Q. Metellus maximus natus est è filijs quatuor Macedonici, quem à deuictis in hoc honore Balearibus Q. Metellum Balearicum uocat Plutarchus de fortuna Romanorum, itemq; alij.

De triumpho M. Fuluij Flacci pro cos. de Ligurib. et Gallis.

IN hunc demum annum conijciunt Capitolini scriptores triumphum, quem ob res in Gallia gestas egit M. Fuluius Flaccus. Triumphasse autem de Liguribus, Vocontijs scriptum est in triumpho Capitolino. puto autem desiderari, & Saluijs; primum quòd aduersus eos missus erat, deinde quòd in consulatu eius Ligures Salyes uictos scribit Obsequens. Post Salyas, inquit, Strabo tenent montana Vocontij, quorum regio ad Allobrogas usq; pertenditur. Plutarchus in seditione Gracchi, quæ biennio post excitata est, Fuluium armasse suos ait spolijs ijs, quæ Gallis consul ademerat. Idem cum Velleio hunc consularem, & triumphalem nominat.

De Balearibus uictis. et triumpho Q. Metelli pro cos.

HOC anno Balearicum bellum gestum est. cuius hanc causam exponit Florus. Baleares, inquit, insulæ piratica rabie corruerant maria. ascendere etiam inconditas rates, & præternauigantes subinde inopinato impetu terruere. sed cum uenientem ab alto Romanam classem prospexissent, prædam putantes ausi etiam occurrere, & primo impetu ingenti lapidum, faxorumq; nimbo classem opperire, sed non diu. nam postquam cominus uentum est, expertiq; rostra, & pila uenientia, pecudum in morem clamore sublato petierunt fuga litora, dilapsiq; in proximos tumulos, quærendi fuerunt, ut uincerentur. Metelli Macedonici filij auspicio res gesta Balearici ei cognomen imposuit. Strabo autem lib. XII ita: Cum ex Balearibus pauci quidam improbi cum

cum maris prædonibus conspirassent, uniuerfos criminatus Metellus cognomento Balearicus inuasit, idemq; colonias condidit. In epitoma autem l x ita est: Aduersus Balcares à Q. Metello cõsule res geritur. Triumphasse porrò ex hac uictoria Metellum cum partum cognomen indicat, tum quòd Plinius lib. v i i scribit, Macedonicum à duobus filijs triumphalibus esse elatum, Balearicum, & Dalmaticum intelligens. triumphasse autem biennio post docet Orosius, cum post C. Gracchi cædem L. Opimio cos. factam, ita ait: Metellus Balearis insulas bello peruagatus edomuit, & piraticam infestationem, quæ ab ijsdem tunc exercebatur, plurima incolarum cæde compressit.

DE COS. AN. DCXXXI.

Cn. Domitium, C. Fannium consules comparant in hunc annum Cassiodorus, & Obsequens. quorum sic meminit in Bruto Cicero: C. Fannius C. F. qui cos. cum Domitio fuit, unam orationem de socijs, & nomine Latino contra Gracchum reliquit. & Plinius lib. i v, Lunæ, inquit, trinæ Cn. Domitio, C. Fannio consulibus apparuere, quos pleriq; appellauerunt soles nocturnos. C. Fannium à C. Graccho consulē factum, L. Opimium repulsam tulisse, tradit Plutarchus.

*De re gesta cum Gallis, et triumphis C. Sextij Caluini pro cos.
et Cn. Domitij Ahenobarbi pro cos.*

Qvæ res gesserit C. Sextius consul, atque pro consule, supra commemorauimus. Cn. autem Domitium Ahenobarbum consulem inuenio trans alpes post C. Sextium missum rem cum Aruernis, & Allobrogibus felicissime gessisse. auctores huius historiæ habeo Suetonium in Nerone, qui ait: Cn. Domitius Ahenobarbus in consulatu Allobrogibus, Aruernisq; uictis elephantoproprouinciam inuectus est, turba militum quasi inter solennia triumphiprosequente: & epitomam l x i, in qua post uictoriam C. Sextij ita est: Cn. Domitius pro cos. contra Allobroges ad oppidum Vindalium feliciter pugnavit. quibus belli inferendi causa fuit, quod Teutomalium Saluorum regem fugientem recepissent, & omni ope iunissent, quòdq; Aeduorum agros sociorum populi R. uastauissent: & Orosium, qui scribit: Cn. Domitius pro cos. Allobroges Gallos iuxta oppidum Vindalium grauissimo bello uicit, maxime cum elephantorum noua forma equi hostium, hostesq; conterriti diffugissent. xx millia ibi Allobrogum cæsa referuntur. i i i millia capta sunt. Velleius etiam, Domitij Ahenobarbi ex Aruernis uictoriam nobilem scribit fuisse. Obsequens item his cos. Salyes, & Allobroges deuictos scribit. Adijcit Florus: Huius uictoriæ quantum gaudium fuerit, uel hinc existimari potest, quòd & Domitius Ahenobarbus, & Fabius Maximus ipsis, quibus dimicauerant, locis saxneas erexere tures, & desuper exornata armis hostilibus trophea. Hinc Cicero pro Fonteio dixit: Cn. Domitius, & Q. Maximus nationem Allobrogum, & reliquias armis confecerunt, & opprefferunt. Domitium cum Allobrogibus dimicasse scribit Strabo, ubi Sulga, Rhodanusq; commiscuntur. Vtrunq; triumphasse & Sextium, & Domitium hæc Eutropij uerba, quanquã mendosa, significant: C. Cassius Longinus, & Sex. Domitius Caluinus consules Gallis Transalpinis bellum intulerunt, & Aruernorum ciuitati, & eorum regi Bituito, infinitamq; multitudinem iuxta Rhodanum fluuium interfecerunt. Denique Bituitus superatus Domitio se dedit, atque ab eo Romam deductus est, magnaq; gloria consules ambo triumpharunt. Hæc autem uerba mendosa dico, quia Sextium Caluinum cum Domitio miscet. neque enim C. Cassius Longinus ad hoc bellum quicquam pertinet. Vt Bituitus rex à Domitio, & à Fabio captus sit, in triumpho Fabij ostendam. quem Florus bis in triumpho uisum scribit, Domitij credo, & Fabij. Accedit quòd Suetonius Domitios Ahenobarbos triumpho functos ait, censurâq; duplici. quo tamen in loco errauit uir illè, quòd hunc Domitium cum filio huius tribuno plebis eundem fecit. Triumphauit autem certe Domitius in consulatu Fabij, quòd Valerius auctor sit capite de perfidia, Domitium in prouincia fuisse tum, cum ei Fabius successit.

DE COS. AN. DCXXXII.

L. OPIMIUM, Q. Maximum consules hic annus habuit auctore Cassiodoro. Obsequente uero L. Opimium, Q. Fabium Maximum. Horum meminit Plinius libro i i cum ait: Circa solem arcus apparuit L. Opimio, Q. Fabio cos. Ceterum Fabium Maximum Paulli nepotem, Fabij Aemiliani filiū esse docet Padianus in Verr. Velleius lib. i i, Cicero in Bruto, epitoma l x i. ut turpissimi erroris coarguantur Strabo, & Appianus, qui hunc Fabium Aemilianum uocarūt, & Plinius lib. xxx i i, cap. x i, qui hunc Fabium Allobrogicum, (hoc enim ille cognomen ex victoria

Commentarius in fastos

uictoria sibi peperit.) Africani fratrem appellat, quasi idem sit Allobrogicus, & Aemilianus. L. Opimij consulis, unde Opimianum uinum dictum est, meminit Plin. lib. x i i i i, cap. i i i i, & Plutarchus in C. Graccho, & Velleius lib. i i.

De bello Allobrogico confecto, et triumpho Q. Fabij Max. pro cos.

Q. FABIVM consulem contra Allobroges exercitum duxisse, ac bellum confecisse inuenio scriptum in annalibus Romanis. quæ autem inueni, ea exponam, nequis in hoc diligentiam meam fortasse desideret. In epitoma l x i ita est: Q. Fabius Maximus consul Paulli nepos aduersus Allobrogas, & Bituitum Aruernorum regem feliciter pugnavit. ex Bituiti exercitu cæsa millia hominum centum uiginti. & cum ipse ad satisfaciendum senatui Romam profectus esset, Albæ custodiendus datus est, quia contra pacem uidebatur, ut in Galliam remitteretur. decretum quoque est, ut Congentiatus filius eius comprehensus Romam mitteretur. Allobroges in deditionem accepti. Eadem de Bituito rege victo, & clade hostium edita sunt etiam apud Strabonem lib. i i i i, atque apud Orosium. Addit Cæsar lib. primo de bello Gallico, Aruernos, & Rutenos à Fabio Max. superatos, ipsque populum R. ignouisse, neque in prouinciam redeisse, neque stipendium imposuisse. & Plin. lib. v i i: Q. Fabium Maximum consulem apud flumen Isaram prælio commisso aduersus Allobrogum, Aruernorumque gentes ante diem v i id. Augusti. cxx mill. perduellium cæsis febri quartana liberatum esse in acie; Appianus cxx millia Gallorum à Fabio, quanquam ex recenti uulnere imbecillo cæsa esse; Velleius Fabium ex hac uictoria Allobrogicum, Pædianum Allobrogem appellatum tradit M. arcellinus Galliam Italiæ finitimam à Q. Fabio domitam ait, eique rei pleniorum effectum deuicta asperiore Allobrogum gente, cognomentum indidisse. Illud in hac uictoria me mouet, quod Valerius Bituitum captum à Domitio scribit, ac Romæ custodiendum datum, lib. i x, his uerbis: Iratus Bituito regi Aruernorum Cn. Domitius, quod tum suam, tum etiam Allobrogum gentem se etiam tum in prouincia morante ad Q. Fabij successoris sui dextram confugere hortatus esset, per colloquij simulationem accersitum, hospitioque exceptum uinxit, ac Romam nauis deportandum curauit. Senatus eius factum neque probare potuit, neque rescindere uoluit, ne remissus in patriam Bituitus bellum renouaret. igitur eum Albam custodiæ causâ relegauit. Eum tamen Bituitum cum Domitio & cum Fabio pugnas se Strabo tradit, atque bis in triumpho ductum uidetur significare Florus, cum scribit: Nihil tam conspicuum in triumpho, quam rex ipse bis uisus discoloribus in armis, argenteoque carpen to, qualis pugnauerat. Hoc bello Narbonensis Gallia in prouinciam redacta, atque ut quotannis in eam Roma prætores mitterentur, institutum. Quod cum ex sequentium annorum historia patet, tum maxime ex Critognati Aruerni apud Cæsarem oratione lib. v i i, cum ait: Quod si ea, quæ in longinquis nationibus geruntur, ignoratis, respicite finitimam Galliam, quæ in prouinciam redacta, iure, & legibus commutatis, securibus subiecta, perpetua premitur seruitute.

De seditione C. Gracchi.

HIS consulibus C. Sempronius Gracchus, Tiberij frater occisus est. cum per biennium tribunus pl. legibus seditiosis latis remp. perturbasset. quæ fuerunt: ut cui abrogatus magistratus fuisset, ei iterum capere magistratum non liceret. ut qui indicta causâ in ciuem R. animaduertisset, de eo populus iudicaret, quæ lex præcipue in P. Popillium lata est. ut agri publici tenuioribus diuiderentur. ut uestes militibus gratuito darentur. nequis minor x v i i annis ad militiam cogeretur. ut socijs Latinis suffragium, æque ac ciuibus R. daretur. ut semisse, & triente frumentum plebi tribueretur. ut à senatoribus ad equites iudicia transferrentur. ut uix dirigerentur, ster nerentur, lapidibus stadia significantibus distinguerentur, pontibus ornarentur. ut coloniæ Capua, & Tarentum in Italia deducerentur. His legibus offensus senatus M. Liuium Drusum Gracchi collegam impulit, ut colligendæ popularis beneuolentiæ causâ leges alias & ipse ad populum ferret, unam de x i i colonijs deducendis, alteram, nequis Latinorum in castris uirgis caderetur. Cum autem Rubrius Gracchi collega legem de Carthagine colonia in Africam deducenda annitente maxime Graccho pertulisset, Gracchus ipse triumphum eò profectus est. Atque hæc quidem biennio priore acta sunt. Hoc autem anno cum L. Opimius consul, uel, ut alijs placet Minucius Rufus tribunus plebis leges Gracchi, qui iam tribunatu abierat, abrogaturus, & Carthaginem coloniam alio translaturus esset, occupatur ab utraque parte Capitolium. Ibi Atilio ministro Opimij consulis à Gracchanis in turba occiso, eo die tempestatis causâ perfectum nihil est. postero die senatus ab Opimio consule uocatus, ac commemorata Atilij nece grauiter offensus, mandat

mandat consuli, ut uideat, nequid detrimenti resp. capiat. Ita Opimius postridic armato senatu, atque equitibus in forum descendit. Gracchus, ac Fuluius Flaccus, is, qui ante de Gallis triumphauerat, cum suis Auentinum obtinuerunt. Cum de conditionibus pacis frustra per Fuluij filium legatum actum esset, Gracchus ab Opimianis Auentino armis pulsus una cum Fuluius interfectus est. caput eius ad Opimium delatum auro redemptum. lustrata ciuitate Concordiæ templum constructum est. Hæc Appianus, & Plutarchus latissime. breuius autem Velleius, Florus, Orosius, atque epitomæ. De legibus Gracchi sic Pædianus in Verrem: C. Gracchus in tribunatu primo Q. Metello, T. Flaminio cos. legē tulit, ut iudicia à senatoribus ad equites transferrentur. Cicero pro Rabirio: C. Gracchus legem tulit, ne de capite ciuium R. iniussu populi iudicaretur. & pro domo, & de legib. 111: C. Gracchus de P. Popillio tulit, ut ei aqua, & igni interdiceretur. & pro Sextio: C. Gracchus frumentariā legem serebat. res iucunda erat plebi. repugnabant boni, quod ab industria plebem ad desidiā auocari putabant, & ærarium exhauriri uidebant. Item pro domo: C. Gracchus prouincias consulares non modo non abstulit à senatu, sed ut necesse esset quotannis constitui per senatum. Item pro Cluentio: C. Gracchi lex, ne quis coeat, ut publico iudicio condemnet quenquam. De nece autem sic Cicero in Antonium, & in Catilinam: Senatus, quod L. Opimius cos. verba fecit de rep. de ea re ita censuit; ut L. Opimius consul remp. defenderet. igitur Q. Metellus, cuius quatuor filij consulares; P. Lentulus princeps senatus cum L. Opimio consule, alijq; complures armati Gracchum in Auentinum persequuti sunt. quo in prælio Lentulus graue uulnus accepit, interfectus est Gracchus, & M. Fuluius consularis, eiusq; duo adolescentuli filij. Item: C. Gracchus, quod agrarios concitaret, occisus. & Salustius: C. Gracchum triumuirum colonijs deducendis occidit Opimius. & Pædianus: C. Gracchus tribunicus est interfectus. Quod dixi, ut ostenderem Valerium errare, qui C. Gracchum in tribunatu necatum scripsit. De M. autem Fuluius sic Cicero pro domo: M. Fuluius, quia cum Graccho contra salutem reip. fecerat, & senatus sententia interfectus est, & eius domus euerfa, & publicata est, in qua porticum post aliquanto Q. Catulus de manubijs Cimbricis fecit. & Valerius libro 11: M. Flacci corpore trucidato penates ab imis fundamentis eruti sunt. Flacciana area, cum diu penatibus uacua mansisset, à Q. Catulo Cimbricis spolijs adornata est.

DE COS. AN. DCXXXIII.

P. MANLIUM, C. Papirium consules subdit in hunc annum Cassiodorus. De P. Manlio nihil aliud compertum habeo. at collega eius C. Papirius Carbo est, qui tribunus pl. Claudio, & Perperna cos. post triumuir agris diuidendis à C. Graccho designatus est, quiq; primum plebis partes sequutus, post ad optimates se contulit. De quo sic Cicero in 11 de oratore: L. Opimij causam defendebat ad populum C. Carbo consul, nihil de C. Gracchi nece negabat, sed id iure pro salute patriæ factum esse dicebat. Id autem significat, quod est in epitoma 111: L. Opimius accusatus ad populum à Q. Decio tribuno plebis, quod indemnatos ciues in carcerem coniecisset, absolutus est.

De censoribus, & lustro LXI.

QUINQUENNII ratio poscit, ut in hunc annum censes, & lustrum conijciamus. qui autem censes fuerint, uix in tanto annalium R. silentio, diuinare possum. utar autem, ut supra, coniecturis ex historiarum libris, quos nobis uetustas reliquit, sumptis. Placet igitur alterum ex his fuisse Q. Metellum Balearicum Macedonici filium; quia tradit Velleius Macedonicum elatum esse à filio uno consulari, & censorio, altero consulari, tertio consule, quarto candidato consulatus, quem magistratum adeptus est. et Cicero de finibus 11, Q. Metellus, inquit, tres filios consules uidit, è quibus vnum etiam censorem, & triumphantem, quartum autem prætorem. & Plin. lib. 11, Macedonicum quatuor filiis illatum rogo vno prætore, tribus consularibus, duobus triumphalibus, uno censorio scribit. Nunc si quærat qui sit è duobus triumphalibus, qui censuram gesserit, an Balearicus, an Dalmaticus, profecto Balearicum respondebo; quia Cicero post reditum ad Quirites ait de Metellis his loquens: Non L. Dalmaticus consularis, non C. Metellus censorius; non prætermisurus certe etiam in L. Dalmatico censuram, si eam gessisset. Ergo si Q. Metellus censor fuit, & ante patris mortē fuit, qui M. Cæcilio Metello filio consule mortuus est, nec nisi postquam consul fuit, censuram cepit, profecto hoc anno eam gesserit necesse est. Huic autem L. Calpurnium Pisonem Frugi adiunxi eum, qui 111 ante annis consul fuit, quem & ipsum censorium esse inuenio. De eo enim sic Cicero in Bruto: L. Piso trib. pl. legem

Commentarius in fastos

primus tulit de pecunijs repetundis, & annales reliquit. Huius testimonium ex annalibus profert Dionysius lib. 1111, & uocat *ἀθύριον πρίσωνα φεγγί ἐν ταῖς ἐνιαυσίαις ἰσορίαις*, & in 11, *ὡς πρίσων ἀθύριος ὁ τιμητικὸς ἰσορίαις*. i. L. Piso Frugi in annalibus. &, Vt L. Piso Censorius scribit. Plinius etiam libro x111, cap. x111 eundem Pisonem Censorium citat. Nemo est præterea ex consularibus, quem censorium fuisse acceperimus, præter hunc. Nam Cn. Domitij Ahenobarbi certum habemus censuræ annum. plebeij autem, quod fieri cœptum erat, duo comparati sunt. Factum etiam esse ab his lustrum Lx1, & priora, & posteriora lustra demonstrant.

DE COS. AN. DCXXXIII.

L. CAECILIUM, L. Aurelium consules suggerit Cassiodorus, & Obsequens. Cæcilij Metelli, & Cottæ consulum meminit Plutarchus in Mario. quem Marius his cos.tribunatum plebis gessisse, Metellumq; consulem in carcerem coniecisse scribit. Hic est Cotta ille, in cuius consularis locum C. Cæsarem Flaminem dialem esse factum tradit Velleius. L. Metellus est filius L. Metelli Macedonici fratris eius, qui cos. fuit anno DCXI.

DE COS. AN. DCXXXV.

HIC annus consules habuit M. Catonem, Q. Marcium teste Cassiodoro, & Obsequente. Eutropio autem M. Porcium Catonem, & Q. Marcium. Eorum meminit Valerius libro v: Q. Marcius rex, inquit, superioris Catonis in consulatu collega, à rogo filij unici protinus curiâ petijt, senatumq; quem eo die lege haberi oportebat, conuocauit. & Plinius lib. 11: Tres soles, inquit, antiqui uiderunt Q. Marcio, M. Porcio cos. Gellius porro scribit lib. x11, M. Catonem M.F. M.N. consulé cū Q. Marcio fuisse, atque in eo consulatu in Africam profectū in prouincia obiisse. & Velleius lib. 1, atque Eutropius, M. Porcio, Q. Marcio cos. Narbonem Marcium in Gallia coloniam esse deductam. Catone autem consule, inquit Obsequens, immolante exta contabuisse, caput iocinoris inuentum non esse. Africa hoc anno propter aliquos forte motus prouincia consularis facta est, cum Catoni consuli fuerit decreta.

DE COS. AN. DCXXXVI.

CONSULES deinceps tradit Cassiodorus L. Cæcilium, & Q. Mucium. L. Cæcilium Metellum, Q. Mucium Scæuolam Eutropius. In tabula etiam uetusta de Genuensium finibus hi consules nominantur, **L. CAECILIUS Q. F. & Q. MUCIUS Q. F.** Est autem hic L. Cæcilius Metellus, qui postea à Dalmatis uictis Dalmaticus appellatus est. quem Plutarchus in Coriolano Diadematum uocat, quod vlceris causa diademate diu frontem obligauerit. Q. Mucius Scæuola augur est, de quo Cicero in Lælio, & lib. primo de oratore, filius Q. Scæuolæ consulis anno DLXXIX. L. Metello Dalmatæ euenerunt.

De triumpho Q. Marcij Regis pro cos.

HOC anno in Gallia bellum excitatum, indicat uictoria Q. Marcij consulis, de qua scriptum est apud Orosium ita: Q. Marcius consul Gallorum gentem sub radice Alpium sitam bello aggressus est. qui cum se Romanis copijs circumseptos uiderent, belloq; impares fore intelligerent, occisis coniugibus, ac liberis in flammis se proiecerunt. & in epitoma Lx11: Q. Marcius consul Sarnios gentem Alpinam expugnauit. Qui autem sint Sarnij populi, nondum comperi. quoniam autem in manuscriptis aliquot libris legitur, Stinos, suspicari poterit quis, ne truncata uox sit, pro Tricastinos, qui sunt Narbonensis Galliae populi. in qua rem gestam à Marcio docet colonia ipsa Narbo, quam ipse à se conditam à suo nomine Narbonem Marcium uidetur appellasse. Tricastinos autem ad Alpes esse indicat Liuius lib. xx1, cum ait: Sedatis certaminibus Allobrogum, cum iam Alpes peteret, non recta regione iter instituit, sed ad læuam in Tricastinos flexit, inde per extremam oram Vocontiorum agri tetendit. Vocontij autem priore bello à Fuluius uicti sunt. De Narbone colonia sic Cicero in Bruto: L. Crassus uoluit adolescens in colonia Narbonensi causæ popularis aliquid attingere, eamq; coloniam, ut fecit, ipse deducere. Triumphasse eum suspicor ex minime dubia uictoria eius.

DE COS. AN. DCXXXVII.

CASSIODORVS prodit in hunc annum consules C. Licinium Getam, & Q. Maximum. quorum C. Geta post in censura etiam commemoratur. De Q. Maximo loquitur Cicero pro Murena, sic: Quis L. Philippo summo ingenio, opera, gratia, nobilitate à M. Herennio superari posse arbitratus est? quis Q. Catulum humanitate, sapientia, integritate antecellentem à Cn. Manlio? quis M. Scaurum hominem grauissimum, ciuem egregium, fortissimum senatorem à Q. Maximo? Fuisse autem hunc è Fabijs hinc credo, quòd alios Q. Fabios Maximos, Q. Maximos Cassiodorus appellet. Hunc etiam quidam Q. Fabium Maximum Eburnum appellarunt. de quo ita Festus: Pullus Iouis dicebatur. Q. Fabius, cui cognomen Eburno erat, propter candorem, quòd eius natis fulmine icta erat.

De triumpho L. Metelli pro cos. de Dalmatis.

DALMATAE pacati quieuisse uidentur, postquam P. Scipio Nasica de ijs triumphauit anno DCXCVIII. Hoc autem tempore (ut scribit Appianus) L. Metellus consul nulla eorum culpa, triumphandi libidine bellum illis intulit, atque ab ijs amice exceptus Salonæ eorū urbe hibernauit. post autem deportato Romam exercitu sine causa triumphauit. Prælio autem opes eorum accisas esse ostendit epitoma LXXI, in qua est: L. Cæcilius Metellus Dalmatas subegit. & Pædianus in Verr: Aedem Castoris L. Metellus extruxit de manubijs, qui subactis Dalmatis Dalmaticus appellatus est. De triumpho autem eius in hunc modum loquitur Eutropius: M. Porcio Catone, Q. Marcio Rege Narbo colonia in Gallia deducta est. annoq; eodem à L. Metello, & Q. Mucio Scauola cos. de Dalmatis triumphatum est. Neminem autem esse tam cæcum arbitror, quin horum verborum mendum videat. neque enim Scauola triumphauit, sed solus Metellus. vt verè Plinius dixerit, Macedonicum morientem reliquisse filios duos triumphales, idest Balearicum, & Dalmaticum.

DE COS. AN. DCXXXVIII.

DEINCEPS sequuti consules M. Metellus, M. Scaurus; auctor Cassiodorus. M. Metellus est tertius è filijs Macedonici, de quibus ante diximus. De M. Scauro ita Pædianus: M. Scaurus ita fuit patricius, vt tribus suprâ eum ætatibus iacuerit domus eius fortuna. nam neque pater, neque auus, neque proauus, vt puto, propter tenues opes, & nullam vitæ industriam honores adepti sunt. & Cicero pro Murena: M. Aemilius Scaurus memoriam prope intermortuam generis sui uirtute renouauit. & Plutarchus de fortuna Ro: Aemilius Scaurus ex humili uita, & humilio re genere nouus homo à fortuna sublatus princeps senatus factus est. Hic anno priore superatus fuit in petitione consulatus à Q. Maximo; auctore Cicerone pro Murena. hoc autem anno P. Rutilium superauit, eodem teste in Bruto. M. Scaurus, inquit, & P. Rutilius cum una consulatum petijissent, non ille solum, qui repulsam tulerat, accusauit ambitus designatum competitorem, sed Scaurus etiam absolutus Rutilium in iudicium uocauit. & Plin. lib. II: Tacta Iunonis ædes Scauro consule, qui mox princeps fuit. & lib. VIII: Sorices & ipsos condi hyeme auctor est Nigidius, sicut glires, quas censoriæ leges, princepsq; M. Scaurus in consulatu non alio modo cœnis ademeret, quàm conchylia. & in lib. de uiris illustrib: M. Aemilius Scaurus nobilis pauper. nam pater eius, quanuis patricius, ob paupertatem carbonariam fecit. idem primò dubitauit, honores peteret, an argentariam faceret, sed eloquentiæ consultus ex ea gloriam peperit. consul legem de sumptibus, & libertinorum suffragijs tulit. Scaurus Ligures, Metellus Sardiniam obtinuit.

De censoribus, et lustris LXXII.

CASSIODORVS his cos. censores fuisse L. Metellum, & Cn. Domitium notat, eosdemq; artem ludicram ex vrbe remouisse præter Latinum tibicinem cum cantore, & ludum talorum. Eorundem mentio est in epitoma LXXI, post L. Dalmatici uictoriam hisuerbis: L. Cæcilius Metellus, Cn. Domitius Ahenobarbus censores duos, & triginta senatu mouerunt. & apud Valeriū lib. II: Geta cum à L. Metello, Cn. Domitio senatu motus esset, postea censor factus est. L. Metelli, et Cn. Domitij censorum meminit quoque Cicero in Verrem. Lustrum ab his conditum puto anno (vt assolcebat) sequenti. Nam in epitoma LXXII post C. Porcium consulem sic de lustris agitur: Lustrum à censoribus conditum est. censa sunt ciuium capita CCCXCIIII millia CCCXXVI. Ab his censoribus lectum principem senatus M. Aemilium Scaurum, indicat Salu-

Commentarius in fastos

stius in Iugurtha qui anno **D C X L I** uocat hunc consularem, & tum principem senatus. & Plin. lib. **11**, Taeta, ait, Iunonis ædes Scauro consule, qui mox princeps fuit.

De triumpho M. Aemilij Scauri cos. de Liguribus.

M. SCAVRVM prouinciam habuisse tradit Cicero in **v. Verrina**, rem in Liguribus gessisse Strabo lib. **v.** his uerbis: Magna intra Padum pars paludibus occupabatur, per quas Annibal magnis difficultatibus iter fecit in Tusciam. Ceterum Scaurus deductis ex Pado usque in Parmensiū agrum fossis, nauigationibus commodis paludes ipsas exiccauit è campis. per Placentina enim arua Trebia Padum influens, alijq; complures ante, fluuij præter modum stagnant. hic est ille Scaurus, qui per Pisas, & Lunam vsque Sabatios uiam strauit Aemiliam, & hinc per Derthonem. Eundem exercitum, & imperium habuisse docet Frontinus lib. **1111**, cum ait: Pomifera arbor, quam in pede castrorum fuerat complexa metatio, postero die abeunte exercitu, qui sub M. Scauro meruit: intactis fructibus relicta. postremo in consulatu Ligures ab eo domitos, deq; ijs triumphatum esse, scriptum est in libro de uiris illustribus, quo loco uiam Aemiliam ab eo etiam censore stratam proditum est.

D E C O S. A N. D C X X X I X.

M' ACILIVM Balbum, C. Catonem consules suggerit Cassiodorus. **M' Acilium**, C. Porcium Obsequens. eorundem meminit Plinius lib. **11**. Circa solem, inquit, arcus apparuit C. Porcio, **M' Acilio** cos. Item: Relatum lacte, & sanguine pluuisse **M' Acilio**, C. Porcio cos. **Acilium** prænomine Manij afficit Plutarchus in Mario. est autem, ut opinor, filius **M Acilij L. F. Balbi** consulis anno **D C I I I**. C. Cato frater est M. Catonis eius, qui quadriennio ante consul fuit, nepos M. Catonis Censorij, atque Africani sororis filius. ut ait Velleius, Cicero in Verrem, & in Bruto. Atque hic quidem Macedoniam fortitus est.

De bello Thracico, & triumpho T. Didij pro pr.

Q V I de bello Thracico scribunt, ij ferè à C. Catone consule illud exordiuntur. quanquam bellum in Thracia multo ante gestum esse declarat res bene cum Scordiscis à M. Cosconio prætoris viginti ante annis gesta. Puto autem eos iccirco à Catone initium belli narrandi ducere, quòd ante res à prætoribus gesta sit, hic autem primus consul eò missus sit. ut ante excitatum, nunc demum grauius factum fuisse videatur. Missum tamen cum eo prætorem T. Didium reor, ut quondam etiam Q. Fabius cos. & C. Lælius prætor in Hispaniam aduersus Viriathum missi sunt; ex his autem consulem Catonem male pugnasse, prætorem prosperè. De Catone sic scriptum est apud Ertropium: C. Cato consul bellum Scordiscis intulit, ignominiosèq; pugnauit. & in epitoma **L X I I I**: C. Porcius cos. in Thracia male aduersus Scordiscos pugnauit. & apud Velleium lib. **11**: Cato consul, consularis M. Catonis nepos, Africani sororis filius repetundarum ex Macedonia damnatus est, cum lis eius **1111** æstimaretur. Idem Cicero in Verrem. De Didio sic Florus: Non fufus modo à Scordiscis, aut fugatus, sed (simile prodigio) omnino totus interceptus exercitus, quem duxerat Cato. Didius vagos, & libera populatione diffusos intra suam repulit Thraciam. & Rufus: Didius uagantes Thrakas repressit. Eundem ex Macedonia triumphasse auctor est Cicero in Pisonem. Quin tu me, uides, inquit, qui ex qua prouincia T. Flamininus, L. Paullus, Q. Metellus, T. Didius innumerabiles alij leui cupiditate commoti triumpharunt, ex ea sic redij, ut ad portam Esquilinam, Macedonicam lauream conularim. Præterea cum idem T. Didius iterum triumphauerit auctoribus lapidibus Capitolinis anno **D C L X**, facile intelligi potest, eum hoc tempore primum triumphasse. Quanquam si Didius hoc anno prætor in Macedoniam profectus est, eum potius sequenti anno triumphasse pro pr. puto. Sed fortasse, ut sæpe alias, uaticinamur. Cui certiora habet, ea sequatur, per me licet.

D E C O S. A N. D C X L.

C. CAECILIVM, Cn. Papirium consules subdit Cassiodorus, & Obsequens. C. Cæciliū Metellum, & Cn. Carbonem Eutropius. De his cos. loquitur Plinius lib. **11**, cum ait: Lumen de cælo noctu visum est C. Cæcilio, Cn. Papirio cos. Eosdem anno **D C X L** ab v. c. consulatum gessisse tradit Tacitus de moribus Germanorum. C. Metellus est quartus C. Metelli Macedonici filius

filius, quem moriens prætorium, & candidatum consulatus reliquit, ut supra diximus. quem cognomen ex contumelia traxisse auctor est Cicero de orat. lib. 11. cognomen aut fuit Caprarius. ut ait Plutarchus de Fortuna Romanorum. Metello Macedonia, Carboni Illyricum euenerunt.

*De triumpho M. Metelli pro cos. de Sardis
C. Metelli Caprarij cos. ex Macedonia.*

TRIUMPHASSE autem M. Metellum pro cos. hoc anno de Sardis, C. Metellum cos. fratrem eius ex Macedonia scriptum est apud Eutropium, ita: C. Cæcilio Metello, & Cn. Carbone cos. duo Metelli fratres triumpharunt, alter ex Sardinia, alter ex Thracia. & apud Rufum: Sardiniam, & Corsicam Metellus vicit, triumphauitque de Sardis, qui rebellauere sæpe. Iuncta administratio harum insularum fuerat, post suos prætores habuit. vnde etiam scripsit Velleius: Circa eadem tempora 11 Metelli fratres vno die triumpharunt. Ex quo apparet Catoni Metellum in Thraciam successisse. cuius tamen Metelli non meminerunt ij, qui de bello Thracico tradiderūt.

De bello Cimbrico.

ISDEM cōsulibus Cimbros arma mouisse scriptum reliquit Tacitus de moribus Germanorum. Cimbrorum, inquit, arma primum audita sunt ann. DCXL Cæcilio Metello, & Papirio Carbone cos. & Obsequens: C. Cæcilio, Cn. Papirio cos. Cimbri, Teutoniq; Alpes transgressi sædam stragem Romanorum, sociorumq; fecerunt. Eutropius item Romæ nunciatū his cos. tradit, Cimbros è Gallia in Italiam uenisse. Cur autem mouerint, causam affert Florus, quòd ab extremis Galliæ profugi, cum terras eorum inundasset Oceanus, nouas sedes toto terrarum orbe quærerent. Hi verò quòd finibus suis nunquam exissent, & quòd longinquis è regionibus profiscerentur, vnde venirent, aut qui nam essent, ignorabatur. Romani autem eos Germanos esse ex ijs, qui ad Septentrionalem Oceanum incolunt, arbitrabantur, quòd Germanorum lingua prædones Cimbri appellarentur. hæc Plutarchus in Mario. Cum autem in Illyricum uenissent, Cn. Carbo cos. cui ea prouincia obtigerat, ab ijs fusus acie, ac uictus est. siquidem in epitoma LXXIII. ita scriptum est: Cimbri gens vaga populabundi in Illyricum uenerūt. ab ijs Papirius Carbo cos. cum exercitu fusus est. & apud Strabonem: Cn. Carbo ad Noreiam oppidum collatis cum Cimbris signis nihil profecit. Velleius etiam scribit effusam immanem vim Germanarum gentiū, quibus Cimbris, ac Teutonis nomen erat, Carbonem cos. fudisse, fugasseque, & exercitu exuisse. de eodem Carbone uicto auctor est etiam Tacitus, & Vegetius. Carbone autem superato quieuisset usque ad Silanum cos. Cimbri videntur.

DE COS. AN. DCXLI.

M. LIVIVM Drusum, L. Pisonem consulem in hunc annum commemorat Cassiodorus. L. Piso consularis occisus postea est à Tigurinīs L. Cassio consule, auctore Orosio, auus L. Pisonis foci C. Cæsaris, ut ipse Cæsar scribit lib. primo de bello Gallico. filius L. Pisonis Cæsoni cos. an. DCV. M. Drusus, C. Drusi filius dicitur à Cicerone in Bruto, eius, qui consul fuit anno DCVI.

De triumpho M. Drusi cos. ex Macedonia.

M. DRVSVM in Thracia prospere pugnasse post Didium inuenio apud Florum, qui ita scribit: Didius Scordiscos vagantes intra suam repulit Thraciam. Drusus ulterius egit, & uetuit transire Danubium. & apud Rufum: Thraces M. Drusus intra fines proprios continuit. & in epitoma LXXIII: Liuius Drusus cos. aduersus Scordiscos gentem à Gallis oriundam in Thracia feliciter pugnavit, magnumque honorem tulit. puto autem hunc etiam sequenti anno rem in Thracia gessisse, quòd consulum eius anni alter Numidiam, alter Italiam sortitus sit. Drusum autem triumphasse inde apparet, quòd ita scribit Plin. lib. XXXIII: At Liuius Drusus in tribunatu pl. XI millia habuit. nam propter quinque pondo notatum à censoribus triumphalem senem, fabulosum iam uidetur.

DE COS. AN. DCXLII.

CONSULES edit in hunc annū Cassiod. P. Scipionem, L. Calpurnium Bestiam. Obsequens
P. Sci-

Commentarius in fastos

P. Scipionem, L. Calpurnium. Salustius, Eutropius, & Orosius P. Scipionem Nasica, & L. Calpurnium Bestiam. P. Nasica Scipionis, & L. Bestia consulum meminit etiam Valerius lib. 1, cap. v. Cicero autem P. Scipionem P. Scipionis Serapionis filium, L. Bestia collegam in consulatu mortuum esse tradit in Bruto. Idem pro Plancio P. Nasica repulsam in aedilitate passum consulem esse factum scribit. Bestia etiam mentio est in fragmento Capitolino. P. Nasica Italia, L. Bestia Numidia prouinciae obtigerunt. Salustius auctor.

De bello Iugurthino.

SALUSTIUS, ac ceteri, qui belli Iugurthini initia literis prodiderunt his consulis bellum contra Iugurtham susceptum tradunt. Iugurtha auum Masanisam, patrem Micipsam Numidiae reges per adoptionem adeptus, agitatus regni cupiditate, primum Hiempsalem fratrem per insidias necarat, deinde in Adherbale alterum se conuerterat. Cum Adherbal Romam de Iugurtha questum profugisset, Iugurtha eodem missa ingenti pecunia facile senatum in suam sententiam traxit. Missos deinde a senatu legatos, qui regnum inter illum, Adherbalemque diuiderent, similiter aggressus, corripit pecunia. cum autem Adherbal bello ab eo petitus, & in oppido Cirta obsessus contra denunciationem senatus occisus esset, Iugurthae bellum indictum est. Primus in Numidiam cum exercitus missus est L. Calpurnius Bestia, qui captus regis pecunia, pacem cum eo flagitiosam fecit, quae a senatu improbata est. Haec Salustius latissime. Florus, Orosius, Eutropius, alij, breuiores.

De Citeriore Hispania rebellante.

POST aliquot tempora, quam Hispania a Scipione pacata fuit, nouae ibi defectionum causae extiterunt. ad eosque motus reprimendos missus est Calpurnius Piso, atque in Pisonis locum Ser. Galba. Cimbris autem in Galliam irrumpentibus, ac seruis Siciliam iterum bello vexantibus, legati Roma eodem missi sunt, qui honestioribus, quibus potuerunt, conditionibus, Hispanienses tumultus composuerunt. Haec Appianus in Hispaniensi scribit historia. Quae hanc mihi uidentur habere sententiam, ut quoniam biennio post Cimbri redierunt, ac tertio post anno Ser. Galba consulatum iniuit, idem Galba anno, antequam Cimbri recederent, Hispaniam praetor obtinuerit, ante Galbam autem Calpurnius Piso hoc anno. de quo Pifone nescio an forte intelligat Cicero in Verrem, cum scribit: Sunt uestrum iudices quam multi, qui L. Pisonem cognouerunt, huius L. Pisonis, qui praetor fuit, patrem. is cum esset in Hispania praetor, qua in prouincia occisus est, nescio quo pacto, dum armis exercetur, annulus aureus, quem habebat, fractus est, & diminutus. & eundem autem filium scribit fuisse L. Pisonis Frugi, qui trib. pl. primus de repetundis legem tulit.

DE COS. A N. DCXLIII.

SP. POSTUMIUM, M. Minucium cos. Cassiodorus suggerit. Sp. Albinum, Q. Minucium Rufum Salustius. M. Minucij meminit etiam Velleius, et epitoma LXV. Alter autem est ex duobus fratribus, de quibus mentio fit in tabula quadam vetere de Genuensium finibus. ita: Q. M. MINUCIEI Q. F. RVFBI DE CONTROVERSIIS INTER GENNATEIS, BT VEITVRIOS IN RE PRAESENTE COGNOVERVNT L. CAECILIO Q. F. Q. MVICIO Q. F. COS. In fragmento Capitolino est etiam mentio Albini. Minucio Macedonia, Postumio Numidia obtigit.

De re gesta cum Iugurtha. & triumpho M. Minucij pro cos. de Thracibus.

HOC anno Sp. Postumius cos. cui Numidia obuenerat, post Bestiam aduersus Iugurtham missus pecunia (ut creditur) a rege corruptus, bellum traxit, quoad Romam comitiorum causa redijt. A. Postumius frater eius legatus, quem pro pr. castris consul praefecerat, praelio aduersus Iugurtham infeliciter gesto pacem quoque turpem fecit, quam seruandam non esse senatus censuit. auctor Salustius, & alij. At uero M. Minucius, qui Macedoniam sortitus erat, rem cum Thracibus non modo in consulatu, sed etiam pro consule bene gessit. Hoc annaliu, qui extant, uerba docent. Frontinus lib. 11: Minucius Rufus imp. cum a Scordiscis, Dacisque premeretur, quibus impar erat numero, praemisit fratrem, & paucos equites una cum aeneatoribus, praecipitque, ut cum uidisset contractum praelium, subitus ex diuerso se ostenderet, iuberetque aeneatores concinere. Sonantibus

nantibus montium iugis species ingentis multitudinis offusa est hostibus; qua perterriti dedere terga. & Eutropius: A Minucio Rufo in Macedonia Scordisci, & Triballi uicti. Florus autem post Drusi victoriam: Minucius Scordiscos toto vastauit Aebro, multis quidem amissis, dum per perfidū glacie flumen equitatur. & Sextus: Minucius Thracas in Aebri fluminis glacie vastauit. in epitoma autem post Silani cos. mentionem: M. Minucius pro cos. contra Thracas feliciter pugnauit. Porro autem triumphasse eum his tradit uerbis Velleius: Per eadem tempora clarus eius Minucij, qui porticus, quæ hodieq; celebres sunt, molitus est, ex Scordiscis triumphus fuit. quie uisse autem Thracas his uictorijs fractos per multos post annos opinor.

DE COS. AN. DCXLIII.

CONSULES subsequutos tradit Cassiodorus Q. Metellum, & M. Silanum. Q. Cæcilium Metellum Numidicum, M. Iunium Silanum Pædianus, & Eutropius. Eorum etiam meminit Cicero in Bruto: Q. Metellus Numidicus, inquit, & eius collega M. Silanus dicebant de rep. quod esset illis uiris, & consulari dignitate satis. Metellus à Numidia uicta Numidicus dictus auctore Velleio. Hunc Q. Metellum L. F. vocat Cicero in epistola ad Lentulum, in Sextiana, & Cornelianam. fuit autē L. Metelli Macedonici fratris filius. In fragmento Cap. est etiam SILANI metio.

De censoribus.

QUINQUENNALE annorum interuallum postulabat, ut in annū priorem censes conijcerentur; uerum quia fragmenta consulum Capitolinorum nullos eo anno interponi censes patiuntur, credendum est, eo anno censes nullos in ciuitate fuisse. hoc autem anno quin fuerint, nemo dubitare potest, qui iisdem fragmentis fidē habeat. neque enim literæ illæ: IN MAG. M. B. ad quem, præterquam ad censorem mortuum, referantur, inuenio. fuisse autem hos M. Aemilium Scaurum, & M. Liuium Drusum opinor; primum, quod uterque consularis est, deinde quod Plutarchus in quæstionibus scribit, hos in censura collegas fuisse; cumq; Drusus in magistratu mortuus esset, Scaurum abdicaturū non fuisse, nisi tribunorum iussu in carcerem ductus esset. M. certe Scaurum censorem Aemiliam uiam strauisse, pontem Aemilium fecisse scriptum inuenio in libro de uiris illustribus.

De re gesta cum Cimbris.

CONSULEM nullum inuenio post Cn. Carbonem ad hunc usque annum Galliam prouinciam sortitum. nam Drusus, & Rufus Macedoniam, Nasica Italiam, Bestia, atque Albinus Numidiam obtinuerunt. omnes autem annales post Carbonem cōsulem Silanum cum Cimbris decertasse produnt. Si autem quærimus, quid Cimbri uicto Carbone gesserint, profecto eos arma aduersus Gallos, eos, qui imperio populi Ro. subiecti non erant, atque inde aduersus Hispanos transtulisse reperiemus. de Gallis auctorem habemus Cæsarem, apud quem Critognatus Aruernus lib. VII ita loquitur: Mei consilij est facere, quod nostri maiores nequaquā pari bello Cimbrorum, Teutonumq; fecerunt, qui in oppida compulsi, ac simili inopia subacti, eorum corporibus, qui ætate inutiles ab bellum uidebantur, uitam tolerauerunt, neque se hostibus tradiderunt. cuius rei exemplum si non haberemus, tamen libertatis causa institui, & posteris prodi pulcherrimum iudicarem. nam quid illi simile bello fuit? depopulata Gallia, magnaq; illata calamitate Cimbri aliquando finibus nostris excesserunt, atque alias terras petierunt; iura, leges, agros, libertatem nobis reliquerunt. De Gallis, & Hispanis, à quibus expulsi Cimbri hoc anno in Italiam remigrarunt, testis est Florus; cum ait: Cimbri exclusi ex Gallia, & Hispania, cum in Italiam remigrarent; miserunt legatos in castra Silani, inde ad senatum petentes, ut populus R. aliquid sibi terræ daret quasi stipendium; ceterum ut uellet, manibus atque armis suis uteretur. repulsi, quod precibus nequiuerant, armis petere constituunt. sed primum impetum barbarorum Silanus ferre non potuit. et epitoma: M. Iunius Silanus cos. aduersum Cimbros infeliciter pugnauit. legatis Cimbrorum sedem, & agros, in quibus considerent, postulantibus, senatus negauit. De Silano item uicto sic Pædianus in Cornelianam: Q. Cæcilius Metellus Numidicus, & M. Iunius Silanus consules fuerunt bello Cimbrico, quod diu prauē simul & infeliciter gestum est, atque ipse quoque hic Iunius male aduersus Cimbros rem gessit, ac plures leges, quæ per eos annos, quibus hæc gerebantur, populo lata erant, abrogauit. Item: M. Iunius Silanus quinquennio ante consul fuit, quàm Domitius tribunus pl. atque ipse quoque aduersus Cimbros male rem

Commentarius in fastos

le rem gefsit . quam ob cauffam Domitius eum apud populum accusauit , criminatusq; est , bellū cum Cimbris iniuffu populi gefiffe , idq; principium fuiſſe calamitatum , quas eo bello populus accepiſſet , ſed pleniffime Silanus abſolutus eſt . Cum autem hæc ita habeant , miror Eutropium ita ſcribere : A M. Iunio Silano collega Q. Metelli Cimbri in Gallia uicti.

De re geſta cum Iugurtha , & triumpho Q. Metelli Numidici pro cos.

Q. CAECILIUM Metellum conſulem , cui prouincia Numidia obuenerat , exercitu ad priſtinam diſciplinam redacto , duobus prælijs Iugurtham fudiſſe , Thalam oppidum diripiſſe , uniuerſam Numidiam uafſaſſe , ac regem ipſum per Mauros , ac Gætuliam fugientem inſequutū , prorogato in alterum annum imperio , tertio anno Romam in conſulatu Marij rediſſe tradit latiffime Saluſtius , & alij breuius . Triumphi eius ſic meminit Velleius libro 11 : Marius legatus Metelli criminando Metelli lentitudinem , effecit , ut cum comœatu petito Romam ueniſſet , cōſul crearetur , belliq; pene patrati à Metello , qui bis Iugurtham acie fuderat , ſumma ſibi committeretur . Metelli tamen , & triumphus fuit clariffimus , & meritum virtuti cognomen Numidicum inditum . In lib. etiam de uiris illuſtr. eſt , Q. Metellum de rege Iugurtha triumphaſſe . Eutropius item duos triumphos de Iugurtha actos ſcribit , vnum à Metello , alterum à Mario . Gellius denique orationis meminit Q. Metelli Numidici , quam habuit de triumpho ſuo , lib. x 11 , cap. 1 x.

DE COS. AN. DCXLV.

SER. Galbam , M. Scaurum prodiit in hunc annum conſules Caſſiodorus , & Obſequens . Ser. Galbam conſularem fuiſſe Mario VI conſule ſcribit pro Rabirio Cicero . filium eſſe Ser. Galbæ arbitror , conſulis an. DC 1 x . M. Scauri conſulis meminit Velleius , & Tacitus . Hic eſt M. Aurelius Scaurus , qui poſt legatus à Cimbris eſt interfectus , ut eſt in epitoma LXV 11 . Cicero in Bruto , poſtquam locutus eſt de Numidico , & Silano collegis , M. Aurelius Scaurus , inquit , non ſæpe dicebat , ſed polite . Scaurum autem ſuffectum fuiſſe in locum alterius , qui in mag. mortuus eſt , indicant , ſi recte ea interpretamur , Capitolina fragmenta . Eidem Gallia obtigit .

De cenſoribus , & luſtro LXIII.

EX Capitolinis fragmentis ſatis perſpicue intelligi poteſt , luſtrum XLIII factum eſſe his conſulibus . à quibus autem cenſoribus parum compertum eſt . nos autem , qui nam eſſe poterint , coniecturam ſequuti , aperiamus . hos ergo Q. Fabium Maximum Allobrogicum , C. Licinium Getam eſſe ducimus . conſulares enim quærimus . Q. autem Fabius in cenſura Fabianum fornicem conſtruxiſſe à Pædiano traditur , his verbis : Fornix Fabianus arcus eſt iuxta Regiam in Sacra via à Fabio cenſore conſtructus , qui à deuictis Allobrogibus Allobrox cognominatus eſt . ibique ſtatua eius propterea poſita eſt . De C. Geta ſic Cicero pro Cluen. Ponam illud unum C. Getam cum à L. Metello , & Cn. Domitio cenſoribus ex ſenatu eiectus eſſet , cenſorem ipſum poſtea eſſe factum . idem ſcribit Valerius . neq; uero niſi hoc luſtro cenſor eſſe potuit , quòd aliorum luſtrorum certa cenſorum nomina habeamus . Vide etiam , ne hoc luſtro M. Scaurus iterum princeps ſenatus lectus ſit . nam in ſeditione Norbani anno DC LV 11 , M. Aemilium Scaurum principem ſenatus , & ciuitatis lapide percuſſum tradit Cicero 11 lib. de orat.

De re geſta cum Cimbris.

M. SCAVRVS cos. in locum Silani miſſus in Galliam uidetur , atque tertiam cladem à Cimbris accepiſſe , ex eo , quod ſcribit Tacit. in lib. de morib. Germani : Cimbri Carbone , & Caſſio , & Scauro Aurelio , & Seruilio Cæpione , M. quoque Manilio ſiſis quinque ſimul conſulares exercitus populo R. abſtulerunt : & Velleius : Cimbri Cæpionem , Maniliumq; conſules , & ante Carbonem , Silanumq; fuderunt , fugaruntq; in Gallijs , & exuerunt exercitu , Scaurumq; Aurelium conſulem , & alios celeberrimi nominis uiros trucidarunt .

De triumpho Q. Cæpionis pro pr. & bello Luſitanico.

BELLVM hoc tempore in ulteriore Hiſpania redintegratū eſt , quæ D. Bruti imperio pacata fuerat . excitatum autem à latronibus puto , qui eam paſſim diripientes uexabant . Hoc indicat Plutarchus ,

Plutarchus, qui scribit C. Marium ex prætura vltiorem Hispaniam sortitum, eam latrocinij, quibus infesta erat, liberasse. fuit autem Marius prætor septem annis ante, quàm consul. quem eundem cum Lusitanis pugnasse scribit Appianus. Inter ceteros prætores, qui hoc tempore eò missi sunt, Q. Cæpionis fama excellit. Is priore anno in prætura Lusitanos sortitus, hoc anno, ut puto, de Lusitanis triumphauit, ac triennio post pro consule cum Cimbris male rem gessit. Hoc docet Eutropius, qui post Minucianam de Scordiscis uictoriam Lusitanos à Seruilio Cæpione deuictos tradit. quod ab eo in prætura factum elici ex Valerio potest, qui lib. v. scribit: Q. Cæpio præturæ splendore, triumphī claritate, consulatus decore, max. pontificis sacerdotio, ut senatus patronus diceretur, affectus, in publicis uinculis spiritum deposuit.

D E C O S. A N. DCXLVI.

L. CASSIUM, C. Marium consules in hunc annum comparat Cassiodorus. Eorum meminit etiam Plinius lib. x. L. Cassio, C. Mario cos. inquit, bubone uiso urbs lustrata est. C. Marium duabus repulsis ædilitatis acceptis consulem factum scribit Cicero pro Plancio, & Plutarchus in Mario. De eodem etiam idem sic libro 111 de officijs: C. Marius, cum à spe consulatus longe abesset, & septimum annum post præturam iaceret, neque petiturus unquam consulatum uideretur, Q. Metellum, cuius legatus erat, cum ab eo imperatore suo Romam missus esset, criminatus est, bellum illum producere, se si consulem fecissent, breui tempore, aut uiuum, aut mortuum Iugurtham in potestatem populi R. redacturum. itaque factus est consul. Idem tradit Salustius, Valerius, Plutarchus, Velleius. L. Cassius prætor fuit anno DCXLII, ut est apud Salustium. filius, vt arbitror, L. Cassij consulis anno DCXLVI. Eidem Gallia, Mario Numidia prouincia decreta est.

De re gesta in Gallia, & L. Cassio Longino cos. occiso.

SCAURO in Galliam successit L. Cassius consul. qui quidem non solum male pugnavit, sed etiam in prælio cecidit. Hoc docet epitoma LXV, in qua ita est: L. Cassius cos. à Tigurinīs Gallicis pago Heluetiorum, qui à ciuitate secesserant, in finibus Allobrogum cum exercitu cæsus est. milites, qui ex ea clade superauerant, obsidibus datis, & dimidia rerum omnium parte, vt incolumes dimitterentur, cum hostibus pacti sunt. & Orosius: L. Cassius consul in Gallia Tigurinos usque ad Oceanum persecutus, rursusq; ab eisdem insidijs circūuentus, occisus est. L. quoque Piso vir consularis legatus Cassij consulis interfectus est. Q. Publilius alter legatus, ne residua exercitus portio deleteretur, obsides, & dimidiam partem rerum omnium Tigurinīs turpissimum fœdere dedit. & Cæsar lib. 1: Cæsar, quod memoria tenebat L. Cassium consulem occisum, exercitumq; eius ab Heluetijs pulsum, & sub iugum missum, concedendum non putabat. & paulo infra: Hic pagus unus, cum domo exisset patrum nostrorum memoria, L. Cassium consulem interfecerat, & eius exercitum sub iugum miserat. item: Qua in re Cæsar non solum publicas, sed etiam priuatas iniurias ultus est, quod eius soceri L. Pisonis auum L. Pisonem legatum Tigurini eodem prælio, quo Cassium, interfecerant. Ex his locis apparet Cimbro hoc anno ex Gallia recessisse, atque cum Gallis tantum Tigurinīs à Romanis pugnatum esse. neque enim Tacito assentior, qui Cassium à Cimbris profligatum scribit post Carbonē ante Scaurum. malim enim ibi Silanum intelligi, quàm Cassium.

De re gesta à C. Mario cos. cum Iugurtha.

AT VERO C. Marius consul transportatis in Africam copijs primū oppida quædam aggressus, leuia aliquot prælia fecit; post Gætulos, & Iugurtham ex socijs R. prædas agentes sæpe adortus in itinere fudit, ipsumq; regem haud procul oppido Cirta armis exiit. cumq; idem, ut Iugurthā ad prælium traheret, bello ad singula eius oppida transferendo, & alia multa, & maxime Capſam, ac Mulucham cepisset, Iugurtha Bocchum Mauritanie regē cū exercitu aduocauit. cumq; reges ambo coniunctis copijs Marium in hiberna proficiscentem inuasissent, vtrunque acriter pugnatum est. cum aut Marius suos in collem opportunum subduxisset, reges uero prælio deterriti læti pro uictoribus agerent; Marius fessos eos, ac somno captos, ac nihil tale suspicantes adortus, plures eo prælio, quàm omnibus superioribus interemit. atque inde cum in hiberna contenderet, hostibus, à quibus laceſcebatur, late fusis, fugatisq; Cirtam oppidum, quo iter intenderat, occupauit. eò legati à Boccho uenerunt, qui regis uerbis à Mario petiuere, duos quàm fidissimos

Commentarius in fastos

ad se mitteret; uelle de suo, & populi Ro. commodo cum his differere. ille L. Sullam, & A. Manlium misit. neque tamen cum Boccho tum quicquam perfectum est, Boccho ipso de sententia ab amicis suis, quos Iugurtha pecunia corruperat, deturbato. Atque hæc quidem hoc anno à Mario, dum in hiberna profectus est, gesta existimo. Salustius.

DE COS. AN. DCXLVII.

DEINCEPS consules profitetur Cassiodorus, & Obsequens Q. Seruilium Cæpionem, & C. Atilium Serranum. Q. Cæpione, & C. Serrano natum esse M. Cicronem oratorem Gellius lib. x v scriptum reliquit. C. Serrani consularis meminit Mario vi consule ipse Cicero pro Rabirio. idem Q. Catulo antelatum esse C. Serranum in consulatu scribit pro Plancio. Q. Cæpionem Q. Cæpionis filium esse arbitror consulis anno DCXIII. cuius meminerunt omnes, qui de bello Cimbrico scripserunt. Cassiodorus præterea & Obsequens iudicia his consulibus per Seruilium Cæpionem consulem equitibus, & senatoribus communicata notant. Vnde Cicero dixit in Bruto: L. Crassus Seruiliam legem suasit ijs consulibus, quibus nati sumus. & paulo infra: Mihi quidem à pueritia quasi magistra fuit illa Crassi in legem Cæpionis oratio, in qua auctoritas ornatur senatus, quo pro ordine illa dicuntur, & inuidia concitatur in iudicium, & accusatorum factionem, contra quorum potentiam populariter fuit dicendum. & lib. primo de oratore: Et animos equitum Romanorum, apud quos tum iudices causa agebatur, ad Q. Cæpionis odium, à quo erant ipsi propter iudicia abalienati, reuocabam. Quibus ex locis intelligi potest, C. Gracchum iudicia ante à senatoribus remouisse, atque ad solos equites transtulisse, cum Q. Cæpio cos. inter utrunque ordinem ea communicauerit.

De re gesta in Gallia, & in Numidia.

Q. AVTEM Cæpio consul Galliam prouinciam sortitus bellum cum Gallis Tectosagibus, ut L. Cassius ante cum Tigurinis fecit. neque enim Cimbri adhuc reuerterant. Hac de re sic scriptum est apud Iustinum: Cæpio consul auri pondo cx millia, argenti pondo quinquies decies centum millia Tectosagis abstulit. quod sacrilegium causa excidij Cæpioni, & exercitui eius postea fuit. Romanos quoque Cimbrici belli tumultus, uelut ultor sacræ pecuniæ, infecutus est. & Gellius lib. III: Cum oppidum Tolosanum in Gallia Q. Cæpio cos. diripuisset, multumq; auri in eius oppidi templis fuisset, quisque ex ea direptione aurum attigit, misero, cruciabilique exitu perijt. & Strabo, lib. III: Tectosages in belli societatem contra Delphos uenisse memorant, thesauros etiam penes illos ab Imperatore Ro. Cæpione repertos in urbe Tolosa, deprehensamq; ex eis esse pecunijs partem memoriæ proditum. eas autem quia Cæpio attigisse ausus fuerat, misere eiectum è patria fuisse, & turpem mortem oppetivisse, perinde ac scædo sacrilegio contaminatum creditum est, & in bonorum possessionem relictos filios inter scorta ea obligurisse, ac scæde mortuos esse, ut scribit Timagenes. Item Orosius: Cæpio pro cos. capta Tolosa centum millia pondo auri, & argenti cx millia è templo Apollinis sustulit. Marius autem interea prorogato (ut par est) imperio, exercitu in hybernaculis composito, cum expeditis cohortibus, & parte equitatus proficiscitur in loca sola, obsessam turrim regiam, quod Iugurtha omnes perfugas præsidium imposuerat. tum rursus Bocchus legatos ad Marium mittit, ac quocunque modo belli componendi licentiam illis permittit. Ii à Gætulis latronibus in itinere circumuenti, & spoliati ad Sullam perfugunt, quem Marius in castris pro prætore reliquerat. eiq; consilia Bocchi patefaciunt. eos Marius Cirtam cum ad se uenire iussisset, Romam ad senatum ire permittit. senatus Boccho gratiam delicti fecit, amicitiam, ubi eam promeruisset, pollicitus est. Quibus rebus cognitis Bocchus à Mario, ut ad se Sullam mitteret, petiuit. Sulla profectus Boccho, ut sibi Iugurthæ uiuum traderet, pace, & amicitia Romanorum promissa, persuasit. quod cum ille fecisset, (nam Iugurtha amice se à Boccho accersitum putabat), eum uinctum Sulla ad Marium deduxit. Ex his uerbis Salustij Iugurtham hoc anno captum opinor. Ceterum, cum Marius non nisi biennio post K. Ian. triumpharit, sequentem annum ab eo in ordinanda prouincia Numidia puto esse consumptum. neque enim quicquam ea de re scribit Salustius. Rufus Iugurtha per Metellum attrito, per Marium capto Numidiam in potestatem populi R. peruenisse scribit.

DE COS. AN. DCXLVIII

CONSULES prodit in hunc annum Cassiodorus & Obsequens P. Rutilium Rufum, & C. Manilium

C. Manilium. P. Rutilij consularis meminit Mario $\overline{\text{VI}}$ cos. Cicero pro Rabirio perduell. pro Plancio autem eundem repulsa in tribunatu accepta consulatum ait esse adeptum. & in Bruto, M. Scaurus, inquit, & P. Rutilius, cum una consulatum petijssent, non ille solum qui repulsam tulerat, accusauit ambitus designatum competitorem, sed Scaurus etiā absolutus Rutilium in iudiciū uocauit. multaq; opera, multaq; indultria Rutilius fuit. eundem M. F. eodem in libro uocat. In altero consule uariant annales, alij enim Caium, alij Cnæum, alij Marcum, alij Manlium, alij Manilium habent. Marcus, & Caius in Manlijs non probatur, quia illud uetere interdictum decreto erat, hoc ferè non usitatum. Item Manlij cognomen habent, huius consulis cognomen nullum traditum est. ergo aut C. Manilius, aut M. Manilius nominandus est. non enim de Cn. Manlio patricio, eoq; nobilissimo ita loqueretur Cicero pro Plancio: Populus Romanus Q. Catulo in summa familia nato sapientissimo, & sanctissimo uiro præposuit Cn. Manlium non solum ignobilem, uerum sine uirtute, sine ingenio, uita etiam contempta. qui locus in manuscripto libro Manilium habet, non Manlium. nec pro Murena ita: Quis Q. Catulum humanitate, sapientia, integritate antecellentem superari posse à Cn. Manlio arbitratus est? apud Orosum, Valerium, Florum dicitur C. Manlius; in manuscriptis tamen Manilius. apud Salustium, Tacitum, Eutropium M. Manlius. Dijudicent, utro prænomine afficiendus sit, alij.

De re gesta cum Cimbris.

C. MANILIO consuli Gallia prouincia euenit. prorogatu item Q. Cæpioni in ea imperium credo ob Cimbrorum motum, quorum aduentus uehementius in dies celebrabatur. siquidem scribit Iustinus Romanos belli Cimbrici tumultum, quasi sacra pecuniæ à Cæpione consule direptæ ultorem infecutum esse. Hoc certe anno ab ambobus his imperatoribus cum Cimbris in Gallia dimicatum, atque clades Aliensi ferè par accepta est. Quod ipsum auctorum prolatis uerbis ut ceciderit, exponam. Orosius latissime omnium ita: C. Manilius, & Q. Cæpio pro cos. aduersus Cimbros, Teutones, Tigurinos, & Ambrones Gallorum gentes, quæ ad Romanum imperium extinguendum cõspirauerant, missi prouincias sibi Rhodano flumine medio diuiserunt. ibi dum inter se grauissima inuidia, & contentione disceptant, cum magna ignominia, & periculo Romani nominis uicti sunt. siquidem in ea pugna M. Aurelius consularis captus, atque interfectus est. duo filij consulis cæsi. LXXX millia Romanorum, sociorumq; trucidata, LX millia calonum, atque lixarum interfecta Antias scribit. decem ex omni penitus exercitu homines super fuerunt. hostes binis castris, atque ingenti præda potiti omnia pessunderunt. maximus Romæ non solum luctus, sed metus etiam fuit, ne confestim Cimbri alpes transgrederentur, Italiamq; delerent. & in epitoma LXV hoc modo: M. Aurelius Scaurus legatus consulis à Cimbris fuso exercitu captus est. & cum in consilium ab ijs euocatus deterreret eos, ne alpes transirent Italiam petituri, quod diceret Romanos uinci non posse, à Bolo rege feroci iuvene occisus est. ab ijsdem hostibus C. Manilius cos. & Q. Seruilius Cæpio pro cos. uicti prælio, castrisq; binis exuti sunt. LXXX millia militum occisa, calonum, ac lixarum XL millia. Plutarchus in Lucullo scribit prid. Non. Octob. Cæpionem infeliciter cum Cimbris pugnasse. idem est in Camillo, & in Apophtegmatibus. De Cæpione, & Manilio uictis idem Eutropius, Salustius in Iugurthino, Tacitus, alij.

De Q. Cæpione pro cos. damnato.

VISVM est etiam, quemadmodum Q. Cæpio, cuius temeritate clades accepta est, nouo exemplo pœnas populi R. iudicio dederit, demonstrare. In epitoma LXXI hac de re ita scriptum est: Secundum populi R. iusionem Cæpionis, cuius temeritate clades accepta erat, damnati bona publicata sunt, primi post regem Tarquinium, imperiumq; ei abrogatum. & Pædianus ita in Cornelianam. L. Cassius L. F. Longinus tr. pl. C. Mario, C. Flauio cos. legem tulit, ut quem populus damnasset, cui ue imperium abrogasset, in senatu ne esset. tulerat autem eam maxime propter simultates cum Q. Seruilio, qui ante biennium cos. fuerat, & cui populus, quia male aduersus Cimbros rem gesserat, imperium abrogauit. Cicero etiam lib. I de oratore seditionem excitatam hoc anno ob rogationem C. Norbani tribuni pl. significat, qua imperium Cæpioni abrogabat; in eaque seditione uim, fugam, lapidationem, crudelitatem tribuniciam in Cæpionis graui, miserabilique casu fuisse, in qua principem & senatus, & ciuitatis M. Aemilium lapide percussus esse, uipulsum ex templo L. Cottam, & T. Didium cum intercedere uellent rogationi. Itaque idem in Bruto ait: Q. Cæpio uiracer, & fortis, cui fortuna belli crimini, inuidia populi calamitati fuit. Pædianus ostendit, ut dixi, Cæpionem etiam post damnationem in sena-

Commentarius in fastos

tum uenisse, Cassia autem lege prohibitum fuisse ne iret: at Valerius lib. 1111 illum è carcere au fugisse, cum ait: L. Reginus trib. pl. Cæpionem in carcerem coniectum, quod illius culpa exercitus noster à Cimbris, & Teutonibus videbatur deletus, veteris amicitiae memor publica custodia liberauit, & fugæ eius comes accessit. at vero lib. v 1 ostendit, eum misere necatum fuisse. sic enim scribit: Q. Cæpio præturæ splendore, triumphii claritate, consulatus decore, max. pont. sacerdotio, ut senatus patronus diceretur, assecutus, in publicis vinculis spiritum deposuit, corpusq; eius funesti carnificij manibus laceratum, in scalis Gemonijs iacens magno cum horrore totius fori R. conspectum est. Idem autem sentire uidetur Strabo loco ante prolato.

De re gesta cum Lusitanis.

HIS consulibus exercitum Romanum à Lusitanis cæsum notat Obsequens, quo autem duce, mihi compertum non est. P. quidem Rutilius cos. prouinciam cum exercitu obtinuit, at quam prouinciam, ne adhuc quidem reperire potui. De eo certe sic scribit Valerius lib. 11: Armorum iudicandorum meditatio à P. Rutilio cos. collega C. Manilij militibus est tradita. nullius enim ante se imperatoris exemplum secutus ex ludo C. Aurelij Scauri doctoribus gladiatorum accersitis uitandi, atque inferendi ictus subtiliorem rationem legionibus ingenerauit. & Frontinus libro 1111: C. Marius, cum facultatem eligendi exercitus haberet, ex duobus, qui sub Rutilio, & qui sub Metello, ac postea sub seipso meruerant, Rutilianum minorem, qui certioris disciplinæ arbitrabatur, præoptauit. & lib. 11: P. Rutilius, cum secundum leges in contubernio suo filium posset habere, in legione militem fecit.

DE COS. AN. DCXLIX.

DEINCEPS C. Marium 11, C. Flauium Fimbriam consules suggerit Cassiodorus. C. Marium, C. Flauium Obsequens. C. Marium 11, C. Fimbriam; item: C. Marium, C. Flauium Pædianus in Cornel. C. Fimbriæ consularis Mario 11 consule meminit Cicero pro Rabirio. eundemq; scribit pro Plancio cum tribunus pl. esse non potuisset, consulem factum. C. Marium duabus legibus solutum, una quod absens erat, altera, quod ante tempus, quo ei per legem iterum capere consulatum licebat, metu Cimbrorum consulem 11 populus Romanus fecit. Plutarchus, Salustius, Eutropius, alij.

De triumpho C. Marij cos. 11 de Iugurtha.

C. MARIUS Iugurtha capto, tota Numidia in ditionem populi R. redacta, non ante Romam reuertit, quam hoc anno, quo ipse K. Ian. consul iterum triumphans urbem inijt, ac regem; & filios eius duos in triumpho duxit. auctor Salustius, Plutarchus, Florus, alij. Hinc etiam in libro epigrammatum antiquæ urbis legitur epigramma tale.

C. MARIUS PR. TR. PL. Q. AVGV. TR. MIL. EX. SORTEM BELLVM CVM IGVRTA REGE NV-
MID. VEL PROCOS. GESSIT. EVM CEPIT, ET TRIVMPHANS IN IOVIS AEDEM SECVNDO CON-
SVLATV ANTE CVRRVM SVVM DVCI IVSSIT. III. CONSVL ABSENS CREATVS EST. IIII. TEV-
TONORVM EXERCITVM DELEVIT. V. CONSVL CIMBROS FVGAVIT. EX IEIS ET TEVTONIS
ITERVM TRIVMPHAVIT. REMP. TVRBATAM SEDITIONIBVS, ET TR. PL. ET PRAETOR. QVI
ARMATI CAPITOLIVM OCCVPAVERANT VI. COS. VINDICAVIT. POST LXX. ANNVM PATRIA
PER ARMA CIVILIA PVLSVS ARMIS RESTITVTVS VII COS. FACTVS EST. DE MANVBIS
CIMBRICIS, ET TEVTONICIS AEDEM HONORI, ET VIRTVTI VICTOR VESTE TRIVMPHA-
LI CALCEIS PVNICEIS.

De re gesta in Gallia, & in Macedonia.

CIMBRI priore anno fufis, uictisq; summo prælio imperatoribus Romanis quieuerunt, neque tum de transitu in Italiam cogitarunt. hoc aut anno in Hispaniam etiam recesserunt. Hoc ex epitoma LXV 11 elicitur in qua hæc post Marij triumphum uerba sunt: Cimbri uastatis omnibus, quæ inter Rhodanum, & Pyrenæum sunt, per saltum in Hispaniam transgressi, ibiq; multa loca populati, à Celtiberis fugati sunt, reuersiq; in Galliam bellicosis se Teutonis coniunxerunt. & ex Obsequente, qui scriptum reliquit Cimbros his cōsulibus alpes transgressos per Hispaniam uastatam iunxisse se Teutonis. Est autem intelligendum his quidem cos. in Hispaniam Cimbrōs

se recepisse, verum non nisi post annum in Galliam rediisse, quo tempore se iterum Teutonibus coniunxerunt. Mario autem consuli decreta prouincia Gallia est, ac bellum cum Cimbris, quorum ex Hispania in Galliam hoc anno reditus timebatur, mandatum. auctor Plutarchus. Eodem anno Mariū cum Teutosagibus rem gessisse suspicor, quod Sylla legatus Marij III consulis Copilum regem Teutosagum cepisse tradatur à Plutarcho. Quod autem ad res Macedonicas attinet, intelligendum est, post M. Minucij cos. in Macedoniam imperium nullius mentionem fieri, qui consul in Macedoniam ad comprimendas Thracum impressiones venerit. neque uero ferè mitti consules cò potuerunt. Nam Silanus, Scaurus, Cassius, Cæpio, Manilius, Marius sex consules deinceps Galliam fortiti sunt. Metellus autem, & Marius Numidiam. reliquuntur aliquot consules, quorum obscura prouincia est. Ergo prætores in Macedoniam profecti sint necesse est. in qua bellum hoc anno fuisse indicat Obsequens. qui Mario, & Flauio cos. Thracas in Macedonia subactos notat. à quo autem subacti sint, pro certo affirmare non possum. Florus quidè post Minucianā victoriam Pisonis cuiusdam meminit his uerbis: Piso Rhodopen, Caucasumq; penetrauit. Verum qui Piso fuerit, aut quo in magistratu hoc fecerit, non tradit. L. certe Piso, qui consul cum Druso fuit, Macedoniam fortitus non est. quippe cum Drusus collega eius in consulu eam obtinuerit, post autem quinquennium L. Cassio cos. à Tigurinis ipse interfectus sit. neque uero si ille rem bene in Macedonia gessisset, prætermisurum eum fuisse Ciceronem puto, cum contra L. Pisonem nepotem huius diceret, atque Macedonicum eius imperium exagitaret, cum omnium ferè, qui in Macedonia rem bene gesserint, meminerit. Ergo hæc uictoria in dubio relinquitur.

DE COS. AN. DCL.

C. MARIUM III, L. Aurelium Orestem tradit in hunc annum consules Cassiodorus. Marius absens etiam III consul factus est, metu Cimbrici belli, quod differebatur. auctor Velleius, Eutropius, epitomæ. Hinc Cicero de prouincijs: Inimici Marij non modo illum inimicum ex Gallia sententiis suis non detrahebant, sed & propter rationem Gallici belli prouinciam extra ordinem decernebant. L. Aureliū Orestem L. Orestis filium esse arbitror consulis anno DCCXXII.

Ceterum Mario III consuli bellum imminens Cimbrorum iterum decretū. Metus enim erat, ne ineunte uere irrumperent. uerum ne hoc quidem anno mouerunt. Collega autem Marij mortuo, ille Romam à Gallia præfecto castris M. Aquillio reuersus, comitijs ijs, quæ ipse habuit, consul IIII creatus est, L. Saturnino tribuno pl. maximè ad id populum incitante. auctor Plutarchus, & epitoma LXXII.

DE COS. AN. DCLI.

INDE C. Marium IIII, Q. Lutatium cos. Cassiodorus, & Obsequens suggerit. C. Marium IIII, & Q. Lutatium Catulum Plutarchus, & Eutropius. Q. Catulus superatus est ante in petitione consulatus à C. Atilio Serrano, & C. Manilio. auctor Cicero pro Murena, & pro Plancio. Idem Q. F. scribitur in monumentis antiquis, ut in filio eius ostendam: Ambobus consulibus Gallia cum imminente Cimbrorum, & Teutonum bello mandata. Cicero Q. Catulum patrem prouinciam habuisse, & frumentum cællæ nomine imperasse tradit in V Verrina.

De censoribus, & lustro LXXIII.

CENSORES in hunc annum coniecimus, propter quinquennale spatium, quod est ab his ad proximos sequentes Flaccum, & Antonium, quorum certum nobis annuum Capitolini auctores tradiderunt. Horum autem censorum alterum certum habemus Q. Metellum Numidicum. de quo sic Cicero pro Sextio: Q. Metellus censor florentem hominem in populari ratione L. Saturninum censor notauit, & insititium Gracchum contra uim multitudinis incitatæ censu prohibuit: & Valerius lib. IX: Populus R. Q. Metellum censorem, quod à L. Quinctio tanquam Gracchi filio censum recipere nolebat, lapidibus prosternere conatus est. & in lib. de vir. illustr: Metellus Numidicus Quinctium, qui se Ti. Gracchi filium mentiebatur, in censu non recepit. Gellius item lib. I. Numidicum censorem scribit ad populum orationem de ducendis vxoribus habuisse. Idem in Græca Appiani historia de Saturnino scriptum est, quem à Metello censore notatum fuisse ait jam tribunicium. fuit autem tribunus Mario IIII consule. Adijcit Valerius, Metellum Mario V consule Quinctium in censu recipere noluisse. ex quo intelligi potest, Metellum hoc

Commentarius in fastos

hoc anno censorem creatum, sequenti anno censum egisse, ac lustrum condidisse. collegam porro Numidico adiecimus C. Metellum Caprarium fratrem eius patruelem. scribit enim Velleius singulari exemplo fratres duos Metellos uno die triumphasse, Fuluios duos germanos collegas in consulatu, duos Metellos patruales in censura fuisse. Hos igitur ego opinor fuisse; nam de C. Metello censorio scribit Cicero in oratione post reditum ad Quirites, cum ait; pro reditu Q. Metelli Numidici triennio post supplicasse L. Metellum Dalmaticum consularem, & C. Metellum censorium; & in senatu, L. & C. Metellum consulares. quanquam in priore oratione legitur vulgò Q. Metellus censorius, ut puto, mendose. quod ex sequenti cognoscitur. Nam si Q. Metellum legamus, Balearicum, & ipsum censorium intelligemus. quem tamen eo tempore mortuum puto. neque enim eum maximum natu Cicero bis postposuisset L. Dalmatico fratri natu minori.

De M. Antonio pr. ouante de piratis.

PIRATAS hoc tempore maria latrocinij uexasse indicat egregia M. Antonij pr. uictoria ex prædonibus relata, de qua quid à ueteribus acceperimus, exponendum est. Obsequens his cos. piratas in Cilicia à Romanis deletos tradit. in epitoma **LXVIII** scriptum est, M. Antonium prætorem in Ciliciam maritimos prædones persecutum. eundem bello piratico à Byzantijs adiutū tradit Tacitus lib. **xi**. quin ipse etiam Antonius lib. de oratore primo apud Ciceronem, se pro cos. in Ciliciam profectum ait. Triumphasse autem eum significat Plutarchus in Pompeio, cum inquit, filiam Antonij uiri triumphalis à prædonibus captam. quam rem innuens Cicero pro lege Manilia dixit: Miseno ipsius liberi, qui cum prædonibus antea ibi bellum gesserat, à prædonibus sunt sublati. Ouantem autem, non triumphantem urbem ingressum esse, genus ipsum belli humile probat. Idem Antonius hoc anno prætor, triennio post ex lege consulatum cepit.

De re gesta cum Cimbris in Gallia.

HOC anno Cimbri à Celtiberis ex Hispania pulsi in Galliam adiunctis sibi Teutonibus, Ambronibus, & Tigurinis iterum irruperunt, eo animo ut superatis Alpibus, in Italiam trajicerent. Quo nuncio accepto Marius, cum protinus in prouinciam contendisset, ipse Ambronibus, & Teutonibus in Gallia se opposuit, Catulum collegam Cimbris, qui per Noricum impetum facturi uidebantur, occurrere iubet. Barbari, ubi Marium, (is se castris ad Rhodanum munitis continebat) exciri ad pugnam non posse senserunt, castra alpes uersus præter uallum eius mouerunt. Eos Marius ad Aquas Sextias insecutus, Ambrones primo, atque haud ita multo post etià Teutones secundo prælio cæcidit. Hæc Plutarchus latissime in Mario. Orosius autem breuius ita: Marius **iiii** cos. cum iuxta Isaram Rhodanumque castra posuisset, Teutones, Tigurini, & Ambrones, postquam continuo triduo circa Romanorum castra pugnarunt, si quo pacto eos excuterent uallo, atque in æquum extraherent, tribus agminibus Italiam petere destinarunt. Marius post digressum hostium castra mouit, & collem occupauit, qui campo, & fluuio, ubi hostes sese diffuderunt, imminabat. primis calonibus cum clamore in pugnam ruentibus subsequutus exercitus, mox iusto certamine compositis ordinibus bellatum est, & uicere Romani. quarto die rursus productæ in campum acies usque ad meridiem pene pari pugnauere discrimine. post ubi incalescente sole fluxa Gallorum corpora in modum niuium distabuerunt, usque in noctem cædes potius, quàm pugna protraxit. Ducenta millia armatorum in eo bello cæsa sunt, **LXXX** millia capta, uix tria millia effugisse referuntur. Dux eorum Teurohocchus occisus est. Velleius item Marium scribit quarto consulatu cum Teutonis circa Aquas Sextias amplius **cl** millibus hostium priore, ac postero die ab eo trucidatis conflixisse, ac Teutonum gentem deleuisse. item in epitoma **LXVIII**: C. Marius consul summa ui oppugnata à Teutonis, & Ambronibus. castra defendit. duobus deinde prælijs circa Aquas Sextias eos hostes deleuit, in quibus cæsa traduntur hostium ducenta millia, capta nonaginta. Marius absens quintum consul creatus est. triumphum oblatum, donec & Cimbro uinceret, distulit. Plutarchus item Romam reuocatū Marium, triumphum quem sibi senatus decreuerat, agere noluisse ait. uerum aduersus Cimbro, à quibus Catulus premebatur, exisse. Qui Catulus an hoc anno, an insequenti ab alpihus pulsus sit, in obscuro est. sed de eo in anni sequentis rebus exponendis dicemus.

DE COS. AN. DCLII.

CONSULES in hunc annum inuenio C. Marium **v**, & M. Aquillium apud Cassiodorum: Marium

Marium absentem quintum cos. factum scriptum est, ut dixi, apud Plutarchum, & in epitoma **LXV I I I**. Cicero etiam libro de orat. **I I**: M'. Aquillium collegam C. Marij vocat. Hunc *Μαρίον Ἀκυλλιον* uocat Plutarchus in Mario, & Appianus in Mithridatica. est autem M'. Aquillius consularis ille, qui post legatus à Mithridate rege captus, atque per contumeliam excruciatu est.

De bello Cimbrico confecto, & triumphis C. Marij cos. V.

Q. Lutatij Catuli pro cos.

Q. CATVLVS cos. qui Cimbris per Noricum irrumpentibus se obtulerat, cum se eorum multitudini in alpium iugis resistere posse diffideret, in æquum in Italiam se receperat, atq; Athesim fluium hostibus, prædijis in utraque ripa impositis, ne illis transitus esset, opposuerat, ponte in flumen facto, ut eos, qui ulteriorem ripam custodirent, si quam per angustias à barbaris uim paterentur, protinus iuuare auxilio posset. Barbari, cum ad flumen accessissent, iniectis in flumen arboribus, pontem disturbarunt. quo terror compulsi Catulus castellum, quod ibi construxerat, reliquit. Romani aliquot à barbaris capti, dimissi sunt. Valerius lib. **v**, Romanos equites apud Athesim flumen impetu Cimbrorum pulsos deserto consule Catulo pauidos urbem repetisse scribit. Ob hæc Romam accersitus Marius, triumpho, qui offerebatur, repudiato, protinus ad Catulum collegam se contulit, ac reuocatis suis ex Gallia copijs, Pado traiecto, hostes omnino ex Italia pellere decreuit; Cimbros fratres suos Teutonas expectantes de clade illata certiores fecit. Cum de die pugnae inter Romanos imperatores, & barbaros hostes conuenisset, in agro Vercellensi collatis signis à Mario cos. & **Q. Catulo** pro cos. Cimbris funditus deletis, bene pugnatu est. Hæc pluribus uerbis Plutarchus. In epitoma autem exilius ita: Cimbri repulso ab alpijs, fugatoq; **Q. Catulo** pro cos. qui sauces alpium obsederat, & ad flumen Athesim castellum editu infederat, reliqueratq; cum uirtute sua explicita fugientem proconsulem, exercitumq; persecuti, in Italiam traiecissent, iunctis eiusdem Catuli, & C. Marij exercitibus prælio uicti sunt ab eis, in quo caesa traduntur hostium centum quadraginta millia, capta sexaginta. & apud Orosiu sic: Cimbri integris copijs Alpium niues emensi Italiæ plana peruasērunt. Marius **V** cos. & Catulus aduersus eos missi die ad pugnam, & campo dato in nebula disposuere pugnam, in sole pugnaverunt. prima perturbatio Galloru fuit, quod Romanam aciem prius inuenere dispositam, quam adesse senserunt. cumq; ilico uulnerati equites retro in suos cogerentur, & sol cum uento ortus ex aduerso emicuisset, uisus eorum puluis oppleuit, & splendor hebetauit. ita factum est, ut barbari minima Romanorum clade caderentur. **CXL** mill. caesa, **LX** mill. capta traduntur. reguli eoru duo caesi, duo capti sunt. Adijcit Florus tertiam Tigurinorum manum, quæ quasi in subsidio Noricos infederat Alpium tumulos, in diuersa lapsos fuga ignobili, & latrocinij euauisse. Non conuenit autem de loco huius pugnae inter Florum, & Plutarchum. Florus enim in Venetia pugnatum ad Athesim Veronæ fluuium in campo Caudio, Plutarchus ad Atisonem in campo ad Vercellas scribit. Ego autem apud Plutarchum mendum esse ex similitudine literarum ortum puto, Veronæ, & Vercellarum. Veronæ autem intelligendam esse cum Norici mentio docet, (est enim Noricorum oppidum auctore Stephano) tum quod ait Plutarchus, Marius, tum cum ad Catulum Vercellas aduocato ex Gallia exercitu se ab urbe contulit, Padum traiecisse. quod ei faciendum non fuisset, si Vercellas, & non Veronam tetendisset. Accedit etiam Valerij, & Frontini auctoritas, quorum ille M. Scauri filiu Cimbris celsisse ad Athesim, hic in saltu Tridentino scribit. Hæc de uictoria. de triumpho autem hæc accepimus. Plutarchus auctor est populum Ro. uoluisse Marius duos triumphos solum agere, ipsum autem recusasse, ne, si Catulus exclusus fuisset honore, ipse quoque suo spoliaretur, uerum una cum Catulo triumphum communicasse. Eutropius utrique triumphum decretum; Valerius libro **IX** **Q. Catulum** Cimbrici triumphi Mario participem à senatu datum; Cicero Tuscul. **I** Marius Cimbricæ uictoriæ gloriam cum collega Catulo communicasse prodit. De quo triumpho sic Iuuenal. satyra **V I I I**:

Hic tamen & Cimbros, & summa pericula rerum

Excipit, & solus trepidantem protegit urbem.

Atque ideo postquam ad Cimbros, stragemq; uolabant

Qui nunquam attigerant maiora cadauera corui,

Nobilis ornatur lauro collega secunda.

In epitoma **LXV I I I**: Marius totius consensu ciuitatis exceptus pro duobus triumphis, qui offerebantur, vno contentus fuit. Primores ciuitatis, qui aliquandiu ut nouo homini ad tantos honores euecto inuiderant, conseruatam ab eo remp. fatebantur.

Commentarius in fastos

De triumpho ex Lusitania.

OBSEQUENS consulibus iisdem, quibus Cimbri uicti sunt, Lusitanos deuictos, Hispaniam ulteriore pacatam scribit. à quo autem uicti, obscurum est. crederem ab Aquillio cos. nisi uiderem eum ad bellum seruile in Siciliam profectum, ac per hæc tempora ad bella in Lusitaniæ prætores missos esse. Hic autem idem si pacauit prouinciæ, certe etiam triumphauit, ut haud ita multo post ex eadem L. Dolabella pro cos. triumphauit. si aut hoc anno uictoria parta est, certe sequenti anno triumphus actus est, ut etiam de Dolabella dicemus. Cicero pro Cornelio Scipionibus, Brutis, Horatis, Crassis, Metellis, Cn. Pompeium in ulteriore Hispania rem gessisse ait. intelligit autem P. & Cn. Scipiones fratres, D. Brutum Callaicum, P. Crassum, Q. Metellum, Cn. Pompeium Magnum. De Horatio incertum est. uidendum est etiam, ne hæc Silani illius uictoria sit, de qua sic scribit Rufus: Hispaniam per D. Brutum obtinuimus, & usq; Gades ad Oceanum mare peruenimus. post ad Hispanos tumultuantes D. Iunius Silanus cum exercitu missus eos uicit.

DE COS. AN. DCLIII.

CASSIODORVS, & Obsequens hoc anno scribunt consules fuisse C. Marium VI, L. Valerium Flaccum. in fragmento Capitolino vestigia sunt etiam L. Valerij. Eorum meminit Cicero in Bruto, pro Rabirio, in Catilinam, in Antonium, pro Plancio, & Plinius lib. 11, cum ait: Clypeus ardens ab occasu ad ortum scintillans transcurrit solis occasu L. Valerio, C. Mario cos. Padianus item in Pisonianam à C. Mario, L. Valerio cos. ad Cicronem consulem xxxv annos numerari ait. Plutarchus Marium sextum consulatum emisse, collegamq; sibi Valerium Flaccum, ut ministrum subrogasse: Velleius, uelut præmium meritorum obtinuisse, prodit. Item Plutarchus notat nemini ante Marium, præterquam Valerio Coruo, tot consulatus esse delatos, eoq; Marium præstitisse, quod inter primum, & ultimum Corui consulatum xl anni interfuerunt, Marius autem duobus interpositis post primum annis, quinque deinceps consulatus uno fortunæ tenore gessit.

De seditione L. Appuleij Saturnini.

Hoc anno Romæ magna coorta seditio est. quam L. Appuleius Saturninus tribunus pl. concitauit. Hic ut Q. Metellum Numidicum, à quo censore notatus fuerat, ulcisceretur, tribunatum pl. Mario V cos. petijt iterum, iamq; nouem creatis tribunis, unoq; loco candidatis duobus sibi, & A. Nonio competitori restante, ut cæde eius facultatem adipiscendæ potestatis adipisceretur, doinno eum extractum adiuuante C. Mario consule necauit. Valerio enim potius, qui capite de seditione ita scribit, & Orosio assentior, quàm Appiano, qui Glauciam prætorem comitia tribunicia habuisse, atque in locum occisi Nonij tribuni pl. Saturninum subrogasse tradit; quod Glaucia prætor non nisi Mario VI consule fuerit. In hoc magistratu legem Saturninus ex Marij VI cos. sententia promulgauit, ut quem agrum Marius in Gallia, pulsus Cimbris, armis peperisset, is populo R. diuideretur, in eamq; ubi à populo accepta esset, à singulis senatoribus iurari uoluit; qui nõ iurasset, ei multam irrogauit. Metello in legem popularem non iuranti diem dixit, qui cum à bonis ciuib; defenderetur, ne cædes eorum fieret, ultro in exilium abiit. profecto ei Marius consul aqua, & igni interdixit. idem Appuleius cum tertium trib. pl. designatus C. Memmii consulatus competitorum, quem actionibus suis aduersaturum iudicabat, interfecisset, senatum commouit, ut Mario mandaret, uideret, nequid detrimenti resp. caperet. Itaque Marius Glauciam prætorem, Saturninum trib. pleb. et Saufeium quæstorem in Capitolium armis persecutus obfedit, ac incisis aquarum fistulis ad deditionem compulit, ac contra fidem omnes interfecit, Saturnini ædes ab imis fundamentis diruit. Hæc Appianus, Plutarchus, epitomæ, Valerius, alij. Huius seditionis meminit Cicero pro Rabirio perduell. in Catilinam. atque etiam in Bruto, C. Seruilius Glauciam prætorem eodem die, quo Saturninum trib. pl. interfectum ait. Idem in oratione de responsis, Saturninum quod in annonæ caritate quæstorem se à frumentaria procuratione senatus amouit, eiq; M. Scaurum præfecit, dolore factum esse popularem scribit.

De II seruili bello Siculo, & triumpho M. Aquilij pro cos.

SECUNDVM seruile bellum in Sicilia per hæc tempora motum est. Mouit id Athenio pastor, de

de quo sic Florus : Athenio pastor interfecto domino familiam ergastulo liberatam sub signis ordinat, ipse ueste purpurea, argenteoq; baculo, & regium in morem fronte redimita, non minorem, quàm Eunus prior, constat exercitum, acriusq; multo etiam, quasi illum uindicaret, vicos, castella, oppida diripiens, in dominos, in seruos infestius, quàm in transfugas sæuiebat. ab hoc quoque prætorij exercitus cæsi. capta Seruiliæ castra, capta Luculli. Athenionis fugitiuorum in Sicilia ducis meminit etiam Appianus in Mithridatica. Hæc de belli auctore. Quo autem anno hoc bellum primum initum sit, aut qui prætores bellum gesserint, parum certum est. apud Obsequentem scriptum est, in secundo consulatu Marij à fugitiuis, & desertoribus in Thurinis regiones esse vastatas, hoc autem anno fugitiuos in Sicilia prælijs trucidatos. Itaque cum M' Aquillius cum seruis rem gesserit in Sicilia, puto cum hoc bellum in cōsulatu anno superiore sortitum hoc anno seruos ipsos debellasse. Eusebius certe, bellum seruile excitatum in Sicilia anno, postquam Marius v consul fuit, notauit. De M'. autem Aquillio hæc inuenio. Florus : Aquillius P. Rupilijs vsus exemplo interclusum hostem com meatibus ad extrema compulit, comminatusq; copias armis, fame facile deleuit, dedissentq; se, nisi suppliciorum metu uoluntariam mortem prætulissent. ac ne de duce quidem supplicium exigi potuit, quanuis in manus uenerit. quippe dum circa ad deprehendendum eum multitudo contendit, inter rixantium manus præda lacerata est. Cicerone etiam in Verrem, Post bellum, inquit, quod M'. Aquillius confecit, nullum fugitiuorum in Sicilia bellum fuit. & contra Rullum : Siciliae ciuitatibus bello fugitiuorum M'. Aquillius etiam mutuum frumentum dedit. & pro Flacco : M'. Aquillium patres nostri multis auaritiæ criminibus, testimonijsque conuictum, quia cum fugitiuis bellum gesserat, iudicio liberauerunt. et in epitoma lxx hæc uerba post Q. Metellum de exilio reuocatum leguntur : M'. Aquillius procos. in Sicilia bellum seruile concitatum confecit. reuocatus autem est Metellus insequenti anno. Quantem porro in vrbe inijisse docet Cicero in 11 de oratore, qui Antonium ita loquentem facit : Quare nolite existimare, cum mihi M'. Aquillius in ciuitate retinendus esset, quæ in illa causa peroranda fecerim, sine magno dolore fecisse. quem enim ego consulem fuisse, imperatorem ornatum à senatu, quantem in Capitolium ascendisse meminisset, hunc &c. Athenæus etiam lib. v, M'. Aquillium consularem ex Sicilia triumphum egisse scribit.

De re gesta in Thracia.

THRACES hoc anno uictos à Romanis notat Eusebius. Quod eò admonui, ut quo imperatore hæc victoria parta sit, quæreremus. neque enim id traditum est.

DE COS. AN. DC LIII.

M. ANTONIVM, A. Postumium cos. in hunc annum produnt Cassiodorus, & Obsequens. In fragmento Capitol. etiam mentio est A. POS. Horum consulum meminit Plin. lib. vii, cū ait : Romæ pugnasse elephantos Fenestella tradit primum omnium in circo Claudij Pulchri ædilitate curuli, M. Antonio, A. Postumio cos. anno ab v. c. dclv. & Gellius lib. 1111 : S. C. factum est M. Antonio, A. Postumio cos. Quod C. Iulius Pont. nunciauit in sacrario in regia hastas Martias mouisse, D. E. R. I. C. ut M. Antonius consul hostijs maioribus Ioui, & Marti procuraret, quod & ceteris dijs, quibus uideretur, placandis, uti procurasset, satis habendum censuerunt. & post reditum ad Quirites sic Cicero : De Q. Metello non modo C. Marius, qui erat inimicus, sed ne is quidem, qui secutus est, M. Antonius homo eloquentissimus cū A. Albino collega senatū, aut populum est cohortatus. Comitijs consularibus M. Antonium haud dubijs suffragijs consulem lectum scribit App. in primo, in alterum locum C. Memmium, & C. Seruilium Glauciam prætorem petijisse; Memmium autem, ut dixi, à Saturnino interfectum, Glauciam à Mario. Hic est M. Antonius, qui prætor biennio ante triumphauit. A. Postumius Albinus est frater, ut puto, Sp. Albini consulis bello Iugurthino, is qui pacem ignominiosam cum rege fecit. His cos. Q. Metellus Numidicus ab exilio ingenti fauore ciuitatis restitutus est.

De re gesta cum Lusitanis, & triumpho L. Cornelij Dolabellæ pro cos.

BIENNIO ante ulterior pacata Hispania fuit subactis Lusitanis. his autem consulib. ijdem rebellantes rursus uicti sunt. Quod ipsum docet Obsequens his uerbis : M. Antonio, A. Postumio cos. Lusitani rebellantes subacti. Item : in Lusitania prosperè à Romanis pugnatum. Fato autem nescio quo factum est, ut in summo annalium silentio, extet lapis ille, in quo triumphus hu
D ius

Commentarius in fastos

ius imperatoris, cuius auspicijs res bene in Lusitania gesta est, incisus est. is autem est L. Cornelius Dolabella. qui sequenti anno pro cos. triumphat. est autem pro cos. accipiendum, pro eo qui pro pr. rem gesserit, ut etiam prætor pro proconsule usurpatur. neq; enim L. Dolabella in consulu, quem nunquam cepit, sed in prætura Lusitaniam obtinuit.

DE COS. AN. DCLV.

Q. METELLVS, T. Didius consules subsequuntur in hunc annum. auctor Cassiodorus, & Obsequens. Hos etiam memorat Pædianus in Cornelianam. Q. Metellū Nepotē, inquit, Balearici F. Macedonici nepotem, qui consul fuit cum T. Didio Curio accusauit. Cicero item in orationibus post reditum, Q. Metellum Nepotem petiisse consulatum dicit, tum cum Metellus Numidicus restitutus est. In fragmento Capitolino est etiam **METELLVS NEPOS**, & **T. DIDIVS**. Ab his cos. lata est lex Cæcilia Didia, de qua loquitur Cicero pro domo, & in v. Philipp.

De bello in citeriore Hispania renouato, & triumpho T. Didij pro cos.

POST Ser. Galbam, qui prætor anno **DCLIII** contra Celtiberos exercitum duxit, cū Cimbrico, & seruili bello populus R. implicatus esset, exercitum (ut supra etiam diximus) in Hispaniam mitti non placuit. missi autem legati sunt, qui res eas, quam commodissime potuerunt, cōposuerunt. Cimbris autem deletis uisum est bellum denuo suscipiendum esse. Itaque T. Didius consul missus est. Hic **xx** millia Areuaccum occidit, & Termetinorum urbem captam mœnibus nudauit, & Colendam post nonum mensem obsessam cepit; alios etiam populos in deditiōnem redactos ex decem legatorum sententia militibus necandos tradidit. hæc Appianus. Obsequens etiam scribit, T. Didio consule Hispanes pluribus prælijs deuictos. Lentulo autem Crassoq; cos. Celtiberos esse subactos. & in epitoma **Lxx**, scriptum est, T. Didium pro cos. aduersum Celtiberos feliciter pugnasse. T. Didij meminit item Frontinus lib. **II**. T. Didius inquit, in Hispania cum acerrimo prælio conflixisset, quod nox diremerat, magno numero utrinq; cæso complura suorum corpora atra nocte sepellenda curauit. Hispani postmodum ad simile officium progressi, quia plures ex ipsorum numero, quam ex Romanis cæsos reppererunt, uictos se esse secundum eam dinumerationem argumentati, ad condiciones imperatoris descenderunt. Plutarchus etiam Didium post bellum Cimbricum contra Celtiberos pugnasse ait, eiq; tribunum militum Q. Sertorium fuisse. itē Gell. lib. **II**. cap. **xxv**. Triumphasse autem ex hac uictoria T. Didium auctor est Appianus, itemq; Capitolini scriptores, qui T. Didium pro cos. **II**. triumphasse de Celtiberis ex Hispania citeriore anno **DCLx** scripserunt, quinque post consulatum annis.

DE COS. AN. DCLVI.

CN. Lentulum, **P. Crassum** Cassiodorus. **Cn. Cornelium**, **P. Licinium**. Obsequens in hunc annum commemorant consules. In fragmento etiam Capitolino est **LENTVLVS**, & **P. LICINIVS**, Eorum meminit Plin. lib. **xx**. **Cn. Cornelio Lentulo**, **P. Licinio Crasso** cos. **S. C.** factum est, inquit, ne homo immolaretur, palamq; in tempus illud sacra prodigiosa celebrata. meminit etiā lib. **x**, cap. **II**. **P. Crassus** pater est **M. Crassi** æqualis **Cn. Magni**. de quo sic Salust. **P. Crassi** consularis uiri domum emit Cicero in Palatio. His cos. **Mædos**, & **Dardanos** subactos tradit Obsequens, at quo imperatore, non extat.

De censoribus, & lustro LV.

CENSORES etiam in hunc annum referunt Capitolinæ tabulæ **Flaccum**, & **M. Antonium**. Quorum meminit Valerius lib. **II**, ita: **M. Antonius**, & **L. Flaccus** censores **Duronium** senatu mouerunt, quod legem de coercendis conuiuiorum sumptibus latam tribunus pl. abrogauerat. de **M. Antonio** oratore censorio loquitur **Quintilianus** lib. **III**. & Cicero de orat. lib. **II**, censores eum rostra imperatoris manubijs ait ornasse. **L. Flaccus** est, qui collega **Marij VI** cos. fuit. **Lustrum**, si superiora spectes, conditum est **Lxv**.

De re gesta in Lusitania, & triumpho P. Licinij Crassi pro cos.

L. DOLABELLA & **P. Crassum** consulem in Lusitaniam successisse puto. eius meminit contra Lusitanos **Strabo** lib. **III**. **Pædianus** etiam hunc ante bellum Italicum de Hispanis ait triumphasse.

se. Sexennio autem post consulatum triumphasse de Lusitanis scriptum est in tabulis Capitolinis. Hunc etiam intelligi à Cicerone puto, cum scribit pro Cornelio Balbo ita: Testantur Gaditani & mortuos nostros imperatores, quorum uiuit immortalis memoria, & gloria, Scipiones, Brutos, Crassos, Metellos, & hunc præsentem Cn. Poinpeium. intelligit autem P. & Cn. Scipiones fratres, D. Brutum Callaicum, P. Crassum, Q. Metellum Pium, & Cn. Pompeium Magnum, qui omnes in ulteriore Hispania rem gesserunt. quanquam uulgò apud Ciceronem mendose legitur, Cassios.

DE COS. AN. DCLVII.

Cn. Domitium, C. Cassium hic annus habuit auctore Cassiodoro, & Obsequente. Cn. huius Domitij consularis meminit Cicero in Bruto. In fragmento Capitolino est *AHENOBARBUS*, & *C. CASSIVS* L. F. C. Cassij L. F. Longini tribuni pl. anno *DCXLIX* meminit Pædianus in Cornelianam. De hoc Cn. Domitio, ceterisq; Suetonius in Nerone. His cos. Ptolemæus rex Cyrenarum, cui cognomen Apioni fuit, mortuus testamento heredem populum R. reliquit. Senatus eius regni ciuitates liberas esse iussit. Obsequens, epitoma *LXX*. Iustinus tamen eam partem Libyæ prouinciam factam scribit lib. *XL*.

DE COS. AN. DCLVIII.

CONSULES subsequuti L. Crassus, & Q. Scæuola, auctores Cassiodorus, & Obsequens. In fragmento Capitolino est. *CRASSVS, Q. MUCIVS*. L. Crassum oratorem omnes magistratus gessisse cum Q. Scæuola pont. max. præter tribunatum pl. & censuram scribit Cicero in Bruto, iidemq; cos. Q. Hortensium in foro primum dixisse. L. Licinij Crassi oratoris, & Q. Mucij Scæuolæ pont. max. & oratoris, ac iurisconsulti consulum meminit Pædianus in Cornelianam. Ab his lata lex est Mucia Licinia de regendis in sua ciuitate socijs. cum enim summa cupiditate ciuitatis R. Italici populi tenerentur, & ob id magna pars eorum pro ciuibus R. se gereret, necessaria lex uisa est, ut in suæ quisque ciuitatis ius redigeretur. uerum ea lege ita alienati sunt animi principum Italicorum populorum, ut ea uel maxima causa belli Italici fuerit, quod post triennium exortum est. Pæd. in Cornelianâ, & Cicero de officijs: Esse pro ciue qui non sit ciuis, rectum est non licere. quam tulerunt legem sapientissimi consules Crassus, & Scæuola. Licinio Gallia, Mucio Asia obuenit.

Dere gesta à L. Crasso pro cos. in Gallia, Q. Mucio pro cos. in Asia.

L. *CRASSVM* pro consulem in Gallia rem gessisse inuenio, atque ob res ibi gestas triumphum, cum postulasset, non impetrasset. sic enim est apud Ciceronem lib. *I*. de inuen: L. Licinius Crassus cos. quosdam in citeriore Gallia nullo illustri, neque certo duce, neque eo nomine, neque eo numero præditos, ut digni essent, qui hostes populi R. esse dicerentur, quod tamen excursionibus, & latrocinijs infestam prouinciam redderent, confectatus est, & confecit. Romam redit, triumphum ab senatu postulat. & apud Pædianum ita in Pisonianam: Crasso collega fuit Q. Scæuola pont. max. qui, cum animaduerneret Crasso propter summam eius in rep. potentiam, ac dignitatem senatum in decernendo triumpho gratificari, non dubitauit reip. magis, quàm collegæ habere rationem, ac ne fieret S. C. intercessit. & apud Valerium lib. *III*: L. Crassus, cum ex consule prouinciam Galliam obtineret, atque in eam Cn. Carbo, cuius patrem damnauerat, ad speculanda aëta sua uenisset, non solum eum inde non summouit, sed insuper locum ei in tribunali assignauit, nec ulla de re nisi eo in consilium adhibito, cognouit. Asiam porro consul Scæuola rexit. Eius administrationis illustria extant ad immortalitatem annalium literis prodita monumenta. sic scribit Valerius lib. *V*: Q. Scæuola, quem L. Crassus collegam in consulatu habuit, Asiam tam sancte, & tam fortiter obtinuit, ut senatus deinceps in eam prouinciam ituris magistratibus exemplum, atque formam officij Scæuolæ decreto suo proponeret. Pædianus autem in Pisonianam ait, Scæuolam Asiam prouinciam deposuisse, ne sumptui esset ærario. & in Verrinas: Q. Mucij Scæuolæ quæstor Rutilius Rufus damnatus, quod cum prætore consenserit suo, ne publicani aliquid agerent in prouincia sua, quo cognito equites R. (nam tum ante Syllana tempora iudicabant) damnauerunt eum. hic est Mucius, in honore cuius Asiani diem festum Mucia nominabāt. & in epitoma *LXX*: P. Rutilius uir summæ innocentiae, qui legatus Q. Mucij pro cos. à publicanorum iniurijs Asiam defenderat, inuisus equestri ordini, penes quem iudicia erant, repetundarum damnatus, in exilium abiit.

Commentarius in fastos

DE COS. AN. DCLIX.

C. COELIVM, L. Domitium consules edūt in hunc annum Calsiod. & Obsequens. De his sic Pædian. in Cornelian. L. Domitio, C. Cælio cos. S. C. factum, nequis Cretenfibus mutuum pecuniam daret. In fragmento Capit. est, = CALDVVS, L. DOMITIVS C.N.F. Calvus autem cognomen est Cælij. meminit enim etiam Velleius Cælij cuiusdam Caldi sub Augusto. Cicero scribit, eum, cum quæstor factus non esset, consulem tamen factum, in Planciana. scriptum est etiam in libro de petitione consulatus: C. Cælium novum hominem cum duobus hominibus nobilissimis petisse consulatum, atque eorū alterum superasse. Cicero itē pro Murena, cum Marios, Didios, Cælios novos homines consulatum adeptos scribit, hunc Cælium intelligit. Eiusdem C. Cælij idem meminit, ut oratoris in Bruto proxime ante M. Herennium. L. Domitius post M. Aquiliū prætorio imperio Siciliā administravit. Cicero in Verrē, & Valerius auctores.

De Ariobarzane Cappadociæ rege à L. Sulla prætore constituto.

BERNARDINVS Lauredanus, patricius Venetus, iuuenis cum humanitate singulari præditus, tum omni ingenij, industriæ, atque doctrinæ laude cumulatus, atque huic antiquitatis studio mirifice deditus, me admonuit, ut uiderem, quid esset, quod plerique annalium scriptores bellum cum Mithridate Ponti rege per annos x l, aut etiam x l i gestum proderent; cum tamen à L. Sulla consule, qui primus regi bellum intulisse, usque ad M. Ciceronem, quo consule Cn. Pompeius bellum Mithridaticum confecisse traditur, non nisi sex & uiginti anni enumerentur. respondi me putare legendum esse, aut annos x x x i i, si diligentem, aut x x x, si rotundum numerum quæreremus. initum autem esse bellum à L. Sulla non consule, sed prætore, C. Cælio, & L. Domitio cos. Quod ipsum qua occasione factum sit, ut una & nobilissimi, atque ingeniosissimi adolescentis quæstioni satisfaciam, & omnium utilitati consulam, hoc loco adscribere uisum est. In epitoma l x x post Ptolemæi Apionis mortem hæc uerba subsequuntur: Ariobarzanes in regnum Cappadociæ à L. Cornelio Sulla reductus est. Tradit etiam Plutarchus L. Sullam non sine repulsâ præturam urbanam adeptum. ex prætura uero in Cappadociam aduersus Mithridatem missum non admodum magnis copijs, sociorum auxilijs usum, Gordio pulso, Ariobarzanem regem constituisse. In libro etiam de uiris illustribus scriptum est, Sullam prætorem inter ciues ius dixisse, ex prætura Ciliciam prouinciam habuisse. Itaque Appianus item in Mithridatica, L. Sullam Ciliciæ præfectum Ariobarzanem in Cappadociæ regnum ex S. C. reduxisse scribit. Ariarathen enim Cappadociæ regem cum Mithridates per Gordium cum paruulo eius filio interfecisset, rege ei filio suo imposito prouinciam occupat. cum autem Nicomedes Bithyniæ rex producto filio suo, quem cinentita stirpe Ariarathis filium esse dicebat, eandem ad se traheret, placuit senatui, ad quem reiecta res erat, Mithridatem Cappadocia, Nicomedem Paphlagonia, quam & ipse Pylæmeni ademerat, cedere: Ariobarzanem ex regio genere iuuenem, cum Cappadoces regem, quàm libertatem mallent, Cappadociæ regem appellari. Ità tum Ariobarzanes per L. Sullam prætorem in Cappadociam, pulso armis Gordio Mithridatis duce, reductus est. tumq; primum bellum initum, quod postea x x x i i anno à Cn. Pompeio terminatum est. Hæc ex Appiani Mithridatica, Iustini lib. x x x v i i, & Strabonis lib. x i i. Eodem tempore ad Sullam ad Euphratem morantem Orobazum Arsacis Parthorum regis legatum societatem petiitum primū uenisse, atque Sullam medium inter Ariobarzanem, & Orobazum assedisse, scriptum est apud Plutarchum, & in epitoma l x x. Itaque Rufus etiam ita scripsit: Primum à L. Sulla pro consule Arsaces rex Parthorum missa legatione amicitiam populi R. rogauit, ac tenuit.

De re cum Celtiberis gesta.

CELTIBERIS post Didij uictoriam rebellantibus, Fuluius Flaccus in Hispaniam missus est, qui eorum conatus x x fere millibus cæsis, atque oppidis eorum in potestate reductis, repressit, atque in defectionis principes animaduertit. Hæc tradit Appianus. Quam eandem uictoriam significari apud Obsequentem suspicari quis facile poterit, cum ait: C. Cælio, L. Domitio cos. Per Nasicam Hispaniæ principes, qui rebellabant, supplicio consumpti, urbibus dirutis. pro Nastica autem Flaccum intelligendum esse, eundemq; hanc prouinciam ex prætura obtinuisse, atque Romam reuersum, consulem in insequentem annum factum esse. Ab hoc bello usque ad Sertorianum quiescit, ut inquit Appianus, ceterior Hispania fuit.

DE

DE COS. AN. DCLX.

CONSULES in hunc annum comparant C. Valerium Flaccum . M. Herennium, Cassiodorus, & Obsequens . = FLACCVM, M. HERENNIVM, Capitolinum fragmentum . Quorum meminit quoque Plinius lib. xxix: C. Valerio, M. Herennio cos. inquit, Cyrenis aduecta Romam publice laespicij pondo cxi. De M. autem Herennio sic Cicero in Bruto: M. Herennius summa nobilitate hominem, cognatione, sodalitate, collegio, summa etiam eloquentia L. Philippum in consulatus petitione superauit. & pro Murena: Quis L. Philippum summo ingenio, opera, gratia, nobilitate à M. Herennio superari posse arbitratus est? His cos. triumphus duo acti, alter ex citeriore, alter ex vltiore Hispania, à T. Didio, & P. Crasso pro cos. de quibus ante in eorum consulatu diximus.

DE COS. AN. DCLXI.

CONSULES hoc anno fuerunt C. Claudius Pulcher, M. Perperna. Cassiodorus auctor, & Obsequens. In fragmento item Capitolino est: = PVLCHER. M. PERPERNA. Horum consulatum patres, vt opinor, vna consules fuerunt anno dcxxiii. Huius C. Claudij prætoris Siciliae meminit Cicero in Verr. iii; ædilis curulis lib. ii de off. & Plin. lib. viii, vt oratoris Cicero in Bruto proxime post M. Herennium. His cos. notat Obsequens Mædorum in Macedonia gentem prouinciam cruenta uastasse. quam rem his verbis exprimi puto, quæ sunt in epitoma lxx: C. Geminus prætor infeliciter contra Thrachas pugnavit.

De censoribus abdicatis.

ET in hunc annum censores conijciunt Capitolini fasti Domitium Ahenobarbum, & L. Domitium. Quos ego contentiosam peregrisse censuram inuenio. sic enim scribit de his Plinius lib. xviii: Nobilissimarum gentium ambo Crassus, atque Domitius censuram post consulatum simul gessere, anno ab v.c. dclxii, frequentem iurgijs propter dissimilitudinem morum. cum Domitius Crasso pro domo eius millia nummum identidem promississet, Crassus concedere eam se exceptis sex arboribus respondisset. Idem scribit lib. xxxvi, cap. iii. & Valerius lib. ix, cap. i. De eadem contentione Macrobius etiam lib. iii loquitur. Crassus, inquit, censor supra ceteros discretus murenam in piscina domus suæ mortuam atratus tanquam filiam luxit. neque id obscurum fuit. quippe collega Domitius in senatu hoc ei quasi deforme crimen obiecit. & Suetonius in Nerone, in Domitium, ait, L. Crassum dixisse: non esse mirandum, quod æneam barbam haberet, cui esset os ferreum, cor plumbeum. Meminit quoque Cicero lib. ii de orat. orationis, quam Crassus censor in collegam Domitium dixit, qua anno ætatis duodequingagesimo usum eum esse scribit in Bruto. Hunc Cn. Domitium consulem, cenforem, & pont. max. fuisse reperio apud Valer. lib. vi cap. v. Itaque de eodem merito Cicero dixit pro domo: Cn. Domitium nos pueri consulem, cenforem, pont. max. uidimus. Suetonius quoque in libro de claris rhetoribus, & Gell. lib. xv edictum horum censorum cuiusmodi referunt: Renunciatum est nobis esse quosdam homines, qui nouum genus disciplinæ instituerunt, ad quos iuuentus in ludos conueniat. eos sibi nomen imposuisse Latinos rhetores. ibi homines adolescentulos totos dies desiderare. maiores nostri, quæ liberos nostros discere, & quos in ludos itare uellent, instituerunt. Hæc noua, quæ præter consuetudinem, ac morem maiorum sunt, neque placent, neque recta uidentur. Quapropter & ijs, qui eos ludos habent, & ijs qui eò uenire consueuerunt, uidetur faciendum, ut ostendamus nostram sententiam, nobis non placere. Ob eam rem Cicero sic loquentem fecit Crassum anno sequenti in iii de orat: Rerum est sylua magna, quam cum Græci iam non tenerent, ob eamque causam iuuentus nostra dedisceret pene discendo, etiam Latini, si dijs placet, hoc biennio magistri dicendi extiterunt. quos ego censor edicto meo sustuleram, non quo (ut nescio quos dicere aiebant) acui ingenia adolescentum nollem, sed contra ingenia obtundi nolui, corroborari impudentiam. & Tacitus in dialogo de oratoribus ait: Rhetoras paulo ante Ciceronis tempora extitisse, nec placuisse maioribus nostris ex eo manifestum est, quod L. Crasso, Cn. Domitio censoribus cluderet, ut ait Cicero, ludum impudentiæ iussi sunt. Sequentem annum, quo Philippus cos. fuit, Cicero in iii de orat. ait primum fuisse Crasso ab honorum perfuntione, eumque alio loco illo anno censorium nominat. Ex quo intelligo Crassum hoc anno ob contentionem cum collega ortam abdicasse, neque eos lustrum fecisse. id quod etiam probant insequentes censores, qui ante quinquennium facti sunt.

Commentarius in fastos

DE COS. AN. DCLXII.

L. MARCIUM, Sex. Iulium consules in hunc annum Cassiodorus, & Obsequens; Eutropius, & Orosius Sex. Iulium Cæsarem, L. Marcium Philippum; fragmentum Capitolinum, **PHILIPPVM, SEX. IVLIVM C. F.** edunt. Hos intelligit Plinius, cum scribit lib. **xxiii**: Sex. Iulio, L. Marcio cos. hoc est belli Socialis initio, **cccxlvi** auri pondo in ærario populi R. fuerunt. & lib. **ii**: L. Marcio, Sex. Iulio cos. in agro Mutinensi duo montes inter se concurrerunt, crepitu maximo assultantes, recedentesq; inter eos flamma, fumoq; in cælum exeunte interdiu, spectante è uia Aemilia magna equitum R. familiarumq;, & uiatorum multitudine. Eundem L. Philippum tribunum militum non factum, consulem factum ait Cicero pro Plancio. de eodemq; si loquitur in lib. de off: L. Philippus **Q. F.** magno uir ingenio, in primisq; clarus, gloriari solebat, se sine ullo munere adeptum esse omnia, quæ haberentur amplissima. Eundem cos. (ut ait Valerius) M. Drusus tr. pl. quia se interpellare concionantem ausus fuerat, obtorta gula per clientem suum adeo uiolenter in carcerē præcipitem egit, ut multus è naribus cruor eius profunderetur.

De seditione M. Liuij Drusi tr. pl.

Hoc anno M. Liuius Drusus tribunus pl. seditionem Romæ commouit. senatus enim, cum impotentiam equestris ordinis, penes quem Sempronia lege iudicia erant, ferre non posset, omni ope conatus est, ut per M. Drusum tribunum pl. ad se iudicia transferret. is, ut plebem, ac socios Latinos sibi adiungeret, leges Sempronias de agris diuidendis, de frumento dando, de colonijs deducendis, & Flacci consulis legem de ciuitate focijs Latinis danda, & Cæpionis de senatu equitibus, iudicijs senatoribus communicandis rettulit. contra Drusum pro equitibus stabat **Q. Seruilius Cæpio** alter, atque is qui consul senatus partes lege defenderat. Reliquis omnibus legibus Drusi acceptis, una, de focijs in ciuitatem accipiendis, ferenda erat. quam cum eis, promissam præstare non posset, Latinis propterea, ac senatui, & equitibus ob latas leges inuisus domi, incerto auctore, interficitur. Nulla de eius nece quæstio lata. Leges eius omnes tanquam contra auspicia latæ Philippo consule referente uno. **S. C.** abrogatæ. Hæc Appianus, Florus, epitomæ, Cicero **iii** de legib. Pædianus, alij. Adijcit Plinius lib. **xxxiii**, cap. **i**, Inter Cæpionem, & Drusum ex annulo in auctione uenali inimicitias cœpisse, unde origo Socialis belli, & exitia rerum. & lib. **xxviii**, cap. **ix**, Drusum vulneratum caprinum sanguinem bibisse, quum pallore, & inuidia ueneni sibi dati insimulari **Q. Cæpionem** inimicum uellet.

De bello Marfico.

Latinos porrò populos in cupiditatem ciuitatis Ro. primus M. Fuluius Flaccus cos. erexit, deinde M. Liuius Drusus tribunus pl. Illum ab eo consilio; decreta ei prouincia Gallia, senatus auocauit, hunc, ne quod animo agitabat, exqueretur, ciuium, in quod incurrerat, odium effecit. ergo Italici bis tanta spe deiecti, facta inter populos coitione aduersus populum R. conspirarunt. primum eorum consilium fuit, ut ferijs Latinis Cæsarem, ac Philippum consules trucidarent, deinde eo detecto **Q. Seruilius** pro cos. ad motus eorum sedandos profectum una cum Fonteio legato, & omnes, qui Asculo erant, Romanos interfecerunt. Quo facto ceteri etiam Italici defecerunt. populus R. saga sumpsit, ac bellum aduersus Italicos iussit, quod bellum Italicum, Sociale, ac Marficum appellatum est; Marficum autem, quòd à Marfis primum commotum sit, & eorum Imperatore Popedio, ut Strabo lib. **v**. tradit. Hoc autem bellum Iulio, & Rutilio cos. cœptum scribit Velleius, & Pædianus, à quibus stant etiam Capitolini fasti. Hæc maxime Appianus, Florus, & epitomæ.

DE COS. AN. DCLXIII.

Consules in hunc annum sunt apud Cassiodorum, & Obsequentem L. Cæsar, P. Rutilius Lupus. itemq; apud Pædianum, Velleium, & in epitoma **lxxxiii**, & apud ceteros, qui de bello Marfico scripserunt; in fragmento Capitolino: = **CAESAR. P. RUTILIUS L. F. L.** Meminit etiam eorum Cicero de diuinatione. Quin etiam memoria nostra, inquit, templum Iunonis Sospitæ L. Iulius, qui cum P. Rutilio cos. fuit, de senatus sententia refecit ex Cæcilie Balearici

learici filia somnio. L. Cæsarem autem in ædilitate præteritum, consulem factum scribit in Plan-
ciana.

De re cum socijs gesta, & P. Rutilio cos. occiso.

CONSULIBVS ambobus grauißimum bellum Italicum decretum est. Rutilius legatos ha-
buit Cn. Pompeium Strabonem, Q. Cæpionem, C. Perpernam, C. Marium, Valerium Mes-
sallam; Cæsar P. Lentulum, T. Didium, P. Licinium Crassum, L. Cornelium Sullam, M. Mar-
cellum. Italis duces fuerunt T. Afranius, C. Pontidius, Marius Egnatius, Q. Popedius Silo, C.
Papius Mutilus, M. Lamponius, C. Iudacilius, Hirnus Asinius, T. Vettius Cato, Pontius Tele-
sinus, T. Herennius, A. Cluentius, Iuuentius, P. Presenteius, P. Ventidius. Res autem gesta sic
est. Vettius Cato L. Cæsarem consulem fudit, ac duobus millibus interfectis Aeserniam insecu-
tus est. Egnatius Venasrum per prodicionem occupauit. Presenteius Perpernam fugatum exerci-
tu etiam exiit: quamobrem ei abrogato imperio à Rutilio cos. Marius suffectus est. Lamponius
ex Crassi exercitu cæcidit ad octingentos, reliquos ad Grumentum persecutus in fugam uertit.
Papius Nolam coloniam per prodicionem cum L. Postumio prætor; Stabias, Minturnas,
& Salernum in potestatem redegit, atque Acerras obsedit. Cum P. Rutilius cos. parum prospere
contra Marfos dimicasset, & in prælio cecidisset, C. Marius legatus eius, Vettio Catone pulso,
melius pugnavit. Rutilij exercitum Marius, & Cæpio ex senatus consulto acceperunt. Cæpio
Popedij insidijs circumuentus cecidit. L. Cæsar, cum ad Aeserniam uictus fugisset, contractis
undique copijs contra Samnites feliciter pugnavit. ob eam uictoriam saga Romæ posita sunt.
Aesernia colonia cum M. Marcello in potestatem Samnitium uenit. C. Marius prælio Marfos
fudit Asinio prætor Marrucinatorum occiso. Cn. Pompeius à Iudacilio, Afranio, & Ventidio
Firmum compulsus, atque obsessus, adiuuante Sulpicio, eruptione facta, hostes repulit, atque
Asculum fugauit, idq; oppidum obsedit. qua uictoria Romæ prætextæ, aliaq; magistratuum infi-
gnia sumpta sunt. C. Marius cum Marfis dubio euentu pugnavit. Libertini tum primum mili-
tare cœperunt. A. Plotius legatus Vmbros, L. Porcius prætor Marfos, cum uterque populus
defecisset, prælio uicerunt. Hæc Appianus, Orofius, epitomæ, Florus. Adijcit de nece Rutilia-
na Obsequens hæc: Rutilius Lupus spretis religionibus, cum in extis caput non inuenisset ioci-
noris, amisso exercitu, in prælio occisus. Ouidius 1111 idus Iun. die festo Matutæ interfe-
ctum eum scribit in fastis.

De re gestâ in Gallia. Nicomede, & Ariobarzane regibus reductis.

ET hoc anno trans alpes in Gallia bellatum esse docet epitoma LXXIII; in qua ita scriptum
est: C. Cæcilius in Gallia transalpina Saluios rebellantes uicit. Hunc inter ceteros imperatores
à Cicerone intelligi puto, cum ait pro Fonteio: Prouinciæ Galliæ M. Fonteius præfuit, quæ con-
stat ex ijs generibus hominum, qui modo ab nostris imperatoribus subacti, modo bello domiti
sunt, &c. Eodem anno Mithridatico bello occasio data est. Nicomedem ex Bithynia fra-
ter eius Socrates, Ariobarzanem ex Cappadocia Bagoas, uel, ut alij, Tigranes Armeniæ rex à
Mithridate inductus, expulerat. Senatui uisum est, reges, cum ipsius opem implorarent, in regnū
reducere. Itaque legatos in Phrygiam misit, quorum princeps erat M. Aquillius uir consularis,
mandauitq; ut ope L. Cæsij Asiæ prætoris, & regis Ponti Mithridatis eos in regnum restituerent.
quare à Manio, & à Cæsio restituti sunt. Mithridates enim, quod à Romanis ante Cappadocia
cedere, & Phrygia iussus erat, opem ferre noluit. Hæc Appianus. De quibus sic est scriptum in
epitoma LXXIII: Nicomedes in Bithyniæ, Ariobarzanes in Cappadociæ regna reducti sunt.

DE COS. AN. DCLXIII.

L. PORCIUM, Cn. Pompeium cos. edit in hunc annum Cæsiodorus. Cn. Pompeium Stra-
bonem, L. Porcium Catonem Pædianus in Cornelianam. **STRABONEM**, & **L. PORCIUM**
fragmenta Capitolina. Horum consulum meminerunt Appianus, Orofius, & alij, qui bellum
Marsicum literis prodiderunt. unde Plin. lib. 111, Stabiæ oppidum, inquit, in agro Campano
fuere usque ad Cn. Pompeium, & L. Catonem cos. prid. K. Maij, quo die L. Sylla legatus bello
sociali id deleuit. Cn. Pompeius hic pater Cn. Pompeij Magni fuit. auctore Appiano, & Pæ-
diano in Pisonianam. idem ex triumpho Capitolino descriptus est.

Commentarius in fastos

De re gesta cum socijs, & L. Catone cos. occiso.

Et hoc anno ambo consules ad bellum missi sunt, à quibus ita gesta res est. Cn. Pompeius Marfos acie uicit. A. Postumius Albinus legatus consularis cum castris præesset, infamis crimine proditoris ab exercitu suo interfectus est. L. Sulla legatus Samnites prælio fregit, & bina castra eorum expugnauit. Cn. Pompeius Vestinos in deditionem accepit. L. Porcius consul rebus prospere gestis, suisq; aliquoties Marfis, dum castra eorum expugnat, cecidit. Cosconius, & Luceius Samnites acie fuderunt, Marium Egnatium eorum ducem occiderunt, compluraq; eorum oppida in deditionem acceperunt. L. Sulla ad Nolam Cluentium cæcidit, Irpinos domuit, Samnites multis prælijs fudit, aliquot populos recepit, quantisq; raro quisquam alius ante consulatum rebus gestis, ad petitionem consulatus Romam est profectus. A. Gabinius legatus rebus aduersum Lucanos prospere gestis, multis oppidis expugnatis, dum castra obsideret, interijt. Sulpicius legatus Marrucinis cæsis uniuersam eam regionem recepit. Cn. Pompeius consul Vestinos, & Pelignos ad deditionem redegit. Marfi quoque à L. Murena, & Cæcilio Pio legatis aliquot prælijs fracti pacem petierunt. Asculum à Cn. Pompeio captum est, cæsis & à Mamercio Aemilio legato Italicis. Silo Popedius dux Marforum auctor huius belli in prælio cecidit. Hæc prodita sunt apud Appianum, & in epitomis, & apud Orosium, à quo apertius etiam interitus consulis hoc modo describitur: Porcius Cato cos. Marianas copias habens, cum aliquanta strenue gessisset, gloriatus est, C. Marium non maiora fecisse, & ob hoc cum ad lacum Fucinum contra Marfos bellū gereret, à filio C. Marij in tumultu belli, quasi ab incerto auctore prostratus est.

De triumpho Cn. Pompeij Strabonis de Asculanis.

Cum à quatuor cos. res gesta sit in hoc bello, nemo tamen, nisi Cn. Pompeius, triumphauit. quippe qui solus Picentes, & Asculanos, qui hoc bellum concitauerant, deuicerat. sic enim præter ceteros Orosius: Pompeius cos. diu obsedit Asculum, neque tamen expugnauisset, nisi populum in campum prorumpentem uicisset. decem & octo millia Marforum in ea pugna cæsa sunt, capta 111 millia. Asculum ingressus præfectos, & centuriones, cunctosq; principes eorū uirgis cæcidit, securiq; percussit, seruos, prædamq; omnem sub hasta uendidit. reliquos liberos quidem, sed nudos, & egentes abire præcepit; ac nihil tamen in ærarium ille contulit. Hunc triumphasse in consulatu de Asculanis, & Picentibus scriptum est in Capitolinis tabulis. Quas tabulas comprobatur etiam Pædianus, qui eum de Picentibus triumphasse prodidit; & Plinius, qui P. Ventidium eum, qui post de Parthis triumphauit, in triumpho Asculano à Cn. Pompeio ductum, una cum Valerio lib. v 1, cap. x, & Dione lib. x l i i i, scribit. Adijcit Appianus hoc uno crimine de Marfis triumphatum, cum ante neque de Marfis, neque sine Marfis triumphus ullus actus fuerit.

De censoribus.

In hunc annum conferunt censores **CRASSVM**, & **L. IULIUM** Capitolini scriptores. Fuisse autem P. Licinium Crassum, & L. Iulium Cæsarem, qui legati priore anno bello sociali operam egregie nauarunt, auctoritate Plinij confirmatur. cuius hæc uerba sunt lib. x l i i: Certum est Antiocho rege, Asiaq; deuicta urbis anno c c l x v P. Licinium Crassum, L. Iulium Cæsarem censores edixisse, ne quis uenderet unguenta exotica. & lib. x l i i i: P. Licinius Crassus, & L. Iulius Cæsar censores anno urbis d c l x v edixerunt, ne quis uinum Græcum, aminiumq; octonis aris singula quadrantalia uenderet. Idem scribit Solinus cap. x l v i i i. Plutarchus etiā in Crasso scribit patrem M. Crassi censorium fuisse. Ab his censoribus conditum lustrum nulum puto, uel quia biennio post censores alios creatos ante tempus inuenio, uel quia Cicero pro Archia scripsit, Iulio, & Crasso censoribus nullam populi partem esse censam. neque enim nisi censu facto lustrum fiebat, qui erat censendi finis. lustrum tamen hoc infelix fuisse tradit Festus, ita: Referrī diem proditum, idest anteferrī, religiosum est, ut ait Verannius in eo, qui est auspiorum de comitijs, idq; exemplo comprobatur L. Iulij, & P. Licinij censorum, qui id fecerint sine ullo decreto augurum, & ob id lustrum parum felix fuerit.

De re gesta in Macedonia, & in Phrygia.

Ex epitomis satis intelligi potest, priore, atque hoc anno Thraces in Macedoniam incurrisse, eamq; populatos esse. quibus uerbis exprimi C. Sentij prætoris uictoriam puto, de qua hoc tempore parta loquitur Orosius, sic: Ipsidem temporibus rex Sothimus cum magnis Thracum auxilijs Græciam ingressus cunctos Macedoniae fines depopulatus est. tandemq; à C. Sentio prætore superatus redire in suum regnum coactus est. C. Sentium Macedoniae prætorem scribit fuisse Plutarchus in consulatu Sullæ. de quo sic Cicero in Verrem: Modo C. Sentium uidimus propter caritatem frumenti, quæ fuerat in Macedonia, permagnam ex cibarijs pecuniam reportare. Legati autem Romani, quorum princeps erat M. Aquillius, Nicomedem, & Ariobarzanem, quos in regnum reducerant, impulerunt, ut Mithridatis fines incurstantes regem bello lacefferent. Ipsi contractis L. Cæsij, & Q. Oppij copijs, ac classe usi ea, cui Minucius Rufus, ac C. Popillius præerant, prælio cum Mithridate congressi minus prospere pugarunt. Ariobarzanes Cappadocia, Nicomedes Bithynia rursus à Mithridate pulsi sunt. Appianus.

DE COS. AN. DCLXV.

CONSULES edit in hunc annum Cassiodorus L. Sullam, & Q. Pompeium. idem est scriptum apud Obsequentem, Velleium, Eutropium, Orosium, Appianum, Plutarchum, alios. neque enim his cos. quicquam potest esse illustrius. De Sulla sic Velleius: L. Cornelius Sulla natus familia nobili, sextus à Cornelio Rufino, qui bello Pyrrhi inter celeberrimos duces fuerat, cum familiæ eius claritudo intermissa esset, diu ita se gessit, ut nullam petendi consulatus rationem habere uideretur; deinde post præturam illustratus bello Italico, & ante in Gallia legatione sub Mario, qua eminentissimos duces hostium fuderat, ex successu animum sumpsit; petensque consulatum pene omnium ciuium suffragijs factus est, sed eum honorem undequinquagesimo ætatis anno assecutus est. Salustius etiam Sullam patriciæ gentis fuisse scribit, sed familia iam extincta maiorum ignauia. repulsam in prætura passum notat Valerius libro VII, itemq; Plutarchus. Idem post uictoriam ciuilem se Felicem appellari uoluit. Itaque Pædianus, & Capitolini auctores in hoc consulatu referendo ita scribunt: L. Sulla, qui postea Felix appellatus est. Q. Pompeij consulis mentio est etiam in fragmento Capitolino: Legi quoque numum argenteum apud clarissimum, & humanissimum uirum Andream Lauredanum patricium Venetum, in quo ab una parte ita est: Q. POMPEIVS Q. F. RVFVS. ab altera: SVLLA COS. Q. POMPEIVS Q. F. De Q. autem Pompeio Rufo loquitur etiam Cicero in Bruto. Sulla Asiam sortitus est; Pompeius, ut opinor, Italiam.

De bello Mithridatico, & ciuili Mariano.

Hoc anno duo grauissima bella, alterum foris exarsit, alterum domi coortum est. Mithridates rex Ponti illud, hoc C. Marius, qui sexies consul fuerat, excitauit. Mithridati, quod Nicomedem, & Ariobarzanem amicos populi R. regno exegisset, nec legatis R. paruisset, bellum indictum, idque L. Sullæ consuli mandatum. C. autem Marius incredibili ardens eius gerendi belli cupiditate, P. Sulpicium tribunum pl. impulit, ut lege lata Sullæ, qui adhuc in Campania reliquias Italici belli persequeretur, imperium abrogaret, atque ab eo bellum ad se transferret. quam legem cum Sulpicius Q. Pompeio consule aduersante ita tulisset, ut filium etiam consulis, Sullæ generum occidisset, Sulla iratus Romam exercitum deduxit, factoque cum inimicis leui prælio urbem ingressus, arcem Capitolinam tanquam uictor insedit; atque ex S. C. XII, inimicos suos hostes iudicatos urbe exegit. ex quibus P. Sulpicius legis lator, indicio serui è uilla extractus, occisus est. Marius pater, cum è paludibus Minturnensium emerisset, in Africam, quod & filius uenerat, delatus est. Idem Sulla statum ciuitatis ex sua sententia ordinauit, colonias deduxit. Q. Pompeius consul ad accipiendum à Cn. Pompeio pro consule exercitum profectus, à militibus consilio eius occisus est. Hæc Appianus ferè, & epitoma LXVI, & Plutarchus. De eodem autem Sulpicio seditionem mouente ita Pædianus: P. Sulpicius tribunus pl. L. Sulla, Q. Pompeio cos. legem tulit de libertinorum suffragijs, cum per uim remp. possedisset, ab initijs bonarum actionum ad perditas progressus est. & Cicero de aruspiciu responsis: Sulpicium ab optima causa profectum, Caioque Iulio consulatum contra leges petenti resistentem longius, quam uoluit, popularis aura prouexit. & iterum Pædianus: C. Cæsar ædilius causa belli ciuilis cum Sulpicio tri-

E buno

Commentarius in fastos

buno pl. contendit. agebat enim id, ut omiſſa prætura conſul fieret, cui cum primis temporibus Sulpicius reſiſteret, poſtea nimia contentione ad ferrum, & arma proceſſit. & Cicero in Bruto: P. Antiſtius collega in tribunatu P. Sulpicij contra C. Iulij petitionem conſulatus extraordinariam egit. fuit autem hic C. Cæſar cognomine Strabo, cuius teſtimonium proferit Prifcianus ex oratione contra P. Sulpicium tribunum plebis. De Q. autem Pompeio conſule interfecto ita Valerius lib. 1x: Q. Pompeium Sullæ collegam ſenatus iuſſu ad exercitum Cn. Pompeij, quem aliquandiu inuita ciuitate obtinebat, contendere auſum, ambitioſi ducis illecebris corrupti milites ſacrificare incipientem adorti in modum hoſtiæ maſtauerunt. & Velleius lib. 11: Hoc primo anno ſanguine conſulis R. militum imbutæ manus ſunt. quippe Pompeius collega Sullæ ab exercitu Cn. Pompeij pro cos. ſeditione, quam ipſe dux excitauerat, interfectus eſt. Dum autem Sulla ciuili bello, & ordinanda rep. Romæ occupatus fuit, Mithridates Phrygiam populi R. prouinciam cum exercitu intrauit; Aſia in poteſtatem redacta omnes ciues R. in omnibus Aſiæ ciuitatibus uno die, atque uno nuncio interficiendos curauit; Q. Oppium proconſulem, et M'. Aquillium legatum captos, atque ſcæde excruciatos necauit; urbem Rhodum, quæ ſola in fide permanſerat, oppugnauit, atque aliquot prælijs naualibus uictus receſſit; per Ariarathen filium Thraciam, & Macedoniam, per Archelaum præfectum Græciam cum exercitu inuaſit, ac Bruttio C. Sentij Macedoniæ prætoris legato aduerſante Piræum, atque Athenas occupauit. auctor Plutarchus, Appianus, atque epitoma LXXVIII.

De triumpho Seruiliij Vatiæ pro pr.

TRIUMPHO Cn. Pompeij Strabonis conſulis hæc in fragmentis Capitoliniſ uerba adneſſuntur = IVS. C. F. M. N. VATIA PRO. PR. = AN. DCLXV. XII. K. NOVEM. quibus uerbis triumphum Seruiliij Vatiæ pro prætoris ſignificari arbitror. quanquam qua ex uictoria ille triumpharit, adhuc reperire non potui. P. autem Seruilius Vatia, qui poſtea Iſauricus appellatus eſt, C. F. M. N. in conſulatu Capitolino ſcribitur. an autem ille ſit, an frater eius, parum compertum eſt.

DE COS. AN. DCLXVI.

CONSULES in hunc annum commemorat Caſſiodorus L. Cinnam, & Cn. Octauium. L. Cornelium Cinnam, Cn. Octauium Appianus, Velleius, & ceteri, qui huius temporis hiftoriam literis prodiderunt. L. Cinnam ſcribit Plutarchus conſulem à L. Sulla ex inimica factione ea conditione creatum, ut Sullæ actionibus non aduerſaretur, ubi primum magiſtratum inuit, præſentem reip. ſtatum perturbare adortum, Sullæ etiam accuſationem per Virginium tribunum pl. commiſſe; Sullam autem, Virginio contempto, aduerſus Mithridatem mouiſſe.

De bello ciuili Octauiano, atque Cinnano, & re geſta à Sulla in Græcia.

Hoc anno nouæ belli ciuilis cauſæ inter conſules L. Cinnam, & Cn. Octauium ortæ reimpetuehementiſſime perturbantur. Nam cum priore anno ciuitas aliquot Italicis populis ita data eſſet, ut non in xxxv ueteres tribus noui ciues conijcerentur, ſed in nouas alias decem transferrentur, ne nouorum ciuium multitudo, ac potentia ueterum in comitijs auctoritatē, atque opes ſuperaret, ac labefactaret: Cinna tamen, ut ab Italicis gratiam iniret, eos ſe omnes in xxxv diſtributurum eſſe profeſſus eſt; quo nomine ingentem ex tota Italia multitudinem Romam acciuit. cum autem hanc rogationem per uim ferre uellet, à Cn. Octauio collega, qui ueterum ciuium cauſam ſuſceperat, per ſeditionem urbe pulſus, & cum ad Italias ſolicitandas ciuitates iret, ex S. C. magiſtratu abdicatus eſt. in eius locum L. Cornelius Merula flamen dialis factus. Idem cum in Campaniam ueniſſet, corruptum Ap. Claudij exercitum in poteſtatem ſuam redegit; ac conſularia adhuc retinens inſignia haud ita multo poſt arma patriæ intulit, accerſito cū alijs exulibus ex Africa C. Mario. Urbem Octauius, & Merula conſules ad tanti metum mali munierunt, Cn. Pompeium pro cos. ad eam tuendam aduocarunt. Urbs quatuor exercitibus obſeſſa, quibus Marius, Cinna, Carbo, & Sertorius præſuerunt. qui Cn. Pompeij fraude, qui vtranq; partem ſouendo uires Cinnæ dedit, nec niſi proſtigatis optimatium partibus auxilium tulit, & Cn. Octauij ſegnitie confirmati, tandem in urbem recepti eam uelut captam cædibus, & rapinis uaftarunt. Cn. Pompeius fulmine ictuſ interijt. lectum eius populus diripuit, corpus unco traxit. Cn. Octauius conſul occiſus eſt. L. Merula cum ſe conſulatu abdiçaſſet, inciſis uenis ſponte uitam finiuit. interfecti ſunt

sunt M. Antonius orator, L. & C. Cæsares fratres, P. Crassus pater, & filius, Q. Catulus, P. Lentulus, M. Bēbius, Atilius Serranus. Hæc ex Appiano, Plutarcho, Velleio, Floro, epitomis. Tacitus lib. 1111 tradit, duobus, & septuaginta annis post Cornelij Merulæ flaminis dialis cædē, neminem flaminē esse suffectum. id quod actum esse Iulo Antonio, & Q. Fabio cos. in annales Dio rettulit. Principio etiam huius anni, quantum ex Plutarchi uerbis, de quibus supra dixi, colligi potest, L. Sulla in Græciā traiecit, atque, ut ait Appianus, pecunijs, socijsq; ex Aetolia, Thessaliaq; contractis, in Atticā aduersus Archelaum contendit, ac parte exercitus ad Aristionem Athenis obsidendum missā, ipse Piræum, qui ab Archelao tenebatur, sibi oppugnandum suscepit, quā in re totam æstatem, quod elici ex eiusdem Appiani historia potest, consumpsit.

DE COS. AN. DCLXVII.

INDE C. Marius VII, C. Cinna II consules, Cassiodoro, & ijs, qui de bello ciuili scripserūt, auctoribus. Plutarchus Marium primum fuisse tradit, qui septimum Romæ consulatum ceperit. Ceterum, quod apud Appianum, & in epitomis extat, L. Cinna, & C. Marius nullis habitis comitijs consules se in hunc annum renunciarunt; eodemq; die, quo magistratum inierunt, Marius Sex. Licinium senatorem de saxo deijci iussit, editisq; multis sceleribus Idibus Ianuarijs decessit. in eius locum suffectus est L. Valerius Flaccus, is, ut opinor, qui ante cum C. Mario VI consule consul fuit. de quo Cicero, pro Flacco eius filio cum diceret, ita dixit: Vnum, atque idem erat tempus, cum L. Flacco consuli portas tota Asia clauderat, Mithridatem autem non modo recipiebat suis urbibus, uerum etiam ultro uocabat. Hoc triennium sine armis ciuilibus fuisse auctor est Cicero in Bruto.

De re gesta à Sulla in Græcia.

Hoc anno Sulla, quantum ex Appiani historia intelligi licet, cum classe egeret, nec à Rhodijs, Mithridate maria omnia occupante, iuuari posset, L. Lucullum in Syriam, atque in Aegyptum clam, ut classē ab amicis populi R. regibus acciperet, misit. Piræo, quem diu frustra oppugnauerat, omisso, urbem Athenarum, circumuallatam, atque obsessam K. Martijs cepit; Aristionem in arcem confugientem fame ad deditiōem compulsus occidit; ciuitati libertatem, ac bona sua restituit; ac Piræum demum, translato eò ab Athenis bello, in potestatem redegit. Interea cum Taxiles Mithridatis præfectus ex Thracia, & Macedonia cum centum millibus peditum, equitum decem, & falcatis curribus nonaginta descendens, Archelaum circa Munichiam adhuc in anchoris stantem accersisset, Sulla in Bœotiam mouit, ac se cum Hortensio, qui ex Thessalia copias adducebat, coniunxit. Romanarum copiarum paucitas fecit, ut Archelaus ad Chæroneam oppidum acie configere ausus sit. haud dubio euentu pugnatum est. ex hostibus uix decē millia Chalcidem effugerunt, ex suis se duodecim tantum amisisse Sulla scriptum reliquit. Interim cum L. Flaccum consulem ex aduersa factione creatum Ionium mare traicere, uerbo quidem aduersus Mithridatem, re autem aduersus semetipsum Sulla audisset, ut ei obuiam fieret, in Thessalia castra mouit. uerum cum Dorylaum regis præfectum militum octoginta millibus Chalcide expositis in Bœotiam inuasisset, atque inuito Archelao, qui trahi bellum cupiebat, ad summum pugnae discrimen descensurum esse accepisset, retro castra sibi referenda ratus, signis cum ijs ad Orchomenum oppidum collatis, primo prælio hostium xv millia una cum Diogene Archelai filio cecidit, secundo omnes eorum copias deleuit. Archelaus cū triduo nudus in paludibus latuisset, post in Chalcidem se recepit. Sulla Bœotia direpta in Thessaliā ad hiberna se cōtulit. Hæc Plutarchus, atque Appianus, quæ breuius in epitomis expressa sunt his uerbis: Sulla Athenas, quas Archelaus præfectus Mithridatis occuparat, circumfedit, & cum maximo labore expugnauit; urbi libertatem, & ciuibus, quæ habuerant, reddidit. Magnesia, quæ sola in Asia ciuitas in fide manserat, summa uirtute aduersus Mithridatem defensa est. præterea transitus Thracum in Macedoniam continet. Sulla copias regis, quæ Macedonia occupata in Thessalam uenerant, prælio uicit, cæsis hostium centum millibus, castris quoque expugnatis; renouato deinde bello iterum exercitum eius fudit, ac deleuit.

De censoribus, & lustro LXVI.

CENSORES in hunc annum edunt Capitolini fasti L. Marcium Philippum, & M. Perpernam. quos censores comparat etiam Cicero in Verrem. De Philippo præterea idem scribit pro domo ita: L. Philippus censor auunculum suum præterijt in recitando senatu. De Perperna Plinius

Commentarius in fastos

nus lib. v i i : Perperna septem reliquit ex ijs, quos censor legerat; uixit annos x c v i i i . & Valerius lib. v i i i : M. Perperna omnibus, quos in senatu rogauerat, superstes fuit; septemque tantummodo, quos censor collega L. Philippi legerat è patribus cōscriptis reliquos uidit, toto ordine amplissimo diuturnior. Dio quoque auctor est, M. Perpernam, Lentulo, & Marcello cos. mortuum esse, eum, qui cum Philippo censor fuerat, ultimum omnium, qui in censura sua senatores fuerant. Eusebius censum actum ait; cēsa esse capita c c c l x i i i millia. Principem senatus lectum L. Valerium Flaccum ex epitoma l x x x i i i apparet; alium ab eo, qui sequenti anno à Fimbria consularis occisus est.

DE COS. AN. DCLXVIII.

L. CINNAM III, Cn. Papirium consules subsequutos in hunc annum testatur Cassiodorus. in epitoma l x x x i i i scriptum est, L. Cinna, & Cn. Papirium Carbonem consules semet per biennium creasse: & in libro de uiris illustribus, Cinna iterum, & tertium consulem se fecisse. Horum meminit etiam Plutarchus in Sulla, Appianus in Mithridatica, atque in primo libro bellorum ciuiliū.

De rebus gestis in Græcia, & in Asia

C V M L. Flaccus consul in Marij locū suffectus, à Cinna, ut Sullæ ad bellum Mithridaticum succederet, missus, in Asiam traiecisset, hoc anno à C. Fimbria legato suo corrupto exercitu interfectus est. Hoc, ut cetera, egregie ostendit Velleius, cum scribit: In Marij locū consul suffectus Valerius Flaccus turpissimæ legis auctor, qua creditoribus quadrantem solui iusserat. cuius facti merita cum pœna intra biennium consequuta est. Item: C. Flavius Fimbria præfectus equitū Valerium Flaccum consulem uirum interfecit, exercituque occupato imperator appellatus Mithridatem pepulit prælio. neq; enim Appiano assentior, qui Flaccum consulem à Fimbria interfectum scribit. sic enim ille hanc uniuersam historiam tradit: Flaccus consul cū duabus legionibus in Asiam, ut bellum cum Mithridate gereret, à Cinna missus, ipse rei bellicæ rudis secū Fimbriam strenuum uirum duxit. idem cum propter auaritiam, ac propter crudelitatem in odiū exercitus sui incurrisset, atque Fimbriam iniuria affecisset, Fimbria Thermo, quem ille sibi successorem dederat, honoris insignibus spoliato, Flaccum ipsum consulem priuatus in Nicomediam fugientem assequutus, in puteo quodam latentem occidit, atque arreptis imperij insignibus prouinciam ingressus, Mithridatem Pergamum, atque inde Pitane confugientem adeptus uallo cinxit, quoad rex nauibus Mitylenem confugit; Ilium, à quo non recipiebatur, obsessum incendio Mithridates interea, cum cladem ad Orchomenum acceptam audisset, Archelao, ut quibus posset, honestis conditionibus, pacem cum Sulla componeret, scripsit. Archelaus cum Sulla collocutus, quas ille ferebat, pacis condiciones ad regem remisit. Sulla interea, ne in ocio esset, Dardanos, Eneitos, aliosque Thraciæ populos Macedoniam incurstantes adortus multis prælijs fregit. hæc Appianus. Plutarchus autem scribit, Cinna, & Carbone dominantibus, maiorem partem nobilitatis Roma in castra Sullæ, tanquam in portum quendam per fugisse. Sullam Archelaum de pace secum collocutum summò in honore habuisse, atque eo comite per Thessaliam, & Macedoniam in Hellepontum uenisse, cumq; ibi occurrentibus regis legatis, pax conuenire non potuisset, quod commodiores condiciones sibi à Fimbria ferri rex diceret, uastato Mædico agro in Macedoniam reuertisse. Mithridate autem cum eo congredi cupiente ipsum in Asiam traiecisse. Quæ omnia his epitomarum uerbis explicari puto: L. Valerius Flaccus consul collega Cinna missus, ut Sullæ succederet, propter auaritiam inuisus exercitui suo à C. Fimbria legato ipsius occisus est, & imperium ad Fimbriam translatum. præterea expugnata in Asia urbes à Mithridate, & crudeliter direpta prouincia, incursionesque Thracum in Macedoniam referuntur. C. Fimbria in Asia fuis aliquot copijs Mithridatis urbem Pergamum cepit, obsessumque regem parum absuit, quin caperet; urbem Ilium, quæ se potestati Sullæ referuabat, expugnaui, ac deleui, & magnam partem Asiæ recepit. Sulla multis prælijs Thrakas cecidit.

DE COS. AN. DCLXIX.

DE INCEPIS L. Cinna III, Cn. Papirius II consules, auctor Cassiodorus, & epitomæ. Cinna III cos. meminit Cicero in Tusculanis, Suetonius in Cæsare. Cn. Papirij Carbonis II Capitolinæ tabulæ. Cn. Carbo prouinciam Galliam obtinuit cum Verre quæstore; auctor Cicero in prætura urbana. L. Cinna, ut opinor, Italiam.

De re gestâ in Asia, & ciuilibus motibus.

QVÆ sint hoc anno gesta apertius ex epitomis, & Velleio intelligi potest, quàm aut ex Appiano, aut Plutarcho. In epitomis enim ita scriptum est: L. Cinna, & Cn. Carbo à seipsis consules per biennium creati cum bellum contra Sullam pararent, effectum est per L. Flaccum principem senatus, qui orationem in senatu habuit, & per eos, qui concordia studebant, ut legati ad Sullam de pace mitterentur. Cinna ab exercitu suo, quem inuitum cogebat naues conscendere, & aduersum Sullam proficisci, interemptus est. Consulatum Carbo solus gessit. Sulla, cum in Asiam traieciisset, pacem cum Mithridate fecit, ita ut is cederet prouincia Asia, Bithynia, Cappadocia. Fimbria desertus ab exercitu, qui ad Sullam transierat, ipse se percussit, impetrauitque de seruo suo præbens ceruicem, ut se interficeret. Sulla legatis, qui à senatu missi erant, futurum se in senatus potestate respondit, si ciues, qui à Cinna pulsi ad se confugerant, restituerentur. quæ conditio cum iusta senatui uideretur, per Carbonem, factionemque eius, cui bellum videbatur utilius, ne conueniret, effectum est. Idem Carbo cum ab omnibus Italiae oppidis, coloniisque; obfides exigere uellet, ut fidem illorum contra Sullam obligaret, consensu senatus prohibitus. Nouis ciuibus S. C. suffragium datum est. Q. Metellus Pius, qui partes optimatum secutus erat, cum in Africa bellum moliretur, à C. Fabio prætore pulsus est. senatusque consultum per factionem Carbonis, & Marianarum partium factum est, ut omnes ubique exercitus dimitterentur. Libertini in quinque, & triginta tribus distributi sunt. apud Velleium autem ita: Transgressus in Asiam Sulla parentem ante omnia, supplicemque Mithridatem inuenit, quem multatum pecunia, ac parte nauium, Asia, omnibusque alijs prouincijs, quas armis occupauerat, decedere coegit; captiuos recepit, in perfugas, noxiosque animaduertit; paternis, idest Ponticis finibus contentum esse iussit. C. Flauius Fimbria, qui præfectus equitum ante aduentum Sullæ Valerium Flaccum consularem virum interfecerat, exercituque occupato imperator appellatus Mithridatem pepulerat prælio, sub aduentu Sullæ se ipse interemit. ante aduentum Sullæ Cinna, seditione orta, ab exercitu interemptus est. Carbo, nullo suffecto collega, solus toto anno consul fuit. De eodem Cinna occiso sic scriptum inuenio in libro de uiris illustribus: Quarto consulatu Cinna, cum bellum contra Sullam pararet, Ancone ob nimiam crudelitatem ab exercitu lapidibus occisus est. & apud Plutarchum ita: Cn. Pompeius, qui postea Magnus appellatus est, iuuenis in castra Cinnæ uenit. à quo cū esset falso crimine notatus, clam fugit. eo nusquam comparente, creditum est cum fuisse à Cinna interfectum. itaque qui uetere odio Cinnæ imbuti erant, eum impetu facto occiderunt. Appianus autem, itemque Plutarchus (quanquam utro anno Sulla in Asiam transierit, non aperiunt) ipsum tamen Cypselis, Mithridatem Pergamo colloquendi gratia in agrum Troadis conuenisse, atque inspectante utroque exercitu Mithridatem pacis condiciones, quas iam pridem Sulla tulerat, accepisse referunt, & nauibus ei traditis in Pontum recessisse. Sullam, sollicito exercitu, Fimbriam Pergami obsessum ad necem compulisse; Curioni, ut Nicomedem, & Ariobarzanem reduceret, negotio dato, Asiam constituisse; ciuitates imperium recusantes muris nudasse, omnes pecunia multasse; Cinnam ab exercitu, quem in Liburniam, ut inde Sullæ occurreret, trajcere inuitum uolebat, interfectum; Carbonem, ne comitia collegæ subrogando haberet, auspicijs sepius impeditum, solum per totum annum consulatum gessisse. atque hoc etiam in fastis Capitolinis ascriptum est.

DE COS. AN. DCLXX.

CONSULES inde L. Scipio, & C. Norbanus; testis Cassiodorus, Obsequens, Appianus, Eutropius, Florus, & Tacitus, cum ait libro xix: Pulsis regibus Horatius Puluillus III consul templum Iouis Capitolini dedicauit. Iisdem rursus uestigijs situm est, postquam interiecto cxxxv annorum spatio L. Scipione, C. Norbano cos. flagrauerat. In Capitolinis fragmentis est: L. CORNELIVS L. F. L. N. SCIPIO ASIATICVS. L. Scipioni consuli M. Piso quæstor obigit, anno postquàm Verres fuerat Cn. Carbonis; Cicero in prætura urbana. C. Flaccus his consulibus prætor in Gallia ulteriore rem bene gessit, siquidem imperator à Cicerone nominatur pro Quintio.

De bello ciuili Sullano.

SULLA compositis transmarinis rebus reuectus in Italiam xxx armatorum millia aduersus cæ amplius hostium Brundisij exposuit. Quod in eo fuit mirabile, quod cum per triennium Cinnam

Commentarius in fastos

Cinnanæ, Marianæq; partes Italiam obsiderent, neque illaturum se ijs bellum dissimulauit, nec quod erat in manibus omisit, existimauitq; ante frangendum hostem, quàm ulciscendum ciuem. Q. Metellus Pius, & Cn. Pompeius Strabonis filius cum parte exercitus se ad Sullam contulerunt. Missis legatis, qui de pace agerent, ijsq; ab consule C. Norbano uiolatis, Sulla Norbanum ad Canusium prælio uicit; & cum L. Scipionis alterius consulis, cum quo omnino id egerat, ut pacem faceret, nec potuerat, castra oppugnaturus esset, uniuersus exercitus consulis per emissos à Sulla milites sollicitatus, signa ad eum transtulit. Scipio cum interimi posset, dimissus est. Carbo Romæ Sullæ amicos hostes iudicandos curauit. Capitolium eius tum opera conflagrasse creditum est. Q. Sertorius, Sueffa capta, rebus Marianis deploratis, in Hispaniam ulteriorem, quam ante fortitus fuerat, profectus est. Velleius, epitomæ, Appianus, Plutarchus, alij.

DE COS. AN. DCLXXXI.

DE INCEPS C. Marium, Cn. Carbonem III consules inuenio apud Cassiodorum, Appianum, Velleium, & alios. C. Marium fratris filium C. Marij septies consulis Appianus; at Velleius, Plutarchus, Eutropius, & alij C. Marij filium prodiderunt. fortasse autem à C. Mario adoptatus fuit. in Capitol. certe tabulis C. MARIUS C. F. C. N. appellatur. Eundem ante annos uiginti consulem factum scriptum est in epitoma LXXXVI. at in libro de uiris illustrib. xxv, apud Velleium xxvi, apud Appianum xxvii annos natum consulatum cepisse proditum est. Horum etiam consulum meminit Cicero contra Rullum. & Plin. lib. vii; cum ait: Galeria producta est in scenam à M. Pomponio ædili pl. C. Mario, Cn. Carbone cos. & XLIX: M. Cælius Rufus, & C. Licinius Caluus oratores Romæ nati sunt C. Mario, Cn. Carbone III cos. & Valerius lib. vii: C. Mario, Cn. Carbone cos. bello ciuili cum L. Sulla dissidentibus senatus consulto aurea, atque argentea templorum ornamenta, ne militibus stipendia deessent, conflata sunt.

De bello ciuili Sullano confecto.

MARIO, & Carbone III cos. Q. Metellus Pius ad Aesim Carrinatam Carbonis ducem fudit. Metellum Carbo obsedit, donec accepta Mariana ad Præneste clade Ariminum uersus contendit. Marius enim cos. cum ad Sacriportum non procul à Præneste cum Sulla conflixisset, fugatus ab eo Præneste se recepit. Sulla Præneste circumuallauit, atque obsidioni Lucretium Offellam præfecit. Interea Romæ Marij iussu L. Damasippus, vel (ut ait Appianus) Brutus prætor urb. cum senatum uocasset, omnem, quæ in urbe erat, nobilitatem trucidauit, inter ceteros P. Antistium, C. Papirium Carbonem consulis fratrem, L. Domitium, & Q. Mucium Scæuolam pont. max. Sulla admoto propius exercitu, ac castris in campo Marcio factis, atque inde urbem ingressus, inimicorum bona, qui metu urbe cesserant, publicauit; ac populo concione audocata sperni fecit, se breui temp. esse constituturum. Post autè præfectis quibusdam urbi impositis, ea egressus primum ad Clusium, deinde ad Saturniam bene cum Carbone pugnauit. Carrinas Carbonianò exercitu cæso à Pompeio, & Crasso in agro Spoletino obsessus. Marcus, cum ad Marium obsidione eximendum iret, à Pompeio: C. Lamponius Lucanus, Pontius Telesinus Samnis, & Gutta Campanus, à Sulla interclusi. Carbo, & Norbanus non procul à Fauentia fusi à Metello copijs spoliantur. Lucani ad Metellum defecerunt. Norbanus Rhodum. Carbo in Siciliam rebus desperatis refugerunt. Qui Clusij relictæ erant, cum Pompeio congressi plus dimidio cecidere. Carrinas, Marcus, Damasippus cum Samnitum copijs uelut Romam occupaturi in Albano confederunt. Accurrente repente Sulla, ad portam Collinam K. Nouembr. acerrime dimicatum est. Qua uictoria nunciata Prænestini se Lucretio dederunt. Sulla recuperata rep. pulcherrimam uictoriam crudelitate, quanta in nullo homine unquam fuit, inquinauit; Octo milia deditorum in uilla publica trucidauit; tabulam proscriptionis fixit, urbem, & uniuersam Italiam cædibus repleuit; inter quos omnes Prænestinos inermes concidi iussit, M. Marium senatorij ordinis uirum, cruribus, brachijsq; fractis, auribus præfectis, & effosis oculis necauit. Marius filius Præneste dedita, cum per cuniculum captaret euadere, septus ab exercitu, mortem sibi consciuit. in ipso cuniculo, cum sentiret se euadere non posse, cum Pontio Telesino fugæ comite, stricto utrinque gladio, concurrat, quem cum occidisset, ipse faucibus à seruo impetrauit, ut se occideret. M. Brutus à Cn. Carbone, qui Cossuram appulerat, missus naue piscatoria Lilybæum, ut exploraret, an ibi Pompeius esset, quem aduersus eum Sulla cum imperio miserat, atque à Pompeianis nauibus circumuentus, semet occidit. Carbo in Sicilia à Pompeio captus, cum mulie-

muliebriter flerét, est interfectus. Hæc Appianus, Plutarchus, Velleius, epitomæ, alij. Cn. Carbonem in tertio consulatu à Cn. Pompeio equite R. necatum tradit Valerius lib. v 1, cap. 11.

De L. Sulla dictatore.

Cum Carbo consul in Sicilia, Marius Præneste interijisset, senatus interregem comitiorum causa creari iussit. creatus est L. Valerius Flaccus. Hic, cum comitia creandis consulibus habitu-
rus esse putaretur, ex L. Sullæ uictoris sententia legem ad populum tulit, Sullæ è rep. esse videri, dictatorem dici, qui perturbatam rep. constitueret, eumq; non ad quoddam tempus, ut ante, creari, uerum quousque ciuitas, ac uniuersa Italia, & tota resp. ordinata, ac constituta esset. Igitur L. ipse Sulla dictator creatus est, qui xxxiii prælatis fascibus, ac custodibus corporis sui aduocatis, primus dictatoriali potestate abusus est. Hæc Appianus, & epitomæ. Ceterum Velleius, & Plutarchus dictaturam per annos cxx intermissam hoc anno relatam scribunt. siquidem proximo anno, quàm Annibal ex Italia cecidit, ultimus dictator creatus est. apud Dionysium autem lib. v inuenio, L. Sullam dictatura abusum post annos quadringentos, quàm primus dictator T. Lartius dictus fuerat. atque idem etiam sentire videtur Appianus, quanquam ipse scribit Sullam dictaturam cepisse per annos quadringentos intermissam. Idem dictator est in Capitolinis tabulis cum magistro eq. L. Valerio Flacco, eodem, qui, ut puto, interregnum iniérat. De quo magistro equitum nihil apud rerum Ro. scriptores comperi. L. Flacci interregis sic meminit Cicero contra Rull: Omnium legum iniquissimam, dissimillimamq; legis esse arbitror eam, quam L. Flaccus interrex de Sulla tulit, ut omnia, quæcûque ille fecisset, essent rata. Hoc etiam anno L. Sulla uicto Mario se Felicem uocari uoluit, auctore Appiano, & Velleio. Plutarchus enim in triumpho postulando etiam Felicis cognomen sibi depoposcisse tradit. Idem etiam ad Græcos scribens se Venustum ipsdem auctoribus appellauit.

De bello à L. Murena cum Mithridate renouato.

C. MARIO, Cn. Carbone III cos. bellum à L. Murena aduersum Mithridatem renouatum colligitur ex epitoma lxxxv 1. L. autem Licinius Murena à Sulla imperatore in Asia cum duabus Fimbrianis legionibus relictus, ut res Asiaticas ordinaret, triumphum cupidus bellum hac occasione redintegrauit. Cum Bosporani, ac Colchi à rege Mithridate alienati filium eius sibi regem deposcerent, Mithridates autem, occiso filio, exercitum, classemq; aduersus Bosporanos compararet, Murena suspicatus, ne rex in Bosporanos uerbo, re autem aduersus Romanos se instrueret, exercitu statim per Cappadociam ad oppidum maximum; nomine Comana ducto, in quosdam eius equites impetum fecit atque legatis regis fœdus Syllæ ostendentibus, reiectis, regione uastata, facrisq; pecunijs direptis in Cappadociam in hyberna se recepit. Hæc App.

DE COS. AN. DCLXXII.

M. TULLIUM, Cn. Dolabellam cos. subiicit Cassiodorus. Tradit etiam Appianus Sullam dictatorem, ut speciem quandam antiquæ dignitatis resp. retineret, consules creari permisisse, M. Tullium, & Cornelium Dolabellam. atque ipsum more regio supra eos sedisse. M. Tullij, & Cn. Cornelij cos. meminit Cicero contra Rullum, & Gellius lib. xv. Dinumeratis annis, inquit, à Q. Cæpione, C. Serrano, quibus cos. ante diem 111 Non. Ianuar. M. Cicero natus est, ad M. Tullium, & Cn. Dolabellam, quibus cos. causam priuatam pro Quintio apud Aquillium iudicem dixit, sex & uiginti anni reperiuntur. In Capitolino fragmento M. TULLIVS DECVLA appellatur. M. Tullium, cum ædilitatis repulsam tulisset, consulem factum esse docet Cicero pro Plancio. His comitijs Q. Lucretius Offella, cum ante præturam consulatum peteret, iussu Sullæ occisus est. auctor Appianus, Plutarchus, alij. Cn. Dolabellæ consuli prouincia Macedonia obtigit. ex qua deinde triumphauit; ut post dicemus.

De bello à Murena cum Mithridate confecto.

INTEREA dum Mithridates legatos ad Sullam de bello sibi aduersum fœdus à L. Murena illo misit, Murena Haly fluuio traiecto quadringentos Mithridatis uicos diripuit. Legati retulerunt, senatui placere, ut regi, quo cum fœdus esset, parceretur. Murena autem maiore conatu acie cum rege congressus, ac castris, & exercitu exutus in Phrygiam se recepit. Mithridates Cappadociam

Commentarius in fastos

padociam, pulso Ariobarzane, occupauit. Sulla autem indignum ratus Mithridatem contra fœdus uexari, Murenâ à bello reuocauit. Mithridates restituta Ariobarzani Cappadocia bello liberatus est. Appianus, Cicero pro lege Manilia.

De triumpho L. Sullæ dict. de Mithridate.

TRIUMPHVM L. Sullæ dict. in hunc annum coniiciunt Capitolina fragmenta. is autem actus est de Mithridate Ponti rege ex Græcia, & Asia. cuius res per quatuor annos ibi gestas ante exposuimus. Triumphasse eum de Mithridate Cicero pro Pompeio, Eutropius, & Plutarchus referunt. Plinius per biduum triumphasse significat, cum ait lib. xxxiii: Sylla in triumpho, quod ex Capitolinæ ædis incendio, ceterisq; omnibus delubris C. Marius filius Præneste detulerat, tredecim millia auri pondo sub eo titulo in triumpho transtulit, & argenti septem millia. Idem ex reliqua omni uictoria pridie transtulerat auri pondo ex v millia: Adjicit Florus: De bellatum à Sulla foret, nisi de Mithridate triumphare cito, quàm uere maluisset. Hoc autem mirifice laudatur in Sulla, quòd nullum de ciuibus uictis triumphum egerit: id quod Valerius notauit lib. iii, his uerbis: L. Sulla, qui plurima bella ciuilia confecit, cum consumata, ac constructa potentia sua triumphum duceret, ut Græciæ, & Asiæ multas urbes, ita ciuium Romanorum nullum oppidum uexit.

De triumpho Cn. Pompeij Magni equitis R. ex Africa.

SULLANO triumpho subijcitur triumphus alter in Capitolinis fragmentis eodemmet anno, quo Sullanus, actus. hunc autem esse Cn. Pompeij ex Africa triumphum existimo. de quo sic scriptum est in epitoma lxxxix: Cn. Pompeius in Africa Cn. Domitium proscriptum, & Hiarbam regem Numidarum bellum molientem uictos interemit; quatuor & uiginti annos natus adhuc eques R. quod nulli contigerat, ex Africa triumphauit. Ceterum res gesta sic est. Priore anno cum nunciatum esset, Cn. Carbonem, & M. Perpernam Sullæ inimicos in Sicilia bellum reparare, Cn. Pompeius eò à Sulla cū imperio missus, Perperna ex insulâ eiecto, Carbonem còs. captum interfecit. Deinde cū iussu Syllæ in Africam traiecisset, ubi Cn. Domitius, & rex Numidiæ Hiarbas, ad quos Carbonis mortui copiarum ex Sicilia confugerant, bellum gerebant, utroque eorū ingenti prælio superato, illum occidit, hunc cepit. ipse Imperator appellatus est. res autem omnis intra xl dies confecta est. Eidem Romam reuerso Sulla dictator obuiam prodijt, ac summo honore habito, Magnum eum etiam appellauit. Postulanti autem triumphum uix tum propter ætatē, tum propter ordinem concessit. Hæc Velleius, & Plutarchus. De hoc extraordinario triumpho sic Cicero pro lege Manil: Quid tam præter consuetudinem, quàm homini peradolescēti, cuius à senatorio gradu ætas longe abesset, imperium, atque exercitum dari? Siciliam permitti, atque Africam, bellumq; in ea administrandum? bellum in Africa maximum confecit, victorem exercitum deportauit. quid uero tam inauditum, quàm equitem R. triumphare? at eam rem populus R. non modo uidit, sed etiam omni studio uisendam putauit. Huius triumphi meminit Eusebius, meminit Plinius lib. v. Pompeius, inquit, Sicilia recuperata, Africa tota subacta, Magniq; nomine spolio inde capto, eques R. id, quod ante nemo, curru triumphali reuectus est. & Eutropius: Sylla de Mithridate ingenti gloria triumphauit. Cn. Pompeius, quod nulli Romanorum tributum erat, lxxx & xx annum agens, de Africa triumphauit. Plutarchus adjicit potuisse ea ætate in senatum Pompeium legi, uerum maiori sibi honori futurum credidisse, si prius eques R. triumphasset. Ita Pompeius sine magistratu, non dum senator, atque adolescens adhuc triumphauit.

DE COS. AN. DCLXXIII.

CASSIODORVS consules suggerit L. Sullam II, Q. Metellum. Appianus adjicit, Sullam, quanquam dictator erat, tamen, ut aliquam speciem resp. habere uideretur, se cum Q. Metello Pio consulem renunciari uoluisse. Horum consulum sic meminit Cicero in Verrem: Aedem Caistoris P. Iunius habuit tuendam L. Sulla, Q. Metello cos. & Gellius lib. xv: Neque dubium est, quin Cicero post annum, quàm pro Quinctio dixerat, Sex. Roscium reum parricidij defenderit annos iam septem, & uiginti natus, L. Sulla Felice, & Q. Metello Pio cos. Fragmentum etiam Capitulinum habet consules **L. CORNELIUM SULLAM FELICEM II. Q. CAECILIUM.** Q. Metellus Hispaniam prouinciam fortitus est.

De triumpho L. Murenæ pro pr. ex Asia de Mithridate.

POST Sullæ discessum L. Murena cum Mithridate bellum, ut dixi, sponte sua instaurauit, idq; ipsum deinde iussu Sullæ omisit. quantum autem ego ex Appiani uerbis colligere potui, res ab eo per biennium gesta est; primū Mario, & Carbone, deinde Tullio, & Cornelio cos. Quod idem significat etiam Cicero, cum ait, L. Lucillum quæsturæ diuturnum tempus, L. Murena bellum in Ponto gerente consumpsisse. Ex eo bello Murenæ triumphasse satis constat. at quo anno, non constat. Mihi quidem uisum est triumphum eius in hunc annum conijci posse, quod probabile uideretur, eum Romam reuertisse, tum cum Sulla à bello eum reuocaret. Hac enim de re sic Cicero pro Murena, qui filius huius fuit: Mithridatem L. Sulla maximo, & fortissimo exercitu pugna excitatum, cum bello inuectum in totam Asiam, cum pace dimisit; L. Murena pater uehementissime, diligentissimeq; uexatum, repressum magna ex parte, non oppressum reliquit. & pro lege Manilia: Triumphauit L. Sulla, triumphauit L. Murena de Mithridate duo fortissimi, & summi imperatores, sed ita tamen triumpharunt, ut ille pulsus, superatusq; regnaret. Veruntamen illis imperatoribus laus est tribuenda, quod egerunt, uenia danda, quod reliquerunt. propterea quod ab eo bello Sullam in Italiam resp. Murenæ Sulla reuocauit. Iterum pro Murena: An cum sedere in equis triumphantium prætextati potissimum filij soleant, huic donis militaribus patris triumphum decorare fugiendum fuit, ut rebus communiter gestis cum patre simul triumpharet? & infra: Meruisse uero stipendia in eo bello, quod tum populus R. non modo maximum, sed etiam solum gerebat, uirtutis, patre imperatore meruisse, pietatis, finem stipendiorum patris uictoriam, ac triumphum fecisse, felicitatis fuit. & infra: Proauus L. Murenæ, & auus prætores fuerunt; & pater, cum amplissime, atque honestissime ex prætura triumphasset, hoc faciliorem huic gradum consulatus adipiscendi reliquit.

De bello Sertorianæ Hispaniensi.

BELLUM Sertorianum, ut inquit Florus, tanquam Sullanæ proscriptionis fuit hereditas. Hoc Q. Sertorius in Hispanijs suscitauit. qui cum Scipionis, & Norbani consulum partes, quibus ipse studebat, accisas, ac profligatas in Italia à Sulla sentiret, in Hispaniam, quam iam ante prouinciam prætor obtinuerat, concessit, summa ui prætoribus, qui cum, ut Sullæ gratificarentur, arcebant, repulsis. postero autem anno Mario & Carbone cos. cum ipse magnum exercitum comparasset, ac classem etiam confecisset, veritus, ne L. Sulla, quem fugato Carbone, Mario occiso, uictorem remp. inuasisse audierat, aduersus se exercitum mitteret, Pyrenæos montes per Liuium Salinatorem occupauit. tertio autem anno M. Tullio, & Cn. Cornelio cos. C. Annius à Sulla dictatore in Hispaniam missus, Liuius per dolum sublato, montes Pyrenæos transgressus est; atque Sertorium primum Carthaginem Nouam, deinde in Mauritaniam compulit, post cum eo recedente ad Pytiusam insulam nauali prælio decertauit. Sertorius tempestate ad Gades delatus Lusitaniam, cum eam tenuisset, ad bellum impulit, atque armauit. Hoc autem demum anno, cum maiore apparatu bellum illud egere Sulla sentiret, Q. Metellum Pium consulem eò mittendum censuit. Adjicit Eutropius, L. quoque Domitium prætorem missum. Metellus autem an in consulatu exierit, non liquet. Plutarchus certe eum non statim profectum esse indicat, cum Sertorium hoc, ut opinor, anno Cottam nauali prælio superasse, Didium Baticæ prætorem fuisse, Thoranum à Metello missum fregisse scribit. De Sertorij in Mauritaniam transitu sic Salustius libro primo historiarum, ut est apud Gellium libro x: Itaque Sertorius leui præsidio relicto, in Mauritaniam, nactus obscuram noctem, æstu secundo, furtim, aut celeritate uitare prælium in transgressu conatus est.

DE COS. AN. DCLXXIII.

INDE consules P. Seruilius, Ap. Claudius; auctor Cassiodorus. De quibus ita Appianus: Populus R. ut Sullæ dictatori obsequeretur, ab eo, ut consulatum continuaret, petijt. cui aduersus Sulla Seruilius Isauricum, & Claudium Pulchrum consules renunciandos curauit. P. Seruilius, & Ap. Claudij consulum meminit etiam Orosius. In fragmento Capitolino est:

P. SERVILIUS VATTIA, QVI POSTEA ISAVRICVS APPELLATVS EST. quod de cognomine dicam in triumpho eius. Ap. Claudium hunc in ædilitate præteritum, & quidem patre uiuo, sine repulsa consulem factum ait Cicero pro Plancio. Idem Macedoniam.

F P. Seruilius

Commentarius in fastos

P. Seruilius Ciliciam fortitus est, & bellum piraticum, ut post suo loco dicemus.

De L. Sulla dictatura abdicante.

His consulibus L. Sulla, qui dictaturam in perpetuum ceperat, se ea abdicauit. cumq; multa hominum millia morte, multa, atque omni contumeliæ, & iniuriæ genere affecisset, Italiam, & totam rep. rerum nouarum studio perturbasset, dimisso à se publico præsidio, palam in foro dixit, se omnium à se gestarum rerum paratum esse rationem reddere. Hæc Appianus, & Plutarchus. notat item Orosius P. Seruilio, Ap. Claudio cos. Sullam abdicasse. Itaque in libro de uiris illustribus scriptum est, Sullam ordinata rep. dictaturam deposuisse, & Suctonius Cæsarem dixisse tradit, Sullam nescisse literas, qui dictaturam deposuisset. Salustius tamen Sullam dictaturam in insequentem etiam annum retinuisse significat, cum Lepidum ipsum consulem in quadam oratione acerbius in eius tyrannidem inuehentem facit.

DE COS. AN. DCLXXV.

M. LEPIDVS, Q. Catulus consules in hunc annum à Cassiodoro referuntur. Plutarchus auctor est, cum L. Sulla dictatura se abdicasset, & comitiorum consularium potestatem populo R. reddidisset, M. Lepidum Sullæ inimicum, hominem audacem, ante Catulum, Cn. Pompeio annitente, esse renunciatum. Horum consulum meminit Appianus, & Cicero pro Cornelio. Gaudiani, inquit, M. Lepido, Q. Catulo cos. à senatu de sædere postulauerunt. & Plin. lib. xxxvi: M. Lepidus Catuli in consulatu collega primus omnium limina ex Numidico marmore in domo posuit, magna reprehensione. is consul fuit anno urbis dclxvi. Scriptum est etiam de ijs apud Valerium lib. ii, cap. iii, in epitoma lxxxix, apud Eutropium, & Florum. In fragmentis Capitolinis est: M. AEMILIUS LEPIDVS, Q. LVTATIVS, Q. F. CATVLVS. Hic autem Catulus filius fuit, Q. Catuli, qui de Cimbris triumphauit. de hoc epigramma antiquum tale legi: Q. LVTATIVS Q. F. Q. N. CATVLVS COS. SVBSTRVCTIONEM, ET TABVLARIVM EX S. C. FACIVNDVM CVRAVIT. Lepido Gallia citerior, Catulo forte Italia obtigit. de qua sic Cicero in Ver: P. Seruilius, Q. Catulus tantis rebus gellis sunt, ut in clarissimorum hominum numero reponantur. Q. Catulus frumento est usus, pecuniam non coegit.

De seditione M. Lepidi cos.

His consulibus L. Sulla annos lx natus moritur. magnus ei honos habitus à senatu est, ut cadaver eius per Italiam efferretur, atque in campo Martio, uel repugnante Lepido consule, sepeliretur. M. Lepidus legem de actis Sullæ rescindendis promulgauit, ut qui à Sulla proscripti fuerant, & ciuitatem, & bona sua recuperarent; cui cum Catulus collega, & boni omnes aduersarentur, re in concionibus iactata, Lepidus à senatu iureiurando adactus, bellum se patriæ non facturum, in Galliam ulteriorem, quam sortitus erat, profectus, ad comitia, tanquam exacto consulatu suo bellum illaturus, non uenit. Appianus, Florus.

De re gesta à Q. Metello pro cos. cum Sertorio.

Q. METELLVS hoc anno rem cum Sertorio, sed sine ullo emolumento uel ætatis, uel morum uitio, gessit, à Sertorio, qui latronum more pugnabat, sæpe clusus. De eo enim sic Orosius: Aduersus Sertorium duo duces missi Metellus, & Domitius; quorum Domitius ab Herculeio Sertorij duce cum exercitu oppressus est. Manilius pro cos. è Gallia in Hispaniam cum tribus legionibus, & mille ac quingentis equitibus transgressus iniquam cum Herculeio pugnam confecit; à quo castris, copijsq; nudatus in oppidum Ilerdam pene solus refugit. Metellus multis prælijs fatigatus per deuia oberrans hostem mora fatigauit, donec cum Pompeio iungeretur. & Eutropius: A Sertorij duce Herculeio Domitius occisus est. Metellus uario euentu contra Sertorium dimicauit. & in epitoma xc: Q. Sertorius proscriptus in vltiore Hispania ingens bellum excitauit. L. Manilius pro cos. & L. Domitius legatus ab Herculeio quæstore prælio uicti sunt. De Domitio sic Salustius in primo historiarum, ut est apud Priscianum: Metellus Domitium pro cos. ex citeriore Hispania cum omnibus copijs, quas parauerat, arcessiuit.

DE COS. AN. DCLXXVI.

M. AEMILIUM, D. Brutum consules hic annus habuit, auctore Cassiodoro, & Obsequente. Horum consulum sic meminit Macer tribunus pl. apud Salustium, cum plebem à patribus oppressam queritur: Nam spem frustra fuisse intellexistis Sulla mortuo, qui scelestum imposuerat seruitium. finem mali credebatis; ortus est longe saeuior Catulus. tumultus intercessit Bruto, & Aemilio Mamercio consulibus; dein C. Curio ad exitium usque infantis tribuni dominatus est; Lucullus superiore anno quantis animis ierit in L. Quinctium uidistis. Meminit item Cicero in Bruto, cum ait: Iisdem temporibus D. Brutus is, qui consul cum Mamercio fuit homo & græcis doctus literis, & latinis. &, cum in 11 de off. ait: Mamercio homini ditissimo adilitatis prætermisio consulatus repulsam attulit; hunc ab eo intelligi puto. Hoc loco fragmenta tria Capitolina composui, quæ ab ijs, qui ea in Capitolio digesserunt, longe diuulsa sunt. ea vero sunt hæc:

M. AEMILIUS	Q. F. M. N.	LEPIDVS.	Q. LVT
D. IVNIUS	D. F. D. N.	BRVTVS.	M. A. F.
CN. OCTAVIUS	M. F. CN. N.		C. SCRE
L. F. F. F. F. F.	CN. F. CN. N.		C. AVRE
L. F. F. F. F. F.	L. F. L. N.	LVCVLLVS.	M. AVRE
DCXXC. M. F. F. F. F. F.	M. F. F. F. F. F.	R. LVCVLL.	C. C.

Alterum est hoc, quod superiori præpositum est, atque ante Punicum bellum secundum temere situm.

F. F. F. F. F. F.	Q. F. F.
F. F. F. F. F. F.	MILIVS. F. F. F.
F. F. F. F. F. F.	ONIVS. F. F. F.
F. F. F. F. F. F.	VS. M. F. F.
F. F. F. F. F. F.	LIVS. F. F. F.

Tertium, quod ipsi, quo in loco reponeretur, se ignorare profitentur, est hoc:

CATVLVS
D. LIVIUS
CVREVS

Hæc autem si vna componantur, extabunt prope integra consulum horum annorum nomina; hoc modo:

M. AEMILIUS	Q. F. M. N.	LEPIDVS.	Q. LVTATIUS.	Q. F. Q. N.	CATVLVS.
D. IVNIUS	D. F. D. N.	BRVTVS.	M. AEMILIUS	Mamerc.	Lepid. LIVIAN.
CN. OCTAVIUS	M. F. CN. N.		C. SCRIBONIUS	C. F.	CVRIO.
L. OCTAVIUS	CN. F. CN. N.		C. AVRELIUS	M. F.	Cotta.
L. Licinius	L. F. L. N.	LVCVLLVS.	M. AVRELIUS	M. F.	Cotta.
DCXXC. M. Terentius	M. F.	VARR.	LVCVLLVS.	C. CASSIUS.	Longinus.

Ac de ceteris quidem suo loco. nunc de Mamercio consule dicamus, quem uestigia Capitolina sequuti M. Aemilium Mamercum Lepidum Liuium scripsimus. Vtraque enim hæc cognomina Aemiliorum fuisse satis constat. quin etiam Pædianus in Cornelianam hos consules D. Brutum, & M. Lepidum nominat. Liuius autem adoptionis cognomen est. Itaque uereor ne, qui collegam huius Brutum Iulianum appellant, temere id faciant, quod is in Capitolinis tabulis nullo quarto nomine afficiatur, atque illud ad Mamercum potius transferendum sit, & pro Iuliano Liuius scribendus sit. cum Mamercus petijisse Curionem, qui postero anno consul fuit, intelligi ex his Salustij uerbis potest, ex primo libro historiarum, apud Priscianum libro x: Curionem quæsiuit, uti adolescentior, & populi suffragijs integer ætati concederet Mamerci.

De bello ciuili Lepidi procos.

M. LEPIDVS, qui in consulatu urbe eo animo exierat, ut exacto consulatu arma patriæ inferret, hoc anno bellum mouit. nam cum alterum consulatum peteret, atque Etruriam ad arma concitasset, Galliam autem citeriorem per M. Brutum obtineret, infesta signa patriæ intulit. Ita factum est, ut cum nullis creatis consulibus interreges remp. administrarent, L. Philippus eam sententiam dixerit, quæ ex reliquijs Salustianæ historiæ superest: Quare ita censeo, quoniam Lepidus exercitum priuato consilio paratum cum pessimis, & hostibus reip. contra huius ordinis auctoritatem ad urbem ducit, uti Ap. Claudius interrex cum Q. Catulo procos. & ceteris, qui-

Commentarius in fastos

bus imperium est, urbi præsidio sint, operam dent, nequid resp. detrimenti capiat. Post autem, cum Cn. Pompeius de M. Bruto Mutinæ à se occiso certiores senatum fecisset, magnam metus partem, quo Ro. ciuitas tenebatur, ademit. Lepidus autem à Catulo, & Pompeio, qui iam Miluium pontem, collemq; Ianiculum cum exercitu infederant, Italia pulsus, in Sardiniam refugit. ubi frustra bellum molitus haud ita multo post morbo interijt. Hæc fere Appianus, & Plutarchus. Orosius bis acie decertatum scribit: Albam obsidione cum Scipione Lepidi filio captâ: Brutum in Cisalpinam Galliam fugientem à persequente Pompeio apud Rhegium esse occisum. De hac autem victoria sic Valerius: Q. Catulus M. Lepido collega suo cum omnibus copijs seditiosis extincto moderatû præ se gerens gaudium in urbem reuertit. & Florus: Victores, quod non temere in alijs ciuilibus bellis, pace contenti fuerunt. Hunc motum intra unam ætatem oppressum tradit Eutropius.

De triumpho Cn. Dolabellæ pro cos. ex Macedonia.

QUEMADMODUM bellum in Macedonia per hæc tempora, populantibus eam Thracibus, gereretur, satis supra demonstratum esse opinor. Vltimus rem cum illis gesit L. Sulla, qui cum in Græcia esset, Dardanos, aliosq; Thracum populos, Macedoniam incurstantes prælio profligauit. Hos autem ne quieuisse quidem Sullana uictoria arbitror. itaque aduersus eos missum esse Cn. Cornelium Dolabellam uel in consulatu, uel certe post consulatum. triumphasse enim per hæc tempora Cn. Dolabellam ex Macedonia Cicero scribit in Pisonem, ita: Ex qua provincia uir omni dignitate ornatisimus L. Torquatus me referente absens imperator appellatus sit; unde his paucis annis Cn. Dolabellæ, C. Curionis, M. Luculli iustissimos triumphos uidimus, ex ea te imperatore nuncius ad senatum allatus est nullus. Suetonius etiam meminit huius Dolabellæ in Cæsare, cum ait: Cæsar cõposita Lepidi & Catuli seditione Cn. Dolabellam uirum consularem, ac triumphalem accusauit, nec damnavit. Hoc autem demum anno eum triumphasse puto, quòd nisi hoc anno successor ei missus sit Ap. Claudius, qui ineunte hoc anno interregnum Romæ iniit, teste Salustio.

De re gesta ab Ap. Claudio Pulchro pro cos. in Thracia.

Hoc tempore bellum in Thracia commotum traditur. ad eum autem primum missum esse Ap. Claudium, sed, ut dixi, multo post consulatum missus sit necesse est. quod etiam subindicat Eutropius, cum ita scribit: Ad Macedoniam missus Ap. Claudius post consulatum, leuia prælia habuit contra uarias gentes, quæ Rhodopæam prouinciam incolebant. atque ibi morbo mortuus est. De eo autem sic Orosius: Macedonicum bellum Claudius fortitus uarias gentes, quæ Rhodopæis montibus circumfusæ sunt, ac tunc Macedoniam crudelissime populabantur, bello finibus pellere tentauit, magnisq; se malorum molibus obiecit. unde cum hæc animo gereret, curis circumseptus, morbo insuper correptus interijt. & epitoma x c 1: Ap. Claudius pro cos. Thracas pluribus prælijs uicit. & Rufus: Per Ap. Claudium pro cos. ij, qui Rhodopam incolebant, uicti sunt. & Florus: Appius in Sarmatas usque peruenit. Tenuisse autem Macedoniam eum per biennium puto, atque ad ipsum referri id, quod est apud Obsequentem: Octauio, & Scribonio cos. aduersus Mædos uariè dimicatum.

De Cn. Pompeio pro cos. aduersus Sertorium missio.

Cum Q. Metellus impar aduersus Sertorium uideretur, uisum est senatui Cn. Pompeio privato imperium extra ordinem in Hispaniam dare; itaque senatus consultum factum est in sententiam L. Philippi, ut Cn. Pompeius, qui ad urbem erat, aduersus Sertorium cum eodem, atque Metellus imperio pro cos. iret. cum quidem Philippus ignauiam præsentium consulum insectans dixit, se eum non modo pro consule, sed pro consulibus mittere. Venit autem eodem etiam anno ad Sertorium cum magno exercitu M. Perperna, iam Lepidi partibus, presertim eo in Sardinia mortuo, fractis. De itinere suo in Hispaniam sic loquitur in epistola quadam ad senatû, apud Salustium, Pompeius: Equidem fateor me ad hoc bellum maiore studio, quàm consilio profectû; quippe qui nomine modo imperij à vobis accepto diebus xl exercitum parauî, hostesq; in ceruicibus iam Italiæ agentes ab alpihus in Hispaniam summouî, per eas iter aliud, atque Annibal nobis opportunius patefeci, recepi Galliam, Pyrenæum, Iacetaniam, Indigeris, & primum impetum Sertorij uictoris nouis quidem militibus, & multo paucioribus sustinui, hyememq; in castris

castris inter fauissimos hostes, non per oppida, neque ex ambitione meaegei. Atque hoc est id, quod Cicero pro lege Manilia dixit: Cn. Pompeius Gallis iter in Hispaniam legionibus R. prohibentibus eorum internecione patefecit. Quod idem bellum eadem in oratione Transalpinum appellauit. Appianus iter ab eo patefactum in alpibus inter Padi, & Rhodani fontes ait. De re à Pompeio hoc anno gesta sic in epitoma x c i: Cn. Pompeius, cum adhuc equester esset, cum imperio consulari aduersus Sertorium missus est. Sertorius aliquot urbes expugnauit, plurimasque ciuitates in potestatem suam redegit. Inter ceteras autem expugnatas ciuitates Lauronem intelligit, quam à Sertorio inspectante Cn. Pompeio incensam scribit Plutarchus. Quo facto Pompeium, ac Sertorium in hyberna se rettulisse, Pompeium ad Pyrenæos montes, Sertorium in Lusitaniam adijcit Appianus. His cos. D. Lælius legatum Pompeij in Hispania aduersus Sertorium inter pabulatores occisum tradit Obsequens. quod ad Lauronem oppidum cuenisse, ubi primum Pompeius cum Metello congressus est, scriptum est apud Frontinum lib. i i, cap. v.

DE COS. AN. DCLXXVII.

CONSULES fuerunt in hunc annum Cn. Octavius, C. Curio, ut ait Cassiodorus. ut Obsequens, Cn. Octavius, C. Scribonius. Horum meminit Cicero in Bruto, hoc modo: Cn. Sicius cum tribunus pl. Curionem, & Octauium consules produxisset; Curioque multa dixisset sedente Cn. Octauio collega, qui deuinctus erat fascijs, & multis medicamentis propter dolorem artuum delibutus; nunquam, inquit, Octauii collegæ tuo gratiam referes; quod nisi se suo more iactauisset, hodie te istic muscæ comedissent. & Lactantius lib. i: Curio consul rettulit ad senatum, ut legati Erythras mitterentur ad carmina Sibyllæ colligenda, & Romam deportanda. missi sunt P. Gabinius, M. Otacilius, L. Valerius. & in libro de ira dei hoc factum esse scribit Octauio, & Curione cos. Fragmenta Capitolina consules edunt Cn. OCTAVIUM, C. SCRIBONIUM. Cicero in Bruto tres C. Curiones oratores prodir, patrem, filium, & nepotem. hic est filius, qui pater fuit C. Curionis tribuni pl. Cæsariano ciuili bello. Cn. Octauium M. F. idem uocat, M. autem Octauium Cn. F. Curio Macedoniam sortitus est.

De re gesta cum Sertorio.

IN EVNTB uere Metellus, & Pompeius à Pyrenæis montibus, Sertorius, & Perperna ex Lusitania mouentes ad Sucronem acie conflixerunt. qua in pugna Metellus Perpernam, Sertorius Pompeium in fugam uertit. Pompeius etiam in scænore uulnus accepit. Post autem iterum congressi ad Seguntiam, Sertorius etiam Pompeium, Metellus Perpernam fudit. tertio cum se in Metellum Sertorius intulisset, interueniente Pompeio, recessit, ac rursus in hyberna se contulerunt. Hoc pacto Appianus. At Orosius ita: Post Lauronis excidium Herculeius cum Metello congressus apud Italicam Bæticæ urbem xx mill. militum perdidit, uictusque in Lusitaniam cum paucis refugit. Pompeius Segidam nobilem Celtiberiæ urbem cepit. Sertorius cum Pompeio deinde congressus x mill. militum eius cæcidit, ex alio cornu uincente Pompeio tantundem pene ipse amisit. & in epitoma x c i sic: Q. Metellus pro cos. L. Herculeium quæstorem Sertorij omni cum exercitu cæcidit. Cn. Pompeius adhuc dubio euentu cum Sertorio pugnavit, ita ut singula ex utraque parte cornua uicerint. Q. Metellus Sertorium, & Perpernam cum duobus exercitibus prælio fudit. cuius uictoriæ partem cupiens ferre Pompeius parum prospere pugnavit. obsessus deinde Calagurij Sertorius assiduus eruptionibus non leuiora damna obsidentibus intulit. At Plutarchus hoc anno ita dimicatum scribit: Pompeium Sertorianos duces Herennium & Perpernam ad Valentiam uicisse, eaque uictoria elatum, antequam Metellus adueniret, ad Sucronem conseruisse. Cum Pompeius Sertorianum cornu funderet, Sertorium, qui Afranio Pompeiano duci oppositus erat, ad suos, qui ab Afranio pellebantur, accurrisse, ac restituto prælio Pompeium ipsum faucium fugasse, Afranio autem cornu, quod Sertorius deseruerat, in fugam conijciente Sertorium uictorem reuertisse, atque Afranium quoque cornu fudisse. cum autem Metellum cum alio exercitu aduentare sentiret, prælium diremisit, in agro etiam Seguntino pugnatum utrinque esse acerrime, qua in pugna Memmii quæstoris Pompeij esse occisum; Metellum prope pulsam Sertorianum exercitum repulisse; Sertorium in montana urbe (Calagurium ei nomen fuit) se astute obsideri ab hostibus passum delectum per amicas Hispaniæ urbes habuisse. Hæc autem omnia ita persequitur in epistola ad senatum Pompeius: Quid deinde prælia, aut expeditiones hibernas, oppida excisa, aut recepta enumerem. castra hostium apud Sucronem capta, & prælium apud flumen Duriam, & dux hostium C. Herennius cum urbe Valentia, & exercitus deleti satis clara uobis sunt. & Cicero pro Cornelio.

Commentarius in fastos

Cornelio: Ceterum accusator fatetur, L. Cornelium in Hispania durissimo bello cum Q. Metello, cum M. Memmio & in classe, & in exercitu fuisse, & ut Pompeius in Hispaniam uenerit, Memmumq; habere quæstorem cæperit, nunquam à Memmio discessisse. Carthaginem esse profectum, acerrimis illis prælijs, & maximis Sucronensi, & Durienti interfuisse. De Herculeio à Metello uictò sic Frontinus lib. 11: Metellus Pius in Hispania aduersus Herculeium, cum ille oriente protinus die instructam aciem uallo eius adnouisset, feruidissimo tunc tempore anni intra castra suos continuit in horam diei sextam, atque ita fatigatos æstu facile integris, & recentibus uicit suorum uiribus. & cap. 111: Metellus in Hispania eo prælio, quo Herculeium deuicit, cum comperisset cohortes eius, quæ ualidissimæ uocabantur, in media acie locatas, ipse mediam suorum aciem re duxit, ne ea parte ante cum hoste conflingeret, quàm cornibus profligatis medios undique circum uenisset. & cap. 111: Q. Sertorius cum acie decertaret, barbarum, qui ei nuntiauerat Herculeium perijisse, pugione traiecit.

DE COS. AN. DCLXXVIII.

L. OCTAVIUM, C. Cottam consules Cassiodorus in hunc annum suggerit; C. Aurelium, L. Octauium Obsequens. L. Octauij, C. Aurelij consulum meminit Plin. lib. 11, cap. xxxv; Cicero 111, & v in Verr. L. Octauij & C. Cottæ. C. Cottæ contra Rullum; in fragmentis Cap. L. OCTAVIUS, & C. AVRELIVS eduntur. Pædianus tres Cottas fratres consulares hoc tempore fuisse scribit, Caium, Marcum, & Lucium. C. Cotta ante tribunatu, post ciuitate pulsus Sulla uictore in urbem redierat. Cic. in Bruto. Ex his consulibus L. Octavius in Cilicia, quæ ei prouincia obtigerat, anno sequenti moritur. Plutarchus in Lucullo. C. Cotta Galliam prouinciam sortitus est. Cicero in Bruto. Tumultum hoc anno in urbe fuisse declarat concio C. Cottæ cos. ad Quirites, quæ extat ex historijs Salustij. in qua hæc uerba sunt: Consules nos fecistis Quirites domi, belli; impeditissima rep. nanque imperatores Hispaniæ stipendium, milites, arma, frumentum poscunt. & id res cogit; quoniam defectione sociorum, & Sertorij per montes fuga, neque manu certare possunt, neque utilia parare. exercitus in Asia, Ciliciâq; ob nimias opes Mithridatis aluntur. Macedonia plena hostibus est, nec minus Italiæ maritima, & prouinciarum. cum interim uestigalia parua, & bellis incerta uix partem sumptuum sustinent. ita classe, qua commeatus uehebatur, minore quàm antea nauigamus. hæc si dolo aut socordia nostra contracta sunt, agite, uti libet, & ita supplicium sumite; sin fortuna communis asperior est, quare indigna uobis, nobisq; incipitis? De legibus à C. Cotta cos. latis sic Pædianus: C. Cottæ cos. paulum tribunis non potestatis, sed dignitatis addidit, idest legem tulit, ut tribunis pl. liceret postea alios magistratus capere, quod lege Sullæ ijs erat ademptum. Item: C. Cotta de legibus suis abrogandis rettulit ad senatum. uidentur autem in paruis rebus leges illæ fuisse; quoniam neque apud Salustium, neque apud Liuium, neque apud Feneftellam mentio sit legis præter eam, quam in concione populi magno studio tulit, ut ijs, qui tribuni pl. fuissent, alios quoque magistratus capere liceret. quod lege dictator Sylla sustulerat. neque hæc abrogata est. Item: C. Cotta legem tulit de priuatis iudicijs, quæ est anno posteriore à fratre eius M. Cotta abrogata. & Cicero in Verré: L. Octavius, C. Aurelius cos. cum ædes sacras locauissent, neque potuissent omnia facta tecta exigere, neque ij prætores, quibus erat negotium datum, C. Sacerdos, M. Cæsius: senatus consultum factum est, quibus de factis tectis cognitum, & iudicatum non esset, uti C. Verres, P. Cælius prætores cognoscerent, & iudicarent.

De re gesta cum Sertorio.

APPIANVS sequenti anno (quo Nicomedes Bithyniam populo R. reliquit) Sertorium in suos prodicionis suspectos sæuissè ait. Metellum multas Sertorianas urbes populatum; Sertorium Palantiam à Pompeio obsessam liberaffe. atque impetu in eos, qui ad Calagurium castra habebant, facto tria millia interfecisse. Plutarchus autem, cum exercitus ad diem conuenisset, Sertorium è Calagurio erupisse ait, atque Romanos imperatores Metellum in Galliam, Pompeium in Vaccæos distractis copijs hybernandi causa fugasse. Itaque Pompeius in epistola quam ad senatum L. Lucullo cos. misit, ait: Gallia superiore anno Metelli exercitum stipendio frumentoq; aluit. At in epitoma x c i i i scriptum est: Sertorium ab obsidione Calagurij oppidi depulsos coegisse diuersas regiones petere, Metellum ulteriorem Hispaniam, Pompeium Galliam. ubi forte præpostera nomina sunt. M. autem Fonteium hoc tempore per triennium Galliæ ulteriori præfuisse, atque ibi rem bene gessisse deuictis, & multatis hostibus tradit Cicero in Fonteiana.

DE COS. AN. DCLXXIX.

L. LVCVLIVM, M. Cottam consules in hunc annum inuenio apud Cassiodorum; L. Licinium Lucullum, M. Aurelium Cottam apud Eutropium, Appianum in Mithridatica, Plutarchum in Lucullo. Horum mentio est apud Ciceronem in Verrem, & in epitoma x c i i i, & x c i i i i. L. Lucullus auum habuit L. Lucullum, qui cos. fuit cum A. Albino; Cicero, & Plutarchus auctores. De hoc sic Cicero in Lucullo: L. Lucullus quæsturæ diuturnum tempus, Murena bellum in Ponto gerente, in Asiæ pace consumpsit; deinde ædilis, continuo prætor (licebat enim celerius legis præmio) post in Africam, inde ad consulatum, quem ita gessit, ut diligentiam admirarentur omnes, ingenium cognoscerent. His cos. Nicomedem regem Bithyniæ mortuum populum Ro. heredem reliquisse, Bithyniam in prouinciæ formam redactam scriptum est apud Eutropium. Hinc Cottæ Bithynia, Lucullo Cilicia prouincia obtigit.

De triumpho P. Seruiliij Isaurici ex Cilicia, & bello Piratico.

BELLUM in Cilicia, & Pamphilia his temporibus non contemnendum exortum inuenio apud Orosium, & Eutropium, quod bellum piratici nomine comprehendit Florus. ceterum tria bella piratica gesta sunt, unum à M. Antonio prætore, de quo ante dictum est, alterum à P. Seruilio, tertium post à Cn. Pompeio. Horum autem originem bellorum his uerbis exponit Florus: Interim dum populus R. per diuersa terrarum distractus est, Cilices inuasent maria, sublati; commercijs, sic maria bello quasi tempestate præcluserant. audaciam ijs dabat inquieta Mithridatis prælijs Asia. dum sub alieni belli tumultu, externiq; regis inuidia impune grassantur, ac primum duce Isidoro contenti proxima mari Cretam inter, atque Cyrenas Piræum, & Achaiam, sinum Maliacum, quem à spolijs aureum ipsi uocauere, latrocinabantur, missus in eos P. Seruilius quamuis leues, & fugaces myoparones graui, & martia classe turbaret, non incruenta uictoria superat. sed nec mari submouisse contentus ualidissimas urbes eorum, & diutina præda abundantes Phaselim, & Olympum euertit, Isauronq; ipsam arcem Ciliciæ; unde conscius sibi magni laboris Isaurici cognomen adamauit. Hæc de causis huius belli. Venisse autem Seruilium in prouinciam uel extremo consulatu, uel certe sequenti post consulatum anno puto, id quod ex Suetonij uerbis elici potest, qui Cæsarem, cum Seruilio Isaurico mereret in Cilicia, Sullæ morte comperta, sinul spe nouæ dissensionis, quæ per M. Lepidum mouebatur, Romam propere rediisse scribit. Quinquennio autem eum exercitui. i. prouinciæ præfuisse, docet Cic. in frumentaria. Quid quoque horum annorum ab eo gestum sit, nemo tradit, neque ex historicorū uerbis elici potest. Quæ autem gesserit, summam omnes, hoc modo; Orosius: P. Seruilius ex consulatu Ciliciam, & Pamphiliam crudelissime adortus, dum subdere studet, pene deleuit Lyciam, & urbes eius obsessas, oppressasq; cepit. præterea Olympum montem peruagatus Phaselium euertit, Corycum diruit, Tauri montis latera in Ciliciam uergentia perscrutatus Isauos bello fractos in deditionem redegit, primusq; Romanorum per Taurum duxit exercitum, ac limitem itineris fecit. triennio emenso, quo bellum gestum est, Isaurici nomen assumpsit. eadem fere etiam Eutropius. Epitomæ: Res à P. Seruilio pro cos. aduersus Cilicas gestas continet. Item: P. Seruilius pro cos. in Cilicia Isauos domuit, & aliquot urbes piratarū expugnauit. Idem Strabo lib. x i i i i. & Cicero in Verrem: Phaselis illa, quam cepit P. Seruilius, non fuerat urbs ante Cilicum, atque prædonum; Lycij illam Græci homines incolebant; sed quod erat eiusmodi loco, atque ita proiecta in altum, ut & exeuntes à Cilicia prædones sæpe ad eam necessario deuenirent, & cum ex hisce se locis reciperent, eodem deferrentur, ascieuerunt sibi illud oppidum piratæ primo commercio, deinde etiam societate. Hac uictoria Ciliciæ pars adiuncta est populi R. imperio. nam post Mithridatico bello tota fere à Pompeio in potestatem redacta est, ut scribit Appianus in principio Mithridaticæ. Itaque Marcellinus lib. x i i i i sic loquitur: Cilicia, & Isauria prouinciæ bello quondam piratico cateruis mixtæ prædonum à Seruilio pro consule missæ sub iugum, factæ sunt uectigales. & Iustinus lib. x l: Creta, Ciliciæq; piratico bello perdomitæ in formam prouinciæ rediguntur. & Iornandes: Seruilius pro consul bello piratico obtinuit Pamphiliam, Ciliciam, Pisidiamq; deuicit, fecitq; prouincias. & Rufus: Pamphiliam, Phrygiam P. Seruilius ad bellum piratarum missus obtinuit. Hæc de re gesta. triumphus autem eius hæc adhuc testimonia extant. Rufus: Cilices, & Isauos, qui se piratis, & prædonibus iunxerant, Seruilius pro cos. ad prædonum bellum missus subegit, & uiam per Taurum montem primus instituit, & de Cilicibus, & Isauris triumphauit, atque Isauricus cognominatus est. Pædianus in Verrinas: P. Seruilius

Commentarius in fastos

Ilius bellum in Cilicia gessit, deq; ea triumphauit, captis Coryco, Olympo, Phaselide tribus magnis eius terræ urbibus. & Cicero ipse: P. Seruilius quæ signa, atque ornamenta ex urbe hostiū, & uirtute capta belli lege, atque imperatorio iure sustulit, ea populo R. apportauit, per triumphū uexit. Item: Vnus plures prædonum duces uiuos cepit P. Seruilius, quàm omnes antea. quacūque iter fecit, hoc iucundissimum spectaculum omnibus uictorum, captorumq; hostium præbebat. itaque ipse triumphus omnium triumphorum gratissimus populo Ro. fuit, atque iucundissimus. & Valerius lib. v 111: P. Seruilius consularis, cenforius, triumphalis, maiorū suorum titulis Isaurici cognomen adiecit. & Claudianus in primo in Eutropium: Indomitos curru Seruilius egit Isauos. In hunc autem annum triumphum eius conieci; primum, quod Cicero in frumentaria inquit, P. Seruiliū quinquennium exercitui præfuisse, deinde, quod L. Octauius prioris anni consul Ciliciam fortitus est, ut hoc anno Seruilio decedenti succederet. mortuo autem in prouincia Octauio L. Lucullus cos. eam obtinuit.

De re gesta cum Sertorio.

PLUTARCHVS Pompeium cum incommode hibernaret, inopia adactum scribit, ut ad senatum scriberet, ac stipendium, uestes, ac frumenta posceret, alioquin futurum, ut omisso periculosisimo bello in Italiam exercitum trajiceret (extat adhuc Pompeij, qua hæc petit, epistola; tanquam ex naufragio quodam historiarum Salustij erepta) L. autem Lucullum consulem timentem, ne si Pompeius exercitum in Italiam transportaret, bellum Mithridaticum, quod ipse sibi mandari cupiebat, à populo obtineret, summa cū cura omnia, quæ postulabant, ei mittenda censuisse. Appianus Metellum, & Pompeium magno conatu urbes Sertorio amicas inuasisse, ac multas expugnasse tradit. in epitoma post L. Luculli cos. res gestas ita est: Res à Pompeio in Hispania contra Sertorium gestas continet. Strabo lib. 111: Ilerdæ, & Ileosæ Ilergetum oppidis extremas pugnas Sertorium fecisse, & in Vasconum urbe Calaguri, & Tarracone, & Hemeroscopio, cum è Celtiberis expulsus esset, auctor est.

De bello Mithridatico L. Luculli, & re gesta à consulibus.

Hoc anno cœptum est nouum cum Mithridate Ponti rege bellum. Eius, quantum ex Appiani Mithridatica historia colligi potest, hæc causa fuit. Priore anno L. Magius, & L. Fannius, qui transfugæ facti à Mariano exercitu apud Mithridatem agebant, ab eodem rege ad Sertorium missi sunt de paciscenda cum eo aduersus Romanos belli societate. Sertorius pactus, M. Marium ad regem, ut eo belli duce uteretur, misit. Mithridates tota æstate, atque insequente hyeme in copijs contrahendis, & classe ædificanda consumptis, ineunte uere in Paphlagoniam, deinde in Bithyniam impetum fecit, quæ prouinciaerat populi Ro. à Nicomede populo Ro. relicta. Hæc Appianus. Nicomedes autem Bithyniam Octauio & Cotta, non, ut ait Eutropius, Lucullo, & Cotta reliquerat. Id quod epitoma x c 111 confirmare uidetur, cuius hæc uerba sunt: Nicomedes Bithyniæ rex moriens populum R. fecit heredem. regnumq; eius in prouinciæ formam redactum est. Mithridates fœdere cum Sertorio icto bellum populo Ro. intulit. apparatus deinde regiarum copiarum pedestrium, naualiumq;, & occupata Bithynia. Neque uero eodem anno Nicomedes mortuus, Bithynia prouincia facta, & à Mithridate occupata est. Eadem sic Cicero pro lege Manilia: Mithridates omne reliquum tempus non ad obliuionem ueteris belli, sed ad comparisonem noui contulit, qui posteaquam maximas ædificasset, ornassetq; classes, Bosporanis finitimis suis bellum inferre simulasset, usque in Hispaniam legatos, & literas misit ad eos duces, quibus cum bellum gerebamus. & pro Murena: Mithridates rex aliquot annis sumptis ad confirmandas rationes, & copias belli, tantum ipse opibus, conatuq; inualuit, ut se Oceanum cum Ponto, Sertorij copias cum suis coniuncturum putaret. ad quod bellum duo consules ita missi, ut alter Mithridatem persequeretur, alter Bithyniam tueretur. De legatis L. Magio, & L. Fannio loquitur etiam Pædianus in Verrinas. L. Lucullo cos. citerior Gallia obtigerat, cum autem L. Octauium in Cilicia mortuum esse nunciatum esset, Lucullus Ciliciam, ac bellum Mithridaticum sibi decernendum curauit. M. Cottæ classis commissa, ut ea Propontidem, ac Bithyniam tueretur. Irruptione à Mithridate in Bithyniam facta, Cotta Chalcedonem refugit, quem rex persequutus terra fudit, ac mari classe pulcherrima exiuit. eum autem rex se ad Cyzicum obsidentem conuertisset, eo consilio, ut ea capta totam Asiam inuaderet, L. Lucullus cum maximo exercitu aduenit, atque factis ad Cizycum castris, commeatus Mithridati interclusit; equorum sex millia, captiuorum x v, quos Mithridates rerum inopia coactus in hiberna in Bithyniam remittebat,

rebat, assequutus Mamerco duce partim cepit, partim cæcidit. Eumachum Mithridatis præfectum Phrygiam incurfantem Deiotarus Gallogræciæ tetrarches persecutus cohibuit. Mithridates propter hyemem omni comæatu ad Cizycum mari prohibebatur. Hæc Appianus, & Plutarchus. quæ in epitoma x c i i i i his uerbis traduntur: L. Lucullus cos. aduersus Mithridatem equestribus prælijs feliciter pugnavit, & expeditiones aliquot prosperas fecit. poscentesq; pugna milites à seditione inhibuit. Deiotarus Gallogræciæ tetrarches præfectos Mithridatis bellum in Phrygia mouentes cæcidit. & Mithridates in epistola apud Salustium: M. Cottam apud Calcedona terra fudi, mari exui classe pulcherrima. apud Cizycum magno cum exercitu in oblidione moranti frumentum defuit, nullo circum annitente; simul hyems mari prohibebat.

D E C O S. A N. D C L X X X.

M. L U C V L L V M, C. Cassium consules auctore Cassiodoro hic annus habuit. quos Cicero in Verrem M. Terentium, & C. Cassium, legemq; ab his latam Terentiam, & Cassiam uocat. Fuit enim, quantum ex fragmentis Capitolinis augurari possum, M. Licinius Lucullus à M. Terentio Varrone adoptatus, ac propterea M. Terentius Varro Lucullus appellatus. L. Lucullum, & M. Lucullum Cicero in Lucullo, & Plutarchus fratres uocant, quos Eutropius consobrinos nominat. C. Cassium, cum tribunus pl. esse non potuisset, consulem factum scribit Cicero pro Plancio. Idem in Verrem C. Cassium clarissimum, atque fortissimum uirum iterum cos. fuisse anno primo præturæ Siculæ Verris ait. Lucullo Macedonia euenit; Eutropius. Cassio Gallia citerior; Plutarchus in Crasso. Cassium Longini cognomine afficiendum opinor, quod & maiores, & posterius eius tulerunt.

De C. Cotta pro cos. mortuo.

C. C O T T A M pro cos. ex Gallia hoc anno triumphaturum fuisse arbitror, nisi ante mortuus esset. Hunc enim scribit Cicero in Bruto ex consulatu in Galliam esse profectum. & in Pisonem: Eadem cupiditate uir summo ingenio præditus C. Cotta nullo certo hoste flagrauit, nec triumphauit, quod ei mors triumphum ademit. Quæ uerba exponens Pædianus ait: Fuit hic C. Cotta orator ille compar P. Sulpicij, qui est in dialogis Ciceronis de oratore scriptis, qui, cum decretus illi esset triumphus, mortuus est ante diem triumphi, cum cicatrix uulneris eius, quod ante plures annos in prælio acceperat, rescissa esset repente. Triumphaturum autem fuisse cum hoc anno inde apparet, quod ei L. Lucullus in prouinciam hoc anno successurus erat, nisi eam depouisset, & Ciliciam sibi depoposcisset.

De bello seruili Spartaci.

H I S cos. ut ait Eutropius, bellum seruile in Italia suscitatum est. L X X I I I I enim gladiatores ducibus Spartaco, & Oenomao, & Crixo, effracto Capuæ Lentuli, à quo alebantur, ludo, effugerunt, & per Italiam uagantes uocatis ad uexillum seruis Vesuuium montem sedem belli fecerunt. Aduersus hos missos scribit Appianus Varinium Glabrum, & P. Valerium. uereor autem, ne legendum sit Clodium Glabrum, & P. Varinium. siquidem Clodium Glabrum nominat etiã Florus, & Plutarchus Clodium, & P. Varinium; atque iidem sunt etiam in epitoma x c v, his uerbis: Quatuor & septuaginta gladiatores Capuæ ex ludo Lentuli profugerunt, & congregata seruorum, & ergastulorum multitudine Crixo, & Spartaco ducibus bello excitato Claudium Pulchrum legatum, & P. Varinium prætorem prælio uicerunt. Eosdem item prælio fractos Appianus, & Plutarchus tradiderunt. Hoc bellum seruile uocat Cicero pro lege Manilia, itemque Plutarchus. seruilem tumultum Cæsar libro primo de bello Gallico. Adiicit Plutarchus à nonnullis Spartacium bellum appellari.

De re gesta cum Mithridate à L. Lucullo pro cos.

Q U A E gesserit hoc anno Lucullus breuiter his uerbis docet Eutropius: Lucullus Mithridatem, dum in oblidione Cizyci moratur, à tergo obsedit, fameq; consumpsit, & multis prælijs uicit, postremo Byzantium fugauit; nauali quoque prælio duces eius oppressit. ita una hyeme, & æstate à Lucullo centum fere millia hominum ex parte regis extincta sunt. Hæc ille. ex quibus intelligi potest, quæ in consulatu ab eo gesta sunt, per hyemem esse gesta, quod etiam Plutarchus

Commentarius in fastos

& Appianus significant, cetera hoc anno eum pro cos. gessisse. de quibus sic est scriptum in epitoma **x c v**: L. Lucullus pro cos. ad Cizycum urbem exercitum Mithridatis fame, ferroq; deletuit, pulsumq; Bithynia regem uarijs belli, ac naufragiorum casibus fractum coegit in Pontum profugere. Appianus Mithridatem ab obsidione Cizyci recessisse, atque præmisso Lampfacum exercitu, ipsum classem in Parum aufugisse; exercitum autem ad Afopum (ad Granicū Plutarchus) à Lucullo cæsum; ad Lemnum, classem, cui Marius à Sertorio dux ad Mithridatem missus, & Alexander, & Dionysius præerant ab eo depressam esse; Triarium Luculli legatum Apameam, Barbam Prusidem, & Nicæam cepisse; Lucillum regem in Bithyniam persecutum; regem inde in Pontum refugientem amissa tempestate classe piratico myoparone Sinopen, atque inde Amisum peruenisse, atque Tigranis Armenij regis generi, & Macharis Bosporani filij sui auxilia implorasse. Quo factum est, ut Mithridates apud Salustium sic loquatur: Simul hiems frumentum mari prohibebat. ita sine ui hostium regredi coactus in patrium regnum naufragijs apud Parum, & Heracleam militum optimos cum classe amisi. Eadem Orosius. Hanc autem uictoriam his uerbis expressit Cicero pro Archia: Cizycus amicissima Luculli consilio ex omni impetu regio, ac totius belli ore, ac faucibus erepta est, & conseruata. L. Lucullo dimicante prædicabitur cum interfectis hostibus depressa hostium clasis, & incredibilis apud Tenedum pugna illa naualis. & pro lege Manilia: Cizycus urbs Asiæ clarissima nobisq; amicissima obsessa à Mithridate maxima multitudine, & oppugnata uehementissime L. Luculli uirtute, assiduitate, consilio summis obsidionis periculis liberata est. ab eodem imperatore clasis magna & ornata, quæ ducibus Sertorianis ad Italiam studio inflammato rapiebatur superata est, atque depressa. Item pro Murena.

De Sertorio interfecto.

Hoc anno interfectum esse Sertorium existimo. Me, ut ita existimem, uerba hæc epitomæ **x c v i** adducunt: Sertorius à M. Antonio, & M. Perperna, & alijs coniuratis in conuiuio interfectus est octauo ducatus sui anno. imperium partium ad Marcum translatus est. quem Cn. Pompeius uictum captumq; interemit, ac recepit Hispanias decimo fere anno, quam cæptum erat bellum. Hæc autem uerba sub consulatum L. Gellij, & Cn. Lentuli subiecta sunt. quorum hunc esse puto sensum. Sertorium Cassio, & Terentio cos. esse occisum, qui erat octauus Sertoriani imperij annus, si quis à consulatu Q. Metelli enumeret; Gellio, & Lentulo Perpernam necatum; Aufidio & Lentulo receptas esse Hispanias decimo anno, quam bellum cæperat. Nam & Eutropius octauo Sertorium, & Orosius decimo bellum esse confectum scribunt. Accedit, quod Appianus in Mithridatica meminit Sertorij interfecti, paulo postquam L. Lucullus prioris anni cos. in Asiam uenit. Quin etiam idem, insequenti post res priore anno gestas anno, sublatum Sertorium narrat, libro primo ciuilis historiæ. qui idem cum Plutarcho eadem de nece à suis Sertorio in conuiuio per dolum illata scribit.

DE COS. AN. DCLXXXI.

L. GELLIUS, Cn. Lentulus cos. subsequuti, ut ait Cassiodorus. Eorum meminit Cicero in Verrem, & pro Cornelio, cum ait: Nascitur causa Cornelij ex ea lege, quam L. Gellius, Cn. Cornelius ex senatus sententia tulerunt, qua lege uidemus esse sancti, uti ciues Ro. sint ij, quos Cn. Pompeius de consilij sententia sigillatim ciuitate donarit. Eorundem meminit Plutarchus in Crasso, & ceteri, qui de bello Spartacio scripserunt. Hunc Lentulum, ut puto, etiam intelligit Salustius lib. **iii** historiæ apud Gellium lib. **xvi**, cum ait: At Cn. Lentulus patriciæ gentis collega eius, cui cognomentum Clodiano fuit, perincertum stolidior, an uanior, legem de pecunia, quam Sulla emptoribus bonorum remiserat, exigenda promulgauit. Collegam autem eius, L. Gellium, de quo locutus erat, intelligit. Itaque hic ex Clodia gente in Lentulorum familiam adoptatus, Clodianus uocatus. Quamobrem apud Ciceronem libro secundo ad Atticum, ubi ait: Lentulus Clodiæ filius, legendum puto, Clodiani. alij Cn. Lentulum, collegam P. Crassiano **dclvi**, Clodianum appellant. in quo à fastis Capitolinis etiam me tacente redargitur.

De triumpho C. Curionis pro cos. ex Macedonia.

EUTROPIUS scribit Ap. Claudio, qui ex consulatu in Macedoniam missus erat, atque ibi mortuus erat, C. Curionem successisse post consulatum, eumq; Dardanos uicisse, & usque ad Danubium

Danubium penetrasse, & intra triennium confecto bello triumphasse. De eodem sic Salustius histor. lib. 11, ut est apud Nonium: Eodem anno in Macedonia C. Curio principio ueris cū exercitu profectus in Dardaniā, quibus potuit, pecunias coegit. & Orosius: Claudij successor Scribonius attentatarum superiore bello gentium uim declinans in Dardaniā arma cōuertit, eamq; superauit. et Florus: Curio Daciam tenuis uenit, sed tenebras saltuum expauit. & Rufus: Dardanos, & Mæstios Curio pro cos. subegit, & primus Romanorum ducum ad Danubium usque peruenit. & in epitoma x c i i: Res in Thracia aduersus Dardanos à Curione pro consule gesta. & x c v: C. Curio pro cos. Dardanos in Thracia domuit. Qua pœna C. Curio cos. bello Dardanico circa Dyrrachium legionem unam ex quinque seditiosam affecerit, extat apud Frontinū lib. 1111. Scribit porro Cicero in Pisonem, C. Curionem ex Macedonia ante M. Lucullum, post Cn. Dolabellam triumphasse. Hoc autem anno eum triumphasse existimo; primum, quod per triennium rem, Eutropio auctore, gessit, deinde quod hoc demum anno ei M. Lucullus successit, cum Macedoniam in consulatu priore anno obtinuerit.

De re gesta cum Spartaco, & cum Mithridate.

Hoc anno rem gestam cum gladiatoribus à Q. Arrio prætor, & à consulibus inuenio in epitoma x c v i, ita: Q. Arrius prætor Crixum fugitiuorum ducem cum xx millibus hominum cæcidit. Cn. Lentulus cos. male aduersus Spartacum pugnavit. ab eodem L. Gellius cos. & Q. Arrius prætor acie victi sunt. Appianus Crixum refert circa Garganū montem à consulibus cū exercitu deletum, Spartacum ex Apennino ad alpes, ab alpebus in Galliam properantem ab uno consule cohibitum, ab altero fugatum, eosdem illos conuerso impetu separatim uicisse, ac Romanis infesta signa ferentem cum magna Romanorum clade à consulibus retentum Thurios urbem cepisse, ac rursus cum Romanis congressum uictoriam & prædam ingentem rettulisse. Plutarchus Gellium consulem feliciter pugnasce scribit. Spartacum autem Lentulo cos. uicto ad alpes festinantem à Cassio Galliæ citerioris pro cos. cohibitum esse, atque ipsum Cassium amisso exercitu uix incolumem effugisse. itaque in epitoma, eadem hæc uerba sunt: C. Cassius pro cos. Cn. Manlius prætor male aduersus Spartacum pugnauerunt. Florus in Apennino Lentuli exercitum cæsum, apud Mutinam C. Cassij castra deleta tradit. Eodem anno Lucullus Mithridatem in Pontum persecutus, Amisum, & Eupatoriam urbes Ponticas obsidione cinxit, atque altero exercitu Themiscyram ad Thermodontem fluuium sitam oppugnauit, Mithridate Cabiris, quo se receperat, hyemante, atque inde commeatum suppeditante. Hæc Appianus. Plutarchus item eum Amisum diu obsedisse, ac lentam obsidionem de industria protraxisse refert. Hinc illa Ciceronis pro Archia: Populus Romanus aperuit Lucullo imperante Pontum & regijs quondam opibus, & natura regionis vallatum.

DE COS. AN. DCLXXXII.

Cn. Aufidium, P. Lentulum cos. prodit in hunc annum Calsiodorus. Cornelium Lentulū, Cn. Aufidium Orestem Eutropius. Cn. Aufidium Orestem, cum trib. pl. esse non potuisset, consulem factum scribit Cicero pro Plancio. De eodem sic pro domo: Cn. Aufidius Orestem adoptauit. Est aut hic P. Lentulus Sura is, qui post consularis, & prætor 11 stranguatus est cōsule Ciccone, quod cum Catilina coniurauerat. cuius auus fuit P. Lentulus princeps senatus, ut ait Cicero pro domo, & in Catilinam, & Pædianus.

De triumpho M. Terentij Luculli pro cos. ex Macedonia.

CURIONI in Macedoniam successisse M. Lucullum opinatur Pædianus. eum certe post C. Curionem ibi rem bene gessisse, ac reuersum domum triumphasse plures auctores sunt: ex quibus Florus, postquam Curionis meminit, ita: Lucullus ad terminū gentium Tanaim, lacumq; Mæotim peruenit. neque aliter cruentissimi hostium, quàm suis moribus domiti; quippe in captiuos igne, ferroq; sæuitum est. Rufus autem sic: M. Lucullus per Thraciam cum Bessis primus pugnavit, ipsum caput gentium uicit. Thraces enim montanos subegit, & Eumolpidam, quæ nunc Philippopolis dicitur, Olympiadam, quæ modo Adrianopolis nominatur, in ditio-nem nostram redegit; Cabylem cepit; supra Pontum positas ciuitates occupauit; Apolloniam, Galatiam, Parthenopolim, Tomos ad Danubium usque perueniens Romanus Scytis arma mon-strauit. Eutropius uero hoc modo: M. Lucullus, qui Macedoniam administrabat, Bessis primus

Commentarius in fastos

Romanorum intulit bellum, atque eos ingenti prælio in Aemo monte superauit. oppidū Viscadānam, quod Bessi habitabant, eodem die, quo aggressus est, uicit, Cibulem cepit, Istrum usque ad Danubium penetrauit, expugnauit etiam gentes, quæ Rhodopæis montibus circumfusæ sunt; inde multas supra Pontum positas ciuitates aggressus est, illic Apolloniam euerit, Calatim, Parthenopolim, Tomos, Istrum, Buciam omnem cepit, belloq; confecto Romam rediens triumphauit. & Orosius: M. Lucullus, qui Curioni in Macedonia successerat, totam Bessorum gentem bello appetitam in deditionem accepit. Appianus etiam in Illyrica eiusdem uictoriæ meminit. Eusebius porrò de Bessis capta Cabile, & Tomis, & ceteris uicinis urbibus triumphasse eum scribit; Cicero in Pisonem inter eos enumerat, qui paucis ante annis ex Macedonia triumpharint. Prædianus in 11 Verr. hunc item triumphalem appellat. puto autem eum hoc anno triumphasse, quòd post M. Crafsi prætoris rem cum Spartaco gestam, ita scriptum est: M. Lucullus pro cos. Thracas subegit. & quòd Appianus libro 1 ait, Spartacum cum Crasso manum conseruisse, ubi audiuit Lucullum Brundisium accessisse à uictoria Macedonica reuertentem. quamquam is locus mendose legitur ita: ἀπὸ τῆς ἐπὶ μίθριδάτῃ νίκης ἐπαυίουσα, idest à uictoria Mithridatica. mendose autem, quia ne multis quidem post annis, ne dum hoc anno L. Lucullus à bello Mithridatico reuertit.

De ouatione M. Crafsi pro pr. & bello Spartacio confecto.

Re male à consulibus, & prætoribus priore anno cum Spartaco gesta, bellum M. Crasso prætori mandatum est. Is primus cum parte fugitiuorum, quæ ex Gallis, Germanisq; constabat feliciter pugnavit, cæsis inimicorum xxxv millibus, & duce eorum Granico. cum Spartaco deinde pugnavit cæsis cum ipso xl millibus. Adiecit Plutarchus quinque millia, quæ ex pugna Crafsi euaserant, à Cn. Pompeio ab Hispaniensi bello reuertenti oppressa. Itaque huius belli confecti gloriam Cicero tribuit Crasso, & Pompeio in Verrem, & pro lege Manilia, cum ait: Gladiatorum bello tetro, & periculoso cum premeretur Italia, à Pompeio absente auxilium expetiuit. id bellum extenuatione Pompeij attenuatum, atque imminutum est, aduentu sublatum, & sepultum. Appianus rem omnem à Crasso sex mensibus confectam scribit. Hac de causa Crasso permillum Plutarchus ait, ut urbem ouans iniret, quòd de seruis subactis indignum esse putarent triumphare. De Crasso autem ouante sic Gellius lib. v: Myrteam coronam M. Crassus cum bello fugitiuorum confecto ouans iniret, insolenter aspernatus est. Senatusq; consultum facendum per gratiam curauit, ut lauro, non myrto cõronaretur. & Plin. lib. xv: Myrtea ouantium fuit corona, excepto M. Crasso, qui de fugitiuis, & Spartaco laurea coronatus incescit. & Cicero in Pisonem: Crasse pudet me tui. quid est, quod confecto formidolosissimo bello coronam illam lauream tibi tantopere decerni uolueris à senatu? Crassum item hoc anno triumphasse scribit Eusebius.

De triumphis Q. Metelli pro cos. & Cn. Pompeij pro cos. & bello Sertoriano confecto.

Benigno ante, ut dixi, Sertorio interfecto, imperium sibi interfectori eius Perperna uindixit. quòd priore anno à Pompeio acie uicto, capto, & occiso, bellum hoc demum anno, qui est fere huiusce belli decimus, receptæ Hispaniæ sunt. Quare re sic Orosius: Ciuitatibus cunctis utro, ac sine mora in deditionem receptis duæ tantum restiterunt, Auxima, & Calagurum. quarum Auximam Pompeius euerit, Calagurum Afranius iugi obsidione confectam eade incendioq; deleuit. & Florus: In fidem Romanam uenere urbes, Osca, Terme, Tutia, Valentia, Auxima, & in fine nonnihil experta Calaguris. De Calaguritani autem obselsis sic Valerius: Calaguritani, quo perseverantius interempti Sertorij cineribus obsidionem Cn. Pompeij frustrantes fidem præstarent, quia nullum iam aliud in urbe eorum supererat animal, uxores suas, natosq; ad usum nefariæ dapis uerterunt, & cadauerum reliquias salierunt. Hoc bellum, etsi cum Romanis imperatoribus gestum est; tamen, quia cū Hispanis militibus pugnatum est, externum potius, ut ait Florus, quam ciuile est habitum. & de eo triumphi acti duo sunt. quorū auctores sunt Plutarchus, Appianus, Velleius, Eutropius, Florus. ex quibus Velleius in hæc uerba loquitur: Metellus, & Pompeius ex Hispanijs triumpharunt, sed Pompeius hoc quoq; triumpho adhuc eques Romanus, ante diem, quam consulatum iniret, curru urbem inuectus est. Eutropius autem ita: Vno tempore multi simul triumphi fuerunt; Metelli ex Hispania; Pompeij secundus ex Hispania. Unde etiam Lucanus: Et currus, quos egit eques; de Pompeio equite R. bis triumphante. & Plin. lib. v 11: Pompeius ad Solis occasum transgressus excitatis in Pyrenæo trophæis oppida decet

LXXI ab alpihus ad fines Hispaniæ ulterioris redacta uictoriæ suæ adscripsit, & maiore animo Sertorium tacuit; belloq; seruili, quod omnia externa conciebat, extincto, iterum triumphales currus eques R. induxit, toties imperator, ante quàm miles. Idem alij.

De re à L. Lucullo gesta cum Mithridate.

HI cos. (quantum ex epitoma **XCVII** duci possum ad suspicandum) L. Lucullus in Ponto aduersus Mithridatem feliciter pugnavit, cæsis hostium amplius **LX** millibus. qua de re sic ipse Mithridates agit in epistola ad Arfacem apud Salustium: Restituto deinde apud Cabira exercitu, & uarijs inter me, atque Lucullum prælijs inopia rursus ambos incescit. Ineunte enim uere (ut ait Plutarchus, atque Appianus) Lucullus, Murena ad Amisum obsidendam relicto, Cabira aduersus Mithridatem contendit, qui **XC** millibus peditum, equitum **IIII** millibus contractis bellum reparauerat, ibi equestri prælio in montibus parum prospere gesto, cum uitatis hostibus castra in plana detulisset, à Mithridate iterum ad montes compulsum est. Mithridates autem, cum eum non acie, sed fame superare statuisset, quem à re frumentaria ualde laborare compererat, magnam equitatus sui partem in insidijs, ut commeatum, qui Lucullo duris subuectionibus ex Cappadocia deferrebat, interciperet, collocauit. qui iniquo loco Romanos adortus totus pene deletus est. quo nuncio rex perculsus, quòd Lucullum, uictoria suorum cognita, protinus in se irruptionem facturum timeret, subita ex Ponto fuga in Armeniam ad Tigranem regem contendit. qui idem in potestatem uenisset; nisi equites, quos ad insequendum eum Lucullus immisit, contemptis imperatoris sui edictis, præda regia in itinere colligenda occupati, regem ipsum è manibus emisissent. Hoc autem eleganter his uerbis expressit Cicero pro lege Manilia: Mithridates è regno fugiens maximam uim auri, atque argenti, pulcherrimamq; rerum omnium in Ponto reliquit. hæc dum nostri colligunt omnia diligentius, rex ipse è manibus effugit. hunc in illo timore, & fuga Tigranes rex Armenius excepit. Eutropius **XXX** millibus lectissimis regis à quinque millibus Romanorum ad Cabira cæsis regem inde fugisse scribit.

DE COS. AN. DCLXXXIII.

IN DE M. Crassum, Cn. Pompeium consules edunt Cæsiodorus, Plutarchus, & Appianus. Cn. Pompeij Magni, & M. Licinij Crassi primum consulum meminit Pædianus in Diuinationem, & Salustius in Catilinam. Crassum opera Pompeij consulatum adeptum Plutarchus; eundem prætorium, Pompeium ne quæstorium quidem anno **XXXIIII** ætatis consulatum cepisse, Appianus auctor est. Qua de re sic scriptum est in epitoma **XCVII**: M. Crassus, & Cn. Pompeius consules facti, ut Crassus ex prætura, sic Pompeius antequam quæsturam gereret, ex equite Romano, tribuniciam potestatem restituerunt. Puto autem esse mēdose apud Appianum, **XXXIIII**. pro **XXXVII**. Quod quisque intelliget, qui annum, quo natus est Pompeius, aut quo mortuus est, considerauerit. Est enim natus Cæpione, & Serrano cos. mortuus Iulio, & Seruilio. auctor Velleius. Itaque de eo Cicero merito sic loquitur pro lege Manilia: Quid tam singulare, quàm ut ex S. C. legibus solutus consul ante fieret, quàm ullum alium magistratum per leges capere licuisset? Idem iurauit se ex consulatu in nullam prouinciā iturum, idq; seruauit. Velleius.

De censoribus, & lustro LXVI.

HOC anno censura, quæ per multos annos fuerat intermissa, relata est. Hoc extat apud Pædianum in Diuinationem his uerbis: Censoriū nomen triste seuerumq; populus R. sic oderat, ut intermissum esset per plurimos annos, quos nunc orator propter infamiam corruptorum iudicum dicit plebem ipsam, quæ ante recusabat, exposcere. Videntur autem intermissi fuisse censores post annum **DCLXVII**, quo Philippus, & Perperna censuram gesserunt. Censores autem his cos. edit Plutarchus Gellium, & Lentulum. de quibus sic scriptum uideo in epitoma **XCVII**: Cn. Lentulus, & L. Gellius censores asperam censuram egerunt, quatuor & sexaginta senatu moris, à quibus lustrum conditum est. censa sunt ciuium capita **CCCL** millia. Cn. item Lentulum censorem nominat Cicero in Verrem, in ea oratione, quam his cos. dixit. Quin etiam Pædianus adiicit multitudinem conuenisse hoc anno Romæ, ut censeretur apud censores Gellium, & Lentulum, qui tum erant. Plutarchus item, hos censores equitum centurias recognouisse tum in Pompeio, tum in Apophtegmatibus refert: L. Gellium omnibus honoribus ad censuram usque perfunctum Valerius lib. v, cap. ix. horum etiam censorum meminerunt Cicero in Cluentiana,

Commentarius in fastos

na, & Pædianus in orationem in toga. à quibus lectum senatus principem Q. Catulum Dio ostendit, qui libro xxxvi, Acilio, & Pisonem cos. in lege Gabinia dissuadenda Catulum ait fuisse, τὰ πρῶτα τῆς βουλῆς.

*De re gesta à L. Lucullo pro cos. cum Mithridate,
& à L. Metello prætor cum piratis.*

MITHRIDATE ex Ponto pulso, præfecti eius sese Luculli arbitrio permiserunt. Ponticas urbes, Amastrim, Heracleam, Sinopen, Amisum Lucullus in potestatem redegit; Macharem Mithridatis filium Bospori regem in amicitiam recepit. Hæc Appianus, & Plutarchus. Quæ nisi in hunc annum gesta coniiciamus, profectò quid hoc anno gesserit Lucullus, non inuenimus. neque enim ille nisi sequenti anno in Armenia cum Tigrane congressus est. Est autem uerisimile, fugiente ex Ponto rege, diu in regno eius Romanum imperatorem moratum ad ciuitates in fidem accipiendas, restituendas, & ordinandas. quarum nonnullæ etiam diuturna post fugatum regem obsidione in potestatem uenisse feruntur. accedit, quòd his rebus in Ponto gestis in Asiam transgressus tributa Sullana exegit, ac, quasi bello recte confecto, ludos, atque sacrificia fecit. quæ omnia in unum conferri annum nescio ut facile possint. sed hæc alij iudicant. Eodem anno L. Metellus prætor (ut est in epitoma xcvi.) in Sicilia aduersum piratas prospere rem gessit. qua de re licetiam Orosius: Metellus prætor Siciliæ, cum fœdissima illa C. Verris prætura Siciliam afflictam inuenisset, maxime Pergamenone archipirata nefarijs prædis, & cædibus dilacerante, qui, pulsa classe Romanorum, Syracusanorum portum obtinuerat, mox eum nauali ter restrictiq; prælio comminutum Sicilia decedere compulit.

DE COS. AN. DCXXCIII.

INDE consules Q. Metellus, Q. Hortensius; testis Cassiodorus. Pædianus Q. Metellum Creticum cum Q. Hortensio oratore consulem comparat, itemq; Iosephus antiquitatum libro xiiii. Q. Hortensium L. F. Cicero uocat in Bruto. Cum consules prouincias sortirentur Q. Hortensio Creta, ac bellum cum Cretensibus gerendum obtigit. qui urbe, ac foro, in quo dominabatur, delectatus Metello exercitum, ac prouinciam concessit. auctor Xiphilinus. Hinc Cicero in Verrem. Quid agis Hortensi? consul es designatus, prouinciam fortitus es.

De triumpho M. Pisonis pro cos. ex Hispania.

M. PVPPIVM Pisonem, cum, qui biennio post Ciceronem consulem consul fuit, Q. Metello Cretico, & Q. Hortensio cos. ex Hispania triumphasse scripsi, Cicerone ipso, & Pædiano diligentiſſimo eius interprete auctoribus, ex oratione Pisoniana. idem Cicero in Flacciana L. Flaccum M. Pisoni in Hispania quæstorem fuisse scribit. Quod cum ita sit, non est dubium, quin hic Piso eam prouinciam in consulatu Craſſi, & Pompeij ex prætura obtinuerit, ex qua priore anno Metellus, & Pompeius uictores decessissent.

De re gesta à L. Lucullo cum Mithridate.

HIS consulibus, quod ex epitoma xcvi. colligitur, L. Lucullus in Armenia Mithridatem, & Tigranem, & immensas utriusque regis copias pluribus prælijs fudit. Lucullum refert cum Appiano Plutarchus, in Tigranem regem, à quo Mithridates exceptus fuerat, castra mouisse, ac primum Mitrobarzanè Tigranis præfectum in fugam coniecisse, deinde cum ingentibus Tigranis copijs prid. non. Octobris acie conflixisse, atque regem prælio uictum fuisse. Adijcit ad hæc in hunc annum Dio lib. xxxv: (neque enim pugna ipsius memoria apud eum extat.) Reges quanquam prælio uicti bellum repararunt, missis cum ad alios finitimos, tum præsertim ad Arsacè Parthorù regè legatis, quibus eos ad belli societate aduersus Romanos inuitabant. Lucullus, quia Tigranem fugientem non est infecutus, suspectus fuit, ne consulo bellum duceret. Itaque, ut ei finirent imperium, Romæ Asiam prætoribus, Ciliciam consuli decreuerunt. Idem Tigranocertam urbem nobilissimam Armeniæ, & maximam cepit, atque magnam partem Armeniæ in ditionem redegit. cum Arsaces ad amicitiam à regibus, & à Lucullo uocatus esset, pacta cum Lucullo societate, neutrum tamen auxilio iuuit. Hæc his consulibus gesta Dio tradit.

DE COS. AN. DCXXXCV.

INDE consules L. Metellus, Q. Marcius. auctor Cassiodorus, & Dio. Horum etiam ita meminit Pædianus in Pisonianam: L. Cæcilio, Q. Marcio cos. S. C. collegia sublata sunt, quæ aduersus remp. uidebantur esse. L. Metellus prætor fuit Siciliæ consule Pompeio, auctore Pædiano. Hunc scribit Dio mortuum magistratus initio. qui autem in eius locum suffectus fuit, eum, antequam iniret, obiisse, ac propterea neminem subrogari placuisse; Q. Marcium solum magistratum gefisse. quem Regis cognomine afficit Salustius, ut post ostendam. Cui Cilicia prouincia decreta est.

De re gesta à L. Lucullo cum Mithridate.

HOC anno Lucullus iam media æstate, neque enim ante propter frigoris magnitudinem potuit, motis castris, agros hostium populatus est. ut ea re, si posset, reges ad pugnam eliceret. quod ubi se frustra facere sensit, hostes ipsos adortus cum iis sæpe, sed dubio euentu, conflixit. Inde ad Nisibim urbem maximam, atque opulentissimam oppugnandam conuersus, eam ui, atque operibus tandem expugnauit. Interea reges in Armenias ambo suas cum exercitu inuasērunt, ita ut Tigranes L. Fannium, antequam Luculli auxilium ueniret, obsederit, Mithridates M. Fabio uicto magnam partem eius regionis nec opinato aduētu suo receperit. Fabium autem Cabiris, quo confugerat, inclusum, atque obsessum Triarius Luculli item legatus conseruauit, qui cum ex Asia ad Lucillum pergeret, his rebus cognitis, copiis raptim, quot potuit, comparatis, Mithridatem, ubi in conspectum eius uenit, exterruit, atque usque ad Commagenos insecutus acie deuicit. Hæc in hunc annum gesta refert Dio, Plutarchus, & Appianus.

De bello Cretico.

CRETA Insula bellum R. hoc tempore passa est. causam huius belli prætulit populus R. quod Mithridati regi priore bello affuisset, ut ait Florus. Primus per hæc tempora contra Cretenses rem gefsit M. Antonius M. Antonii triumuii pater; cum ei C. Cotta consule maritima ora custodienda decreta esset. sic enim scribit in Verrem Pædianus: M. Antonius gratia Cottæ consulis, & Cethegi factione in senatu curationem infinitam nactus oræ maritimæ, Siciliam, & prouincias omnes depopulatus est, & ad extremum inferens Cretensibus bellum morbo periit. & in Diuinationem: Quidam Antonius curator tuendæ totius oræ maritimæ, qua Romanum erat imperium, non solum ipse nequam, uerum etiam comitibus pessimis rem inauditam inuasit, & indicto Cretensibus bello male re gesta ibidem periit, antequam Pompeius contra piratas missus esset. Velleius item M. Antonio ante Pompeium pene totius orbis imperium esse delatum scribit. quantum autem ex epitoma **x c v i i** intelligi potest, M. Antonius anno ante Pompeium, & Crassum mortuus est. in ea enim sic scriptum est: M. Antonius prætor bellum aduersus Cretenses parum prospere gestum morte sua finiuit. eundem Florus turpissime uictum, Plutarchus Cretici cognomine hac, ut opinor, de causa affectum tradit. Eutropius Creticum bellum coortum bello Mithridatico reuiuiscēte, quod rex recedente Lucullo instaurauit, refert; & ad id missum Metellum ingentibus præliis intra triennium omnem prouinciam subegisse, & Creticum inde appellatum esse, & ex insula triumphasse. Rerum ab eo gestarum hoc anno in memoria periit. Hoc tantum est in epitoma **x c i x**: Q. Metellus pro cos. bello sibi aduersus Cretenses mandato Cydoniam urbem obsedit. Hinc Mithridates in epistola, quam ad Arsacem priore anno misit, ait: Cretenses impugnati semel iam, neque finem nisi excidio habituri.

DE COS. AN. DCXXXCVI.

INDE C. Piso, M'. Glabrio consules apud Cassiodorum; Manius Acilius, C. Piso apud Dionem subsequuntur. C. Pisonis, & M'. Acilii Glabrioris consularium meminit Cicero lib. **x i i** ad Att. C. Pisonis consulis, & legis Calpurniæ de ambitu ab eo latæ Pædianus in Cornelianam, et in toga. De eodem sic Valerius lib. **i i i i**: Piso cos. M. Palicanum hominem turpissimum consularis candidatum consulatu se pro rostris renunciaturum esse negauit. M'. Acilius Glabrio prætor fuit Pompeio consule, eoq; iudicium exercente Cicero C. Verrem prætorium accusauit. C. Piso Galliam Narbonensem obtinuit, auctore Dione. unde a Cicerone in primo epistolarum ad Atticum,

Commentarius in fastos

Atticum, pacificator Allobrogum dicitur. M'. Glabrio Bithyniam una cum bello Mithridatico. Dio lib. xx x v, Plutarchus in Pompeio, Cicero pro lege Manilia, unde Salustius lib. v historiarum dixit (quod extat apud Priscianum lib. v i i i.) Legiones Valerianæ comperto lege Mania Bithyniam, & Pontum consuli datam.

De bello piratico Cn. Pompeij Magni.

Cum piratarum opes nec M. Antonius pater, nec P. Seruilius, qui ambo de iis triumpharūt, nec deinde M. Antonius filius, qui curator oræ maritimæ perit, nec L. Metellus, qui prætor Siciliae aduersus eos prospere in consulatu Pompeij pugnavit, frangere potuissent: uerum iam omnia maria, oræ maritimæ, insulæ, portus latrocinii eorum infesta essent; cum classis Ro. nisi hieme transmittere tuto posset, com meatus interclusi, prætores ipsi Romani à prædonibus capti fuissent, effectq; id bellum populo Romano non solum calamitosum, sed etiam turpe, tum A. Gabinius trib. pl. his cos. legem ad populum tulit, Roscio, ac Trebellio collegis, ac Q. Catulo summo senatore aduersantibus, qua imperium Cn. Pompeio extra ordinem aduersus piratas cum legatis x v tradidit; ita ut maria, insulas, oras maritimas, exercitus, classes populi Ro. quot quot essent, in potestate haberet. auctor Dio, Plutarchus, Appianus, epitomæ. Vnde post reditum in senatu dixit Cicero: A. Gabinius in tribunatu pl. nisi rogationem de piratico bello tulisset, profecto & egestate, & improbitate coactus piraticam ipse fecisset. Igitur ad tantum bellum profectus Pompeius, rem per legatos quindecim prospere gessit. Cicero pro lege Manilia, hoc bellum extrema hieme apparatus, ineunte uere susceptum, media æstate confectum scribit. Pompeium autem, ut à Brundisio profectus sit, unde quinquagesimo die totam ad imperium populi R. Ciliciam adiunxisse, omnes, qui ubique prædones fuerunt, partim cepisse, & interfecisse, partim in deditionem accepisse. in epitoma x c i scriptum est, Cn. Pompeium lege ad populum lata persequi piratas iussu, qui commercium annonæ intercluserant, intra x l diem toto mari eos expulisse, belloq; cum ijs in Cilicia confecto acceptis in deditionem piratis agros, urbes dedisse. idem est apud Plutarchum, & Appianum. Dio plerosque eodem met anno sublatos scribit, & Pompeium in maritima Ciliciæ ora urbem Solos à Tigra rege deletam restituisse, ac Pompeiopolim appellasse. Hoc bellum maritimum, & piraticum Salustius, & Cicero nominant.

De re gestis à L. Lucullo pro cos. cum Mithridate, & à Q. Metello cum Cretensisibus.

Hic est septimus Lucullani imperii annus. tot enim eum bellasse testatur. Velleius. De quo anno sic Dio: Insequenti anno Mithridates, cum ad Gaziurfs aduersus Triarium castra haberet, neque eum, id quod ante Luculli aduentum cupiebat, ad certamen attrahere posset, statuit quosdā ad Dadasa oppidum, quod prædam omnem Romani contulerant, oppugnandum mittere, ut ea ratione Triarium ad suorum defensionem properantem prælio prouocaret. id quod euenit: nam ut ille Dadasa obsideri audiuit, militum suorum pugnam poscentium uocibus uictus, cum cō uel inuitus pergeret, in itinere à Mithridate cum omnibus pene copijs est deletus. maiorq; accepta clades fuisset, ni rex à proditore quodam amico, simulato colloquio, uulneratus fuisset. Interea uero cum Lucullus aduenisset, isq; Mithridatem facile opprimere posse, si in eum perrexisset, uideretur, ab exercitu suo relictus, nihil profecit. fuerunt autem legiones, quæ primum sub Valerio Flacco, post sub Flauio fimbria meruerunt, quæ à P. Clodio sollicitæ, cum stipendia sua se confecisse dicerent, imperatorem sequi noluerunt; præsertim uero ubi Acilium Glabrium consulem successorem Lucullo Roma missum adesse acceperunt. Lucullus cum militum suorum seditione, tum quod ne à Marcio quidem, qui Ciliciæ præerat, auxilium impetraret, ualde anxius, Mithridate relicto retro se in Tigranem conuertit, ratus, si eum imparatū, ac fessum ex uia adortus uicisset, milites aliquanto quieturos. quod ne ei quidem processit. nam exercitus eum, quousque in Cappadociam iter erat, sequutus, nulla uoce missa conuersus reliquit. interea uero Mithridates regnum suum recuperauit, ac Cappadociam incursionibus, cum neque Lucullus, præsentem Acilio, neq; Acilius opem ferret; qui cum antea Lucullo uictoriæ gloriam eripere maturasset, tum uerò, ut cladem acceptam audiuit, in Bithynia moratus ad exercitum non uenit. Eadem Appianus, & Plutarchus, de quibus sic Cicero pro lege Manilia: Mithridates cum se in regnum recepisset suum, non fuit eo contentus, quod ei præter spem acciderat, ut illam, posteaquam pulsus erat, terram unquam attingeret, sed in exercitum Romanum clarum, atque uictorem, inpetum fecit, & tantam ei cladem attulit, ut eam ad aures L. Luculli non ex prælio nuncius, sed ex sermone

sermone rumor afferret. Hic in ipso illo malo grauissimaq; belli offensione L. Lucullus, qui tamen aliqua ex parte ijs incommodis mederi fortasse potuisset, populi R. iussu coactus, quod imperij diuturnitati modum statuendum ueteri exemplo putauerunt, partem militum, qui iam confectis stipendijs erant, dimisit, partem Glabriori tradidit. Eodem anno bellum Creticum à Q. Metello profligatum scribit Dio. Res autem tota ut gesta sit, apud eum intercidit. apud Florum autem ita scriptum est: Metellus totam insulam igni ferroq; vastauit, Cnossum, Eleutheram, & Cydoniam cepit. adeoq; sæue in captiuos consulebatur, ut ueneno se plerique conficerent. alij deditiōem suam ad Pompeium absentem mitterent, & cum ille res in Asia gerens eò quoque præfectum misisset Octauum, in illa prouincia irrisus fuit, eoq; infestius Metellus in hostes ius uictoris exercuit; uictisq; Listhene, & Panare Cydoniæ ducibus uictor redijt, nec quicquā amplius tamen de tam famosa uictoria, quàm Cretici cognomen reportauit. Plutarchus Cretam, post Ciliciam, alteram scribit fuisse prædonum arcem, eaq; de re Pompeium piratas multos in Cretam esse persequutum; et L. Octauum legatum eò missum à Metello ita irrisum, ut eo etiam præfente, urbes quarum deditiōem poscebat, per uim ceperit. Xiphilinus, Creticum bellum sibi Pompeiū depoposcisse, quod lege Gabinia omnes insulæ sub suo imperio essent, scribit. Apud Dionem autem hæc sunt: Metellus Cretam excindere ante aduentum Pompeij festinauit. Octauius enim sine exercitu missus nihil agebat, quippe qui non ad bellum gerendum, sed ad ciuitates in deditiōem accipiendas esset missus. Cornelius etiam Sisenna legatus Græciæ præfectus in Cretam uenit, ac frustra Metellum, ut ab oppidis abstineret, admonuit. Nam Metellus Eleutheram per proditiōem, Lappam, quæ ab Octauio tenebatur, per uim cepit, ac Cilicas, qui cum Octauio erant, cæcidit. quibus ut opem ferret Octauius, Sisennæ, qui iam mortuus erat, exercitu usus est; deinde Hierapydna cepit, atque totam insulam sub imperium suum subiunxit, quæ antea libera fuerat; Panarem autem, & Listhenem captos in triumpho ducere nequiuit, quod Pompeius eos Metello per tribunum pl. quendam abstulerit, quippe qui se suo, non Metelli arbitrio tradidissent. In epitoma etiam x c i x ira est: Q. Metellus pro cos. Gnoson, & Lyctum, & Cydoniam, & alias plurimas ciuitates expugnauit. Præterea res gestas à Q. Metello aduersus Cretenses, & epistolas Metelli, & Cn. Pompeij inuicem missas continet. queritur Metellus gloriam rerum à se gestarum à Pompeio sublatam præteriri, qui in Cretam miserit legatū suum ad accipiendas urbium deditiōes: Pompeius rationem reddit hoc se facere debuisse. & sub consulum Lepidi, ac Tulli hæc: Q. Metellus perdomitis Cretensibus liberæ in id tempus insulæ leges dedit. Significat autem sequenti anno legatos x ad constituendam prouinciā esse missos. Vnde Velleius ait: Creta Metelli ductu longissimè libertatis sine multata est. & Rufus: Creta per Metellum consulem prouincia facta est. & Iustin. lib. x l: Creta, & Cilicia bello piratico perdomitæ in prouinciæ formam redactæ.

DE COS. AN. DCXXCVII.

CONSULES suggerit in hunc annum Cassiodorus Man. Lepidum. collega autem desideratur. Dio L. Tullum, Aemilium Lepidum; Salustius in Catilina L. Tullum, M'. Lepidum; Prædianus in Cornelianam M'. Lepidum, L. Volcatium; liber Cuspinianus LEPIDVM, & TVLLVM. item Cicero in Catilina: at pro Sylla L. Volcatium, & Tullum. Idem Lepidum, & Volcatium consulares nominat lib. x i i ad Atticum. pro Plancio autem, L. Volcatium offensiuicula accepta, in ædilitate consulem factum scribit. His comitijs C. Piso cos. M. Palicanum suffragijs populi consulem creatum renunciare noluit, quum diceret, non existimare se tantis tenebris offusam esse remp. ut huc indignitatis ueniretur. auctor Valerius lib. i i i, cap. v i i i.

De coniuratione Cn. Pisonis.

L. TVLLO, M'. Lepido cos. P. Autronius Pætus, & P. Cornelius Sulla designari cos. legibus ambitus interrogati pœnas dederant. paulo post L. Sergius Catilina pecuniarum repetundarum reus prohibitus erat petere consulatum, quod intra legitimos dies profiteri nequiuert. Erat eodem tempore Cn. Piso adolescens nobilis, summæ audaciæ, egens, factiosus. cum hoc Catilina & Autronius circiter nonas Decemb. consilio communicato parabant in Capitolio K. Ian. L. Torquatum, & L. Cottam consules interficere; ipsi fascibus correptis Pisonem cum exercitu ad obtinendas duas Hispanias mittere. ea re patefacta rursus in nonas Februar. consilium cædis transtulerunt. iam tum non consulibus modò, sed plerisque senatoribus perniciem machinabantur. quod nî Catilina maturasset pro curia signum socijs dare, eo die res confecta fuisset. quia non

Commentarius in fastos

dum frequentes armati conuenerant, ea res consilium diremit. postea Piso in citeriorem Hispaniam quæstor pro prætore missus est, adnitente Crasso. qui in prouinciam ab equitibus Hispanis, quos in exercitu ducabat, iter faciens, occisus est. Hæc Salustius in Catilinam, epitoma c 1, Suetonius in Cæsare, Dio lib. xxxv 1, Cicero pro Sylla. Pisonem autem Figulo, & Cæsare cos. in Hispania fuisse ait Salustius: eodem anno mortuum Pædianus in orat. in toga. De hoc Pifone extat tale monumentum Romæ in hortis (vt audio) Cardinalis Carpenfis in alta femita.

CN. CALPURNIVS

CN. F. PISO

QVAESTOR PRO PR. EX S. C.

PROVINCIAM HISPANIAM

CITERIOREM OBTINUIT.

De bello Mithridatico Cn. Pompeij.

ISDEM consulibus C. Manilius trib. pleb. iratus optimatibus, quòd legem, quam de libertinorum suffragiis pridie K. Ian. tulerat, ipsi K. Ian. Tullo, & Lepido consulibus ineuntibus abrogassent, Pompeio absenti se adiunxit, ac colligendæ eius gratiæ causâ legē promulgauit, ut Cn. Pompeio (is in Cilicia adhuc erat ad belli maritimi reliquias persequēdas) Bithynia, Phrygia, Lycaonia, Galatia, Cappadocia, Cilicia, Colchis, Armenia minor, præterea omnis ad bellum piraticum apparatus, omnes, quæ sub Lucullo meruerant, copiæ & bellum contra Mithridatem, & Tigranem reges committebantur. Hanc item legem ab optimatibus oppugnatam, uel quòd Pompeium ad Luculli triumphum proficisci, uel quòd uni nimium imperium periculose mandari, uel quòd Q. Marcium è Cilicia, M'. Acilium è Bithynia ante tempus iniuste reuocari censerent, populus tamen, (etsi iam legatos ad prouinciam constituendam ex Luculli literis, quasi debellatum esset, pauloante miserat) magno consensu accepit, annitente maxime Cæsare, & Cicerone prætore; Cæsare, ut populum ad extraordinaria sibi quoque mandanda imperia post promptiorem haberet; Cicerone, ut intelligerent omnes, maximum se momentum ei parti cui se adiunxisset, afferre. Nam qui antea optimates tueri solitus erat, is nunc ad plebem se contulerat. extat eius, quæ hanc legem suasisit, oratio. Hæc Plutarchus in Pompeio, Dio lib. xxxv 1, Cicero pro lege Manilia, Pædian. in Cornelianam, Appianus in Mithridatica. Cn. igitur Pompeius accepto ad bellum imperio societate cum Phraate Parthorum rege iuncta, ubi per legatos ad pacem petendam Mithridatem adducere se non posse sensit, magno apparatu in eum mouit. Huic in Galatiâ Lucullus occurrens, ut recederet, quòd bellum cōfectum esse, atque legatos constituendæ prouinciæ causâ iandiu expectari diceret, non persuasit. Itaque Pompeius cum ne quis Lucullo pareret edixisset, Mithridatem primum in Armeniam minorem, in quam ille impetum fecerat, atque inde prælio equestri uictum in Armeniam Tigranis persequutus, eum nocturna pugna fractum coegit iterum ad Tigranem confugere. à Tigrane autem non receptus, quòd eum auctorem belli fuisse obiiiceret, quod ipse cum filio suo gereret, in Bosporum reuersus filium Macharem Bospori regem, populi R. socium, dolo interfecit. Tigranis filius ad regem Parthorum transfugiens, primum una cū Phraate bello patri illato, usque ad Artaxata uenit. deinde recedente Phraate à Tigrane patre uictus ad Pompeium se contulit. Quo terrore compulsus Tigranes, ubi pacem, quam cupiebat, à Pompeio impetrare non potuit, atque ipsum aduentantem cum exercitu audiuit, eius potestati & urbem Artaxata, & se met tradidit. Pompeius Tigrani summum honorem habuit, atque Armeniam, & thesauros restituit: Cappadociæ & Syriæ partem, Phœnicen, & Sophenem ademit; & pecuniam ingentem imperauit, filium eius, qui ijs quæ ipse statuerat, non stabat, in uinculis habitum Romam misit. Cum autem tripartito exercitu cui ipse, Metellus Celer, & L. Valerius Flaccus præerant, hibernaret, Oræses Albanorum rex, ut à Tigrane filio gratiam iniret, hiberna eius aggressus, a Celere, & Flacco repulsus, à Pompeio fugatus, cum magna suorum clade uictus est. quibus cum Pompeius tamen, quòd hyems ingrauescebat, petentibus fœdus fecit. Hæc Dio, Appianus, Plutarchus. itaque in epitoma c, sic est: Cn. Pompeius ad gerendum bellum aduersus Mithridatem profectus cum rege Parthorum Phraate amicitiam renouauit, equestri prælio Mithridatem uicit. præterea bellum inter Phraatē regem Parthorum, & Tigranem Armeniorum, ac deinde inter filium Tigranem patremq; gestum continet. Cn. Pompeius, Mithridatem nocturno prælio uictum coegit Bosporon profugere: Tigranem in deditionem accepit, eiq; ademptis Syria, Phœnice, & Cilicia, regnum Armeniæ restituit. unde in Sextiana inquit Cicero; Tigranem Cn. Pompeius cum in suis castris supplicem, abiectumq; uidisset, erexit, atque insigne regium, quod ille de suo capite abiecerat, reposuit, & imperatis certis rebus regnare iussit.

DE COS. AN. DCXXCVIII.

IN hunc annum cum designati consules P. Autronius Pætus, P. Cornelius Sulla, legibus ambitus interrogati pœnas dedissent, in eorum locum facti sunt L. Aurelius Cotta, & L. Manlius Torquatus; auctore Salustio, Dione, & Pædiano, qui ita in Cornelianam ait: P. Sylla, & P. Autronius cos. designati cum essent, eorum alterum L. Cotta, alterum L. Torquatus ambitus damnarunt, & in eorum locum consules creati sunt. Vnde etiam Cicero 11. de finib: L. Torquatus, adolescentulus eripuit P. Syllæ consulatum, eumq; ad patrem suum rettulit. Damnatos lege Calpurnia de ambitu à C. Pisone cos. paulo ante lata, scribit idem cum Pædiano in or. in toga. Idem est apud Suetonium in Cæsare. Priores cos. uocat Dio P. Pætum, & Corneliū Syllam. Salustius & Suetonius P. Syllam, & P. Autronium. (sic enim scribendum, non Antronium, ex lapid. Capitolin. apud quos an. DCCXXVIII est, L. AVTRONIVS P. F.) liber Cuspinianus SVLLAM, & PAETVM. P. autem Sylla Ser. F. dicitur à Salustio, à Dione uero filius fratris L. Syllæ dictatoris. Posteriores cos. L. Cottam, & L. Torquatum uocat Nepos in vita Attici, Cicero contra Rullum; Torquatum, & Cottam in Catilinam, & de diuin. Index lib. xxxv 11 Dionis L. Aurelium M. F. Cottam, L. Manlium L. F. Hic L. Manlius Torquatus Macedoniam prouinciam sortitus est. quod indicat Cicero, cum inquit in Pisonem, L. Torquatum magnis rebus gestis se cos. referente imperatorem appellatum esse. L. Cotta Pompeio, & Crasso cos. prætor iudicia ad equites transfudit. Pædianus, epitomæ.

De censoribus abdicatis.

CVM quinquennalis lustratio, tum Dionis historia docet, in hunc annum censores creatos fuisse. licenim loquitur: Censores cum de danda ijs, qui trans Padum sunt, ciuitate inter se contenderent, non solum nihil aliud egerunt, sed magistratu etiam abdicarunt. Hos autem fuisse M. Crassum, & Q. Catulum consulares uiros tradit Plutarchus in Crasso, cum ait: Crassus censuram ociosam gessit; neque enim senatum legit, neque equites inspexit, nec censum ciuium egit; uerum cum à collega Lutatius Catulo de Aegypto Romanis tributaria facienda dissentiret, ambo sponte magistratu abierunt. Idem in politicis, in Catone minore, & in libro de uitiosa uerecundia Catuli censoris meminit, eumq; censorem Catone quaestore, Pompeio in Asia bel- lum gerente, fuisse scribit.

De re gesta cum Mithridate à Cn. Pompeio pro cos.

HIS cos. Cn. Pompeius Artocem Iberiæ regem, cum eum sensisset in se moliri bellum, adortus magno prælio uictum, obsidibus acceptis, cum pace dimisit; Albanos iterum occurrentes repulit; Phraatem, cuius fines Gabinius ultra Euphratem usque ad Tigridem populatus erat, amicitiam renouare cupientem aspernatus, agros Gorduenes, de quibus ipse cum Tigranè disceptabat, per Afranium occupatos Tigrani regi attribuit. Hæc in hunc annum gesta refert Dio. de quibus ita est in epitoma c 1: Cn. Pompeius cum Mithridatem persequeretur, in ultimas, ignotasq; gentes penetravit; Iberos, Albanosque, qui transitum non dabant, prælio uicit. Appianus, & Plutarchus item.

DE COS. AN. DCXXCIX.

CONSULES insequens annus habuit auctore Cassiodoro, & Pædiano, L. Cæsarem, & C. Figulum. quos Dio uocat L. Cæsarem, C. Marcium C. F. Figulum; Cicero pro Sulla L. Iulium, C. Figulum, itemq; Salustius in Catilina. L. Cæsar L. Cæsaris filius fuit eius, qui cōsulatum gessit bello Marfico. Itaque Cicero in Catilinā auum huius M. Fuluium Flaccum appellat. pater enim huius Fuluiam Flacci filiam in matrimonio habuit. Hæc hoc de consulatu cum scriberem, forte interuenit GEMINIANS PATINVS Mutinensis, præstans ingenio, atque doctrina iuuenis; qui data occasione sæpe se miratum esse dixit, quòd alterum horum consulum Marcium quidam Thermi cognomine afficerent; cum tamen Thermus non Marciorum esset cognomen, sed Minuciorum; Figulus autem etiam in hoc consule cognomen celebraretur. nam in prima epistola ad Atticum sic Ciceronem scriptum reliquisse: L. Iulio Cæsare, C. Marcio Figulo cos. filiolo me auctum esse scito. atque à me quid hac de re sentirem, requisuit. quid autem ei tum respon-

H 2 derim,

Commentarius in fastos

derim, putavi mihi hoc eodem in loco ascribendum esse, ut qua re illi, eadem ceteris etiam antiquitatis Romanæ studiosis gratum faciam. Respondi me putare, non imperite eos fecisse, qui Thermum alterum cognomen huic Marcio adiecissent. eundem enim esse Thermum cum Figulo. Itaque Ciceronem eadem epistola cum competitoris Cæsaris nominaret, Thermum, non Figulum nominasse. sic enim ille ait: De ijs, qui nunc petunt, Cæsar certus putatur. Thermus cum Silano contendere existimatur. nostris rationibus maxime conducere uidetur, Thermum fieri cum Cæsare. nemo est enim ex ijs, qui nunc petunt, qui si in nostrum annum reciderit, firmior candidatus fore videatur, propterea, quod curator est uia Flaminia. in extrema autem epistola significat se L. Iulio Cæsare, C. Marcio Figulo cos. auctum filiolo, cum tamen Figuli petentis ante ne meminerit quidem; hoc autem me tanto uehementius credere, quod in libro uetere, quæ identidem citat auctorem Cuspinianus, extrema utriusque horum consulum cognomina sunt, CÆSAR, & THERMVS. quod alias etiam fecit, ut cum duo, aut plura cognomina unius fuerint, ille extremum tantum adhibeat. fortasse autem hunc è Thermorum familia in Figulorum per adoptionem transisse, atque ita utrumque cognomen tulisse.

De censoribus.

Er in hunc annum censores creatos Dio ostendit, cum ait, ne censores quidem qui subsequuti sunt, quicquam insequenti anno egisse, quod tribuni pl. intercesserint, ne senatum legerent, ne ipsi forte præterirentur. est autem consentaneum, si priores censores abdicarunt, hoc anno alteros, qui lustrum facerent, fuisse creatos. hos autem fuisse arbitror L. Aurelium Cottam priore anno consulem, & P. Seruilium Isauricum. De Cotta testis est Plutarchus, qui Cottam petente consulatū Cicerone censurā gessisse scribit. Cicero autē petijt hoc anno. eundem etiam L. Cottam censorium uocat Cicero in orat. pro domo. De Seruilio auctor est Valerius, qui lib. vii scribit: P. Valerium consularem, censorium, triumphalem maiorū suorum titulis Isaurici cognomen adiecisse. quoniam autem illum ante hunc annum censuram non gessisse constat, propterea collegam L. Cottæ fuisse arbitratus sum. neque uero ab his lustrum conditum puto, cum triennio post alij censores id condiderint, ut tum ostendam; neque censum actum, quod Cicero pro Archia post consulatum dicens, proximos censores, qui censum egerint, Gellium, & Lentulum intelligit, tum cum Archias cum imperatore L. Lucullo apud exercitum erat.

Dere gesta à Cn. Pompeio cum Mithridate.

PHRAATES rex Parthorum iratus Pompeio, quod cum ad se scriberet, non regem regum, ut mos erat, appellasset, transitu Euphratis impedito, ineunte uere in Tigranem regem una cum Tigranis filio genero suo motis castris, primo prælio uictus, altero melius pugnauit. Itaque cum Tigranes Pompeium ex Syria aduocaret, neque ille uenire maturaret, cum, ac Romanos per legatos insolentius accusauit. Pompeius maledictis eius contemptis nec Tigranem auxilio iuuit, nec Phraatem bello persecutus est, quod bellum illud sibi mandatum esse negaret, ac Mithridates adhuc in armis esset. hac de causa Tigranes elusus operam dedit, ut cum Phraate in gratiam rediret. Dio, Appianus, Plutarchus.

DE COS. AN. DCXC.

CONSULES in hunc annum inierunt M. Cicero, C. Antonius. auctor Cassiodorus, Plinius lib. vii, Salustius in Catilina, Suetonius in Augusto, Plutarchus in Cicerone, Velleius lib. i, Iosephus antiquitatum lib. xiiii. Dio M. Tullium M. F. Ciceronem, C. Antonium M. F. edit. Ciceronis patrem, auumq; prænomine Marci usos fuisse, apparet ex lib. v epistolarum, lib. ii de Oratore, lib. iii. de legibus. C. Antonium M. Antonij oratoris filium tradit Pædianus in orationem in toga. quo in loco enumerat Ciceronis competitores, duos patricos P. Sulpicium Galbam, L. Sergium Catilinam: quatuor plebeios, ex quibus duos nobiles, C. Antonium, L. Cæsium Longinum: duos, qui tantum non primi ex familijs suis magistratum adepti erant, Q. Cornificiū, & C. Licinium Sacerdotem, solum Ciceronem equestri loco natum. omnes magistratus se suo anno adeptum Cicero gloriatus est. Eidem Macedonia obtigit, Antonio Gallia. Macedoniam deinde de Antonio collegæ concessit Cicero, neque in prouinciam profectus est ex consulatu. Gallia Q. Metello Celeri prætori mandata est; auctor ipse Cicero, Dio, & Plutarchus. ambo Tullo, & Lepido prætores fuerant; Pædianus. Hoc anno tribuni pl. C. Antonio consule non repugnante leges a-

liquot perniciosas ad perturbandum reip. statum promulgarunt: ut agri uictoria Pompeij parti à Xuiris, quos pars populi creasset, uenderentur, atque ea pecunia agri emerentur, quò plebs Romana deduceretur; ut Campanus ager populo diuideretur; ut proscriptorum filij, quos Sulla dictator honorum petitione priuarat, ad magistratus uocarentur; ut P. Autronius, & P. Sulla damnati ambitus in senatum legi, ac magistratus capere possent; C. etiam Rabirius a T. Labieno trib. pl. ad populum postulatus est, quòd x x v i ante annum in seditione L. Saturninum interfecisset. quæ leges ne ferrentur, consilio, atque eloquentia Ciceronis consulis auctore Dione perfectum est. ut merito Cicero ipse ita in Pisonè gloriatur: Ego K. Ian. senatum, & bonos omnes legis agrariæ, maximarumq; largitionum metu liberaui. ego agrum Campanum, si diuidi non oportuit, conseruauì, si oportuit, melioribus auctoribus reseruauì. ego in C. Rabirio perduellionis reo xl annis ante me consulem interpositam senatus auctoritatem sustinui contra inuidiam, atque defendi. ego adolescentes bonos, & fortes, sed usos ea conditione fortunæ, ut si essent magistratus adepti, reip. statum conuulsuri uiderentur, meis inimiciis, nulla senatus mala gratia comitiorum ratione priuauì.

De re gesta à Cn. Pompeio cum Mithridate.

Hic cos, Mithridates transitum in Italiam moliens filios aliquot, ac propinquos suspectæ fidei in Bosporo interfecit. Quo terrore compulsus Pharnaces filius eius, cum se à Romanis regnū consequuturum speraret, patri insidias fecit. quibus patefactis damnatus, ope eorum, quos pater ad se comprehendendum miserat, signa in eum intulit, ac regia occupata, ut sibi ueneno mortem conscisceret, coegit, ac se Pompeii potestati permisit. Pompeius Aretam Arabum regem, qui Syriam populatus erat, prælio uictum in deditionem accepit, post in Palæstinam profectus Hircanum, & Aristobulum Iudæos fratres inter se de regno contententes adortus, illum primo congressu, hunc acie maiore mole superauit; urbem eorum Hierosolyma cepit, atque Hircano rege constituto in Pontum reuersus, urbibus in fidem acceptis, in Asiam traiecit. Ita Dio, Plutarchus, Appianus, Iosephus, alii. in epitoma autem c i, ita: Præterea fugam Mithridatis per Colchos, Eniochosq; , & res ab eo in Bosporo gestas continet. Cn. Pompeius in prouinciæ formam Pontum redegit. Pharnaces filius Mithridatis bellum patri intulit. ab eo Mithridates in regia cum ueneno sumpto parum profecisset ad mortem, à milite Gallo nomine Bitonto, à quo ut adiuuaret se, petierat, interfectus est. Cn. Pompeius Iudæos subegit; Fanum eorum Hierosolyma inuiolatum ante id tempus cepit. Hoc bello Bithyniam, Cappadociam, & Ciliciæ partem eam, quæ non dum imperio Romano subiecta erat, & Syriæ Phœnicen, ac Cœlen, & Palæstinam usque ad Euphratē, & Paphlagoniam, Galatiam, Phrygiam, & finitimam Mysiam, item Lydiam, Cariam, Ioniam, & Asiam, quæ ad Pergamum est, atque ipsam Græciam partim recuperatas esse, partim nunc primum in potestatem uenisse Romanorum tradit Appianus; Tigrani porrò Armeniam maiorem esse permissam, Pharnaci Mithridatis filio Bosporum, Ariobarzani Cappadociam, Antiocho Cōmageno Seleuciam, Deiotaro, atque alijs tetrarchis cum Armenia minore Galatiam, Attalo, & Pyllæmeni Paphlagoniam, Aristarcho Colchidem, Palæstinam Hircano. præterea uero cum Cicero in oratione de prouincijs dicat, Asiam, quæ antea Romanum imperium terminabat, tribus nouis prouincijs Pompeij uictoria cinctam, Pontum intelligere uidetur, quem ille cum Bithynia iunctum unam prouinciā auctore Strabone fecit, quæ etiam Bithyniæ nomine appellata est; & Syriam, quam cum Palæstina in prouinciā redactam rectori delata iurisdictione refert Marcellinus lib. x i i i. cui tamen de Palæstina non assentior. quam Hircano permissam omnes historiæ loquuntur. Cicero eadem in oratione se consule referente ait, primum x i i dierum supplicationem Cn. Pompeio decretam confectis bellis omnibus maritimis, terrestribusq; qua de causâ hoc etiam anno salutis auguriū factum tradit Dio, quod nisi pacato toto imperio fieri soleret.

De coniuratione Catilinæ.

EXTREMO fere hoc anno coniuratio Catilinæ patefacta, atque consilio Ciceronis consulis oppressa est. L. Sergius Catilina uir patricius, qui triennio ante etiam cum Cn. Pisone coniurauerat, cum priore, & hoc anno repulsam consulatus tulisset, cum P. Lentulo, & C. Cethego prætoribus, atque alijs multis de cæde cōsulum, & senatus, incendijs urbis, & opprimenda rep. coniurauit, exercitu quoque ad id per C. Manlium in Etruria ad Fæulas comparato. Re per indices patefacta S. C. fit, ut consules uideant, ne quid detrimenti resp. capiat. Præsidij in urbe dispositis; Q. Marcius Rex Fæulas, Q. Metellus Creticus in Apuliam circumq; ea loca mittuntur

Commentarius in fastos

tur; prætores Q. Pompeius Rufus Capuam, Q. Metellus Celer in agrum Picenum; ijsq; permiffum ut pro periculo exercitum compararent. Cum Catilina fui purgandi cauffa ficuti iurgio laceffitus foret, in fenatum ueniffet, Ciceronis confulis oratione, & senatorum maledictis exagitatus, domum fe ex curia proripuit, inde nocte intempefta cum paucis in Manliana castra profectus eft. Lentulus, Cerhegus, ac ceteri, qui ex præcepto Catilinæ in urbe remanferant, capti, atque indicijs plurimis conuicti S. C. fupremo fupplicio afficiuntur. Ciceroni, cuius præcipue induftria falus reip. parta eft, magna à bonis ciuibus laus, ac gloria tributa eft. Hæc Saluftius, Dio, Appianus, Plutarchus latiffime.

De triumpho L. Luculli pro cos. de Mithridate.

L. LUCULLVS magnis rebus in Ponto, & in Armenia aduerfus reges Mithridatem, & Tigranem geftis exercitum M^o. Acilio Glabriori confuli fucceffori, aut certe fequenti anno, ut diximus, Pompeio fibi in Galatia occurrenti tradidit; conftitutaq; per decem legatos prouincia, inter quos M. Lucillum fratrem, & L. Murenam fuiſſe Cicero lib. x i i i epiftolarum ad Atticum fcriptum reliquit, Romã deceſſit, neque niſi hoc demum anno triumphauit. Hoc ſignificat Cicero in Lucullo, cum ſcribit de eo: Quin etiam, cum uictor à Mithridatico bello reuertiffet, inimicorum calumnia triennio tardius, quàm debuerat, triumphauit. nos enim confules introduximus pene in urbem currum clariffimi uiri. Hic autem fuit C. Memmius, quem refert Plutarchus populum R. contra Lucillum incitaſſe, ita ut uix ei triumphum permiferit. Triumphafſe etiam eundem Cicerone confule patet ex oratione pro Murena, in qua Cicero ait, L. Luculli exercitum, qui ad triumphum conuenerat, L. Murenæ conſulatum petenti præſto affuiſſe. Eiufdem triumphi meminerunt Eutropius, Athenæus lib. v i, & latiffime omnium Plutarchus, qui ei milites à Pompeio duntaxat mille & ſexcétos ad triumphum relictos ſcribit. Plinius etiam lib. x x v i i i, cap. v. hunc ſenem triumphalem appellat. & cum lib. x x x i i i i, Apollinem à M. Lucullo ex Apollonia Ponti urbe x x x cubitorum, c l talentis factum, eſſe translatum ait; L. Lucillum, qui in Ponto, non Marcum, qui in Macedonia rem geſſit, reponendum opinor.

DE COS. AN. DCXCI.

CONSULES ſubſequuti ſunt D. Silanus, L. Murena, auctore Caſi iodoro, & Saluſtio. Dio D. Iunium M. F. Silanum, L. Licinium L. F. Murenæ edit. Eutropius D. Iunium Silanum, & L. Licinium. D. Iunium M. Silani filium eſſe reor eius, qui conſul fuit bello Cimbrico. L. Murena L. Murenæ filius eſt eius, qui de Mithridate pro pr. triumphauit. ut ait Cicero pro ipſo Murena ambitus reo. His comitijs repulſam iterum tulit L. Sergius Catilina, cuius dolore ad coniurationem exarſit; & Ser. Sulpicius Rufus iuriſconſultus, qui poſt Murenæ ambitus accuſauit. L. Murena, & Ser. Sulpicius anno ſuo prætores una fuerunt. i. Cottæ, & Torquato cos. Murena ius dixit, Sulpicius de peculatu cognouit; Murena ex prætura in Galliam profectus eſt, Sulpicius urbe delectatus eſt; Cicero pro Murena. Hoc anno C. Pontinius, qui, cos. Cicerone, Saluſtio auctore, prætor fuit, ex prætura Galliam Narbonenſem fortitus eſt. ut poſt in eius triumpho dicemus. P. Clodius domi Cæſaris pont. max. cum neſte muliebri deprehenſus, cum ſacra Bonæ deæ à mulieribus fierent, ad quæ marem penetrare nefas erat. Dio, & Cicero lib. i ad Att.

De L. Catilina uicto à C. Antonio pro confule, & rebus ab eodem geftis in Macedonia.

L. CATILINA auditis, quæ Romæ geſta erant, exercitum parauit. Contra quem cum C. Antonius Roma miſſus eſſet, Catilina per montes aſperos magnis itineribus in agrum Piſtorienſem contendit, eo conſilio, uti per tramites profugerent in Galliam tranſalpinam. Quo cognito Q. Metellus Celer, qui cum tribus legionibus in agro Piceno præſidebat caſtris motis ſub ipſis radicibus montium conſedit. neque Antonius longius aberat. Catilina ubi uidit ſe montibus, atque copijs hoſtium clauſum, neque præſidij ſpem ullam eſſe, cum Antonio quamprimum conflixit. Antonius, quòd pedibus æger erat, M. Petreio legato exercitum permiffit. Catilina in ipſa pugna fortiffime dimicans cecidit. C. Antonius abſterſos gladios in caſtra rettulit, & Impetrator appellatus eſt. Romæ ſupplicatio decreta. Dio, Saluſtius, Plutarchus, Valerius capite de iure triumphandi, Cicero pro Sextio.

Ceterum cum L. Torquato in Macedonia ex conſulatu C. Antonius ſucceſſiſſet, uicto Catilina in

in prouinciam profectus male rem gessit. Hoc indicat Obsequens cum ait: C. Antonius cum in agro Pistorienti Catilinam deuicisset, laureatos fasces in prouinciam tulit, ibi à Dardanis oppressus amisso exercitu profugit. apparuit eum hostibus portendisse uictoriam, cum ad eos laurum uicttricem tulerit, quam in Capitolio debuerat deponere. Eundem scribit Dio in consulatu Cæsaris, cum Dardanos, ac finitimos eorum populatus esset, eorum in se impetu non expectato, fugā cepisse. ab alijs etiam cum equitatu fugatum, peditatum ipsum hostibus concidendum reliquisset. Hunc autem per triennium prouinciam obtinuisse arbitror. Nam quanquam Cicero ad Att. lib. primo scribit K. Ian. Pisone & Messalla cos. prodromos Pompeianos nunciare Pompeium aperte acturum, ut Antonio succedatur: idem tamen Antonium se defendisse, scribit ad P. Sextiū, Antonij tum quæstorem. Antonium, inquit, in senatu grauissime, ac diligentissime defendi, senatumq; uehementer oratione mea, atque auctoritate commoui. accedit, quod Cæsare, & Bibulo cos. C. Octauium Augusti patrem Macedoniae prætorem inuenio apud Ciceronem in epistolis ad Q. fratrem. quem etiam ex prætura Macedoniae sortitum esse, atque Bessis, ac Thracibus magno prælio fuis optime socios tractasse narrat in Augusto Suetonius; Gabinio autem & Pisone, L. Appuleium inuenio, cuius quæstor Cn. Plancius Ciceronem exultantem complexus est. Cicerone pro Plancio. Lentulo & Metello L. Pisonem ex consulatu eam obtinuisse satis constat. postremo, quia Dio Ciceronem scribit Antonium ex prouincia reuersum Cæsare, & Bibulo defendisse, à M. Cælio accusatum, quod socius coniurationis Catilinæ fuisset, damnatumq; quod praeue rem in Macedonia ministrasset. Itaque Cicero pro Cælio ait: M. Cælius accusauit C. Antonium collegam meum, cui misero præclari in remp. beneficij memoria nihil profuit, nocuit opinio maleficij cogitati. Atque hac etiam de causa in epitoma c i i i sub consulatum Cæsaris hæc uerba sunt: C. Antonius pro cos. in Thracia parum prospere rem gessit: cum tamen Cæsare cos. non ipse in Macedonia, sed C. Octauius fuerit.

De Q. Marcio pro cos. Ciliciae, & rebus eius.

Q. MARCIUM ex consule in Ciliciam missum refert Dio, Menemachum quendam Mithridatis transfugam recepit, & P. Clodium, qui L. Lucullum reliquerat, classi præfecisse, Lucullo ab exercitu suo deserto opem imploranti denegasse. reliquas res eius gestas uetustatis ne iniuria, an hominum incuria apud Dionem aboleuit? Hic per annum prouinciæ præfuit, quia Tullo & Lepido cos. Cilicia mandata Pompeio est. ibi uero res eum magnas gessisse credibile est. quod scribit Salustius in Catilina Q. Marcium Regem ad urbem fuisse cum exercitu Cicerone cōsule, inimicorum inuidia impeditum, ne triumpharet. an uero triumpharit, parum certum est. mortuus est enim hoc tempore, unde Cicero in epistola ad Att. M. Pisone, M. Messalla scripta, ait, P. Clodium hereditatem Regis deuorasse. habebat autē sororem Clodij Rex in matrimonio, L. Lucullus alteram, Q. Metellus Celer tertiam, auctor Plutarchus. Eiusdem Regis mentinit Salustius historiarum lib. v, ex Prisciani lib. x v i i i, his uerbis: At Lucilius audito Marcium Regem pro consule per Lycaoniam cum tribus legionibus in Ciliciam tendere.

De triumpho Q. Metelli Cretici pro cos. ex Creta.

DE rebus à Q. Metello pro cos. in Creta gestis satis ante dictum est. Ne hic quidem anno suo triumphauit. Nam & hic consule Cicerone ad urbē cum exercitu fuisse traditur, impeditus paucorum inuidia, ne triumpharet. Triumphasse autem eum D. Silano, & L. Murena cos. ab Eutropio proditum est. De quo triumpho sic Velleius: Metelli, & Luculli triumphum Pompeius imminuit. & alibi: Cn. Pompeius captiuos duces ornamentum triumphi Metelli subduxit. (hi fuerunt Panares, & Lasthenes, auctore Dione.) Huius etiam triūphi uestigia sunt in Capit. triūphis. nā voces illæ: K. i v n. quæ sunt proxime ante Pompeij triūphū, ad hunc, ut puto, pertinent.

DE COS. AN. DCXCII.

CASSIODORVS hoc anno cos. subiicit M. Pupium, M. Valerium. Dio M. Pupium M. F. Pisonem, M. Valerium M. F. Messallam Nigrum. Messallæ Nigri mentio est etiam apud Pædianum in oratione pro Scauro: M. Messallæ, & M. Pisonis apud Ciceronem lib. primo ad Att. Plinium lib. v i i, cap. x x v i; lib. x x x v i i, cap. i i; lib. v i i i, cap. x x v i; Cæsarem lib. primo de Gallico bello. M. Pisonem Cn. Pompeij bello Mithridatico legatum ex Asia à Pompeio ad comitia præmissum, eiusdem opera consulatum adeptum, refert Dio. De eodem sic Pædianus in

Commentarius in fastos

in Pisonianam : M. Pupius Piso fuit eisdem temporibus , quibus Cicero , sed tanto ætate maior , ut adolescentulum Ciceronem pater ad eum deduceret , quòd in eo & antiquæ uitæ similitudo , & multa erant literæ . orator quoque melior , quàm frequentior habitus est . biennio tamen ferius , quàm Cicero consul fuit . triumphauit pro cos. de Hispanis Q. Hortensio , Q. Metello Cretico cos. ante Ciceronis consulatum . & Cicero in Bruto : M. Piso quicquid habuit , habuit ex disciplina , maximeq; ex omnibus , qui ante fuerunt , græcis doctrinis eruditus fuit . &c. Eundem M. Pisonem scribit pro Plancio in ædilitate præteritum consulem esse factum . & Velleius : M. Piso consularis Anniam , quæ Cinna uxor fuerat , in Syllæ gratiam dimisit . Eundem à M. Pupio adoptatum tradit Cicero pro domo . De Pisonis prouincia sic Cicero primo ad Att. Pisonem consulem nulla in re consistere unquam sum passus . desponsam homini iam Syriam ademi . Cæsar lib. 1 scribit senatum censuisse , uti quicumque Galliam prouinciam obtineret , quod commodo reip. facere posset , Aeduos , ceterosq; amicos populi R. defenderet . Hoc anno C. Cæsar , qui Murena & Silano cos. prætura gessit , ex præturam in Hispaniam ulteriorem profectus est .

De censoribus , & lustro LXXVII.

CENSORES in hunc annū Dio profitetur . scribit enim Pifone , & Messalla cos. omnes eos , qui magistratus gesserant à censoribus etiam supra legitimum numerum in senatum lectos . Idem ostendit Cicero in epistola lib. primi ad Atticum , quæ scripta est his cos. non. Decemb. Metello Celere cos. designato , cum ait : Afiani , qui de censoribus conduxerunt , questus sunt in senatu , se cupiditate prolapsos nimium magno conduxisse ; ut induceretur ea locatio postulauerunt . Neque uero Afiana uestigalia conducere , nisi post pacatam à Pompeio Asiam , potuerunt , idest ab huius anni censoribus . Idem Cicero significat lustrum ab his censoribus esse factum , sed sequentibus cos. nam in epistola , quæ proxime sequitur , data x 1 K. Febr. Q. Metello , L. Afranio cos. sic ait : Reuise nos aliquando . nam ne absens censere , curabo edicendum , & proponendum locis omnibus . sub lustrum autem cenferi germani negotiatoris est . Cum igitur dubitandum non sit , quin hoc anno censores creati sint , est uero illud accurate quærendum , qui fuerint . neque enim in censores , aut censorium ullum , ex ijs , qui ante consulatum gesserint , adhuc incidi . Hi autem creati sunt ante quinquennium , quòd priores censores lustrum nullum fecerint .

De triumpho III Cn. Pompeij Magni pro cos. de Mithridate . &c.

QUAE gesserit maritimo , ac Mithridatico bello Cn. Pompeius procos. ante demonstratum est . Hic est autem annus , quo ipse bellis omnibus confectis triumphauit . cuius triumphij hæc ad huc in annalibus ueteribus testimonia leguntur . Dio & Plutarchus auctores sunt , eum petiisse , ut priore anno comitia consularia differrentur , quòd præsens ipse Pisonem candidatum deducere posset . Cicero etiam lib. primo ad Att. significat Pifone , & Messalla cos. Pompeium K. Ian. in expectatione fuisse . Triumphasse autem eundem hoc anno per biduum 1 1 1 , & prid. K. Octob. proditum est in Capitolinis fragmentis , atque in ijs , quos paulo infra commemorabo , annalibus . Laudant igitur primum illud in Pompeio rerum Ro. scriptores , quòd uictor cum exercitu maximo rediens , ut Brundisium traiecerit , copias omnes dimiserit , atque ex tot bellis uno triumpho contentus fuerit , neque ullo se , nisi uetere Magni cognomine ornari uoluërit . In senatu de suis rebus differentem eum dixisse Plinius lib. v 1 1 tradit , se Asiam , quam ultimam prouinciam accèperat , patriæ mediam reddidisse . Titulum triumphi , totius mundi prætulit . Quot autem & quibus ex regionibus nominatim triumphauit Plinij uerbis allatis exponam . Pompeius , inquit , honores urbi tribuit in delubro Mineruæ , quod ex manubijs dicauit . Cn. Pompeius Magnus Imp. bello xxx annorum confecto , fusis , fugatis , occisis , in deditionem acceptis hominum uicies semel centenis LXXX 1 1 1 , depressis , aut captis nauibus DCCC LXX 1 , oppidis , castellis MDXXXV 1 1 1 in fidem acceptis , terris à Mæoti lacu ad rubrum mare subactis , uotum merito Mineruæ hoc breuiarium eius ab oriente . Triumphi uero , quem duxit a. d. tertium K. Octob. M. Messalla , M. Pifone cos. præfatio hæc fuit : Cum oram maritimam à prædonibus liberasset , & imperium maris populo R. restituisset ex Asia , Ponto , Arimeniâ , Paphlagoniâ , Cappadociâ , Ciliciâ , Syriâ , Scythiis , Iudæis , Albanis , Iberia , insula Creta , Basternis , & super hæc de regibus Mithridate , atque Tigrane triumphauit . Meminit idem huius quoque triumphi lib. xxxv 1 1 his uerbis : Id ut planius noscatur , uerba ex ipsius Pompeij triumphorum actis subiiciam . Ergo tertio triumpho , quem de Piratis , Asia , Ponto , gentibusq; , & regibus in septimo huius operis uolumine indicatis M. Pifone , M. Messalla cos. prid. K. Octo. die natalis sui egit , transtulit alueum cum

cum tesseris lusorium è gemmis duabus latum pedes tres, longum pedes quatuor. Persequitur in de multa alia, quæ eadem etiam apud Plutarchum, & Appianum ferè memorantur. In epitoma autem c. 111 ita est: Cn. Pompeius de liberis Mithridatis, Tigrane, & Tigranis filio triumphauit, Magnusq; à tota concione consalutatus est. & Valerius lib. v: Pompeius de Mithridate, & Tigrane, præterea regibus, & gentibus plurimisq; ciuitatibus & prædonibus unum duxit triumphum. Hinc Cicero pro Cornelio: Pompeius tot habet triumphos, quot sunt oræ, partesq; terrarum. Item: Pompeij tres triumphi testes sunt totum orbem terrarum nostro imperio teneri. Hoc tempore Pompeium annos natum xxxi multis placuisse, se uero xl probare ait Plutarchus. Appianus xxx edit. esse autem xlv facile quisque intelliget, qui à C. Atilio, Q. Seruilio cos. quo anno ipse prid. K. Octob. natus est, enumerabit. Itaque merito Velleius se mirari ait tanti uiri eos sefellisse quinquenniū, cum ab ortu eius facillima, & certissima sit annorum digestio.

DE COS. AN. DCXCIII.

CONSULES edit in hunc annum Cassiodorus Q. Metellum, L. Afranium; item Obsequens, item Cicero lib. primo epist. ad Atticum; Dio L. Afranium L. F. Q. Cæcilium Q. F. Metellum Celerem. Cicero tamè in primo ad Atticum Afranium uocat Auli filium; presertim cum ait: Magna est expectatio comitiorum, in quæ omnibus inuitis trudit noster Magnus Auli filium. Q. Metellus Celer Q. F. scribitur etiam à Cicerone in v epistolarum. Vterq; horum Pompeij opera cōsulatum, teste Dione, consecutus est. eius enim legati ambo fuerunt in Asia. Q. Metellus Celer Cicerone cos. prætor fuerat. ex prætura autem profectus est in Galliam, in qua bellum se gerere pro cos. scribit lib. v. ad Ciceronem. Itaque Plinius lib. 11. cap. lxvii inquit: Nepos tradit Q. Metello Celeri L. Afranij in consulatu collegæ, sed tum Galliæ proconsuli ludos à rege Sueuorum dono datos. De prouincijs cos. ita Cicero in primo ad Att: Heluetij sunt in armis. excursiones in prouinciam faciunt. senatus decreuit, ut consules duas Gallias fortirentur, delectus haberetur, uacationes ne ualerent, legati cum auctoritate mitterentur, qui adirent Galliæ ciuitates, darentq; operam, ne eæ se cum Heluetijs iungerent. legati sunt Q. Metellus Creticus, L. Flaccus, Lentulus Clodiani F.

De triumpho abiecto à C. Cesare pro cos. ex Lusitania.

C. CÆSAR Silano & Murena cos. prætura urbana perfunctus in Lusitaniam profectus est. atque ut belli gerendi occasionem haberet, incolis ex monte Herminio in campos descendere iussis, quòd diceret eos ea arce usos regionem latrocinando uexare, eos mandata facere recusantes acie fregit; inde subactis finitimis, qui eundem exitum metuentes se ad bellum comparaucrunt, iterum in incolas Herminij montis, quos sibi in reditu tetendisse insidias senserat, conuersus, eos ad Oceanum usque persecutus, in insula, in quam traiecerant, propè ad internecionem redegit. postremo Brigantium Calæciæ oppidum euertit. quibus rebus gestis Romam ad comitia, successore non expectato, decessit, cumq; triumphare posset, maluit consulatum deposito triumpho petere. neque enim nisi præsens in urbe petere consulatū lege poterat, necsi urbem priuatus inisset, ei postea triumphare permissum erat. Hæc Dio. Suetonius aut de eadem re his uerbis: Cæsar ex prætura ulteriorem sortitus Hispaniam retinentes creditores interuentu sponforum remouit, ac neque more, neque iure, antequàm prouinciæ ordinarentur, profectus est. incertum metu ne iudicij, quod priuato parabatur, an quo maturius socijs implorantibus subueniret. pacataq; prouincia pari festinatione non expectato successore ad triumphum simul, consulatumq; decessit. sed cum editis iam comitijs ratio eius haberi non posset, nisi priuatus introisset urbem, & ambient, ut legibus solueretur, multi contradicerent, coactus est triumphum, ne consulatu excluderetur, dimittere. Idem tradit Appianus lib. 11, Plutarchus in Cæsare. Obsequens etiam his cos. Lusitanos Gallæcos deuictos notat.

De conspiratione M. Crassi, Cn. Pompeij, & C. Caesaris.

CUM Cn. Pompeius acta sua à senatu confirmari uellet; ut quæ in Asia singulis regibus, ac gentibus dedisset, rata essent, atque in ea re L. Lucullum, & M. Catonem aduersarios haberet, Cæsarem, ac Crassum sibi adiunxit, Cæsarem ad consulatum prouehendo, Crassum alijs promissis onerando. Ita inter tres ciuitatis principes coitio facta, eaq; iureiurando firmata est, fore ut nemo nemini in rep. aduersaretur, atque alius alium gratia, auctoritate, atque omni ope in ijs, quæ petijset,

Commentarius in fastos

tijsset, iuuaret. sic Dio, Appianus, Plutarchus. Hinc etiam Suetonius ita: Cæsar omnibus officijs Pompeium affectatus est, offensum patribus, quod Mithridate rege uicto, cunctantius confirmarentur acta sua; Pompeioq; M. Crassum reconciliauit, ueterem inimicum ex consulatu, quem summa discordia simul gesserant; ac societatem cum utroque iniit, ne quid ageretur in rep. quod displicenisset ulli e tribus. Iuliam in consulatu Pompeio dedit, Calpurniam Pisonis consulis futuri ipse duxit. itaque in epitoma c i i i scriptum est: P. Clodius ad plebem transit. C. Cæsar Lucitanos subegit. eoq; consulatus candidato, & captante temp. inuadere conspiratio inter tres principes ciuitatis facta est, Cn. Pompeium, M. Crassum, & C. Cæsarem. P. autem Clodium narrat Dio, ut tribunos pl. ad legem de tribunatu pl. patricijs mandando ferendam adducere non potuit, patriciatu se abdicasse, atque iura plebis inisse; tribunatum autem pl. petentem aduersante Metello cos. repulsam tulisse, quod diceret legitimam eius adoptionem non fuisse, quæ lege tantum curiata lata recte fieri posset. Vnde etiam Cicero ad Att. primo ait, C. Herennius tr. pl. ad plebem traducit P. Clodium. Metellus est consul egregius, & nos amat.

DE COS. AN. DCXCIII.

C. CAESAREM, M. Bibulum in hunc annum cōsules comparant Cassiodorus, Suetonius, & epitomæ. C. Iulium C. F. Cæsarem, M. Calpurnium Dio. C. Iulium Cæsarem, Calpurnium Bibulum Plutarchus, & Appianus. quanquam Appianus, ut Orosius, & Eutropius, L. Bibulum uocat. Cæsaris & Bibuli cos. meminit Cicero ad Lentulum lib. i. In fragmentis Capitolinis est, C. IULIVS C. F. C. N. Decomitij, quibus Cæsar petijt, sic Suetonius: E duobus consulatus competitoribus L. Luccio, & M. Bibulo Luceium sibi adiunxit, pactus, ut is quoniam inferior gratia esset, pecuniaque polleret, numos de suo communi nomine per centurias pronunciaret. Qua re cognita optimates auctores Bibulo fuerunt tantundem pollicendi. Igitur cum Bibulo cos. creatus. & Cicero primo ad Atticum: Luceium scito consulatum habere in animo petere. duo enim soli dicuntur petitori. Cæsar cum eo coire per Arrium cogitat, & Bibulus cum hoc se putat per C. Pisonem posse coniungi. Hoc anno Cæsar consul legem agrariam promulgauit, qua agros publicos omnes pauperibus diuidebat, Stellatem, & Campanum ijs, qui tres, pluresve liberos haberent, eamq; inuito etiam collega, atque optimatibus ad populum tulit. Bibulus obnuncians ab eo armis foro pulsus, inde domi abditus, nihil aliud, quam per edicta obnunciavit. Cæsar unus omnia, & ad arbitrium administravit; publicanos remissionem petentes tertia mercedum parte releuauit, M. Catonem dicendo diem eximentem in carcerem ductiussit, acta Pompeij in Asia confirmauit; Illyrium, ac Galliam citeriorem cum tribus legionibus a populo, ulteriorem cum legione una in quinquennium a senatu obtinuit. præterea, Cicerone in iudicio Antonij temporum statum deplorante, ea re offensus P. Clodium inimicum eius frustra iam pridem a patribus ad plebem transire nitentem, eodem die, horaq; nona lege de adoptione eius lata traduxit. Suetonius, Appianus; Dio, Cicero pro domo, Plutarchus, Velleius.

DE COS. AN. DCXCV.

L. PISONEM, A. Gabinium in hunc annum cos. inuenio apud Cassiodorum. L. Calpurnium L. F. Pisonem, A. Gabinium A. F. apud Dionem. Horum meminit Cæsar libro primo de bello Gallico, Plutarchus in Catone minore, Cicero in Pisonem, pro Sextio, ubique. Patrem A. Gabinij A. Gabinium fuisse reor eum, qui bello Italico legatus cecidit. Cæsonium Pisoni adiicit cognomen Cicero, & Pædianus, quod etiam auus eius tulit, ut apparet ex Capitolinis tabulis, in quibus hoc anno est, L. CALPURNIVS L. F. L. N. Gabinij competitorum fuisse L. Lentulum flaminem Martialem scribit Cicero in Vatinius. Pisoni lege Clodia Macedonia data est, Gabinio Syria, ut ait Dio, Appianus in Syriaca, Cicero ubique. Ceterum Syria recenti Cn. Pompeij uictoria imperio populi R. accesserat. cui ipse decedens M. Aemilius Scaurum præfecerat, quem in bello pro quaestore habuerat. is Metello & Afranio cos. præfuit. Cæsare autem & Bibulo L. Marcius Philippus; Gabinio, & Pifone Cn. Lentulus Marcellinus, ambo ex pretura. Lentulo, & Metello cos. Gabinus ex consulatu in eam profectus est. Appianus in Syriaca, Iosephus lib. x i i i i antiquitatum.

De legibus P. Clodij tr. pl. & M. Cicerone urbe pulso.

P. CLODIVS patricia familia natus, cum se adoptandum M. Fonteio homini plebeio adnente

tente Cæsare consule dedisset, in hunc annum tribunatum plebis, cepit. Leges aliquot quibus se plebem sibi maxime conciliaturum arbitratus est, tulit: unam, ut frumentum populo, quod antea semis æris, & trientibus in singulos modios dabatur, gratis daretur; alteram, ne quis per eos dies, quibus cum populo agi liceret, de cælo seruaret, qua rogatione lex Aelia Fusia tollebatur; tertiam, qua non solum collegia, quæ senatus sustulerat, restituta sunt, sed alia quædam innumera bilia ex omni sece urbis, atque seruitio constituta sunt; quartam, ne quem censores in legendo præterirent, neque qua ignominia afficerent, nisi qui apud eos accusatus, & utriusque censoris sententia damnatus esset; item, ut Cyprus insula in provinciæ formam redigeretur, ac bona regis Ptolemæi publicarentur, idq; negotium M. Catoni uiro integerrimo mandaretur. His legibus latis rogationes alias promulgauit, unam de provincijs consulum nominatim, qua consules sibi deuinxit, ut Gabinio Syria, Babylon, Persæ: Pisoni Achaia, Thessalia, Græcia, Macedonia, omnisq; Bæotia committeretur: alteram in eos, qui sine iudicio populi Ro. ciuem Ro. necassent. qua lege unum Ciceronem sibi iam pridem inimicum petebat, qui in consulatu ex senatus consulto in coniurationis socios animaduerti iusserat. Quæ lege promulgata Cicero uestem, ac cū eo boni omnes mutarunt. Consules à Clodio tribuno in concionem producti factum Ciceronis improbarunt. Quæ cum Cicero uideret, seq; à M. Crasso, Cn. Pompeio, C. Cæsare desertum sentiret, quanquam à multis defendebatur, ne sua causa ciuium cædes ulla fieret, circiter K. Apr. vrbe cecidit. eodemq; die rogatio de provincijs consulum lata, domus eius in Palatio à Clodio incensa, area libertati consecrata, bona publicata, prædia direpta sunt. lex de Ciceronis exilio lata, & ut eiaqua, & igni interdiceretur: ne quisquam tectum intra quingenta millia passuum ab Italia præberet. ne quis de eo ad senatum referret, ne decerneret, ne disputaret, ne loqueretur, ne pedibus iret, ne scribendo adesset. Cicero in Macedoniam se contulit. post Clodius cum à L. Flauio prætore petijisset, ut Tigranis filium, quem Pompeius apud eum posuerat, adduci iuberet, atque adductum dimisisset, nec repetenti Pompeio reddidisset, Pompeium à se valde abalienatum, ut de Cicerone reuocando cogitaret, impulit. itaque cum hoc anno ab octo tribunis pl. de reditu eius promulgatum esset, unius tamen Aelii Liguris intercessionem nihil perfici potuit. Dio, Appianus, Plutarchus, Cicero pro domo, pro Sextio, ubique.

De re gesta à C. Cæsare pro cos. in Gallia.

BELLUM Gallicum transalpinum in Gallia, quod Cæsar per 12 annos gessit, hoc anno susceptum est, non Gallorum magis culpa, quam Cæsaris, qui gloriæ cupidus omnem belli occasionem arripuit. Heluetij enim tectis suis incensis, atque relictis cum nouas quærerent sedes iter facere per provinciam populi R. quæ Fabij Allobrogici uictoria primum parta, post Marij uirtute ab impetu Cimbrorum defensa fuerat, (ea Narbonensis Gallia dicebatur) statuerunt, L. Pifone, A. Gabinio cos. Cæsar, cum id nuntiatum esset, maximis itineribus in Galliam ulteriorem contendit; legatis eorum, transitum id. Apr. petentibus negat se more populi Ro. posse iter ulli per provinciam dare; et si uim facere conentur, prohibitorum ostendit. Heluetij ea spe deiectioni ab Sequanis impetrant, ut per agrum Sequanorum, & Aeduorum iter in Santonum fines faciant, qui non longe à Tolosatium finibus aberant, quæ ciuitas erat in provincia. Id cum Cæsar non sine provinciæ periculo futurum intelligeret, præterea Aeduorum, Ambarorum, Allobrogum precibus, qui se ab Heluetijs uexari querebantur, adductus, castris motis eos ad Ararim flumen assecutus pagum Tigurinum omnem concidit. Equitatus deinde Cæsaris, quem, ut uideret, quas in partes hostes iter facerent, præmiserat, cupidius nouissimum eorum agmen assecutus comisso prælio cæsis aliquot fusus est. Postremo Cæsar ab Heluetijs prælio lacessitus summo certamine eos uicit, atque in deditionem acceptos, domos suas, quas incenderant, repetere iussit. His rebus gestis Cæsar precibus Aeduorum, & Sequanorum permotus, qui se ab Ariouisto Germanorum rege crudelissime opprimi querebantur, quod M. Pifone, M. Messalla cos. senatus consultum factum erat, ut qui provinciam Galliam obtineret, Aeduos, ceterosq; amicos populi R. defenderet, in Ariouistum exercitum duxit, milites metu tanti hostis perterritos uerbis confirmauit. ubi per colloquium nihil cum Ariouisto, quia in Galliam descenderat, transigi potuit, prælio eum maximo fufum, usque ad Rhenum insequitur. Ita una æstate duobus bellis confectis in hyberna in Sequanos exercitum deduxit, hybernis Labienum præposuit, ipse in citeriorem Galliam ad conuentus agendos profectus est. Hæc Cæsar lib. 1. Dio, Plutarchus.

Commentarius in fastos

DE COS. AN. DCXCVI.

CONSULES subsequuntur in hunc annum apud Cassiodorum P. Lentulus, Q. Metellus; apud Dionē P. Cornelius P.F. Lentulus Spinther, Q. Cæcilius Q. F. Metellus Nepos. Quorum meminit his uerbis Valerius lib. 1x: Lentulus, & Metellus in consulatu collegæ ambo in scena propter similitudinem histrionum spectati sunt. sed alter ex quodam assecularum cognomen Spintheris traxit, alter nisi Nepotis à moribus accepisset, Pamphili retiarij, cui similitudo esse ferebatur, habuisset. item Plinius lib. v 11, cap. 11. P. Lentuli Spintheris cos. meminit Cicero in primo epistolarum, & in orationibus sapissime, Plutarchus in Cicerone, Pædianus in Milonianâ; Q. Metelli Nepotis cos. Cicero in v epistolarum. P. Lentulus ædilis curulis fuit Cicerone consule, auctore Salustio; prætor ex ratione annali, Afranio, & Metello; ex prætura citeriorem Hispaniam obtinuit, Bibulo, & Cæsare. quanquam Gabinio etiam & Pisonem cos. in ea fuisse uideatur, quod Cicero ita scribit ad eum lib. 1: Memineram nobis priuatis usque ad Cæsarem, & Bibulum consules, cum sententiæ nostræ magnum in senatu pondus haberent, unum fere sensum fuisse bonorum omnium. postea cum tu Hispaniam citeriorem cum imperio obtineres, neque resp. consules haberet, sed mercatores prouinciarum etc. significat enim Gabinium, & Pisonem cos. Cæsar autem lib. primò ciuil. belli ait, eum suo beneficio prouinciam Hispaniam ex prætura obtinuisse. Q. Metellus Nepos Murena, & Silano cos. tribunatū pl. Afranio autem, & Metello præturam gessit, teste Dione. ex prætura autē in prouinciā profectus est Cæsar eos. quam rem intelligit Cicero lib. 11 ad Att. inquit: Expecto tuas literas, quoniam Nepos proficiscitur, cui nam auguratus deferatur. Ex consulatu autem ille in Ciliciam, hic in Hispaniam citeriorem profectus est. Lentulus illam per triennium, Nepos hanc per biennium obtinuit. illi Ap. Claudius, huic Cn. Pompeius post consulatum ambo successerunt. ille de prouincia post triumphauit, hic in prouincia obiit.

De Cicerone restituto, & alijs urbanis actis.

Hoc anno M. Cicero, qui à P. Clodio tribuno pl. lege tributis comitijs lata priore anno urbe pulsus fuerat, Cn. Pompeio inter alios nitente, & T. Annio Milone tribuno pl. agente, P. Lentulo consule referente, patiente autem collegæ eius Q. Metello, lege centuriata sextili mense maximo senatus gaudio, & vniuersæ Italiæ reuocatus est. Area domus eius pontificum sententijs religione liberata, quod Clodij adoptionem contra leges fuisse, atque omnia eius tribunatus acta irrita esse censerent. Domus, ac uilla publica pecunia restitutæ sunt. Cui in reditu eius summa annonæ caritas esset, S. C. in illius sententiam factum est, ut Cn. Pompeius rei frumentariæ per quinquennium præficeretur, cum eodem imperio, quod is ad piraticum bellum habuerat. Cum autē Pompeius legatos quindecim legeret, Ciceronē principem nominauit. Eodē anno T. Milo P. Clodium ædilitatis candidatū de ui postulauit, ac sæpe manu, & ferro cū eo in urbe dimicauit. Ptolemæus Aegypti rex consumpta ingenti pecunia, quam per uim ab Aegyptijs extorserat, ut focius Populi R. appellaretur, à suis, qui se ad Cyprum à Romanis repetendam, aut amicitiam eis renunciandam hortabantur, quod eos non audiret, regno pulsus Romam uenit. Aegyptij Berénice sorore eius ad regnū euecta legatos & ipsi Romam miserunt, qui crimina regis purgarent, quorum alios ferro rex sustulit; alios pecunia, ne quid aduersus se agerent, corrupit. atque hoc eodem anno extremo Roma discessit. id quod ex annali xx 11 Fenestellæ; ut ait Nonius, intelligi potest. Ut magistratum, inquit, miserunt tribuni, C. Cato turbulentus adolescens, & audax, nec imparatus ad dicendum concionibus assiduus inuidiam, & Ptolemæo simul, qui iam ex urbe profectus erat, & P. Lentulo consuli paranti iam iter, cogitare secundo quidem populū rē morē cepit. Hac ex Dione, Plutarcho, Appiano, orationibus Ciceronis, & epistolis.

De re gesta in Gallia à C. Cæsare pro cos.

Hoc anno Cæsar, contra Belgas, quos per hyemem inter se coniurasse contra Romanos accepit, duxit exercitum. ac primum quidem Belgas cæcidit, deinde Sueffonibus, Bellouacis, & Ambianis, qui se dedebant in fidem receptis, in Neruios profectus eorum gentem prope ad internicionem redegit. Qua clade audita Aduaticis, qui auxilio ueniebant ex itinere domum reuersi, se se potestati Cæsaris permiserunt. Eodem tempore à P. Crasso, quem cum una legione miserat ad Venetos, Vnellos, Osifinos, Curiosolitas, Sefuuios, Aulercos, Rhodones, quæ sunt maritimæ ciuitates

ciuitates, certior factus est Cæsar omnes eas ciuitates in deditionem populi R. esse redactas. Quibus rebus gestis exercitu in eas ciuitates, quæ propinquæ ijs erant locis, ubi bellum gesserat, in hiberna deducto in Italiam profectus est. ob easq; res x v dierum supplicatio decreta est, quod ante id tempus acciderat nulli. Cæsar, Dio, Plutarchus, Orosius, alij.

DE COS. AN. DCXCVII.

CONSULES suggerit Cassiodorus Cn. Lentulum, L. Philippum. Dio, Cn. Cornelium P.F. Lentulum Marcellinum, L. Marcium L. F. Philippum. Lentuli, & Marcellini cos. meminit Cicero in epistolis ad Lentulum; Marcij Philippi consulis Plutarchus in Catone. P. Lentulus P. Lentuli filius est, eius qui fuit M. Marcelli filius, ut ait Cicero in Bruto. Est autem Marcellinus appellatus, non Clodianus: uel ut intelligerent omnes, ex qua Claudiorum familia ortus esset; uel, ut ipse ab altero Lentulo Clodiano tum uiuente internoscereetur. L. Philippus L. Philippi F. est eius, qui cos. & censor fuit anno DCLXII, & DCLXVII. Idem socer M. Catonis fuit, ut scribit Plutarchus in Catone.

De Ptolemæo Cypri, & Ptolemæo Aegypti regibus.

M. CATO lege P. Clodij tribuni pl. priore anno cum potestate prætoria in Cyprum profectus, ut, rege Ptolemæo pulso, insulam in prouinciæ formam redigeret, ac bona eius publicaret, per Canidium, quem præmiserat, regi, qui sibi uim fieri non est passus, persuasit, ut sponte Cypro cederet. eius autem morte percepta, quam rex ueneno hausto ipse sibi Rhodi consueuerat, Byzantium exules, quod ei quoque lege mandatum erat, reduxit; ac deinde in Cyprum profectus, insula constituta, regiam suppellectilem omnem, quæ preciosissima erat, Romam his consulibus cum magna senatus, ac magistratuum omnium occurrentium uoluptate, ac plausu per Tiberim deuexit. qua de causa senatus ei præturam citra comitia decreuit. quem ille honorem repudiavit. sic enim apud Plutarchum ἐξαιρέτως σφαγῆται interpretor, sequutus Valerium, qui lib. IIII, inquit, de Catone ita: Campestem experiri temeritatem, quàm curiæ beneficio uti, satius esse duxit. Dio quidem ei ut petere ante legitimum tempus præturam posset, esse permissum scribit. Itaque Marcellinus hoc factum improbens ait lib. XIIII: Non piget dicere, anide magis Cyprum insulam populum R. inuasisse, quàm iuste. Ptolemæo enim rege sœderato nobis, & socio ob æriarum nostrarum angustias iussu sine ulla culpa proscribi, ideo hausto ueneno uoluntaria morte deletus, & tributaria facta est, & uelut hostiles eius exuiæ classi impositæ, in urbem adductæ sunt per Catonem. & Velleius: Cyprus senatus consulto, ministerio Catonis, regis morte facta prouincia est. Ptolemæus autem Aegypti regem, ne statim aut à Pompeio, aut à P. Lentulo Ciliciæ pro cos. qui ambo regis reductionem affectabant, restitueretur, uersus quidam Sybyllini impediabant, quibus Romani admonebantur, ne regem Alexandrinum profugum cum exercitu reducerent. Qua re cognita Ptolemæus reditu desperato Ephesum se contulit. Eodem anno Clodius ædilis curulis diem Miloni de ui dixit, quem Pompeius defendit. Cicero cum in Capitolium comite Milone ascendisset, tabulas, quibus acta P. Clodij tr. pl. continebantur, sustulit. Plutarchus in Catone, Dio, Appianus.

De re gesta à Cæsare pro cos. in Gallia.

CUM CÆSAR in Illyrico esset, Veneti populi præfectos P. Craffi, qui in Andibus hyemabant, pro datis Cæsari obliuibus retinent. Ea de re Cæsar certior factus, cum in Galliam reuertisset, Venetos nauali prælio uictos in deditionem accepit. Eodem tempore in alia parte Titurius Sabinus legatus eius Vnellos, Crassus Sontiates in Aquitania, atque inde omnes sere Aquitanicæ populos partim ui, partim metu, ut se dederent, coegerunt. Cæsar lib. III, & Dio. Plutarchus adijcit, hoc anno Cæsarem Lucæ hyemasse, atque eò colloquendi causa Pompeium & Crassum, Ap. Claudium Sardinie prætorem, Metellum Nepotem Hispanie pro consulem, aliosq; senatores multos conuenisse.

DE COS. AN. DCXCVIII.

CUM C. CATONIS tribuni pl. intercessionibus comitia tollerentur, senatus uestem mutauit. Consules ex interregno facti sunt Cn. Pompeius, M. Crassus iterum. ut Plutarchus, Dio, &

Commentarius in fastos

& Appianus auctores sunt. L. Domitius Ahenobarbus, quem Cato, ac boni omnes deducebant, foro per uim pulsus, Cato ipse uulneratus est. Hos consules Dio uocat Cn. Pompeium Cn. F. Magnum II, M. Licinium P. F. Crassum II. Quorum Padianus, Eutropius, & alij etiam meminerunt. M. Cato in petitione præturae prælato Vatinio repulsam tulit. Idem cum legem impedit, qua prouinciæ consulibus in quinquennium Pompeio Hispaniæ, Crasso Syria, & Parthicum bellum, Cæsari Gallia, & Germania in alterum quinquennium dabatur, à C. Trebonio tribuno pl. legis auctore in uincula ductus est. Theatrum Pompeius consul dicauit; ludos magnificentissimos edidit. L. Piso reuersus est ex Macèdonia, Q. Ancharius ex prætura ei successit. Cicero in Pisoniana, Padianus in argumento eius.

De rebus à Metello Nepote. A. Gabinio pro cos.

M. Crasso, & C. Cæsare gestis.

Q. METELLVS Nepos, qui ex consulatu in Hispaniam citeriorem missus erat, hoc anno, ut ait Dio, uario euentu pugnauit. Nam cum quidam populi sollicitatis Vaccæis defecissent, primo quidem à Nepote imparati prælio uicti post eum Cluniam obsidentem in fugam coniecerunt. in altera autem parte fusi sunt illi quidem, uerum non adeo, ut in eius potestatem uenirent; Nepos autem & ipse libenter quiesceret. Quæ causa effecit, ut Pompeio Hispaniæ decernerentur, qui tamen Iuliæ uxoris amore captus in prouinciam non est profectus, sed eam per legatos Petreium, & Afraniû administrauit. A. autem Gabinius, qui Syriæ post consulatum præerat, Ptolemæum cû exercitu in regnum, nulla neque Sibyllinorum carminum, neque senatus habita ratione, unius iussu Pompeij, reduxit. Nam cum primum ægrotasset, ubi recreatus est, bellum in Parthos parauit, ut Mithridatem Phraate patre mortuo à fratre Orode pulsus restitueret. post autem literis à Pompeio acceptis, omisso Partho, ac filio Sisenna in Syria relicto, traiecit in Palæstinam, ac Aristobulum nouas res molientem comprehendit, tributoq; Iudæis imposito in Aegyptum mouit. Archelaum, quem Berenice regina, interfecto Seleuco, maritum, & regem asciauerat, captum studiose dimisit. Victis deinde pedestri, naualiqu; prælio Aegyptijs, atque Archelao ipso occiso, Aegyptum Ptolemæo concessit. Interea Syri à latronibus absente: Gabinio uastati, legatis Romam missis Gabinium sequenti anno accusarunt. M. autem Crassus prouinciæ cupidus in consulatu ipso paludatus exijt, neque Ateij Capitonis tribuni pl. obnûnciationibus, dirisq; commotus, de lectu habito, in Syriam propere contendit. Dio, Plutarchus, Appianus. Itaque iure Cicero ad Atticum ita scribit: Crassum nostrum minore dignitate aiunt profectum, quàm olim æqualem eius L. Paullum, item Tiberium iterum consules. Ea uero, quæ sequuta est hyme, qui fuit annus Cn. Pompeio, M. Crasso cos. Vsi petes, Germani, Tenchtheri magna cum multitudine Rhenum transierunt, non longe à mari, quo Rhenus influit; quod ab Sueuis complures annos exagitati bello premebantur. Sueuorum gens longe maxima, & bellicosissima Germanorum omnium est. His de rebus certior Cæsar factus, infirmitatem Gallorum ueritus, mature ad exercitum proficiscitur, atque labantibus iam multorum Gallorum animis confirmatis in eos, qui in Gallia erant, castra mouet. atque improviso adortus funditus delet. Germanico in Gallia bello confectio Rhenum sibi transeundum esse statuit, atque Germanos ipsos, à quibus tam sæpe Gallia uexata esset, in sua sibi regione petendos ponte in flumen facto in Sicambrorum fines contendit. atque eorum uicis, ædificijsq; incensis, ab Vbijs, ad quorum auxilium uenerat, cognouit Sueuos audito suo in Germaniam transitu in syluas coniugēs, liberosq; deposuisse, omnes, qui arma fere possent in unum locum conuenisse medium earum regionum, quas Sueni obtinerent; hic Romanum exercitum expectare. Quod ubi Cæsar accepit, in Galliam se rettulit, & pontem refecit. Post autem cum sciret omnibus fere Gallicis bellis à Britanis esse hostibus populi R. subministrata auxilia, in Britanniam proficisci contendit. In eam cum traiecisset facto prælio Britanos, ut se Cæsari commendarent, impulit. classis eius, quæ equitatum transportabat sæuissima tempestate iactata est. Quare Britani elati rursus arma capiunt, atque cum Cæsare congressi fusi, fugatiq; sunt. Cæsar pacem petentibus dedit, atque obsidibus acceptis in Galliam redijt. Morini præterea rebellantes uicti, Menapij in deditionem accepti sunt. His rebus gestis ex literis Cæsaris dierum x supplicatio à senatu decreta est. Cæsar, Dio, Plutarchus.

De censoribus.

ANNVS quo Marcellinus, & Philippus consules fuerunt legitimus erat creandis censoribus, præsertim quinquennio absoluto. consules tamen non esse passos creari, primum sub indicant hæc uerba

uerba Ciceronis ex epistola ad Att. lib. 1111, Metello, & Lentulo cos. scripta: Ego me à Pompeio legari ita sum passus, ut nulla re impediret, quin, si uellem, mihi esset integrum, si comitia censorum proximi consules haberent, petere posse. deinde quòd idem in hunc annum censores creatos esse ostendit in altera eius libri epistola, quæ Crasso, & Pompeio cos. scripta est ante diem 1111 K. Maias. cum ait: Sane scire uelim, num censum impediunt tribuni diebus iniiciendis, totaq; de censura quid agant. Item in sequenti: Perscribe ad me, quid primus dies, quid secundus, quid censores, quid Appius. Lustrum autem hoc certe anno conditum non est, siquidem idem in epistola scripta Claudio, & Domitio cos. ita ait: Non enim puto te de lustris, quod iam desperatum est, querere. Quod autem portenti simile uidetur, ne hoc quidem anno in tanta harum historiarum celebritate, qui censores fuerint, traditur. Ego tamen opinor alterum horum fuisse M. Valerium Messallam, qui consul cum M. Pisone fuit. quem Plinius lib. v 11, cap. x 11, & Valerius lib. 1 x, cap. x v, consularem, & censorium uocant. Et quanquam scio M. Messallam alterum censorem fuisse cum Casio Longino anno d x c 1 x, puto tamen non eum, sed hunc intelligi à Plinio, & Valerio. Vterque enim cum exempla multa proferat eorum, qui oris forma similes extiterunt, hunc inter eos nominat, qui eius prope æquales fuerunt, Pompeium Strabonem, Pompeium Magnum Strabonis filium, Lentulos Spintherem, & Nepotem, M. Messallam consularem, & censorium, C. Curionem patrem. Opinor autem eos propterea consularem, & censorium adiecisse, ut eum distinguerent à M. Messalla, qui biennio post cum Domitio cos. fuit, nec censor hoc anno esse potuit, quia non dum consularis erat. Eiusdem censoris meminit capite de censoria nota post Geram censorem; ita: Item M. Valerius Messalla censoria nota pestrius censoria postmodum potestate imperauit. Hoc tempore lege, ut dixi, Clodij debilitata censura erat, quam legem post Q. Scipio cos. abrogauit.

DE COS. AN. DCXCIX.

CONSULES suggerit in hunc annum Cæsar, Cassiodorus, & Obsequens Ap. Claudium, L. Domitium. Quos Padianus in orat. pro Scauro uocat L. Domitium Ahenobarbum, Ap. Claudium Pulchrum: Dio L. Domitium Cn. F. Ahenobarbum, Ap. Claudium Ap. F. Pulchrum. L. Domitij Cn. F. Ahenobarbi meminit quoque Cælius in v 111 epistolarum. Hunc annum ab urbe cond. numerat Dio dcc, sequutus Plinianam, ut puto, supputationem, Ap. Claudius prætor fuit Lentulo, & Metello cos: quo anno Cicero restitutus est, ex prætura autem Sardiniam obtinuit. Padianus auctor, & Cicero, & Plutarchus. L. Domitius præturam gessit Gabinio, & Pisone cos. ut ex Suetonio in Cæsare, & Ciceronis epistolis ad Q. fratrem colligi potest; priore autem anno consulatus repulsam tulit. Appio Ciliciam obtigisse, atque P. Lentulo successisse epistolæ Ciceronis satis indicant. hæc etiam de re sic his cos. scribit ad Lentulum: Appius in sermonibus antea dictabat, postea dixit etiam in senatu palam sese, si licitum esset, legem curiatam ferre, fortitutum esse cum collega prouinciam, si curiata lex non esset, se paraturum cum collega, tibiq; successurum. legem curiatam consuli ferri opus esse, necesse non esse. se quoniam ex S. C. prouinciam haberet, lege Cornelia imperium habiturum, quoad in urbem introisset, & ad Att. lib. 1111: Appius sine lege suo sumptu in Ciliciam cogitat. A. Gabinus hoc anno a. d. x 11 K. Octob. ad urbem accessit, 1111 K. noctu in urbem intrauit, ut Cicero scribit ad Q. Fratrem; damnatus est autem, quòd contra senatus, & populi iudicium Ptolemæum in regnum reduxisset, uel repugnante Pompeio, qui pro cos. cum imperio rei frumentariæ causa ad urbem manebat. Julia Cæsaris filia Pompeij uxor mortua in campo Martio sepulta est: Dio, Plutarchus.

De triumpho C. Pontinij pro cos. de Allobrogibus.

C. PONTINIUS cum Q. Metello Celere præturam gessit Cicerone cos. Salustio auctore. ex prætura autem in ulteriorem Galliam missus est, ut Q. Metellus in citeriorem. atque ibi fuisse per biennium uidetur, quia Dio in rebus exponendis ijs, quæ Pisone, & Messalla cos. gestæ sunt, rerum à Pontinio in Gallia gestarum meminit. Bellum autem cum Allobrogibus eum gessisse coniuratione Catilinæ permotis significat Cicero in or. de prouincijs consularibus ita: C. Pontinius fortissimus uir ortum repente bellum Allobrogum, atque scelerata coniuratione Catilinæ excitatum prælijs fregit, eosq; domuit, qui lacebauerunt, & ea uictoria contentus rep. metu liberata quieuit. in epitoma etiam c 111 ita est: C. Pontinius prætor Allobroges, qui rebellauerant, ad Solonem domuit. & Dio, Allobrogibus, inquit, Narbonensem Galliam uastantibus, C. Pontinius Galliæ prætor legatos aduersus hostes immisit, ipse castris loco idoneo communis opportu-

Commentarius in fastos

num inuadendi hostis tempus expectabat. Ac Manlius quidem Ventinus Ventiam oppidum ita oppugnauit, ut legatos ad eum de pace miserint. post autem agrestium improviso incurrentium impetu ab oppido repulsus agrum libere populatus est, donec Cotugnatus dux eorum alijs quibusdam ex ijs, qui ad Isaram incolunt, auxilio uenit. quos, insidijs citra flumen positis, omnes fere palatos persecutus ad internicionem redegit. L. autem Marius, & Ser. Galba traiecto Rhodano, ac uastatis Allobrogum agris, cum ad Solonium peruenissent, hostes praelio subegerunt. quin oppidum caperent Cotugnatus impedimento fuit. His rebus cognitis Pontinius castra mouit, atque oppido obsidione capto, omnibusq; præter Cotognatū in potestatem redactis, reliqua facilius deinde administrauit. Hæc de re. de triumpho autem, satis constat, eum his cos. triumphasse auctore eodem Dione, qui ita scribit: Eodem anno triumphauit de Gallis C. Pontinius, qui ad id usque tempus nemine triumphum permittente extra pomerium manserat. neque uero tum impetrasset, nisi Ser. Galba prætor, qui sub eo stipendia fecerat, clam ante lucem quosdam in suffragium misisset, cum tamen ante primam horam nihil agi cum populo posset. propterea tribuni quidam, qui non affuerant, ei triumphanti negotium, ita ut quidam etiam uulnerarentur, præbuerunt. Hinc Cicero in epist. ad Att. his cos. scripta lib. 1111 ait: Pontinius uult a. d. 1111 non. Nou. triumphare. huic obuiam Cato, & Seruilius prætores aperte, & Q. Mucius tr. pl. negant enim latum de imperio. & est latum hercule insulse. sed erit cum Pontinio Appius cos. Cato tamē affirmat, se uiuo illum non triumphare. id ego puto, ut multa eiusdem, ad nihil recasurum. & ad Q. Fratrem lib. 1111: Pontinio ad triumphum a. d. 1111 non. Nouemb. uolebam adesse. etenim erit nescio quid negotioli. Nam Cato, & Seruilius prætores prohibuitur se minantur. nec quid possint, scio. ille enim & Appium consulem secum habebit, & prætores, & tribunos pl. sed minantur tamen, in primisq; ὁ γὰρ πρῶτος Scauola. & in Pisonem: C. ipsi Pontinio triumphare iam non est integrum. religionibus enim susceptis impeditur. Græci hunc modo πομπίνιον, modo πομπίνιον uocant, Latini nunc Pomptinum, nunc Pontinum, nunc Pontinium, quod magis probo. Apparet autem post Pompeium neminem, nisi hoc anno triumphasse Romæ. nam in Capitolinis triumphorum fragmentis triumpho Pompeij subijcitur hic numerus D C X C I X. qui sequentis proximi est triumphus nota.

De re gesta à M. Crasso, & à C. Cæsare pro cos.

His consulibus M. Crassus, cum iam in Syriam prouinciam peruenisset, atque quieti ibi esse omnia offendisset, belli gerendi, & pecuniæ cumulandæ cupidus, in Parthos, quorum tum rex erat Orodes, & ipsos paulo ante pacatos, nec quicquam mouentes, sine ulla aut senatus auctoritate, aut populi iussu, exercitum duxit; ac traiecto Euphrate, ac plerisque Mesopotamiæ locis vastatis regionis eius satrapen imparatum adortus ad Ichnias (id loci nomen est) equestri praelio facile vicit, atque eodem impetu cum alias vrbes, tum maxime Nicephorium in potestatem adduxit, & Zenodotiam militibus diripiendam concessit. Locis omnibus, quæ intra Tigrim sunt, in ditionem redactis, ac præsijs impositis in Syriam in hyberna recessit, ac temere tempus Parthis se ad bellum comparandi dedit. Dio, Appianus, Plutarchus. Cæsar autem ex Illyrio, quod ad incursiones Pirustarum cohibendas iuerat, in citeriorem Galliam, atque inde ad exercitum reuersus, Treuiros imperio non parentes, ac Germanos transrhenanos sollicitantes in fide continuit; comparata classe in Britanniam iterum traiecit. cumq; ibi prospere pugnasset maxima hostium multitudine deleta, atque aliqua insulæ parte in potestatem adducta, obsidibus acceptis, ac tributis impositis, in Galliam in hyberna se recepit. Disperitis in hyberna cum legionibus legatis, Gallorum aliquot populi Ambiorige duce Eburonum descenderunt, à quibus L. Aurunculeius Cotta, & Q. Titurius Sabinus legati circumuenti cum exercitu, cui præerant, cæsi sunt. qua illi uictoria elati improviso ad hyberna Q. Ciceronis, qui in Neruijs erat, aduolarunt, ac Ciceronem ipsum undique obsidione cinxerunt. castra acerrime ab hostibus oppugnata, atque à Romanis defensa à Cæsare demum ipso cum exercitu accurrente fufis, cæsisq; hostibus liberata sunt. Cæsar, Dio, Plutarchus.

D E C O S. A N. D C C.

In hunc annum consulatum petierunt magna contentione, atque ambitu C. Memmius, Cn. Domitius, M. Messalla, M. Scaurus, ut scribit Cicero ad Q. fratrem. facti autem sunt ex interregno septimo huius anni mense M. Messalla, & Cn. Domitius, qui ne tum quidem creati fuissent, nisi Q. Pompeius Rufus trib. pl. qui intercessionibus comitia tollebat, ex senatus consulto in carcerem

cerem cōiectus fuisset, atque idem se de ceteris facturum, qui comitia impedissent, senatus ostendisset. Hæc Dio. Appianus octo menses remp. sine magistratibus fuisse; Plutarchus in tanto rerum motu legem à Lucilio tr. pl. promulgatam de dictatore Cn. Pompeio creando, qui remp. constitueret, scribit, ac Catone repugnante nihil effectum. Dio non solum de dictatore, sed etiam de tribunis militum consulari potestate creandis mentionem à tribunis pl. illatam ait: consules autem Messallam, & Caluinum, Pompeio annitente, esse creatos. Cn. Domitius Caluinus M. F. M. N. in Capitolinis tabulis scribitur anno DCCVIII, & DCCXVI. M. Messallam Cn. Domitij collegam per annos LV augurem fuisse tradit Macrobius lib. 1.

De re gesta à M. Crasso, & à C. Cæsare pro cos.

IN SEQUENTI anno, M. Crassus in Parthos reuersus, contemptis prodigijs, Euphratem transiit, ac relicto à tergo, qui solus & com meatus subuehere, & ipsum munire poterat, Euphrate, à simulato quodam, cui credidit, transfuga deceptus, in media camporum uastitate exercitum ex omni parte petendum hosti obiecit. Itaque cum Carrhas peruenisset, à præfectis regis Surena, & Syllace circumuentus omnem pene cum filio P. Crasso, qui ad eum ex Gallia à Cæsare uenerat, exercitum amisit. cuius reliquijs in collem receptis, euocatus à Surena in colloquium, tanquam de pace acturo, captus, atque, ne uiuus in potestatem hostium perueniret, repugnans, occisus est. Exercitus in Armeniam, & Ciliciam, quo quenque fuga rapuit, distractus. Cassius Longinus quæstor cum aliqua parte in Syriam incolumis redijt. Dio, Plutarchus, Appianus.

Cæsar autem cum Treuiros ceteros Gallos sollicitare, atque undique bellum parari uideret, ex hi-bernis mouens eos primo concursu in fugam compulit; ac ponte in Rhenum refecto, in Germanos, quod eos auxilia contra se Treuiris dedisse compererat, iterum ducit. Cum autem per Vbios exploratores cognouisset, Sueuos sese in syluas recepisse, in Galliam aduersus Ambiorigem Eburonum regem aduersus se nouas res molientem contendit, atque Eburones ipsos longius persecutus late fudit, ac dissipauit. Cæsar, Dio, Plutarchus.

DE COS. AN. DCCI.

IN hoc quidem anno K. Ian. consules in rep. fuerunt, uerum ex interregno creati sunt. Petebant autem consulatum T. Annius Milo, P. Plautius Hypsæus, & Q. Metellus Scipio non solum largitione palam profusa, sed etiam factionibus armatorum succincti. Cum autem diu tractata comitia consularia essent, perficij; ob eas ipsas perditas candidatorum contentiones non possent, & ob id mense Ianuario nulli dum neque consules, neque prætores essent, ac Milo quamprimum comitia confici, competitores eius trahi uellent, ideoq; Q. Pompeius gener Scipionis, & T. Munatius Plancus tribuni pl. referri ad senatum de patricijs conuocandis, qui interregem proderent, non essent passi: Milo Lanuuium, cuius erat dictator, proficiscens P. Clodium inimicum suum, qui suorum aduersariorum petitionem aperte contra se adiuuaret, sibi ultra Bouillas occurrentem occidit. cadauer eius Romam relatum in curia à Sex. Clodio scriba crematum est, quo incendio curia flagrauit. Domum etiam M. Lepidi interregis Clodiana multitudo oppugnavit, fasces ex lecto libitinæ raptos attulit ad domum Scipionis, & Hypsæi, deinde ad hortos Cn. Pompeij, clamitans eum modo consulem, modo dictatorem. Incendio curiæ Milo recreatus Romam redierat, petebatq; nihilo minus consulatum. siebant interea alij ex alijs interreges, qui comitia consularia propter eorum candidatorum tumultus & easdem manus armatas habere non poterant. Itaque primo S. C. factum erat, ut interrex, & tribuni pl. & Cn. Pompeius, qui pro consule ad urbem erat, uiderent, ne quid detrimenti resp. caperet, delectus autem Pompeius tota Italia haberet. cum ne ita quidem tumultus quiesceret, crebesceret autem rumor, Cn. Pompeium creari dictatorem oportere, uisum est optimatibus tutius esse, eum consulem sine collega creari. & cum tractata res esset in senatu, facto in M. Bibuli sententiam S. C. Pompeius ab interrege Ser. Sulpicio v. K. Mart. mense intercalario consul creatus est. statimq; consulatum inijt. Ita autem uisum est, ut Pompeius dictatoria prope armatus potestate facilius remp. legibus, atque armis constitueret. quem honorem ut ante nemini delatum, ita ipse libentissime accepit. post autem ut uitaret inuidiam in quinque menses extremos Q. Metellum Scipionem socerum sibi collegam subrogauit. Hæc Pædianus in Milonianam, Dio, Appianus, Plutarchus. In epitoma etiam CVI ita: P. Clodij à T. Annio Milone candidato consulatus in Appia via ad Bouillas occisi corpus plebs in curia cremauit. cum seditiones inter candidatos consulatus, Hypsæum, & Scipionem, & Milonem essent, qui armis, ac ui contendebant; ad comprimendas eas Cn. Pompeius legatus à senatu,

Commentarius in fastos

tu, consul tertium factus est absens, & solus; quod nulli alij unquam. Collega Pompeij Q. Cæcilius Q. F. Metellus Pius Scipio in epistola Cælij uocatur; & à Dione Q. Cæcilius Metellus Scipio Nasicæ F. de quo alio loco diximus. Pompeius cos. legem tulit, qua sibi Hispaniam prouinciam, ut ait Dio, in alterum quinquennium, ut Plutarchus, in quadriennium prorogauit; item leges de ui, & de ambitu acerbiores, quam antea, tulit; tribunis pl. præterea auctor fuit, ut legem promulgaret, qua ratio absentis Cæsaris in petitione consulatus haberetur, eaq; contradicente M. Catone lata est. Dio etiam hoc anno ad cohibendum ambitum senatus consultum factum per interregnum narrat, ne quis consularis, aut prætorius, nisi post annos quinque, in prouincias iret. idq; post etiam auctore ipso Pompeio consule confirmatum. Scipio collega eius censoriam potestatem, quam Clodius imminuerat, lege restituit.

*De re gesta à C. Cassio Longino quæstore in Syria,
C. Cæsare pro cos. in Gallia.*

C. CASSIUS M. Crafsi quæstor, cum ex clade, quæ à Parthis ad Carrhas illata est, cum parte exercitus in Syriam se recepisset incolumis: hoc, ut opinor, anno Parthorum, qui in Syriam transcenderant, impetum retudit. Siquidem scribit Dio, Parthos uictoria elatos non admodum magnis copijs in Syriam, quam nullo teneri exercitu opinabantur, transisse, atque à Cassio fortissime repulsos esse. Reliqua enim quæ ab eo de Cassio narrantur in sequentem annum referenda sunt. At uero Cæsar in Italiam ad conuentus agendos profectus cognouit de Clodij cæde. de senatusq; consulto certior factus, ut omnes Italiæ iuniores coniurarent, delectum tota prouincia habere instituit. His rebus in Galliam perlatis, Galli retineri urbano motu Cæsarem, nec in tantis dissensionibus ad exercitum uenire posse rati, qui ante se populi Ro. imperio subiectos dolerent, liberius, atque audacius de bello iniri consilia incipiunt. Carnutes belli principes se fore professi, aliorum auxilia fide, ac iureiurando petunt. ac die constituta Genabin profecti ciues Romanos, qui negociandi caussa ibi constiterant, interficiunt. qua re Aruerni cognita, & ipsi Vercingetorige duce arma capiunt, & Pictones, Parisios, Cadurcos, Turenos, Aulercos, Lemonicos, Andos, per legatos, Bituriges armis ad belli societatem sibi adiungunt. His rebus Cæsari in Italiam nunciatis, Narbonem in transalpinam Galliam profectus, præsidia in Rutenis prouincialibus, Volcis, Artonicis, Tolosatibus circumq; Narbonem, quæ loca erant hostibus finitima, constituit. ceterisq; quæ opportuna uidebantur, comparatis oppidum Senonum Vellaunodunum oppugnatum recepit, Genabum Carnutum in potestatem adductum diripit, & incendit, atque in Bituriges profectus, Nouiodunum, & Auaricum diuturna oppugnatione, atque difficili cepit. in Aruernos inde cum exercitum duxisset, ut Gergouiam diu oppugnatam omisit, ita Alexiam, quod est oppidum Mandubiorum, magno apparatu obsessam, atque circumuallatam, dedito sibi Vercingetorige Aruerni belli auctore, & imperatore, in ditionem suam adduxit. Aeduos, Aruernosq; qui defecerant, in fidem recepit. ipse legatis in diuersas Galliæ partes in hiberna dimissis, Bibracte hiemare constituit. Huius anni rebus cognitis Romæ dierum uiginti supplicatio indicitur. Cæsar, Dio, Plutarchus, epitomæ.

DE COS. AN. DCCII.

In hunc annum creati consules sunt M. Marcellus, Ser. Sulpicius, auctore Cassiodoro, Plutarcho, Appiano. quos Dio uocat Ser. Sulpicium Q. F. Rufum, M. Claudium M. F. Marcellum. eorum etiam consulum meminit Suetonius in Cæsare, Cicero in epistolis, & epitoma c v i i i ita: In petitione consulatus M. Cato repulsam tulit, creatis consulibus Ser. Sulpicio, & M. Marcello. Hic M. Marcellus C. Marcelli eius, qui cum Lentulo cōsul fuit, frater germanus fuit. uterq; enim M. F. dicitur, & à Dione, & à Capit. auctoribus. C. autem Marcellus, qui cum Paulo consul est, quem Cicero C. F. appellat, horum est frater patruelis, ut ait Suetonius. De Ser. Sulpicio Q. F. Lemonia Rufo Cicero in i x Philippica. hic in consulatu Ciceronis repulsam passus est prælato ei L. Murena. Hoc anno M. Marcellus cos. Cæsaris inimicus ad senatum rettulit, ut Cæsari contra legem Pompeij, & Crafsi ante tempus succederetur, & ut is exercitum dimitteret, & ne eius absentis in petitione consulatus ratio haberetur, & ut colonis, quos ille rogatione Vatinia Nouocomum deduxisset, ciuitas adimeretur. Quibus rebus Cæsar per Ser. Sulpicium Marcelli collegam, & per tribunos pl. aliquot summa ope obstitit, atque sententijs dictis, discessionem faciente Marcello, senatus in alia omnia iuit. Itaque Cælius ad Ciceronem scribit, perspecta Cn. Pompeij uoluntate (is ad urbem cum imperio erat) in eam partem, ut cum decedere post K. Mart. placeret.

placeret, quæ erant futuræ Paulo, & Marcello cos. senatus consultum factum esse prid. K. Oct. uti L. Paullus, C. Marcellus consules, cum magistratum inissent a. d. 1 x K. Mart. quæ in suo magistratu futuræ essent, de consularibus prouincijs ad senatum referrent. Item senatus consultum factum esse, ne quis eorum, qui potestatem habent intercedendi, impediendi, moram afferret, quo minus de rep. quamprimum ad senatum referretur, & senatus consultum fieri posset; qui impedisset, eum senatum existimare contra temp. fecisse: intercessisse huic senatus consulto C. Cælius, L. Vicinius, P. Cornelium, C. Vibium Pansam.

De triumpho P. Lentuli Spintheris, & Ap. Claudij Pulchri ex Cilicia.

P. LENTULVS Spinther in consulatu Ciliciam sortitus eam per triennium obtinuit. ibi uero quas res gesserit, nemo literarum monumentis mandauit. Cicero tamen cum bene rem gessisse significat, cū ad eum ita scribit: Rem te ualde bene gessisse rumor erat. expectabantur literæ tuæ. Item: Tua causa te esse imperatorem, prouinciamq; bene gestis rebus cum exercitu uictore obtinere, ut debeo, lator. Triumphasse etiam eundem indicat lib. v ad Att. cum ait: Acciperam satis celeriter Iconij per publicanorum tabellarios à Lentuli triumpho datas. Ea uero epistola quoniam scripta est idib. Febr. Paulo, & Marcello cos. propterea fit, ut triumphum Lentuli in hunc annum esse reiiciendum putem. Iconij enim Sulpicio, & Marcello cos. fuit. Triumphauit autem serius Lentulus, quàm debuit, inimicorum fortasse calumnijs, ut alij ante multi, impeditus. Ap. autem Claudius in Ciliciam ex consulatu profectus ex ea succedente ei Cicerone hoc anno decessit, ut ex epistolis ad eū Ciceronis apparet. ne res quidem eius gestas quicque memoriæ tradidit. ociosum tamen in prouincia eum non fuisse, & nomen Imperatoris paratum, & triumphus, quem postulaturus fuit, satis indicant. ubi autem ad urbem uenit, accusatus à P. Dolabella de maiestate, triumphi postulationem, quam in animo habuerat, abiicit. sic enim scribit ad Ciceronem in Ciliciam Cælius: Non dubito, quin perlatum ad te sit, Appium à Dolabella reum factum. sane quam non eā, quam existimaueram, inuidia. neque enim stulte Appius, qui simul atque Dolabella accessit ad tribunal, introierat in urbem, triumphiq; postulationem abiecerat, paratiorq; uisus est, quàm putauerat accusator. & Cicero ad Appium ex Cilicia. Illud plane moleste tuli, quod certissimum, & iustissimum triumphum hoc inuidorum consilio esse tibi ereptum videbam.

De re gesta à M. Cicerone pro cos. in Cilicia.

M. CICERO multis post consulatum annis, hoc anno 111 K. Sext. ex S. C. uenit pro cos. cum imperio in Ciliciam prouinciam, atque Ap. Claudio tum decedenti successit. In ea rem satis prospere gessit, ita ut parto Imperatoris nomine triumphum etiam sperarit. Res ab eo ibi gestas nemo fere prodidit. Ipse tantum ad Catonem scribens ita ait: Cum ad Amanum cum exercitu uenissem. Parthos ab Antiochia recessisse, Bibulum Antiochiæ esse cognoui; cumq; eo animo uenissem, ut utrique prouinciæ, si ita tempus ferret, subuenirem, tamen id, quod iam statueram, uehementer interesse utriusque prouinciæ, pacare Amanum, & perpetuum hostem ex eo monte tollere, agere perrexi, cūq; me discedere ab eo monte simulassem, & alias partes Ciliciæ petere, abessemq; ab Amano iter unius diei, & castra apud Epiphaneam fecissem. a. d. 111 id. Oct. cum ad uesperasceret, expedito exercitu ita noctu iter feci, ut a. d. 111 id. Oct. cum lucefceret, in Amanum ascenderem. distributisq; cohortibus, & auxilijs, cum alijs Q. frater legatus mecum simul, alijs C. Pontinius legatus, reliquis M. Anneius, & L. Tullius legati præessent, plerosq; nec opinantes oppressimus. qui occisi, captiq; sunt interclusi fuga. Eranam, quæ fuit, non uici instar, sed urbis, quod erat Amani caput, itemq; Sepyram, & Ceminorum, acriter, & diu repugnantibus, Pontinio illam partem Amani tenente ex ante lucano tempore usque ad horam diei decimam magna multitudine hostium occisa, cepimus. castellaq; sex capta, complura incendimus. His rebus ita gestis castra in radicibus Amani habuimus apud aras Alexandri quadriduum, & in reliquijs Amani delendis, agrisq; uastandis, quæ pars eius montis in ea prouinciæ est, id tempus omne consumpsimus. confectis his rebus ad oppidum Eleutherocilicum Pindenissum exercitum adduxi. quod cum esset altissimo, ac munitissimo loco, ab ijsq; incoletur, qui ne regibus quidem unquam paruissent, cum & fugitiuos reciperent, & Parthorum euentum acerrime expectarent, ad existimationem imperij pertinere arbitratus sum, comprimere eorum audaciam, quo facilius etiā ceterorum animi, qui alieni essent ab imperio nostro, frangerentur. uallo & fossa circumdedi. sex castellis, castrisq; maximis sepi. aggere, uincis, turribus oppugnaui. ususq; tormentis mul-

Commentarius in fastos

tis, multis sagittarijs, magno labore meo, sine ulla molestia, sumptuve sociorum septimo quinquagesimo die rem confeci; ut omnibus partibus urbis disturbatis, aut incensis compulsi in potestatem meam uenirent. his erant finitimi pari scelere, & audacia Tibarani. ab his Pindenisso capto obliides accepi. exercitum in hiberna dimisi. Eadem fere ad Att. lib. v: Saturnalibus mane se mihi Pindenissæ dediderunt septimo & quinquagesimo die, postquam oppugnare eos cœpimus. Inde ἐν ἐπιτομῇ ea quæ gesserit narrat. Tarsum, inquit, ueni a. d. 111 non. Octob. inde in Amanum contendit, qui Syriam à Cilicia aquarum diuortio diuidit, qui mōs hostium erat plenus sem piternorum. hic a. d. 111 Id. Oct. magnum numerum hostium cæcidimus. castella munitissima nocturno Pontinij aduentu nostro matutino cepimus, incendimus, imperatores appellati sumus, castra apud Issum habuimus. Ibi dies quinque morati, direpto, & uastato Amano inde discessimus. Interim rumore aduentus nostri, & Casio, qui Antiochia tenebatur, animus accessit, & Parthis timor iniectus est. Itaque eos cedentes ab oppido Casius insecutus rem bene gessit. qua in fuga Osaces dux Parthorum uulnus accepit, eoq; interijt paucis post diebus. uenit interim Bibulus. nos Pindenissum, quod oppidum munitissimum Eleutherocilicum omnium memoria in armis fuit, cinximus uallo, & fossa, atque oppido potiti sumus. & c. Idem scribit ad Cœlium. Idē se Paulo, & Marcello cos. annuo imperio terminato decessisse 111 K. Sext. scribit sapius. De triumpho autem, quem Lentulo, & Marcello acturus erat, sic lib. v 11 ad Att: se Pompeium uidisse 111 Id. Decem. de triumpho hertatum esse, ne ante in senatum accederet, quàm rem confecisset. at ad Tironem ita: Ego ad urbem accessi prid. non. Ian. obuam mihi sic est proditum, ut nihil fieri potuerit honoratius. Item: Nobis inter has turbas senatus, tamens frequens flagitauit triumphum, sed Lentulus cos. quo maius suum beneficium faceret, simulatq; expedit, quæ essent necessaria de rep. dixit, se relaturū. At aliter Plutarchus: In senatu cum ei triumphum decernerent, ipsum dixisse sibi iucundius esse, si Cæsarem triumphantem sequeretur. Hac certe ille spe in urbem non nisi uicō Pompeio introiuit, ac lictores, & fasces laureatos semper habuit.

De re à C. Casio quaestore, & à M. Bibulo pro cos. gesta in Syria.

M. BIBULUS, qui Cæsaris in consulatu collega fuit, hoc anno in prouinciam Syriam pro cōsule uenit aliquanto serius, quàm in Ciliciam Cicero. Nam ad Atticum loco citato, ubi dixit, se post diem 111 id. Octob. Amano uastato discessisse, ita subiicit: Interim rumore aduentus nostri, & Casio, qui Antiochia tenebatur, animus accessit, & Parthis timor iniectus est. Itaque eos cedētes ab oppido Casius insequutus rem bene gessit, qua in fuga magna auctoritate Osaces dux Parthorum uulnus accepit, eoq; interijt paucis post diebus. uenit interim Bibulus; in eodem Amano cœpit laureolam in mustaceo quærere. at ille cohortem primam totam perdidit, & centurio nem primipili Asinium Dentonem, & Sex. Lucilium tribunum militum. De utroque autem sic Dio: Iterum Parthi Pacori Orodīs regis filij nomine, Osace quodam duce, se in Syriam intulerunt, atque redactis omnibus in potestatem locis usque ad Antiochiam peruenerunt. à quo oppido Casij uirtute repulsi iter ad Antigoniam conuerterunt; atque in itinere positis insidijs ab eodem circumuenti magnam cladem, Osace ipso duce, acceperunt. quo sublato Pacorus tota Syria recessit. Itaque Bibulus, qui Syriæ deinde præfuit, quietam prouinciam eam habuit, ac inter Parthos ipsos bellum concitauit; Ornodapanta enim Satrapen quendam Orodīs regis inimicum impulit, ut Pacorum filium regem constitueret, ac cum eo bellum aduersus Orodem gesseret. ita bellum Romanorum cum Parthis quarto, ex quo cœptum erat, anno finem habuit Sulpicio, & Marcello cos. Appianus etiam in Syriaca Parthos pro consule Bibulo in Syriam irrupisse ait. De C. Casio sic Velleius: Reliquias legionum Crassi C. Casius atrocissimi mox auctor facinoris rum quaestor conseruauit, Syriamq; adeo in populi R. potestate retinuit, ut transgressos in eam Parthos felici euentu fugaret, ac funderet. Cæsar lib. 111 belli ciuilis M. Crassum imp. à Parthis interfectum, M. Bibulum in obsidionem habitum scribit.

De re gesta à C. Cæsare pro cos. in Gallia.

CÆSAR rebellantes Gallos per hiemem in fide continuit. eodemq; tempore Carnutes, à quibus Bituriges se bello opprimi querebantur, est persecutus. inde Bellouacos, quos Corbeo Bellouaco, & Commio Atrebate exercitum comparare compererat, ut in fines Suefionum, qui Rhemis attributi erant, impresionem facerent, adortus equestribus prælijs afflictos Corbeo interfecto ad deditionem compulit. à C. Caninio, & C. Fabio legatis in Pictonibus res bene gesta est. Vxellodunum à Drapete, & Luterio in Carnutibus occupatum magnis operibus obseffum, atque

atque aquarum copia interclusum tandem in potestatem Cæsaris uenit. in Treuiris à Labieno bene pugnatum. in Aquitaniam, quam ante per P. Crassum deuicerat, profectus omnes ciuitates eius in fidem recepit. quibus rebus gestis dimissis in hiberna legatis, ipse Narbonem contendit. ac paucos dies in provincia moratus in Belgium ad legiones se recepit, ibiq; hibernauit. Hirtius, Dio, Plutarchus, Orosius.

DE COS. AN. DCCIII.

INDE L. Paullus, C. Marcellus consules subsequuti sunt, auctore Cassiodoro, Dione, Suetonio, & Hirtio lib. v. Horum alter L. Aemilius M. F. Paullus à Dione, alter C. Claudius C. F. Marcellus à Cicerone in epistolis nominatur. Dio hunc ab alijs ἀνεψιόν, ab alijs ἀδελφόν M. Marcelli traditum, Suetonius patruelem fuisse aperte scribit. L. Paullus præturam gessit Caluino, & Messalla cos. anno ante quàm Clodius occideretur. Itaque Cicero sic loquitur pro Milone: P. Clodius, cum uideret ita tracta esse comitia anno superiore, ut non multos menses præturam gerere posset, qui L. Paullum collegam effugere uellet, subito reliquit annum suum, seq; in annum proximum transtulit. His comitijs repulsam tulit L. Lentulus Crus, qui postero anno consulatum gessit; ut scribit ad Ciceronem Cælius. Hoc anno ueritus Cæsar, ne se provincia, & exercitu spoliatum consulatum præsentē petere inimici sui compellerent, L. Paullum consulem, & C. Curionem tribunum pl. ante actionibus suis aduersatum, magna mercede sibi defensores parauit. Cum de dimittendis Cæsaris exercitibus referretur, Curio ita assensus est, si et ceteri quoque, (nimirum Pompeium notans, qui post consulatum secundum in Hispania per legatos bellum gerebat, atque hoc etiam anno pro cos. ad urbem erat,) ab armis discederent, atque exercitus dimitterent. In eam sententiam ne discessio fieret, consules & amici Pompeij impedimento fuerunt. senatus consultum fit, ut ad bellum Parthicum legio una à Cn. Pompeio, altera à C. Cæsare mitterentur. Cæsar Cn. Pompeio legionem primam remisit, quam ab eo ex Pompeij numero acceperat, & ex suo numero quintam decimam. Atque ita duabus legionibus spoliatus est, quæ cum ad bellum Parthicum non esset necessaria, Cn. Pompeio à Marcello consule traditæ sunt. Hirtius, & Dio, & Plutarchus.

De censoribus.

CENSORES in hunc annum refert Dio Ap. Claudium, & L. Pisonem Cæsaris focerum. Idē ab Ap. Claudio multos equites, & senatores notatos scribit inuito collega, libertinos, atque alios nobiles multos, atque inter ceteros C. Salustium historicum senatu esse motos. Ap. Claudij censoris meminit Cicero in epistolis ad Appium ipsum hoc anno ex Cilicia scriptis. item in libro de diuinatione primo, ita: Appius cenfor non satis scienter P. Ateium notauit, quod e mentitum auspicia subscripserit. Cæsar etiam libro primo de bello ciuili meminit L. Pisonis censoris Lentulo, & Marcello cos. Adiecit Dio neminem prudentem hoc tempore hunc magistratum affectasse, ne aut notandis ciuibus in odium, aut notis prætereundis, in populi reprehensionem incurreret. censum actum inde quis suspicari poterit, quod scribit Plutarchus ante bellum ciuile cccxxx millia ciuium censa, cum anno dccv, Cæsare censum agente, dimidio minus inuenta sint.

De re gesta à Cæsare pro cos. in Gallia.

CAESAR hoc anno nullum bellum gessit, uerum operam dedit, ne sub discessu suo necessitatem sibi aliquam imponeret belli gerendi. Itaque honorifice ciuitates appellando, principes maximis præmijs afficiendo, nulla onera noua imponendo defessam tot aduersis prælijs Galliam conditione parendi meliorem facile in pace continuit. Ipse hibernis peractis in Italiam profectus est, ut municipia, & colonias appellaret, quibus M. Antonij quæstoris sui commendaret sacerdotij petitionem. T. Labieno Galliarum Togatæ præfecto in Treuiros ad exercitum redijt, neque aliud memorabile gessit. Rufus Gallias, & Britanias decimo anno à Cæsare tributarias factas scribit. & Velleius: Galliarum ductu, auspicijsque Cæsaris infractæ pene idem, quod totus orbis, ignauum conferunt stipendium.

DE COS. AN. DCCIII.

Hic annus consules habuit L. Lentulum, C. Marcellum. auctor Cassiodorus, Appianus, Plutarchus, Hirtius, Florus, Cicero in epistolis. Dio hos consules uocat L. Cornelium P. F. Lentulum,

Commentarius in fastos

tulum, C. Claudium M. F. Marcellum. In fragmentis Capitolinis est etiam C. CLAVDIVS M. F. M. N. MARCELLVS. Hic est L. Lentulus Crus, qui prioribus comitijs repulsam tulerrat, auctore Cœlio. Significat etiam Hirtius lib. v 111, Ser. Galbam præteritum his comitijs, cum ait: Insolenter aduersarij Cæsaris gloriabantur L. Lentulum, & C. Marcellum consules creatos, qui omnem honorem, & dignitatem Cæsaris expoliarent, ereptum Ser. Galbæ consulatum, cum is multo plus gratia, suffragijsq; ualuisset, quod sibi coniunctus, & familiaritate, & necessitudine legationis esset.

De bello ciuili Cæsaris, & C. Cæsare dictatore.

QVOD prioribus duobus annis ab aduersarijs Cæsaris obtineri non potuit, initio huius anni perfectum est. Etenim in sententiam Scipionis Metelli senatus consultum factum est, ut antè certam diem Cæsar exercitum dimitteret; si non faceret, eum aduersus remp. facturum uideri: intercessit M. Antonius, Q. Cassius tribuni pl. Itaque de imperio Cæsaris, & de tribunis pl. intercederentibus grauissime, acerbissimeq; decretum est. factum etiam senatus consultum est antè diem v 11 id. Ian. darent operam consules, prætores, tribuni pl. quique consulares essent ad urbem, ne quid resp. detrimenti caperent. Profugiunt statim ex urbe tribuni pl. seq; ad Cæsarem: qui Rauennæ eo tempore erat, expectabatq; suis postulatis responsa, conferunt. Post senatus consultum sit, uti pecunia Pompeio ex ærario detur; provinciæ consulares Syria, & Gallia priuatis decernuntur; reliquæ prætoriar; Scipioni obuenit Syria, L. Domitio Gallia, in reliquis prouincijs prætores mittuntur, paludatiq; uotis nuncupatis exeunt, tota Italia delectus habentur, arma imperantur, pecuniæ à municipijs exiguntur. Cæsar cū inimicorū decretis, tum uerbis Antonij, & Cassij incitatus, exercitum ad suam dignitatem aduersus inimicos suos defendendam hortatus, traiecit Rúbicōne Ariminum, quod extra prouinciā eius erat, proficiscitur. Idem ubi missis ultro citroq; de pacē legatis, res conuenire non potuit, exercitu Pisaurum, Fanum, Anconam occupat, Tignium recipit, & Auximum. Quibus rebus magnus Romæ terror coortus, Romæ consules, atque optimates omnes profugerunt. Interim Picenum Cæsar percurrit, Asculum à Lentulo Spinthere desertum recipit, Corfinij, quod à L. Domitio Ahenobarbo tenebatur, unā cum ipso Domitio, quem tamen dimisit, potitur. His rebus auditis Pompeius Luceria proficiscitur Canusium, atque inde Brundisium, Brundisio autem munito in Epirum Dyrrhachium, quo consules ante traiecerant, cum omnibus copijs, relicta Italia, traiecit. Cæsar eum persecutus, custodibus Brundisio impositis, ad urbem redit. ibi concione aduocata iniurijs inimicorum expositis, animum suum egregium reip. recuperandæ, ac conseruandæ aperit; pecuniāq; ex ærario, quāquam L. Metello tribuno pl. reclamante, extorta, M. Lepido urbi præfecto, in Hispaniam, quæ à legatis Pompeij post secundum, ut dixi, eius consulatum L. Afranio, & M. Petreio tenebatur, profectus, Masiham, quæ sibi in itinere portas claudebat, obsedit. ac relictis in obsidione urbis eius legatis C. Trebonio, & D. Bruto, cum in Hispaniam peruenisset, Afranium, & Petreium cum v 11 legionibus ad Ilerdam in ditionem accepit, atque ambos incolumes dimisit. Hispanijs receptis Masiilienſes duobus prælijs naualibus deuicti, diuturna obsidione fatigati potè stati se Cæsaris permiserunt. Cæsar Masiiliæ latam Romæ de dictatore creando legem, seq; à M. Lepido prætorē dictatorem dictū cognouit. Placentiæ militibus seditionem mouentibus cohibitis Romam uenit. sic Cæsar lib. primo de bello ciuili. at Dio ita: Cæsare reuertente ex Hispania M. Aemilius Lepidus, is qui postea triumphus factus est, prætor populo persuasit, ut Cæsarem dictatorem crearet, eumq; statim dixit contra leges. is autē ubi in urbem uenit, magistratu inito, exulibus omnibus redeundi potestatem, præterquam Miloni, concessit; magistratus subrogauit, sacerdotes suffecit, Gallis transpadanis ciuitatem dedit. quibus rebus actis dictatura se abdicauit. Plutarchus Cæsarem intra x 1 dies dictatura abiisse, cum à senatu dictus esset, ait. Appianus eū neque à senatu, neque à consule, sed à seipso dictatorem factum scribit, uerum siue ad leuandam inuidiam, siue quod eo magistratu non egeret, per x 1 tantum dies eam tenuisse. Qua de re sic ipse tradit lib. 111: Cæsar his rebus, & ferijs Latinis, comitijsq; omnibus perficiendis x 1 dies tribuit, dictaturaq; se abdicat, & ab urbe profectus Brundisium peruenit. Quantum autem ex Capitolinis fragmentis intelligi potest, creatus est sine magistro eq. quod etiam ante fieri ceptum fuerat. Eodem anno P. Dolabella Cæsaris legatus à M. Octauiō, & L. Scribonio Libone Dalmatia pulsus. C. Antonius ibidem captus est. C. Curio Siciliam M. Catone exacto occupauit, cumq; in Africam traiecisset, ac prospere aduersus Atium Varum pugnasset, à Iuba rege Mauritanie Pompeianas partes tuentē cū exercitu cæsus est. Dio, alij.

CASSIODORVS in hunc annum edit consules C. Cæsarem II, & P. Seruiliū; Dio C. Iulium C. F. Cæsarem II, P. Seruiliū P. F. Isauricum. Hi autem creati sunt dictatore habente comitia Cæsare. sic enim ipse lib. IIII scribit: Dictatore Cæsare habente comitia consules creantur Iulius Cæsar, & P. Seruilius Isauricus. is enim erat annus, quo per leges ei consulem fieri liceret. Idem scribit Plutarchus, Suetonius, & Appianus. Legem autem intelligit eam, qua vetabatur, ne quis intra decem annos iterum consul fieret. P. Seruilius P. Seruiliij F. est eius, qui primus Isaurici cognomen inuenit, qui hoc anno consulatum Romæ, Cæsare in Macedonia rem gerente, administrauit, ac M. Cælio prætori seditiones in urbe nouarum spe tabularum sollicitata plebe concitanti magistratum abrogauit. Is urbe pulsus Miloni exuli, qui fugitiuorum exercitū contraxerat, se coniunxit. Vtcrque, cū bellum molirentur, interempti sunt. Dio, Appianus, alij.

De re gesta à C. Cæsare aduersus Cn. Pompeium.

CN. POMPEIUS magnis ex omni Asia copijs comparatis Thessalonica hyemauit, ratus Cæsarem bello Hispanienti diu occupatum aduersus se hoc anno non esse exercitum adducturū. Cæsar autem exitu anni Roma profectus Brundisium contendit, cumq; Epirum ipsam exiguo, fere inimicorum teneri præsidio accepisset, in eam III non. Ian. traiecit. Eidem Orico, atque Apollonia receptis, Dyrrhachium petenti, ad flumen Apsum Pompeius, improuiso eius aduentu accepto, ex Macedonia occurrit. qui cum sibi pugnandum esse statuisset, recenti Antoniani exercitus ad Cæsarem aduentu commotus, cum se persequente Cæsare Dyrrachium recepisset, Cæsarem prælio ita uicit, ut ille ob rei frumentariæ inopiam castra inde in Thessaliam transferre coactus fuerit. Qua de causa Pompeius imp. appellatus, magno eum animo persecutus, in Pharsalia è regione substitit. Ibi ambobus exercitibus extremo congressis prælio, Pompeius maxima accepta clade fugatus, cum ad mare peruenisset, nauim conscendit, atque in Aegyptum delatus, iussu regis Ptolemæi, auctore Theodoto præceptore, & Photino, occisus est ab Achilla in nauicula, antequam in terram egrederetur, eodem die, quo de Mithridate, & Tigra regibus triumpharat. Cornelia uxor, & Sex. Pompeius filius in Cyprum refugerunt. Cæsar post diem tertium insecutus, cum ei Theodotus caput Pompeij, & annulum obtulisset, doluit, & illacrymauit. Appianus, Dio, Plutarchus, alij.

De Cæsare Dictatore II. & consulibus an. DCCVI.

IN hunc annum C. Cæsarem Dictatorem cum magistro equitum M. Antonio creatum inuenio non solum in tabulis Capitolinis, sed etiam apud Dionem, & Plutarchum. Dio quidem ita scribit: Populus R. audita Cn. Pompeij cade, enixe operam dedit, ut Cæsari uictori quàm honorificentissima decreta fierent. ergo consulatum in quinque deinceps annos, dictaturam non in sex menses, ut ante, sed in annum, tribuniciam potestatem in perpetuum ei mandauit. Cæsar autem, quanuis extra Italiam esset, dictaturam statim iniit, cum magistrum eq. M. Antonium non dum prætorium sibi subrogasset, auguribus negantibus magisterium equitum, nisi in sex menses posse mandari. In quo irridendi erant, quòd de dictatore contra leges in annum creato nihil dicerent, magistrum eq. in annum gerere magistratum indigne ferrent. Plutarchus autem hoc modo: Cæsar Alexandria recepta, & Pharnace in Ponto superato in Italiam traiecit, & Romam uenit exitu eius anni, in quem Dictator iterum dictus fuerat, cum nunquam antea magistratus ille annuus fuisset. Itaque apud Dionem etiam Cicero obiecit Antonio, quòd magisterium equitum in totū annum tenuerit, quod nemo ante fecerat. & ipse Cicero in I Philippica, M. Antonium, ait, Cæsare ignaro, cum ille esset Alexandria, beneficio amicorum magistrum equitum esse constitutum. Quo autem titulo hanc dictaturam Cæsar ceperit, nemo tradit. Si autem sequamur laudationem M. Antonij apud Dionem, in qua ille dictatorem aduersus hostes Cæsarem creatum ait, rei gerendæ causa factum dicemus. uerum funebres laudationes, ut inquit Cicero, corrumpere Romanam historiam. ego non alia causa dictaturam inuasisse Cæsarem opinor, quàm ut ea potestate, quæ summa erat, omne ad se unum ius reip. traheret, quod ante multorum erat. quod posteri eius sublato iam à M. Antonio cos. dictatoris nomine, Imperatoris uocabulo expresserunt. Itaque imperandi causa, factum notauit. Ceterum ineunte hoc anno, addit Dio, sædum, ac miserabile prope fuisse urbis Romanæ aspectum, nullis nec prætoribus, nec consulibus designatis. & quanquā inquit,

Commentarius in fastos

inquit, M. Antonius magister equitum purpurea ueste, & sex licitoribus usus speciem quandam libertatis antiquæ referebat, tamen quia præsidij militum septus comitijs populi intererat, tyrannidem eam esse putabat ciuitas, cumq; ea magister equitum faceret, multo grauiora dictatorem ipsum esse facturum suspicabatur. Paulo post profectus ab urbe Antonius præfectum urbis reliquit L. Cæsarem senem, quod nunquam ante factum fuerat a magistro equitum. Eodem autem hoc anno consules fuerunt Q. Fufius Calenus, & P. Vatinius. Hoc cum ex Capitolinis tabulis, tum ex historia Dionis cognoscitur, apud quem ita scriptum est: Aegyptus recepta, & Pharnaces uictus est anno illo, quo Cæsar ipse uere dictator iterum fuit, consules autem exitu anni creati Calenus, & Vatinius esse dicebantur. Item in indice ita:

C. Iulius. C. F. Cæsar. Dict. II.

M. Antonius. M. F. Mag. eq. consules uero.

Q. Fufius. Q. F. Calenus.

P. Vatinius. P. F.

Itaque Cassiodorus, qui dictatorum non meminit, consules in hunc annum edit Q. Fufium, P. Vatinium. quanquam non sine librorum menda. De Vatino autem cos. ita scribit Macrobius lib. II: In consulatu Vatini, quem paucis diebus gessit, notabilis Ciceronis urbanitas circumferebatur. Magnum ostentum, inquit, anno Vatini factum est, quod illo consule nec uer, nec æstas, nec autumnus fuit. Quærenti deinde Vatino, quod grauatus esset domum ad se infirmatum uenire, respondit: uolui in consulatu tuo uenire, sed nox me deprehendit. Hoc autem dictum in C. Caninium aptius cadit, quem post in unam noctem consulem Cæsar creauit, ut infra dicemus. P. Vatinius ex consulatu in Illyricum missus est à Cæsare, ut post in triumpho eius ostendemus. L. Trebellius, & P. Dolabella tribuni pl. inter se de legenouarum tabularum ferenda in urbe contenderunt. Qua de causa cum plebs tumultuaretur, inductis à M. Antonio magistro eq. in urbem militibus, octingenti è plebe cæsi sunt. Cæsar ueteranis cum seditione missionem postulantibus dedit. epitomæ, Dio, alij.

De re gesta à Cæsare in Aegypto, atque in Ponto.

BELLUM hoc anno gessit Cæsar in Aegypto ad Alexandriam, in quo gerendo nouem (ut ait Appianus,) menses consumpsit. Gessit autem id neque loco, neque tempore æquo, sed hyeme, ac inops rerum omnium, & imparatus, auctore Suetonio, hac occasione. Quo tempore ipse Cn. Pompeium in Aegyptum persecutus est, Ptolemæus puer cum sorore Cleopatra, quam paucis ante mensibus regno expulerat, armis decertabat. Cæsar ad se pertinere existimans, quod consul esset, de controuersijs regum cognoscere, sibi placere dixit, Ptolemæum, & sororem à bello discedere, & iure potius, quam armis apud se de controuersijs disceptare. Itaque Cleopatram (cuius etiam amore captum fuisse eum ferunt) & Ptolemæo maiori Aegyptum, Arsinoæ, & Ptolemæo minoribus Cyprum adiudicauit. Photinus autem regni pueri procurator grauius ferens, Cleopatram in societatem Aegyptij regni uenisse, per Achillam exercitum in Cæsarem comparat. Qui exiguitate copiarum eius fretus, Alexandriam adortus à Cæsare repellitur. Arsinoe uacuum regni possessionem sperans se ex regia ad Achillam traiecit, & una bellum administrare cepit. Photinus interea à Cæsare, Achilla post ab Arsinoe, orta inter eos de principatu discordia, per Ganymeden, ad quem imperium delatum erat, est interfectus. Hoc bello his Cæsar detrimentis affectus est. primum aquarum usu fistulis incisis ab hostibus spoliatus est, deinde cum classis eius diriperetur, facibus, quibus insignis illa etiam Ptolemæi bibliotheca flagrauit, hostes propulsare coactus est. post commissam ad Pharum pugnam, cum quandam nauiculam, ut suis open ferret, conscendisset, ab hostibus oppressus se è nauicula eiecit, ac natans uix ad suos incolumis redijt. Postremo autem cum rex Ptolemæus ab eo ad Aegyptios spe fœderis ferendi missus apud eos mansisset, Cæsar summo cum ijs prælio decertauit, in quo rex cum magna Aegyptiorum parte deletus, Arsinoe capta est. Qua uictoria parta Cæsar Cleopatram, & fratri eius minori Ptolemæo regnum Aegypti tradidit; atque in Pharnacem Bospori regem se contulit. Hic enim cum à Pompeio bello Mithridatico Bospori Cimmerij rex constitutus esset, captato tempore, quo Romani inter se armis contendebant, patrij recuperandi regni cupidus Cholchida, & Armeniam, & Cappadociæ, & Ponti partem in potestatem adduxit; Domitium Caluinum à Cæsare ad eius conatus comprimendos missum profligauit; atque hac uictoria ferox reliquas Ponti partes expugnata Amiso occupauit. Hinc cum in Bosporum ad domesticos tumultus sedandos rediret, accepto Cæsar in se ex Aegypto impetu sibi subsistendum ratus, cum eo ad Zeliæ congressus uno prælio fugatus, cum in Bosporum profugeret, ab Afandro Bosporani tumultus auctore est necatus

necatus. Quo factum est, ut merito Cæsar gloriatus sit, se ita cum Pharnace pugnassee, vt eadem hora uenerit, uiderit, & uicerit. Cæsar, Hirtius, Dio, Appianus, Plutarchus.

De triumpho M. Aemilij Lepidi pro pr. ex Hispania.

Hoc anno M. Lepidum ex Hispania triumphasse tradit Dio lib. xlii, his verbis: Cæsar ubi primum à M. Lepido prætor dictatus est (id autem biennio ante factum est.) ipsum statim post præturam in citeriorem Hispaniam milit, & reuersum triumpho ornauit, cum tamẽ ille non solum neminem uicisset, sed ne omnino quidem pugnassee; hoc titulo, quod rebus à Longino, & Marcello gestis interfuisse. Itaque Lepidus in triumpho nihil aliud tulit, quàm pecunias, quibus socios spoliatur. Hoc modo extulit Lepidum Cæsar, eundemq; sibi consuli collegam, dictatori magistrum equitum subrogauit. De rebus autem à Q. Cæcilio Longino, & M. Marcello quæstore, Cæsare, & Seruilio cos. gestis idem tradit lib. xlii. scriptum est etiam in epitoma cx i ita: Propter Q. Cæcij (sic enim legendum, non Catuli) prætoris auaritiâ crudelitatemq; Cordubenses in Hispania cum duabus Varianis legionibus à partibus Cæsaris descuerunt. Probant etiam hunc triumphum Capitolini fasti, in quibus M. Lepidum anno dccx triumphasse ii ex Hispania scriptum est.

DE COS. AN. DCCVII.

Dæ magistratibus huius anni non eadem sentiunt ij, qui Capitolinos magistratus digesserunt, & qui annales Romanos scripserunt. Nam illi Cæsarem dictaturam secundam in annum tantum priorem gessisse putant, hoc autem anno duntaxat consulatum cum M. Lepido administrasse; hi uero Cæsarem hoc anno dictaturam tertiam, & consulatum tertium cum M. Lepido gessisse aiunt; ita vt Cæsar hoc anno iiii dictator fuerit, postero iiii, tertio v. Ergo omnis in eo quæstio posita est, an Cæsar quater, an quinquies dictator fuerit. Verba eorum primũ apponam, post quid ipse sentiam, adscribam. Dio ita lib. xlii: Postero uero anno dictaturam quoque vna cum consulatu, utrumque gessit, collega sibi subrogato in utroque magistratu M. Lepido. & in indice libri hoc modo:

C. Iulius C. F. Cæsar dictator cum M. Aemilio Lepido mag. eq. & cos. iiii cum Aemilio Lepido. Idem sentire uidetur Suetonius, cum scribit: Cæsar tertium, & quartum consulatum titulo tenuit gessit, contentus dictaturæ potestate cum consulatibus decretæ, atque utroque anno binos consules substituit sibi in ternos nouissimos menses, ita ut medio tempore comitia nulla haberet, præter tribunorum, & ædilium plebis, præfectosq; pro prætoribus constituerit, qui præsentem se res urbanas administrarent. Omnino ergo Suetonius cum Dione sentire uidetur, præterquam quod in ternos etiam huius anni nouissimos menses binos consules sibi suffecisse eum scribit; quod nemo prodidit. Dio autem adiicit consulem eum non nisi extremo hoc anno cum M. Lepido esse creatum. Hirtius etiam libro v auctor est, Cæsarem Africa recepta (recepit autem hoc anno) dictatorem fuisse iiii, designatum iiii. A Capitolinis autem lapidibus stat etiam uetustissimus alter lapis, qui quondam Romæ fuit in hortis Colotianis, in quo multi consules horum temporum magna diligentia descripti sunt, qui Cæsarem quater tantum dictatorem prodit; & fortasse etiam Plutarchus, qui inquit: Pharnaces uictus est exitu eius anni, quo Cæsar iterum dictator cum M. Antonio fuit. nam in insequentem annum consul creatus est. item in Antonio: Cæsar iiii cos. designatus non Antonium, sed Lepidum collegam sibi asciuit. & Eutropius, qui ita loquitur: Cæsar Pharnace uicto se Romam contulit, & tertio se consulem fecit cum M. Aemilio Lepido, qui ei magister equitum dictatori ante annum fuerat. Ergo res ita habere uidetur. Anno dcciiii pulso Italia Pompeio Cæsar dictatura in sex menses capta post xi dies abdicauit. anno dccv uicto, occisoq; Pompeio, quo anno consulatum cum Seruilio gessit, decreta est ei dictatura altera in annum, quam postero anno cum M. Antonio magister equitum gessit. eodemq; anno, Scipione, & Iuba in Africa superatis, decreta est ei dictatura tertia in x annos, quam anno dccviii cum M. Aemilio Lepido gessit. eodemq; anno uictis in Hispania Pompeij filijs dictatura quarta ei in perpetuum mandata est, quam gessit anno dccix cum M. Lepido magistro equitum ii. M. Lepidus anno dcciiii præturam gessit, Cæsare, & Dione auctoribus. Lapidis Colotiani exemplum ad amussim descriptum hoc loco placuit interponere; quod eius sæpe testimonio sequentes fastos confirmaturi, ac expleturi sumus.

Commentarius in fastos

G. IVLIVS. CAESAR. IIII. SINE CONLEGA DIC. =			
S V F		Q. FABIVS. MAXIM. C. TRIBONIVS C. F.	
C. CANINIVS C. F.			
F. IVLIVS. CAESAR. DICT. IV. M. AEMILIVS. N. EQ.			
C. IVLIVS CAESAR. V.		M. ANTONIVS M. F.	
S V F. P. CORNELIVS P. F.			
G. VIBIVS C. F.		PANSA.	A. HIRTIVS A. F.
S V F		C. IVLIVS. CAESAR	S V F Q. PEDIVS Q. F.
		C. CARRINAS C. F.	P. VENTIDIVS P. F.
F. AEMILIVS. M. ANTONIVS. IMP. CAESAR IIIIVIR. R. P. C.			
EX A. D. V. K. DEC. AD PR. K. IAN. SEX,			
F. MVNATIVS L. F.		M. AEMILIVS M. F.	
F. ANTONIVS. P. SVLPICIVS		CENS. LVST. N. F.	
F. ANTONIVS		P. SERVILIVS P. F.	
F. N. DOMITIVS M. F.		C. ASINIVS CN. F.	
S V F. L. CORNELIVS,		S V F. P. CANIDIVS P. F.	

De re gesta à C. Cæsare cos. in Africa,

C. CAESAR Pompeio fugato, Aegypto subacta, Pharnace superato, extremo anno, quo dictator iterum fuit, Romam redijt; atque haud ita multo post media hyeme, IIII K. Ian. contra Scipionem, & Iubam Mauritaniae regem in Africam exercitum duxit. in quam post pugnam Pharsalicam P. Scipio, & M. Cato se receperant, atque ibi partes Pompeianas, dum Cæsar in Aegypto moratus est, Iuba socio adiuncto, confirmarant; cum earum imperium ad P. Scipionem delatum, Vticae autem tutela, & custodia M. Catoni mandata esset. Ibi Scipio praelijs aliquot secundis elatus, collatis ad Tapsum cum Cæsare signis, in fugam cum exercitu coniectus; Afranij, & Iubæ castra eodem impetu uictoriae à Cæsare capta, ac direpta sunt. Inde cum citato cursu Cæsar Vticam contenderet, ut uiuum Catonem in potestatem adduceret, eum, audita suorum clade sibi mortem consciuisse inuenit. Post praelium Petreius Iubam, seq; interemit. Scipio in naue circumuentus, honestæ morti uocem quoque adiecit; quærentibus enim hostibus imperatorem, dixit: Imperator bene se habet, atque se percussum in fluctus intulit. Faustus, & Afranius, cum in potestatem uenissent, occisi sunt. Catonis filio uenia data est. Cæsar Romam exercitum deportauit. ob has res ei supplicatio XL dierum decreta est. Dio, Appianus, Hirtius, alij, Hoc bello Numidia, quæ in potestate regis fuerat, in prouinciæ formam redacta est, Hirtio, Appiano, & Velleio auctoribus. quanquam apud Velleium insignis labes est. sic enim vulgo legitur: Ab eodem facta Numidicus Ciliciam perdomuit uisa uicisset post bellum Antiochinum Cn. Manlius Vulso Gallogræciam, loquebatur de Cæsare, à quo Gallia prouincia facta erat. inde pergit: Ab eodem facta Numidia. Ciliciam perdomuit Isauricus, & post bellum Antiochinum Cn. Manlius Vulso Gallogræciam. sic enim historiæ veritas legendum admonet,

De IIII triumphis C. Cæsaris, Gallico, Alexandrino, Pontico, Africano.

EODEM anno Cæsar Romam ex Africa reuersus quatuor triumphos in urbem inuexit, ut Dio, Appianus, Plutarchus, & Suetonius auctores sunt. Nam Cassiodorus eos in eum annum refert, quo ipse cum Q. Fabio cos. fuit. Suetonius quater eodem mense interiectis diebus, itemq; Dio, & Appianus triumphatum referunt. Florus autem, cum post Hispaniensem uictoriam, quam Cæsar postero anno rettulit, horum triumphorum mentionem fecerit, satis indicare uidetur, hos triumphos non hoc anno, sed sequenti fuisse actos. Triumphauit autem ex Gallijs, ex Aegypto, ex Ponto, ex Africa. De Gallico triumpho sic Suetonius: Primum, & excellentissimum triumphum egit Gallicum, cuius die Velabrum præteruehens pene curru excussus est, axe defracto. & Florus: Primum de Gallia triumphum transmiserat Rhenus, & Rhodanus, & ex auro captiuus Oceanus. Hoc triumpho narrat Dio, & Suetonius milites Cæsaris inter carmina, qualia currum prosequentes ioculariter canunt, etiam id pronunciasse.

Gallias Cæsar subegit, Nicomedes Cæsarem.

Ecce Cæsar nunc triumphat, qui subegit Gallias.

Nicomedes non triumphat, qui subegit Cæsarem.

Quod iniquo animo à Cæsare latum tradit Dio, qui idem Vercingetorigem Gallorum regem in triumpho

triumpho ductum, post necatum ait; in triumpho autem Aegypto grauiter animos populi Ro. affecisse Arfinoen reginam ductam, quanquam post à Cæsare fratrum rogatu dimissam; in triumpho Pontico titulum præ se tulisse, cum his verbis: Veni, Vidi, Vici, cum celeritatem victoriæ notare uellet. Ex Africa autem triumphauit, non ut de victis ciuibus, quod nemo ante fecerat, sed tanquam de Iuba rege. quo in triumpho grauiter tulit populus R. imagines ciuium Romanorum, qui uicti fuerant, & eorum casus descriptos transferri; ut Cæsaris, Scipionis, Afranij, & aliorum. Iuba regis filius, is qui historiam scripsit, captiuus in hoc triumpho ductus est. Ac reliquos quidem triumphos ex uetere instituto egit, ultimo autem die, postquam cœnatum est, ipse in suum solum calceatus, & varijs floribus coronatus uenit, atque inde domum uniuerso populo prosequente, & multis elephantis lampadas ferentibus se recepit. Ita Dio. Adiecit de horum triumphorum ornatu Velleius, Gallici triumphi apparatus ex citro, Pontici ex acantho, Alexandrini testudine, Africi chore, Hispaniensis argento rasili constitisse. Idem triumphis actis magnis populum congiarijs affecit, ludos fecit, epulum dedit, gladiatores, & naumachiam ludis funebribus Iuliæ filiæ edidit, ædem Veneri Genitrici prælio Pharsalico uotam dicauit, forū Iulium extruxit iudicia equitibus, & senatoribus communicauit, prætorijs prouincijs annum, consularibus biennium statuit, annum ordinauit, senatum suppleuit, patricios adlegit. Dio, Appianus, Plutarchus, Suetonius.

De censu à C. Cæsare acto.

AFRICA à Cæsare subacta singulares ei à senatu honores decretos inuenio apud Dionem. in primis autem XL^l dierum supplicationem, triumphos quatuor, dictaturam in decennium, atque, ut moribus præfectus esset in triennium. eo enim nomine eum potius, quàm censorem, appellandum esse putauerunt. quod censoris nomen parum ei decorum esse existimarent. Itaque eum hoc anno censum egisse, ac pro CCCXX millibus ciuium, quæ ante ciuile bellum censa essent, CL millia tantum, reliquis bello ciuili confectis inuenisse. Cum autem ipse ciuium paucitatem ex censu cognosceret, præmia ijs, qui liberos multos procreassent, proposuisse. Hæc etiā Appianus. Suetonius autem ita: Recensum populi nec more, nec loco solito, sed uicatim per dominos insularum egit. ac ne qui noui cœtus recensitionis causâ moueri quandoque possent, instituit quotannis in demortuorum locum ex ijs, qui recensiti non essent, subsortitio à prætore fieret. Huius censuræ non meminerunt ij, qui Capitolinas tabulas descripserunt; quia extraordinarius hic Cæsaris honos fuit. non enim censor, sed præfectus morum appellatus est, neque duo (ut ante) censores, sed unus duntaxat censum egit, neque in XV^l menses, sed in tres annos creatus est. Hinc Cicero etiam in epistolis Cæsarem præfectum moribus appellat.

De Cæsare dictatore III, & consulibus an. DCCVIII.

CAESAREM dictatorem III cum M. Lepido magistro eq. in hunc annum reperio prodi ab ijs, qui Capitolinas, & Colotianas tabulas exararunt. à quibus dissentit, ut dixi, Dio, qui hoc anno Cæsarem dictatorem III, Lepidum magistrum equitum II tradit; atque ipsum Lepidum in consulatu, quem cum Cæsare gessit, se ipsum magistrum equitum contra leges renunciassse. Hæc de dictatore. De consulibus uero hæc. Extat in indice Dionis scriptum, in eundem annum Cæsarem dictaturam quartam, & consulatum quartum sine collega gessisse. in ipsius autem historiæ expositione compèrio Cæsarem quartum consulatum statim inisse, neque tamen usque ad extremum annum gessisse, uerum ubi in urbem ex Hispania reuerterit, abdicasse, ac Q. Fabium Maximum, & C. Trebonium sibi in reliquum anni suffecisse. Dionis autem uerba de Cæsare IIII consule solo non abhorrent ab ijs, quæ in fragmentis Capitolinis scripta sunt. in quibus apparet Cæsarem IIII consulem fuisse (ut ego interpretatus sum) sine collega. nam liber Cuspiniani CAESAREM etiam consulem IIII solum prodit. Appianus item, & Plutarchus meminerunt Cæsaris, qui IIII cos. designatus in Hispaniam duxit exercitum. Q. Fabium trimestrem cos. uocat Suetonius. Addit præterea Dio, Cæsarem, mortuo Q. Fabio cos. ultimo anni die, in reliquas horas C. Caninium consulem declarasse. Qua de re sic Cicero ad Curium lib. V^l: In campo cum hora secunda comitijs quæstorij institutis sella Q. Maximi, quem illi consulem esse dicebant, posita esset, eo mortuo nunciato sella sublata est. Ille autem, qui comitijs tributis esset auspicatus, centuriata habuit; consulem hora septima renunciavit, qui usque ad K. Ian. esset, quæ essent futuræ mane postridie. Ita Caninio consule scito neminem prandisse. nihil tamen eo consule mali factum est. fuit enim mirifica uigilantia, qui toto suo consulatu somnum non ui-

Commentarius in fastos

derit. Hinc Suetonius dixit: Prid. K. Ian. repentina consulis morte cessantem honorem in paucas horas petenti dedit. & Macrobius lib. 11: Caninius Rebilus, qui uno die, ut Seruius rettulit, consul fuit, rostra cum ascendisset, pariter honorem iniit consulatus, & eiecit. quod Cicero gaudens omni occasione urbanitatis increpuit: λογοερατος est Caninius consul. Deinde: Hoc consecutus est Rebilus, ut quæreretur, quibus consulibus consul fuerit. dicere præterea non destitit: Vigilantem habemus consulem Caninium, qui in consulatu suo somnum non vidit. Idem lib. 511: Sunt alia scommata minus aspera, ut Tullius in consulem, qui uno tantum die consulatum peregit. Solent, inquit, esse flamines diales, modo cōsules diales habemus. & in eundem: Vigilantissimus est consul noster, qui in consulatu suo somnum non uidit. Eidemq; exprobranti sibi, quod ad eundem consulem non uenisset, ueniebam, inquit, sed nox me comprehendit. & Plinius lib. 511: Q. Fabius Max. in consulatu suo prid. K. Ian. mortuus est. in cuius locum Rebilus paucissimarum horarum consulatum petijt. De Caninio Rebilo idem Suetonius, & Plutarchus in Cæsare. C. autem Trebonius is est, qui anno DCCV prætor urbanus cum M. Cœlio Rufo prætore contendit, quiq; post in Cæsarem coniurauit. quem consularem occisum esse à Dolabella, & à Cæsare ad consulare prouectum fastigium scribit Velleius.

De honorarijs consulibus creati cœptis.

EX hoc anno, ut narrat Dio, honorarij consules creati cœpti sunt. Nam Cæsar, cum neque in annum, neque in reliquum anni spatium consulatum gessisset, sed uiuens, ac nullis legibus, atque auspicijs coactus abdicasset, alium, honoris eius duntaxat gratia, sibi subrogauit. quo exemplo multi alij insequentibus deinceps annis non in totum annum, præter paucos, sed alij in plures, alij in pauciores aut menses, aut dies creati sunt. ex quibus qui K. Ian. inierunt, ij tantum nomē anno dederunt; reliquorū, qui in parte anni fuerunt, nisi forte memorabile aliquid gesserunt, uix ulla consueta memoria est. Itaque eos se persequitur esse Dio negat. quos nos, quanta maxima diligentia potuimus, conquisitos afferemus. hoc autē institutū auctum esse à triūuiris R.P.C. idem ait L. Marcio, C. Caluissio eos. ut ipsi gratiæ causa multos in eundem annum consules designarent, qui in paucos menses, aut etiam dies magistratum gererent. nam hoc tempore suffectos fuisse illos, qui ijs placuerunt, qui, ut in totum annum magistratum gererent, designati fuerant; post uero neminem in totum annum, uerum in alias, atque alias anni partes alios, atque alios cōsules fuisse designatos, qui paucis noti erant, ac propterea minores consules uocabantur; idem autem in prætoribus etiam, & quæstoribus factum esse; hoc enim ab ijs quæsitum, non ut ipsi domi potestatem haberent, sed ut in fastis magistratuum legerentur. quo etiam tempore obscurissimi homines in senatum lecti sunt.

De re gesta à Cæsare in Hispania cum filijs Cn. Pompeij, et triumpho eius.

BELLVM hoc anno à Cæsare gestum est in Hispania cum filijs Cn. Pompeij Magni acerrimum, qui ibi exercitum maximum reparauerant, hac de causa. Milites qui sub Longino Cæsaris legato in Hispania meruerant, cum imperante illo seditionem fecissent, succedente ei C. Trebonio quieuerunt illi quidem, uerum metu Cæsaris ad Scipionem clam in Africam de defectione legatis missis, Scipionem ut in Hispaniam Cn. Pompeium Magni filium mitteret, impulerunt, qui, cum ad eos contenderet, Gymnasijs subactis insulis, morbo implicitus in itinere substitit. Milites interea comperta Scipionis in Africa clade, ueriti ne ante à Didio profligarentur, quem cum classe aduersus se à Cæsare mitti audierant, quàm Pompeius accederet, T. Quintio Scapula, & Q. Aponio ducibus lectis, Trebonium eiecerunt, atque Bæticam omnem ad defectionem sollicitarunt. Interea Pompeius adueniens cum ulterioris Hispaniæ potitus esset, dum Cæsar muneribus dandis in Italia detinetur, partim precibus, partim uel magna comparata manu prouinciam uastare cœpit. Iam enim ad eum Scapula imperium detulerat; & quicumque olim sub Afranio stipendia fecerant, quique ex Africana pugna profugerant, Sextus frater, Varus, & Labienus, ei se adiunxerant. Cum autem crebris nuncijs in Italiā missis ciuitates inimicæ Pompeio auxilia sibi postularent, C. Cæsar magnis itineribus in Hispaniam cum exercitu spatio dierum XXXII uenit. neque enim Q. Pedius, aut Q. Fabius Max. quos legatos ante exercitui præfecerat, iam Pompeij impetum sustinere poterant. Varo à Dio ad Crantiam nauali prælio uicto, obsidente Vllam Cn. Pompeio, Cæsar aduenit. Is adducto ad Cordubam, quæ à Sex. Pompeio tenebatur, exercitu, Cnæum ab Vlla, quam prope ceperat, auocauit. ipse Atteguam circumuallatam obsedit. eò Pompeius accurrens equitatum Cæsaris circumuentum prope concidit. Attegua post à Cæsare capta

capta est a. d. x i K. Mart. ipse Imp. appellatus est. deinde Corduba, post Hispalis, postremo Munda prid. id. Aprilis in potestatem Cæsaris peruenerunt. Is ultimo prælio ad Mundam despectatis rebus etiam de nece cogitasse dicitur. Cn. Pompeius, cum ex prælio effugisset, deprehensus, ac interfectus est. Cæsar uniuersa recepta Hispania, ac bellis ciuilibus omnibus confectis Romanam decessit. Hac victoria ei decretæ sunt quinquaginta dierum supplicationes, atque triumphus quintus; quo triumpho nihil esse populo Ro. potuit grauius. etenim de ciuibz actus est, non de Hispanis. Dio, Appianus, Hirtius, Plutarchus, alij. Velleius reuersum Cæsarem ex Hispania ait mense Octobri. Cum autem triumphus Q. Fabij Maximi hoc anno i i i id. Oct. post Cæsaris triumphum actus sit, facile intelligi potest, paulo ante eum diem Cæsarem triumphasse. Plinius lib. x i i i i, cap. x v: Cæsar Hispaniensi triumpho Chium, & Falernum dedit.

*De triumphis Q. Maximi consulis,
Q. Pedij pro cos. ex Hispania.*

Post Cæsarem Q. Maximum de Hispania triumphasse, docet Quintilianus lib. v i, cum ait: Chrylippus, cum in triumpho Cæsaris eburnea oppida essent translata, & post dies paucos Fabij Maximi lignea, thecas esse oppidorum Cæsaris dixit. Q. Fabium Maximum consulem, Q. Pedium pro cos. de Hispania hoc anno, i i i id. Octobris illum, hunc idib. Decemb. triumphasse scriptum est in Capitolinis tabulis. Hos Cæsar in Hispaniam aduersus Pompeium cum exercitus parte præmiserat, Itaque eos Dio prætores, ac pro prætores appellat. Quanquam autem ipsi per se rem non bene gesserunt, tamen eos triumphare Cæsar uoluit, ut de ciuibz Ro. in Hispania uictis tres triumphus agerentur. in quo maxime populi R. animum perculit, ut ait Dio; qui idem hos ligneis oppidorum imaginibus risum mouisse populo scribit. Hinc Plinius libro x x x v, cap. i i i i, Q. Pedium triumphalem, & consularem uocat. est enim post consul cum C. Cæsare Diui F.

De Cæsare Imperatore appellato, et alijs honoribus ei habitis.

CÆSAR uictis Pompeij in Hispania filijs, atque omnibus ciuilibus bellis confectis nouos quosdam, ac singulares honores sibi decerni à senatu passus est. in primis autem, ut pater patriæ diceretur, consul in decennium (quem tamen honorem post aspernatus est) dictator in perpetuum esset, sacrosanctus haberetur, Quintilis mensis à suo nomine Iulius appellaretur, comitia etiam tributa in potestate haberet, in acta sua magistratus ineuntes iurarent, postremo etiam, ut Imperator appellaretur. Imperatorem autem intelligi uoluerunt, non eum, qui re bene gesta id nominis uel militari studio, uel senatus auctoritate consequutus, sed qui potentiam, & auctoritatem in rep. summam adeptus esset. Quo nomine ipse primus, ac deinde filij, & nepotes eius S. C. affecti sunt, quod prænomen appellat Suetonius, cum ait: Tiberius prænomen Imperatoris recepit. Quo factum est, ut qui post eum summum ius in rep. obtinuerunt, Imperatores appellati sint. neque uero prisca illa, & militaris Imperatoris appellatio antiquata est. ea enim ornabantur, cum rem prospere in bello gessissent. Itaque notas etiam rei sæpius bene gestæ addebant, cum ii, iii, aut iiii se imperatores scriberent. ut apud Iosephum lib. x i i i i antiquitatum. C. Cæsar Imp. iiii, cos. v. dictator perpetuus. & in antiquo epigrammate, hoc:

IMP. CÆSAR DIVI F. AVG. PONT. MAX. COS. XIII. IMP. XX. TRIB. POT. XXXVII. P. P. itemq; in alijs de quibus post dicemus. Cicero etiam in Philippicis obiecit Antonio, quod ascribi in fastis ad Lupercalia iusserit. C. CÆSARI DICTATORI PERPETVO M. ANTONIVM CONSULEM POPVLI IVSSV REGNV M DETVLISSE.

Quemadmodum autem Cæsari imperatoris nomine summum in rep. ius, & imperium traditum est, sic dictatura eidem, ut summam haberet in rep. auctoritatem, mandata est. neque enim aut rei gerendæ, aut seditionis sedandæ, aut comitiorum habendorum, aut ulla alia legitima causa dictatorem eum factum accepimus. ex quo intelligi potest, ut altissimum auctoritatis in rep. fastigium obtineret, eum dictatorem esse creatum. quod ipsi hoc uerbo Imperandi uoluisse exprimere uidentur. Itaque ego silentibus in tanta re Romanis annalibus cum ii, iii, & iiii dictatorem imperandi causa, idest, ut summo iure, atque maximo in rep. imperio uteretur, esse creatum scripsi. nam primam dictaturam comitiorum habendorum causa cepit.

Commentarius in fastos

De Cæsare dictatore IIII, consule V. ann. DCCIX.

et magistris eq. et cos.

DIO in hunc annum Cæsarem dictatorem V cum M. Aemilio Lepido magistro eq. edit; tabulæ autem Capitulinæ, & Colotianæ eum dictatorem IIII profitentur. De magistro equitum scribit Appianus, Cæsarem se cum M. Antonio magistro eq. consulem renunciasse, ac M. Lepidum, qui Hispaniam per legatos administrabat, pro Antonio sibi magistrum equitum cooprasse. Dio autem Cæsarem consules in biennium proximum designasse, & ipsum utroque anno dictaturam fuisse gesturum, cumq; ille alium quendam magistrum equitum dixisset, Octauium etiam, quanquam adolescentem, dixisse. Cum autem Antonius toto anno consulatum gesturus esset, ac ipse Lepidum Galliæ Narbonensi, & Hispaniæ citeriori præfecisset, duos pro ijs alios seorsum utrumque magisterium equitum gerere uoluisse. Quibus ex uerbis hunc sensum elicio. Cæsarem in Antonij locum dixisse magistrum eq. M. Lepidum. at uero cum Lepidus in Hispaniam & Galliam paludatus exiturus esset, tertium quendam magistrum eq. atque etiam quartum sibi cooprasse. tertium autem fuisse C. Octauium, qui initurus erat, ubi primum Lepidus paludatus exiret. quartum Cn. Domitium Caluinum, qui cum esset in insequentem annum designatus, interfecto Cæsare dictatore, non iniit. Huius autem facti hanc causam Dio reddit, quod cum Cæsar multis se debere sentiret, his honoribus eorum beneficia compensare uoluerit. Itaque Appianus etiam ait: Octauius magister equitum factus in annum à Cæsare fuerat, ex quo Cæsar amicos hoc honore afficiens annum cum reddiderat. Plinius libro VII: Repulsa Augusti in magisterio equitum apud auunculum, & contra uoluntatem eius prælatus Lepidus. Quod autem in fragmentis Capitulinis, quæ antè diuulsa à me coniuncta sunt, est: PALVDATVS, id eò pertinet, quod scribit Dio, M. Lepidum tum ad urbem cum exercitu, & imperio fuisse. erat autem exiturus in Galliam ulteriorem, & Hispaniam citeriorem, quas ei decedens à bello Hispaniensi Cæsar tribuerat, cum ulteriori Hispaniæ C. Asinium Pollionem præfecisset. Hæc de dictatore, & magistris eq. De consulibus autem hæc accepimus. Cæsarem una cum M. Antonio dictaturam quintam, & consulatum quintum gessisse Dio, Appianus eundem se cum M. Antonio consulem creasse scribunt. In hunc item annum Cæsarem V, & M. Antonium prodit Cæsiodorus. Eorum meminit quoque lib. primo Macrobius. Quinctilis inquit, mensis Iulius uocatus est in honorem Iulij Cæsaris dictatoris, legem ferente M. Antonio M. F. cos. quod hoc mense a. d. III id. Quinctilis procreatus sit. In Capitulinis præterea, & Colotianis tabulis scriptum est, C. Cæsarem V cum M. Antonio M. F. consulem fuisse. Cæsari autem suffectum P. Cornelium P. F. Hic autem fuit P. Cornelius Dolabella, quem etiam Cæsar, si uixisset, sibi fuit substituturus. Hic ad consulatum peruenit nondum prætorius Dione, xxv annos natus, Appiano auctoribus. Tradit Plutarchus Cæsarem V consulem M. Antonium sibi collegam cooprasse. cum autè sibi Dolabellam sufficere vellet, eaq; de re ad senatum rettulisset, Antonium oratione obstitisse; post autem cum iterum Cæsar renunciari Dolabellam consulem iussisset, obnunciante Antonio, Cæsarem incæpro destituisse. Interfecto autè Cæsare Antonium, scribit Dio, Dolabellam collegam sibi adiunxisse, ueritum, ne seditio oriretur, si eum repudiasset. Appianus Dolabellam, qui in reliquum tempus anni, ubi Cæsar in Parthos paludatus exisset, consul futurus erat, Cæsare occiso, statim ait iniisse. Vnde de Velleius: Dolabella, cæso Cæsare, quem substituturus sibi consulem Cæsar designauerat, fasces, atque insignia corripuit. Dolabellæ Syria, Antonio à senatu Macedonia, à populo citerior Gallia decreta est.

De ouatione C. Cæsaris dict. IIII.

C. CÆSAREM dictatorem IIII VII K. Febr. ex monte Albano ouantem urbem inisse inuenio scriptum in Capitulinis triumphis, eumq; triumphum sextum Cæsaris appellari. Hoc est autem id, de quo scribit Dio; permissum esse inter alios honores Cæsari, ut post serias Latinas in urbem ex monte Albano inueheretur, idest, ut ipse ait, ἐκ τῆς ἀλβανοῦ εἰς τὴν πόλιν ἐσελεύσθην. unde etiam paulo post: εἰς ἱπποδρόμον αὐτὸν μετὰ τῆς ἀλβανοῦ βασιλείας κῆδης ὠνόμασαν. quo in loco uereor, ne legendum sit. εἰς ἱπποδρόμον αὐτὸν ἐκ τῆς ἀλβανοῦ. ut sit: Eundem in urbem equo uectum ex Albano regem quidam appellarunt. siquidem ita scribit Plutarchus: Καὶ κατὰ βαίνοντος ἐξ ἁλβης καίσαρος εἰς τὴν πόλιν ἐτόλμυσαν αὐτὸν ἀσπάζασθαι βασιλεία. i. Quin etiam Cæsarem ex Alba in urbem descendentem regem salutare ausi sunt. Dixi autem supra, quemadmodum equo uchi usurpetur à Dione, pro ouantem inire. Neque uero hic honos idem est cum

eo, cuius Papirius Maso auctor fuit. ille enim in monte Albano triumphum agere instituit. huic concessum, ut feriis Latinis actis in urbem eans ex monte Albano iniret. cuius rei uix meminit Suetonius, sic: Cum è sacrificio Latinarum reuertente eo, inter immodicas, ac nouas populi acclamationes, quidam è turba statux eius coronam lauream candida fascia præligatâ imposuisset, &c.

De C. Cesare interfecto, et bello ciuili Antoniano ad Mutinam excitato.

NIL est ut Cæsare, sic cæde Cæsaris illustrius. quo nos eam etiam breuius, ut cetera, perstringemus. qui plura desiderabit, is Dionem, Appianum, Plutarchum, aliosq; , qui hæc plurimis uerbis persequuntur, adire poterit. Singulares igitur Cæsari à senatu, quos supra breuiter attingimus, exquisiti honores inuidiam ei apud ciues excitarunt, præterea quòd ille senatum se cum plurimis, honorificentissimisq; decretis adeuntem sedens pro æde Veneris Genitricis exceperat, & quòd diadema à M. Antonio consule collega suo inter Lupercos currète capiti suo pro rostris impositum in sella reposuit, & quòd Epidio Marullo, & Cæsettio Flauo tribunis plebis inuidiam tanquam regnum affectanti mouentibus, potestatem abrogauit, & quòd proximo senatu fama percrebuerat, L. Cottam Quindecem uirum sententiam dicturum, ut quoniam libris fatalibus contineretur, Parthos nisi à rege non posse uinci, ipse rex appellaretur. His de causis conspiratione in eum facta, cuius principes M. Brutus, & C. Cassius, & ex Cæsaris partibus D. Brutus, ac C. Trebonius fuerunt, idibus Mart. in curia Pompeij x x i i i uulneribus occisus est. occupatumq; ab interfectores eius Capitolium. Obliuione deinde cædis eius in sententiam Ciceronis à senatu decreta, obsidibus Antonij, & Lepidi filijs acceptis, coniurati è Capitolio descenderunt. Cæsaris corpus, cum in campum Martium deferretur, à plebe ante Rostra crematum est. Dictatura lege Antonij consulis in perpetuum sublata. C. Amatius humillimæ sortis homo, qui se C. Marij filium ferebat, cum apud credulam plebem seditiones moueret, iussu Dolabellæ, qui in locum Cæsaris consulatum exceperat, interfectus est. C. Octavius sororis Cæsaris nepos testamento heres ex parte dimidia institutus, & in nomen adoptatus Romam ex Epiro uenit, quòd illum Cæsar præmiserat, bellum in Parthos illaturus; omnibusq; prosperis exceptus ex testamento nomen Cæsaris assumpsit. In confusione rerum, ac tumultu M. Lepidus pontificatum maximū in locum Cæsaris intercept. Senatus Dolabellæ Syriam, Antonio Macedoniam provincias decreuit. Post autem cum M. Antonius impotenter dominaretur, legemq; de Macedonia provincia permutanda, & Gallia citeriore accipienda, quam à senatu impetrare non poterat, ad populum per uim tulisset, & Octaviū quoque petentem, ut sibi aduersus auunculi percussores adesset, magnis iniurijs affecisset; Octavius sibi & reip. uires contra eum paraturus, deductos à patre in colonias ueteranos excitauit. Legiones Martia, & quarta signa ab Antonio ad Octaviū transfulerunt. deinde & cōplures sæuitia M. Antonij passim in castris suis trucidati, quia ei suspecti erant, ad eundem descuerunt. D. Brutus, qui provinciam Galliam primum à Cæsare datam, post, interfecto eo, à senatu confirmatam pro cos. obtinebat, ut irrumpenti in eam Antonio obsisteret, Mutinæ cum exercitu substitit, seq; ab Antonio ibi circumuallatum obsideri permisit. Appianus, Dio, Plutarchus, epitomæ, omnes.

DE COS. AN. DCCX.

CASSIODORVS, & ceteri consules edunt in hūc annum C. Panfam, A. Hirtium. quos Dio uocat C. Vibium Panfam Capronianum, A. Hirtium, A. F. id quod recte factum puto, in libro enim peruetusto, quem Cuspinianus sæpe citat auctorem, ita est:

C. Iulius	=====
Cretonianus	=====
M. Aemilius II.	=====
Antonius	

Seruius Isauricus II. ex quo apparet Cretonianum cognomen esse Panfæ forte corruptum, pro Caproniano. Hirtius unus extitit ex filijs proscriptorum à Sulla, quos Cæsar ad honores euexit, auctore Dione. idem A. Hirtius A. F. dicitur in tabula Capitolina. C. Panfa C. F. in Colotiana. ostendit etiam mihi numos duos argenteos **PAVLVS MANVTIVS**, qui in hoc literarum genere, singulari cum industria & doctrinæ laude iam per multos annos uersatur; in quorum altero erat: C. Vibius C. F. Panfa, in altero: C. Vibius C. F. C. N. Panfa. Hunc annum, quo Hirtius, & Panfa consules fuerunt, uocant Solinus, & Rufus **DCCX** ab urbe condita, in quo cum Capitolina summa consentiunt. Hi consules ante à Cæsare designati fuerant, quàm interficeretur, tum cum expeditionem in Parthos adornans in insequentes plures annos

Commentarius in fastos

annos magistratus creauit. C. Panfa anno DCCII. Marcello, & Sulpicio cos. tribunatum pl. gesit, quemadmodum ex epistola quadam Cælij colligitur.

De Hirtio, et Panfa cos. ad Mutinam Antoniano bello occisis.

D V M. Antonius Brutum Mutinæ obsidebat, K. Ian. Hirtio, & Panfa cos. in sententiam Ciceronis S. C. factum est, ut C. Cæsar, qui priuato consilio pro rep. arma contra Antoniū sumpserat, proprætor bellum gereret, senator esset, & sententiam loco prætorio diceret. D. Bruto, qui Antonio restitisset, & legionibus, quæ eum reliquissent, maxima quoque laus tributa est. Cum legati ad Antonium de pace missi L. Piso, L. Philippus, Ser. Sulpicius re infecta reuersi essent, populus R. saga sumpsit. belloq; contra Antonium à senatu decreto, Hirtius Panfa consul ad bellum profectus, eumq; paucis post diebus Panfa consequutus est. Cæsar, atque Hirtius Bononia in potestatem redacta, propius admotis castris Brutum de suo aduentu, atque auxilio certiores fecerunt. Prælijs aliquot secundis elatus Antonius, relictis, qui Cæsar, & Hirtij castra oppugnarent, clam in Panfam aduenientem Bononiam uersus x v i i K. Maij contendit, ac prospere cum eo pugnavit. Audita re Hirtius redeunti in sua castra Antonio se obtulit, ac fusis eius copijs fortunâ utriusque partis æquauit. ex ea re, & consules, & Cæsar imperatores tum à senatu, tum à militibus appellati sunt; quamuis Panfa male pugnasset, Cæsar omnino ne pugnasset quidem. Paucis post diebus summo prælio dimitatum est, in quo fugatus & castris, atque exercitu exutus Antonius ad M. Lepidum pro consulem in Galliam cum paucis profugit. Hirtius post victoriam in inimicorum castris faucibus obiit. Panfa paucis post diebus Bononiæ item ex vulnere mortuus est. Bruto, & Mutina obsidione liberatis, solus Cæsar incolumis gloriosissima uictoria potitus est. Dio, Appianus, Galba in epistolis, alij.

De C. Cæsare Octauiano, et Q. Pedio cos. suffectis.

C. OCTAVIUS patre natus est C. Octauio, uiro prætorio, cuius ante meminimus, matre Atia, quæ ex Iulia Cæsar, dictatoris sorore & M. Atio Balbo genita fuerat. Itaque ipse Cæsar neptis filius, Cæsar ipse maior eius auunculus fuit, ut Suetonius, & Velleius tradunt. adoptatus autem à C. Cæsare, atque heres relictus C. Iulius Cæsar Octauianus dictus est. Hic fugato, ut dixi, Antonio senatui grauissime offensus est, cum supplicationem l x dierum, ac triumphum, & bellum contra Antonium Bruto, qui pugnam è mœnibus ociosus spectauerat, decerni, se autem qui remp. liberasset, primum omnino præteriri, deinde uero consularibus ornamentis affici, & ut prætor fieret, ac consul ante x annos, quàm per leges liceret, sibi tantum permitti uideret. Itaque cum à senatu, ut consul in locum consulum occisorum fieret, impetrare non potuisset, quod precibus nequiret, id sibi armis tentandum putauit. Reconciliata enim cum M. Antonio, & M. Lepido, qui iam Antonium fugientem receperat, gratia, exercitu Romam adducto consul annos tantum x x natus creatus, Q. Pedium sibi collegam subrogauit. Hæc Dio, & Appianus. Quæ eadem elegantissime ita etiam Suetonius: Cæsar consulatum uigesimo ætatis anno inuasit, admotis hostiliter ad urbem legionibus, missisq; qui sibi exercitus nomine deposcerent. cū quidem, cunctante senatu, Cornelius centurio princeps legationis, reiecto sagulo, ostendens gladii capulum, non dubitasset in curia dicere: hic faciet, si uos non feceritis. & Velleius sic: Omnia antequam fugaretur Antonius honorifice à senatu in Cæsarem, exercitumq; eius decreta sunt, maxime auctore Cicerone. sed ut recessit metus, erupit uoluntas, protinusq; Pompeianis partibus redijt animus. D. Bruto, quod alieno beneficio uiueret, decretus triumphus. Panfæ, atque Hirtij corpora publica sepultura honorata. Cæsar adeo nulla habita mentio, ut legati, qui ad exercitum eius missi erant, iuberentur summoto eo milites alloqui. negauere milites sine imperatore suo ulla se audituros mandata. hoc tempore Cicero Cæsarem laudandum, & tollendum censebat, cum aliud diceret, aliud intelligeret. Post inter Antonium, & Cæsarem concordia cōposita est, & affinitas contracta, desponsa priuigna Antonij Clodia Cæsari. consulatumq; iniit Cæsar pridie quàm uiginti annos impleret x K. Octob. cum collega Q. Pedio, post v. c. annis DCCV. Dissentit autem à Velleio Dio, qui scribit Augustum mortuum esse x i i i K. Septemb. eodem met die, quo primum consulatum ceperat. itemq; sextilem mensem Augustum appellatum, quod eo mense primum consulatum inierat. Natum autem i x K. Octob. consule Cicerone, tradit Suetonius; ut si pridie, quàm x x annos impleret, iniit, x K. Octobris eum inisse necesse sit. Tacitus etiam in libro de oratorib. Hirtio, & Panfa cos. inquit, Diuus Augustus in locum Panfæ, & Hirtij se, & Q. Pedium consules suffecit. His comitijs habendis duos pro consules

consules creatos esse à prætore urbano narrat Dio; neque enim tam exiguo tempore interreges prodi potuisse, absentibus plerisque ex ijs, qui patricios magistratus gerebant. Idem etiam notat, neminem hac ætate consulem ante factum. Cæsarem autem se non iterum consulem scripsisse, quanuis consularia ante à senatu ornamenta adeptus esset. quod post à Seuerio imp. factum est, qui Plautianum *II* consulem pronunciauit, quòd eum ante consularibus insignibus affecisset. Est autem consularibus ornamentis afficere, perinde in senatu, atque in ciuitate rationem alicuius habere, atque si ille vere consul fuisset. Q. Pedius is est, qui, Dione auctore, prætor fuit anno *DCCV*, biennio autem ante triumphauit, heres à Cæsare relictus ex quadrante, ut apud Suetonium scriptum est.

De III uiris reip. constituendæ.

CVM Cæsar in consulatu nihil aliud moliretur, quàm ut patris interfectores vlisceretur, Q. Pedium collegam legem ferre iussit de quæstione habenda in eos, quorum ille opera occisus esset. postulatq; ea lege M. Brutus, C. Cæsius, & D. Brutus, absentes damnati sunt. Cum M. Antonij opes C. Alinius Pollio, qui Hispaniæ, & L. Munatius Plancus, qui Galliæ præerant, cum suis exercitibus adiuncti auxissent, & D. Brutus, cui senatus, ut persequeretur M. Antonium, mandauerat, relictus à legionibus suis profugisset, iussu Antonij, in cuius potestatem uenerat, à Capeno Sequano ad Aquileiam interemptus est. Cæsar cum M. Brutum, qui Macedoniam, & C. Cæsium, qui Syriam ex senatus consulto obtinebant, nullo pacto armis ulcisci posset, cum M. Antonio, & M. Lepido, ut ante dixi, pace facta, postquam consul creatus est, utrumque ex Gallia in Italiam accersiuit. Congressi omnes in agro, ut ait Dio, Bononiensi, ut Appianus, Mutinensi, consultationes summas de ordinanda, & corrigenda repub. habuerunt. Itaque se triumuiros reip. constituendæ cum summo imperio in quinquennium renunciarunt. Lepido Hispanias, & Narbonensem Galliam, Antonio reliquas Gallias, Cæsari vtranque Libyam una cum Sicilia, ac Sardinia prouincias distribuerunt. Magistratus nec senatu, nec populo consulto quibus ipsi uoluissent, mandari; Lepidum in D. Bruti occisi locum in insequentem annum consulem creari, eumq; Romam, ac reliquam Italiam tueri; Antonium, & Cæsarem, bello Cæsium, & Brutum persequi; proscriptionem, ac cædem inimicorum ciuium edi uoluerunt. Atque his consultationibus perfectis cum confestim omnes Romam uenissent, singuli interiectis diebus urbem ingressi, quæ decreuerant, exequuti sunt. Sui à quoque inimici, plurimi equites, *cx* senatores proscripti sunt, inter quos L. Paullus frater M. Lepidi, & L. Cæsar auunculus Antonij, & qui Cæsarem suis sententijs ornauerat, M. Cicero: cuius occisi à Popillio legionario milite, cum haberet annos *lxiii*, caput cum manu dextra in rostris positum est. Hæc Dio, & Appianus, & alij. Quo autem die inierint, & quousque in hoc honore fuerint, facile intelligi ex lapide Colotiano potest. in quo ita est:

M. AEMILIVS. M. ANTONIVS. IMP. CAESAR III. VIR. R. P. C.

EX A. D. V. K. DEC. AD PR. K. IAN. SEX.

significat autem eos *v* K. Decemb. inisse, ut pr. K. Ian. quinto post anno abdicarent, qui dies pridie K. Ian. sextas ab illo die erat futurus.

Cur Octavius Imp. Cæsar dictus sit.

C. OCTAVIVS iam inde interfecto Cæsare ex Apollonia Romam reuersus hereditatem Cæsaris, & nomen eius sibi non lege, sed testamento tantum uindicarat. Lex autem adoptionis curiata erat, quæ, ne tum ferretur, Antonius consul per tribunos intercessit. hoc autem anno ubi consulatum iniiit, ipse legem curiatam tulit, atque in nomen patris lege transijt. Itaque ab hoc tempore ab omnibus C. Cæsar est appellatus, cum ante non ita ab omnibus uocaretur. eodemq; etiam tempore Imp. Cæsarem dici cœptum puto; primum, quòd ita pater eius ex senatus consulto, & filij eius, & nepotes appellarentur; deinde, quòd in Capitolina eius ouatione triennio post ita uocatur: IMP. CAESAR DIVI F. C. N. Est autem intelligendum tum, cum consulatum inijt, C. Iulium C. F. in Capitolinis tabulis scribi, quia adhuc lex curiata lata non erat, qua Imperatoris prænomen patrium adipisceretur. post autem lata lege, tum cum triumphatum inijt, hoc prænomen usurpasse. neque enim Dioni assentior, qui ipso, & Sex. Appuleio cos. hoc ipsum sibi prænomen uindicasse ait. nisi ita intelligamus, hoc primum anno ex lege curiata, eo vero ex rebus eius gestis, & ex S. C. ita uocatum fuisse. ut quemadmodum Scipio Aemilianus primum Africani cognomen ab auo hereditarium habuit, post Carthagine deuicta, ex uictoria sibi

M comparauit,

Commentarius in fastos

comparauit, sic & ipse primum à patre, post à se hoc prænomen acceperit. Idem Cæsar pater Diuus appellatus est. siquidem, ut ait Suetonius, ludis, quos primo consecratos ei heres Octavius edebat, stella crinita per septem dies continuos fuit, exorians circa undecimam horam. creditumq; est, animam esse Cæsaris in cælum recepti. & hac de causa simulacro eius in uertice additur stella. Lepido autem, & Planco cos. diuini honores, ut ait Dio, Cæsari mortuo à triumuiris decreti sunt; ne idibus Mart. qui dies solennis erat habendo senatui, in posterum senatus haberetur: ut curia Pompeia, in qua ipse occisus erat, obstrueretur: ut ædes ei in foro, ubi crematum eius corpus erat, construeretur: ut simulacrum eius ludis Circensibus cum simulacro Veneris circumferretur. si qua uictoria nunciaretur, ut seorsum ei uictori, & mortuo sacrificaretur: ne imago eius in propinquorum funeribus efferretur: ut qui in ædem eius confugisset, ab iniuria tutus esset; Itaque ab illo tempore Octavius se Diui F., ut puto, appellauit.

De P. Ventidio, & C. Carrinate cos. suffectis.

CUM Cæsar inito triumuiratu sponte se consulatu, cuius causa bellum patriæ intulerat, abdicasset, & Q. Pedius collega eius in magistratu mortuus esset, placuit triumuiris consules in reliquum anni sufficere. Itaque & quendam alium, & P. Ventidium, qui tum præturam gerebat, consules subrogarunt. Hæc Dio. Idem etiam cognosci potest ex tabula Capitolina, atque etiam multo apertius ex Colotiana, in qua suffecti consules nominantur C. Carrinas C.F. P. Ventidius P. F. C. Carrinatis meminit Dio lib. L I. ac patrem eius à Sylla proscriptum, ipsum ad magistratus sublatum esse, & de Morinis triumphasse ait. De P. Ventidio sic Velleius: Annis DCCCXVI. uidit Ventidium consularem prætextam iungere prætoriae. & Valerius lib. V I: In Ventidio illud eximium, quod eodem anno prætor, & consul factus est. Hunc Ventidium Bassum uocat Eutropius, & Gellius, de quo post plura in eius triumpho, quem primus de Parthis egit, asserimus.

De triumphis L. Munatij Planci pro cos.

M. Lepidi III uiri R. P. C. pro cos.

L. MUNATIVM. Plancum pro cos. ex Gallia triumphasse hoc anno IIII K. Ian. M. Lepidum III uirum R. P. C. pro cos. ex Hispania prid. K. Ian. inuenio scriptum in Capitolinis triumphis. Ac Planci quidem triumphum uideo comprobari in quodam epigrammate, quod esse Caietæ traditur ab ijs, qui librum ueterum inscriptionum confecerunt. id autem est eiusmodi:

L. MUNATIVS L. F. L. N. L. PRON. PLANCVS COS. CENS. IMP. II. VIUIR EPVL. TRIUMPHAVIT EX RHETIS. AEDEM SATVRNI FECIT DE MANVBIIIS. AGROS DIVISIT IN ITALIA BENEVENTI. IN GALLIA COLONIAS DEDVXIT LVGDVNVM, ET RAVRICAM.

Galliæ autem ulteriori præfuisse hoc tempore Plancum, cum Dio, & ceteri tradiderunt; tum etiam ex epistolis Ciceronis cognosci facile potest. Quin etiam M. Lepidum triumuirum, dum ciuium proscriptorum cædes fieret de Hispaniis triumphasse scribit Appianus. quem eundem Galliam, & Hispaniam priore anno à Cæsare obtinuisse ante notauimus. Itaque Dio tradit, Lepidum, cum Hispaniam ceteriorem obtineret, Sex. Pompeium, ut Hispania decederet, bonorum paternorum recuperatione, induxisse, idque fœdus à M. Antonio consule comprobatum esse. Eundem etiam in Galliæ parte moratum esse omnes ostendunt, qui scribunt Antonium Mutina pulsum ad eum trans alpes in Galliam confugisse, præterea literæ eius ad Ciceronem è Gallia scriptæ. Adijcit Dio, senatum Lepidum, & Plancum è Gallia ad opem D. Bruto ferendam euocasse; ubi autem accepit M. Silanum Lepidi præfectum subsidio Antonij uenisse, ueritum, ne Plancus se cum Lepido coniungeret, utrumque in prouincia manere iussisse, ac ne quid suspicari possent, ijs, qui ab Allobrogibus. Vienna Narbonensi pulsi fuerant, ut inter Rhodanum, & Ararim urbem conderent, negotium dedisse, eosq; Lugdunum condidisse. Velleius, Lepidum decreta sibi Hispania in Gallia moratum, ait. De triumphis autem ab his cos. actis, sic scribit: Lepidus triumuir Paullum fratrem proscripsit. Planco nō defuit gratia ad impetrandum, ut frater eius Plancus Plotius proscriberetur. eoq; inter iocos militares, qui currum Lepidi, Planci; sequuti erant, inter execrationem ciuium usurpabant hunc uersum: De Germanis, non de Gallis duo triumphant consules. hæc ille. Consules autem intelligit designatos. alioquin hi triumphi in posterum annum essent referendi.

DE COS. AN. DCCXI.

CASSIODORVS consules subijcit M. Lepidum, L. Plancum; Dio M. Aemilium Lepidum II; L. Munatium L. F. Plancum. Horum meminit Suetonius in Tiberio, cum ait, Tiberium M. Aemilio Lepido II, Munatio Planco cos. post bellum Philipense esse natum. In lapide Colotiano est, =. MVNATIVS L. F. M. AEMILIVS M. F. In hunc autem etiam annum consules iam ante à Cæsare designati fuerant, auctore Dione, D. Brutus, & L. Plancus; verum Bruto priore anno occiso, & occupata à triumviris rep. placuit M. Lepidum triūvirum, qui ante etiam cum Cæsare III consule consul fuerant, cum Planco, qui & ipse, sequutus Antonium, à rep. descuerat, consulatum administrare.

De censoribus.

IN hunc annum censores edit scriptor lapidis Colotiani . ANTONIVM, & P. SVPICIVM. eosq; lustrum nullum fecisse notat. Eius me viri auctoritas mouit, vt eos censores huic cōmentario ascriberem, quanuis ne verbum quidem de ijs in annalibus vllis inuenirem. Ego vero L. Antonium esse puto. Nam Marcus hoc anno in Macedonia bellum gerit cōtra Cassium, Caius à Bruto iam interfectus erat, auctore Dione. P. autem Sulpicium Quirinum esse ratus sum, patrem fortasse eius, qui consul est anno DCCXLI. In fastis eos non scripsi, quia Lepidum, & Plancum censores ab auctoribus Capitolinis studiose post præteriri animaduerti. quasi vero, postquam Cæsar censoriam potestatem sibi arrogauit, ac censoris nomen respuit, censura nulla fuerit.

De triumpho P. Vatinij pro cos. de Illyrico.

P. VATINIVS pro consule de Illyrico triumphauit hoc anno. Siquidem triumphus eius in Capitolinis tabulis interiectus est inter Lepidi, & Antonij triumphos, quorum ille prid. K. Ian. pro cos. triumphauit priore anno, hic K. Ian. postero. Triumphus autem huius mentionem nullam apud quenquam inueni. De rebus autem ab eo in Illyrico gestis hæc tradita sunt: P. Vatinus extremo mense anni DCCVI consul à Cæsare dictatore II factus, ab eo missus est in Illyricum cum legionibus; an DCCVII, an DCCVIII anno, parum constat. Epistolæ quidem extant P. Vatinij Imp. ex Illyrico ad Ciceronem scriptæ, quibus supplicationes ob rem bene gestam petit. verba eius hæc sunt: Cæsar adhuc mihi iniuriam facit. de meis supplicationibus, & rebus gestis Dalmaticis adhuc non refert. quasi vero non iustissimi triumphus in Dalmatia res gesserim. nam si hoc expectandum sit, dum totum bellum conficiam, uiginti oppida sunt Dalmatig antiqua. quæ ipsi sibi ascuerunt, amplius sexaginta. hæc nisi omnia expugno, si mihi supplicationes non decernuntur, longe alia conditione ego sum, ac ceteri imperatores. ego post supplicationes mihi decretas in Dalmatiam profectus sum. sex oppida ui oppugnando cepi, & arcem eorum totam. ex qua me niues, frigora, imbres detruferunt. indigneq; mi Cicero oppidum captum, & bellum iam confectum relinquere sum coactus. Vale. non. Decemb. Narona. Dio etiã scribit, Vatinium cum Illyrico præesset, Dyrrhachium occupasse, atque M. Bruto, qui in Macedoniam cum imperio uenerat, obtitisse. postremo autem Vatinianos milites se ad Brutum contulisse. Itaque Velleius quoque M. Brutum Vatinio legiones extorsisse adscribit. Quibus ex verbis apparet rem per plures annos à Vatinio esse in Illyrico gestam. Causam etiam, cur Cæsar Vatinium in Illyricum miserit, narrat in Illyrica Appianus, his verbis: Illyrij veriti, ne quid detrimenti à Cæsare, cum in Parthos tenderet, acciperent, legatos ad eum miserunt, ueniam petentes, quòd in eius exercitum deliquissent. Cæsar ita se illis ignoscere respondit, si ipsi tributa, & obsides dedissent. quæ cum illi se facturos esse affirmarent, Vatinium eius rei causa cum tribus legionibus, & magno equitatu ad eos misit. Cum autem, mortuo Cæsare, Vatinio neque obsides, neque tributa darent, Vatinium ipsum, à quo bello oppressi fuerant, prælio uictum Dyrrhachium compulerunt. His de rebus hoc anno triumphasse eum Imp. Cæsaris gratia existimare licet.

De bello Philipensi cum M. Bruto, & C. Cassio.

M. BRVTVS, & C. Cassius prætores urbani, quo anno Cæsarem interfecerunt, cum Antonium cos. à rep. defecisse animaduertissent, in suas prouincias Cretam, & Bithyniam exierunt; vt D. Brutus in Galliam citeriorem, C. Trebonius in Asiam. Cum autem eas prouincias ad res

magnas gerendas parum momenti habere intelligerent; Brutus in Macedoniam, Cassius in Syriam contenderunt. Cum C. Antonius post præturam, quam cum Bruto gesserat in Macedoniam, Q. Hortensio prætor decedente, paulo ante uenisset, à Bruto adiunctis sibi Vatinij, qui Dyrrhachij erat, militibus, Apolloniæ captus est. Ita Brutus, tota Epiro, ac Macedonia in potestatem redactis, à senatu præesse Macedonia iussus est. Inde cum in Asiam contrahendorum auxiliorum causa se contulisset, Gellij Poplicolæ insidias passus est. C. Antonius, cum ex custodia à quibusdam Apolloniæ per uim eriperetur, à C. Clodio custode eius occisus: Gellius comprehensus M. Messallæ fratri, Cassij amico condonatus est. Brutus, cum in Europam traiceret, Adalagrum populo R. ab eo moriente relictum recepit, & Besis in Macedoniam irrumpentibus ope reguli Rhafcyporidis uictis, Imperatoris nomen sibi peperit. Cassius autem pecunijs in Asia, & equitibus à Trebonio acceptis, atque Asianis, & Cilicibus. multis, præsertim Tarcondimoto sibi adiunctis, cū in Syriam peruenisset sine prælio omnes populos, atque exercitus Cæcilij Bassi, & Crispi, & Murci, qui ibi sine senatus, aut populi iussu bellum inter se gerebant, in potestatem redegit. Quibus rebus auditis senatus ei Syriam, & bellum contra Dolabellam decreuit. is enim in consulari Syriam nactus Trebonium Smyrnæ per cruciatus occiderat, atque hostis à populo R. iudicatus fuerat: Cassius Dolabellam, qui iam omnē Asiam uictor occupauerat, in urbe Laodicea obsessum, ut sibi manus inferret, coegit. post autem omnibus rebus in Syria, & Cilicia constitutis Smyrnæ in Asiam ad Brutum ad ordinanda belli consilia contendit, quod aduersus se à triumuiris comparari acceperat. Ita Cassius Rhodijs, & Ariobarzane, Brutus, Lycijs, & Pataræis & reliquis Asianis subactis, in Macedoniam, ut ibi bellū gererent, traiecerunt. Atque haud ita multo post Imp. Cæsar, & M. Antonius triumuiroi, sapius à C. Norbano, & Decidio Saxa, quos ad hoc bellum in Macedoniam præmiserant, accersiti cum ingenti exercitu aduenerunt, atque ad urbem Philippos castra è regione hostium posuerunt. ibi pugnatum est summo prælio, sed uario euentu, ita ut Brutus Cæsarem, Antonius Cassium, (utrumque eorum dextrum cornu regebat), pepulerint, & castra utrinque ab ijs, qui vicerunt, expugnata sint. C. Cassius, cum Brutum, quem in acie cecidisse metuebat, cum equitatu redeuntem longe prospexisset, irrumpentes hostes esse suspicatus, sibi liberti manu mortem intulit. Post paucos dies altero prælio uictus M. Brutus desperatis rebus & ipse uitā finiuit, exorato Stratone fugæ comite, ut se gladio transfoderet. quod idem fecerunt principum Romanorum circiter x l. Q. Hortensius occisus est. His rebus gestis Cæsar Hispania, & Numidia, Antonius Gallia, & Africa sibi sumpta, Antonius in Asiam ad cogendas promissas militibus pecunias profectus est, Cæsar in Italiam reuertens in itinere in morbum incidit: Ob hanc uictoriam Romæ in totum fere annum supplicationes decretæ sunt. Hæc Dio, Appianus, Plutarchus in Antonio.

DE COS. AN. DCCXII.

CONSULES apud Cassiodorum in hunc annum inuenio P. Seruiliū II, L. Antonium; in lapide Colotiano P. ANTONIVM, P. SERVILIUM P. F. apud Dionem L. Antonium M. F. Pietatem; P. Seruiliū P. F. Isauricum II. Meminit horum etiam cos. Suetonius, cum ait; placuisse quibusdam Tiberium Seruiliū Isaurici, Antonijq; consulu genitum. Cum Dio, itemq; Eusebius P. Seruiliū Isauricum biennio ante mortuum esse rettulerint, intelligendum est, patrem huius consulis fuisse eum, qui Isaurici cognomen inuenit, & consul cum Ap. Claudio fuit. Hic autem filius cum Cæsare II consule consuluatus gessit. L. Antonius à Dione dicitur *πίετας*, quod est græce *ἀσέβεια*. quod consul una cum Fulvia Marci fratris vxore remp. eo animo tractarit, quasi pro Marco fratre triumuiro laboraret, atque propter pietatem illam cognomen Pietatis inuenerit. Per hos annos Q. Saluidienus Rufus consul fuit, ad consuluatum ab imp. Cæsare euectus. is enim postero anno ab eo consularis interfectus dicitur, cum eum insidias sibi parare comperisset, auctore Dione, & Velleio.

De triumpho L. Antonij cos. ex Alpibus.

L. ANTONIVM consulem K. Ian. triumphasse ex alpijs scriptum est in triumphis Capitolijs. Idem triumphus tanta diligentia à Dione traditus est; ut nō potuerit accuratius. Scribit enim ita: Cum L. Antonius triumphare cuperet de quibusdam in alpinis, quasi eos subegisset, quandiu Fuluiā restitit, nemo assensus est; ut uero ipsa placata concessit, omnium consensu triumphus ei decretus est. adeo ut L. Antonius uerbo de ijs triumpharet, quos se deuicisse prædicaret (neque enim quicquam triumpho dignum gesserat, neque omnino imperium in ijs locis habuerat) reue

ra autem Fulvia eo honore afficeretur, ac triumpharet. Egit autem triumphum K. Ian. quo die consulatum erat initurus; quo facto gloria se Mario æquabat, quod eodem die, quo ille ante de Jugurtha, triumpharet. in eo uero etiam se illi præferebat, quod ipse sponte triumphalem togam posuisset, atque in forensi stola senatum habuisset, ille uero inuitus hæc fecisset; & quod ei corona nulla, sibi cum aliis, tum à populo tributum per Fulviam data essent. Erat autem Fulvia uxor M. Antonij, socrus Cæsaris; nam Clodia eius filia Cæsari nupsit; quæ contempto Isaurico consule cum L. Antonio consulatum administrabat. L. Antonius Pietatis cognomine in Capitolino triumpho iccirco affectus non est, quod id nondum ferret.

De bello Perusino L. Antonij cos.

Hoc anno inter Imp. Cæsarem, & L. Antonium cos. Fulviamq; socrum discordia exarsit. Antonius se agrorum parte, quæ ad Marcum fratrem (is, ut dixi, in Asia erat) pertinebat; Cæsar exercituum, qui sibi non traderentur, subsidio spoliatum querebatur. Itaque, Clodia ab eo adhuc uirgine repudiata, res in apertum bellum euasit: Nam cum Cæsar agros promissos in castris Philippicis ueteranis diuississet, ac seditiones exercitus sui, quas corrupti à Fulvia milites contra se commouerant, cum periculo inhibuisset; L. Antonius consul Fulviæ consilio usus populis ijs, quorum agros ueteranis ille dederat, ad arma concitatis, bellum mouit. Fulvia Præneste oppido occupato, omni militari munere, atque imperatorio functa est. cum legatis de pace ultro, citroq; missis res conueniri non potuisset, Cæsar in Nursinos, & Sentinates exercitum induxit. L. Antonius in urbem M. Lepido, qui custodiæ urbis cum exercitu præerat, fuso, hostiliter irrupit. Cæsar Sentinatibus obsidendis Q. Saluidieno traditis, Romam reuersus Antonium quasi ad bellum aliquod ex S. C. urbe proficiscentem, atque in Galliam contendentem in itinere interceptit, atque Perusiæ in Etruria conclusum diu obsedit. postremoq; conatum aliquoties erumpere, & repulsum coegit in deditiorem uenire. Ei uenia data est, plerisque equitum, ac senatorum ad aram Cæsaris (ut fama est) immolatis. Perusia diruta, redactisq; in potestatem omnibus diuersæ partis exercitibus, bellum sine sanguine Caluino, & Pollione cos. confectum. Dio, Appianus, Suetonius.

DE COS. AN. DCCXIII.

CASSIODORVS consules in hunc annum edit C. Asinium, Cn. Domitium; lapis Colotianus Cn. Domitium M. F. C. ASINIUM Cn. F. Dio Cn. Domitium M. F. Caluinum II, C. Asinium Pollionem, itemq; Iosephus antiquitatum lib. xiiii. Asinius ex triumpho Capitolino descriptus est. Cn. Domitius ex consulatu Hispaniam obtinuit, auctore Velleio. Exitu autem anni hos cos. magistratu abdicasse scribit Dio, aliosq; consules in paucos dies esse successos. quorum unus fuit L. Cornelius Balbus Gaditanus. Itaque in tabula Colotiana successi consules notantur: L. CORNELIVS L. F. P. CANIDIVS P. F. De P. Cornelio Balbo ita Plinius lib. vii: Fuit & Balbus Cornelijs maior consul: sed accusatus, atque de iure uirgarum in eum iudicium in consilium missus, primus externorum, atque in Oceano genitorum usus illo honore, quem maiores quoque Latini negauerant. & Velleius: Cornelius Balbus excedente humanam fidem temeritate, ingressus castra hostium, sæpiusq; cum Lentulo collocutus, consule dubitante, quanti se uenderet, illis incrementis fecit uiam, quibus non Hispaniæ suæ natus, sed Hispanus in triumphum, & pontificatum assurgeret, fieretq; ex priuato consularis. Extat pro eodem Balbo de ciuitate Ciceronis oratio. P. Canidij Crassi meminit Dio lib. xlii.

De Imp. Cæsare. & M. Antonio III uiris quantibus ex pace inter se facta.

In Capitolinis tabulis proditum est, Imp. Cæsarem quantem inisse, quod cum M. Antonio pacem fecit, & M. Antonium, quod cum Imp. Cæsare. Id autem hoc anno factum scribit in hanc sententiam Dio: Cum Imp. Cæsar uictoria ad Perusiam parta Italiam totam partim uoluntate, partim uero in potestatem redeuisset, Fulvia ad M. Antonium uirum cum liberis, & Iulia eius matre profugit. Is cum in Asiam ex Aegypto recessisset, uerbis uxoris incitatus Cæsari amicitiam renunciauit, atque haud ita multo post, cum in Italiam traiecisset, Sipuntem occupauit, & Brundisium obsessum, P. Seruilio Rullo Cæsaris duce pulso, cepit. In tanto rerum, & Italiæ motu Fulvia uxor Sicyone moritur. Quo nuntio accepto ambo armis positae in gratiam redierunt, atque Cæsar Sardiniam, Dalmatiam, Hispaniam, & Galliam, Antonius reliqua omnia supra Ionium mare in Asia, & Europa, excepta Africa, quam Lepidus, & Sicilia, quam Sex. Pompeius tenebant, sortiti,

Commentarius in fastos

fortiti, ambo, quòd alter alteri reconciliatus esset, cum triumphali ueste in urbem equis inuecti sunt, Octauia etiam Cæsaris sorore Antonio in matrimonium collocata. Itaque Suetonius hoc in nuens recte dixit, Cæsarem bis ouantem urbem ingressum: post Philippense, iterum post Siculum bellum.

DE COS. AN. DCCXIII.

CONSULES suggerit Cassiodorus L. Censorinum, C. Caluissium; Dio L. Marcium, C. Sabinum. L. Marcius Censorinus ex triumpho eius Capitolino descriptus est. C. Caluissius C. F. Sabinus dicitur à Dione in indice, quanquam Asinius ibi uulgò per mendam legitur.

*De triumphis L. Marcij Censorini cos. ex Macedonia.
C. Asinij Pollionis pro cos. ex Parthis.*

L. MARCIUS Censorinus in consulatu triumphauit ex Macedonia K. Ian. si lapidibus Capitolinis credimus. neque enim eius triumphus uerbum apud annales Romanos inueni. In iisdem etiam tabulis scriptum est, C. Asinium Pollionem pro cos. ex Parthis triumphasse. Cuius triumphus hæc apud scriptores rerum Romanarum testimonia extant. primum Dio in exponendis rebus hoc anno gestis, ita loquitur: Eodem tempore Parthini mouerunt, quorum conatus armis compescuit Pollio. & Horat. prima Ode lib. 11, eum de Dalmatis triumphasse significat, cum ita canit: Et consulenti Pollio curiæ, cui laurus æternos honores Dalmatico peperit triumpho. quem locum exponens Porphyrio, inquit, eum Salona urbe Dalmatiæ capta triumphasse. & Sertius in expositione Pollionis Vergiliani scribit, Asinium Pollionem ductorem Germanici exercitus cum post captas Salonas Dalmatiæ ciuitatem primo meruisset lauream, post etiam consulatum adeptus fuisset, eodem anno suscepisse filium, quem à capta ciuitate Saloninum uocauit. Itaque Florus etiam sic scripsit: Dalmatas Marcius incensa urbe Delminio quasi detruncauerat, postea Asinius Pollio gregibus, armis, agris multauerat. De eodem Asinio sic Velleius lib. 11: Asinius Pollio cum septem legionibus diu retenta in potestate Antonij Venetia, magnis, speciosisq; rebus circa Altinum, aliasq; regionis eius urbes editis, Antonium petens uagum adhuc Domitium digressum è Brutianis castris post eadem eius, & propriæ classis factum ducem Antonio iunxit. Parthinos Plinius in Macedonia collocat; Strabo lib. v 11, supra Dyrrhachium, & Apolloniam in Epiro. Stephanus Parthum oppidum esse Illyrici scribit, unde ciues Parthinos dictos.

DE COS. AN. DCCXV.

CONSULES subsequuti sunt Ap. Claudius, C. Norbanus, ut ait Cassiodorus; ut Dio, Ap. Claudius C. F. Pulcher, C. Norbanus. C. F. Flaccus. In triumpho etiam Capitolino C. Norbanus C. F. Flaccus scribitur. His primis consulibus duos utrisque affuisse quæstores notat Dio.

De triumpho P. Ventidij pro cos. de Parthis.

TRIUMPHUM P. Ventidij de Parthis actum nemo est fere, qui non memoriæ prodiderit, quòd insigne ad famam esse duxerunt, eum qui antea in triumpho ductus captiuus fuerat, primùm de bellicosissima Parthorum gente triumphasse. Itaque & in Capitolinis tabulis hic triumphus est Pollionis triumpho subiectus, & de eo Plinius, Dio, Gellius, & Valerius tradiderunt. scribit autem Dio, Asinio, & Caluino cos. Pacorum Parthorum regem T. Labieno, qui Pompeianarum partium fuerat, duce in Syriam irrupisse, uictorq; Decidio Saxa M. Antonij legato, uniuersam eam prouinciã, & Phœnicem, & Ciliciam, & Palæstinam occupasse, M. ipso Antonio amore Cleopatrarum in Aegypto implicato. Censorino uero, & Sabino cos. P. Ventidium ab Antonio contra Parthos missum, eos prælio uictos Syria, & Tauro monte, Labieno eorum duce occiso, expulisse, & Palæstinam recepisse. easq; ob res nullum à senatu honorem consequutum, quòd eas non fuis, sed Antonij gessisset auspicijs; Antonio autem supplicationes esse decretas. sequenti anno Ventidium Pacorum regem denictis Parthis interfecisse, qui fuit annus Claudio, & Norbano consulibus, atque triumphum à senatu impetrasse. De quo triumpho sic idem: Rebus à Ventidio gestis Antonius non modo non lætatus est, sed etiam inuidit, atque ei imperium abrogauit. quauis ipse ob Ventidianam uictoriam supplicationes à senatu, & triumphum obtinuisset, quæ ei à ciuibus decreta sunt cum propter eius potentiam, tum quia uere Antonij imperium fuerat,

non

non Ventidij. Ventidio autem eadem decreta sunt, quòd eladem Crasso à Parthis illatâ ipse egregie ultus fuerat, & maxime quòd eodem die & clades Crassi, & uictoria Ventidij contigerat. Casu autem Ventidius solus triumphauit, quòd Antonius ante triumphum obiit. atque gloriam tû ex his, tum ex ipsius fortunæ inconstantia ingentem rettulit. in triumpho enim Pompeij Strabonis cum ceteris captiuis ductus fuerat, qui primus de Parthis triumphauit. Idem scribit Valerius lib. v. i. Asculum capto, inquit, Cn. Pompeij Magni pater P. Ventidium ætate puberem in triumpho suo populi oculis subiecit. hic est Ventidius, qui postea Romæ de Parthis, & per Parthos de Crassi manibus in hostili solo miserabiliter iacentibus triumphum duxit. & Plinius lib. vii: Triumphauit de Parthis solus P. Ventidius, sed idem in triumpho Asculano Cn. Pompeij Strabonis puer ductus; quanquâ Malfurius auctor, est, bis in triumpho ductum. Gellius lib. xv, eum Picentem fuisse ait genere, & loco humili, & matrem eius à Pompeio Strabone Pompeij Magni patre, bello sociali quo Asculanos subegit, captam cum ipso esse: mox triumphante Pompeio Strabone cum quoque puerum inter ceteros ante currum Imperatoris sinu matris uectum esse. post cum adoleuisset, uictum sibi ægre quæsisse, eumq; sordide inuenisse, comparandis mulis, & uehiculis inagistratibus, qui sortiti prouincias forent: præbenda publice conduxisse. in isto quæstu notum esse cœpisse C. Cæsari, & cum eo profectum esse in Gallias. Tum quia in ea prouincia satis nauiter uersatus esset, & deinceps ciuili bello mandata sibi pleraque impigre, & strenue fecisset, non modo in amicitiam Cæsaris, sed ex ea in amplissimum quoque ordinem peruenisse. mox tribunum quoque plebis, ac deinde prætorem creatum. atque in eo tempore iudicatum esse à senatu hostem cum M. Antonio, post uero coniunctis partibus non pristinam tantum dignitatem recuperasse, sed pontificatum, ac deinde consulatum quoque adeptum esse. Eundem Ventidium Bassum Suetonius præpositum esse à M. Antonio prouinciis orientalibus, Parthosq; in Syriam introrumpentes tribus præliis fuisse scribit, eumq; primum omnium de Parthis triumphasse, & morte obita publico funere elatum esse. Idem Plutarchus in Antonio, & Eutropius libro vii.

DE COS. AN. DCCXVI.

M. AGRIPPAM, L. Caninium consules suggerit Cassiodorus. Dio M. Vipsanum L. F. Agrippam, L. Caninium L. F. Gallum. M. Agrippam, & C. Canidium Gallum consules edit Iosephus lib. xv antiquitatum annos xxvii post Ciceronem consulem, quo anno capta Hierosolyma fuerât. Vipsanum item Agrippam uocat Nepos in uita Attici. in Capitolinis lapidibus, aliisque ueteribus Romæ monumentis, gentile nomen eius præteritur. ut in fronte templi, quod Pantheon dictum est: M. AGRIPPA L. F. COS. TERT. De Agrippa ita Tacitus lib. primo: Augustus M. Agrippam ignobili loco, bonum militia, uictoriæ socium, geminatis consulatibus extulit, post etiam mortuo Marcello sororis filio generum sumpsit. Ex Capitolino inani intervallo inter Agrippam, & Gellium, qui sequitur, consulem, apparet desiderari nomen consulis suffecti in locum Caninii, de quo nihil mihi compertum est. suspicor autem, ne sit T. Statilius Taurus. primum, quia biennio post pro cos. triumphauit ex Africa, deinde, quia anno DCCXVI consul est iterum, neque quando primum fuerit, extat.

De triumuiris R. P. C. II.

Dio auctor est, hoc anno triumuiros R. P. C. Antonium, Lepidum, & Cæsarem cum quinque anni triumuiratus, in quos se crearent, abiissent, eisdem semet in alterum quinquennium renunciaisse. Hoc idem ex Colotiano lapide colligitur, in quo est: priores triumuiros ex ante diè quintum K. Dec. ad prid. Kal. Ian. sex. triumuiratum gessisse. pridie autem K. Ian. sextas ab illo die intelligimus esse ultimum eius anni diem, quo Claudius, & Norbanus consules fuerunt. in Capitolino fragmento triumuiroi Claudio, & Norbano subiecti uidentur, quasi illo anno inierint. uerum ego interpretor, coniungendos esse triumuiros cum anno, quo M. Agrippa consulatum gerit, quippe qui illustriores sint ipsis consulibus, atque iccirco consulibus præponantur. sic enim post etiam Augustus cū numero tribuniciæ potestatis, itemq; Tiberius consulibus præponuntur, non subiiciuntur. Itaque in lapide nomina tum triumuirum, tum Augusti respondent ad perpendiculum, nec ullum eorum interius altero est. A quo autem die inierint hunc alterum triumuiratum, parum constat. Cum Antonij & Cæsaris suspecta alterius alteri fides esset, per Octauiam in gratiam redierunt. Cæsar etiam filiam Antyllo Antonij ex Cleopatra filio, Antonius Domitio Cæsaris interfectori, & proscripto, filiam ex Octauia desponderunt. Dio.

Commentarius in fastos

De triumpho à M. Agrippa cos. neglecto ex Gallia.

CAESAR, cum pararet bellum in Sex. Pompeium Magni filium, M. Agrippam ex Gallia vltiore euocauit. eiq; curam classis ædificandæ mandauit, cum eundem, qui Gallos noua molientes deuicerat, & secundus Romanorum belli caussa Rhenum transierat, triumphi honore decorasset. Is autem cum consulatum cum L. Gallo gereret, sibi triumphandum non esse duxit, quòd haud decere putaret, se, re male aduersus Pompeium à Cæsare ob naufragia gesta, in lætitia esse. Hæc Dio. Appianus etiam lib. v, Agrippam ex Aquitania insignem uictoriam rettulisse; Orosius eundem in Aquitania rem prospere gessisse, auctores sunt.

DE COS. AN. DCCXVII.

CASSIODORVS consules in hunc annum profitetur L. Gellium, M. Cocceium. Dio L. Gellium L. F. Poplicolam, M. Cocceium Neruam. Ex Capitolinis fragmentis apparet **L. GELLIVM L. F. L. N.** esse. L. Gellius frater proditur à Dione M. Valerij Messallæ. est enim is, cui à M. Bruto uenia ante data est. ex quo intelligi potest, Poplicolam cognomen esse adoptionis. non enim Gellij, sed Valerij, Poplicolæ cognomen tulerunt. Reliquum fragmenti, quod L. Gellio in Capitolina tabula subiectum est. **O. I. N.** quid velit, hætenus assequi coniectura non potui.

De triumpho Cn. Domitij Caluini pro cos. ex Hispania.

HOC anno Cn. Domitium Caluinum pro cos. ex Hispania triumphasse, extat in fastis Capitolinis. Cuius triumphi meminit Dio in expositione rerum gestarum Censorino, & Sabino cos. his uerbis: Eodem tempore mouerunt etiam Ceretani in Hispania, quos Caluinus subegit, re primum bene ab ipso, post infelicitè ab eius legato gesta, qui à barbaris obsessus, & à suis militibus desertus est. Caluinus autem non ante in hostes impressionem fecit, quàm de militibus supplicium sumpsit, eosq; decimauit. quo factò hostes adortus uictoriam reportauit, & triumphum obtinuit, quanquàm Hispania Cæsari prouincia erat decreta. ex arbitrio enim eorum, qui imperium habebant, etiam honores ijs, qui suis auspicijs pugnascent, mandabantur. & Velleius: Eadem tempestate Caluinus Domitius, cum ex consulatu obtineret Hispaniam, grauissimi, comparandiq; antiquis exempli auctor fuit, quippe primipili centurionem nomine Vibullium obturpem ex acie fugam fuisse percussit.

De bello Siculo Sex. Pompeij, & Imp. Cæsare ouante 11.

SEX. Pompeius minor è filijs Cn. Pompeij Magni bellum Siculum concituit, quod ab Imp. Cæsare gestum est. Is enim anno **DCCIX**, quo anno C. Cæsar dictator in Hispania cū filijs Cn. Pompeij acerrimo bello dimicauit, è Corduba, ubi obsidebatur, elapsus, in Lacetaniam ueniens, aliquandiu latuit. vbi uero Cæsar in Italiam, haud magnis relictis in Bætica copijs, decessit, in Bætica confluentibus ad eum omnibus ijs, qui ex prælio incolumes euaserant, se recepit. atque occiso iam Cæsare, urbes alias ui, alias uoluntate sibi adiunxit, C. Carrinate, ac deinde C. Asinio Pollione, quos Cæsar in Hispaniam miserat, pulsos. M. deinde Lepidus, qui à Cæsare alteram Hispaniam obtinuerat, fœdus cum eo fecit, ut recuperato patrimonio ex Hispania recederet. atque id fœdus à M. Antonio cos. confirmatum est. Tum uero cum M. Bruto Macedoniam, C. Cassio Syriam, & bellum aduersus Dolabellam senatus decerneret, Sex. Pompeio classem commisit, atque eum in Italiam aduocauit. Is, cum iam triumuiro dominaretur, lectis ex Epiro proscriptis, ac fugitiuis cum exercitu diu sine ulla loci cuiusquā possessione in mari prædatus, Messanam oppidum in Sicilia primum, deinde totam insulam occupauit. occisoq; A. Pompeio Bithynico prætore, Q. etiam Saluidienum legatum Cæsaris nauali prælio superauit, tum cum bellum in Brutum, & Cassium à Cæsare, & Antonio parabatur, Lepido & Planco cos. Illis autem debellatis cum maria omnia latrocinijs Sextus infesta redderet, & Sicilia in potestatem redacta annonæ subuectiones impediret, atque urbem fame per aliquot annos opprimeret, cum eo postulatam pacem Cæsar, & Antonius fecerunt, ita ut ille Siciliam & Sardiniam, & Achaiam in quinquentium haberet, & purgatis maribus, comitatum in urbem mitteret. hæc autem facta est Marcio; & Caluisio cos. eodemq; anno cum Sex. Pompeius rursus latrocinijs mare uexaret, nec pacem, quam acceperat, præstaret, Cæsar, necessario bello contra eum suscepto, Lepido, ex Africa cum legionibus

Legionibus accito duobus naualibus prælijs dubio euentu Claudio & Norbano cos. pugnavit: Sequens deinceps annus in conficienda classe, cui rei M. Agrippa præfectus erat, consumptus est. hoc autem demum anno aduersus Sex. Pompeium uario euentu naualibus certaminibus pugnatum est, ita ut duarum classium Cæsaris altera, cui Agrippa præerat, uinceret, altera, quam Cæsar duxerat, deleta, expositi in terram milites sere à Pompeio oppressi sint. uictus deinde Pompeius in Siciliam profugit. M. Agrippa rostrata nauali corona à Cæsare donatus est, qui honos nemini ante eum habitus erat. Quibus rebus Romæ nunciatis, Cæsari magno omnium consensu statuæ, currus triumphalis, & ut ouans urbem iniret, & laurea corona perpetuo uteretur, concessum est. Hæc Dio. In Capitolinis tabulis scriptum est etiam Imp. Cæsarem **II. III** uirum **II** quantem ex Sicilia hoc anno iniisse; & apud Suetonium Cæsarem post bellum Siculum iterum quantem esse ingressum. Sex. Pompeius, cum è Messana Corcyram, atque inde in Cephalleniam nullo persequente uenisset, in Asiam ad Antonium se contulit, & cum eum in Lesbo rem male aduersus Medos gessisse audiret, ratus se Antonij imperium ad se facile translaturum, cum bellum compararet, per M. Titium Antonij legatum captus, iussu eiusdem, Cornificio, & Pompeio cos. interfectus est. Dio, epitomæ, Appianus.

*De M. Lepido triumphuro **II** uicto, & coacta abdicare.*

IMP. CÆSAR hoc anno bellum cum Sex. Pompeio gerente, M. Lepidus triumphur ex Africa ad societatem belli à Cæsare accersitus uenit. Cum autem Cæsar eo tanquam legato in bello uti uellet, Lepidus sibi imperij partem deposceret, ac pacta occulta cum Pompeio eum fecisse Cæsar comperisset, fugato Pompeio, Lepido inde, qui occupata Messana Cæsarem in ius uocabat, & Siciliam sibi uindicabat, bellum intulit. Qui uictus, atque ab exercitu suo relictus abrogato triumphuratus honore supplex à Cæsare uitam impetravit. Dio, Appianus, Velleius; itaque Suetonius ita: Post Pompeij fugam collegarum alterum M. Lepidum, quem ex Africa in auxilium euocarat, superbientem **xx** legionum fiducia, summasq; sibi partes terrore, ac minis uindicantem Cæsar spoliavit exercitu, supplicemq; concessa uita Circeijs in perpetuum relegauit. Idem Orosius.

DE COS. AN. DCCXVIII.

SEX. Pompeium, **L.** Cornificium consules prodit in hunc annum Cassiodorus. **L.** Cornificium **L.F.** Sex. Pompeium **Sex. F.** Dio. Hoc anno, ut dixi, Sex. Pompeius **Cn.F.** occisus est.

DE COS. AN. DCCXIX.

CONSULES suggerit Cassiodorus **L.** Scribonium, **L.** Atratinum; **M.** Antonium **M. F. II**, **L.** Scribonium **L. F.** Libonem Dio. Adicit idem **M.** Antonium magistratu se confestim abdicasse, ac sibi **L.** Sempronium Atratinum suffecisse. multos autem esse, qui propterea non Antonium, sed Atratinum consulem hoc anno profiteantur. Idem etiam post alio loco scribit, Cæsarem **II** consulem **K.** Ian. abdicasse, ut etiam ante **M.** Antonius fecerat. **L.** Sempronius Atratinus descriptus est ex triumpho Capitolino acto anno **DCCXXII**. Consules in parte anni suffectos inuenio **P.** Aemilium, **C.** Memmum. Ita enim est in lapide quodam perantiquo, cuius exemplum est in lib. ueterum inscriptionum, ubi multi horum annorum consules sunt.

L. SEMPRONIUS. L. SCRIBONIUS

K. IVL. P. AEMILIUS

C. MEMMIUS.

*De triumpho T. Statilij Tauri pro cos. ex Africa,
C. Sosij ex Iudæa, C. Norbani ex Hispania.*

Hoc anno **T.** Statilius Taurus pro cos. ex Africa triumphauit. ut scriptum est in Capitolinis tabulis. Hic autem Taurus in Africam ab Imp. Cæsare missus est, postquam Lepidum in Sicilia uicit, cuius erat prouincia Africa. Dio si quidem lib. **XLIX**, Cocceio, & Gellio cos. Cæsarem utranque Africam uirtute Statilij Tauri sine prælio obtinuisse, & Velleius **M.** Agrippæ, & Statilio Tauro nouitate familiæ haud obstitisse, quo minus ad multiplices consulatus triumphosq; & complura eueherentur sacerdotia scribunt. Eodem autem etiam anno **C.** Sosium ex Iudæa triumphasse inuenio in tabulis Capitolinis. De quo sic Dio lib. **XLIX**: **M.** Antonius in Italiam

N reuersus

Commentarius in fastos

reuerfus imperium Syriae, & Ciliciae C. Soffio tradidit. Is Aradios obfessos, ac fame, & morbo oppreffos in ditionem redegit, & Antigonom, qui praefidium Romanorum interfecerat, praelio vicit, ac Hierofolyma confugientem obfidiōe in poteftatem adduxit. Multis igitur detrimentis Iudaei Romanos affecerunt, fed multo plura acceperunt. atque haec Claudio, & Norbano cos. gefta funt. Sequenti uero anno cum in Syriam reuertiffet Antonius, C. Soffius, ne Antonium fibi infestum re bene gerenda redderet, quieuit. Haec ille. Iosephus autem antiquitatum lib. x v, narrat Hierofolyma à C. Soffio M. Agrippa, & Canidio Gallo cos. capta annos x x v i i, postquam à Pompeio in poteftatem populi Romani redacta fuerant. Hoc est autem illud, de quo in epitome c x x v i i i scriptum est: Iudaei à legatis Antonij subacti funt. Quin etiam C. Norbanum Flaccum hoc anno post Soffium ex Hispania triumphasse proditum est in Capitolinis triumphis. de cuius triumpho, aut rebus gestis nemo, quod sciam, scripsit. fuit autē ante cū Ap. Claudio cos.

DE COS. AN. DCCXX.

CASSIODORVS C. Caesarem, L. Volcatium consules suggerit; Dio Caesarem II, L. Volcatium L. F. Tullum. De hoc Caesaris consulatu sic Suetonius: Caesar secundum consulatum non uem annos post primum cepit, quem paucissimis horis gessit. Nam K. Ian. cum mane pro aede Capitolini Iouis paululum curuli sella praesedisset, honore abiit, suffecto alio. & Dio: Caesar II consul cum L. Tullo, abdicauit K. Ian. ut ante fecerat Antonius. Caesari collega futurus erat Sex. Pompeius Cn. Magni F. ita enim inter eos conuenerat, tum cum pacem fecerunt. ut refert lib. v Appianus. In locum Caesaris factum inuenio L. Antonium, multosq; alios in parte anni, in libro veterum inscriptionum, hoc modo:

IMP. CAESAR II. L. VOLCATIVS.

K. IAN. L. ANTONIVS.

K. MAI. L. FLAVIVS.

K. IVL. M. ATILIVS.

C. FONTEIVS.

K. SEP. L. VINVCIVS.

K. OCTOB. L. LAENONIVS.

Ex his mendose legi L. Antonium, ac L. Autronium Pætum legendum esse opinor, ut sit is, qui anno d c c x x i i i i pro cos. ex Africa triumphauit. L. Flauij consulis à M. Antonio facti, & abdicati meminit etiam Dio, etenim, ut puto, mendose est apud eum *Χλωίος*, pro *Φλωίος*.

DE COS. AN. DCCXXI.

CN. DOMITIIVM, C. Soffium consules nominat in hunc annum Cassiodorus. Dio Cn. Domitium Cn. F. Cn. N. Ahenobarbum, C. Soffium C. F. C. N. Nepos scribit Atticum Cn. Domitio, C. Soffio cos. mortuum. Cn. Domitius Cn. Domitij filius est eius, qui in Caesarem coniurauit. C. Soffius is est, qui paulo ante triumphauit, qui in Capitolino triumpho T. N. à Dione C. N. appellatur. Est autem intelligendum transactum esse quinquennium, quo Caesar II triuuir fuit. hoc autem primum anno priuatum fuisse, tum cum erat designatus cos. III. Itaque miror Tergefisti lapidem eiusmodi legi: IMP. CAESAR COS. DES. TERTIVM IIIVIR R. P. C. ITERVM MVRVM, TVRRESQVE FECIT. neque enim dici potest, eum sibi triumphuratum in tertium quinquennium prorogasse, quem Dio scribit, per decem annos tantum administrasse. Fortasse consulem designatum III intelligit anno priore, postquam secundo abierat. Nam multis ante annis se III cum M. Antonio III consulem designauerat, ut ait Appianus lib. v. Consules in parte anni suffectos inuenio L. Cornelium, & N. Valerium. sic est enim in ueteribus inscriptionibus:

CN. DOMITIIVS. C. SOSIIVS.

K. IVL. L. CORNELIIVS.

K. NOV. N. VALERIIVS.

Meminit etiam Paulli Aemilij Lepidi consulis in parte huius anni Dio, eumq; porticum suis sumptibus exaedificasse ait, & in consulatu dedicasse, quem in parte huius anni gessit. Hunc autem fratrem Lepidi triumphuri scribit fuisse, ab ipso quondam proscriptum.

DE COS. AN. DCCXXII.

CASSIODORVS C. Cæsarem II, M. Messallam consules in hunc annum proficitur. Dio Cæsarem III, M. Valerium M. F. Messallam Coruinum, & recte. neque enim Cassiod. rationē habet consulatus eius, quem cum Q. Pedio gessit, quia successus fuit. Dio autem, & Appianus auctores sunt Cæsarem, & Antonium ambos III in hunc annum consules comparatos fuisse tum, cū pace cum Sex. Pompeio facta consules in octo annos insequentes designarunt; uerum abrogatum fuisse priore anno ei à populo consulatum, & bellum una cum Cleopatra indictum, ac pro eo M. Messallam consulem declaratum. Vnde etiam Suetonius: Cæsar tertium consulatum anno interiecto cepit. hunc annum ab eo gestum tradit & Dio, & Suetonius. De Messalla autem sic Dio: M. Messalla, quem proscripserat Antonius, non solum seruatus est, sed etiam postea consul in locum eius factus est. De successis hoc anno cos. sic in veterib. inscrip.

IMP. CÆSAR III. M. VALERIVS.

K. MAI. M. TITIVS.

K. OCTOB. CN. POMPEIVS.

*De bello Asiatico cum M. Antonio, & imperio Ro.
ad unum Imp. Cæsarem translato.*

VLTIMVM bellum, quod gestum est cum ciuibus, gestum est cum M. Antonio, qui triumphauerat R. P. C. quo confecto, (hic enim unus ex ciuibus arma retinebat) imperium Romanum totum ad Cæsarem, qui post Augustus est appellatus, translatum est. Inimicitia autem inter Cæsarem, & Antonium coeperunt Antonio, & Volcatio cos. exarserunt Domitio, & Sosio, auctore Dione. Antonius crimini dabat Cæsari, quod Lepido triumphuratum abrogasset, atque copias eius, & Sex. Pompeij, quas communes esse oportebat, unus sibi sumpsisset, atque tum illarum, tum quas in Italia, quæ communis erat, conscripisset, partem repetebat. Cæsar autem Antonio, quod Aegyptum sine sorte teneret, & Sex. Pompeium, cui ipse sponte ignouisset, interfecisset, & Artavasdem regem Armeniorum dolo captum, in uincula cum magna populi Ro. infamia coniecisset; partemq; eorum spoliolum poscebat. uitio etiam dabat Cleopatram, & liberos ex ea susceptos, & quæ ei donasset. in primis autem quod Cleopatraz filium ex C. Cæsare Cæsariōnem appellasset, atque ad Cæsaris genus traduxisset. Atque hoc quidem tum per epistolas priuatim, tum publice in senatu Cæsare coram, & Antonio per legatos agente, ultro, citroq; obiecta sunt; delectibus interea ab utroque, quasi ad aliud bellum habitis. quousque Domitius, & Sosius, ambo Antonianarum partium consulatum inierunt. Tum enim cum K. Ian. Sosius in senatu multa pro Antonio contra absentem Cæsarem dixisset, Cæsar in urbem reuersus conuocato senatu multo pluribus in Antonium, ipsis obmutescantibus consulibus, perorauit. Quibus acceptis Antonius remisso Octauiaz nuncio, bellum suscepit. Tum Cæsar in senatu, & in concione, testamenti Antoniani tabulis, quas quidam ab Antonio ad Cæsarem transfugientes apud Vestales asseruari rettulerant, recitauit; in quibus Cæsariōnem uere Cæsaris ex Cleopatra filium testabatur, & filijs suis ex Cleopatra natis ingentia munera legabat, seq; in Aegypto cum Cleopatra sepeliri iubebat. Quibus rebus indignatus populus R. cum etiam grauiora alia uera esse, quæ sermonibus celebrabantur, putaret: Antonium uictoria parta urbem Cleopatraz per gratiam traditurum, atque imperium Romanum in Aegyptum esse translaturum, eo irarum progressus est, ut consulatum ei, quem cum Cæsare gesturus erat, imperium abrogarit, & bellum non uerbo, ne eos qui cum eo erant à se abalienaret, sed re, uerbo autem Cleopatraz per facialem indixerint: quod mulier Aegyptia Romanum imperium affectaret. Hæc Dio: De iisdem causis sic etiam scriptum est in epitoma cxxi: Antonius Artavasdem Armeniaz regem fide data perductum in uincula conijci iussit, regnumq; Armeniaz filio suo ex Cleopatra nato dedit; quam uxoris loco iam pridem captus amore eius habere coeperat. Cum autem ob eiusdem amorem, ex qua filios duos habebat, Philadelphum, & Alexandrum, neque in urbem uenire uellet, neque finito triumphuratus tempore, imperium deponere, bellumq; moliretur, quod urbi, Italiazq; inferret, ingentibus tam naualibus, quam terrestribus copijs ob hoc contractis, remissoq; Octauiaz forori Cæsaris repudio, Cæsar in Epirum cum exercitu traiecit. Adjicit præterea Dio, eodem anno Cæsarem, & Antonium copias undique comparasse, Cæsarem ex Italia, Gallia, Hispania, Libya, Sardinia, & Sicilia, Antonium ex Asia, Thracia, Macedonia, Græcia, Aegypto, Cyrene, regibus, & dynastis omnibus; sequenti autem anno Cæsare, & Messalla cos. Antonium, & Cleopatram

Commentarius in fastos

ad Actium Epiri promontorium Cæsari occurrisset. multis prælijs naualibus à Cæsare prospere factis, uictum tandem Antonium cum Cleopatra Alexandriam in Aegyptum profugisse. Cæsarem uictorē Apollini Actio triremes usque ad decemremes omnes captiuas consecrasse, ac maiori fano constructo ludos Scenicos, & Circenses, ac sacrum quinquennale, quod Actium dictum est, instituisse. atque ubi castra habuerat, oppidum Nicopolim exædificasse. hanc autem naualem pugnam **IIII** non. Sept. factam, atque eo die uniuersum imperium Ro. ad Cæsarem recidisse; itaque ab illo die annorum eius imperij enumerationem duci. Quare recte Suetonius ita: Cæsar primum cum M. Antonio, Marcoq; Lepido, dein tantum cum Antonio per **XXI** fere annos, nouissime per **IIII**, & **XL** solus remp. tenuit. & Tacitus libro **I**: Postquam Bruto, & Cassio cæsis nulla iam publica arma, Pompeius apud Siciliam oppressus, exutoque Lepido, interfecto Antonio, ne Iulianis quidem partibus, nisi Cæsar dux reliquus posito triumphari nomine, consulem se ferens, & ad tuendam plebem tribunicio iure contentum munia senatus, magistratuum, legum in se trahere nullo aduersante.

DE COS. AN. DCCXXIII.

CASSIODORVS consules in hunc annum nominat C. Cæsarem **III**, M. Crassum. Dio Cæsarem **IIII**, M. Licinium M.F. Crassum. Addit idem: Cæsar media hyeme traiecit in Italiam ex Macedonia, qua ipse quartum cos. cum M. Crasso fuit. hic enim etsi cum Sexto & cum Antonio senferat, tamen tum ne prætorius quidem consulatum gessit. Orosius item notat Cæsarem **VI** Imp. appellatum cum M. Licinio Crasso cos. fuisse. Cum autem Dio scribat hunc consulatum annum à Cæsare gestum, miror cur Suetonius non nisi à **VI** ad **XI** annuos gestos tradiderit. Hunc consulatum eodem auctore Cæsar in Asia iniuit. De consulibus suffectis M. Licinio sic in ueteribus inscriptionibus:

IMP. CAESAR **III**. M. LICINIUS.

K. IVL. C. ANTISTIUS.

ID. SEPT. M. TVLLIUS.

De M. autem Tullio sic Dio in exponendis huius anni rebus: Quo tempore nunciata est mors M. Antonij, in parte anni consul erat Ciceronis filius. & Plinius lib. **XXII**: Ipsum Augustum cum M. Cicerone filio consulem idib. Septemb. senatus obsidionali donauit. Tradit etiam Plutarchus cum Dione, paulo post debellatū Antoniū Cæsarem consulem factum, Ciceronis oratoris filium sibi collegam coopasse. quo in magistratu senatum statuas Antonij deiecisse, ac decreto, nequis ex gente Antonia Marci prænomine uteretur, statuisse.

DE COS. AN. DCCXXIII.

CONSULES apud Cassiodorum C. Cæsar. **III**, Sex. Appuleius. apud Dionem Cæsar **V**, Sex. Appuleius Sex. F. In ueteribus inscriptionib: IMP. CAESAR **V**. SEX. APPVLEIUS. In Capitolino triumpho: SEX. APPVLEIUS SEX. F. SEX. N. Suetonius, Cæsarem quintum consulatum continuasse, eumq; in Samo inijsse; Dio, consulem sexto suffectum in parte anni Potitum Valerium scribunt. qui, ut puto, pater est L. Valerij Potiti F. consulis anno **DCCXLVII**. Hunc annum uocat Dio ab vrbe condita **DCCXXV**. De Cæsare cos. **V** extat epigramma vetus eiusmodi in antiquæ vrbis epigrammatis libro.

SENATVS POPVLVSQVE ROMANVS

IMP. CAESARI DIVI IVLI F. COS. QVINCT.

COS. DESIGN. SEXT. IMP. SEPT.

REPVBLICA CONSERVATA.

De **III** triumphis Imp. Cæsaris Dalmatico, Macedonico, Aegypto;
et C. Carrinatis pro cos. Gallico.

HIS consulibus Imp. Cæsarem tres triumphos egisse, primo die de Pannonijs, Dalmatis, Iapygibus, Gallis; eodemq; die C. Carrinatem pro cos. de Morinis, altero die ex Macedonia, tertio ex Aegypto de Cleopatra, auctor est Dio. Vnde etiam Suetonius: Curules triūphos egit tres, Dalmaticum, Actiacum, Alexandrinum. & Macrobius: Cæsar Sextili mense triumphauit ter, & iccirco mensis ille post dictus est Augustus. Orosius autem imperite, qui scripsit Cæsare, & Sex. Appuleio cos. Cæsarem ab oriente redeuntem **VII** id. Ian. urbem triplici triumpho ingressum esse.

esse. siquidem scriptum est apud Dionem, æstate ea, qua Potitus Valerius consul in locum Sex. Appuleij in parte anni fuit, Cæsarem in Italiam traiecit, & triumphasse. De his tribus triumphis sic in **V I I I** Vergilius:

At Cæsar triplici inuictus Romana triumpho
Mœnia, dijs Italis uotum immortale sacrabat.

Quæ uerba exponens Seruius ait: Tres Augustus triumphos egit. nam primo die triumphauit exercitus, qui Antonium, secundo qui Dalmatas uicerat, tertio ipse cum Alexandrino ingressus triumpho est. At in epitomis, primum ex Illyrico, alterum ex Aetiaca uictoria, tertium de Cleopatra actum, scriptum est. & Dio, ut dixi, primo die Dalmaticum actum, & Gallicum tradit. uerba eius hæc sunt: Cæsar primo die de Pannonijs, Dalmatis, Iapigibus, & Gallis quibuscumque triumphauit. Nam C. Carrinas Morinos, & alios quosdam, qui una defecerant, subegerat, & Sucuos, qui magna multitudine Rhenum transierant, repulerat, ac propterea & ille triumphauit, quamuis pater eius à Sulla proscriptus, atque ipse una cum alijs suffragiorum ratione priuatus esset, triumphauit uero etiam Cæsar, quoniam uictoria ad imperatorem cuius auspicijs parata est, refertur. Atque hi primo die triumphus acti sunt. Appianus etiam de Illyrijs à Cæsare triumphatum scribit. Hæc de triumpho. de uictoria uero sic Dio: Cæsar Pompeio, & Cornificio cos. cum Sex. Pompeius ab Antonio occisus esset, quem ipse priore anno fugarat, uenit in Siciliam, ut ad Africam ordinandam traiceret, uerum tempestate detentus, consumpto tempore non traiecit. Etenim Salassi, Taurisci, Liburni, Iapygesque cum & ante mouissent, & tributa dare recusassent, absente Cæsare defecerunt. propterea Cæsar adducto aduersus eos exercitu Salassos & Iapygas in potestatem redegit. quibus rebus gestis in Pannonios mouit, non quod illi quicquam in se deliquissent, sed ut milites in opere haberet, & exercitum alienis sumptibus aleret, eorumque gente subacta, atque ijs præfecto Fusio Geminus Romam decedens triumphum sibi decretum à senatu in aliud tempus distulit. cum autem in Britanniam traicere cuperet, ac propterea post hunc, qua M. Antonius cum Libone consul fuit, in Galliam uenisset, quidam ex populis, quos ante deuicerat, una cum Dalmatis rebellauerunt, ac Pannonios quidem Fusius, Dalmatas primum Agrippa, post etiam ipse Cæsar, qui & eo bello uulneratus est, Salassos Messalla Coruinus, alios Statilius Taurus perdomuit. Vnde Suetonius: Dalmaticum bellum Cæsar adolescens adhuc per se gessit, quo etiam uulnera excepit. Item: Domuit partim ductu, partim auspicijs suis Cantabriam, Aquitanniam, Pannoniam, Dalmatiam, cum Illyrico omni, item Rhetiam, & Vindelicos, & Salassos gentes Alpinas coercuit. Hæc de primo triumpho. Secundo autem die naualem ad Actium pugnam in triumpho translata narrat Dio, (de qua ante dictum à nobis est.) neque uero de Antonio, & ciuibus R. sed de Cleopatra triumphum actum. Tertio de Aegypto capta triumphatum, qua de re nunc dicendum est. Cæsare, & Messalla cos. quo anno Cæsar Antonium, & Cleopatram ad Actium nauali prælio uicit, cum eos in Aegyptum profugientes alijs persequendos mandasset, ipse in Italiam ad res ordinandas, ne qui motus exorirentur in urbe, reuertit, ac post xxx die cum in Græciam ad bellum traiecisset, postero anno ambos Alexandria obsedit. Antonius in ultima rerum desperatione, ubi res cum Cæsare conuenire non potuit, falso rumore occisæ Cleopatras percussus se interemit. Cæsar Alexandriam in potestatem una cum Cleopatra redegit, quæ ne arbitrio uictoris in triumpho duceretur, ipsa sibi admotis aspidibus, quanquam à Cæsare custodita, mortem intulit. Cæsar Aegypto in provinciam formam redacta, atque ei Cornelio Gallo præfecto, in Asiam per Syriam uenit, atque ibi hyema uit. æstate autem sequente in Italia decedens urbem cum tribus his triumphis ingressus est. quorum extremo Cleopatra ipsa mortua translata est. in quo illud etiam contra uetus institutum à Cæsare factum refert Dio, ut consul collega, & alii magistratus, ac senatus omnis currum sequeretur Cæsar, cum ante alij præcedere, alij subsequi currum solerent.

De triumpho L. Autronij pro cos. ex Africa.

L. AVTRONIVM L. F. pro cos. **xvii**. K. Sept. triumphasse ex Africa reperio in Capitolinis tabulis. ex quo intelligi potest, cum hoc anno, id est **DCCLXXIIII** ab urbe condita, post imp. Cæsarem eodem mense triumphasse. nam M. Crassus, cuius triumphus subiicitur, anno **DCCLXXV** triumphauit **IV** non. Iulias. hoc dico, quia in Capitolinis tabulis annus huius triumphus deletus est. De quo triumpho, aut de rebus ab Autronio gestis nihil comperi. Hic autem post Statilium Taurum fortasse rem gessit. neque enim post M. Lepidum à Cæsare uictum Africa quicquid uidetur, quod insequentes uictoriae demonstrabunt.

Commentarius in fastos

De censoribus, & lūstro.

DIO in hunc annum censores conijcit imp. Cæsarem, & M. Agrippam. Suetonius item ait, Cæsarem censores longo interuallo creati desitos, creasse. Adjicit Dio, senatum lectum, multosq; qui per bella ciuilia temere in senatum uenerant, senatu motos. ex quibus quinquaginta ultro celsisse, centum quadraginta ab ipso motos. ex senatoribus inter consulares rettulit C. Cluuium, & C. Furnium, qui cum ante consules designati fuissent, magistratum gerere alijs locum occupantibus, non potuissent; sequenti autem anno censum egisse, principem senatus legisse. Itaque Eusebius etiam sexto decimo demum anno, postquam Cæsar consul fuerat, censum actum notat.

DE COS. AN. DCCXXV.

CASSIODORVS in hunc annum cos. nominat Cæsarem $\overline{\text{v}}$, M. Agrippam $\overline{\text{ii}}$. Orosius Cæsarem $\overline{\text{vi}}$, Agrippam $\overline{\text{ii}}$. Dio Cæsarem $\overline{\text{vi}}$, M. Vipsanum Agrippā $\overline{\text{iii}}$. est tamen legendum $\overline{\text{ii}}$. ut sit sequenti anno $\overline{\text{iii}}$. hoc indicat inscriptio templi, quod ipse fecit, & Pantheon nominauit: M. AGRIPPA L. F. TERT. COS. FECIT. hoc enim templum Dio completum scribit biennio postquam consul fuit cum Cæsare $\overline{\text{vii}}$. quo anno ipse tertium, non quartum consulatum gessit. alioquin in fronte templi inscripisset: Quartum cos. Nam si hoc anno tertium consul fuit, frustra secundum quo anno fuerit, quæremus.

De triumpho M. Licinij Crassi pro cos. ex Tracia, & Getis.

M. LICINIUM Crassum pro cos. hoc anno ex Tracia, & Getis triumphasse tradunt Capitolinorum triumphorum auctores. Qua de re sic Dio: Bellum, inquit, erat inter Sueuos, & Dacos, quorum illi Galli, hi Scythæ sunt, illi trans Rhenum, hi circa Danubium incolunt, quorum alij Mysi, alij Daci nominati sunt. Siue igitur Getæ quidam sint, siue Thraces ex Dacico genere, eo quod olim Rhodopen habitauit, hi Daci cum prioribus ante temporibus legatis ad Imp. Cæsarem missis nihil ab eo ex ijs, quæ petissent, impetrassent, ad Antonium se contulerunt. M. autem Crassus cos. in Macedoniam, & Græciam missus Dacis, & Bastarnis bellum intulit. Bastarnæ uero Scythæ esse putantur, qui, cum Danubium transissent, Mysiam inuaserunt. post autem Triballos, & Dardanos Mysiæ finitimos adorti sunt, sine ullo tamen Romanorum detrimento. At posteaquam superato monte Aemo in Thraciam Dentheletarum Romanis fœderatam irruperant, Crassus subueniens Thracibus eos è regione expulit, ac fugientes persecutus, Segetica in potestatem redacta, ac in Mysiam impetu facto, tum agrum eorum uastauit, tum etiam oppidum munitum obsidione cepit. Bastarnæ cum Crassum Mysiæ uictis in se exercitum adducere uiderent, legatos ad eum miserunt, per quos se ab omni culpa Romani belli remouerent. Crassus nihilo minus in eos irruptione facta Bastarnas cecidit, ac regem eorum Deldonem interfecit. Ioui Feretrio spolia opima relaturus, si ipse suis auspicijs, non Cæsaris rem gessisset; paucos, qui oppidum munitum occupauerant, Rholo quodam Getarum rege, in potestatem adduxit; Mysiæ iterum uictis, & Bastarnis, qui Dentheletas uexauerant, uictis Thracis, qui sibi ex Mysia per Thraciam redeunti molesti fuerant, subegit. Accersitus autem à Rholo rege Getarum ad Dapygem aliorum Getarum regem, cui inimicus erat, opprimendum, cum debellauit, ac interfecit. eodemq; belli impetu Getas etiam alios, qui nihil ad Dapygem pertinebant, deuicir. Ob hæc scribit Dio, non solum Crasso, sed etiam Cæsari supplicationes, & triumphum esse decretum, Crassum uero nomen imperatoris repudiasse, Cæsarem usurpasse. In epitome etiam cccxv mentio fit belli à M. Crasso aduersus Bastarnas, Mysos, & Thracas, & alias gentes gesti. & apud Florum capite de bellis aduersus gentes exteris.

DE COS. AN. DCCXXVI.

INDE C. CAESAREM $\overline{\text{vi}}$, M. Agrippam $\overline{\text{iii}}$ consules prodit Cassiodorus. Cæsarem $\overline{\text{vii}}$, Agrippam $\overline{\text{iii}}$, Dio. quid de utroque numero sentiam ex ijs, quæ ante dixi, apparet.

Quo modo

Quo modo Imp. Cæsar imperium confirmauerit, & ordinauerit, & de titulis, quibus legitima Imperatoris potentia significatur.

Hoc anno imperium Imp. Cæsaris, quod ipse sibi uni uendicauit, quo die M. Antonium ad Actium (ut ante dixi) superauit, confirmatum est. si quidem post Actiacam uictoriam per annos x l. solus remp. obtinuit, quam antea per annos x l i cum M. Antonio, & M. Lepido triumuiris obtinuerat. Est autem confirmatum hoc modo. Cæsar biennio ante, postquam tres illos nobilissimos triumphos cum maximo omnium ciuium plausu, & lætitia egit, cum pacasse totum fere terrarum orbem uideretur, ita ut propterea Ianum tertium clauderet, atque salutis augurium faceret, quæ nisi quieto toto imperio fieri assueuerant, consilium de rep. reddenda, & imperio depnendo habuit. Itaque suadente maximè M. Agrippa, Mæcenate uero dissuadente, Mæcenatis sententiam sequutus animum ad imperium lege firmandum adiecit. Primum autem censum egit, ratus eum ad remp. ordinandam futurum aptissimum, deinde ne quis senator se inscientem extra Italiam esset, edixit, atque omnes se ciuium ad Antonium scriptas literas, cremasse professus est, ne quis senator ex ijs, qui Antonij partes sequuti fuerant, quasi sibi propterea suspectus, noui aliquid in rep. moliretur. in sexto deinde consulatu Agrippæ collegæ, ex antiquo more, prout cecidit, fasces dedit, senatus principem legit, populum muneribus, & ludis, delinitum frumento, senatores pecunia iuuat, ærarium publicum pecunia priuata sustentauit, nomina eorum, qui ærario deberent, publicis incensis tabulis, deleuit. cumq; multa bellis, & seditionibus ciuilibus, & maxime Lepido, & Antonio dominantibus contra ius, & leges constituta essent, ea omnia uno edito sustulit, cum terminum earum legum consulatum suum sextum statuisset. Quibus de rebus cum maximam sibi apud omnes gratiam peperisset, uoluit magnitudinem etiam aliam animi demonstrare, ut ea re coleretur magis, & uolentibus ciuibus imperium stabiliret. Paratis enim ex senatoribus ijs, quorum sibi maxime spectata, & nota fides erat, senatu frequentissimo, oratione ad tempus accommodata, se imperio abdicare, idq; senatui, & populo tradere dixit. Tum senatores, alij, quod fidem uerbis eius non haberent, alij quod grauiora damna ex populari statu extimescerent, alij quod eius animi offensionem, si aliter facerent, metuerent, precibus petentes coegerunt, ut imperium ipse unus retineret, ac S. C. satellitibus, & custodibus eius stipendium duplicarunt, ut diligentius eius uita custodiretur, perinde atque si uere abire imperio uoluisset. Cum hoc modo senatus, & populi uoluntate opes imperij stabilisset, ut ipse popularis uideretur, totius imperij curam sibi depoposcit, prouinciarum administrationem cum senatu, & populo communicauit. Nam senatui populoq; Africam, Numidiam, Asiam, Græciam, Epirum, Dalmatiam, Macedoniam, Siciliam, Cretam cum Cyrene, Bithyniam, Pontum, Sardiniam, & Bæticam, quæ pacatiores erant, tradidit, sibi uero sumpsit reliquam Hispaniam & Tarracensem, & Lusitaniam, & Galliam omnem, Narbonensem, Lugdunensem, Aquitanicam, Celticam, & eorum colonias, ut Germaniam, Cœlem Syriam, Phœnicem, Ciliciam, Cyprum, & Aegyptum. post autem Cyprum, & Galliam Narbonensem populo dedit, ab eo uero Dalmatiam accepit. quæ permutatio in alijs post etiam gentibus facta est. His rebus actis, ut omnem de se monarchiæ suspicionem eximeret, potestatem rerum, quæ sibi concessæ erant, in decenniū sumpsit. hoc enim spatio se remp. constituturum affirmauit, addens, se, si citius res composuisset, citius etiā imperiū redditurum. Decennio transacto tum in quinquennium, ac deinde in alterum quinquennium, post in decennium, postremo in tertium etiam decennium & petijt, & impetrauit. ita ut successionem decenniorum perpetuo imperium administrauerit. Quo factum est, ut reliqui imperatores, quanquam non in certum tempus, sed in omnem uitam designarentur, tamen decimo quoque anno fectos agerent dies, quasi tum imperium renouarent. Cæsari autem cum alij honores multi habiti, tum cum imperio abdicauit, tum ut laurus ante regiam eius, & super eam corona quercea statueretur, tanquam ei, qui & hostes uicisset, & ciues conseruasset; ut regia eius Palatium uocaretur, quod in Palatio habitaret, & prætorium haberet. itaque etiam si imperator in alia regione habitat, tñ regia eius Palatium dicitur; ut Augustus nominaretur. nam cum eum uellent singulari aliquo nomine ornare, atque alij alia afferrent, Cæsar in primis se Romulum dici cupiebat. ne uero eo forte nomine in regni suspicionem incideret, Augustus se dici passus est, quasi qui maior esset homine. omnia enim quæ maximo honore digna, ac sacra sunt, augusta dicuntur. Ita Dio. Adiecit Censorinus: Ante diem x v i K. Febr. Iulius Cæsar Diui F. imp. Augustus sententia Munatij Planci à senatu, ceterisq; ciuibus dictus est, se septimum, & M. Vipfano Agrippa eos. Ouidius uero Fastorum primo idibus Ianuar. hoc factum scribit, his uersibus:

Commentarius in fastos

Idibus in magni cyflos Iouis æde sacerdos

Semimaris flammis uiscera libat ouis .

Redditaq; est omnis populo prouincia nostro

Et tuus Augusto nomine dictus auus .

& paulo infra :

Sacra uocant Augusta patres , augusta uocantur

Templa sacerdotum rite dicata manu .

Huius & augurium dependet origine uerbi ,

Et quodcunque sua Iuppiter auget ope .

Suetonius autem : Postea C. Cæsaris , & deinde Augusti cognomen assumpsit , alterum testamentum maioris auunculi , alterum Munatij Planci sententia ; cum quibusdam censentibus Romulum appellari oportere , quasi & ipsum conditorem urbis , præualuisset , ut Augustus potius uocaretur , non tantum nouo , sed etiam ampliore cognomine , quod loca quoque religiosa , & in quibus augurato quid consecratur , augusta dicantur , ab auctu , uel ab auum gestu , gustuue , sicut etiam Ennius docet scribens : Augusto augurio postquam incluta condita Roma est . & Eutropius : Cæsar cum ex oriente uictor reuersus esset , tum primum Augustus eo , quod remp. auxerat , consalutatus est . atque ex eo tempore summam rerum potestatem , quam Græci *μοναρχία* uocant , adeptus est . Hunc igitur in modum cum & senatus , & populi potestas ad Augustum recidisset , ab eo certissimæ monarchiæ initia ducta sunt . quod ipsum monarchæ nomen adeo graue populi R. auribus accidit , ut eos ne dictatores quidem appellare uoluerit . Omnino autem in regum imperio sunt , cum omnis resp. in eorum potestate posita sit . fiunt enim omnia ad arbitrium , & præscriptum imperatoris . Vt autem non ex imperio , sed ex legibus hæc facere uideantur , omnia nomina , quæ in libera ciuitate florebant , præterquam dictatoris ipsi sibi ascuerunt . Etenim ipsi sæpe consules fiunt ; & pro consules , ubi extra pomerium exercitus educendus fuerit , nominantur . Imperatoris autem nomen omnino non ij tantum , qui rem bene gesserunt , sed omnes etiam alij ad summam in rep. potentiam significandam pro dictatoris , & regis appellatione usurparunt . Regis enim , & dictatoris nomina non ferunt , postquam semel ex rep. illud Bruti , hoc Antonij consulum lege , sublata sunt . auctoritatem tamen eorum Imperatoris nomine explerunt . his enim nominibus potestatem sibi assumunt delectus habendi , pecunias cogendi , bella suscipiendi , pacem faciendi , urbano , & peregrino exercitui perpetuo , & ubique imperandi , ita ut etiam intra pomerium à senatore , & equite pœnas repetere possint , ac denique cetera munera , quæ consules , ceteriq; liberæ ciuitatis magistratus obire poterant , sibi arrogant . ex censura autem uitas , & mores ciuium inquirunt , censum agunt , atque alios in equitum , & senatorum ordinem referunt , alios pro arbitrio eximunt . cumq; omnibus sacerdotijs initiati sint , atque alijs pleraque eorum tribuant , ipsiq; uni sint è pontificibus , siue duo , siue tres ij fuerint , eo nomine rerum omnium sacrarum potestatem adepti sunt . postremo potestas tribunicia , quam ij , qui quondam admodum floruerunt , obtinuerunt , eis permittit , res , quæ ab alijs fiant , nisi eas probauerint , abrogandi , atque ipsos à contumelia prohibet , & si uerbo , nedum re uolati esse uisi fuerint , ut ab eo , à quo iniuriam acceperint , impune indicta causa pœnas repetere possint . neque enim ipsi tribunatum capere dignum censent , cum in patriciorum numerum omnes relati sint , uerum potestatem tribuniciam , quanta unquam fuit , sumunt , & ex ea annos imperij sui numerant , quasi eam singulis annis cum perpetuis tribunis capiant . atque hæc quidem ex liberæ ciuitatis institutis sumpserunt . Illud uero singulare , & ante nemini decretum sibi uendicant , quod ipsi se legibus omnibus solutos esse uolunt . Ita regiam potestatem habent regij nominis odio exempto . Nam Cæsaris , & Augusti appellatio nullam eis propriam addit potestatem . id enim generis successionem , hoc dignitatis splendorem indicat . Patris autem cognomen fortasse potestatem illis in ciues dat eam , quam patres in liberos habent . non tamen initio id hac de causa decretum est , uerum ut admonerentur , ut eos , quibus præessent , tanquam filios amarent , & ut ipsi à ciuibus patrum loco colerentur . Atque hoc quidem modo Romanorum resp. à populo ad unum translata est . Hæc Dio . Quando autem tribuniciam potestatem Augustus ceperit , quando pont. max. factus sit . hæc enim in titulis eius continentur , post suo loco exponam . neque enim ipse satis mirari possum , cur si tribunicia potestate anni imperij notarentur , aut non hoc primum anno eam ceperit , aut eam post etiam Tiberio , antequam ille imperium acciperet , dederit . Eadem de re sic Appianus in præmio historiarum : Eos , inquit , in quorum potestate tota resp. est , imperatores appellant , non reges , uetusto iureiurando deterriti . imperatores uero uocant , quæ fuit appellatio egregiorum in republica ducum , cum tamen facta eorum omnia regum fuerint .

De triumpho M. Valerij Messallæ Coruini pro cos. ex Gallia.

QVÆ Capitulos triumphos digesserunt, hoc anno M. Valerium Messallam Coruinum ex Gallia triumphasse tradiderunt. Salassos, aliosq; qui cum eis noua moliebantur, à Messalla Coruino subactos scribit Dio, Antonio & Libone cos. tum cum imp. Cæsar bellum Dalmaticum gerebat. Eidemq; propterea triumphum Augustum de Gallis victis concessisse Appianus lib. 111 scriptum reliquit. De hoc triumpho loquitur Tibullus elegia 11 ita:

Hunc diem cecinere paræ, fatalia nentes
 Stamina, non ulli dissoluenda deo.
 Hunc fore Aquitanas posset qui fundere gentes,
 Quem tremceret forti milite uictus Atax.
 Euenere. nouos pubes Romana triumphos
 Vidit, & euinctos brachia capta duces.
 At te victrices lauros Messalla gerentem
 Portabat niueis currus eburnus equis.
 Non sine me est tibi partus honos, tua bella, Pyrene
 Testis, & Oceani littora Sanctonici.
 Testis Arar, Rhodanusq; celer, magnusq; Garumna
 Carnoti & flau, cærule lympha Lyger.

DE COS. AN. DCCXXVII.

CONSULES Cæsiodorus suggerit Cæsarem Augustum VII, T. Statilium; Dio Cæsarem Augustum VIII, Statilium Taurum II. Statilium Taurum ante dixi uideri anno DCCVI in parte anni primum consulem fuisse. Nam etiam Suetonius bis consulem eum fuisse scribit in Nerone ita: Nero duxit uxorem Statiliam Messallinam Tauri bis consulis, ac triumphalis abneptem. Idem Suetonius auctor est Augustum VIII consulatum inijsse Tarracone. T. Statilij consulis mentio est in Capitolino fragmento. Hoc anno M. Agrippa septa in campo Martio sacrauit. Cornelius Gallus ab Augusto relegatus cum esset Aegypti præfectus. Polemo rex Ponti in amicitiam acceptus. Dio.

De triumpho Sex. Appuleij ex Hispania.

SEX. APPVLEIUS pro cos. hoc anno ex Hispania triumphauit, auctoribus Capitolinis triumphis. Cuius de rebus, aut triumpho nihil in annalibus comperi.

DE COS. AN. DCCXXVIII.

DEINCEPS Cæsarem Augustum VIII, M. Silanum Cæsiodorus consules subiicit; Dio Augustum IX, M. Silanum; Fragmentum Capitolinum Imp. Cæsarem Augustum VIII, M. Iunium Silanum. Et hic consulatus ab Augusto Tarracone initus auctore Suetonio. Hoc anno Amynta rege mortuo Galatia cum Lycaonia prouincia facta est. oppida Pamphiliæ, quæ Amyntæ attributa ante fuerant, libertate donata sunt. Iubæ pars Getuliæ pro paterno regno permissa. Dio, Rufus.

De triumphis aliquot ab Augusto repudiatis.

EODEM anno Terentium Varronem rem bene cum Salassis gessisse, ac C. Antistium, T. Carisium cum Cantabris, & Asturibus Cæsare ipso Tarracone ægrotante prospere pugnasse, Augustam Emeritam oppidum in Lusitania Augusti iussu emeritis militibus condidisse; M. Vinicium Gallos quosdam, qui Romanos negociatores crudeliter uexarant subegisse Dio scribit. cumq; his de rebus triumphus Augusto decerneretur, ipsum Imperatoris nomine sumpto, triumphare noluisse; ac cum permissum ei esset, ut primo quoque anni die corona, & ueste triumphali uteretur, ipsum templum Iani, quod horum bellorum causa aperuerat, iterum clausisse.

Commentarius in fastos

DE COS. AN. DCCXXIX.

CAESAREM Augustum $\overline{\text{IX}}$, C. Norbanum consules suggerit in hunc annum Cassiodorus; Augustum $\overline{\text{X}}$, C. Norbanum Flaccum Dio, & Capitolinum fragmentum. Norbanum C. Norbani consulis filium puto, neque enim iterati honoris notam habet. Tiberius quaestor, Marcellus ædilis creatus est ante tempus. Cantabrigi, & Astures discessu Augusti rebellantes à L. Aemilio perdomiti sunt. Aelius Gallus primus Romanorum in Arabiam Felicem exercitum parum secunda fortuna adduxit. Dio.

DE COS. AN. DCCXXX.

CAESAREM Augustum $\overline{\text{X}}$, Cn. Pisonem consules Cassiodorus; Augustum $\overline{\text{XI}}$, Cn. Calpurnium Cn. F. Pisonem Dio subijcit. Ex fragmento autem Capitolino apparet, Augustum $\overline{\text{XI}}$, A. Terentium Varronem Murenam una inijsse: Murenam in magistratu mortuum, in eius locum factum esse Cn. Calpurnium Pisonem, & Augustum abdicasse. Qua de re sic Dio: Augustus in Albanum profectus consulatu abdicavit. Nam cum & ipse, ex quo resp. constituta est, & multi alij annuos magistratus gessissent, ab eo sibi in posterum abstinendum esse statuit, ut consulatus pateret quamplurimis. idque extra urbem fecit, ne impediretur. & in sui locum substituit L. Sestium, qui Bruti studiosissimus fuerat, atque de eius etiam tum laudibus scribebat. In fragmento altero lapidis Colotiani est huius consulis mentio, ubi **L. SESTIVS P. F.** appellatur. Fragmentum autem illud est hoc:

SVF. L. SESTIVS. P. F.	
M. CLAVDIVS M. F.	L. AR
L. MVNATIVS. PAVL. AEMILIVS	M. LO
Q. AEMILIVS LEPID.	P. SI
M. APPVLEIVS SEX. F.	Q. LVE
G. SENTIVS. SATVRN.	
SVF. M. VINVCIVS P. F.	
P. CORNELIVS P. F.	CN. C
C. FVRNIVS C. F.	C. IV
CL. L. DOMITIVS CN. F.	P. CO
	SVF. L. TA
M. DRVSVS. L. F.	L. =
M. LICINIVS. M. F.	= = =
TI. CLAVDIVS TI. F.	= = =
M. VALERIVS. M. F.	= = =
SVF. C. VALGIVS. C. F.	
C. CANINIUS.	

Eodem anno difficili, & periculoso morbo Augustus oppressus ab Antonio Musa sanatus est. Marcellus sororis filius mortuus magnifice ab eo sepultus est. Dio.

DE COS. AN. DCCXXXI.

CONSULES, ut ait Cassiodorus, hic annus habuit M. Marcellum, L. Arruntium; ut Dio, M. Claudium M. F. Marcellum Aeferninum, L. Arruntium L. F. In lapide Colotiano hi cos. ita descripti sunt: **M. CLAVDIVS M. F. L. AR** In Capitolino **L. ARRVTIVS L. F. L. N.** M. Claudius M. F. M. N. Marcellus dicitur in monumento ludorum quinctorum sæcularium, de quo post dicam. Hoc anno Fannij Cæpionis, & Varronis Murenæ coniuratio in Augustum patefacta, ædes Iouis Tonantis dicata est. Dio.

De Augusto Dictaturam renuente, Tribuniciam potestatem sumente.

IN Capitolinis tabulis consuli L. Arruntio superpositum fragmentum est eiusmodi. **L. A. T. V. S. E. ABDICAVIT TR.** Quod ego ita interpretatus sum, ut scripserim. Imp. Cæsarem, postquâ dictator appellatus est, abdicasse, ac tribuniciam potestatem primum sibi sumpsisse. De dictatura

ra eius sic scribit Dio: M. Claudio, L. Arruntio cos. fame, ac pestilentia oppressa urbe, atque Italia populis; R. nulla alia de causa hæc mala incidisse ratus, quàm quòd Augustus consulatum non gereret, Dictatorem ipsum dicere uoluit. Itaque cum senatum in curia conclusisset, id ipsum decernere coegerunt, minis adiectis, se, nisi id decerneret, cum in curia crematurum. Post hæc autem **xxiiii** fascibus arreptis in medium progressi sunt, petentes ab eo, ut se dictatorem dici, ac rei frumentariæ, ut quondam Pompeius, præfici pateretur. ille autem procuracionem frumentariæ suscepit necessario, dictaturam uero ueste à pectore rescissa repudiavit. nam cum plus, quàm Dictator in rep. posset, sapienter dictatoris inuidiam declinavit. Hanc autem etiam rem intellexit Suetonius cum ait: Dictaturam magna ui-offerente populo genu nixus deiecta ab humeris toga nudo pectore deprecatus est. & Velleius: Dictaturam quàm pertinaciter ei populus deferbat, tã constanter repulit. De tribunicia autem potestate Augusti Dio duobus in locis agit; primùm in tertio, deinde in quarto Augusti consulatu exponendo. atque ibi quidem hoc modo: Alexandria recepta, senatus Cæsari tribuniciam potestatem concessit, & ut ijs, qui nomen eius implorassent, tam extra pomerium, quàm intra usque ad mille passus auxilio esse posset, quod nulli tribuno ante licuerat. Est tamen intelligendum, quanquàm tum decreta ei potestas tribunicia fuit, non tamen eam aut accepisse, aut acceptam retinuisse. Hoc apparet, primum ex eo, quòd in consulatu undecimo ei delatam etiam Dio scribit, deinde quòd ante hunc annum nulla eius mentio est in consulibus Capitolinis; tum quòd nisi per **xxv**, aut **xxvi** annos eam gessisse traditus sit, qui numerus quadrat, si ab hoc aut à priore anno, non autem à quarto eius cōsulatu exordiamur. sic autem in consulatu undecimo scribit Dio: Senatus humanitate Augusti permotus, quòd L. Sestium Bruti amicum in sui locum suffecisset, ut is tribunus pl. esset in perpetuum, statuit. eidẽq; potestatem, quotiescunque senatus haberetur, de quacunque re uellet, etiam si consul non esset, referendi dedit, & pro consulare imperium in perpetuum concessit, ita ut neque intra pomerium ingrediens deponeret, neque egrediens resumeret, & ut in prouincijs plus ipse, quàm singuli, qui ijs præessent, posset. Ex quo tempore & ipse, & sequentes imperatores lege quadam cū alijs rebus, tum tribunicia potestate usi sunt. nomen enim ipsum tribunorum neque Augustus, neque alius quisquam imperator usurpauit. Hæc Dio; qui idem sentire uidetur, quanquàm ante etiam perpetua tribunicia potestas Augusto decreta erat, non ea tamen nisi hoc tempore ipsum usum esse. Hoc posito, tum noua existit quæstio; à quo anno ea repetenda sit, an à priore anno, quo ei delata est, an ab hoc, quo eam delatam primum usurpauit. Tacitus priorem sententiã tueretur, qui Augustum per **xxvi** annos eam cōtinuasse scribit; posteriore Capitolini auctores ex quibus Augustum, quo anno mortuus est, tribunicie potestatis **xxvi** esse, probatur. Quæ eadem quæstio post in tribunicia Tiberij potestate oritur.

De censura ab Augusto repudiata, & Lepido, ac Planco censoribus.

Eodem anno Augustus censuram, quam sibi populus in perpetuum mandare cupiebat, repudiavit, ac statim alios censores Paullum Aemilium Lepidum, & L. Munatium Plancum creauit, hunc quidem Planci proscripti fratrem, illum uero etiam proscriptum. qui ultimi priuati censuram obtinuerunt. quod etiam prodigio confirmatum est. tribunal enim eorum ascendentibus ipsis repente collapsum ac dissipatum est. Itaque post nulli alij censores ijs similes comparati sunt. Tum autem Augustus multa munera, quæ ad eos pertinebant, obiit. Hæc Dio. De his etiam censoribus sic Velleius: Planci, & Lepidi cēsura inter discordiam acta neque ipsis honori, neque reip. usui fuit, cum alteris uis censoris, alteri uita deesset. Horum etiam meminit Suetonius; D. inquit, Claudius gessit censuram intermissam diu post Paullum, Plancumq; censores. & in Nerone: Domitius L. Plancum censorem sibi uia decedere ædilis coegit. Valerius etiam lib. v, cap. viii, Planci censorij, & consularis. meminit. Hos demum etiam censores edit lapis Colotianus, ita:

M. CLAVDIVS M. F. L. AR=

L. MVNATIVS. PAVL. AEMILIVS.

quos tamen tabulæ Capitolinæ non habent. Itaque hac de causa, & hos, & post Claudium, ac Pisonem; ceteros in Fastis Capitolinis refarciendis omisi.

DE COS. AN. DCCXXXII.

IN hunc annum consules prodit Cassiodorus M. Lollium, Q. Lepidum. lapis Colorianus, Q. AEMILIVM LEPID. M. LOS=. Capitolinum fragmentum, Q. AEMILIVM. in pon-

Commentarius in fastos

et etiam Fabricio Romæ tale est epigramma:

L. FABRICIVS C. F. CVR. VIAR. FACIVNDVM CVRAVIT.

Q. LEPIDVS M. F. M. LOLLIVS M. F. PROBAVERVNT.

Hos intellexit quoque Horatius libro primo epistolarum, cum dixit: Collegam Lepidum quod duxit Lollius anno. de quibus sic Dio: Cum Augustus in Sicilia esset, populus R. in comitijs cōsularibus seditionem excitavit. Nam M. Lollius solus iniuit, quod locus alter Augusto servabatur. Augusto uero consulatum recusante, Q. Lepidus, & L. Siluanus summa contentione petentes ita omnia perturbaverunt, ut Augustus à prudentioribus accerferetur. Q. Lepidus creatus est. Hoc anno Augustus Iuliam filiam M. Agrippæ collocavit.

De triumpho L. Sempronij Atracini ex Africa.

Post uictum M. Lepidum, cuius in triumphatu Africa provincia fuerat, nunquam quiescit se Africa uidetur. Hoc indicant triumphi, quos ex ea provincia auspicijs Augusti egit primum Statilius Taurus, deinde L. Autronius Pætus, postremo hoc etiam anno L. Sempronius Atratinus. quos triumphos omnes nobis Capitolini scriptores tradiderunt, silentibus in tantis bellis annalibus Romanis. neque enim de hoc triumpho quicquam, ut ne de ijs quidem, comperi.

DE COS. AN. DCCXXXIII.

CONSULES in hunc annum subsequuntur apud Cassiodorum M. Appuleius, P. Silius. apud Dionem M. Appuleius Sex. F. P. Silius P. F. Nerua. in fragmento lapidis Colotiani: **M. APPVLEIVS SEX. F. P. SILEX.**

DE COS. AN. DCCXXXIIII.

CONSULES deinceps edit Cassiodorus C. Sentium, P. Lucretium; Dio C. Sentium C. F. Saturninum, Q. Lucretium Q. F. Vispillonem. Fragmentum Colotianum **C. SENTIVM SATVRNINVM. Q. LVCRETIVM.** Horum meminit etiam Eusebius in temporibus cum ait: Sentio Saturnino, Lucretio Cinna consulibus Virgilius poeta mortuus est. C. Sentium C. F. C. N. Saturninum inuenio scribi in monumento antiquo de quintis ludis sæcularibus, quod infra ascribam. De huius anni consulatu ita Dio: Consul erat C. Sentius, quia uero collega ei dandus erat, atque Augustus consulatus locum alterum, qui ei reseruabatur, repudiabat, coorta seditio est. donec Augustus alterum ex legatis Q. Lucretium, quem senatus ad se seditionis sedandæ causâ miserat, quanquam olim proscriptum, consulem declaravit. & Velleius libro 11: Præclarum excellentis uiri factum C. Sentij Saturnini consulis ne fraudetur memoria. aberat in ordinandis Asiæ, orientisq; rebus Cæsar. tum Sentius forte & solus, & absente Cæsare consul, cum alia prisca seueritate, summaq; constantia, uetere consulum more, ac seueritate gessisset, protraxisset publicanorum fraudes, punisset auaritiam, regessisset in ærarium pecunias publicas, tum in comitijs habendis præcipuum egit consulem. nam & quæsturam petentes, quos indignos iudicauit profiteri uetuit, & cum id facturos se perseverarent, consularem, si in campum descendissent, uindictam minatus est, & Egnatium florentem fauore publico, sperantemq; ut præturam ædilitati, ita consulatum præturæ se iuncturum profiteri uetuit. & cum id non obtinuisset, iurauit, etiam si factus consul esset suffragijs populi, tamen se eum non renunciaturum. suffectum consulem Sentio Saturnino in fragmento Colotiano inuenio **M. VINUCIVM.** Collegam Vinucio addit Velleius M. Agrippam, cum ait: Subinde bellum Pannonicum, quod inchoatum Agrippa, Marcoq; Vinucio auctore consulibus, magnum, atroxq;, & perquam uicinum imminebat Italiæ, per Neronem gestum est. Agrippæ notam quarti consulatus adieci.

De triumpho L. Cornelij Balbi pro cos. ex Africa.

L. ATRATINO successisse L. Cornelius Balbus in Africa uidetur, & magnis in ea provincia rebus gestis triumphasse. in hunc enim annum Africanum eius triumphum Capitolini scriptores coniungunt. De quo triumpho scribit Solinus ita: Garamantas Cornelius Balbus subegit, & primus ex hac uictoria triumphauit. primus sane de externis, ut pote qui Gadibus genitus accessit ad gloriam nominis triumphalis. & Plin. lib. v: Matelge oppidum Garamantum, itemq; Debris, clarissimumq; oppidum Garama caput Garamantum omnia armis R. superata, & à Cornelio

nelio Balbo triumphata unius omnium externo curru, & Quiritium iure dotato, quippe Gadibus nato ciuitas Romana cum Balbo maiore patruo data est. et hoc mirum, & supradicta oppida ab eo capta auctores nostros prodidisse, ipsum in triūpho præter Cydamam, & Garamam omnium aliarum gentium, urbiumq; nomina, ac simulacra duxisse. quæ iere hoc ordine: (numerat deinde singula oppida) Ad Garamantas iter inexplicabile adhuc fuit, latronibus gentis eius puteos, qui sunt non alte fodiendi (si locorum notitia adsit) arenis operientibus. Balbi Gaditani uiri triumphalis meminit item Strabo lib. III. Hunc etiam triumphum intellexit Dio cum scripsit, M. Agrippam hoc anno de Cantabris rebellantibus uictis triumphum sibi à senatu ex Augusti uoluntate decretum agere noluisse, cum tamen quidam alij, qui latrones comprehendissent, aut ciuitates seditionem mouentes pacassent, triumphos & cuperent, & agerent. patruus huius fuit L. Cornelius Balbus consul cum P. Canidio Crasso, anno DCCXIII.

De censoria potestate Augusto decreta.

AVGVSTVS hoc anno præfectus moribus à populo creatus est in quinquennium; ac censoriam potestatem in idem tempus recepit, consularem in perpetuum, ita ut semper, & ubique duodecim fasces ei præferrentur, ac inter consules assideret. Senatum sequenti anno duabus lectionibus ad sexcentos redegit. de ambitu damnatos magistratibus in quinque annos prohibuit. Qui sine uxoribus essent, ijs multam, indixit; qui uxores ducerent, ac filios alerent, summa præmia proposuit, ac libertinas etiam sine probro duci posse constituit. hæc Dio. Hinc Suetonius: Recepit & morum, legumq; regimen æque perpetuum, quo iure quanquam sine censuræ honore, census tamen populi ter egit, primum ac tertium cum collega, medium solus. senatorum affluentem numerum deformi & incondita turba (erant enim super mille, & quidam indignissimi, & post necem Cæsaris per gratiam, & præmium allekti, quos abortiuos uulgo uocabat) ad modum pristinum, & splendorem redegit duabus lectionibus, prima ipsorum arbitratu, quo uir uirum legit, secunda suo, & Agrippæ.

DE COS. AN. DCCXXXV.

CONSULES inde Cn. & P. Lentuli, auctore Cassiodoro; quos uocat, Cn. Corneliū L. F. Lentulum, P. Cornelium P. F. Lentulum Marcellinum Dio. P. CORNELIVM P. F. CN. C. fragmentum Colotianum.

DE COS. AN. DCCXXXVI.

C. FURNIVS, C. Silanus deinceps sequuntur consules apud Cassiodorum. C. Furnius C. F. C. Iunius C. F. Silanus apud Dionem. in fragmento autem Colotiano: C. FURNIVS C. F. C. IV. C. Furnio, & C. Iunio Silano cos. ludos sæculares quintos factos esse ab Augusto tradit Censorinus, & Dio. quorum ludorum tale extat in Capitolio monumentum:

LVDI SÆCVLARES QVINCT.

IMP. CAESARE DIVI F. AVGVSTO

C. SENTIO C. F. C. N. SATVRNINO

M. CLAVDIO M. F. M. N. MARCELLO

M. FVFIO M. F. STRIGONE.

D. LABLIO D. F. D. N. BALBO.

DE COS. AN. DCCXXXVII.

L. DOMITIUM, P. Scipionem cos. Cassiodorus suggerit. L. Domitium Cn. F. Cn. N. Ahenobarbum, P. Cornelium P. F. P. N. Scipionem Dio. L. DOMITIUM CN. F. P. COS. fragmentum Colotianum; suffectum L. T. quem ego interpretatus sum, esse L. Tarius Rufum, de quo Plinius lib. XVI: L. Tarius Rufus infima natalium humilitate consulatum militari industria meritis, antiquæ alias parsimonix circiter millies sestert. liberalitate diui Augusti congestum usque ad detractiōem heredis exhaustit, agros in Piceno coemendo, colendoq; His consulibus solenne quinquennale actum scribit Dio ob imperium Augusti, Agrippa uno ex quindecim uiris curante.

Commentarius in fastos

DE COS. AN. DCCXXXVIII.

DEINDE M. Drusum, L. Pisonem consules nominat Cassiodorus; M. Liuium L. F. Drusum Libonem, L. Calpurnium L. F. Pisonem Dio. M. DRVSVM L. F. L. == fragmentum Colotianum.

DE COS. AN. DCCXXXIX.

CN. LENTVLVM, M. Crassum insequens annus consules habuit, auctore Cassiodoro. Quos Dio uocat M. Licinium M. F. Crassum, Cn. Cornelium Cn. F. Lentulum. fragmentum autem Colotianum M. LICINIVM M. F. ===

De triumphis intermissis. triumphalibus ornamentis institutis.

HOC anno Bosporanos, qui Asandro mortuo à Scribonio quodam sollicitati fuerant, subactos ab Agrippa tradit Dio. eidemq; propterea supplicationes Romæ esse, atque triumphum decretum. quem tamen ab ipso non esse actum, quia de rebus gestis nihil ad senatum scripserat. Ex quo tempore, inquit, reliqui exemplum eius, quasi legem quandam sequuti, neque publice literas miserunt, neque triumphum obtinuerunt. ac propterea nemini alij pari dignitate triumphus in posterum, sed triumphalia tantum ornamenta decreta sunt.

DE COS. AN. DCCXL.

TI. NERO, P. Quinctilius consul hoc anno fuerunt apud Cassiodorum. Quos Dio nominat Ti. Claudium Ti. F. Neronem, P. Quinctilium Sex. F. Varum. fragmentum Colotianum TI. CLAVDIVM TI. F. ==. Tiberium primum consulatum paucis diebus gessisse, auctore est Suetonius.

De Augusto pontifice maximo.

MORTVO M. Lepido pont. maximo, Augustus in eius locum pont. maximus factus est. cum senatus pontificatum ei decreto sancire uellet, ipse curia egressus renuit, neque domum aliquam publicam accepit, sed partem suæ publicauit. necesse enim erat pontificem maximum in publico habitare. domum uero regis sacrorum Vestalibus uirginibus elargitus est. Hæc Dio. apud Suetonium autem hæc: Pontificatum maximum, quem neque uiuo Lepido auferre sustinuerat, mortuo demum suscepit. at apud Ouidium lib. 111 fastorum scriptum est, pridie non Marti creatum esse, his versibus:

Sextus ubi Oceano cliuofum scandit olympum

Phæbus. =

Cæsaris innumeris, quos maluit ipse mereri.

Accessit titulis pontificalis honor.

Hoc enim significat: ad ceteros Cæsaris titulos ab hinc etiam pont. maximum cœptum uocari.

DE COS. AN. DCCXLI.

M. MESSALLAM, P. Sulpicium consules suggerit Cassiodorus; M. Valerium M. F. Messallam Barbatum, P. Sulpicium P. F. Quirinum Dio. de quibus Suetonius ita in Claudio: Claudius Valerium Messallinam Barbati Messallæ consobrini sui filiam in matrimonium duxit. & Tacitus lib. 111: Nihil ad ueterem, & patriciam Sulpiciorum familiam Quirinus pertinuit ortus apud municipium Lanuuium. His consulibus alios successores indicat lapis Colotianus, in quo est ita:

M. VALERIVS M. F. ==

SvF. C. VALGIVS. C. F.

C. CANINVS.

In libro etiam Cuspiniani, cuius initio huius commentarij memini, ita hi consules suis cognominibus efferuntur:

MESSALLA

MESSALLA.

REBILO

MAXIMO

QVIRINO.

SATVRNINO. N. N.

TVBERONE.

Ex quo apparet Rebilum, & Saturninum Caninij, & Valgij cognomina esse. Hoc anno Augustum iterum in quinque annos præfectum moribus fuisse, camq; potestatem per interualla temporum, ut etiam imperium, accepisse, M. Agrippam diem obijisse refert Dio.

De triumphalibus ornamentis Tiberij.

MORTVO M. Agrippa Pannonij rebellarunt, subactiq; sunt à Tiberio, qui post Agrippam ab Augusto adoptatus erat. cumq; senatus Tiberio propterea triumphum decreuisset, Augustus, ne eum ageret, obstitit; triumphalia uero ei ornamenta, ut ait Dio, concessit. Vnde Suetonius ita: Tiberius primus (ut quidam putant) triumphalibus ornamentis honoratus est, nouo nec antea cuiquam tributo genere honoris. Dio tamen Agrippam primum hoc honore affectum, auctore est.

DE COS. AN. DCCXLII.

PAVLLVM Fabium, Q. Aelium consules prodit in hunc annum Cassiodorus; Paullum Fabium Q. F. Maximum, Q. Aelium Q. F. Tiberonem Dio; **MAXIMUM**, & **TVBERONEM** liberi Cuspinianus. Q. Aelij Tiberonis, P. Fabij Maximi consulum sæpe meminit Frontinus de aquæductibus, & Plinius lib. V III, cap. V II, Q. Tuberone, Fabio Maximo theatrum Marcelli dedicatum scribit.

De triumphalibus ornamentis Druso, Tiberio II.

et L. Pisoni decretis.

DRVSVS Messalla, & Sulpicio cos. Sicambros, & socios eorum absente Augusto rebellantes subegit, Gallos Rhenum transeuntes cæcidit, Vsiptarum agrum vastauit, Frisijs ad amicitiam populi R. traductis Romam decessit, ac quanquam prætorijs ornamentis præditus erat, præturam tamen Fabio, & Aelio consulibus iniit, inde ad bellum reuersus Vsiptetes debellauit, atque in Sicambrorum regionem irruptionem fecit, magnisq; alijs rebus gestis, triumphalibus ornamentis decoratus est, & ut ouans urbem iniret, atque acta prætura cum proconsulari potestate esset, obtinuit. Imperatoris nomen, quo à militibus affectus erat, Augustus non permisit. Tiberius autem Dalmatas se absente rursus arma mouentes, itemq; Pannonios in potestatem redegit, ac propterea eosdem honores, quos Drusus adeptus est. Drusum, ne ouans iniret, mors prohibuit, Tiberius biennio post iniuit. Eodem tempore Bulogæses Thrax Besus socijs quibusdam alijs adiunctis defectione facta Rhæcyporim Cottys filium uictum interfecit, & patrum eius Rhymetalcen in Cherronesum exercitu exutum compulit. Cum igitur hæc ille faceret, ac Sialæ Macedoniam populationibus incurfarent, L. Piso ex Pamphilia, cui præerat, castris motis in Besorum regionem uenit, ac cladem ab ijs acceptam ingenti victoria subleuauit, ob quam ei supplicationes, & triumphalia ornamenta decreta sunt. Hæc Dio. De hac re sic Velleius: Dum ea, quæ prædiximus, in Pannonia, Germaniaq; geruntur, atrox in Thracia bellum ortum, omnibus eius gentis nationibus in arma accensis, excellens L. Pisonis uirtus compressit. quippe legatus Cæsar triennio cum his bellum gessit, gentesq; ferocissimas plurimo eorum excidio nunc acie, nunc expugnationibus in pristinum pacis redegit modum. De eodem L. Pifone in epitomis scriptum est, & apud Florum.

DE COS. AN. DCCXLIII.

CONSVLBS Iulium Antonium Africanum, & Fabium edit in hunc annum Cassiodorus; Iulium Antonium Africanum, Q. Fabium Q. F. Maximum Dio; **AFRICANVM**, & **MAXIMUM** lapsi Cuspinianus. Miror autem legi apud Suetonium in Claudio, Iulium Antonium, Fabium Africanum consules, cum Africanus cognomen sit Antonij. quem triumuiroi Antonij filium prodit Suetonius in libro de grammaticis; & Dio Iulium Antonij filium nominat. Ad hunc scribit Horatius ita:

Pindarum quisquis studet ær

Iule, ceratis ope Dedalæ

Nititur

Commentarius in fastos

Nititur pennis. & post:
Tendit Antoni quoties in altos
Nubium tractus.

DE COS. AN. DCCXLIII.

INDE Drusus Nero, L. Quinctius consules apud Cassiodorum; Nero Claudius Ti. F. Drusus, T. Quinctius T. F. Crispinus apud Dionem; **DRVSVS**, & **CRISPINVS** in libro Cuspiniani. Drusum consulem in Germania mortuum, atque ipsum cum filijs Germanicū appellatum inuenio apud Dionem, quod cognomen ei primum senatum à prouincia imposuisse ait Eutropius. Vnde Velleius: Drusum consulem agentem annos xxx mors rapuit. Liuiana historia huius Drusi morte expletur. sic est enim in epitoma ultima: Bellum aduersus Germanorum trans Rhenum ciuitates gestum à Druso refertur. ipse ex fractura equo super crus collapsus, xxx die, quàm id accidit, mortuus est. corpus à Nerone fratre, qui nuncio ualitudinis eius euocatus raptim accurrerat, Romam peruectum, & in C. Iulij tumultu conditū. laudatus est à Cæsare Augusto uitrice, & supremis illius funeribus plures honores additi.

De Tiberio ouante ex Dalmatia.

QVEMADMODVM bellum cum Dalmatis, & Pannonijs gesserit Tiberius Nero Drusi frater, atque propterea, ut ouans urbem iniret obtinuerit, ante diximus. hoc igitur demum anno ouans urbem ingressus est, antequàm Drusus obiret. auctor Dio. unde Velleius etiam inquit: Dalmaticæ, & Pannonicæ uictoriæ compos Nero ouans triumphauit. Idem honos Druso parabatur, nisi ante diem decessisset, eodem Dione teste.

DE COS. AN. DCCXLV.

C. MARCIVM, C. Asinium consules suggerit in hunc annum Cassiodorus; C. Marcium Censorinum, C. Asinium C. F. Gallum Dio. Horum etiam meminit Censorinus de die natali, cum ait: Mensis, qui Sextilis fuerat, C. Marcio Censorino, C. Asinio Gallo cos. in Augusti honorem dictus est Augustus anno Augustio xx. Augustium autem annum appellat, postquàm Cæsar Augustus appellatus est. Idem scribit etiam Dio. cur autem hoc factum sit, causam affert, quod eo mense Cæsar primum consulatum cepit, & multa magnaq; prælia prospere fecit. Macrobius, quia Augustus tres hoc mense triumphos egit, hunc hoc nomine affecisse putat. mentio est eorūdem consulum etiam apud Plinium lib. xxxiii, cap. x. & in epigrammate antiquo in libro epigrammatum, ita: **C. ASINIVS C. F. GALLVS. C. MARCIVS L. F. L. N. CENSORINVS COS. EX S. C.** Augustus in alios x annos imperium accepit. Dio.

DE COS. AN. DCCXLVI.

TI. Neronem, Cn. Pisonem consules suggerit hoc anno Cassiodorus; Ti. Claudium Ti. F. Neronem II, Cn. Calpurnium C. F. Pisonem II Dio. Claudij Neronis II, & Calpurnij Pisonis consulum meminit etiam Dionysius lib. primo. atque hunc annum uocat **DCCXLV**. Tiberium secundum consulatum gessisse tribus mensibus scribit Suetonius.

De triumpho II Ti. Neronis cos. II ex Germania.

PRIORE anno Augustus, accepto in alterum decennium imperio, aduersus Gallose exercitum duxit, atque ipse quidem in prouincia mansit. Tiberius uero traiecto Rheno barbaros ad conditiones compulit, quibus repudiatis magnis eos cladibus, quanquam non incruenta uictoria, confecit. Augustus, cum Tiberium & semet nomine Imperatoris ornasset, Tiberium iterum consulem designauit, ac literas eum ad senatum ex more uetusto mittere, atque antequam magistratum iniret, de rebus à se gestis in senatu differere, ac triumphare uoluit. ipse triumphum abiecit. Itaque Tiberius senatu in ædem Octauianæ, quæ extra pomerium erat, uocato, K. Ian. quibus cū Cn. Pisone consulatum initurus erat, triumphauit. Hæc Dio. De eadem autem re sic Velleius: Tiberius in Germania post mortem Drusi fratris rem bene gessit. Itaque ei alter triumphus cum altero consulatu mandatus est. & Suetonius: Tiberius Rhætico, & Vindelico bello gentes Alpinas; Pannonico

Pannonico Breucos, & Dalmatas subegit; Germanico x c millia deditionum traiecit in Galliam, iuxtaq; ripam Rheni sedibus assignatis collocavit. quas ob res & ouans, & curru urbem ingressus est, primus nouo genere honoris decoratus. Hæc ille. Quantem autem inisse intelligit ex Pannonico bello biennio ante, curru, hoc anno ex Germanico. primum autem intelligit, ex ijs qui ab Augusto honoribus affecti sunt. nam florente rep. multi & ouantes, & curru urbem inuecti sunt. Propter hanc uictoriam hoc elogium Augusto dicatum est sequenti anno, de quo Plinius lib. *II*. cap. *II*: IMP. CAESARI D. F. AVGVSTO PONT. MAX. IMP. *XIII*. TRIBVNIC. POTEST. *XVIII* S. P. Q. R. QVOD EIVS DVCTV, AVSPICIISQVE GENTES ALPINAÆ OMNES, QVAE A MARI SVPERO AD INFERVM PERTINEBANT, SVB IMPERIVM POPVLI R. SVNT REDACTAE.

DE COS. AN. DCCXLVII.

D. LAELIVM, C. Antistium consules edit in hunc annum Cassiodorus; D. Lælium D. F. Balbum, C. Antistium C. F. Veterem Dio. D. LAELIVS D. F. D. N. BALBVS uocatur in Capitolino sæcularium ludorum monumento. Velleius, C. Cæsarem quæstorem fuisse Antistio Veteri auo huius consulis, scribit:

DE COS. AN. DCCXLVIII.

CASSIODORVS subiicit consulem Augustum *XI*, L. Sullam; Dio Augustum *XII*: collegæ autem præterit. Huius anni sic meminit Plinius lib. *VI*: In actis temporum diui Augusti inuenitur *XI* consulatu eius, Lucioq; Sylla collega ad *III* Id. Apr. C. Crispinum Hilarum ex ingenua plebe Fæsulana cum liberis nouem (quo in numero filia duæ fuerunt) nepotibus *XXVI*, pronæpotibus *XXIX*, neptibus *IX* prælata pompa cum omnibus his in Capitolio immolasse. & Suetonius: Augustus duodecimum consulatum post undecimum septemdecim annorum intervallo cepit. Item: Augustus nullum annum consulatum gessit præter medios quinque à sexto ad undecimum. Qui autem in Augusti locum factus sit, adhuc non repperi. Extat etiam antiquum epigramma de Augusto ad hunc annum pertinens; id est eiusmodi. IMP. CAESAR DIVI IVLII F. AVGVST. PONT. MAX. COS. *XII*. TRIB. POT. *XIX*. IMP. *XIII* RI-VOS AQVAVM OMNIVM REFECIT.

DE COS. AN. DCCXLIX.

C. CALVISIVS, L. Palsienus consules subsequuntur apud Cassiodorum. Qui in indice Dionis librarij culpa, in expositione historię auctoris consilio præteriti sunt. breuitati enim studens multorum annorum res gestas nullis editis consulibus memorat.

DE COS. AN. DCCL.

INDE Cn. Lentulus, M. Messalla consules, auctore Cassiodoro Cn. Cornelius L. F. Lentulus. M. Valerius M. F. Messalla, aut Messallinus, Dione. Idem etiam Dio Cn. Cornelium Cn. Pompeij Magni ex filia nepotem Augusto fecisse insidias, ac consilio Liviæ ab Augusto liberatum, & consulem cum Valerio Messalla factum refert. Velleius Messallinum Coruini filium uocat.

DE COS. AN. DCCLI.

AVGVSTVM *XII*, M. Plautium consules prodit deinceps Cassiodorus; Augustum *XIII*, M. Plautium M. F. Silvanum Dio. Suetonius porro auctor est, Augustum, biennio post *XI* consulatum, *XIII* cepisse. Tacitus lib. primo addit, numerum consulatum Augusti Valerium Corvum, & C. Marium æquasse, quorum ille sexies, hic septies cos. fuit. ex quo intelligitur Augustum terdecies tantum consulem fuisse. Extat epigramma tale in antiq. urbis epigramatis, quod ad hunc Plautium puto pertinere. M. PLAUVIVS M. F. A. N. SILVANVS COS. VII VIR EPVLONVM. HVIC SENATVS TRIVMPHALIA ORNAMENTA DECREVIT OB RES IN ILLYRICO BENE GESTAS. Quia uero Velleius ait Augusto, & Caninio Gallo cos. Iuliam filiam ab Augusto in insulam ob flagitium relegatam annos ante M. Vinucium cos. *XXX*, qui fuit consul anno ab urbe condita *DCCLXXXI*; intelligendum est, in Plautij locū

Commentarius in fastos

C. Caninium Gallum esse suffectum. In Augusti locum, qui factus sit, non comperi.

DE COS. AN. DCCLII.

COS SVM Lentulum, L. Pisonem consules hic annus habuit, ut ait Cassiodorus; Cossus Cornelium Cn. F. Lentulum, L. Calpurnium Cn. F. Pisonem, ut Dio. De Cossu sic Florus: Gætulos accolat Syrtium populus R. Cossu duce compescuit, unde illi Gætulici cognomen. & Velleius: Triumphalia ornamenta Pasienus, & Cossus in Africa meruerunt. Sed Cossus uictoriæ testimonium etiam in cognomen filij contulit. & Tacitus lib. I I I I: Cn. Lentulo super consulatū, & triumphalia de Gætulis gloriæ fuit bene tolerata paupertas. Itaque uidetur hic etiam Cn. Cornelius Cossus Lentulus appellatus. quanquam apud Dionem filius eius Cossus Cornelius Cossi filius dicitur, ut Cossus pro prænومine tulisse uideantur.

De tribunicia potestate Ti. Neronis.

DIFFICILE est intellectu, quo anno Tiberius ab Augusto tribunicia potestate ornatus sit. neque enim ex annalium uerbis id aperte cognosci potest. Si autem Capitolinos fastos sequamur, in quibus anno D C C L X Tiberius tribunicia potestatis I X scriptus est. atque ab illo ad hunc annum regrediamur, profecto hunc esse primum tribunicia potestatis Tiberianæ annum inueniemus. De qua sic scriptum est apud Velleium: Breui interiecto spatio, Ti. Nero duobus consulatibus, totidemq; triumphis actis, tribunicia potestatis consortione æquatus Augusto est. & paulo post: Augustus, quod post Lucij mortem adhuc Caio uiuo facere uoluerat, post utriusque adolescentium obitum facere perseverauit, ut & tribunicia potestatis consortionem Neroni constitueret, & eum Aelio Cato, Sentio consulibus. K. Iul. post urbē conditā an. D C C L I I I I ab hinc annis XXV I adoptaret. Dio autem scribit Lucio, & Caio uiuentibus, Tiberium ab Augusto tribunicia potestate in quinquennium decoratum, ut eo honore Caium, & Lucium modestiores redderet, post autem Iuliam ab eodem relegatam. quæ si Augusto, & Caninio cos. relegata est, nō erit absurdum dictū, eodem anno etiam Tiberium potestate tribunicia in quinquennium esse affectum. Cumq; iam quinquennium transactum esset, atque Caius, & Lucius obiissent, tum tribuniciam potestatem ei in decennium (sic enim scribit Dio. anno occultato) delatam. quod ipsum Velleius significauit, cum uerbum constituendi usurpauit. Hinc Suetonius: Tiberius tempore interposito consul iterum etiam tribuniciam potestatem in quinquennium accepit.

DE COS. AN. DCCLIII.

CONSVLES inde Cassiodorus prodit Augustum xiii, L. Paullum; liber Cuspiniani, CAESAREM, ET PAULLVM; C. Cæsarem Augusti F. L. Aemilium L. F. Paullum Dio. recte est enim hic Caius Lucij frater ex Agrippa, & Iulia Augusti filia natus, atque ab Augusto adoptatus. De quibus sic Tacitus lib. primo: Augustus genitos Agrippa Caium, & Lucium in familiam Cæsarium induxit, nec dum posita puerili prætexta, principes iuuentutis appellari, destinare consules specie recusantis ardentissime cupiuit. & Suetonius: Augustus nepotes ex Agrippa, & Iulia tres habuit Caium, Lucium, & Agrippam. Caium, & Lucium adoptauit domi per assem, & libram emptos à patre Agrippa, tenerosq; adhuc ad curam reip. admouit, & consules designatos circum prouincias, exercitusq; dimisit. Item: Augustus tertium decimum consulatum ultro petijt, ut Caium, & Lucium filios amplissimo præditus magistratu suo quenque tyrocinio deduce ret in forum. C. Cæsaris Augusti F. meminit etiam Plinius lib. X I I cap. X I I I. Neque uero de Augusto X I I consule accipiendum est, quod eum consulatum ante cum Siluano gesserit.

DE COS. AN. DCCLIIII.

CONSVLES in hunc annum profitetur P. Vinicius, P. Alphenus Cassiodorus; P. Viniciū, uel Vinucium M. F. P. Alphenum, uel Alphinium P. F. Varum Dio. P. Vinucio cos. Tiberium Rhodo reuerfum tradit Velleius. Hic M. Vinicij ante consulis fuit filius, M. Vinicij post consulis pater, eodem auctore. Lapis Colotianus, ut ante notauimus, habet, V I N C I V M.

DE

DE COS. AN. DCCLV.

CONSULES subsequuntur apud Cassiodorum M. Seruilius, L. Lamia; apud Dionem L. Aelius L. F. Lamia, M. Seruilius M. F. Hos consules intellexit Valerius libro primo cum ait: Q. Claudia statua in uestibulo templi matris deum posita, bis ea æde incendio consumpta, prius P. Nasica Scipione, & L. Bestia, item M. Seruilio, & L. Lamia cos. in basi flammis intacta stetit.

DE COS. AN. DCCLVI.

SEX. AELIUM, C. Sentium nominat deinceps consules Cassiodorus; Sex. Aelium Q. F. Catum, C. Sentium C. F. Saturninum Dio. Aelio, & Sentio cos. Tiberium adoptatum ab Augusto tradit Velleius, atque tribuniciam potestatem accepisse, ut ante dixi. Ab his lex Aelia Sentia lata est.

DE COS. AN. DCCLVII.

DEINCEPS Cn. Cinnam, L. Valerium consules subijcit Cassiodorus; L. Valerium Potiti F. Messallam Volusum, Cn. Cornelium L. F. Cinnam Magnum Dio.

DE COS. AN. DCCLVIII.

INSEQUENS annus M. Lepidum, L. Arruntium consules habuit, auctor Cassiodorus, quos M. Aemilium L. F. Lepidum, L. Arruntium L. F. uocat Dio. qui idem his consulibus Cornelium Cossium ex Gætulia cognomen, & ornamenta triumphalia, C. Sentium ex Germania triumphalia item insignia rettulisse auctor est.

DE COS. AN. DCCLIX.

Q. CÆCILIVM, A. Licinium Cassiodorus edit in hunc annum consules; A. Licinium Neruam Silianum, Q. Cæcilium Metellum Creticum Dio. A. Licinium Neruam Silianum P. Silij filium fuisse tradit Velleius.

DE COS. AN. DCCLX.

M. FURIUM, Sex. Nonium in hunc annum creatos consules scribit Cassiodorus; CAMILLVM, & QVINCTILIANVM liber Cuspiniani; M. Furium M. F. Camillum, Sex. Nonium L. F. Quinctilianum Dio; eosdem consules cum duobus his suffectis, L. Apronio, A. Vibio Habito Capitolinæ tabulæ.

DE COS. AN. DCCLXI.

INDE Q. Sulpicius, C. Poppæus creati consules, auctore Cassiodoro. quos liber Cuspiniani uocat CAMERINVM, et SABINVM; Q. Sulpicium Q. F. Camerinum, C. Poppæum Q. F. Sabinum cum Dione Capitolinus lapis. Eosdem consulatum quinquennio gessisse, antequam Augustus excederet, scribit Suetonius. quorum etiam sic meminit Plinius lib. v 11: Galeria reducta est in scenam C. Poppæo, Q. Sulpicio cos. ludis pro salute diui Augusti uotiuus annum centesimum quartum agens, quæ producta fuerat tyrocinio à M. Pomponio ædili pl. C. Mario, Cn. Carbone cos. ante annos nonaginta unum. quanquā ibi uulgo Cn. Pompeio legitur, non C. Poppæo. Iisdem consulibus suffectos esse in parte anni M. Papium Mutilum, Q. Poppæum Secundum inuenio cum apud Dionem, tum in Capitolinis fastis. qui legem Papiam Poppæam rulerunt de hereditatibus mulierum, qua lex Voconia abrogata est. His cos. Germanico Ti. F. Augusti N. triumphalia ornamenta ab Augusto ex Dalmatica uictoria data, Quinctilium Varum cum legionibus in Germania cæsum, auctor est Dio.

DE COS. AN. DCCLXII.

P. DOLABELLAM, C. Silanum consules in hunc annum inuenio apud Cassiodorum; P. Cornelium P. F. Dolabellam, C. Iunium Silanum apud Dionem. Extat etiam in antiq. urbis epi-

Commentarius in fastos

grammatis inscriptio de his consulibus talis: P. CORNELIVS P. F. DOLABELLA C. IV-
NIVS C. F. SILANVS FLAMEN MART. COS. EX S. C. FACIENDVM CVRAVE-
RVNT. IDEMQVE PROBAVERVNT. Eosdem consules cum suffecto altero ex K. Iul.
Ser. Cornelio Lentulo Maluginense flam. diali, inuenio quoque in Capitolinis tabulis. Ser.
Maluginensis flaminis dialis meminit item Tacitus lib. 111.

DE COS. AN. DCCLXIII.

M. LEPIDVS, T. Statilius consules à Cassiodoro in hunc annum produntur; M. Aemi-
lius Q. F. Lepidus, T. Statilius T. F. Taurus à Capitolinis fastis, & Dione; Lepido præterea
sufficiunt ex K. Iul. consulem L. Cassium L. F. Longinum Capitolini.

DE COS. AN. DCCLXIIII.

GERMANICVM Cæsarem, C. Fonteium Cassiodorus edit hoc anno consules; Germani-
cum Cæsarem Ti. F. C. Fonteium C. F. Capitonem Dio; eosdem cum C. Vifellio Varrone suf-
fecto Capitolini auctores. Germanicus hic Neronis Drusi filius fuit fratris Tiberij, eius, qui in
Germania mortuus Germanici primus sibi cognomen peperit, adoptatus à Tiberio, ut scribit
Suetonius his uerbis: Tiberius Romam reuersus, Caio, & Lucio intra triennium defunctis, adop-
tatur ab Augusto simul cum fratre eorum M. Agrippa, coactus ipse prius Germanicum fra-
tris sui filium adoptare. Hunc scribit Dio biennio ante triumphalibus insignibus decoratum, &
ut citius quàm per leges liceret petere consulatum posset, consulatum autem cepisse, ante quàm
prætor fuisset, eumq; annum gessisse, non dignitatis causa, sed quia multi iam id facere cœpe-
rant. De eo etiam sic Suetonius in Caligula: Germanicus Drusi, & iunioris Antonia filius à
Tiberio patruo adoptatus quæsturam quinquennio ante, quàm per leges liceret, & post eam cō-
sulatum statim gessit. missusq; ad exercitum in Germaniam excessu Augusti nunciato legiones
imperatorem Tiberium recusantes compefcuit; atque hoste mox deuicto triumphauit. Trium-
phasse autem eum de Germanis quarto Tiberiani imperij anno, auctor est Orosius.

De triumpho III Ti. Cæsaris pro cos. ex Illyrico.

TI. CAESAREM pro cos. tertium triumphum de Illyrijs, & Dalmatis egisse, quos iam an-
te etiam perdomuerat, atque de ijs ouans urbem ingressus fuerat, satis constat. De hac enim re
sic Dio: Aemilio, & Arruntio consulibus, cum Tiberius iterum in Gallos mouisset, ac Vale-
rium Messallinum eò ex Dalmatia, ac Pannonia, quibus ille præerat, euocasset, tum Dalmatæ;
cum se florere maxime iuuentute animaduenterent, duce Batone quodam arma ceperunt, ac Brei-
cis Pannonijs adiunctis Sirmium, quod à Romanis tenebatur, inuasert, neque tamen eo poti-
ri potuerunt, à Cæcina Seuero Mysia proconsule ad eos tumultus sedandos accurrente deuicti.
Interim cum illi refectis copijs oppugnata Salonia maritimam omnem oram popularentur, Ti-
berius, ex Gallia præmisso Messallino, aduenit. Dalmatæ à Messallino uicti se ad Breucos contu-
lerunt, ac summum prælium detrectantes populationibus agrorum sociorum Ro. prope in con-
spectu Tiberij operam dabant. Hinc in Macedoniam irrumpentes partim à Rhymitalce pulsi
sunt, partim summa montium cum petissent, perpetuas inde excursiones faciebant, cum iam Cæ-
cilius, & Licinius consulatum gererent. Quæ cum Augusto nunciata essent, ueritus, ne Tiberius
bellum consulto traheret, Germanicum ad bellum misit, qui ibi per biennium rem gessit. cum
autem bellum adhuc duraret, Tiberius iterum ab Augusto cum imperio missus Papio, Poppæo
cos. illud summa uirtutis cum gloria confecit. ipsi & Augusto imperatoris nomen, & trium-
phus decretus est, quem Augustus agere noluit, Tiberius nunciata Variana in Germania clade
in aliud tempus distulit. Hæc Dio. Hinc Velleius ita: Tiberius in urbem reuersus iam pridem
debitum, sed continuatione bellorum dilatum ex Pannonijs, Dalmatisq; egit triumphum. &
paulo post: Tiberius cum septem triumphos meruerit tribus contentus fuit. Item Suetonius:
Tiberius perseverantiæ grande pretium tulit toto Illyrico, quod intra Italiam, regnumq; Nori-
cum, & Thraciam, & Macedoniam, interq; Danubium flumen, & sinum maris Adriatici patet,
perdomito, & in ditionem redacto. cui ampliør gloriæ adhuc ex opportunitate cumulus acce-
sit. Nam sub id fere tempus Quintilius Varus cum tribus legionibus in Germania periit, nemi-
nē dubitante, quin uictores Germani iuncturi se Pannonijs fuerint, nisi debellatum prius Illy-
ricum esset. Quas ob res triumphus ei decretus est, multi, & magni honores. Censuerunt etiam
quidam,

quidam, ut Pannonicus, alij ut Inuietus, nonnulli ut Pius cognominaretur. sed de cognomine intercessit Augustus, eo contentum repromittens, quod se defuncto suscepturus esset. Triumphum ipse distulit mœsta ciuitate clade Variana. nihilo minus urbem prætextatus, & laurea coronatus intrauit. positumq; in septis tribunal senatu astante conscendit, ac medius inter duos consules cum Augusto simul sedit. proximo anno repetita Germania ad res temeritate Variana prolapsas constituendas, à Germania in urbem post biennium regressus, triumphum, quem distulerat, egit, prosequentibus etiam legatis, quibus triumphalia ornamenta impetrarat. Ergo si triennio post cladem Varianam, & triumphum sibi decretum, triumphauit, profecto hoc anno triumphauit.

DE COS. AN. DCCLXV.

L. PLANCUM, C. Silium consules subijcit Cassiodorus; L. Munatium L. F. Plancum, C. Silium C. F. Dio. Eosdem consules habent tabulæ Capitolinæ, & Suetonius, cum scripsit: L. Planco & C. Silio cos. Augustus testamentum fecisse ante annum, & quatuor menses, quàm ex uita decederet. His cos. rursus tribuniciam potestatem Tiberio datam ab Augusto, ipsum in quinquennium imperium accepisse scribit Dio.

DE COS. AN. DCCLXVI.

SEX. POMPEIUM, Sex. Appuleium consulem in hunc annum subdit Cassiodorus; Sex. Pompeium Sex. F. Sex. Appuleium Sex. F. Dio. Eorum meminit etiam Suetonius in Augusto, Tacitus libro primo.

De morte Imp. Cæsaris Augusti.

HIS consulibus Augustus constanti omnium opinione Nolæ mortuus est xiiii K. Septembris, annos natus lxxv , menses x , dies xxvi . (nam ix K. Octobris ortus est consule Cicerone.) cum post uictoriam Actiacam imperasset annos xliiii , demptis xiii diebus. Qua de re sic Tacitus, lib. 1: Vix dum ingressus illyricum Tiberius properis Liuiæ matris literis accitur. neque satis compertum est, spirantem adhuc Augustum apud urbem Nolam, an exanimem repererit. acribus nanque custodijs domum, & uias sepeferat Liuia. lætiq; interdum nunciij uulgabantur, donec prouisis quæ tempus monebat, simul excessisse Augustum, & rerum potiri Neronem fama eadem tulit. eadem fere Dio.

FINIS.

de nominibus Romanorum

LIBER.

Cur Romani multis nominibus vsi sint.



VM multæ res in tota antiquitate Romana parum adhuc tractatæ, ac cognitæ sunt, tum illa difficilis, atque obscura quæstio est, quæ est de ratione nominum Romanorum. nam etsi res est, & à ueteribus explicata diligenter, & ab huius etiam memoriæ hominibus penitus non neglecta, tamen quia illorum scripta uetustas uel consumpsit ferè, uel deformauit, hi in hoc genere non satis accurate omnia collegerunt, plurimum adhuc lucis desiderare uidetur. Itaque, quoniam ad hos, quos scripsimus, Romanorum magistratuum Fastos eiusmodi maxime disputatio pertinet, quiq; proxime hac de re scripserunt nec satis plene, nec ad rei ueritatem satis apte tantum argumentum tractarunt, faciundum esse nobis uidetur, ut hoc loco, quid de Nominibus Romanorum inuenerimus, exponamus. Cum autem Romanos homines duobus primum, post etiam tribus nominibus usos esse reperiamus, quorum unum præcipue Nomen, alterum Prænomen, tertium Cognomen, aut Agnomen appellauerunt, iccirco danda opera est, ut in huius quasi uestibulo disputationis causam huiusce facti, quæ probabilis maxime uideatur esse, reddamus. Qui igitur de his causis differuerunt, ij in duas ferè partes diuisi sunt. quorum alij hanc consuetudinem propriam fuisse Romanorum, alij à uicinis populis acceptam esse tradiderunt. Ac priorem quidem opinionem tuctur Varro (ut est apud Valerium Maximum in epitoma de prænominibus) posteriorem uero quidam alij. Varronem autem mouit maxime illa ratio, quòd in Italia ante Romam conditam quosdam homines uno tantummodo nomine præditos fuisse, ut Romulum, & Remum, & Faustulum animaduertit. Itaque Varro nis opinionem Priscianus forte sequutus, causas, cur Romani nomina duplicauerint, exponit duas: unam, ut qui in quaque familia eodem nomine uocarentur, præposito aliquo alio nomine, quod inde prænomen dixerunt, distinguerentur: alteram, ut Sabinorum gratiam, beneuolentiamq; colligerent, quos Romulus in ciuitatem suscepit, aut suis Sabinorum nomina, aut contra sua Sabinorum nominibus præponentes. Id quod in Romulo scripsit etiam Eutropius. Quin etiam Appianus huc spectasse uidetur, cum in procemio historiæ scripsit, Romanos uno primum nomine usos esse, post duobus, tum tribus. Sic enim ait: καὶ τὰ ὀνόματα ἑωμαιοῖς πάλαι μὲν ἦν ἓν, ὥς περ Ἀθηναίοις ἀπασιν ἑκάστω, μετὰ δὲ ἐγένοντο δύο, καὶ οὐ πολλὸς χρόνος, ἐξ οὗ καὶ τρεῖς τὸν ἑκάστου ἦν σιν, ἐς ἐπὶ γινώσκιν ἐκ πάθους, ἢ ἀρετῆς περιτίθεσθαι. Itemq; Varro lib. ii de Analogia, cum ait: Cum essent duo Terentij, aut plures, discernendi causa, ut aliquid singulare haberent, notabant forsitan ab eo, qui mane natus diceretur, ut is Manius esset, qui luci, Lucius, qui post patris mortem, Postumus. Qui uero secus senserunt, hanc rationem ab alijs populis mutuatos esse Romanos dixerunt; præsertim uero, cum ipsi ante Romam conditam matrem Romuli legerent Rheam Siluiam, auum Numitorem Siluium, fratrem eius Amulium Siluium, posterioresq; duces Metium Fufetium, Titum Tatium, Numam Pompilium patremq; eius Pomponem Pompilium nomina tos. In hac autem opinione fuerunt Arruntius Claudius, & Valerius Maximus. Nam Claudius, ut Diomedes scribit, à Græcis hoc sumptum tradit, apud quos multi æque, atque apud Romanos, tria nomina usurpauerint, id quod in Alexandro Dardanio Paride, & in Achille Aeacide Celeri intelligi posse putat. Valerius autem ab Albanis, & Sabinis, à quibus potissimum traxerunt originem, Romanos hanc consuetudinem accepisse ait. Atque huic quidem ego etiam assentior, quippe qui & hanc rationem apud Italos populos fuisse, & alijs præterea eos quibusdam prænominibus à Romanis usos esse comperiam, & Remum, ac Romulum, aut quia spurij fuerunt, gentis nomine caruisse, aut certe ex Siluia gente, cuius & mater erat, extitisse existimem. distinguendum tamen filiorum, atque nepotum causa inuenta prænomena esse, Varroni grauissimo in primis auctori assentior.

Quid

De nominibus

Quid sit nomen, prænomen, & cognomen.

CELEBRATA est igitur (quemadmodum demonstratum est) à Romanis hæc tota multipli-
candorum nominum ratio. neque enim nomine, aut prænومine tantum modo contenti fuerunt,
sed cognomen, & agnomen etiam adiunxerunt. quod etiam significat Pausanias in Atticis, cum
eos tribus, aut etiam pluribus nominibus usos esse tradidit, ita: καλοῦνται γένος πατρόθεν οἱ ῥω-
μαῖοι κατὰ ταῦτα ἔλλησιν ἄλλα καὶ τρία ὅσποτε ἢ ὀλίγιστα καὶ πρὶ πολέονα ὀνόμαζα ἐκαστὸν τίθειν αἱ.
De quibus omnibus cum ab alijs alia tradita sint, quid ipse sentiam, non dicam, quid autem ue-
res senserint, uerbis eorum expositis, breui concludam. Ac primum quidem nominabo Valerium,
qui ita ait: Omnia, quæ ad unumquemque nostrum definiendum excogitata sunt, eandem uim si-
gnificandi hominis obtinent. quod per proprietatem dicitur hoc distat, quia eo genus cognosci-
tur, ideoq; dicitur gentilicium. cætera ordine uariantur. nam quod præponitur, prænomen;
quod post fertur, cognomen; quod ad ultimum dicitur, agnomen uocatur. Neque uero aliter
fuisse uidentur Sospater, Donatus, & Diomedes grammatici non solum antiquitate, sed etiam
doctrina nobiles. quorum, ubi de proprijs nominibus agunt, hæc uerba sunt: Vocabulorum,
quibus Romani capita recensabant, quatuor genera sunt, prænomen, nomen, cognomen, agno-
men. prænomen, quod nomini gentilicio præponitur, ut Publius; nomen, quod originem gen-
tis declarat, ut Cornelius; cognomen, quod nominibus gentilicij subiungitur, ut Scipio; agno-
men, quod extrinsecus addi solet aliqua ratione, uel euentu quæsitum, ut Africanus. Quod si
quis hos fortasse, ut leues huiusce rei auctores repudiau-erit, nunc animum referat ad ea, quæ scri-
pta sunt apud Dionysium, Plutarchum, Ciceronem, & Suetonium auctores rerum Romanarum
grauissimos, eosdemq; certissimos, à quibus hæc eadem opinio confirmatur. Dionysius qui-
dem nomen unum commune Romanis fuisse ait, alterum uero gentilicium. sic enim de Lucumo-
ne ait: μαθὼν, ὅτι ῥωμαίων ἐκαστὸν κοινὸν ὄνομα κέεται, καὶ μετὰ τὸ κοινὸν ἕτερον, ὃ δὲ συγγενικὸν αὐ-
τοῖς ἐστὶ, καὶ παρωνυμικόν. sic alibi commune nomen, appellat prænomen, ut de Attio Næo. αὐτὸς
μὲν ἐκαλεῖτο κατὰ κοινὸν ὄνομα, καὶ προσηγορικὸν νέκιος, τὸ δὲ συγγενικὸν Ἀτίιος. Eodem autem
in loco Dionysius commune nomen uocat Lucium, gentilicium uero Tarquinium. Plutarchus
uero in Coriolano ait ita: Tertium igitur ei nomen Coriolano inditum est, ex quo intelli-
gi potest, Caium ei fuisse proprium nomen, Marcium uero gentilicium. id est ἐκ τοῦ τοῦ τρίτον ἔσχεον
ὄνομα τὸ κοινολαβὸν, ὃ καὶ μάλιστα δὴ λὸν ἐστὶ τῶν ὀνομάτων ἰδ. οὐκ ἦν δὲ γάτος. τὸ δὲ δεύτερον οἰκείας, ἢ
γένους κοινὸν ὁ μαρκίος. Idem etiam initio Marij. Ea uerba quia nimis multa uisa sunt, atque etiam
in promptu sunt omnibus, non apposui; quid tamen ille tradiderit, breuiter mihi esse ostenden-
dum putaui. Sic igitur ille disputat, ut uaria & ipse fuisse nominum genera dicat. quorum alia pri-
ma, alia secunda, alia tertia uocat. Ac prima quidem nomina, quæ propria, ut Cnæum, Lucium,
Publium. secunda uero, quæ gentis causa multis communia sunt, ut Pompeios, Manlios, & Cor-
nelios. tertia, quæ ab actione aliqua, uel à corpore, uel à moribus indita sunt, ut Macrinum, Tor-
quatum, & Sullam. & secundis quidem respondere apud Græcos Heraclidas, ac Pelopidas; ter-
tij uero Grypum, & Callinicum putat. Quid? cum Cicero epist. ad Att. lib. 1111 ita ait: Quæ
ueteri prænومine, nouo nomine T. erit Cæcilius. & Suetonius in Cæsare, cum inquit: Ut quod
eo anno actum esset, Iulio, & Cæsare actum scriberent, bis eundem repetentes, nomine, atque co-
gnomine; nonne satis ostendunt Titum quidem prænomen, Cæcilium uero, & Iulium nomina,
Cæsarem uero cognomen esse? Hæc mihi satis multa, & satis firma uisa sunt, quæ afferrem cum
ad harum appellationum uim, & naturam definiendam, tum ad eorum opinionem labefactan-
dam, qui contra aut aliter senserint, aut scripserint.

Quot, & quæ prænomen fuerint, & unde singula ducta sint.

Cum ergo multa uocabulorum genera sint, quibus plerunq; ueteres Romani appellarentur,
primum de prænominibus, post de reliquis, quid sentiamus, dicendum est. Ac prænomen qui-
dem πρῶτον μὲν græce dictum scribit Diomedes; Plutarchus autem modo primum nomen, modo
proprium nomen, Dionysius, ut ostendi, commune nomen appellat. Vis autem Latini uocabu-
li satis perspicua est. nam quod nomini præponitur, id prænomen dici uoluerunt. Ex his autem
prænominibus alia à Romanis, alia à finitimis populis frequentius usurpata esse reperio. Roma-
na autem ad triginta fuisse ex Varronis sententia tradit Valerius. Hæc autem fuisse uidentur Agrip-
pa, Appius, Aulus, Cæso, Caius, Cnæus, Decimus, Faustus, Hostus, Lucius, Mamercus, Ma-
nius, Marcus, Numerius, Opiter, Postumus, Proculus, Publius, Quinctus, Seruius, Sextus,
Spurius,

Spurius, Tiberius, Titus, Tullus, Vibus, Volero, Vopiscus. Peregrina uero Ancus, Aruns, Lar, Lucumo, Metius, Numa, Petro, Pompo, Sertor, Tallus, Turnus, Volusus. De quorum prænominum origine, ac significatione, quoniam qui de nominibus modo scripserunt, nihil dixerunt, nos scribemus ea, quæ à ueteribus tradita, à nobis, quanta maxima fieri potuit diligentia, sunt collecta.

AGRIPPA, Festo auctore, uocatus qui cum labore matris sit natus, exempli causa in pedes contra naturam, & non in caput, idest ab ægro partu. Item Marcellus, & Quintilianus lib. 1 x.

APPIVS ex Sabinorum prænومine Actio uenit, ut ait Valerius, idq; Romæ Claudiorum fuit, quorum princeps Actius Clausus dictus est. Liuius lib. 1 1. quo in loco multa in scholijs diximus.

AVL I dicti qui Dijs alentibus nascerentur. Valerius.

CÆS O qui ex utero matris exectus est. Festus, Valerius, Plinius lib. v 1 1, cap. 1 x.

CAI V S à gaudio patrum appellatus. Valerius.

CNABOS uel ab insigni aliqua re, quasi γενναίους, uel à γίγνεσθαι, id est generatione futura dictos tradit Valerius, & Festus.

FAVSTVM à fauore dictum scribit Valerius.

QVINCTVS, SEXTVS, DECIMVS à numero dicti sunt, teste Varrone, ut qui quinto, sexto, & decimo quoque loco esset natus, is demum primis temporibus Quintus, Sextus, & Decimus diceretur.

HOSTVS, inquit Valerius, fuit prænomen in eo, qui peregre apud hospitem natus est, fuitq; prænomen Lucretij Tricipitini collegæ L. Sergij consulis. Macrobius lib. Saturnal. primo, qui in hostico procreatus esset, eum Hostum uocatum fuisse scribit. Est autem mendum apud Valerium: Hospes enim legitur, non Hostus. Quod autem legendum sit Hostus, ex eo intelligi potest, quod Liuius Lucretium Tricipitinum, cuius Valerius meminit, Hostum uocat. & in consulis Capitolinis, An. c c c x x x v 1 scriptum est, P. LVCRETIVS HOSTI F. Macrobius etiam lib. 1, Hosti Hostilij mentionem facit.

LVC I duplex origo traditur à Valerio. aut enim à Lucumonibus Etruscis dictus est, ut Lucumo Tarquinienfis, qui se L. Tarquinium appellauit, aut is demum Lucius appellatus est, qui lucis initio natus est. Quod scribit etiam Festus, & Varro.

MAMERCVS prænomen gentis Aemiliæ fuit, de quo Plutarchus in Numa, & Aemilio sic. Mamercus fuit Pythagoræ filius, à quo Numa Pompilius Rex filium Mamercum nominauit, qui auctor, & princeps gentis Aemiliæ fuit. Festus autem prænomen Oscum esse putat, quod Osci Martem Mamercum appellauerint.

MANI VS dictus est, qui mane est ortus; aut ominis causa, quasi bonus; manum enim antiqui bonum dicebant. Varro lib. 1 1 de Analogia, Valerius, Festus, Macrobius lib. 1 Saturnal. Zosimus autem Græcus historiarum auctor lib. 1 tradit Manium in gentem Valerian profectum esse à quodam Valerio, qui primus sacra Dijs Manibus fecit. sic enim ait: τὸν τὸν βαμὸν ὁ δὲ ἀλέριος; εὐρὼν καὶ τὴν θυσίαν, καὶ τὰς παννυχίδας ἐπιτελέσας ἐκλήθη μάνιος ὁ ἀλέριος ταραντίνος τοῦ τερζάρχου θούου θεοῦ μάνης καλοῦσι ῥωμαῖοι, καὶ τὸ ὕγιαίνε. βαλῆρε.

MARCVS dictus est, qui mense Martio natus est. Valerius.

DE NUMERIO sic Festus: Numerius prænomen nunquam antea fuisse in patricia familia dicitur, quàm Q. Fabius, qui unus post sex & trecentos ab Etruscis interfectos superfuit, inductus magnitudine diuitiarum uxorem duxit Otacilij Maleuentani (ut tum dicebantur) filiam, ea conditione, ut qui primus natus esset prænومine aui materni Numerius appellaretur. & Valerius ita: Numerio sola patricia familia usa est Fabia, iccirco quod c c v 1 apud Cremeram flumen cæsis, qui unus ex ea stirpe extiterat, ducta in matrimonium uxore filia Numerij Otacilij Maleuentani sub eo pacto, ut quem primū filium sustulisset, ei Numerij prænomen imponeret, obtemperarit. Hinc mendose apud Ciceronem lib. primo de Diuinatione legitur ita: His adiungatur etiam somnium Aenæ, quod innumerum Fabij Pictoris Græcis annalibus scriptum est. cum sit legendum: Quod in Numerij Fabij Pictoris. fuit enim alter Fabius Pictor prænومine Quintus, qui de rebus Romanis latine scripsit, Gellio, & Nonio teste, qui eius sæpe uerba latina proferunt, itemq; Cicerone de legibus primo, qui eum inter historicos latinos numerat. at qui Græce iisdē de rebus scripsit, is uidetur fuisse Numerius nominatus, quem tamen primo lib. Dionysius Quintum nominat. Hac ratione in oratione pro Cluentio Numerios Aurios legimus. & lib. 1 1 1 de orat. Numerium Furium. & lib. 1 1 de diuin. Numerium Suffucium, & apud Pædianum Numerium Quintum.

OPITER dictus, cuius pater, auo uiuo, mortuus est. quasi qui post obitum patris genitus sit,

De nominibus

fit, aut qui ob patrem auum habeat. Quod prænomen Virginio Tricosto consuli fuit. Valerius, & Festus.

POSTUMVS, qui post humatum patrem est natus. Varro lib. 11 de Analogia, & Plutarchus in Coriolano, ut Postumus Cominius, & Postumus Aebutius. de quibus Valerius. Nam Liuij libri mendosi erant, cum haberent Postumius, pro Postumus. cum tamen Postumius gentis nomen sit, Postumus prænomen.

PROCVLVVS, qui natus sit patre peregrinante patria procul, ut ait Plutarchus in Coriolano. Valerius autem ait, qui patre sene natus sit, quasi procul ætate progresso, eum Proculum esse uocatum.

PVBLII, ait Valerius, qui prius pupilli facti erant, quàm prænomen haberent. alij ominis causa à pube.

SERVIVS is primum dictus est, quem seruiens mulier peperisset, ut de Ser. Tullio Rege scribit Dionysius. at Valerius, qui, mortua matre, in utero seruatus est.

SPVRIVS dictus, qui sine patre esset: antiqui enim iisdem literis S. P. Spurium, & sine patre scripserunt. Plutarchus in quæstionibus, & Valerius.

TIBERII, qui ad Tiberim nascerentur. Valerius.

DE TITO controuersia est. Valerius à Sabino quodam, nomine Tito, manasse ait: Festus à Titulo; Titulos autem milites fuisse, quod patriam tuerentur, quasi Tutulos.

TVLLVS ominis causa dictus est, quasi tollendus, o litera in uersa. Valerius.

VOLERO, inquit Valerius, in prænomen abiit, quia nolentibus nasci liberis parentibus uidebatur. quo usus est Publilius Philo. Quare in anno ccccliii Capitolino ita est. L. PVBLILIVS L. F. VOLER. N. PHILO.

VIBVM prænomen esse indicat annus ccc Capitolinus, ubi est ita: P. SESTIVS Q. F. VIBI N. CAPITOLINVS. Itemq; Liuius lib. xxvi: Vibus Virius.

VOPISCVS dictus, qui ex duobus conceptis uno abortu excluso ad partum legitimum deduceretur, quo prænamine præcipue Iulia gens usa est. Valerius, Festus, Plutarchus in Coriolano, Plinius lib. vi, capite ix. Sed de Romanorum prænominum ui, ac significatione hætenus. Peregrinorum autem multo obscurior ratio, & significatio est.

ANCVM scribit Varro à Sabinis ortum. Valerius autem tradit eum Ancum esse appellatum, qui uitiosum habuit cubitum, qui ἄγκων græce dicitur, cui etiam Festus assentitur. Ancus enim, inquit, ille uocatur, qui aduncum habet brachium ita, ut regi non possit. Hinc Ancus Marcius Rex, & Ancus Pomicius imperator Lanuuius contra Hostilium regem, Dionysio auctore.

ARRVNTVM, & **LVCVMONEM** Etrusca prænomena fuisse scribit Dionysius. Itaque Arruntem Tarquinium Superbi regis filium, & Arruntem Tolumnium Porcenæ filium legimus.

VOLVVS, Sabinum fuit. eoq; usus est pater P. Valerij Poplicolæ, Liuius, & Capitolinis lapid. auctoribus: quanquam Græci οὐάλεσσον uocant.

LARTIS prænomen, ut tradit Valerius, à laribus sumptum est. Tuscum autem ante creditum esse, fuitq; Consulis Herminij. Idem ferè Carisius, & Priscianus lib. v: Lar si familiaris est, facit laris, si Tolumnij Porcenæ; Lartis. & Seruius in vi Aeneidos: Lar Tolumnius à Cossio occisus à loco dictus est. flectitur autem Lar Lartis. & Liuius lib. 1111: Duros, quod Lar Tolumnius dedisset, & Cicero Philippica 1x: Lar Tolumnius Veientium Rex. De Larte Porcena ita Dionysius lib. v: Λασιλεύς ἦν κλονσιανῶν Λάρος ὄνομα, πορσίνας ἐπέκλησιν. Quod autè hoc prænomen Herminij Consulis fuerit, ut ait Valerius, id ex Dionysij lib. 1x quoque cognoscitur, à quo ita anno ccciiii consul scribitur: Λάρος ἐρμίνιος, & à Diodoro Λαρίνος ἐρμίνιος. Ex his autem intelligi potest, quàm uere scripserint quidam in libro de Nominibus, ita: Posteaquàm in urbem migrarunt Sabini, duplicari nomina ceperunt, ut Numa Pompilius, Seruius Tullius, Lartes Porcena. quamuis hoc nomen Etruscum fuerit. In quo prænamine **LARTES** sciendum eo ueluti prænominis usus ueteres. Seruius interpres Vergilianus ab oppido dictum putat. Itidem Plutarchus in Publicola existimat, qui tamen Λάρτης scribit, sed male. Hæc illi. quàm autem uere, ipsi uiderint. neque enim Lartes Porcena duobus tantum nominibus usus est, cum ex Tolumnia gente fuerit, Seruio, quem ante nominaui, auctore; nec **LARTES** in recto casu dicitur, sed **LAR**, quod superioribus testimonijs comprobatum est; nec Seruius **LARTVM** ab oppido dictum ait, sed à loco; nec item Plutarchus ullo in libro, ne dum in Poplicola, ab oppido dictum ait: neque item est apud Plutarchum Λαέρτης, sed Λάρος, quanquam mendose; inquit enim ἠκέτευσεν κλάραν πορσίαν. cum sit legendum ex Dionysio τὸν Λάρον πορσίαν. Cur igitur hoc illi dixerunt? quia inter-

nterpretem legerunt, qui ita uertit. Supplex ad Laertem Porfenam confugit. Illi uero in græcis libris uersati, quid in græco codice esse deberet, intelligentes, illud, quod non erat, esse affirmarunt.

METIVS Albanorum prænomen fuit, ut in Metio Fufetio. & Sabinorum, ut in Metio Curtio. & Latinorum, ut in Metio Geminio, & Metio Octauio, de quibus Liuius.

NUMA Sabinorum fuit, ut in Numa Pompilio rege, & in Numa Marcio Pont. Max. de quo dixi in primum Liuij librum.

POMPONIS prænomine usus est Pompo Pompilius Numæ regis pater. Dionysius in Numa, & Liuius lib. xli. Itaque Numa filium etiam habuit nomine Pomponem, qui ex se gentem Pomponiam propagauit, auctore Plutarcho. quanquam quidam imperite Pomponij filium Numam esse scripserunt.

TALLVS Sabinorum prænomen fuit. de quo Festus. Dionysius etiam cum Tatio Rege Sabinorum Romam commigrasse ait Tallum cognomine Tyrrannum.

TURNVS Latinorum fuit, ut in Turno Herdonio Aricino.

SERTOR auctore Valerio dictus est, qui per factionem natus esset, eoq̃ue prænomine Sertor Relius usus est, is, qui primus ius feciale instituit. Festus autem Sertorem à prendendo dictum à quibusdam ait, quia cum cuipiam afferat manum educendi eius gratia ex seruitute in libertatem, uocetur adsertor, cum uerisimilius sit, dictum, quòd sereret quid; ac potius adsertorem à serendo accepisse nomen, cum aliquem serat, petendo in libertatem eandem, qua ipse sit, id est iungat, quia fruges, cum feruntur, terræ iungit.

STATIVM prænomen à stabilitate dictum tradit Festus. Seruile autem nomen fuisse Gellius.

QVEMADMODVM RO. PRAENOMINA
scriberentur, & errores quidam in ijs scribendis sublati.

HIS rebus expositis, reliquum est, ut, quod in scholijs etiam Liuianis fecimus, qua ratione hæc ipsa prænomina scriberentur, tradamus. id enim maxime rem, causamq̃; continere uidetur. Romanorum igitur prænominum alia singulis, alia binis, alia ternis literis scribi solita, cum à ueteribus traditum, tum ab antiquissimo quoque lapide, numoq̃; ita retentum est, ut nihil ea re possit esse illustrius. Auctores sunt Plutarchus in quæstionibus, Sospater, Donatus, & Priscianus, quorum uerba recitarem, si rem indigere probationis putarem. Singulis literis scribebantur, Aulus, Cæso, Caius, Quintus, Decimus, Lucius, Marcus, Manius, Numerius, Publius, Titus, ut A. Postumius, C. Iulius, K. Fabius, Q. Cæcilius, D. Iunius, L. Licinius, M. Valerius, M'. Curius, N. Fabius, P. Cornelius, T. Manlius: Binis, Appius, Cnæus, Spurius, Tiberius, Opiter; ut Ap. Claudius, Cn. Pompeius, Sp. Veturius, Ti. Aemilius, Op. Virginus: Ternis, Mamercus, Sextus, Seruius, Tullus; ut Mam. Aemilius, Sex. Iulius, Ser. Cornelius, Tul. Hostilius. Neque uero horum omnium antiquæ notæ in libris sunt conseruatæ, uerum nonnullorum ita aut uerustate, aut negligentia sunt deletæ, ut non solum nulla uestigia nobis sui reliquerint, sed ipsa etiam in alia prænomina transmigrarint. Cui tamen incommode nos & apud Liuium, & in Fastis ipsis ita occurrimus, ut & sua cuique prænomina reddiderimus, & ea proprijs cuiusque, quæ desiderabantur, notis distinxerimus. Ac primum quidem, quoniam multos esse animaduerti, qui D. Decium interpretarentur, notum quidem errorem, sed errorem tamen tollere uolui. nam præterquam quòd Decius est gentis nomen, Græcorum etiam monumenta satis indicat, quoties in libris Latinis, aut alijs eiusmodi monumentis D. loco prænominis scriptum est, Decimum esse exponendum, quia δέκιμον plerunque habent, non δέκιον.

MANIVS scribebatur hoc pacto M'. id autem ex eo argumento collegi. animaduerti Curiū Dentatum, quem libri Latini, Græciq̃; plerunque Manium Curium nominant, in quarto eius triumpho Capitolino ita describi. M'. Curius. M'. F. M'. N. DENTATVS. eadem ratione Valeriū, qui anno cclix dictator est, & à Dionysio Manius Valerius dicitur, in fragmentis Capitolinis ita uocari: M'. VAL=, præterea consules, qui anno cdxc in consulibus Capitolinis M'. VALBRIVS, & M'. OTACILIVS scribuntur, à Polybio μάχιον οὐχ' ἔριον, & μάχιον Ὀτ' ἀκίλιον nominari. Hæc igitur ipsa cum legissem, accuratior deinde factus sum in Acilijs, & Aquillijs, Aemilijs, Sergijs, ceterisq̃; eiusmodi suo prænomine decorandis, quos in antiquis monumentis iisdem notis esse descriptos, apud Græcos ferè, aut Manios, aut Mallios finitimo errore uocatos esse reperiēbam. Quibus rebus adductus tum prænomen, tum eius antiquam notam linguæ Latinæ restitui, eaq̃; ipsa re historiam ipsam Romanam, quæ magnam iacturam fecerat, subleuavi. Puto autem

De nominibus

tem ueteres his notis M. & M. distingui Manium à Marco voluisse, qui M. litera notatur. Iccirco autem dixi, & M. Nam quæ nota in Capitolinis tabulis est M. ea est in numis argenteis M. ut M. CORDIVS RVFVS. M. ACILIVS III VIR VALET V. M. SERGIVS SILVS. Quos numos cum apud alios, tum maxime apud clarissimum virum Andream Lauredanum patricium Venetum repperi.

NUMERIVS N. litera scribebatur. Itaque ego & prænomen, & prænominis notam renouavi, quæ iam prorsus uetustate obsoleuerant. Etenim cum hoc esse Fabiæ gentis prænomen ex Festo, & Valerio didicissem, cumq; ex Fabijs eum primum Numerium esse dictum, qui Q. Fabij filius esset eius, qui, CCCVI ad Cremeram interfectis, superfuit, scirem, eundemq; in Capitolinis consulis anno CCCXLVI N. FABIUS Q. F. Q. N. VIBULANVS describi animaduertentem, non dubitavi, quin & in eo, & in ceteris Fabijs, qui N. Fabij scriberentur, Numerius esset interpretandum. Quod ipsum deinde ex Diomede, & ex Valerij lib. IIII, cap. III apertius etiam cognoui. Nam Diomedes Numerij prænomen N. litera designatū fuisse scribit, & qui in Capitolinis triumphis N. FABIUS PICTOR scribitur, is à Valerio Numerius Fabius Pictor appellatur. Hæc autem nota est in L. SEXTIO SEX. F. N. N. SEXTIN. LATERANO, & in epigrammatis antiquæ urbis: N. IVNIO EPIGONO. In libris autem Latinis ita euenerat, ut nullam prope sui imaginem reliquisset, sed in C. N. & M. & C. euaserat.

CÆSONIS etiam nota K. cum interisset, ex lapidib. Capitolinis restituta est. Quod tamen intellectu non admodum fuit difficile. nam cum in Fabiorum gente, quos Cæsonis filios, aut nepotes esse Liuius, & Dionysius scribunt, eos in marmoribus Capitolinis, K. F. K. N. describi animaduertentem, in eam ueni sententiam, ut pro K. Cæsonem esse intelligendum putarem. quam literam eos iccirco in hoc prænومine usurpasse existimo, ut à Caio, qui C. litera notatur, internosceretur, in quam literam passim in libris Latinis mutata erat.

TIBERIVM duabus literis notatum fuisse, & Probus tradit, & antiqua marmora testimonio sunt, in quibus quoties T. inuenitur, semper Tiberius in Græcorum monumentis est scriptus, ut in Sempronij, Aemilij, Claudijq; Neronibus. Hæc autem ratio scribendi, præterquàm in paucis, hoc tempore seruabatur. Quam certe in omnibus nostri non neglexissent, si Plutarchi uerba in quæstionibus scripta attendissent, à quo inter ea prænومina, quæ duabus notantur literis, TIBERIVS numeratur. quanquam uerba eius mendosa sunt. inquit enim alia prænومina binis fuisse notata literis, ὡς περ τὸν ἑρμῆον, καὶ τὸν γυῖον, cū sit legendum, ὡς περ τὸν τίττον. quam uocem omnes, qui hucusque eius loci testimonium protulerunt, fuerunt autem plurimi, quiq; eum librum Latine uerterunt, ut superuacaneam omiserunt. Miror autem amicum meū in libello de nominibus ita scribere, T. idest Titus. ut T. Ampius. quamuis in Sempronio Graccho Tiberium significet, in quo multi errant. miror inquam, eum ea scribere, quæ neque scriptorum, neque lapidum, neque numerum auctoritate comprobare possit, cum in omnibus sit Ti. Sempronius, non T. Sempronius, nisi mendose.

MAMERCI prænomen, cum esset prorsus tenebris uetustatis oppressum, in lucem produximus. Quod ipsum una cum eius nota debemus tum Capitolinorum inarum, tum maxime Græcorum annalium monumentis.

TULLVS item, & OPITER eodem in numero poni possunt. Nam cum ab omnibus passim integra scriberentur, ea à nobis ad antiquæ scripturæ formulam ex Prisciani, & Probi auctoritate redacta sunt, ita ut ille tribus, hic duabus literis notaretur.

DE SERUIO prænومine, quod nonnulli S. R. G. scribere cœperant, quasi esset gentis Sergiæ nomen, non dicam. est enim error iam satis à multis exagitatus.

AGRIPPA modo omnibus literis descriptus est, modo plerisque, ut in Capitolinis consulis. CCL. AGRIPPA MENENIVS LANATVS, & CCCXXXIIII. MENENIVS AGRIP. F. Reliqua omnibus, ut anno CCCXXXVI. P. LVCRETIVS HOSTI F. CCC. P. SESTIVS VIBI. N. & CCCXXXVIII. C. VALERIVS VOLVSI. N. CCCLII. L. IYLIVS VOPISCI. N. at Velero plerisque, ut CCCLIII. L. PVBILIVS VOLER. N. Hactenus de notis prænominum, de quibus non ita admodum longa disputatione opus fuisset, si amicus meus, qui de nominibus scripsit, in his tradendis, eadem, qua ceteris solet in rebus, diligentia usus esset. Ille enim satis esse duxit admonuisse, quædam prænومina una litera notata, ut M. P. Q. L. C. D. T. quædam duabus, ut S. P. A. P. C. N. quædam tribus, ut S. R. G. quæ omnibus nota erant, quæ uero omnibus ignota, ea præterijt. nihil enim de Manio, nihil de Numerio, nihil de Cænone, nihil de Tiberio, & priscis eorum notis, nihil de significatione eorum, nihil de tota hac tam multiplici, & uaria ratione, nisi quæ multis iam sæculis sciebamus, sine ulla tamen auctoritate tradidit: ita ut nisi quatuordecim prænومina cognouisse uideatur,

deatur, aut certe, si plura cognouit, non, nisi ea, quæ omnibus erant in promptu, & quæ nulla ex parte deprauata erant, docuisse, quæ autem interceiderant, aut corrupta erant, pro notis præterijſſe. Neque uero consulo omiſſiſſe poteſt, quippe cum inter prænomina ſtatuat ea etiam, quæ prænomina non ſunt, vt *L I C I N I V S*, in Licinio Menenio Lanato apud Liuium. cum Licinius ſit gentis nomen, & apud Liuium legendum ſit *L. Menenius Lanatus*, quod ipſe in ſcholijs Liuianis docui. ſiquidem Diodorus cum nominat, *Λύκιον μενένιον λανάτον*. Ergo ſi breuitati ſtudit, cur ea, quæ prænomina non ſunt, pro prænominibus attulit? ſi nihil ex ijs, quæ ab alijs, vt ipſe ſe facturū proficitur, dicta erant, prætermiſit, cur ignotiſſimū, & obſcuriſſimū quodq; præterijt?

De duorum prænominum pronuntiatione Caij & Cnæi.

I A M vero illa non contemnenda eſſe uidentur, quæ de duorum prænominum pronuntiatione à ueteribus tradita ſunt Caij, & Cnæi. Quæ ipſa cum *C.* litera notentur, *G* tamen ſono pronuntiarī Diomedes his uerbis teſtatur: *G.* nona conſonans eſt, in cuius locum *C* ſolebat apponi, ut & hodie cum Gaium Cæſarem notamus, ſcribimus *C.* Cæſarem. ideoq; poſt *B* literam tertio loco digeſta eſt, ut apud Græcos *Γ* poſita reperitur in eo loco. & alibi: *N.* prænominis nota Numerium ſignificat, & præpoſita ſibi *G* Gnæum, quem antiqui Cnæum ſcribunt. & Valerius: Cnæi prænomen uaria ſcriptura notatum eſt: alij enim Cnæum, alij Gnæum, alij Næum ſcripſerunt. Qui *G* litera in hoc prænomine uſi ſunt, antiquitatem ſequuti eſſe uidentur, quæ multum ea litera uſa eſt. olim enim dicebant frugmentum, poſt frumentum, olim gnaturam poſt naturam. itaque etiam qui in corporibus gigni ſolet Gnæus appellatur. qui Cnæum dixerunt, corruptione ſyllabæ delectati eſſe uidentur, qui Næum, leuitate.

Quæ prænomina pro cognominibus uſurpata ſint.

F V I S S E præterea aliquot etiam prænomina, quæ longo poſt tempore pro cognominibus uſurpare cœperint, ex uetuiſtis non ſolum grammaticis, ſed etiam annalibus intelligitur. Quod ipſum in Agrippa, Voluſo, Mamercio, Proculo, & Tullo facile perſpici poteſt. quæ in *L. Viſpſanio Agrippa*, *L. Valerio Voluſo*, *M. Aemilio Mamercio*, *C. Plautio Proculo*, *L. Volcatio Tullo* uiris conſularibus cognomina eſſe perſpicuū eſt. Quod etiam tradit Valerius his uerbis: Quæ olim prænomina fuerunt, nunc cognomina ſunt, ut Poſtumus, Agrippa, Proculus. Itemq; Priſcianus lib. *11* his: Inueniuntur autem multa, quæ in alijs perſonis ſunt prænomina, loco cognominum accipi.

De prænominibus feminarum.

S A N E reſtat, ut quoniam de uirorum prænominibus ſatis dictum eſt, de feminarum prænominibus dicendum eſſe videatur. quod eo accuratius mihi faciendum eſſe exiſtimo, quòd amicus meus nulla antiquorum auctoritate adductus ſuo iure feminas Romanas omnino caruiſſe prænominibus docuit. ſic enim in lib. de Nominibus loquitur: Mulieres à nomine gentis uocabantur, & uno tantum nomine, ut Porcia, Cornelia, Iulia, Tullia. Item Plutarchus in Problemat. ubi quærit, cur maribus nono, feminis octauo die nomina imponerentur, ait: Mulieres uno, aut duobus appellabantur nominibus. Ego duobus appellari nunquam obſeruauī, ni fortasſe prænomen illud ſignificare uoluit Plutarchus, quod eſt omnibus mulieribus commune, ut dicerentur Caiæ. Hæc ille ſe obſeruafſe ait. ab hac autem obſeruatione omnia tum auctorum, tum lapidum etiam ueterum teſtimonia maxime diſſentiunt. ſcriptorum primū uerba recitabo, poſt lapidum. Valerius ita: Antiquarum mulierum frequenti in uſu prænomina fuerunt Rutilla, Ceſella, Rodocilla, Mutrulla, Burra. Iſta prænomina à uiris tracta ſunt Caia, Lucia, Publia, Mania. Feſtus uero ita: Prænominibus feminas uſas eſſe teſtimonio ſunt Cæcilia, & Tarratia, quæ ambæ Caiæ ſolitæ ſint appellari, pari modo Lucia & Tita. Varro autem lib. ſecundo de Analogia, ita: In noſtris nominibus, qui ſumus in Latio, & liberi analogia neceſſaria. itaque ibi apparet analogia, ac dicitur Terentius uir, Terentia femina, Terentium genus. In prænominibus ideo non ſit item, quod hæc inſtituta ad uſum ſingularia, quibus diſcernerentur nomina gentilia, ut à numero, Secunda, Tertia, Quarta. In uiris ut Quintus, Sextus, Decimus. ſic ab alijs rebus cum eſſent duo Terentij, aut plures, diſcernendi cauſa, ut aliquid ſingulare haberent, notabant forſitan ab eo, qui mane natus diceretur, ut is Manius eſſet, qui luci Lucius, qui poſt patris mortem Poſtumus. E quibus quædam item cecidiſſe in feminis, proportionē appellata declarant prænomina antiqua
mulierum

De nominibus

mulierum, Mania, Lucia, Postuma. Videmus enim Maniam matrem Larum dici, Luciam Volaminiam Saliorum carminibus appellari, Postumam à multis post patris mortem etiam nunc appellari. Iccirco autem dixit, Quædam. nam paulo ante dixerat, non quia Marcus, & Numerius dicitur, iccirco Marcam, & Numeriam dici. Postremo Plutarchus in Mario Posidonium reprehendit, qui, cum primum nomen proprium esse diceret, nulli tamen mulieri primum nomen esse dicebat. ex quo efficiebatur, mulieres proprio nomine caruisse. Itaque idem in quæstionibus aperte scribit, mulieres duobus, viros tribus nominibus esse usos. sic enim ait: *χωρῶσαι δὲ δυοὶ ὀνόμασιν αἱ θήλαιαι, τρισὶ δὲ οἱ ἀρσένες*. Itaque miror amicum meum Græcarum literarum peritū ita uertisse. Mulieres uno, aut duobus appellabantur nominibus. Non enim Plutarchus inquit, vno, aut duobus, uerum expresse duobus. Idem præterea auctor est Romulum ex Ersilia filiam unam suscepisse, eamq; ab ordine procreationis primam appellasse: itemq; Sullæ dictatori filiam ex Valeria esse natam, eandemq; quia post obitum patris nata erat, Postumam esse uocatam.

Hæc ex auctoribus, quibus cum lapidum etiam testimonia consentiunt. Extant epigrammata duo Mutinæ uetustissima, unum in turri D. Geminiani, alterum apud eruditissimum uirum Ludouicum Casteluëtrum, in quibus PRIMAE mentio est. ea vero sunt hæc:

SALVIA C. F.
PRIMA FECIT.

&

SEX. TULLIUS SEX. F. V. SIBI
ET SVIS, ET PRIMAE VALERIAE SP. F.

Et in multis epigrammatis antiquæ urbis: IULIA SECUNDA, ET CORNELIA SECUNDA. Item in eodem libro: TERTIAE PRISCIAE IONIA SALVIA. Tertiam item Iuniam legimus apud Suetonium in Cæsare, & apud Macrobiū libro secundo, quam Tertullam uocat Cicero lib. xiii epistolarum ad Atticum, & Valerius Paullo Aemilio filiam fuisse ait nomine TERTIAM. vnde Paullus apud Ciceronem, O mea Tertia, inquit. De Quarta est inscriptio uetus in prætorio Patauino eiusmodi:

V. F.
T. LIVIVS
LIVIAE T. F.
QUARTAE L. .
HALYS
CONCORDIALIS
PATAVI
SIBI, ET SVIS
OMNIBVS

Et apud Liuium lib. xl. Quarta Hostilia memoratur. Quintæ mentio est apud Liuium lib. xxviii. ut Quinta Claudia. Item apud Ciceronem in oratione pro Cælio, & de aruspiciū responsis. præterea epigrammata duo apud Horatium Malegutium clarissimum iuuenem sunt in agro Regiensi eiusmodi:

QVINCTAE NONIAE
RVFAE ET
NONIAE C. F. QVINCTVLAE

&

SEPTIMIUS
D. L. NICEPORÆ
SEPTIMIA
SP. F. QUINTA

De Lucia extat etiam tale Mutinæ monumentum in sepulchro marmoreo.

MEMORIAE CLA. FEM.
L. PAEDUCEAE IULIANAE
MORIB. NATAL. AC PVD. PRISCIS
INLVSTRIBVSVQVE FEMI. COMPARANDA.
QVAE VIXIT ANNOS XIII. D. XLVII.
CVM MARITO FECIT ME. V. D. XX.
L. NONIVS VER.

De Mania tale est in lib. epigrammatum antiquæ urbis.

M'. ACILIAE M'. F. IVSTINAE
P. SIRIVS SERPICAMVS MARITVS
VXOR OPTIMAE, ET KARISSIMAE.

Et alio loco.

POPPIDIA S. P. F. A. XIIIX.

IVLIA PROCLA F. NIVS. V. A. X. M. III.

EST autem PROCVLVVS Iuliorum prænomen, ut in Proculo Iulio regnante Romulo. de quo Liuius, & Dionysius. In eodem libro est T. FLAVIA AVG. L. multa; eiusmodi alia. quibus ex omnibus cum illud intelligi arbitror, de quo dicere cœperam, mulieres præter Caiam, alio aliquando prænomine esse usas, tum illud etiam, quod idem ne fieri quidem unquam se obseruasse profitetur: prænomena modo præponi, modo postponi consueuisse, si quidem Primam Valeriam, & Saluiam Primam, ac Quartam Hostiliam, & Liuiam Quartam, ac Quintam Noniam, & Noniam Quinctulam scriptas esse, animaduerti potest. Quod idem in uiris Liuius etiam fecit, qui Attius Tullus, Attius Næus, Manlius Cnæus, & Octavius Metius, & Cicero, Maluginensis M. Scipio, & Suetonius, Claudius Appius Regillanus, & alia eiusmodi dixerunt. C A I A M præterea, quod commune omnibus mulieribus prænomen fuit, & inuersa notatam fuisse, contra; Caium in uiris, satis est ex Probo, alijsq; ueteribus grammaticis, atque lapidibus perspicuum.

De prænominibus imponendis.

N V N C, quoniam ad rem pertinet, quid de prænominibus imponendis ueteres senserint, explicemus. Ac sane qui de tempore tradunt, quo ea imponerentur, auctores habeo nobiles illos quidem, & magnos, uerum ita inter se dissidentes, ut, utram sequaris sententiam, facile statuere non possis, nisi aliud alijs temporibus obseruatum esse intelligas. Quid est enim tam dissimile, quàm ea, quæ Valerio, & à Plutarcho, Festo scribuntur? quorum ille pueris non priusquàm togam uirilem sumerent, puellis non antequàm nubarent, hi uero maribus quidē nono, sēminis autem octauo die imponi consueuisse prænomena tradunt. Verba Plutarchi sunt hæc in quæstionibus: τῶν μὲν παίδων τοῖς μὲν ἄρρεσιν ἐνναταῖς, τοῖς δὲ θήλεσιν ὀγδοαῖς τὰ ὀνόματα τίθενται. Festi uero hæc: Lustrici dies infantium appellantur puellarum octauus, puerorum nonus, quia his lustrantur, atque eis nomina imponuntur. De ratione autem imponendi satis constat, suis quenque filijs ea prænomena indidisse, quæ suæ essent cuiusque familiæ maxime propria, ac primum quenque filium patris esse prænomine plerunque usum, eademq; deinceps rationem in adoptiuis filijs, & libertis, & nouis ciuibus esse seruata, ut, à quo quisque adoptatus esset, aut per quem quisque uel libertatem, uel ciuitatem consequutus esset, eius maxime nomina usurparet. Ac primum quidem quod dixi, suæ quenque familiæ propria prænomena imposuisse, intelligendum est, non omnia omnibus familijs prænomena fuisse communia; sed alia alijs fuisse familiaria. A P P I V S enim uix in alia, quàm in Claudia gente patricia reperitur. M A R C O ne quis uteretur decreto gentis Manliæ patriciæ cautum esse, L V C I V M à Claudijs repudiatum, C N A E V M & L V C I V M à Domitijs Ahenobarbis tantum fuisse probatos, Suetonius in Tiberio, & in Nerone tradit. Quodd autem plerunque primus quisque filius prænomen patris tulerit, id ex familijs ijs, quas in scholijs Liuianis digessimus, animaduerti potest. Fuisse autem quandam distinguendi rationē, si eodem pater, & filius prænomine præditi eodem tempore floruisent, hinc intelligi licet, quodd Cicero Q. Q. Catulos modo patre, modo filio, modo sene, modo adolescente distinguit. Quodd idem de Q. Q. Fabijs Liuius, de C. C. Curionibus Suetonius. Nequē uero de adoptiuorum appellatione multa mihi esse dicenda existimo, cum à multis iam res sit ex ueterum annalium obseruatione tractata. Illud tamen dicam, Dionem lib. XL, & XLV huius auctorem sententiæ esse; qui adoptarentur ab aliquo, eos nomina illorum omnia, à quibus adoptarentur, ferre consueuisse, suum uero gentilicium nomen retinuisse illud quidem, sed aliquo tamen modo commutasse. ut C. Octavius qui dicebatur, posteaquam à C. Iulio Cæsare est adoptatus, C. Iulius Cæsar appellari cœptus est, ita tamen ut gentilicium Octauij nomen non defereret, sed id quodammodo commutaret, & Octauianum pro Octauio redderet. Idem in P. Cornelio Scipione Aemiliano, & in L. Manlio Acidino Fuluiano, & in P. Licinio Crasso Muciano factum est, qui omnes ab eo, à quo adoptati erant, nomina sumpserunt. Eodem spectans Cicero lib. epist. ad Att. I I dixit: Cicero salutem Q. Cæcilio Pomponiano Attico. Eodem etiam referuntur ea, quæ ab eo scripta sunt lib. V I I: Dolabellam uideo Liuiæ testamento cum duobus cohæredibus esse in triente, sed iuberi mutare nomen. Quodd autem scribit Dio, id etiam si uerum est, non ab omnibus tamen ubique retentum est. Neque enim Aurelius Orestes, qui à Cn. Aufidio, nec Calpurnius Piso, qui à M. Pupio

De nominibus

Pupio (ut scribit pro domo Cicero) adoptati fuerunt, aut Aurelianus, aut Calpurnianus appellati sunt, sed ille Cn. Aufidius Orestes, hic M. Pupius Piso nominatus est. Eadem etiam ratione ne P. quidem Cornelius Scipio, qui, Dione auctore, à Q. Metello Pio, nec M. Iunius Brutus, qui, teste Plutarcho, à Q. Seruilio Cæpione sunt adoptati, aut Cornelianus, aut Iunianus, sed ille Q. Cæcilius Metellus Pius Scipio, hic Q. Seruilius Cæpio Brutus est appellatus. ut Dio lib. xl, Cicero in Philippicis, nummi argentei testantur, in quibus nummis est ita:

Q. METELLVS PIVS
S C I P I O

Q. CAEPIO BRVTVS
P R O C O S.

Metellus autem hic Scipio P. Cornelij Scipionis Nasicæ filius naturalis fuerat, teste Dione, qui ita ait lib. xl: ὁ πομπικός κύντων σκιπίωνα πέντερόν οἱ ὄντα προσέλετο. οὗτος γὰρ γόνιμὸς υἱὸς τῆς νασικῆς ὦν, ἐκ δὲ τῆς κλήρου διαδοχῆς ἐς τὸ τῆς μετέλλου τῆς εὐσεβοῦς γένος πομπικός: id est: Pópeius Q. Scipionem socerum sibi collegā asciuit, qui naturalis filius fuit Nasicæ ille quidem, at adoptatus à Q. Metello Pio. Quod cum ita sit, nescio quid in mentem amico meo uenerit scribere in libro de nominibus ita: Cicero lib. epist. ad Att. v 1: Scipionem hic Metellus proauum suum nescit censor non fuisse. Significat Scipionem Asiatici illius filium, qui adoptatus fuit à Q. Metello Pio. Cur mirer, hæc causa est. nemo enim Asiatici filium fuisse Scipionem hunc scribit, nisi quem hic sequitur Dionis interpretes. Neque uero omnino hic Scipio Metellus Asiatici filius esse potuit, sed Nasicæ. primum quia hic idem P. Cornelius Scipio apud Eutropium, & Eutropij græcum in interpretem Præanium nominatur. & P. Scipio in Epitomis, & apud Ciceronem pro domo dicitur, cum ait: Atqui C. Atinius patrum memoria bona Q. Metelli, qui eum ex senatu censor eiecerat, aui tui Q. Metelle, & tui P. Seruili, & proaui tui P. Scipio. Asiatici uero Lucij prænomen tulerunt. deinde quod in Bruto auum huius uocat P. Scipionem Nasicam oratorem, proauum P. Scipionem Nasicam Serapionem, oratoris patrem, abauum uero P. Scipionem Nasicam Corculum Serapionis patrem: quæ cum in Asiatici filium cadere nullo modo possint, in Nasicæ certe maxime cadunt, hoc modo:

I P. Scipio Nasicæ Corculum. Cos. 591.
598. abauus Scipionis Metelli.

I C. Lælius. Cos. 613. abauus
Scipionis Metelli

II P. Scipio Nasicæ Serapio. Cos.
615. proauus Metelli Scipionis.

Lælia filia.
II Vxor Q. Mucij Scæuolæ Aug. Cos. 636
proaui Scipionis Metelli.

III P. Scipio Nasicæ Orator. auus
Scipionis Metelli. Cos. 642. uxor
Cæcilia Macedonici filia.

III Mucia filia
Vxor L. Licinij Crassi Oratoris
Cos. 658. aui Scipionis Metelli.

IIII P. Scipio Nasicæ. pater Metelli Scipionis

IIII Licinia filia.
Vxor P. Scipionis Nasicæ, patris
Metelli Scipionis.

V P. Scipio Nasicæ. qui adoptatus à Q. Metello Pio Q. Metellus Pius Scipio dictus est.
Cos. 701.

V P. Scipio Nasicæ, qui adoptatus à Q. Metello Pio, Q. Metellus Pius Scipio dictus est. Cos. 701.

DESCRIPSI autem etiam maternos Metelli auos ex Cicronis sententia in Bruto, ne quis eundem de matris, non de patris intellexisse suspicari posset, atque ita rem (quod fieri ne hoc quidem pacto potest) ad Asiaticos traheret. Hæc autem commutandorum ex adoptione nominum ratio cum in alijs, tum maxime in M. Licinio Lucullo C. Cassij in consulatu collega Cicronis interpretes decipit, qui cum in Verrem M. Terentium, C. Cassium cos. ac legem Terentiā, & Cassiam nominaret, mendum esse in Terentio, & Licinium reponendum esse duxerunt: quod profecto non fecissent, si adoptionem fuisse intellexissent, quod ex fragmento illius consularis Capitolino colligitur, in quo ita est: M. T E R E N T I V S M. F. V A R R. L V C V L L V S C. C A S S I V S. Ita etiam alibi A. T E R E N T I V S V A R R O M V R E N A. neque enim Murena Terentiorum, sed Liciniorum, ut Lucullus, cognomen fuit.

TRAN-

TRANSEAMVS ad seruos. Non est autem dubium, quin, quemadmodum cum seruitutem seruiebant, prænomen domini sequebantur, ita ut Lucipores, Marcipores, Publipores, Quincti pores; quasi Lucij, Marci, Publij, & Quincti pueri dicerentur, ut à Plinio, & Quinctiliano scriptum est: ita etiam in libertatē uindicati patroni, à quo manumissi essent, nomina usurpauerint. nam præterquam quod exemplo sunt M. Tullij Ciceronis liberti duo, quorum alter M. Tullius Tiro, alter M. Tullius Laurea dictus est, & Liuius Andronicus poeta, quem à M. Liuiio Salinatore, cuius filios erudierat, libertate donatum scribit Eusebius in Chronicis: id etiam ex uerbis Ciceronis ad Att. lib. 1111, & Artemidori lib. primo effici potest. Cicero enim de Eutyichide seruo Attici manumisso ita loquitur: De Eutyichide gratum, qui uetere prænومine, nouo nomine T. erit Cæcilius, ut ex me, & ex te iunctus M. Pomponius. Artemidorus autem de serui cuiusdam somnio ita: Cognoui, inquit, quendam, qui cum sibi uideretur tria pudenda habere, ex seruitute in libertatem uindicatus pro uno nomine tria accepit, duobus nominibus ab eo, à quo manumissus fuerat, sumptis. Iam uero eos, qui in ciuitatem suscepti essent, illorum potissimum nomina tulisse, quorum beneficio ciuitatem impetrassent, Latinorum scriptorum exempla ostendunt. nam & Cicero ad Acilium ita scribit. Cum Demetrio Mega mihi uetustum hospitium est. ei Dolabella rogatu meo ciuitatem impetrauit, qua in re ego interfui. itaque nunc P. Cornelius uocatur. itemq; in Verrem: Q. Lutatius Diodorus beneficio Q. Catuli à Sulla ciuis Romanus factus. eademq; ratione de Dione, qui beneficio Q. Metelli ciuis factus, Q. Cæcilius Dio est appellatus. & Cæsar lib. primo de bello Gallico, ita: Commodissimum uisum est M. Valerium Procillum C. Valerij Caburi filium, cuius pater à C. Valerio Flacco ciuitate donatus erat, mittere.

C V R G E N T I L I C I A N O M I N A I N I V S

desinant, & quid gens sit, & à familia differat.

HIS rebus expositis, reliquum est, ut de nominibus gentilicijs agamus. de quibus amicus meus sic scripsit: Sciendum omnia nomina, quibus familiæ significantur, proferri in I V S, ut Porcius, Cornelius, Iulius. recte ille quidem, sed parum ad rem tantam. Illud enim docti hominis, & Romanæ antiquitatis periti erat, causam ostendere, eamq; ueterum usu, & auctoritate probare. quam ipse, si potero, exponam. Credo enim eos ita fecitasse, ut gentis originem eiusmodi deriuatione significarent; ut quemadmodum in uoce deriuatio uerbi, sic gentis etiam, quæ uoce illa exprimeretur, principium in uoce appareret. Siquidem antiquissimam quancunque gentem aut à uiro, aut à loco, tanquam à fonte aliquo manasse, & nomen accepisse perspicuum est: ita quidem, ut hæc deriuationis significatio in omnibus studiosissime conseruata sit. Hanc autem consuetudinem si in paucis quibusdam gentibus, & antequam urbs conderetur, & postquam condita est, sub regibus, consulibusq; diligentissime retentam esse ostendero, tum neminem fore puto, qui contra dicat. Age enim cur Iuliam gentem credimus, aut Aemiliam, aut Atiam, aut Nautiam hanc eiusmodi terminationem adeo religiose seruasse, nisi ut appareret in uoce, quod in re existit, ab aliquo ipsas initio deriuasse? est autem ita. Nam Iulia gens Iulum Aenææ, Aemilia Aemilium Iuli filium, Atia Atim, Nautia Nautem Troianos uiros sui generis auctores nuncupant. At uero condita urbe non ne id etiam obseruatum est? Scribit enim Plutarchus Numam regem filios quatuor reliquisse Pomponem, Calpum, Finum, & Mamercum, ab ijsq; Pomponiam, Calpurniâ, Pinariam, & Mamerciam gentes Romæ propagatas. L. autem Tarquinius Priscus scribit Dionysius Damarati Corinthij fuisse filium, & cum Tarquinijs uiueret Lucumonem Etrusco prænomine fuisse uocatum, ubi uero Romam commigrauit ad morem Romanum sibi nomina composuisse. Itaque communi nomine se pro Lucumone Lucium, gentilicio uero à Tarquinijs urbe non se Tarquiniensem, sed Tarquinium appellari uoluiffe. Idem fecit Ap. Claudius, qui ex Regillo Sabinorum oppido post reges exactos anno sexto se cum clientibus Romam contulit. Etenim cum Clusus ante diceretur, non iam amplius Clausum, sed Clausium, post Claudium dici se, ubi Romæ domicilium collocauit, oportere existimauit. Itaque ab eo cæteri omnes Romæ Claudij nominati sunt. Id autem ita esse, ex eo etiam intelligi potest, quòd ait Priscianus lib. 11, nomina hæc in I V S apud Romanos idem ualere, quod apud Græcos patronymica. uerba eius sunt hæc: Nominum deriuatiuorum multa genera sunt. quorum patronymicum id est, quod à proprijs tantummodo patrum nominibus deriuatur secundum formam græcam, quod significat cum genitiuo primitiui filios, uel nepotes, ut Acacides Aeaci filius, uel nepos. pro quo Romani nominibus familiarum utuntur, ut Cornelij. omnes enim ab illo, qui primus Cornelius appellatus est, hoc nomen habuerunt, quicunque eiusdem familiæ sunt, sicut omnes minores Thesei

R Thesidas

De nominibus

Theſidas Græci appellantur. Hæc ille. Idem autem ſentit etiam Dionyſius, qui in Priſco hæc nomina συγγενικά, & πατρωνικά uocat. Neque uero dubium eſt, quin hæc tota ratio terminandi uſque ad reip. interitum incorrupta peruenerit. Nam etſi nonnullos quaſi gentiliſij nominis expertes eſſe reperimus, ut M. Perpernam, & C. Norbanum conſulares, quos ita & in libris, & in Capitolinis marmoribus nominari uidemus, id tamen contigiſſe uidetur, aut quòd ij cognomine magis, quàm nomine delectati ſunt, ut M. Agrippa, cuius gentiliſium nomen in omnibus lapidibus omiſſum eſt, cum tamen ex Vipſaniorum cum gente fuiſſe Nepos, & Dio tradiderint: aut certe quòd ea nobis ignota ſunt. Quæcunque autem cauſa ſit, non eſt, quòd exiguus horum numerus tam religioſam tot aliorum conſuetudinem impediatur, præſertim uero amico meo ſummō uiro auctore, qui ita habere omnia ſine ulla exceptione aſſeuerauit. Quid autem ſit gens, unde ipſa nomina gentiliſia dicta ſunt, ac quid à familia differat, nunc dicamus. Inter gentem, & familiam illud intereſt, quòd gens ad nomen, familia ad cognomen refertur. itaque illa tanquam totum continere uidetur, hæc quodammodo partem. exempli gratia. Valerij omnes unius eſſe gentis dicuntur, quia uno nomine continentur omnes, at uero partes gentis huius ſunt plures, quæ ex cognominum uarietate diſtinctæ ſunt, eaq; familiæ nominantur, ut in gente Valeria Maximi, Meſſallæ, Flacci, Læuini, Faltones: in Cornelia Scipiones, Lentuli, Dolabellæ, Sullæ, Cinnæ: in Aemilia Mamercini, Lepidi, Paulli, Scauri, Barbulæ. itemq; in cæteris. At uero Valerij omnes unius ſunt gentis, itemq; Cornelij, atque Aemilij. Itaque recte Feſtus gentem definiuit eam, quæ ex multis familijs conſiceretur. Quod autem intereſt inter gentem, & familiam, idem intereſt inter genus, & ſtirpem. Quæ quidem ita eſſe, ex his ueterum hiftoriarum uerbis intelligitur. Suetonius in Galba: Imagines uniuerſi generis exequi longum eſt, familiæ breuiter attingam. Qui primus Sulpicio:um cognomen Galbæ tulit, cur, aut unde traxerit, ambigitur. & Liuius lib. xxxviii: P. Scipio Naſica orationem habuit plenam ueris decoribus non communiter Corneliæ gentis, ſed propriæ familiæ ſuæ. & apud Suetonium Cæſar: Ab Anco Marcio ſunt Marcij Reges, quo nomine fuit mater, à Venere Iulij, cuius gentis familia eſt noſtra. & in Auguſto: Gens Octauia à Tarquinio Priſco Rege inter Romanas gentes allecta, mox à Ser. Tullio inter patricias tranſducta. primus ex hac magiſtratum cepit C. Rufus. is quaſtorius Cnæum, & Caium procreauit, à quibus duplex Octauiorum familia deſluxit, conditione diuerſa, & Cicero in Bruto: Funebres orationes ipſæ familiæ quaſi ornamenta ſeruabant ad uſum, ſi quis eiufdem generis occidiſſet. & Liuius lib. nono: Duodecim Potitiorum familias fuiſſe, cum gens Potitia tota interiit. & lib. primo: Iulia gens Iulum auctorem ſui nominis nuncupat. & lib. ſeptimo ſic loquitur Valerius Coruus: Non ſi mihi nouum hoc Corui cognomen Dijs auctoriſus homines de diſtis, Poplicolarum uetuiſtum noſtræ familiæ cognomen memoria exceſſit, & lib. xli: Inde cognomen familiæ inditum, ut Annales appellarentur. & Catullus: non decet tam uetus ſine liberis nomen eſſe. i. tam ueterem gentem, qualis erat Manlia. Hæc de gente, familia, & genere. nunc de ſtirpe dicam. Cicero pro Rabirio: Qua in familia laus aliqua forte floruerit, hanc ſerè qui ſunt eiufdem ſtirpis cupidiffime perfequuntur. & primo de legibus. Hic orti ſtirpe antiquiſſima ſumus. & in Lælio: Qui aliquandiu propter ignorantiam ſtirpis, & generis in famulatu fuerunt. & lib. primo de oratore: Quid? qua de re inter Marcellos & Claudios patricios centumuiſi iudicauerunt? cum Marcelli à liberti filio ſtirpe, Claudij patricij eiufdem hominis hæreditatem gente ad ſe rediſſe dicerent, non ne in ea cauſa fuit de toto ſtirpis, & gentilitatis iure dicendum? & Suetonius in Claudio: Claudius Cn. Pompeio antiquiſſimæ ſtirpis Magni cognomen ademit. Quæ autem ratio eſt inter gentem, & familiam, eadem eſt inter gentiles, & agnatos. ut enim familia, aut ſtirps nōs propius attingit, quàm gens, aut genus, ſic agnati, quàm gentiles. Si quidem gentiliſij auctore Feſto dicitur, qui eodem ex genere natus, & is, qui ſimili nomine appellatur. recte. quatenus enim ait, Ex eodem genere, eos intelligit, qui eiufdem gentis eundem principem habent: quatenus, Simili nomine, eos, qui quanquam uno gentis nomine omnes utuntur, tamen alium, atque alium auctorem ſui generis nuncupant. quomodo Cicero in prima Tuſculana, ſe gentilem eſſe ait Ser. Tullij Regis, quòd uterque ſimili gentiliſio nomine uteretur, cum tamen è diuerſo uterque fonte manaret. Cum autem ad Herennium ſcriptum ſit: Si furioſus exiſtat, agnatorum, gentiliſiumq; in eo, pecuniaq; eiufdem ius eſto. Item: ſi pater familias teſtato moritur, familia, pecuniaq; eiufdem agnatorum, gentiliſiumq; eſto: agnati profecto uidentur eſſe, qui ex eadem familia ſint, quibus deficientibus, gentiles ſubeant. Nam Cicero dixit primo de oratore: Iura gentilitatum, & agnationum. Item: ius gentilitatis, & ſtirpis. & de legibus primo: Homines Deorum agnatione, & gente tenentur; cum utranque coniunctionem complecti uellet. Amicus autem meus in ſuo libro de nominibus gentem, & familiam, gentiles, & agnatos idem eſſe cenſet, cum ait: Agnomen familiæ eſt appellatio, & gentis, unde agnati, & gentiles dicebantur, qui ex eadē erant familia,

familia, ut Cicero in Topicis ait, & idem in Bruto Ser. Tullium Regem gentilem suum ea de causa nominat. Mea autem sententia, Ciceronis sententiam percepisse non uidetur, qui in Topicis gentiles eos definit, qui inter se eodem nomine sunt, idest ex eadem gente, ut infra alio loco ostendam; familiæ uero aut agnatorum non meminit. Est præterea intelligendum Plinium, gentiles nouo quodam modo appellare. si quidem seruos gentiles esse dominorum ait, quia eodem prænomine appellarentur, quo dominus, ut Marcipor, Quinctipor, idest Marci, & Quincti puer.

De Romanarum gentium origine.

Dvos autem populos seminarium gentium Romanarum fuisse reperio, Aborigines, & Troianos, qui ambo ab Aenea (ut Liuius, & Dionysius tradunt) communi nomine Latini sunt appellati. Aborigines autem, qui ante aduentum Aeneæ Latium, regnante Latino, tenebant, docet Dionysius ex Græcis in Italiam uenientibus esse conflatos. Græcos autem hos nominat, Oenotrum ex Arcadia, Pelasgos ex Thessalia, Euandrum item ex Arcadia, Herculem ex Peloponneso profectum. Atque etiam iidem scribunt, Romulum, superante Latinorum, Albanorumq; multitudine, urbem in Palatio condidisse. Quæ cum ita sint, iam id dubium esse non potest, quin ad hos populos alij etiam plurimi accesserint, qui Romanam urbem gentibus repleuerint. Si quidem accepimus Romulum Ceninenses, Antemnates, Camerinos, Veientes, Fidenates, quos bello deuicerat, Sabinos uero etiam, quibuscum æquo Marte pugnauerat, in societatem nouæ urbis uocasse. Quin etiam multas Etruscorum urbes se ad eum recepisse initio à Medullia factò, traditum est. Hoc autem Romuli institutum reliqui deinceps reges studiosissime sibi conseruandum esse duxerunt, ut finitimas ciuitates aut ui, aut beneuolentia sibi adiungerent, Romanq; transferrent. Itaque Tullus Hostilius euerfa Alba familias eius urbis Romam traduxit. Ancus Lucumonem Etruscum in senatum asciuit. Priscus Ser. Tullium Corniculani sibi etiam generum adiunxit. Idem post quoque factum est, liberata regio dominatu rep. neque enim unquam desitum est, ciuitatem uictis populis, & gentibus dari, Italiamq; ipsam municipijs deuinciri, quousque bello Marfico uniuersa ferè ciuitate donata est. Quo tempore multi etiam ne Italicæ quidem gentis uirtutis ergò in ciuitatem suscipi cœpti sunt. Quoniam autem difficile, immo uero difficillimum est, omnium gentium originem inuenire, paucarum tantum quarundam fontes, & initia indicabo, ex quibus intelligi poterit, idem etiam in reliquis factum esse: neque enim ullam aliam historiæ R. partem tam & à ueteribus, & ab ijs, qui nunc sunt, neglectam esse comperi, quàm quæ hanc quæstionem continet.

Huius autem tractationis hos quasi fontes constituo, ut alias gentes à nominibus Aboriginum, uel Troianorum, uel aliorum eiusmodi populorum, alias à prænominibus, nominibus, & cognominibus, alias à locis, urbibus, & populis, alias à quadrupedibus, alias à re alia dictas esse affirmem.

Gentes ab Aboriginibus, & Troianis ortæ.

AC **VITELLIOS** quidem Fauno Aboriginum rege, & Vitellia, quæ multis locis pro numine colebatur, ortos tradit Suetonius in Vitellio.

FABII à Fabio Herculis filio orti. Plutarchus in Fabio. Vnde Iuuenalis. Natus in Herculeo Fabius Iare.

ANTONII ab Antone Herculis filio. Plutarchus in Antonio.

POTITIAM gentem antiquiorem origine urbis nominat Liuius, à Potitio illo sene, qui ad tempus affuit epulis. Seruius.

MAMILII à Mamilia 'Telegoni' filia. Liuius, Dionysius, Festus.

Multas præterea gentes Romanas à Troianis fluxisse credidit antiquitas. Itaque Seruius in v. Aeneidos scribit Varronem librū reliquisse de familijs Troianis, idest quæ genus trahebant à

Troianis, & Iuuenalem iccirco Troiugenas appellare nobiles Romanos, quasi è Troianis gentibus. Inter cæteras autem hæc fuerunt.

IULIA à Iulo Aeneæ filio. Liuius, Dionysius, Suetonius, Virgilius. Itaque Proculum Iulium Romuli tempore **IULI** Ascanij progeniem uocat Dionysius, & ipsi **IULII** cognomen etiam tulerunt **IULI**. Albana fuit.

AEMILIA ab Aemilo Ascanij Troiani filio, ut ait Festus. cui rei sorte allusit Virgilius, cum dixit:

Progeniem sed enim Troiano à sanguine duci Audierat, Tyrias olim quæ uerteret arces, Hinc populum late regem, belloq; superbum Venturum excidio Lybiæ-

Etenim progeniem Aeneæ, & Iuli uocare uidetur Scipionem Paulli Aemilii filium, qui Imp. Carthaginem excidit. Populum autem legio-

De nominibus

nes Romanas, quæ ab iisdem etiam genus traherant. alioquin si progeniem, & populum idem dicat, superuacanea iteratio uideatur. Nichil tamen contra ueteres affirmo. alij iudicabunt. Plutarchus autem Aemilios à filio quodam Pythagoræ Mamerco dictos ait, qui summo lepore præditus fuit, quæ græce ἀμύλῃα dicitur.

A T I I ab Ati. Vergilius: Atis, genus unde Atij duxere Latini. Quod Augusti causa dictum scribit Seruius, qui ex Atia matre natus est.

N A V T I I à Naute Aenæ comite. Dionysius, Virgil. & Seruius in **I I** Aeneid. Cum Diomedes raptum Palladium sibi non esse aptum intelligeret, illud Aenæ transeunti obtulit. sed cum se ille capite uelato sacrificans conuertisset, Nautes quidam simulachrum accepit. quare Mineræ sacra non Iulia gens habuit, sed Nautia. Idem scribit Varro in lib. de familijs Trojanis.

C L O E L I I à comite Aenæ eius nominis. Dionysius.

I V N I I à comite Aenæ eius nominis. Dionysius.

S E R G I I à Sergesto comite Aenæ. Vergil. lib. v: Domus à quo Sergia nomen.

M E M M I I à Mnestheo comite Aenæ. Vergil. in v: Genus, à quo nomine Memmi.

C L V E N T I I à Cloantho comite Aenæ. Verg. in v: Genus unde tibi Romane Cluenti.

G E G A N I I à Gia comite Aenæ, ut ait Seruius in v. Aeneidos.

C A E C I L I I à Cæcade comite Aenæ. alij à Cæculo, qui condidit Præneste. Festus.

Ab Italis.

C O E L I I à Cæle Vibenna Etrusco, qui se Romam, regnante Romulo, contulit. Dionysius, Festus, Tacitus, Varro.

P O M P O N I I à Pomponē Numæ Regis filio. Plutarchus.

C A L P U R N I I à Calpo Numæ F. Plutarchus, Festus.

P I N A R I I à Pino Numæ F. Plutarchus. Seruius à quodam sene, qui, quia ad tempus ad dapes non uenit, **P I N A R I V S** dictus ἀπὸ τῆς πείνης. i. à fame. Fortasse Pinaria gens duplex fuit.

C L A V D I I à Clauso Sabino. Liuius.

V A L E R I I à Valeso Sabino. Dionysius. Ita que Valelij primum, post Valerij dicti. Festus. Boni autem ominis causa in delectu censuæ primi nominabantur Valerius, Saluius, Statorius.

A prænominibus, nominibus, & cognominibus.

Q V A E adhuc exposita sunt, ea locupletissimorum monumentorum auctoritate probata sunt, quæ uero infra dicentur, uerisimilibus potius, quàm ueris argumentis nituntur. uera autem esse nego, quæ ueterum annalium fide carent. A prænominibus autem, & nominibus, & cognominibus gentes multæ manasse uidentur.

Vt autem prætermittam ea prænomena, quæ integra pro nomine gentilicio usurpata uidentur, ut Metius, Numerius, Appius, Statius, ut P. Metius in epistola ad Marium. & L. Mettius, & Q. Mettius, & P. Mettius, quæ se in ueteribus lapidibus Romæ legisse Pierius scripta proficitur, quamquam duobus **T T.** ut Cn. Numerius in lapide uetusto, qui est Venetijs in turri diui Vitalis, M. Appius, cuius lapidem citat in Brutum Sebastianus Corradus. T. Statius apud Liuium tribunus plebis. & P. Statius in antiquis lapid. urbis antiq. ut hæc, inquam, omitam, quæ aliquam fortasse quæstionem habere possint, at **A V L I I** certe ab **A V L O** descendisse uidentur, unde **Q Aulius** Cerretanus. Liuius, lapides Capitolini.

C A E S O N I I à Cæsone.

C N A E I I à Cnæo, ut de petit. consul. Ex equestri ordine Pompilios, & Cnæios.

D E C I M I I à Decimo.

H O S T I I ab Hosto. Vnde epigramma antiq. urbis. **P. H O S T I O P. F. S E V E R O.**

L V C I L I I à Lucio.

M A N I L I I à Manio.

M A R C I I à Marco, uel à Mamerco, ut ait Plutarchus in Numa. etenim ubi ait, à Mamerco Mamercios Reges: lego ipse, Marcios Reges.

L A R T I I à Larte. quamquam græce *Λάρτιος* scribitur.

P O S T U M I I à Postumo.

P R O C V L E I I à Proculo.

P V B L I L I I à Publio.

S P U R I L I I à Spurio.

S E R V I L I I à Seruio.

S E X T I I à Sexto.

Q V I N C T I I à Quinto.

T I T I I à Tito.

V I B I I à Vibo. unde C. Vibius Pansa.

V O L V S I I à Voluso.

T V L L I I à Tullo.

A N C I I ab Anco. Vnde Sp. Ancius legatus Fidenis interfectus. & Sp. Ancius Briso, de quo in Bruto Cicero.

P E T R O N I I à Petrone.

M E T I L I I à Metio.

ARRVNTII ab Arrunte.

NVMITORII à Numitore.

SERTORII à Sertore.

STATILII à Statio.

Hæ à prænominibus, à nominibus uero hæ.

SEXTILII à Sextijs.

QVINCTILII à Quintijs.

ATILII ab Atijs.

PORCILII à Porcijs.

HOSTILII ab Hostijs.

A cognominibus uero hæ.

RUTILII à Rutilo.

VARIII à Varo.

PLAVTII à Plauto.

FVLVII à Fuluo.

VENNONII à Vennone.

ALBII ab Albo.

ALBINII ab Albino.

LICINII à Licino.

SILII à Silo.

GEMINII à Gemino.

GALLII à Gallo.

FLAVII à Flauo.

PLANCII à Planco.

CATII à Cato.

VATINII à Vatia.

FICTORII à Fictore. Vnde Q. Fictorius, de quo Liuius.

CORDII à Cordo. Vnde M. Cordius, in numis argenteis.

PAPII à Papo. Vnde lex Papia à Papio lata, ut Cicero de off. ait (Papia autem gens fuit, quæ Mutili cognomen tulit, Appiano, & lap. Capi. auctoribus) non à Q. Aemilio Papo, ut amicus meus tradit in lib. de nominibus. neque enim leges à cognomine appellantur, ut in *IVS* desinant, sed, si id forte fiat, in *ANVS*, ut Gracchanæ leges, at non Gracchiæ, & Cæsarianæ fortasse, non Cæsariæ. à nomine uero semper, ut Sempronix, & Iulix. Vnde Cicero in Philip. prima. Quære acta Gracchi, Sempronix leges proferentur. quære Sullæ, Cornelix. Idem etiam improbat lectionem illam in Lælio. Videmus Papum Aemilium C. Lusciniū familiarem fuisse. improbat autem, quod cognomen nomini nunquam præponatur. quasi uero Liuius non sæpe dixerit Macer Licinius, Antias Valerius, Cursor Papirius: & Cicero, Vetus Antistius: & Cælius, Balbus Cornelius: & alij, Paullus Aemilius, & Crispus Salustius.

FVRII, qui ante Fusij, à Fuso, quod etiam cognomen tulerunt.

VALERII, qui olim VALESII, à Valefo gentis auctore. Itaque cognomen etiam tulerunt Volusi.

Ab urbibus, & populis.

TARQVINII à Tarquinis urbe Etruriæ. Dionysius.

GABINII à Gabinis item dicti uidentur.

COMINII ab Cominis Italiæ populis. de quibus Plinius.

VOLSCII à Volscis. unde M. VOLSCIVS Fictor. de quo Liuius.

A quadrupedibus.

A quadrupedibus etiam multas gentes nuncupatas esse, idoneos testes habemus Plutarchum, & Varronem. Plutarchus in Poplicola ita: Quia pecudibus omnia bona constabant, iccirco filijs suis eiusmodi nomina imposuerunt, ut Porcios. & Varro lib. II de re rust. Nomina multa habemus ab utroque pecore, à minore PORCIVS, OVINIVS, CAPRILIVS, à maiore BQVITIVS. Eadem etiam ratione nos, & ASINIOS, & SVILLIOS adiungere possumus.

A ministerio aliquo.

FLAMINII dicti, quod flamini Diali ministrarent. Festus.

PONTIFICII forte dicti, quod Pontificibus ministrarent. ex quibus fuit Ti. Pontificius tribunus plebis. de quo Dionysius, & Liuius.

A noce aliqua.

TERENTII à tereno, uoce Sabina dicti, quæ molle significat: Varrone teste, ut ait Macrobius. quod si ita est, ergo & multi alij eodem modo, ut

AVRELII, qui ante AVSRLII, quod ijs publice locus datus sit, ubi soli sacrificium facerent. Festus.

PUBLICII à publico.

POPILLII à popillo.

HIRTII ab hirtio.

IUVENTII à iuuenta.

SALVII à saluo, unde boni ominis causa primus Saluius in censu, & delectu nominabatur. Festus.

SEPTII à numero septem.

SEPTIMII à septimo.

OCTAVII ab octauo.

NOVII à nouem.

NONII à nono.

DECII à decem.

DECIMII à decimo.

Quemadmodum

De nominibus

Quemadmodum usus cognominum, & agnominum sit inuentus.

Cum autem duobus nominibus Romani homines, non contenti prænominē, & nomine, tertium etiam, & quartum adiunxerint, quod cognomen uocarint, magna existeret quæstio potest. Ac mihi quidem uidetur, eos primum, ut qui idem prænomen, nomenq; ferebant, nota aliqua internoscerent, hanc tertij nominis rationem excogitasse, post autem, cum cognominum usus increbuisse, eosdem etiam sine eiusmodi causa cognomina indidisse. Hac ratione L. Tarquinius Priscus, & L. Tarquinius Superbus, cum & prænominē, & nomine conuenirent, inquit Dionysius, Priscus illum, quod natus maior, hunc Superbus, quod contumacior esset, esse uocatum. Valuit autem in primis hic cognominum usus ad confusam ipsarum, ut ostendi, gentium turbam distinguendam. Quod exempli causa in gente Cornelia perspicitur potest; quæ cognominum uarietate in multas familias diffusa est: Maluginenses, atque inde Cossos, Scipiones, Lentulos, Merulas, Cinnas, Sullas, Dolabellas. Iterumq; cum familia Maluginensium creuisset, quartis nominibus est in alias etiam familias distributa. ita ut alij Maluginenses Cossi, alij Maluginenses Scipiones, alij Maluginenses Lentuli, itemq; Scipiones alij Africani, alij Asiatici, alij Nasicæ dicerentur. neque enim probo amici mei emendationem ab eo traditam libro secundo annotationum, cap. xiii his uerbis. Verba Ciceronis sunt libro secundo de orat. ubi agitur de salibus: Est autem ex hoc genere uetus illud, quod aiunt Maluginensem illum M. Scipionem, cum ex censura sua renunciaret Acidinum consulem, præcoq; dixisset, &c. Sed multum etiam me torquet quiddam in his nominibus *M. SCIPIONEM MALUGIN.* Nam nusquam inuenio Scipionem tanquam familiæ nomen poni, sed pro cognomine. Scio equidem per librariorum errorem sæpe *SCIPIONEM* legi pro *CAEPIONEM*, quare crediderim hoc etiam loco non Scipionem, sed *CAEPIONEM* legi debere. Ratio, qua impellor est hæc. Scio Q. Seruilius Maluginensem sæpe à Liuius nominari in libris primæ decadis, quo tempore Romæ creabantur tribuni militares. Scio quoque Seruilius cognomen habuisse *CAEPIONUM*, ut facile possim affirmare hic esse legendum *M. CAEPIONEM MALUGINENSEM*. hanc ergo ipse emendationē non probo. Nam quod aiunt, Liuius sæpe Q. Seruilius Maluginensem nominare, non est ita. Semel enim tantum lib. v, an. cccclxxii. nominat P. Seruilius Maluginensem mendose, pro Ser. Cornelius Maluginensem, ut in scholijs Liuianis ostendi cū alijs testimonijs, tum quod eo anno Diodorus pro eo tribunum mil. cos. pot. edit *σέρουιον κορίλιον μάλουναν*. Maluginensem autem fuisse cognomen non Seruiliorum, sed Corneliorum perinde atque Scipionem, apparet ex *L. M. P. & SER.* Cornelij Maluginensibus, qui aut consules, aut tribuni mil. aut censores fuisse à Liuius sepe traduntur. Quod cognomen aliquot etiam ex Cornelij retinuisse, postquam alia cognomina inuenissent, cum hic locus indicat, in quo est, M. Scipio Maluginensis, qui auctore Liuius an. dclxxiiii prætor fuit, tum annus dclxxii. in Capitolinis tabulis, ubi est, *SER. CORNELIVS CN. F. CN. N. LENTVLVS MALVGINENSIS*. ut omnino *SCIPIONEM*, non *CAEPIONEM* legendum esse, contraquā illi censent, esse existimem. Neque enim intelligo, qui illud sit, quod aiunt, se nunquam *SCIPIONEM* familiæ nomen inuenisse, sed pro cognomine. Si quidem eandem rationem esse iudico, cum dico, M. Cæpio Maluginensis, atque cum dico M. Scipio Maluginensis, & P. Scipio Nasicæ, & P. Scipio Africanus, & alia eiusmodi multa. Sed ad propositum reuertamur. Ergo necessitas primum cognomina excogitauit, post usus, & commoditas custodiuit, & propagauit. Qui uero agnomen aliud esse à cognomine tradiderunt, ij mihi satis quod sentiunt non probant. Ex eorum uero numero grammatici ueteres existunt, qui, ut supra dixi, cognomina appellant ea, quæ tertio loco, quæ uero præterea adijciuntur, ea omnia agnomina nuncupant, ut Africanum, & Asiaticum. Eiusmodi uero opinio facile locupletissimi auctoris Ciceronis uerbis refellitur, apud quem animaduertere possumus, ea omnia cognomina dici, quæ etiam quarto loco ponuntur. Sic enim ille ait pro Murena: Quam laudem ille Africa oppressa cognomine ipso præ se ferebat, eandem hic sibi ex Asia cognomen assumpsit. & in Somnio: Eritq; cognomen id tibi per te partum, quod nunc habes à me, hæreditarium. Idem Sapientem, & Diuitem cognomina uocat, quæ tamen quarto loco erant in M. Porcio Catone, & in M. Licinio Crasso. Inquit enim in Catone: Cato quasi cognomen habebat in senectute Sapientis. & in secundo de off. P. Crassus tum cognomine Diues, tum copijs. Hac causa nos omnia, præter priora duo, cognomina appellabimus. Nam quod amicus meus in libro de nominibus agnomen pro nomine gentilicio sumit, atque inde agnatos ducit, multo mihi minus ex ijs, quæ dixi, & ijs, quæ dicam, probatur.

Vnde

Vnde cognomina tracta sint.

DEINCEPS sequitur, ut unde cognomina tracta sint, dicam ea, quæ uel ueteres prodiderunt, uel ipse aut ratione, aut opinione, sequutus eorum regulas, atque præcepta, consequi potui. Ac Plutarchus quidem in Coriolano multos nobis huius quæstionis quasi fontes ostendit, cum ait: Cognomina apud Romanos imponi consueuisse aut ab actione aliqua, aut à forma, aut à fortuna, aut à uirtute, perinde atque Græci σωτήρα, & καλλίνικον ab actione, φύσωνα, & γρύπον à forma, ὑεργέτην, & φιλάδελφον à uirtute, ὀδύμονα à fortuna dixerunt; aut à salibus, & dicacitate, quo pacto Græci Antigonum δάσωνα, Ptolemæum λάμνον appellarunt, Romani uero etiam Metellum unum Diadematum, quod frontem ex ulcere diademate diu obligasset, alterum uero Celerem, quod celeritatem eius in apparandis funebribus patri ludis sunt admirati, uocarunt; aut à casu nascendi, ut Proculum, Postumum, Vopiscum, aut demum etiam à corporis uitijs, ut Syllas, Nigros, Rufos, Cæcos, Clodios. quibus nec cæcitas, nec ullum aliud corporis uitium contumeliæ fuit, uerum ipsa uitia pro nominibus proprijs exquisitissimo animo audita sunt. Hæc Plutarchus, ut dixi, in Coriolano. Mendum autem suspicor esse in exemplis eius; scribit enim σύλλας dictos esse à corporis uitio, cum alia longe sit eius nominis origo, ut tradit Macrobius. Itaque legendum puto σίλους, idest Silos. Sili autem sunt, qui naso sunt sursum uersus adunco, quod uitium est corporis. neque etiam placet, eundem de cognominibus agentem Clodiorum fecisse mentionem, quod nomen est gentis, quæ ne à uitio quidem corporis nominata est, ut ante dixi, nisi forte Clodios pro Claudis acceperit. Claudus enim Quintiorum cognomen. Quæ autem scribit in Coriolano, eadem fere tradita sunt ab eo etiam in Mario. Quin etiam Macrobius lib. primo alios à uirtute, alios ab honore, vel iniuria, alios à casu cognomina ait inuenisse. libro autem tertio aliquot etiam à studio piscium cognominatos esse ostendit. præterea Plin. lib. decimo octauo cap. tertio à rusticis operibus, libro autem undecimo cap. trigesimo septimo à vitiosis corporis partibus nonnullos cognomen traxisse ait. Postremo etiam Varro à maiore, & minore pecore cognomina indita esse tradit lib. secundo de re rust. cuius verba ascribam, quia deprauata sunt, & manca. Nomina, inquit, multa habemus ab utroque pecore, à maiore, & à minore. à minore Porcius, Quinius, Caprilius. sic à maiore Equitius, Taurus cognomina adsignificari, quod dicuntur anni capræ, Statili Tauri, Pomponij Vituli. sic à pecudibus multi alij. Hæc Varro. Nemo est autem, qui non intelligat, hic confundi exempla nominum, & cognominum, & sensum nullum bonum elici. Itaque, si ita legamus, erit sententia aptior. Nomina multa habemus ab utroque pecore, à maiore, & à minore. à minore Porcius, Quinius, Caprilius. sic à maiore Equitius, Asinius. est autem intelligendum, cum dicimus Capram, Taurum, Vitulum, cognomina adsignificari, quod dicuntur Annij Capræ, Statilij Tauri, Pomponij Vituli; sic à pecudibus alij multi. Quintilianus eadem ferme docet libro primo. verba eius hæc sunt: Scrutabitur præceptor acer origines nominum, quæ ex habitu corporis, ut Rufos, Longosq; fecerunt. ubi erit aliud secretius, Syllæ, Burri, Galbæ, Plauti, Pansæ, Scauri, taliaq; . et ex casu nascentium; hinc Agrippa, & Opiter, & Cordus, & Postumus erunt. et ijs, quæ post natos eueniunt, unde Vopiscus. iam Cottæ, Scipiones, Lænates, Serrani sunt. et ex uarijs causis gentes quoque, & loca, & alia multa reperias inter nominum causas. Hæc Quintilianus. apud quem item credo esse mendose Syllas, pro Silos ob eam, quam dixi, causam. Longum esset hoc loco Liuij, Dionysij, Dionis, Suetonij, Ciceronis, aliorumq; multorum, quo loco de hac re agunt, in hanc sententiam uerba proferre. Cum igitur res ita habeat, iam quo modo hoc in singulis factum sit, uideamus. Quibus in exponendis hanc diuisionem tuebimur, ut alia ab animo, alia à corpore, alia à fortuna tracta esse dicamus. ad animum autem pertinent uirtutes, mores, oratio, artes, studia, res gestæ, ad corpus partes corporis, color, habitus, uestitus, similitudo alterius, locus, & quæ sunt eiusmodi. His autem rebus diligenter animaduersis, omnis, ut puto, impositorum cognominum ratio erit perfecta. Qui autem cognominum terminationes persequuti sunt, ij frustra laborasse mihi uidentur, cum omnes terminationes cognominibus, si ita tempus, & euentus tulerit, conuenire possint, præter eam, quæ gentem notet. Itaque cum apud Liuium nomina gentilicia multa pro cognominibus mendose legerentur, ea ad suam integritatem ex antiquorum monumentis à me paulo ante redacta sunt, ut Fabius Licinus, Marcius Rutilus, Quintus Flamininus, Furius Pacilus, & alia eiusmodi, non Licinius, Rutilius, Flaminius, Pacilius, ut uulgo legebatur.

De nominibus

Cognomina à sapientia ducta, aut contra.

Sapientiam autem, atque stultitiam dedisse multa cognomina Romanis cum ex Plinij uerbis percipitur, tum exempla, quæ subijciam, indicant. scribit enim Plin. lib. tertio: Reliquis animi bonis præstiterè ceteros mortales sapientia, ob id Cati, Corculi apud Romanos cognominati.

SOPHVS, qui est græcè sapiens, Semproniorum cognomen. quod primus tulit P. Sempronius iuris ciuilibus peritissimus.

CATO, auctore Plutarcho in Catone maiore, uir dicitur multarum rerum peritus. eaq; de re M. Porcius Cato uocatus est. fuit autem etiam cognomen Hostiliorum.

DECATO inquit Varro lib. vi de ling. Lat: Cata acuta Sabini dicunt; quare Catus Aelius Sextus, non, ut aiunt, sapiens, sed acutus. Quare dixit Ennius: Egiegie cordatus homo Catus Aelius Sextus.

SAPIENTIS cognomen inuenit C. Iælius, ut ait Plutarchus in Gracchis, quia, cum Tiberij partes aduersus optimates tueri cœpisset, discordiam ciuitatis metuens ab incepto destitit.

CORCVLM, auctore Festo, antiqui à corde solertem, & acutum dixerunt, eoq; cognomine usus est P. Cornelius Scipio Nasica, optimi uiri filius, ut ait Cicero in Bruto.

BRVTVS stultum significat, ut ait Dionysius. Itaque L. Iunius, qui reges eiecit, factus ad imitationem stultitiæ, Bruti quoque haud abnuuit cognomen. Liuius, Dionysius.

BELLVTVS est belluæ similis, ut ait Festus. quod cognomen tulit L. Sicinius primus tribunus pl. Dionysius, & Pædianus.

A uirtute, & moribus.

NERO Sabinorum lingua strenuum significat. Itaque Ti. Claudius Ap. Cæci F. id primus tulit, quod post in eius familia mansit. Suetonius in Tiberio.

MARCELLVS, ut Plutarchus tradit, est Bellicosus, i. *ἄρπής*. hoc est Martius. puto autem Marcellum dictum esse, quasi Martellum, idest paruam Martem. Eo plebeia gens Claudia usa est.

L. SICINIVS Dentatus ob fortitudinem **ACHILLES** dictus. Gellius lib. iii cap. xi.

SVPERBI cognomen tulit L. Tarquinius rex, quia focerum gener sepultura prohibuit. Dionysius, & alij.

FRVGI L. Calpurnius Piso appellatus ob mores, ut ait Pædianus in Pisonianam, & Cicero in Verrem.

OVI CVLA dictus Q. Fabius Maximus, quia moribus fuit humilibus. Plutarchus in Fabio, & qui scribit de uiris illustribus.

CAPRARIJ cognomen C. Metellus ex contumelia traxit. Cicero lib. iii de orat. Itaque Scipio de eo dixit, matrem eius, si quintum pareret, alinum fuisse paritum.

GVRGES uocatus Q. Fabius Rulliani F. à deuorato patrimonio. Macrobius. Plutarchus *λαμάργων* nominat.

NEPOS aliquando cognomen contumeliæ fuit à prodigalitate, ut de Q. Metello collega P. Lentuli cos. scribit Valerius. unde lusi Cicero ad Att. Sumptu iam nepos euasit Scaptius. patrem tamen Metelli, eum qui cum T. Didio consul fuit, Q. Metellum Nepotem uocant etiam Capitolini scriptores. Nepotem autem eum dictum, quasi Q. Metelli Macedonici nepotem, significat in Cornelianam Pædianus.

ASPER C. Trebonius ab insectandis patribus nominatus. Liuius lib. tertio.

LVR CONES, auctore Festo, dicti, qui cum auaritia cibum sumerent. Fuit autem Aufidiorum cognomen.

CAMILVS, quo cognomine Furij usi sunt, est puer ingenuus. Festus, Plutarchus in Numæ, Macrobius lib. tertio, Seruius in Virgil. ubi de Camilla.

CICVRINVS cognomen Veturiæ gentis à morum simplicitate dictus. Varro de ling. Lat.

VAR optimus P. Scipio Nasica à senatu iudicatus, & appellatus est. Liuius.

Ab oratione, & dicto aliquo.

LEPIDI Aemilij dicti sunt à lepore orationis, quia Mamercus Numæ F. princeps eius generis summo lepore præditus fuit, quem Græci *ἀμυλίαν* dicunt. Plutarchus in Paulo.

EVTRAPELVS fuit cognomen Volumniorum, unde Cicero ad Volumnium. *ἑτραπέλιαν*, inquit,

inquit, tuarum literarum. est autem ὠτραπιλός idem, quod Lepidus.

ATTICI cognomen inuenit T. Pomponius, quod attice optime loqueretur. Cicero in Catone. Nepos in uita.

FIGULI cognomen adeptus est Nigidius, quod inconstantiam rerum humanarum rotæ figurinæ comparauit. Augustinus de ciuitate Dei.

SVRA dictus P. Lentulus, qui, cum Sulla rationem ab eo pecuniæ publicæ repeteret, quam quæstor tractauerat, dixit se non posse rationem reddere, sed præbiturum suram, ut pueri solent, qui in sphaeræ ludo peccauerint. Plutarchus in Cicerone.

SCROFA Tremellius appellatus, auctore Macrobio, quod quærentibus quibusdam scrofam ruri, uerba iurationis concepit, nullam esse in uilla sua scrofam, nisi quæ in centonibus iaceret, lectulum monstrans. ut autem ait Varro lib. 11. de re rust. quod apud exercitum dixerit, hostes celeriter se, ut scrofa porcos, disiecturum, idq; fecerit.

Ab arte, & studio aliquo.

PICTOR Q. Fabius dictus, quod primus Romæ ædem Salutis pinxit. Plin. lib. xxxv. cap. 1111. Cicero in Tusculana prima.

METELLI in re militari sunt, quasi mercenarij, unde genti Cæciliæ fuit cognomen. Festus.

PRÆCONINVS L. Aelius Stilo, quod præco fuerit. Plin. lib. xxx111. cap. primo.

Eadem ratione uidetur **FICTOR** M. Volscii cognomen. Liuius.

CORNICEN, Oppiorum Liuius. Vnde & Cornicinus apud Ciceronem in epist. ad Att.

FULLO Apustiorum Liuius. lapis Capitol. unde iocus apud Macrobius: Miror sororem meam habere Maculam, cum Fullonem habeat.

Porrò autem à studio rerum rusticarum multa tracta fuisse cognomina, auctor est Plinius libr. xv111. cap. tertio. Ex eorum numero sunt.

BVBVLVS Iuniorum cognomen, qui optime bubus uteretur.

PILVMNVS, qui pilum pistrinis inuenit.

CICERONES, **LENTVL**, ut quisque optime cicerem, aut lentem ferebat. illud Claudiorum, & Tulliorum: hoc Corneliorum cognomen. eademque forte ratione **PISO** Calpurniorum.

SERRANVS Atilius, quod eum ferentem inuenerunt dati honores.

LACTVCINVS Valeriorum cognomen à lactuca. Plin. lib. x1x. cap. tertio. Quare qui Cos. anno cccxlv11. M. Valerius Maxumus dicitur in Cap. tabulis: is à Diodoro lib. x1. μάχος οὐαλέγιος λαχόνικας appellatur. Idem Plinius lib. xv11. cap. primo scribit ita: Fuere & ab arboribus cognomina antiquis, **FRONDITIO** militi illi, qui præclara facinora Vulturum transnans fronde capiti imposita aduersus Annibalem edidit.

STOLO Liciniæ genti (ita enim appellatur in ipsis arboribus fructicatio inutilis) unde & pampinatio inuenta primo Stoloni dedit nomen.

Iam à studio piscium dicti sunt Licinius **MVRENA**, Sergius **ORATA**, qui eiusmodi piscibus delectati sunt, ut ait Macrobius lib. tertio Varro lib. tertio de re rustica.

Eadem ratione à maiore, & à minore pecore cognomina multa ducta sunt, auctore Varrone lib. secundo hinc Statilij **TAVRI**, Annij **CAPRAB**, Pomponij, & Mamilij **VITVLI**. Quod etiam in Poblícola scribit Plutarchus. ἐτίσειτο δὲ τοῖς πασίιν κῶτῶν σουίλλους, καὶ βοῦλόκους, καὶ καπαρίους ὀνόματα.

Quin etiam à studio auium multa sumpta esse placet Varroni. Hinc Cornelium **MERVLAM**, Fircellium **PAVONEM**, Minucium **PICAM**, Petronium **PASSBREM** esse dictum.

Ab urbe, uel regione deuicta.

Iam uero ab urbe, uel regione deuicta, hæc quæ sequuntur.

CORIOLANVS a Coriolis oppido captis dictus est C. Marcius. Liuius lib. secundo.

FIDENAS a Fidenis L. Sergius, & posterius eius. Liuius.

MESSALLA Valerius a Messana primo punico bello capta. Macrobius. lap. Capitolini.

PRIVERNAS L. Aemilius Mamercinus a Priuernate bello. Liuius.

NUMANTINVS P. Scipio a Numantia deleta. Appianus, Velleius.

ISAVRICVS P. Seruilius ab Isauris urbe Ciliciæ captis. lap. Cap. Velleius.

Idem fecerunt, qui regiones in potestatem P. R. redegerunt. quorum primus, ut ait Liuius lib. xxx P. Scipio fuit, qui à deuicta Africa cognomen **AFRICANI** tulit. Itemq; L. Scipio fra-

S ter

De nominibus

tercius, ASIATICI ab Asia. Q. Metellus MACEDONICI, à Macedonia. L. Mummius ACHAICI ab Achaia. Q. Metellus alter BALEARICI à Balearibus, & L. Metellus DALMATICI à Dalmatia. Q. Fabius ALLOBROGICI ab Allobrogibus. Q. Metellus CRETICI à Creta. D. Iunius Brutus CALLÆCVS à Callæcia. Q. Metellus NVMDICI à Numidia. Quorum apud omnes testata cognomina sunt. Hoc autem loco uerba quædam amici mei non possum tacitus præterire, quæ ab eo in libro de nominibus posita sunt eiusmodi: Isauricus ab urbe dictus. Ideo conqueritur Cicero lib. epist. ad Att. v. cum esset in Cilicia procos, & expugnasset oppidum Pindenissum, non esse aptum ad cognomen parandum. Qui (malum) Pindentissæ? nam Seruilius ante ab Isauro urbe præclara fuerat appellatus. Non possum autem præterire, quia hic sensum germanum Ciceronis non uidetur assequutus. neque enim Cicero queritur Pindenissum non esse aptum ad cognomen parandum, sed ad gloriam ex eius expugnatione propter oppidi obscuritatem comparandam. Sic enim ait: Saturnalibus mane se mihi Pindentissæ dederunt. qui (malum) isti Pindentissæ? qui sunt? inquires. nomen audiui nunquam. quid ego faciam? non potui Ciliciam, Aetoliam, aut Macedoniam reddere. Quibus uerbis de obscuritate, ut dixi, oppidi queritur, non de cognomine inepto. neque enim quisquam unquam Imperator Romanus aut Cilix, aut Aetolus est ex uictoria nominatus, ut iis in cognomine inuidere posset. uerum aliquot ex ijs prouincijs clarissimos triumphos egerunt. Hoc idem sentit etiam Cicero, cum scribit ad Cælium. Oppugnabam oppidum Pindenissum tantis opibus, tantoq; negotio, ut mihi ad summam gloriam nihil desit, nisi nomen oppidi. idest, quod obscurissimo nomine cum sit, ne mea quidem satis gloriosa esse uictoria, & expugnatio possit, qualis eorum fuit, qui Ciliciam, Aetoliam, & Macedoniam subegerunt. Nam quod ait amicus meus ineptum ad cognomen esse, non uideo cur non Cicero Pindentissa dici facile potuisset, ut quondam Valerius Messalla a Messana uicta, si splendidum oppidi nomen fuisset.

A loco, ubi bene, male ue pugnatum est.

REGILLENSIS A. Postumius Dictator dictus, quod ad lacum Regillum cum Latinis bene pugnauerit. quod cognomen posterius etiam eius tulerunt.

AESERNINVS M. Marcellus appellatus, quod Aeserniæ captus est. Epitomæ.

CRETICVS M. Antonius Triumuir pater dictus, quod Cretæ mortuus est. Pædianus, Plutarchus in Antonio. hunc tamen quidam Antonium CICEREIVM uitiose nominant.

GERMANICVS Cæsar dictus, quod in Germania obiit.

BITHYNICVS Pompeius dictus, quod ex Bithynia suppellestem regis Nicomedis deportarit. Festus.

CAVDINVS L. Lentulus, quod ad furcas Caudinas obsessus cum cos. fœdus turpe suaserit, ut ex Liuiο elici potest.

Ab alijs euentibus.

COLLATINVS Tarquinius dictus, quod diu Collatiæ præfectus fuerit. Dionysius.

POPPLICOLA Valerius, quod populum coluerit. Dionysius, Liuius.

TORQUATUS Manlius quod torquem in pugna Gallo detraxerit. Liuius, Gellius.

PIVS Q. Metellus, quod pietatem in reditu patris lacrymis deprecando adhibuerit. Cicero.

PIETAS L. Antonius, quod eo animo remp. tractarit. una cum Fulvia, quasi pro Marco Triumuiro fratre laboraret. Vnde à Dione dicitur *Λούκιος ἀντώνιος πίετας, ἰ. εὐσέβεια*. quanquam à Glareano mendose Pætus nominatur.

DRVSVS Liuius uocatus, quod Drausum regem hostium interfecerit. Suetonius in Tiberio.

CUNCTATOR Fabius, quod cunctando Annibalem fregit. Plutarchus.

VENOX Plautius, quia censor aquæ Claudia uenas indagauerit. Liuius, Frontinus.

SCIPIO Cornelius, quod patrem luminibus carentem pro Scipione rexit. Macrobius.

CVRSOR L. Papirius à uelocitate cursus. Liuius.

SALINATOR M. Liuius dictus, quod uestigial nouum ex salaria annona cōmentus est. Liuius.

AMBVSIVS Fabiorum fuit, ut puto, quod à fulmine ambusus fuerit. sic enim Festus: Pulius Iouis dicebatur Q. Fabius, cui Eburno cognomen erat propter candorem, quod eius natis fulminis icta erat. Antiqui puerum, quem quis amabat, pullum eius dicebant. Hinc etiam quidam RVLLVM Fabij Maximi cognomen profectum existimant.

IMPERIOSSVS Manlius, quia seuerius delectū habuit. Liuius. Plutarchus *ἐπίσκλητον* appellat.

MAXIMVS

MAXIMVS Valerius, quòd plebem patribus conciliauit. Cicero in Bruto.

MAXIMVS Fabius, quòd libertinos in quatuor tribus secreuit. Liuius lib. *ix*.

MAGNVS Pompeius, quòd res magnas ante ætatem gessit. Appianus, Plutarchus.

ASINA Cornelius Scipio, quia cum spontores ab eo poscerentur, asinam produxit in forum cum pecuniæ onere, quasi pro sponforibus præfens pignus. Macrobius.

VISPILLO Lucretius dictus, quòd ædilis cadauer Ti. Gracchi tanquam uispillo in Tiberim proiecit. De uiris illustrib. in Graccho.

ANNALIS Villius, quòd legem annalem tulit. Liu. lib. *xl*.

DIADEMATVS Metellus, quòd frontem ex ulcere diu ligauerit fascia, quæ diadema græce dicitur. Plutarchus in Coriolano.

PRÆTEXTATVS Papirius, quia in ætate prætextata summam prudentiam ostenderit. Macrobius.

LÆNAS Popillius, quòd, cum flamen sacrificium faceret, cum læna in publicum exierit, & seditionem sedarit. Cicero in Bruto.

CORVVS Valerius, quòd ei cum Gallo pugnanti coruus omen uictoriæ fuit. Liuius, Gellius.

BVTEO Fabius, quia insidens in naui buteo aus bono auspicio duci ei fuit. Plin. lib. *x*, cap. *viii*.

CAVDEX Ap. Claudius dictus, quòd primus caudicem, id est nauem, belli gerendi causa primo Punico bello conscenderit. Seneca.

CAESAR Iuliorum cognomen fuit, de quo alij aliter tradiderunt. amicus autem meus in libro de nominibus ita: Illud non prætermittam, Cæsarem non ab utero cæso dictum, quod multis uideo placere, sed quod ait Seruius, & Spartianus, ab elephanto primum cæso. nam lingua punica Cæsar elephas dicebatur. Quare in quibusdam argenteis numis apud me uidere est, ab altera parte elephantem cum hac inscriptione **CAESAR**, ab altera autem instrumenta, quibus elephantos Romani perimebant. Hæc ille.



Numum illud, cuius ipse meminit, ego accurate effigendum curavi, ut omnes homines eius industriam in Romana antiquitate illustranda cognoscerent. sunt enim eiusmodi numi multi cum apud alios, tum apud clarissimum, & humanissimum uirum Andream Lauredanum patricium Venetum. quanquam quæ ille ad hunc numum interpretandum attulit, ea a multis huius artis peritis reprehendi sæpe animaduerti, qui quæ ille instrumenta elephantorum interimendorum esse tradidit, ea pontificalia; ac religionis potius insignia esse contenderent, albogalerum, uel tutulum, secespitam, asperforium, & uas sacrificale. Albogalerum enim ita describit Festus. Albogalerus a galea nominatus est. est enim pileum capitis, quo diales flamines, id est sacerdotes Iouis utebantur. fiebat enim ex hostia alba Ioui cæsa, cui affigebatur apex uirga oleagina. Tutulum autem ita: Tutulum uocari aiunt flaminicarum capitis ornamentum, quod fiat uitta purpurea innexa crinibus, & extructum in altitudinem. Ennius: Libaq; fictores, argeos, & tutulatos. Itaque Varro lib. de lingua lat. exponens hunc eundem Ennij uersum, ait: Tutulati dicti ij, qui in sacris capitibus habere solent, ut metam. id tutulus appellatur ab eo, quòd matres familias crines conuolutos ad uerticem capitis, quos habent uti uelatos, dicunt tutulos: siue ab eo, quòd tuendi causa capilli fiebant: siue ab eo, quod altissimum in urbe est, quod est arx, ea res tutissima tutulus uocatur. De secespita sic Festus. Secespitam alij securim, alij dolabram æneam, alij cultellum putant. Item: Secespita cultrum ferreum oblongum, manubrio eburneo, rotundo, solido, iuncto ad capulum auro, argentoq; fixum clauis æneis ære Cyprio, quo flamines, flaminicæ uirgines, pontificesq; ad sacrificia utebantur. dicta autem est secespita a secando. Asperforium quidam uocant, quo aquam lustralem aspergebant. unde Virgilius.

Ter pura socios circuntulit unda,

Spargens rore leui-

Et alibi.

-corpusq; recenti

Spargit aqua-

De nominibus

Vas sacrificale est uel capedo, uel simpuium. De capedine Cicero in Paradoxis: Quid autem Numa Pompilius? minus ne gratas dijs immortalibus capedines, ac fictiles urnulas, quàm flicatas aliorum pateras fuisse arbitramur? & lib. tertio de nat. Docebo meliora me didicisse de colendis dijs immortalibus iure pontificio, & more maiorum, quàm capedunculis, quas Numa nobis reliquit. De Simpulo Festus: Simpulum uas paruum non dissimile cyathio, quo uinum in sacrificijs libabatur, a sumendo dictum Varrone auctore, ut fortasse à capiendo capedo dicta est. & Iuuenal. Satyra sexta: Aut quis simpuium ridere Numæ, nigrumq; catinum. & Plin. lib. x x x v. In sacris quidem etiam inter has opes non murrhinis, cristallinisue, sed fictilibus prolibatur simpullis. His igitur rationibus adducti multi instrumenta hæc, quibus elephantes interficerentur, esse iure negant, pontificalia autem ut dixi insignia esse asserunt, quæ diuo Iulio Cæsari cōsecrato, & in deos relato tributa sint ab Augusto, qui in patris pont. max. mortui honorem hunc nūmum percusserit. itaque ab altera parte esse elephantem, consecrationis symbolum. Vnde Suetonius in Claudio scripserit: Claudius auia Liuiæ diuinos honores, & circensi pompa currum elephantum Augusteo similem decernendum curauit. eadem etiam de causa anguem elephanti ipsi esse subiectum, qui, auctore Plutarcho in Cleomene, heroibus sacer esset. Vnde Virgilius in v, de angue ad tumulum Anchisæ mortui dixerit;

Incertus genium ne loci, famulum ue parentis;
cum apotheosim eius significare uellet, ut ait Seruius. Sed siue hæc, siue alia sunt, profecto nihil hic nūmus ad eum qui primum elephantem occidit, neque ad ipsa denum elephantum interimentorum instrumenta pertinet, quod amicus meus ingeniose potius, quàm uere cōfinxit, præfertim uero cum fabrilis scalprum cum malleo ad eiusmodi belluas interimendas adhibitum sit auctore Liuius.

CENSORIUS Marcius uocatus fuit, quod bis Cenfor factus est. Valerius, Capitulinæ censuræ.

FLAMINIUS Quinctiorum, & Claudiorum. AUGURINUS Minuciorum eadem ratione cognomen fuit, ab insigni fortasse aliqua re uel in flaminio uel in auguratu gesta.

SACERDOTIS cognomen tulerunt Licinij.

AVGV Q. Scauola. PONT. MAX. alter Q. Scauola ab ipso sacerdotio, quo fungebantur, uocati sunt.

CURIO Scriboniorum cognomen fuit, quod qui primus id tulit, curio maximus fuerit, ut ex Liuius intelligi potest. Qua ex familia C. Curio consul, qui de Macedonia triumphauit, & C. Curio filius tribunus pl. auctor ciuilis belli fuit, ad quem sunt epistolæ Ciceronis in secundo libro, de quibus epistolis sic scribit amicus meus in lib. de nominibus: Ambiguitas est in nomine Curionis lib. i. epist. fam: In qua re multi decepti sunt, non distinguētes patrem Curionem à filio. Nam illæ epistolæ, non dum erat auditum, & SERA gratulatio, scribuntur ad patrem. Hæc ille. Hanc tamen opinionem intelligo à scholis omnibus esse repudiatam. neque enim uide re se eruditi homines aiunt, quemadmodum, cum in extrema epistola de tribunatu C. Curionis filij agatur, ea epistola ad patrē transferri possit, qui multis ante annis Consul triumphauerat. In priore uero, cum de reditu Curionis ex Asia agatur, cur non idem sit Romam reuertens, qui fuerat absens, id est cur nō ad eundem redeuntem hanc scripserit, ad quem absentem superiores scripserat, præfertim uero, cum in superioribus de patris clarissimi uiri obitu mentionem fecerit.

THVRINVS cognomen Octauio puero fuit, quod in regione Thurina natus sit. Suetonius in Augusto.

SYLLA P. Cornelius dictus, quod decemuir, aut prætor ex libris Sybillinis ludos Apollinares instituit. si quidem Sylla, quasi Sybilla appellatus est. Macrobius. quod cognomen post in familia mansit.

AVGVSTVS Cæsar Octauianus dictus est honoris, & amplitudinis causa. Suetonius.

A' corporis partibus.

A' corporis autem partibus tot cognomina tracta sunt, ut uix comprehendi oratione posse uideantur. Nam à capite CAPITONES, CILONES, & TUDITANI sunt. Cilones enim dicti sunt, quorum capita oblonga, & compressa sunt, ut ait Carisius. Festus autem eos esse ait, quorum frons est eminentior, ita ut dextra, sinistraq; uelut recisa uideatur. fuit uero Flaminiorum, unde in nūmis argenteis L. FLAMINI. CILO. Tuditani, qui caput simile malleo habeant. Tudites enim mallei sunt, a tundēdo dicti. Iam CINCINNATI, CALVI, CRISPI, in Quinctijs, Licinijs, Salustio à capillis sunt, ut CRISPINVS Quinctiorum. Quare Suetonius Caligulam Cincinnato crinem ademisse scribit ueteris familiæ infigne. FRANTONES à fronte NA-

SONES,

SONES, SILV, SIMI à naso sunt. Sili sunt, qui naso sunt sursum uersus repando. Festus. Silius Sergiorum cognomen fuit. unde in nūmis. **M. Sergius Silus**. De simis Plinius lib. **x** cap. **xxxviii**. A naribus cognomina Simorum, & Silonum. uidendum tamen ne legendum sit, Simonum, & Silorum. Ita **STRABO, PABTVS, COCLIS, LVSCVS, LVSCINVS, RAVILIA, OCELLA, CAECVS** ab oculis. Plin. lib. **x** cap. **xxxviii**, Strabo, qui peruerfis, & detortis oculis est. Porphirio, Plinius. Talem autem fuisse Cn. Pompeium Magni patrem cognomine Strabonem scribit idem. **PABTVS**, auctore Porphirione, est qui oculis est leuiter declinatis, uel cuius oculi huc, & illuc celeriter mouentur, ut ait Acro. Horatius Satira tertia: Strabonem appellat patrum pater. **COCLITEM** luscum dixerunt. unde Cyclopes coclitas appellarunt. Seruius. At Plinius lib. **x**. qui orbi altero lumine nascerentur, Coclites dicti; item Varro de ling. lat. **LVSCVS** Anniorum, **LVSCINVS** Fabriciorum cognomen fuit, auctoribus Cap. lap. **RAVILIA** à ravis oculis. Festus. Vnde Cassius Longinus Rauilia. **OCELLAE**, qui paruis utrisque oculis essent. Plinius lib. **x**. unde Ser. Ocella apud Caelium in **viii**. epistolarum. Ap. Claudius **CAECVS** appellatus, postquam aspectu oculorum amisit. A supercilijs **SILONES**, idest, qui eminentibus sunt supercilijs, à Sileno, qui hirsutis supercilijs pingebatur. Nonius ex Varrone. A lingua **BALBI**, & **BLASSI**. quorum illud Aciliorum, hoc Semproniorum cognomen est. Sunt autem, qui R lite ram pronunciare non possunt, quo uitio laborauit Demosthenes. Vnde est in primo de oratore: Demosthenes ita balbus fuit, ut eius artis, cui studebat, primam literam dicere non posset. & in Priapo: Cum loquor, una mihi semper peccatur litera, nam prae, Pæ dico semper, blæsaq; lingua mea est. eademq; forte ratione **BLASSIO** Corneliorum, & Heluiorum fuit. Aures, inquit Plinius, homini tantum immobiles, ab ijs Flaccorum cognomen. **LABEONES**, & **CHILONES** à labijs. Plinius, Festus, & Carisius. **VERRUCOSVS**, à uerruca in labijs, Fabij Maximi fuit. Plutarchus **DENTATI**, qui cum dentibus nati sunt. Plin. lib. septimo, cap. **xvi**. Curij, & Sicinij cognomen. **BARBATVS** Horatiorum, & Scipionum, **BARBVLA**, Aemiliorum, **AHENOBARBVVS**, i. qui ænea barba esset, Domitiorum fuit à barba. Plutarchus in Paullo. à colore **RUTILVS**, **EBVRNVS**, **AQUILINVS**, ut ait Festus. eademq; ratione **ALBVS**, **NIGER**, **RUFVS**, **FLAVVS**. Iam **SCAEVA**, & **SCAEVOLA**, & **LAEVINVS**, quod læua manu pro dextra uterentur, dicti sunt, quæ Brutorum, Muciorum, & Valeriorum cognomina sunt. **MENTO** Iuliorum, **DORSO** Fabiorum, **SCAPVLA** Corneliorum, **AXILLA**, & **AHALA** Seruiliorum. **GVLO** Quinctiorum fuit. A cruribus autem hæc sunt, **VARVS**, **VATIA**, **ATTA**. Vari qui crura incurua habent, & sunt contrarii ualgis. Vatiæ, quibus in exteriorem partem crura flectuntur. Attæ, qui propter uitium crurum, aut pedum plantis insistant, & attingunt magis terram, quàm ambulant. quorum primum Liciniorum, secundum Seruiliorum, tertium Quinctij poetæ fuit. Festus, Nonius, Plinius. Iam **PLAVTI**, **PANSÆ**, **PLANCI**, **SCAVRI**, quæ pedum uitia sunt, cognomina Romanis fuerunt. Plautus est, qui planis est pedibus, & nullam habet in medio cauitatem. Pansa, cui pedes lati, ac pansi. Plancus, cui plani pedes. Scaurus, qui talos pedum tumentes, & porrectos habet. Plinius lib. **x**. Festus.

A corporis habitu.

A corporis autem habitu sunt **CRASSVS**, **MACER**, utrunque Liciniorum. **LONGVS** Semproniorum. **GALBA** Sulpiciorum. **GRACCHVS** item Semproniorum. **PVLCHER** Claudio- rum. **GLABRIO** Aciliorum. **COSSVS**, & **ARVINA** Corneliorum. **PAVLLVS** Aemiliorum De Galba scribit Suetonius in Nerone, atque, an crassum, an macrum significet, ambigit. Grachum à gracilitate corporis dictum scribit Carisius. Glabri sunt depiles. Cossi rugosi corporis à similitudine uermium ligno editorum, qui cossi dicuntur. Festus. Aruina durum est pingue, quod est inter cutem, & uiscus. Seruius. Paullus (ut puto) paruus est. unde Terentius, Paullo sumptu, dixit. cognomen est Aemiliorum, ut **PAVLLVLVS**, & **MAGNVS** Postumiorum Albinorum.

Ab ortu.

Iam uero ab ortu ducta sunt **GEMINVS** cognomen Seruiliorum, quod primum tulerunt P. & Q. Seruiliij fratres. quorum Publius bis consul fuit cum C. Cotta an. **di.** & **dv.** auctor Cicero in Lucullo. **TERGEMINVS** Horatiorum, & Curatiorum. Linius. **CORDVS** C. Mucij. Dionysius. Est autem Cordus sero natus. Quinctilianus. Quare Plutarchus C. Mucium Cordum **ὀψιγενὴς** uocat. **PBISCVS** Tarquinij, quod maior natu esset. Dionysius. Idem Priscus fuit etiam co-
gnomen

De nominibus

gnomen Seruilliorum, ac nescio an eadem ratione *CASCA*, quem pro fene Latini ueteres dixerūt, Varrone auctore de lingua Latina. De *AGRIPPA*, & *PROCVLO* Vispaniorum, & Plautiorum cognominibus dictum est in prænominibus.

A loco, unde commigrauerint, aut ubi nati sint, aut ubi habitauerint.

A locis porro, unde quisque Romam commigrauerit, hæc sumpta sunt.

SABINVS REGILLENsis, uel Regillanus, ut est apud Suetonium, Ap. Claudius dictus, quia ex Regillo Sabinorum oppido uenit. Liuius.

ANTIAs Valerius. Plinius in prefatione, quod Antias & esset, & diceretur.

AMBRINVS Sex. Roscius ex Ameria. Cicero pro Roscio.

Eadem ratione dicti uidentur Furii *MEDVLLINI*, Fusij *CALENI*, Sulpicij *CAMERINI*, Apuleijs *SATVRNINI*, Manlij *VVLSONES*, Publilij *VVLSCI*, Aulij *CERRETANI*, Plautij *VENNONES*, Aelij *LIGVRES*, Cominij *AVRVNCI*. *VFENAS* certe, & *CARRINAS* & *MAECENAS* à loco tracta sunt, teste Varrone lib. *II* de analogia.

CAPITOLINI Manlij dicti sunt etiam, antequàm M. Manlius Gallos à Capitolio depelleret, quod in Capitolio habitarent: quod ne quis patricius faceret, damnato M. Manlio, decreto cautum est. Liuius. Eadem fortasse ratione & *Quinctij*, & *Sestij* Capitolini uocati sunt, & *Genucij AVENTINENSES*, quod Auentinum, & *Verginij COELIMONTANI*, quod Cœlium mōtem incolerent.

A principe generis.

Aelius LAMIA à Lamo Formiarum conditore dictus. Horat. lib. *III*. Odarum.

FVSVS Furiorum, qui ante Fusij à Fuso. *VOLVSVS* Valeriorum, qui antea Valerij à Valefo. *IVLVS* Iuliorum à Iulo generis sui auctore nuncupati. Marciorum cognomen fuit *REX*, fortasse ab Anco Marcio rege. Siquidem in nummis quibusdam est ab una parte caput hominis cum hoc nomine *ANCVS*, ab altera uero aqua ductus cum his uocibus, *AQVA MAR.* in ora uero nūmi, *PHILIPPVS*. Nam & aqua Marcia à Marcio Rege deducta est, & Philippus Marciorum cognomen est, cuius gentis auctor Ancus Marcius rex.

A similitudine alterius.

Tantam præterea uim habuit similitudo alterius, ut inde cognomina etiam sæpe inuenta sint. ut de Cn. Pompeio Magno scribit Valerius lib. *IX*. qui *MENOGENS* à multis dictus sit, quod Menogeni coquo suo similis esset, & de P. Scipione, qui *SERAPIO* à uictimario eius nominis sibi simili, & P. Lentulo, qui *SPINTHERIS*, ab histione Spinthere, adeptus sit: & alter Scipio, qui *SALVTIONIS* à Salutione mimo cognomen inuenerit. Plinius lib. *VII*. cap. *XII*.

A Fortuna.

A fortuna postremo hæc ducta. *FELIX*, *FAVSTVS*, in Sulla. *DIVES* in Craffsis. *EGEGRIVS* ab egestate in Tarquinio, post patris, auiq; mortem egenus natus. Dionysius, Liuius.

Cognomina ex cognominibus orta.

Multa etiam cognomina ita immutata sunt, ut per diminutionem in *INVS* à suo primitiuo de flexa sint. Albus enim, quod fuit cognomen primum Postumiorum, post *ALBINVS* euasit. ita Rufus in Cornelijs *RVFINVS*, *MAMERCVS* in Aemilijs *MAMERCINVS*, *MESSALLA* in Valerijs *MESSALINVS*, inq; iisdem Coruus *CORVINVS*, in alijs etiam eadem fortasse ratione *NELONGINVS*, *CRASSINVS*, *CALVINVS*, *LAEVINVS*, *PAVLLINVS*, *CRISPINVS*, *CARSONINVS*, *PAITINVS*, *BALBINVS*, *NIGRINVS*. quæ omnia deriuata sunt. Item *MARCELLINVS*, ut in Cn. Cornelio Lentulo Marcellino, quod tamen cognomen in eo adoptionis signum fuisse arbitror. Hic enim P. Lentuli filius fuit, qui fuit M. Marcelli filius, Cicerone auctore in Bruto.

Cognomina an hereditaria fuerint.

His rebus expositis, æquū est etiam cognoscere, quemadmodum ex cognominibus alia ad posterōs

stros quàm longissime propagarentur, alia ne ad filios quidem peruenirent. Itemq; succrescentibus in eadem gente cognominibus, quemadmodum uetustissimum quodque aboleretur, recentia uero omnia plerunque retinerentur. Ac primum quidem qui cognomen patris, aui ue, & maiorum tulerunt, idipsum fecisse uidentur præstanti illius, qui primus id cognomen inuenit, uirtute, & gloria adducti, ita tamen, ut aut mutare, aut relinquere illud cognomen pro arbitratu potuerint. cuius rei esse documento possunt ea, quæ de Cicerone scribit Plutarchus. Qui primus, inquit, Ciceronis cognomen tulit, is maxima laude floruisse uidetur, quod id cognomen à posteris non solum non neglectum sit, uerum etiam studiose retentum. & paulo post: cum autem M. Cicero, postea quàm magistratus cepit, crederetur cognomen illud aut uitaturus, aut certe mutaturus, respondit, operam se daturum, ut id esset & Scauris, & Catulis illustrius. Præterea uero idem Cicero cognomina hæreditaria fuisse ostendit, cum loquentem inducit Africanum cum nepote hoc modo: Erit id tibi cognomen per te partum, quod nunc habes ex me hæreditarium. Itaque uidemus hac de causa Album, & Albinum per quingentos amplius annos in gente Postumia custoditum, Maximumq; in Valeria, & ferè etiam in Fabia, & item in Mucia Scæuolam. Hoc tamen non in omnibus seruatum esse inde apparere potest, quod Strabonis cognomen, quod fuit patris Pompeij Magni, ne filius quidem usurpauit, neque filij Q. Maximi Ouiculæ Verrucosi ea, quæ fuerant patris. Nouis autem ascitis familiæ cognominibus uetera esse deleta agnosci potest ex Manlia gente. cuius primum cognomen fuit Vulso, post Vulso Capitolinus, tum Capitolinus Imperiossus, post Imperiossus Torquatus, ad extremum autem tantum Torquatus retentus est.

An æque omnium cognomina fuerint.

Ex ijs, quæ dicta sunt, illud satis intelligi potest, æque omnes Romanos ciues uti inuentis cognominibus potuisse, neque ipsum cognominum usum plebi magis interdictum, quàm optimatis fuisse. Factum est tamen, ut, quoniam resp. primum in patriciorum potestate fuit, eorum etiã ante cognomina celebrata, quàm plebis sint. ubi uero plebs ad remp. accessit, tum & plebeiorum etiam ad distinguendas familias cognomina audiri, perinde atque imagines ad posteritatem prodendam poni, sint cœptæ. Quamobrem amicum meum in lib. de nominibus in hoc præcepto tradendo ita loquutum esse miror. Tribus nominibus senatores fuisse appellatos olim obseruaui, equites autem, & plebeios maiori ex parte duobus. Liuius ubi de tribunis militaribus loquitur, hos plebeios nominat, sic, C. Sextilius, M. Albinus, P. Titinius, L. Antistius. Senatores autem ita uocabantur, C. Aelius Pætus, M. Licinius Crassus, M. Porcius Cato. Hæc ille. Igitur, quia Liuius quatuor tribunos militum è plebe duobus nominibus afficit, ipse in uniuersum præcipit, equites, & plebeios duobus, senatores tribus nominibus esse usos. neque, quot incommoda hanc rationem consequantur, animaduertit. quid enim ait? an qui ex equestri, & plebeio ordine in senatum legebantur, tum cum legebantur, cognomen inuenisse, ante lectionem cognomine caruisse, atque à lectione ipsa, non ab euentu, cognomen sumpsisse? an uero P. Valerium, inquit, eum, qui primus consul senatum ex equestri ordine suppleuit, antequam tertium Poplicolæ nomen ferre cœpit, senatorem non fuisse? an uero aut C. Mænium, aut Ti. Coruncanium, aut C. Duilium, aut Q. Cædicium, aut M. Manilium, aut Q. Opimium, aut T. Didium, aut Marios, aut Antonios, qui consulatus, censuras, dictaturas gesserunt, & clarissimos triumphos egerunt, senatores, quia tertio nomine, ueteribus & scriptoribus, & lapidibus testibus, caruerunt, non fuisse? quid? non ne Cn. Pompeius Magni cognomen tulit, tum cum ex Africa, & ex Hispania eques R. triumphauit? siquidem uiuente Sulla id cognomen inuenisse idem ipse scribit. M. uero Tullius non ne, antequàm in senatum lectus esset, Ciceronis cognomine usus est? At Liuius, inquit, quatuor tribunos plebeios sine tertio nomine protulit. ergo plebeij tertio nomine caruerunt. Quis affirmare possit eorum cognomina non esse à Liuiio consulto omissa? quod in alijs etiam, eodem ipso auctore, fecit. Sic enim ait: Liuius sæpe duo profert nomina, neque caret reprehensione, quia historici est omnia explicare, & debet sane scriptor posteritatis habere rationem magis, quàm suorum temporum. An uero credibile est C. Sextilio, & collegis eius tribunis militum consulari potestate remp. domi, forisq; à populo R. commissam esse, senatum, in quem sæpe homines nullo usi honore pro arbitratu censorum legebantur, eis lectione censoria non patuisse? Neque uero senatores pro patricijs eum sumpsisse, atque patricios tribus, plebeios duobus usos esse cognominibus, intellexisse puto, præsertim uero cū C. Aelius Pætus, M. Licinius Crassus, M. Porcius Cato, quos ille senatores appellat, plebeij fuerint. quod ne illum quidem latere existimo. Quid quod Pausanias, ut ante ostendi, Romanos minimum tribus, plerunque pluribus nominibus esse usos tradidit? Mihi quidem hæc eiusmodi præceptio non satis in uniuersum probari, nisi exceptione, aut interpretatione aliqua illustretur, potest.

De nominibus

De patricijs familijs, & plebeijs, nobilibus, & nouis.

Haecenus de gentium, & familiarum Romanarum origine. nunc de familiarum conditione dicamus: quas, si genus spectabimus, alias patricias, alias plebeias, si honores, partim nobiles, partim nouas esse constituemus. de quibus omnibus sigillatim mihi uidetur esse dicendum, ut haec tota de nominibus Romanis suscepta disputatio perficiatur. ac primum de patricijs, & plebeijs.

Romulum scribit Dionysius urbe condita totum populum in duas partes distribuisse, unam eorum, qui inter ceteros aut genere, aut uirtute, aut diuitijs excellebant, alteram eorum, qui his omnibus rebus inferiores erant; atque illos quidem patres, hos uero plebeios nominasse: patres autem uel ab ætate quasi senes, unde senatores, uel quod filios, uel quod patres haberent, plebeij non haberent, uel denique Atheniensium exemplo, qui summo loco natos ἀπατρίδας, obscuro, ἀγροίκους uocarunt, appellasse. ut autem patricijs sacra, iudicia, magistratus, senatum, & totius reip. administrationem commisisse, sic plebeios his omnibus muneribus uacuos quæstuosis artibus operam dare uoluisset. Itaque in hanc sententiam apud Liuium lib. x, P. Decius plebeius apud patres loquutus est ita: Semper ista audita sunt eadem, penes uos auspicia esse, uos solos gentem habere, uos solos iustum imperium domi, militiæq;. & lib. vi, Ap. Claudius patricius, sic: Penes quos sunt auspicia more maiorum? nempe penes patres. nam plebeius quidem magistratus nullus auspicato creatur. nobis adeo propria sunt auspicia, ut non solum quos populus creat patricios magistratus aliter quam auspicato creet, sed nos quoque ipsi sine suffragio populi auspicato interregem prodamus, & priuatim auspicia habeamus, quæ isti ne in magistratibus quidem habent. Quid igitur aliud, quam tollit ex ciuitate auspicia, qui plebeios consules creando, à patribus, qui soli ea habere possunt, aufert? & lib. quarto, Liuius: Interroganti tribuno, cur plebeium consulem fieri non oporteret, respondit, quod nemo plebeius auspicia haberet. ideoq; decemuiros connubium diremisse, ne incerta prole auspicia turbarentur. plebs ad id maxime indignatione exarsit, quod auspicari tanquam inuisi Dijs immortalibus negarentur posse. & alibi: Connubia communicata sunt, quibus sacra confusa sunt, & auspicia. Atque hac eadem etiam ratione adductus Scæuola in Topicis apud Cic. gentiles definit, qui inter se eodem nomine sunt, & qui ab ingenuis oriundi sunt, quorum nemo seruitutem seruiuit, nec capite diminutus est. Hæc autem definitio apte in patricios Romuli cadit, de quibus P. Decius sic apud Liuium loquitur: En Romæ unquam sando audistis, patricios primum esse factos, non de cælo demissos, sed qui patrem ciere possent, id est nihil ultra, quam ingenuos? & Ap. Claudius: An hoc, si Claudia familia non sim, nec ex patricio sanguine ortus, sed unus Quiricius quilibet, qui modo me duobus ingenuis ortum, & uiuere in libera ciuitate sciam, reticere possim? Quibus ex rebus intelligi potest, gentem primum de patricijs dictam, quod soli ipsi eam haberent, unde etiam maiorum, & minorum gentium patricij dicti sunt, post ad plebeios etiam esse translata, qui duobus, ut patricij, essent ingenuis orti. qui iidem postea non solum gentem adepti sunt, sed procedente tempore patricios magistratus omnes, sacerdotia, auspicia, ordines, imperia, & triumphos sunt assequuti. Est præterea intelligendum, qui ciuitate Romana donabatur, cum plebeium fuisse, patricium autem neminem, nisi nominatim uel à regibus, uel à populo, uel denique ab Imperatore factus esset, fuisse. De Romulo Dionysius ita lib. i: πατρικίους ἐποίησε, καὶ κατέλεξε εἰς τὸν τῶν βουλευτῶν ἄριστόν. Albanas porro familias Iuliam, Geganiam, Metiliam, Quinctiliam à Tullo Hostilio in patricias esse translatas Liuius, & Dionysius auctores sunt; Octauiam à Ser. Tullio, Suetonius. Post Reges autem exactos Ap. Claudium à populo patricium factum, Dionysius lib. v, his uerbis: καὶ ὁ δ᾽ ἄμμος εἰς τοὺς πατρικίους αὐτὸν ἐγάγε· & Liuius lib. quarto, in oratione Canuleij trib. pl: Quid? hoc si polluit nobilitatem istam uestram, quam plerique oriundi ex Albanis, & Sabinis non genere, nec sanguine, sed cooptatione in patres habetis, aut à regibus lecti, aut post reges exactos, iussu populi &c. De Cæsare autem ita Suetonius: Senatum suppleuit, patricios allegit. quod interpretatur Dio, ita: εἰς τὴν γερονσίαν ἐσέγαγεν, καὶ εἰς τοὺς ἀπατρίδας ἐγκατέλεξε. De Augusto item Suetonius: Senatum legit, patriciorum numerum expleuit. quod Dio ita expresse: ἑτέρους δὲ τινὰς βουλευτῶν ἐποίησε, τότε τῶν ἐπατρίδων γένος συνῆλθον. De Claudio Tacitus lib. xi: In numerum patriciorum uetustissimum quenque è senatu asciuit, paucis iam reliquis familiarum, quas Romulus maiorum, & L. Brutus minorum gentium appellauerunt, exhaustis etiam quas Dictator Cæsar, lege Calsia, & princeps Augustus lege Senia sublegere. Fuisse enim hanc patriciorum dissimilitudinem, quod alij maiorum, alij minorum gentium essent, Liuius, & ceteri auctores sunt; quanquam non eodem modo omnes. Liuius enim quos Romulus primum legit, eos maiorum gentium, quos Tarquinius Priscus, minorum, quos liberata ciuitate L. Brutus, patres conscriptos appellat. quos ipsos Tacitus mino-

rum

rum gentium uocat. Hinc Cicero ad Papirium, aliquot patricios Papirios, quanquam minorum gentium, nominat. an uero minorum gentium omnes præter eos, quos Romulus primum fecerat, dicerentur, facile uocari in questionem possit. Cur autem unius gentis, ac nominis familia altera patricia, altera plebeia fuerit, quales pleraque fuisse reperimus, nemo adhuc tradidit, nos caussas has potissimum reddi posse putamus: unam quod non ab eodem ambæ fonte fluere, ut si quis familiam M. Tullij Longi, qui patricius anno post reges exactos decimo consul cum Ser. Sulpicio fuit, quæ à Ser. Tullio rege duceretur, diuersam esse à M. Tullij Ciceronis oratoris familia dixerit, qui plebeius fuit, quam à Tullo Attio Volsorum rege, qui multo post Ser. Tullium regem uixit, mansisse, quibusdam, auctore Plutarcho, placuit: alteram quod ex patricia aliqua gente alij ad plebem se contulerint, alij in patriciatu remanserint: ex plebeia uero alij à plebe ad patres transierint, alij non transierint; si quidem scribit Suetonius gentem Octauiam in patricias transductam procedente tempore ad plebem se contulisse, ac rursus per diuum Iulium in patriciatum rediisse. & Cicero in Bruto: transitiones, inquit, à plebe sunt cum homines humiliores in alienum eiusdem nominis infunduntur genus, ut si ego me a M. Tullio esse dicerem, qui patricius cum Ser. Sulpicio consul fuit. L. etiam Minutium Augurinum patricium ad plebem transiisse, & tribunum plebis undecimum factum esse tradit Plinius. tertiam, ab adoptione, ut cum plebeius à patricio, aut contra patricius à plebeio adoptaretur. necesse enim erat cum conditionem sequi adoptantis. ita M. Brutus plebeius à Q. Cæpione patricio adoptatus, & Q. Cæpio Brutus dictus, & P. Scipio patricius à Q. Metello plebeio adoptatus, & Q. Metellus Scipio dictus, patriciam Brutorum, & plebeiam Scipionum familiam reddiderunt. Quartam à libertate. liberti enim assequuntur illi quidem nomen domini gentilicium, at conditionem, si patricius sit, non assequuntur. Unde Horatius Flaccus plebeius, cum & Horatij patricij sint. quanquam nec qui adoptione, nec qui manumissione in alienam gentem migrabant, gentiles cum ijs fuisse ex Sequo læ definitione uidentur, uel a quibus, uel ad quos transibant: illi quod capite diminuti essent, hi quod seruitutem seruissent, ut in Topicis exponit Boetius. Quintam, a ciuitate. nam qui ciuitatem beneficio alicuius patricij impetrabant, ij nomen eius tantum acipiscebantur, in plebe autem remanebant; & si quæ aliæ sunt eiusmodi. Hæc de patricijs & plebeijs. Nobiles autem primum patricij dicti sunt, quippe quibus primum honores ij, ex quibus nobilitas comparatur, in rep. patuerunt: post autem plebeij etiam, ubi primum ad curules honores peruenerunt, nobiles dici cœpti sunt. neque enim ex genere nobilitas, sed ex imaginibus parabatur. siquidem ij nobiles dicti, qui maiorum suorum imagines haberent. imaginem autem sui ponere, ac posteris tradere non poterant, nisi qui curulem magistratum gessissent, quorum post aliquot tempora primus esse cœpit adilitas curulis, qui magistratus ante patricijs patuit, quam plebeijs. est autem imago, ut ait Polybius lib. v, simulachrum oris similitudinem affabre, miroq; artificio effictam, coloribus, pigmentisq; adumbratam referens, quam in insigniori, & celebriori domus parte collocabant. de iure autem ponendarum imaginum sic Cicero in Verrem: Ego me ob edilitatem mihi delatam adeptum esse intelligo antiquiorem in senatu sententiæ dicendæ locum, togam prætextam, sellam curulem, ius imaginis ad memoriam, posteritatemq; prodendam. sic enim legit Nonius. & contra Rullum: Est hoc in more positum, Quirites, ut ij qui beneficio uestro imagines familiæ suæ consequuti sunt, eam primam habeant concionem, qua gratiam beneficij uestri cum suorum laude coniungant. Est autem, consequi imagines familiæ, magistratus curules à maioribus suis item gestos capere. Noui autem dicti sunt, qui nulla maiorum commendatione, ipsi primi ad magistratus curules peruenerunt. quod intellexit etiam Plutarchus, cum in Catone maiore ita scripsit. αἰδοτάων δὲ τῶν ἑαυτῶν τοὺς ἀπὸ γένους δόξαν οὐκ ἔχοντας, ἀρχομένους δὲ γυναιζέσθαι δι' αὐτῶν, καὶ τοὺς πρῶτα γόρδυν ἀνθρώπων, ὥς περ καὶ τὸν κάτωνα πρῶτα γόρδυν. & App. lib. 11. καλοῦσι δὲ καὶ τοὺς ἀφ' ἑαυτῶν, ἀλλ' οὐ τῶν προγόνων γυναικίμους. Itaque Cicero in Rullum ait: Me hominum nouum consulem fecistis. Item: Mihi apud uos de meis maioribus dicendi facultas non datur, non quod non tales fuerint, quales nos illorum sanguine creatos, disciplinisq; institutos uidetis, sed quod laude populari, atque honoris uestri luce caruerunt. Item: Quemadmodum cum petebam nulli me uobis auctores generis mei commendarunt, sic, si quid deliquero, nullæ sunt imagines, quæ me à uobis deprecantur. & in Pisone: Obreplisti ad honores commendatione fumosarum imaginum. & Liuius lib. 1: Ancus Marcius nobilis una imagine Numæ. & lib. 111. Ap. Claudium, uirum honoratissimæ imaginis futurum ad posteros, legumlatorem, conditoremq; Romani iuris. & Suetonius in Vespasiano: Flauia gens obscura illa quidem, ac sine ullis maiorum imaginibus, sed reip. non pœnitenda. & Pædianus in orationem in toga candida: Cicero competitores quatuor plebeios habuit, ex quibus duo nobiles, duo qui tantum non primi ex familijs suis magistratum adepti erant. & Liuius lib. xxi: Nec finem ante belli habituros, quàm

De nominibus

consulem uere plebcium, idest hominem nouum fecissent, nam plebeios nobiles iam iisdem initiatos esse sacris, & contemnere plebem, ex quo contemni desierint à partibus. & Plin. lib. xxxv, cap. 11: Extat Messallæ oratoris indignatio, qua prohibuit inferi genti suæ Læuinorum alienam imaginem. similis caussa Messallæ seni expressit uolumina illa, quæ de familijs condidit, cum Scipionis Africani transisset atrium, uidissetq; adoptione testamentaria Salutionis (hoc enim ei fuerat cognomen) Africanorum dedecore notam irrepentem Scipionum nomini.

De alia nominandi ratione.

Hæc igitur omnia cum illi haberent quasi instrumenta quædam nominandi, prænomen, nomen, atq; cognomina; non his tamen contenti alia etiam ad singulos significandos, exempli causa patris, aut aui prænomen, tribusq; nomen adhibuerunt. Quod eum ex uetustis illorum monumentis, tum maxime ex Pædiano cognoscitur, qui in 11. in Verrem sic ait: Moris fuit, eum aliquis ciuis Rom. ostendendus esset, significaretur aut à prænomine suo, aut à nomine, aut à cognatione, aut à cognomine, aut à tribu, in qua censeretur, aut à curia, aut à censu; ut, si esset senator, equesue Romanus. Quod autem à cognatione significatos esse scribit, à patris, uel aui, uel proaui prænomine, puto intelligi eum uoluisse. Nam quod à patris prænomine nominandi consuetudo fuerit, pleni sunt omnes libri: ut Q. Cæcilius L. F. à patris autem, & aui, Capitolina marmora satis ostendunt. à proaui uero, epigramma, quod est in libro Vet. Inscriptionum eiusmodi.

L. MYNATIVS L. F. L. N. L. PRON. PLANCVS. COS. CENS. IMP. ITER.
VII. VIR EPVL. TRIUMPH. EX RHETIS.

AED. SATVRNI F. DE MANVBIS.

AGROS DIVISIT IN ITALIA BENEVENTI.

IN GALLIA COLONIAS DEDVXIT LVGDVNVM, ET RAVRICAM.

Inuenio etiam significatos esse à cognomine patris multos, ut Q. Fabius Maximi filius, T. Quintius Capitolini filius. & in adoptiuis, ut Metellus Nasica F. & in uetere lapide Romæ.

P. CORNELIVS PAVLLI F. SCIPIO

AEMILIANVS COS. II. CENSOR.

AUGVR TRIUMPHAVIT.

& in numis aliquot argenteis apud clarissimum uirum Andream Lauredanum.

A. POSTVMIVS COS.

BRVTI F. ALBINVS.

Porro autem quod à tribu ait, id tale est. cum tribus omnes Romæ xxxv numerarentur, atque ex ijs aliquam necesse esset, cuiusque ordinis esset, ciuis Romanus obtineret, ideo factum est, ut à tribu, in qua censeretur, significaretur, tribus autem nomen in auferendi casu poneretur. Ita legimus in 11 Verr: C. Verres Romilia. & alibi: L. Claudius Palatina. & in 1x Philip: Ser. Sulpicius Q. F. Lemonia Rufus. Nam Romilia, Palatina, & Lemonia tribuum nomina sunt. Tribus autem ipsa prioribus fere tantum literis significabatur. Quod uidemus adhuc in epistola Cælij esse retentum, hoc modo: C. Luceius C. F. Pup. Hirrus. C. Scribonius C. F. Pop. Curio. idest Pupinia, & Popilia. Quo in loco multa in hanc rem à Paulo Manutio diligentissime, atque ingeniosissime sunt collecta.

*Quæ de nominibus Romanorum tradita sunt, ea
stante rep. obseruata esse intelligi.*

Hæc habui, quæ de nominibus Romanorum dicerem, quæ certa ueterum auctoritate confirmarentur, quorum uestigijs insistentem haud difficile unumquemque ea, quæ à me prætermissa sunt, indagaturum esse opinor. Est igitur intelligendum, hanc, de quo diximus, nominum rationem, stante potissimum rep. conseruatam esse; post autem cum libertate hanc etiam religiosam descriptionem labi ex omni parte cœpisse. siquidem aliquot, quæ ante cognomina fuerant, pro prænominibus cœpta sunt usurpari. Nam Iulum Antonium Africanum, Paullum Fabium Maximum, Potitum Valerium Volusum, Cossium Cornelium Lentulum sanc animaduertere licet imperante Augusto ijs prænominibus esse præditos, quæ ante cognomina fuerant. quod ipsum Valerius quoque, & Priscianus docuerunt.

FINIS.

ERRATA, ET PRAETERMISSA ITA CORRIGENDA AC SUPPLENDA.

IN FASTIS.

3 a	A Conleg. Subrog.	A Conleg. Subrog.
	Sp. Lucretius.	Sp. Lucretius.
3 b	T. Lartius Flavius Dict. Primus Sedit. Sedandae, Et Rei Gerendae Causa. P. Seruilius. CCXC. L. Lucretius.	Gerendae Causa. L. F. VI. CCXC. P. Seruilius. L. Lucretius.
5 a	Ouan = de Aequeis.	Ouans de Aequeis.
6 b	Laenat.	Laenas.
9 a	De Sallentineis. An. CDXXXCV.	CDXXXCV.
20 a	C. Flaminius C. F. L. N. III.	II.
20 b	Verrucosus.	Verrucosus.
21 a	{ M. Claudius. M. Porcius.	M. Claudius. M. Porcius.
22 b	Cens. L. Calpurnius Piso Frugi. Q. Caecilius. Q. F. Q. N. Metell. Balearic.	Balearic. L. F. LXI.
23 a	Cn. Papirius Cn. F. Cn. N. Carbo.	Cn. F. C. N.
23 b	L. Gellius L. F. L. F. LXVI.	LXVII.
23 b	Cens. L. F. LXVII.	LXVIII.
25 b	Q. Sulpicius.	Q. Sulpicius.

IN EPISTOLA.

quod, cum ad hæc te scriberem

quod, cum hæc ad te scriberem

IN COMMENTARIO.

6 a	an. DXXX.	an. DXXXI.
7 b	ibi exercitum omnem.	exercitum omnem.
21 a	DE AN. CCLVI.	DE COS. AN. CCLVI.
23 a	Tulli Accij.	Tulli Atij
23 b	manuscriptis	manuscriptis
24 b	peruenire non poterimus.	peruenire non poterimus. Hoc autem ita esse ostendit Valerius lib. III. cum Ser. Tullio contigisse ait, ut quater lu- strum conderet, ter triumpharet.
27 a	MONTANCA = Hoc	MONTANCAE. mendose forte pro MON- TANCAE. idest Montanus Capitoli- nus. Hoc
26 b	cognominibus afficitur Poplicolæ Potiti. De Q. Seruilio	cognominibus afficitur Publicolæ Po- titi, in v i tribunatu Capitolino L. F. L. N. scribitur. De Q. Seruilio.
27 b	Idem scribit Eutropius.	Hoc Liuius. Idem scribit Eutropius.
33 a	feriarum constituendarum dictator	constituendarum causa dictator
36 a	à Q. Publilio cos. illatum est.	bellum à Q. Publilio cos. illatum est.
36 a	sed in alijs tum annalibus.	sed in alijs tamen annalibus.
36 a	De triumpho Q. Publilij primi pro cos.	pro cos. de Palæpolitaneis.
40 b	annum interijciendum esse censemus duabus de causis.	tribus de causis.
45 a	Valerius Læuinus, inquit, aduersus Pyrrhum.	Valerius Læuinus aduersus Pyrrhum.
49 b	pleraq; Carthaginensium urbes.	pleraque
49 b	tanquam artem aduersus Romanos	arcem
50 a	Ita Pœni maritimæ classis terrore	maritimas
58 b	EVO	AEVO
69 b	De triumpho M. Acilij Glabronis cos.	pro cos.
70 a	L. autem Cornelius Scipio.	antehæc uerba librarius per incuriam paginulam prætermisit. sic autem resti- tuendum est.


Cum censuram multi, & clari uiri peterent, T. Quinctius Flamininus, P. Cornelius Cn. F. Scipio, L. Valerius Flaccus, M. Porcius Cato, M. Claudius Marcellus, M. Acilius Glabrio, T. Quinctius, M. Marcellus creati. Marcellus forte superato Quinctio lustrum condidit. conditum est autem anno sequenti. senatū perlegerūt. princeps in senatu lectus tertium P. Scipio Africanus. Hæc Liuius. T. Quinctij censoris ante M. Catonē censorē meminit Cic. in lib. de senectū. eundem cum M. Marcello M. Marcelli quinquies consulis filio censorem fuisse scribit Plutarchus.

De triumphis L. Aemilij Regilli pr. & L. Scipionis pro cos. de rege
Antiocho Q. Fabij Labconis pr. ex Creta.

Hoc anno tres triumphos actos inuenio, duos de Antiocho rege, tertium ex Creta insula, quorum nauales duo fuerunt, L. Aemilij Regilli pr. de Antiocho, & Q. Fabij Labconis pr. ex Creta. tertius à L. Scipione Asiatico actus est de Antiocho rege ex Asia. de quibus fere ita Liuius. L. Aemilius Regillus pr. anno priore classem fortitus aduersus Antiochum profectus inter Ephesum, Samum, Chiumq; cum præfectis regis congressus, classem eius uicit, fudit, contudit, fugauitq; ac naues longas cum omnibus socijs cepit sexaginta duas. Ei uero hoc anno extra urbem in æde Apollinis cum senatus datus esset, auditis rebus gestis eius, quantis cum classibus hostium dimicasset, & quot inde naues demersisset, aut cepisset, magno consensu patrum triumphus decretus est. triumphauit K. Februarijs. Eadem de uictoria sic scriptum est in libro de uiris illustribus in Antiocho. atque etiam Florus ut Antiochum Xerxi comparat, sic Aemiliū Alcibiadi. Idem est apud Appianum in Syria. L. autem Cornelius Scipio &c.

74 a	DE COS. AN. DXXCVI.	DXXCV.
	DE COS. AN. DXXCVII.	DXXCVI.
76 b	Marcellum.	Marcellum.
77 a	Theatrum faciendum locauerunt.	locauerant.
78 b	De bello secundo Punico.	De bello tertio Punico.
96 b	tradit M. arcellinus,	tradit. Marcellinus.
99 a	Tacitus de moribus.	Tacitus in lib. de moribus.
99 b	triumpro M. Minucij	triumpho
105 a	Quod eo admonui	Quod eo admonui
107 b	hunc, ne quod animo agitabat exequeretur.	hic, ne quod animo
108 b	De triumpho Cn. Pompeij Strabonis.	Strabonis cos.
111 b	concione audocata	aduocata
117 a	fortissimum uirum iterum consulem fuisse.	fortissimum uirum consulem fuisse
117 b	collegam P. Crassi anno DCLVI.	Crassi cos. anno DCLVI.
121 a	offensiuicula accepta, in ædilitate cōsulē factum	offensiuicula accepta in ædilitate cōsulē
121 a	designari cos.	designati cos. (factū.
122 b	quod alias etiam fecit, ut cum duo.	facit.
124 b	prætura gessit, ex præturam	præturam gessit, ex prætura
125 a	à C. Cæsare	à C. Cæsare
126 a	cum Ariouisto, quia in Galliam descenderat	qui in Galliam
127 a	Ptolemæus autem Aegypti regem.	Ptolemæum
127 b	petendos ponte in flumen factō	petendos. Ita ponte in flumen factō
129 b	ut legem promulgaret.	promulgarent.
134 a	ut Cæsaris, Scipionis, Afranij	ut Catonis, Scipionis, Afranij
134 b	Varo à Dio ad Crantiam	Varo à Didio ad Crantiam
136 b	Hirtius Panfa consul ad bellum profectus	Hirtius consul ad bellum profectus.
138 a	cum Cæsare III consul consul fuerant.	fuerat
142 a	hunc annum ab eo gestum.	annuum
142 a	per fecialem indixerint.	indixerit.
142 b	tribunicio iure contentum.	contentus
142 b	hunc consulatum annum à Cæsare gestum.	annuum à Cæsare gestum
143 a	in Italia decedens urbem	Italiam
143 b	inter consulares rettulit C. Cluuium.	rettulisse.
143 b	Bastarnis, qui Denthelethas uexauerant, uictis.	uexauerant, pulsus.
146 a	cum alteris uis censoris.	alteri.







PART 82-B
FOLIO 3178-2
Bound
with
85-B
27017

WHR

